

18862



25
26

B. P.
R. Sum.


D. Danno de Po à Valderrama. Mediano
mismo año regalos

B. P.

Año 1751

Año 1751

M



F R I D E R I C I
H O F F M A N N I
M E D I C I N Æ
R A T I O N A L I S
S Y S T E M A T I C Æ
T O M U S Q U A R T U S ,

Q U O S P E C I A L I S M O R B O R U M P A T H O L O G I A
& huic superstructa solida Therapia cum medendi methodo,
cautelis Clinicis, & morborum enarrationibus adjuncta
Epicrifi exhibentur.

P A R S P R I M A

D O C T R I N A M D E O M N I S G E N E R I S F E B R I B U S
tam intermittentibus, quam continuis & acutis inflammatoriis
perspicua & demonstrativa metkodo tradens.



V E N E T I I S . M D C C X L V .
Ex TYPOGRAPHIA BALLEONIANA.
S U P E R I O R U M P E R M I S S U , A C P R I V I L E G I O .

JUVENI EGREGIO
FRIDERICO HOFFMANNO

CANDIDATO ARTIS MEDICÆ DOCTISSIMO

*Strenuo & solerti rerum Physicarum Mathematicarum
& Medicarum cultori,*

FILIO SUO DILECTISSIMO,

NEC NON

OMNIBUS DISCIPLINÆ SUÆ ALUMNIS

DOCTIS ET SEDULIS

*Utilissimum hunc Librum dicat & plurimum
commendat*

A U C T O R .

PRÆFATIO.

Tandem prodit in lucem promissus diu expectatus quartus Medicina rationalis systematicæ tomus, qui morborum pathologicam & practicam specialem disquisitionem, cum cautelis & observationibus clinicis, nec non morborum curationumque historiis complectitur, & quidem prima ipsius pars, de omni generis febribus. Multa quidem scripti, & plura edidi, ex quo per iriginta & septem fere annos Professoris munere hac in Academia functus sum; sed a primo statim tempore firmum cepi propositum, maturæ tandem ætati reservare Medicinae systema, non quod nutanti hypothesis sustentaculo, sed veritatibus inter se connexis & methodo demonstrativa propositus, niteretur, ad artem nostram; multis, in pathologici presertim & medendi methodo, laborantem imperfectionibus, perficiendum & certam ipsius rationem adstruendam. Ante decem igitur annos evulgavi primum hujus operis systematici to-
mum, qui philosophiam corporis humani vivi & sani, & doctrinam sanita-
tem tuendi vitamque conservandi tractat, ac haud ita pridem auctior & emen-
datione recusus est. Successit dein secundus tomus, quo philosophiam corporis
humani agrotantis tradidi, & variis generis causas, quibus functiones in cor-
pore varie leduntur, congruo ordine, accurate & copiose exposui, ut Medicus
rerum insalabrum, que morbis ingenerandis velificantur, cognitionem habe-
ret exquisitam. Novissime in tertio tomo id egi, ut viam sternerem, ad recte
ac penitus percipiendam, & pathologiam, & therapiam. Hinc docui, quo
pacllo morborum historia colligendæ, morbi dignoscendi, & perite de iis judi-
candum, genuinam medendi methodum, ex naturæ legibus, arti imitandis
& exsequendis, monstravi, & redactis in generales quatuor classes remediis
cunctis, longo usu probata selegi, eorumque physico-mechanicum in corpus ope-
randi & dextre applicandi modum, candide exposui. Restituit itaque adhuc
quartus tomus, specialissimam morborum etiologiam & therapiam, pro tot
individuum & causarum morbificarum varietate, exhibitus, cuius nunc
primam partem, febrium doctrinam habentem, eruditorum & saniorum Me-
dicorum judicio publice expono, in non paenitendum, uti spero, usum eorum,
qui in arris operibus versantur. Neque vero me ponet, editionem practici
hujus operis diu distulisse, & ad hoc usque tempus, quo longa & sufficienti
experientia instructus, certa ubique cum ratione id elaborare possum. Ego enim
non sine animi indignatione & egritudine vidi, quam temere ludante de ho-
minum corio medentum imperiti, & quot quantaque dannæ inconsulta medici-
na inferant. Tadet etiam pro�us multorum, immo plurimorum praticorum
librorum, qui immaturo adhuc judicio, & insufficiente, aut plane nulla ex-
perientia, ex aliis compilati conscribuntur, erroribus decumanis reserti, qui
sic cum magno agrotantium detrimendo in vulgus emanant. Ad condendum ve-
ro practicum systema, quod firmis & demonstrativis principiis nitatur, ante
omnia amplissimo observationum praticarum apparatu opus esse, quisque ju-
dicio pollens intelliget facile. Vera enim pathologia, que generationem morbo-
rum ex concurrentibus variis causis, genuinum est therapie certe, in curandis
& arcendis morbos afflictionibus occupatæ, fundamentum ac basis. Sanare
quoque nihil aliud est, quam causas morborum proximas eorumque effectus tol-
tere, & præservare a morbis idem, ac primas morborum origines earumque an-
tecedentes causas, avertere, vel per congyria remedia removere. Ideo neces-
sarium

P R A E F A T I O.

sarium quam maxime est, ut cause nocentes morbificæ, que innumerabiles, & mirum natura ac operatione differunt, sufficienter & penitus cognoscantur, ut deinceps, remediorum, causis morborum seu contraria opponendorum, que innumera pariter sunt & natura ac efficacia, pro corporis dispositione, admodum diversa, vires & facultates indagentur, & intime perspiciantur. Ad obtinendam autem hanc cognitionem, via datur alia nulla, quam per numerosa observata clinica, cum cura notata in tot individuis, ratione atatis, sexus, nativitatis, hereditaria dispositionis, consuetudinis, vietis & vita generis, sensibilitatis, valetudinis perpetua, differentibus, & quod maximum in morbis non tantum simplicibus & solitariis, verum etiam, qui frequentissimi, complicatis. In ipsa curatione id utique certum, nec ullum morbum curari posse eadem methodo in genere, sed quemvis, propter differentem causarum & individuorum indolem, curandi rationem poscere diversam, individuali scilicet & specialissimam. Quæ quum firmum requirat judicium, quo observationis & expensis curate circumstantiis singulis, quid de morbo sentiendum, quomodo curatio instituenda, quibus auxiliis utendum, & quo ordine ac dose hec adhibenda, omnino necessarium est, ut ex numero pluribus observationibus addiscatur hec & colligatur. Interim sole observationes, etiam cautissime scriptæ, neutiquam sufficiunt, ad evitandos tam in iudicando, quam usū remediiorum errores, sed clavis opus est, qua rerum in historiis obviarum facti causas eritare, detegere, aperire, clare demonstrare, tandemque ex observationis particularibus plurimis, axiomata universalia, magna ad pathologiae & therapiæ incrementa utilitatis, elicere possimus. Jam hæc clavis nihil aliud est, quam illa rerum medicarum scientia, que de promta est ex principiis in sensum & conceptum cadentibus, anatomicis nempe & physico-mechanicis, ita ut illorum ope ea, que ad corporis humani ejusque partium intimam strucram & ex hac dependentes singularium functiones pertinent, & horum beneficio, indoles & facultates rerum corporearum, que non pro arbitrio, sed ex necessitate a summo creatore indita immutabili, in corpus agunt, ac unice vitam, sanitatem, mortem & morbos, horumque & præservationem, & curationem, dispensant, cognoscantur. Præ omnibus tamen opus est deducta ex his principiis pathologia vera, qua si quis destituitur, nihil solidi, nihil recti, de medicamentorum viribus, an in hoc vel illo morbo & individuo, salubria sint, vel insalubria, judicare valet. Quam manca autem & biulca sit, quamque infirmis fundamentis nitatur, & veterum, & recentiorum plurimorum pathologia, nemo qui penitus eandem sine præjudicio expendit, inficias ire poterit, sed dicere illud & palam scribere, tam odiosum est, quam veritatem elogi. Ita tamen omnino est. Et ne gravius aut ex affectu forsan scriptum videatur, exemplo sint definitiones, uisvis obvias. Veras has & reales, genuinum ac firmum esse principium, ex quo conclusiones & demonstrationes de essentia, eausis & differentiis definiti formanda, accuratores Philosophi profitentur & afferunt omnes. Quæ autem in medica disciplina passim circumseruntur, de arte in primis medica, de vita, sanitate, morbis, morte, de febre, inflammatione, morbo spasmatico hypochondriaco definitiones, ita sunt comparatae, ut vix illa sit, in qua non multum desiderari queat. Quin, quum in physiologicis cerebri & systematis nervosi functio & usus pensi habetur, & a plurimis tantum non ignoretur; ulro innotescit, morbos ex horum virtute etiam ignorari, & multilam præterea admodum esse, non modo morborum, sed & symptomatum atiologiam. De therapiæ porro, nostro tempore receptæ, imperfectione testimonio est indubio illa propria inter Medicos vigens dissensio de remediorum viribus & usu. Lacerantur hac passim maxi-

P R E F A T I O.

mae virtutis auxilia , venæsectio , fonticuli , vesicatoria , purgantia , emetica ,
martialia , adstringentia , in primis china cortex , camphorata , volatilia , opia
Et mercurialia , quæ nonnulli in totum , nonnulli sub certa tantum conditione re-
jiciunt , alii viciſſim mire laudant ac concelebrant . Luculentius hanc in thera-
peuticis ignorantiam prodit ingens illa remediorum ſupelleſt atque farrago , ſim-
pliſium Et compoſitorum , Galenorum Et Chymicorum , quam tamen plurimi
neceſſariam judican ad oppugnandos tam multos Et varijs morbos . Alii contra
univerſalia tantum crepant , Et pauciflma numero in uſum vocanda eſſe , con-
tendunt . Ab utraque vero parte diætatica Et quaſi domeſtica , illa maximarum
in chronicis morbis virium prieſtia , quibus Veteres , Chymia Et Pharmacie
ignari , graviflmos morbos debellarunt , aqua nimirum , vel pura fontana , vel
mineralis , lac , ſerum lactis , ptisanæ , decocta Et infuſa ſpecierum vegetabi-
lium , balnea , frictions , abſtentia quoque Et inedia , vel plane ignoran-
tur , vel minimum negliguntur , neque ex merito aſtimantur . Sed ſic obvios ne-
vos atque defectus Medicinae , uti hodie fere eſt , tetigisse ſufficiat , Et iterum in-
culcaſſe , quæ ſatis inculcari poſſunt nunquam . Jam quo pacto lapsus hi vitandi ,
Et quam ego ob id hoc in opere ſervaverim tractationis rationem , oſtendam . Sa-
ne quum vita Et sanitas res ſit adeo pretiosa Et inæſtimabilis , princeps Et pre-
cipua omnino eſto cura , ne quippiam admittatur , quod eandem ullo modo labo-
rabitare , multo minus deſtruere , queat . Eo potius ſummo enitendum eſt ſtudio ,
ut morbi Et prämatuра mors arceantur . In hoc enim präcipuum medentiſ poſi-
tum eſt officium , tum quod magis in ipſius poſtate ſitum , tum quod ex centum
vix unus eam attingit etatem , ut ex ſcientia rerum ſalubrium Et inſalubrium ,
præſentem morbum depellere tuto Et certo norit . Ut itaque officio ſuo recte ſati-
ſificat artifex , per remedia , quæ ipſius manus Et iſtrumenta , nihil plane age-
re debet ex opinione , quæ ſecundum Hippocratem de decent.orn.in crimen veri
ti debet eam adhibentibus , ſed ſimplex ſectanda veritas , cuius genuinus chara-
cter , ſi ex indubio Et inconcuſſa veritatis principiis apta connexione ita poſt
deduci Et demonstrari , ut animum convincat , nec dubitatio amplius ſuperfiſit .
Urit hanc demonstrationem ſerio jam primus artis conditor , Hippocrates , paſ-
ſim . Sic enim graphicē ſcribit epift. XXVII. ad Athen. oportet non ſolum di-
cere , ſed etiam demonſtrare , quod verum eſt in Medicina . Idem lib.de art.
pag.9. vult , ut morborum tam maniſtatorum , quam obſcurorum , certa Et inſal-
ubiles medeleſint . Et lib. de loc.in hom.pag.398. contians , ait , & firma eſt
tota Medicina Et doctriṇa optime in ea compoſita , minime fortuito caſu ege-
re videntur . Atque etiam ego existimo , medicam disciplinam ad demonſtra-
tiones confiendas omnium eſſe ap̄tiſſimam . Magnus enim eſt numerus caſuarum
naturalium , non naturalium Et p̄naturalium , quæ concurrere debent ad
proximam caſam , a qua functiones ladeuntur immediate Et morbus fit . Quo ve-
ro major rerum vel caſuarum ſeries Et ordo , eo pulciores , pleniores Et perfe-
ctiores confiuntur demonſtrationes . Jam , uti ſupra dictum , ſecundum optimos demonſtrandi maſtros , definitiones reales ſunt illud pincipium Et funda-
mentum , ex quo conſluſione firma argumentatione deducenda , Et in quod ve-
ritates ſingula tandem reſolvuntur . Quare in adoranda hac morborum perveſti-
gatione , hanc mihi praefixa methodum , ut primo loco veram morbi definitionem
collocarem , per quam ipſe morbus ejusque caſa cognosci , Et ab aliis ratione ſue
eſſentia dignosci poſſit . Dein ſubjunxi ſtatim generalē morbi historiam , com-
pletam cum omnijs neceſſariis circumſtantias , de promptam partim ex propria ,
partim aliorum peritiſſimorum Medicorum experientia , cumque in finem magno
cum fructu uſus ſum ex antiquissimis Hippocratis & Aretæi , neque minus Celi ,
Cœli Aurelianii & Tralliani ſcriptis , qui accuratiuſ recentioribus morborum
confi-

P R A E F A T I O.

conſignarunt historias, e quibus ob id eximiora loca paſſim inſervi. Enarrata
 historia, in proximam & ad equatam cuiusvis morbi cauſam, que ſympotoma-
 tum genitrix, inquisivi, & ſimplici ſimil ac facili methodo cum hac connexi
 cauſas antecedentes remotas, item naturales & preternaturales, oſtendendo apte
 & intelligenter, qua ratione hec ad primam in effectum traducendam conſpi-
 rent. Tum exposui ſigna, e quibus de morbi eventu judicandum perite, ac, ut
 ſedes morbi & mortis cauſa innotesceret, addidi demum, que in cadaveribus
 defunctorum reperiantur. Sic tradita morbi theoria, acceſſit ſtatiu ad medica-
 tionem & curatorias indicationes, que perperam plerumque ſcorſim tractantur.
 Curatio enim & medendi methodus opponi debent cauſis, ideoque etiam proxime
 cum iis connecti, quo eo melius in oculos incurram & animo infigantur. Prifta
 hec fuit Hippocratis ſententia, quam lib. de flat. pag. 400. ſic prodiit: si quis
 cauſas corporis affecti probe cognovit, potens est valde ea afferre, que cor-
 pori commoden, nimirum contraria, morborum natura perspecta. Eſt enim
 ſecundum naturam Medicina, ideſt, Medicina in naturalem ſtatim debet re-
 ducere egrotum. Sed in medicatione merito tenendum: nec Medicum, nec me-
 dicamenta, ſed ipſam naturam, per quam nihil aliud intelligo, quam corporis
 machinam potentius motricibus in solidis & fluidis, nec non ex variis ſecretoriis
 & excretoriis artificiоſiſſime conſtructam, ſolam ſepe morbum sanare, cauſa-
 que ipſius debito tempore & ordine per congrua emunctoria eliminare. Hanc ita-
 que methodum, hunc ordinem naturae & leges, Medicus ceu peritus ipſius mi-
 niſter cum cura obſervare & imitari, ac ſi deficit, in morib⁹ eandem juvare,
 vel ſi excedit, ad moderamen & aequilibrium reducere debet. Quod, quo patro-
 recte ſit faciendum, leges quasdam, naturae legibus confor-ſomino, tradiſi
 & überius exposui in Med. ration. tom. III. Sect. 2. cap. 1. & 2.
 que tamen in ratione fundata, quam multipli experientia ſunt comprobatae.
 Has, qui in medicatione omni obſervabit curate, peccabit nunquam; qui autem
 deliquit, certiſſime contra harum preceptum impegit. Quare omnibus & ſinguli-
 lis, qui artis exercitio manum admoveare volunt, aut jam in eo verſantur, ſedulo
 legenda, perpendenda & probe tenenda commando etiam atque etiam, que in
 citato tomo tertio, maximeque Sect. 2. cap. 1. 2. 3. & 4. ſeqq. attuli. Inde enim
 ampliſſimum fructum ad refolvendas morborum historias & danda ſalutaria con-
 ſilia percipient, & intelligent, ſpecialia hoc in opere practica precepta, niti
 univerſalibus illis omnia. Habeant præterea disciplinæ meæ alumni ſibi com-
 mendatos caſus, quo cuivis capitii ſubjunxi, cum addita epicriſi. Heic enim,
 ubi recte actum, perſpiciens applicationem preceptorum, ubi ſecus factum eſſe,
 candide ſine ullius injuria dixi, aliorum damno ſapere & cauiores fieri diſcent.
 Videbunt etiam ex historiis deprompta ſalutaria monita, ampliſſimi in ſimilibus
 caſibus uſus. Omnia autem erunt incitamento, ut diligentes ſint in annotandis
 curate morborum historiis, e quibus, ope theoria ſolidâ, ad uſum accommoda-
 ipſi eruerē poterunt canones atque cauetas ad incrementa & pathologie & thera-
 pie longe utiliſſimas. Nolo tamen, ut mea tantum ſectentur, ſed ut ex aliis et-
 iam decerpant, que vera & ad uſum ſcripta, eademque cum prudentia ſibi imi-
 tanda proponant. Quem in finem habeo ut commendem: Hippocratem, Are-
 tæum, Trallianum, & Celsum, ex veteribus, ex recentioribus Gallis, Bal-
 lonium & feliciſſimum Practicum Riverium: ex Ital⁹ optimum Hippocratis
 ſcholaſten Mercurialem, necon Lanicium & Baglivum; ex Anglis Willi-
 ſium, Sydenhamum & Morthonem, ex Belgis Sylvium & Boerhaa ven., ex
 Germanis Sennertum, Hildanum ac Ettmullerum, non neglegtiſis eorum labo-
 ribus, qui noviſſime in noſtra & que ac aliis Germaniae Academiis, veris prin-
 cipis & ſufficienti experientia instruti, ſcriperunt. Hac tam in genere, quam
 de

P R Æ F A T I O.

de scribendi ratione & usu hujus libri monuisse sufficiat. Optassem quidem, ut practicum opus universum, uti animo concepi, luci publicæ simul exponere possem, sed late nimis patuit campus, quam ut uno semestri, in tanta agrotorum, & domi, & foris, consilium & opem exquirerentum, in tanta negotiorum & causarum, ex magistratu quem geror at academico, multitudine, & sub valetudine adversa, qua sub initium anni longius quam per mensem fui detentus, eundem potuerim emetiri. Selegi igitur potissimum de sebris doctrinam, eandemque in prima hac parte mihi sumsi explanandam. Dabo tamen operam, ut quam primum fieri poterit, reliquorum adhuc morborum, eodem modo instituta tractatio, & si DEUS vitam viresque concesserit, vertente forsan anno, lucem aspiciat. Interim ut hic noster labor in medentum & agrotantium frumentum cedat amplissimum, voveo. Scribebam Hale Magdeb. Idibus Maii, anni CLCLCCXXIX.

CON-

C O N S P E C T U S
P A R T I S P R I M Æ. S E C T I O I.

De febribus intermittentibus tam simplicibus , quam compositis & anomalis Catarrhalibus, item Exanthematicis & Malignis, nec non Erysipelacea.

P R O L E G O M E N A.

De Februm natura in genere.

| Caput I. | | pag. 4 |
|----------|---|--------|
| II. | <i>De febre quartana.</i> | 27 |
| III. | <i>De febre quotidiana.</i> | 45 |
| IV. | <i>De febribus intermittentibus epidemicis anomalis mali moris.</i> | 56 |
| V. | <i>De febre semiteriana.</i> | 60 |
| VI. | <i>De febre catarrhali benigna.</i> | 65 |
| VII. | <i>De febre variolosa.</i> | 74 |
| VIII. | <i>De febre morbillosa.</i> | 97 |
| IX. | <i>De febre purpurata rubra & alba miliari.</i> | 107 |
| X. | <i>De febribus epidemicis exanthematicis catarrhalibus sive petechiantibus.</i> | 120 |
| XI. | <i>De febribus petechialibus veris.</i> | 137 |
| XII. | <i>De febre pestilentiali.</i> | 151 |
| XIII. | <i>De febre erysipelacea.</i> | 161 |

S E C T I O I I.

De febribus acutis inflammatoriis , item lentis putridis hecticis, nec non symptomaticis.

| Caput I. | | pag. 4 |
|----------|--|--------|
| II. | <i>De febribus inflammatoriis in genere, speciatim de febre acuta sanguinea, Græcis synocha.</i> | 172 |
| III. | <i>De febre ardente, nec non cholerica.</i> | 182 |
| IV. | <i>De stomachica inflammatoria.</i> | 198 |
| V. | <i>De angina.</i> | 208 |
| V. | <i>De febre phrenetica, sive phrenitide.</i> | 217 |
| VI. | <i>De febribus pneumoniciis sive pleuritide & peripneumonia.</i> | 227 |
| VII. | <i>De febre hepatica, sive hepatitide.</i> | 239 |
| VIII. | <i>De febre nephritica.</i> | 246 |
| IX. | <i>De inflammatione vesicæ.</i> | 255 |
| X. | <i>De inflammatione & febre uterina.</i> | 261 |
| XI. | <i>De inflammatione oculorum, cum & sine febre.</i> | 278 |
| XII. | <i>De febre intestinorum inflammatoria ex mesenterio.</i> | 286 |
| XIII. | <i>De febribus lentis & hecticis.</i> | 295 |
| XIV. | <i>De febribus symptomaticis.</i> | 315 |



SECTIO I. DE FEBRIBUS INTERMITTENTIBUS

Tam Simplicibus quam Anomalis atque Compositis,
item Catarrhalibus, Exanthematicis &
Malignis, nec non Erysipelacea.

PROLEGOMENA

D E

FEBRIUM NATURA IN GENERE.

S. I.

Febris
frequēs
& gra-
vis mor-
bus.



I nullus morbus recte meretur appellari universalis, certe est ipsa febris. Hac enim universum nervosarum partiū genus vehementer exagitat, omniumque in corpore partium functiones graviter pervertit, ut nec seldorum, cordis & arteriarum motus, æquabilis sit atque legitimus, nec sanguinis, reliquorumque humorum progressus liber & naturalis, nec saluberrimæ secretiones & excretio-

Tom. IV.

nes recte succedant, neque etiam ipse animus sibi omnino constet, sed quandoque febrili impetu turbatus, deliret plane. Deinceps omnibus omnino hominibus ex æquo incumbit hic morbus, cuiuscunque sint ætatis, sexus, & temperamenti, quocumque sub cœlo vivant, & quocumque etiam vieti & vita regimine utantur. Quin epidemice haud raro gravissimum multosque simul magna corripit atrocia ac mendacibus multum faceffit negotii. Neque tantum per se sanitatem subvertit & morbus est primarius, sed sæpe etiam aliis passionibus, uti cachexia, scorbuto, phthisi, lui venereæ, hydropi, accedit seu symptoma, easdemque acerbiores reddit & periculosiores. Ut adeo, calculo exactius subducto, decima mortalium pars, morbo vix alio tollatur e medio, quam febrili.

*Septe
tember
Salutat-*

Licet autem febris humano generi

A tam

Se³lio I. Prolegomena de febribus natura in genere.

tam infestus & pernicialis sit morbus; haec tamen peculiarem obtinet facultatem, ut motu intestino & progressivo, quo absolvitur, auctiori, causam suam destruat, ac seipsum sanare possit, immo aliis gravibus & longis morbis superveniens eisdem vincat, atque expugnat. Ipse Hippocrates & Celsus febrem habuerunt medicinam & morborum præsidium, quo magni etiam morbi curantur, paralyseis, epilepsia, convulsivi motus, affectus spasmodici, sic dicti hypochondriaci, quin consultum duxerunt, suppressa citius febre, novam accendere. Et testantur etiam observationes, quod valetudinarii, post febrem, firmam & longam sanitatem fuerint adepti, quin, quod temperamentum & mores fuerint immutati, qua de re latius videri potest dissertatione nostra de febribus salubritate.

S. III.

Febris
descri-
ptio.

Quum igitur febris tantam potentiam, tam ad mortem, quam sanitatem habeat; in procli vi est judicare: ipsius veram & intimam, quoad indolem, generationem atque effectus cognitionem, utilem esse Medico, & scitu necessariam. Jam, secundum logicas regulas, vera rei cuiusdam definitio, naturam, differentiam & causas ipsius comprehendens, verum & optimum est demonstrandi principium, ex quo reliqua phænomena apte deducenda. Hinc omnino etiam de vera, adæquata & reali febris definitione debemus esse solliciti. Sed pudet & tædet dicere, tam multas tamque varias veterum & que ac recentiorum prostare febris definitio-nes; & tamen vix ullam, ullius, aut nonnisi exigui esse momenti, ad genuinam ipsius indolem verasque causas exponendas. Mihi itaque ad veritatem accommodate sic definienda videtur febris: quod sit spasmodi-ci universi systematis nervosi & vasculosi affectio, juncta cum omnium in corpore functionum laxione orta a causa nervosas partes ad intensorem

contrafactionem irritante, ita quidem, ut accidente ipsa, fluida vitalia pri-mum ad interiora, cor & majora vasa ab externo ambitu agantur, & postea, aucta cordis & arteriarum systole, celeriter cum æstu per strictiora vasa iterum extrorsum pellantur, donec spasmo laxato excretiones succedant, & febris desinat.

S. IV.

Affero igitur formalem febris rationem, sive, ut ita loquar, funda-mentallem causam, consistere in spa-smodica universi generis nervosi & fibrosi affectione, quæ maxime ex spinali medulla procedit, & successive ab exterioribus ad interiores partes vergit. Docui id pluribus & momen-tosis rationibus in dissertatione, de vera motuum febrium indole ac sede. Idem vero etiam luculenter arguunt omnia, quæ in febre præsto sunt pathemata, atque phænomena, dolor scilicet dorsi, præsertim circa lumbos, horror, rigor, frigus, præser-tim extremonum, tremor, unguium livor, vasorum in manibus & pedibus detumescientia, cutis contracta & arida, oscitatio, pandiculatio, pallidus & lividus faciei color, tremens & palpitans cordis motus, præcordio-rum anxietas, spiratio agra, inquietudo, corporis jactatio, sensus ebullientis circa præcordia sanguinis, pul-sus contractus, parvus ac debilis, nau-sea & inclinatio ad vomitum, alvi & perspirationis suppressio, cum urina tenui & aquosa.

S. V.

Hinc prona jam fluit consequentia, quod omnia, quæ totum nervosarum & vasculosarum partium sistema ad spasmos irritare & sollicitare possunt, ad ingenerandam febrem sint aptissima. Horum classem ducunt vehe-mentes animi commotiones, terror, in primis & ira, materia venenata & subtilis caustica, vel intus genita, vel per contagium suscepta, intercepta perspiratio, sudores critici cohibiti, exanthemata retropulsa, materia pu-

ulenta ulcerosa , passim in partibus obhaerescens , alimenta nimis acria , corruptæ & biliosæ primis in viis haerentes cruditates , nimis vigilæ , dolor vehemens ac nervosarum partium tensio , in inflammationibus , tumoribus , & abscessibus , lesions nervosarum partium ab acuto instrumento , ab acri & corrosivo pharmaco , balnea frigida & vicissim nimis calida , aut adstringentia . Sed pro differente harum causarum indole , & vario , quo nervosum genus infestant , modo , differunt etiam prognatae inde febres , ut nonnullæ sint benigniores , nonnullæ maligniores , alia intermitentes , alia continua , simplices , vel compositæ , regulares , vel anomala , exanthematicæ , putridæ , hecticæ , vel lenta , ut porro quædam facilius , vel difficilius sanationem admittant , quædam cito decurrent , quædam longius extrahantur , quædam etiam hominem peritant . De qua febrium origine earumque causis & differentiis , pluribus egi in dissertatione de generatione febri.

§. VI.

Febris duplicita motu ab solitu- ritur. Neque vero omnis celerior cordis & arteriarum systole , expulso frequentiori cognoscenda , nec austus cum calore intensiori sanguinis circuitus febri est . Sæpe enim talis a vehementi corporis exercitatione , vel sanguinis per calida & spirituosa commotione , accidit . Sed ille tantum intensior fluidorum circuitus , & illa auctor cordis & arteriarum systole , febris dicenda , quæ a causis internis inducitur , & sequitur horrorem , rigorem , & frigus partium externarum . Duplex enim in febre sociatus motus , unus qui a peripheria ad centrum , sive a partibus externis ad internas , cor & pulmones vergit ; alter qui hunc sequitur contrarius , a centro ad corporis peripheriam . Illi junctus pulsus parvus , contractus , debilis , cum præcordiorum anxiate & spirandi angustia ; huic auctor arteriarum motus , pulsus magnus & æstus , ex-

tremas etiam corporis partes occipans . Duplicem hunc febrem absolute motum pridem jam notavit primus artis nostræ parens *Hippocrates* , eundemque dissertis verbis tuis descripsit *I. de flat.* hunc in sensum : in febre per horrorem sanguinem ab extremis corporis partibus , quæ exsangues & propter frigus palpitant , decadere & concurrere ad locos maxime calidos , & ob sanguinis ibi collecti abundantiam suscitari calorem , ad externa demum transeuntem .

§. VII.

Duplex hic motus diversæ plane indolis atque virtutis est . Primus ille , a *morboso* peripheria ad centrum , minus salutaris , sed *ux' έσχις* morbosus , quin interdum mortifer . Qui enim moriuntur ex febre , sive continua sit , sive intermitens , acuta , sive chronicæ , pereunt sub spastico , frigore , horrore , & rigore partium externarum convulsionibus , quia cor , pulmones , & cerebrum , sanguine intus congesto nimis obruta , eundem ob debilitatem amplius repellere nequeunt . Alter vero ab interioribus & *altero* centro , ad circumferentiam & minima vascula motus , salutaris est & vitalis , immo medicinalis & conservatorius . Sub hoc enim & per hunc , ipsa materia , spasmodum febrilem ciens , successu temporis corrigitur , discutitur , ejicitur , & ipsa febri solvitur . *salutari.*

§. VIII.

Nimirum quum causa motus febribus sit spasmus universalis , nunquam penitus cessat ille , nisi hic fuerit solutus . Hunc autem solutum esse indicatur , si perspiratio fit liberior , madidus , vel sudor in cute appetet , pulsus antea durus , imperuosus & celer , mollior fit , moderatus ac tardior , si urina sedimentum ponit , & vites successive redeunt . Hæc junctim apparentia , morbi solutionem nunciant , & crisis nomine veniunt , quia ex iis medicus judicium de morbo ferre potest . Hoc etiam sensu exponenda est veterum definitio febri ; quod sit lu-

Ata cum morbo. Quod si scilicet spasmus, succos ad interiora urgens, validior est cordis & arteriarum motu ad externa repellente, morbus vincit, & mors incidit. Si autem motus per spasmum retrogradus superatur a vitali cordis & arteriarum systole extorsum sanguinem trudente, morbus abigitur & sanitas redit. Quæ quidem naturæ post luctam hanc viatoria, certis, septenario potissimum numero computatis diebus, accidit, qui ob id vocantur critici, quibusque medico de morbi eventu judicandum.

§. IX.

*Perna-
turam
nem
præstā-
da.* Ineffabilis igitur divina providentia merito celebranda, quæ corporis nostri machinam animalem, tam sapienter potentissimis & facultatibus instruxit motricibus, ut ipse morbus, qui nunquam non cum laesione functionum partium & vita sanitatisque periculo accidit, ad expugnandam ipsam suam causam suique curationem sepiissime vergat, & vergere possit. Atque adeo, quum ipsa natura sit optima morborum, etiam ipsius febris, medicatrix, perniciosem omnino est molimen, febriles in salutem tendentes motus, imprudenter medicina suspendere, supprimere, aut plane tollere velle. Secundandum potius naturæ saluberrimum opus, quod per auctiorem progressivum humorum motum, ad correctionem & resolutionem materiae morbificæ ipsiusque tandem excretionem dirigitur. Id quod optime perficitur diluentibus, humectantibus, temperantibus, aperientibus, roborantibus, & nitrosis, nec non iis, quæ, tempore præsertim intermissionis, congruas excretiones promovent.

§. X.

*Conclu-
sio.* Hæc est nostra sobria & rationalis febrium theoria, causis manifestis, intellectui obviis, & ex necessitate agentibus, physico-mechanicis, nitens. Ex qua omnia, quæ circa febrilium motuum negotium occurunt, phænomena, symptomata, & effectus,

ordine concinno, & apta connexione deduci possunt & explicari. Quod quo pacto sit faciendum, & qua ratione etiam ex hac theoria methodus mendendi congrua elicienda causisque opponenda remedia, uberioris patebit ex iis, quæ in speciali quarumvis febrium tractatione jam dicemus.

CAPUT PRIMUM.

De Febre Tertiana.

Theses Pathologicæ.

§. I.

Nulla febris est, quæ tam exa-
Tertia-
cte motus febrilis in genere, na que
qui & vasa, & nervosas partes infe-
stat, & Hippocrati Græcisque rigoris
nomine quali per excellentiam venit,
naturam ac genium manifestat, & que
tam frequenter affligit, nec ulli etati,
temperamento, vel sexui parcit, quam
quæ alternis diebus cum rigore &
horro invadit, subsequente celeri,
qui ex frequentia cognoscitur, pulsu,
nec non anxiò & ardentì calore, ac
tertiana dicitur.

§. II.

Hæc, præsertim si regularis & le-
gitima, his incedit symptomatibus.
Caput primum dolet, artus languent,
lumborum percipitur dolor circa pri-
mam dorsalem vertebram, qui per
dorsi longitudinem versus epigastriū
ascendit, cum dolorifico tensionis in
hypochondriis sensu alvique strictura,
accedit partium externalium, præser-
tim narium & aurium, refrigeratio,
pandiculatio, oscitatio, & horror,
membra sepius graviter concutiens,
pulsu simul parvo, contracto & debili,
interdum quoque ægro sitiente.
Sequitur dein nausea, cum inani ad
vomendum conatu, vel etiam ipsa
vomitio materia biliosæ & pituitosæ,
quandoque viridis, juncta sepius tussi
molesta cum pituitæ rejectione, ex
stomachi cruditatibus acido viscidis
oriunda. Tum universum corpus fer-
vor,

vor, sive anxius, ardens & siccus calor occupat, facies antea collapsa & pallida, cutis contracta & rigida, va- saque in manibus ac pedibus inani- ta resurgunt, rubescere ac tumescere incipiunt, arteriarum quoque pulsus major, plenior & citior micat, in- quietudo intensior, spiritusque diffi- lior fit, & ægri oculis vix clausis aliena multa loquuntur. Decrescent postea sensim hæc symptomata, astus miti- scit, cutis laxatur, & madescit, urina emititur flammei coloris, qualis com- paret in distillatione spiritus nitri, vel aquæ fortis, sine sedimento tam- men; arteria simul mollius tangentis manum ferunt & sudore prorumpen- te paroxysmus discedit; qui tamen pro differentia naturarum & causæ morbificæ quoad durationem variis, ita quidem, ut in quibusdam ad de- cem vel undecim, in quibusdam ad viginti horas protrahatur. Subsequen- ti intercalari die corpus quidem ad- huc languet, frigiduscum est, faci- leque inhorrescit, pulsus tamen sub febris impetu citatus & vehemens, tardius jam & debilis undulat, & urina quoque crassior mingitur, ac sedi- mentum ponit, vel minimum nube- culam, quæ dispositio ad sedimen- tum exhibet.

§. III.

Causa forma- lis. Sic decurrens paroxysmus febrilis, ipsa symptomatum ratione teste, quam optime ad motus nervosarum partium universi fere corporis spasmodico-convulsivos referri meretur; quo etiam fit, ut omnia ea, quæ ner- vosas partes ad motus anomalos irri- tant, uti quidem faciunt animi affe- ctus, fortiora cathartica, nec non cum cibis vel aere suscepitæ materiæ acres, causticæ & venenatæ, item omnia adstringentia, frigida, & quæ nervis i- nimica sunt, quin clystères acres, quos purgantia validiora ingrediuntur, tum ad generationem, tum recidivam, vel minimum exacerbationem febris, plurimum omnino conferant.

Tom. IV.

§. IV.

Causam horum motuum febrilium *Mate- rialis.* in tertiana veteres quidem bilem in- temperatam, ab aliis humoribus se- paratam, & extra venas in imo ventre nidulantem, esse censuerant: est ve- ro potius materia, quæ illos excitat, & fovert, excrementitia falino-sulphureæ & activæ indolis, quæ nostro quide- judicio, sedem potissimum habet pri- ma in regione, partim in biliaris he- patis ductibus, partim in flexura duo- deni. Scilicet hoc in cavo humores bi- liosi, salivales, præsertim pancreaticus, jam tum vitiati, mutua cum cruditatibus ex prava digestione con- fermentatione ipsaq; diuturniori mo- ta & stagnatione, ejusmodi virulen- tam gignunt materiam, quæ huic successiue per vasa lactea ad sanguinem & cum hoc ad nervosas capitum, medullæ spinalis, ventriculi, intesti- norum & nerveas aliorum ductuum secretorum & excretorum tuni- cas, sufficienti quantitate delata, uni- versalem ejusmodi spasmum ciet, sub quo sanguis ad interiora & vasa majo- ra primum urgetur, postea vero au- Æto systaltico cordis & arteriarū mo- tu, totius massæ sanguineæ & humer- rum progressus intenditur, obstruc- tiones in minimis nervosarum partium canaliculis expediuntur, & remitten- te spastmo, relaxatisque excretoriis, fe- brilis, quæ insedit, materia per cutis spiracula, perspiratione, aut sudore opportune ejicitur, insultusque cessat, donec pars rufus hujus excrementitiae materiæ quantitas ex primis viis ad sanguinem tunicasque nervosas de- nū fuerit translata, novumque indu- cat paroxysmum.

§. V.

Expedita autem hujus materiei ip- *Causa ante- dentis.* sisque tertianæ genesis est in corpore exquisitoris sensus, cholericae consti- tutionis, ad spasmos animique motus proclivi, in ætate plus consistente, quam infantili & senili, regnante æ- state nimis fervida & flantibus ex au- stro & euro ventis; præsertim si potio-

A 3 fri.

frigida fuerit ingurgitata, vel corpus tempore vespertino, aut nocturno, auræ frigidiori & humidiori, aut plane infectorum minimorum copia circa compluvia & stagna refertæ, diutius expositum; multo magis quando venter cruditatibus oppletus, vel cibi gravis materiæ, aut adstringentis facultatis, & maxime omnium cum nausea assumti.

§. VI.

¶ pro-
catarr-
hales,

Neque minus frequenti experientia confirmatum habemus, corpora spongiosiora tempore vernali, post largiorum sanguinis missionem, facile in febres tertianas nothas, vel catarrhalles incidere, eo facilius, quando, præfertim grassantibus jam febribus, pluvioso & humido cœlo committuntur & stomachus cibo minus solubili infarctitur. Novimus quoque a purpura frigore externo repulsa, scabie limentorum mercurialium, & sulphureorum ope intempestive siccata, ab improviso acidularum & aquarum mineralium, neglecto simul regimine, & assumtis rudioribus alimentis, potu, nec non a percalido Carolinarum, quæ adstringentis virtutis sunt, thermarum, vel aliorum balneorum, in corpore præfertim plethorico, impuro, & cruditatibus referto, balneo febrem tertianam, interdum continuam, interdum duplcem & anomalam, accessisse.

§. VII.

Dividitur in legitima-
notha.

Ex his incunabulis prognata tertiana, non semper una eademque facie incedit, sed discrepat; ideoque merito a medicis in varias dispescitur species. Est quippe vel legitima, vel notha. Illa potissimum adoriri solet homines biliosæ constitutionis, & sensu exquisitiore pollentes, in primis sub præcalida acriæ æstivi intemperie, acerbioribus etiam stipatur symptomatis, horrore scilicet, calore, capitis dolore, siti, vomitu, & anxietate, urina secedente intensius flamma, breviori tamen temporis spatio solvitur, atque discedit. Hippocrates quidem

exquisitam hanc duodecim horis defervere & septimo paroxysmo finiri, passim afferit, sed tam exactæ periodi febres in septentrionalibus nostris humidioribus, & frigidioribus regionibus non observantur, & recte hinc perhibet Mercurialis *prælect.* Bonon. pag. 190. *rariſſime tertiana exquisita Hippocratis invenitur, neque ego vix vidi, Et jam quadraginta anni sunt, quod praxin exercui; id quod ego ipſe etiam asseverare possum.* In notha autem, sive spuria, mitiora quidem præsto sunt pathemata, calor non tam ardens, vomitus non ita frequens, urina non adeo flammei coloris, sed diutius extrahitur, & vacuo etiam die virium languor, artuum lassitudo cum inappetentia relinquitur. Adhæc, feignoris magis naturæ homines, sequiorem sexum & qui spongiosioris sunt habitus, autumnali maxime tempore, infestat.

§. VIII.

Regularis dein est, vel irregularis, *Regu-*
lares
& irregu-
lares.

Illa typum conservat æqualem, tam ratione temporis invasionis, quam solutionis, longitudinis ac brevitatis paroxysmi, & suetis ceterum incedit symptomatis. In hac vicissim tempus accessio- nis inordinatum, mox ante, mox post meridiem, jam circa vesperam, quin medianam noctem, ipse paroxysmus, modo brevior, modo longior, urina remissionis, vel intermissionis tempore, nihil dimittit, sudor vel nimis parcus, vel nimis largus, vacuo etiā die adest, & passiones cōplicantur insolite, pro naturarum diversitate diversæ, ut vel alvi fluxus, vel narium haemorrhagiæ, vel enormes stomachi etiam subversiones, aut graves capitis dolores, mentis alienationes, anxietates cardialgicæ summae, artuum dolores ventrīque tormenta præsto sint. Et tales irregulares febres, quæ typum non servant, sunt plerumque epidemicae, ex præternaturali & insolita æstatis vel autumni constitutione provenientes, ut plurimum continuæ, qua-

quales etiam elapsa 1727. anno per universam fere Germaniam, post intensam atmosphæra per multos menses siccitatem & caliditatem, populares habuerunt circuitus.

§. IX.

Simpl. Nonnumquam porro simplex, non *sem &* numquam duplex observatur. *Duplic.* Simplices paroxysmi alternis diebus recurserunt, duplex autem quotidie accedit, interdum quoque bis, uno die vacuo. Distinguenda tamen duplex a quotidiana, quæ accessionis tempora quotidie servat æqualia, quum in illa paroxysmi recursus alternis diebus respondeat.

§. X.

Continuum. Continua quoque occurrit tertiana, his dignoscenda signis: adoritur cum horrore, anxietate, vomitu, æstu & ingenti languore, nec sequenti die symptomata hæc prorsus intermittunt, sed tantum remittunt, pulsuumque manet adhuc frequentia, cum æstu & languente debilitate; paroxysmi autem die, præcedente leviter refrigeratione, omnia iterum exasperantur, & ingravescunt. Et talis febris, si epidemia, durat quandoque per duas vel tres hebdomades, antequam in legitimam intermittentem concedat; fit autem crebrius, ut tertiana primum per aliquot dies sit continua, & postea in intermittentem bono transeat omine, malo contra, ex intermittente in continuum.

§. XI.

Epidemiam tam simplices & regulares, quam duplices & anomalæ, sunt epidemicæ, & ex insolita temporum tempestatumque, & state in primis, constitutione profiscuntur. Endemicæ, quæ audiunt, familiares & quasi propriæ sunt certis quibusdam locis, de pressioris scilicet situs, uliginosis, pescinis paludibusque cunctis, culicum & insectorum proventu infestis, ita prorsus, ut incolæ rarius annum a febre immunes transfigant, & advenæ crebrius eadem, exerceantur ac difficulter ex toto liberentur.

§. XII.

Omnia hæc febris tertianæ genera *Ter-* mitius primum accedunt, repetentibus *tianæ* autem paroxysmis vehementia inva- *mitior* lescunt, manifesto indicio, inordi- natis istis, solidorum & fluidorum sub impetu motibus, magis adhuc inqui- nari, magisque intemperatos reddi corporis succos, qui imminuto intermissionis diebus perspirationis & excretionum successu, pejorem adhuc successive indolem contrahunt.

§. XIII.

Paroxysmus Singuli paroxysmi, laxata jam cu- *quomodo* tis compage, madore, vel sudore sol- vuntur, urina die intercalari crassior mingitur, & nubeculam exhibet, vel plane sedimentum ponit, quod eo copiosius, quo plus corpus sanguine & succis abundat. Si vero sub declina- tione sudor non prodit, urina etiam tenuis & aquosa die vacuo fecedit, al- vique siccitas impensis, uti hypo- chondriacis maxime solempne adeat; valde affectum esse spasmis a materia rebelli febri nervosarum partium sy- stema argunt.

§. XIV.

Tertio ut plurimuni vel quarto pa- *Febris* roxy smo, ulcuscula circa labia prode- *solutio* unt, & lotium cum ardore quodam *sponta-* redditur, tumque symptomata nota- *nea.* biliter mitescunt. Optime autem & securissime hæc febris a natura vel so- la, vel arte adjuta, ex toto solvitur, erumpente bilioso copioso alvi fluxu & auctiori excretionis cuticularis, die a febre immuni, successu, quod ex ma- gnitudine & vigore pulsus viriumque incremento cognoscitur. Qui tamen epidemicis & anomalis laborant, so- luta licet febre, difficilius convale- scunt, & vires recuperant, ideoque die- ta exactiori indigent.

§. XV.

Nulla ex febrium genere, calore & auctiori sub paroxysmo motu inter- no, tam celeriter corpus succulentum exsiccat, & obesum emaciatur, tantam que biliosorum recrementorum, quæ per vomitum, alvum, & urinam sece- *Consu-* *mit* *corpus* *& gi-* *gnis* *jordes.*

dunt, copiam inginit, ac tertiana, intensior, ac diuturniori æstu stipata. Et hæc fuit procul dubio ratio, quod veteres febrem hanc a bile intemperata exsuperante derivarint, licet hæc redundantia potius effectus quam causa sit.

§. XVI.

*Quæ cō-
tumca
cior,* Longiores & contumaciores sunt autunnales, & hyemales tertianæ, tum maxime, quando viscera male constituta, prima regio spasmis & flatibus referta, alvus stricior, æger vorax, multumque, præsertim ante accessionem, ingerit, nec non ubi conveniens regimen in paroxysmo & post eum, supprimendo sudorem, negligitur, vel etiam medicatio perpetram instituitur, ut plerumque evenit in plebejis, & qui manuum ministerio victum parant, confirmante hæc ipso Hippocrate Sect. I. aph. IX. Breviores contra minusque ancipites sunt, si æstate incident, prima regio & viscera ad sanitatem disposita, & regimen dieteticum æque ac diaphoreticum tempore vacuo rite observatur.

§. XVII.

*Male.
tractata
alios
adducit
morbos.* Licet omnis intermittens non adeo periculosa sit, vix tamen ulla circumstetione diæta ratione & tam provida methodo excienda, quam tertiana & quartana. Quod, si non servatur, in truculentos & immedicabiles morbos adducit ægrotantes, febrem nempe lentam, hecticam, subitum pedum tumorem & hydropem, contractions & acerbos dolores artuum, malum flatulentum & hypochondriacum, variiq; generis morbos spasmatico-convulsivos, infantes in lethalem plane epilepsiam, qui omnes morbi facile succrescent post præpostorum ac nimium adstringentium, ante sufficientem materia excrementitiae correctionem, & evacuationem, usum. Hinc apprime ad veritatem Trallianus lib. 12. cap. 6. tradit: tertiana, inquiens, facilis quidem curata, quum autem a medicis illis, qui non res a ratione & via utuntur, male

tractatur, non modo difficilis curatu, sed & insanabilis interdum redditur.

§. XVIII.

*In alias
quæque
febribus
species.* Ex facili quoque tertiana per medi- ci & laborantis errorem in aliam febris speciem transit, simplex scilicet in duplicum, quandoque triplicem, immo in quotidianam & lentam, vel plane continuam, aut cholericam.

§. XIX.

Crebrius demum & facilius quam *Facile
repetit.* ullus alias morbus redit tertiana & quartana, in primis præposta meditacione suppressa. Simul ac enim corpus a febre haud ita pridem liberatum aeris paullo frigidiori & humidiori ve- toque asperiori ex septentrione spirati exponitur, vel stomachus copioso, aut insalubri cibo plus justo aggravatur, vel quidam animi motus, ira potissimum aut terror, incidunt, vel etiam purgans paullo acrius propinatur; protinus spasmæ febribiles, dolor in capite, cum refrigeratione partium ipsius externarum, aurium, & narium, oscitatio, pandiculatio, dolor circa primam lumbarem vertebrem, lan- guor artuum, hypochondriorum cum anxietate & alvi stricturna tensio, horripilatio & refrigeratio, cum subsequente æstu, accedunt, quamvis sub prima repetentis morbi accessione, non secus ac in principio omnis febris intermittentis, mitiora sint hæc, & sequentibus paroxysmis exacerbantur.

M E T H O D U S
Praeservatoria.

§. I.

Quum itaque febres tertianæ ple- rumque epidemicæ sint, & populariter *Arcon-
sur per
verum
n. n. u.
sum.* graffentur, earumque causa antecedens febrem ingignens, potissimum sum in aeris vitio, vel diuturna intemperie, nec non in cohibita excretione per cutim & cruditatum prima in re- gione sentina, continetur; facile patet, tempore, quo circumveunt, in- temperatum, impurum, & vappidum aerem esse fungiendum, vitando ma- xime

xime omnium vespertinam humidorem auram, neque cibo copioso aut gravi stomachum onerandum, neque potum largiorem, multo minus spirituose, vel acescentem ingerendum, neque etiam animi affectibus indulgendum.

S. II.

Per remedia. Inter remedia, quæ a febrium insulatu defendunt, æstate nimis fervida ex usu sunt pulveres leniter nitroſi, absorbentes & diaphoretici, decocta etiam temperata & diluentia, ex radice cichorii, scorzonera, rasura cornu cervi, hordeo mundo, ad potum ordinarium proficia, nec non acidula Selteranæ, vel Wildungenes, quæ simul alvinam excretionem liberam reddunt. Expedit porro quoque, mane infuso theiformi, ex herba sanguinem depurante, ut scordio, veronica, post somnum excretionem per cutis poros elicere, ac promovere. Neque enim facile febris alvo soluta, & perspiratione libera accedit, ut potius, quandocumque illa præter morem adstringitur, corpus languens & frigidusculum est, febrem præstolari, haud fallaci judicandum sit augurio.

INDICATIONES
Curatorie.

S. I.

Quæ indumentur in genere. In curatione vero omnis medentis intentio ad causarum proximarum remotionem dirigenda. Atque adeo, quum potissimum tenuis, acris, mobilis, & biliosus humor, nervosarum partium & tunicarum vasorum systema universum, ad universalem spasmum & stricturam extimulans in causa sit; recte utique colligitur generales medendi intentiones his contineri momentis: 1) ut subtilis illa & caustica acrimoniam temperet, & emendetur; 2) ut correcta & præparata materia peccans, quæ a perspiracione intercepta in corpore & genita fuit & reliqua, per cutis in primis spiracula leniter diffletur, & evacuetur; 3)

ut vehementia spasmodorum, qui præsertim sub frigore & horrore seva concitant symptomata, mitigetur; 4) ut cruditates acido-viscido-bilioſæ, in duodeno potissimum stabulantes, quæ nidum & hospitium præbent materię febrili, tempestive invertantur, & expurgentur; 5) ut vigor motuum post paroxysmum corpori reddatur, & excretionum succellus servetur, ne, ut quidem post omnem vehementem morbi impetum & partium nervosomusculosarum spasmus solenne, atonia, & motuum languor succrescat, nec inde sanguinis & humorum progressus una cum secretionibus & excretionibus elangueſcant, & hac ratione de novo materia febrilis generetur, foveatur, & accumuletur; & denique 6) ut, quum hæc febris ex facili redate, cessante iam hac ipsa, novæ materia ad inducendam recidivam aptæ generatio, studio impediatur, & præcaveatur summo.

S. II.

Ad obtinendum itaque primæ indicationis scopum, acrimoniam nempe biliosam, quæ ob intensorem astum succos successive collutulat omnes, contemperandam, nihil efficacius nitro, vulgari tantum rite depurato, quippe quod sulphur volatile, a quo motus intestinus cietur, figendo, astum extinguit, & longe præstantioris effectus est acidis, quæ calorem quidem reprimunt, sed humores simul inspissant, quum illud eosdem fluxiles potius servet ac tenues. Egregie quoque acrimoniam sulphuream biliosam obtundunt diluentia, & humectantia, potui destinanda, cujus generis sunt ptisanæ ex hordeo, radice scorzonera, rasura cornu cervi, succo & corticibus citri, ex aqua pura debito modo decoctis, item decoctum avenaceum, vulgo der Haber Tranck serum lactis dulce, aquæ Selteranæ, vel etiam cerevisiæ tenues, bene coctæ ac diureticæ. Et hæc quidem in paroxysmo potissimum ex usu sunt.

*Hume-
res bi-
lios
tempe-
randi.*

§. III.

Per ipso- Ex præscripto secundæ indicationis
ros eva- id agendum medenti, quo humores te-
guandi nues, excrementitios, biliosos, præ-
paratos nunc & correctos, laxata post
paroxysmum porosa & cribrosa cute,
blande educat. Perficitur hoc appri-
me diaphoreticis lenioribus, cerussa
scilicet antimonii, antimonio-diapho-
retico, cornu cervi usq., & philosophi-
ce præparato, nec non infuso theiformi,
quod scordium, vel carduum bene-
dictum & cortices citri habet, item
essentia scordii, vel cardui benedicti,
probe quidem saturata, non tamen
adeo spirituosa, cum liquore nostro
anodynō minerali permixta.

§. IV.

Spasmi
in favo- Tertia indicatio vehementiæ spa-
xyfmo
mitigā- morum ipso in paroxysmo mitigandæ
dicata est. In qua quidem explenda
præstans utique jam laudatus usus ni-
trorum refrigerantium, lenium dia-
phoreticorum, & diluētum blandum
que madorem elicientum. In primis
egregia hoc nomine virtus liquoris no-
stri anodynī mineralis, vel qui ipsi
surrogari potest, spiritus nitri dulcis
bene præparatus, quippe: qui blando
suo & naturæ amico anodynō sulphure
effrenes fluidi nervi & solidarum
nervosarum & musculosarum partium
motus compescit, eo felicius, quan-
do is vel cum pulveribus fixis, vel ef-
fentiis diaphoreticis maritatur & cum
aquis, quæ pariter sedativæ virtutis,
florum scilicet sambuci, tiliæ, pri-
mulæ veris, liliorum convallium,
chamomillæ vulgaris, rosarum, aca-
ciæ, ulmariae, item cerasorum nigro-
rum, propinatur.

§. V.

Cordes
primæ
regionis
acide
obrun- Quumque prima corporis regio for-
dibus maxime excrementitiis & bi-
liosis scatens mineram & fomitem ma-
teriæ febrili præbeat, eo, ut quarta
præcipit indicatio, quam maxime an-
nitendum, ut confluentes, huc ex u-
niverso corpore intemperati & vitiosi
succii attemperentur, & eliminentur.
Hinc ubi acidæ cruditates exuberant,

sola absorbentia, tam terrea alcalina-
quam salina, utramq; absolvunt pagi-
nam; & inter hæc spectatae potissimum
& securæ virtutis lapides & chelæ can-
crorum, nec non testæ ovorum, quæ
ut teneriora & facile solubilia, merito
anteferenda marinis, rudioribus &
ægrius liquefcientibus cumque acido in
adstrictivam plane facultatem transe-
untibus.

§. VI.

Quando biliosa porro præsto est a-
Biloso-
credo, nitro, uti meminimus, nihil *se &*
superius; si vero lenti ac tenaces, vi-
viseide
scidi succi intus consistunt, salium *corri-*
neutrorum laudata virtus, tartari *genda.*
quippe vitriolati, salis digestivi Syl-
vii, ex capite mortuo spiritus salis
ammoniaci, ex æquali parte salis tar-
tari & salis ammoniaci, confecti, sa-
lis quoque ipsius ammoniaci depurati.
Qui certe, maxime in robustioribus
& vieti crasso, duro, marino assue-
tis, Suecis, Batavis, Westphalis,
quibus ut plurimum diurnæ esse so-
lent febres, commendari merentur;
opus autem est, ut cum sufficienti
aqueo vehiculo diluta exhibantur.
Hæc quippe, si repetita, vel majori
dosi præbentur, præter effectum in-
cidentem, alvum quoque movent, &
fordes efficaciter evehunt, eoque no-
mine nostro jam tempore haud me-
diocrem salubritatis laudem adepta
salia, ex aquis medicatis parata, Sed-
license scilicet, Egranum, & ad
horum imitationem confectum sic di-
ctum Ebshamense sal, quæ ad unciam
dimidiā & plus in aquæ mensura li-
quata, vescidas & excrementitias pri-
marum viarum fordæ detergendo &
exturbando, spectati adversus inter-
mittentes & qui ex ventriculo oriuntur
morbos sunt usus. Idem præstat
detecta a nobis aqua Sedlicensis a-
mara, ad mensuram dimidiā, die-
bus intercalaribus ter vel quater hau-
sta, ut vel hac solatertianas sæpe cu-
ratas viderim. Quandoque tamen te-
nerior ventriculi constitutio & spa-
morum in ipso cum acidis ponticis-
suc-

suecis frequentia, uti solenne in infantibus, senibus, & passione hypo-chondriaca & cardialgica affectis, saluum, præsertim copiose datorum, usum interdicit; eaque propter mannam tantum ad unam vel duas uncias, cum, vel etiam sine rhabarbaro, adiecta una vel dimidia terræ foliatæ drachma & aliquot olei de cedro guttis, potius offerre expedit.

§. VII.

Superior-
et. Ubi demum ipsum duodenum copioso, bilioso, & vitioso humore oppletum, vel plane biliarii ductus lentis & pravis, succis farcti sunt, ut per superiora emeticorum ope evacuatio instituatur, e re est; hunc in finem tene-
rioribus exhibenda radix ipecuanha nodosa, robustioribus autem hac, tar-
taro emetico ad granum unum vel duo admixto, ipse quoque tartarus emeticus solus, vel, qui melius ad-
huc, julepus noster emeticus, ex aqua corticum citri spirituosa, julepo rosaru & tartaro emetico soluto confectus dandus. Quod si vero non tantum superiore, verum etiam inferiora intesta-
na a recreementis liberare, in ingluie maxime deditis, necessarium, utrumque commode obtineri potest infuso mannatō, quod unciam unam vel unam cum dimidia mannae, terræ foliatæ tartari drachmam & tartari emetici unum vel duo grana habet.

§. VIII.

*Bebiles
partes
robore
randa.* Correctis sic & evacuatris noxiis per varia excernicula humoribus, ad quintæ indicationis normam eo dirigenda medicatio, quo universum solidarum partium, maximeque ventriculi & intestinorum systema, ob diurnos spasmos & paroxysmos a robore deje-
ctum firmetur iterum. Versatur in hoc rite perficiendo præcipuum cura-
tionis intermittentium momentum, ita prorsus, ut usurpatis quantumvis diu alterantibus, aperientibus, amaris & evacuantibus, paroxysmus ta-
men nihil secius persistat, accommo-
dis contra roborantibus debito modo usurpati, remittat, ac cesset. Scilicet

reddito nervosis, vasculosis, & muscu-
losis partibus robore, non tam pronæ
ac promptæ sunt ad concipiendas hu-
morum stagnationes, spasmorum in-
sultantium causas, sed liberior potius
sanguinis omnisque generis succorum
fit circuitus, pulsus auctior & respira-
tio cum secretionibus & excretionibus
vegetior, ut non modo paroxysmi si-
stantur, sed & nova febrilis spasmis
minera dispellatur, quæ alias, lan-
guente vacuo die perspiratione pulsu-
que tardo, succrescit.

§. IX.

Ex omnibus vero, quæ *huc usque Optime*
innoverunt specificis antifebrilibus *per cor-*
ticis *chinæ.*
adstrictiva vi agentibus, corticibus
nempe & radicibus adstringentibus,
nec non ex marte vel alumine conse-
ctis, quin etiam paullo calidioribus,
nullum quod magis accommodatum,
temperatum, omnibus etatibus, tem-
peramentis, & sexui idoneum ac vel
mille auspicatis experimentis com-
probatum, quin tota, ut ajunt, sub-
stantia medicatum pluribusque indica-
tionibus satisfaciens, quam cortex
ille Peruvianus, Chinæ Chinæ nomi-
ne notus, quippe qui, si convenienti
tempore, modo, ac regimine usurpat-
tur, ut excretiones naturales non sus-
flaminet, sed potius promoteat, pro-
pter terreum lene adstringens ele-
mentum & balsamicam amaritatem,
omnibus aliis palmam præripit, &
aliquot dosibus tantum, vel ad miracu-
lum, febriles compescit paroxysmos.
Longe tamen efficacior est in pulvere
& substantia, quam in decocto, in-
fuso, essentia, aut extracto, ipsoque
sic ceteris paribus tempore vacuo ex-
hibito, pulsus fit vividior, calor cum
perspiratione auctior, alvus, præser-
tim in cholericis, fluidior, manifesto
faustæ operationis indicio. Mihi qui-
dē in frequenti usu est electuarium, cu-
jus ope innumeros febrienes persana-
vi, hac ratione concinnatum: Recipe
rob. sambuci unciam dimidam, corti-
cis chinæ drachmas sex, pulveris flo-
rum chamomillæ vulgaris drachmas
duas,

duas, extracti centaurii minoris, pul-
veris caryophyllorum ana drachmam
semis, syrapi acetositatis citri unciam
unā semis. M. f. electuarium. D. Admi-
scere etiam quandoque ad facilitan-
dum perspirationis successum soleo an-
timonii diaphoretici, theriacæ veteri-
ris, vel etiam salis ammoniaci drach-
mam dimidiā, & finito paroxysmo,
singulis binis horis, ejusmodi electua-
rium ad drachmę dimidię pondus ex-
hibere. Iis autem, qui tenerioris na-
turæ & stomachi, cortex in formam
liquidam redactus, propinandus, hunc
in modum: Recipe corticis chinæ un-
ciā unam, corticis chæcarillæ, cin-
namomi acuti, salis tartari singulo-
rum drachmam unam, aquæ florū
chamomillæ vulgaris libram unam,
vini tantundem; digerantur leni ca-
lore, colat. adde syrapi corticum au-
rantiorum unciam semis. M. D. S.
Potio antifebrilis, binis quibusvis ho-
ris ad unciam unā vel duas sumenda.

S. X.

*Recidi-
vapre-
caven-
da.*

Ad præscindendas, qui sextæ in-
dicationis scopos, admodum frequen-
tes intermittentium & maxime qui-
dem tertianæ recidivas, certior vix
datur ratio, quam qua omnia, quæ ad
generationem febris faciunt, evitātur,
ac monita superius in præservatione
inculcata curate observantur. Et
quum exhausto per febrem corpore,
appetitus hac discedente impenitior ef-
fe soleat, ventriculus autem & natu-
ra adhuc imbecillior, sæpius certe e-
venit, ut novus cruditatum primis in
viis fiat proventus, & febri vel lentæ,
vel superatæ recidivæ ortum prebeat.
Hinc consultum omnino ducimus,
ut qui mox a febre convaluerunt, le-
viorem cœnam & facilis digestionis
cibos assumant, ac præterea ad ful-
ciendum ventriculi robur, adducendas
prima ex regione fôrdes, nec non de-
tergendas, si quæ supersunt, morbi
reliquias, efficacibus utantur prasi-
diis. Nos quæ hunc in finem com-
mendemus habemus potissimum mo-
deratum, sed eo crebriorem usum pi-

lularum nostrarum balsamicarum
confortantium, deglutiendo alternis
diebus mane, vel vesperi, no-
vem, vel undecim earundem. To-
tum quippe corpus inde robur nanci-
scitur, fatus summa cum euphoria
discutiuntur, & alvus clementer mo-
vetur, aucta subinde sub pulsu vegetio-
ri ipsa perspiratione. Deinde egregii
etiam usus elixirium stomachum ro-
borans, de quo ante prandium 30. vel
40. guttæ sumendæ, eamque in rem eli-
xir nostrum balsamicum, in notis ad
Poterium descriptum, elixir stoma-
chale Michaelis, in adjuncto clavi
Schrœderianæ thesauro pharmaceuti-
co inveniendum, vel nostra metho-
do præparata essentia stomachica, aut
etiam essentia gentianæ rubræ, sali
volatili oleoso nupta, item elixir vi-
serale nostrum apprime proficiunt.

Methodus medendi specialis.

S. I.

Quando saburra vitiosorum humo-
rum in stomacho ac duodeno effica-
cem postulat depletionem, quod ex
prægressa in gluvie, præcordiorum an-
xietate, nausea, ructibus, & oris ama-
ritie conjicendum, mox in principio,
finito primo vel secundo paroxysmo,
die vacuo offerendum emeticum,
quale supra commendavimus. Vel,
si firmior ventriculus & non modo per
superius, sed & inferius os vitiosa sen-
tina exturbanda, talem etiam præ-
scripsimus formulam: Recipe salis
Sedlicensis, vel Ebshamenis unciam elec-
tudimidiā, tartari emeticī grana duo,
vel tria. M. F. pulvis, dissolvendus in
lib. dimidia aquæ puræ tepidæ & dua-
bus a finito paroxysmo horis sumēdus,
facilitando postea evacuationem suc-
cessivo largiori potu jufculi avenacei
tenuoris, pinguedine liberalius imbu-
ti. Recuperatis autem post evacuatio-
nem quodammodo viribus, sine mo-
ra electuarii superius descripti antife-
brilis aliquot doses sumendas suasi,
quo sæpissime factum est, ut in prima
qua

quasi herba jugulata febris cesserit, & subuncto exquisito in regimine & vi-

stu moderamine, nunquam repetierit.

S. II.

Per sali- Contra ea, si quæ fuerunt, quæ ex-
na. crectionem anotericam interdixerunt, multi tamen serosi & crudi succi intus delituerunt ac sufficientem evacuatio- nem exegerunt, salibus deterris al- vum aperientibus medicationem sum aggressus hunc confiundo pulverem: Recipe salis Sedlicensis unciam dimidiā, salis ammoniaci, vel digestivi Sy- vii, lapidum cancerorum ana drachmas duas, nitri purificati drachmam unā. M.F. pulvis, de quo binis quibusvis horis drachma dimidia in uncia a- quæ puræ, vel chamomillæ vulgaris, aut ptisanæ, ingerenda, superbibendo semper vasculum infusi thee. Quo postquam aliquoties diebus interjectis egregie, blande tamen, & per epicra- sin, alvus totusque intestinorum ca- nalis expurgatus, febris tamen nec depulsa, nec quad vehementiam im- minuta, vel corticem chinæ salibus æquali pondere admiscui, vel solum electuarium nostrum interponere jussi, & sic etiam brevi tempore tertianas expugnavi, epidemice etiam gra- fantes & autumnales.

S. III.

perely- Quod si vero æger affectioni hypo-
febrei & chondriacæ obnoxius, inflati stoma-
tenifff- mæ. chi, alvi obstruторis, exquisitoris sensus, impatiens, & ad animi motus proclivis, nec emeticis, nec purgan- tibus salibus, præsertim liberaliori manu, utendum est, sed commodi- simam tum locant operam clysteres, ex temperatis carminativis & emol- lientibus conflati, item pilulæ nostræ balsamicæ, refractiori dosi, ad novem vel undecim, tempore intermis- sionis deglutita; præmittendo aliquot horis, vel postponendo pulveris dige- stivi, ex cancerorum lapidibus, terra foliata tartari, tartaro vitriolato, & etiundum nitro depurato, usum.

S. IV.

Quid fa- In accessione febris ipsoque paro-
ctiundum

tartaro-

xyfuso.

xyfsmo, & maxime quidem rigore, nihil plane a Medico tentandum. Ab- stinendum tum etiam a potionē, præ- fertim frigida, licet sitis ipso sub fri- gore præsto sit. Incremento vero sen- sim æstu, eoque ad vigorem deducto, potum utique, & quidem sufficien- tem, præbere decet, non tamen mag- nis haustibus, sed crebrius interpo- latis, studendo simul, ut palato non sit ingratus. Propinanda hinc quæ su- pra commendavimus decocta & infusa, & quæ maxime accommoda ptisana, seu decoctum hordei, cum scor- zonera, adjecto limonum, vel rubi idæi sirupo, nec non spiritu nitri dulci, & oleo de cedro. Ad æstum quoque & sitim extinguidam ex usu est pul- vis temperans, ex duabus lapidum cancerorum & una nitri parte, repeti- to cum ptisana exhibitus.

S. V.

Erumpens remittente æstu & soluto *Extra*
paroxysmo mador, vel etiam sudor, *paroxy-*
tam lecti & hypocausti tempcrrie, *smum?*
quam internis quoque adminiculis blande proritandus, eumque in finem, præter jam memorata, egregii usus infusum theiforme ex radice scorzone- ræ, herba scordii, & corticibus citri. Postquam vero febris penitus deser- buit, corpus ab omni tam interna, quam externa refrigeratione defen- dendum, & curandum potius, ut in ju- gi servetur perspiratione, quod impe- tratur accommoda exercitatione, & crebriori potuum calidorum usu.

Cautela & observationes
Clinicae.

S. I.

In perita medicamentorum adver- sus tertianam, simplex sit, sive duplex, *Initi*
aut continua, administratione, ante *& finis*
omnia observandum a Medico, ini- *paro-*
tium paroxysmi ejusque finis, judi- *xyfmi*
cando illud ex refrigeratione partium *ratio*
extremarum, pandiculatione, osci- *baben-*
tatione, horrore, & pulsū in celerio- *da.*
rem & contractum mutato, & solu-
tio.

tionem ex pulsu molliori, remissione & fluxu, madore, vel sudore. Etenim nonquam in accessione, vel mox ante ipsam, sanguinem mittere, vomitorium, purgans, corticem chinæ, aut aliud roboran, & adstringens exhibere licet; fervente vero impetu, sudor, ubi expedit, commode promovendus, & tempore demum a febre prorsus vacuo, diaphoretica, evacuantia, vel etiam pro renata specifica præbere optimum & accommodatissimum.

§. II.

*Quid si
ut con-
tinua
accidit?* Quum tertiana in principio, præser-
tim in calidioribus, saepe febrem con-
tinuam & ardente mentiatur, non-
nisi temperantia, diluentia, & modice
leniter salina, digestiva, nitroso conve-
niunt, omittendo tum emetica, ve-
criora calida sudorifera, donec in ter-
tianæ typum concesserit.

§. III.

*contumax
in quo-
transit?* Si contumax est, ut autumno, vel in
quotidianam transit, antifebrilis illa
potio, quam primus *Crollius* & ex hoc
Riverius commendat, ex aqua scilicet
destillata, ut cardui benedicti, sale ab-
synthii & spiritu vitrioli confecta, bis
vel ter quotidie data, egregium afferit
levamen, eo certius, quando pillula-
rum nostrarum balsamicarum usus in-
terponitur. Monendum tamen, hanc
servandam esse enchiresin, ut spiritus
vitrioli non immediate cum sale ab-
synthii commisceatur, sed miscela in
aqua adornetur. Ego quoque sali ab-
synthii oleum tartari per deliquium
surrogare soleo, vidēdo, ut in connubio
punctum saturationis exacte tangam.
Et talis potio similem, immo superio-
rem aquis mineralibus, acidulis dictis,
aperientem virtutem possidet.

§. IV.

*vel ni-
mis bi-
lio/a ar-
gendum.* Eadem potio in tertiana nimis bi-
lio/a, vel in cholericis ex iracundia
enata, admodum proficia vitanda vi-
cissim amara, sudorifera, alexipharmacæ,
acriora, aromaticæ, multo
magis salia volatilia, & usurpanda potius
temperatissima salina nitroso, &
præcipitantia.

§. V.

Chinæ cortex optimum certe anti-
febrile, ejusque virtutem etiam in quando
grassantibus epidemice febribus præ-
stabilem reprehendi atque securam;
semper tamen securior insensibilioris,
calidioris, & vegetioris naturæ subje-
ctis, nec non ubi urina sedimentum
ponit ac per cutis poros excretio succe-
dit, quam in segnioribus, melancho-
licis, phlegmaticis, vel mensium sup-
pressione laborantibus, ac ubi excre-
tionum defectus & urina cruda. Hinc
recte ipso assumto, motus corporis,
quantum fieri potest, imperandus &
potus non frigidus, sed calefactus ex-
hibendus.

§. VI.

Quandoque ante correctionem &
sufficientem materiae morbiferæ eva-
cationem, paroxysmos per specifica
& corticem chinæ compescere oportet;
ut postea longe meliori effectu
mineræ febris & corrigenda & elimi-
nanda congruis præsidii aliquamdiu
insisti possit.

§. VII.

Quando & pathemata gravius
urgent, viresque exhauiunt, corticem
chinæ, nitro nuptum, in forma ele-
tuarii, intermissionis tempore, cum
bonis ærorum rebus datum fuisse,
multis confirmatum habeo exemplis;
ita prorsus, ut mox symptomati
mitigatio & virium incrementum suc-
cesserint. Tenendum tamen, hoc fa-
cto, materiae febrili & temperandæ &
expurgandæ, medicationem adhuc
esse accommodandam.

§. VIII.

Purgantia acriora, uti, ob spasmorum
quod cent incrementum, nun-
quam in tertiana propinanda; ita eo
minus, quando paroxysmi a cortice
chinæ, vel aliis remedis cessant, eo
quod facile febrem revocant. Sed quā-
do alvus subsistit, clysteribus, vel pi-
lulis nostris balsamicis, interposito sa-
cium usu, officii admonenda.

§. IX.

Emeticæ, si indicatio adest, statim
in-

*Emeticæ
caecio-
dandæ*

in principio, quo citius, eo melius, offerenda, nec gratis exspectandum, donec materia fuerit concocta, sed proxima via exturbanda, priusquam noxam latius diffundat. Quod si enim febris corpus jam aliquamdiu detinuit, æstus ille solennis nimius ventriculum ad inflammationem concipientem disponit, ab emetico postea facile procurandam. Interim quando paroxysmus, sappius, licet mitius, recurrat, & febris vel ex neglecto regimine diætетico, vel perperam instituta medicatione, ad aliquot menses extraeta, utilissime sappius dedi vomitorium. Id dumtaxat servandum, minorem tum, ac in principio, sufficere dosin, eademque magnam biliosorum humorum colluviem et duodenum exturbari, tam salubri effectu, ut licet febris non penitus cesseret, ex faciliter tamen postea specificis antifebrilibus, & maxime quidem chinæ cortice, subiuncto debito in vita & vietū moderamini, abigi possit, ac persanari.

S. X.

Sanguinis missio in tertiana summa cum cautione instituenda. Nimirum quando febris primum accedens continua speciem refert, ingens æstus cum delirio urget, æstas regnat, æger atque vigens sanguine abundat, biliosus, ad iram pronus, & diætæ vinose assuetus, utiliter utique vena pertunditur. Præmittenda tamen primarum viarum repurgatio, & eligendum tempus a febre immune. Sorbillandum etiam paucis ante, vel post sectionem horis, infusum theiforme, in primis ex floribus chamomillæ vulgaris, singularis plane adversus febres virtutis, partim quo sanguis tenuior redditus eo liberius circumferatur, partim quo motus spastici, quibus tota febrium natura continetur, quodammodo placentur.

¶ no. 1 Contra eo quādo prima regio crudatum sentina sordescit, corpus non sanguine abundant, nec reliqua presto sunt phænomena, sanguinem mittere nocivum, eo quod excretiones salutares, maxime ea, quæ fit per cutis poros, in-

de sufflantur, ipsaque febris, experientia teste, obfirmatur magis, & chronica fit.

§. XI.

Ab opiatis & anodynis, quorum in numero etiam sunt pilulæ Wildeganæ & de cynoglossa, in intermittentibus prorsus abstinere consultum, quippe quæ infido effectu paroxysmum quidem mitigant, vel interdum suspendunt, sed vires simil deficiunt, totumque febris decursum cum salutari crisi turbant, ut morbi causa majores acquirat vires, & paroxysmus longe gravior postmodum accedat.

§. XII.

Aluminosa, & vitriolacea et adstringentiam febrium paroxysmos fistunt, sed si quis forsan in plebeis iis uti velet, opus est, ut post eorum usum sudor decocto, vel infuso theiforme calide sumto eliciatur, vel corpus motu exerceatur, quo alias nocens facultas earundem quodammodo averti possit. Post præposterum enim tam horum, quam aliorum eminentius adstringentium usum, plura subsequita fuisse incommoda annotavi, maxime in iis, qui excretionibus sanguineis assueti, ita ut hæ inde penitus fuerint suppressæ.

§. XIII.

Cortex chaccarillæ accommodatis simum etiam in intermittentibus est remedium, ob principium quo instrutus est balsamicum & sulphureum anodynum terreumq; adstringens. Sed quia sanguinem exæstuarè & calorem accendere solet, in biliosis & ad motuum impetus pronis subiectis minus, & nonnisi in refracta dosi, ex usu est, in segnioribus vero, in phlegmaticis, & mulieribus magis, & tunc commodissime cum cortice chinæ miscetur.

§. XIV.

Absorbentium spectatus quidem in febribus effectus, nihilominus tam moderate, quam cum delectu, sunt usurpanda. Copiosius quippe ingesta, moderata solventibus in ventriculo succis minus te usus, obediunt, sed integræ relicta, eundem Pandæ.

Vene
Sectio
quando
condu-
cat.

Chac-
carilla
quibus
condu-
cat.

one.

onerant, quin in lentam plane pastam coeundo, anxietates & nauseam carent. Rudiora vero illa, ex marinis maxime deponita, ægrius non modi liquantur, sed & adstrictivam plane postea sortiuntur virtutem.

§. XV.

*Topica
in cephalo-
gia ob-
funt.*

Sæpius evenit, ut in paroxysmo præfertim accedente, a sanguine ad caput, potissimum in plethoricos, con- gesto, exquisita oriatur cephalalgia, cum sensuum & phantasie turbatione, cui non promiscue topicis occurrendum. Vidi enim epithemata illa domestica, ex absynthio, ruta, cumino, baccis juniperi, sale communi & pane trito, ob vaporem, quo caput replet, plus nocuisse, quam profuisse. Multo minus vero cephalica & nervina, ut balsamum nostrum vita, quod alias in doloribus capitatis egregii usus, porrígenda sunt.

§. XVI.

*Potus
calidus
circum-
specte-
dandus.*

In paroxysmo potus calidus, ut herbæ theæ, fabarum coffeæ, non confert, quia humores acres, biliosos, plus justo in sanguinem agit & estum, nec non anxietates mirifice auget; sed potius concedenda potio temperate calida. Recte enim *Hippocrates* lib. III. de morbis præcipit: tertianis potus calidus non confert, sed frigidus. Extra paroxysmum autem calidæ ejusmodi potionis commode inveniunt locum, præfertim quando excretio alvinalibera est.

§. XVII.

*Depulsa
jetre
quid fa-
ciendū.*

Quando febris per specifica depulsa, non omittenda penitus sunt sanitatis præsidia, sed vitanda sedulo corporis refrigeratio, in appetitu moderamen servandum & aliquamdiu tam pilularum balsamicarum, quam elixirii stomachici usui insitendum, uti jam superius in sexta pluribus monitionis indicatione.

§. XVIII.

*Oedema-
tosi suc-
cedunt.*

Quod si vero contigerit, ut ob ingestum largius frigidum potum, veldatæ præpostere adstringentia, tumores succedant oedematosi, neutiquam in

usum vocanda acriora purgantia, martialia, aut salia volatilia, sed omnis medicatio salibus abstersivis, pilulis balsamicis & temperato lignorum decocto conficienda. Ubi etiam anasarca corpus obsidet, emeticum cum extracto panchymagogo Crollii, vel hellebori nigri, justa dosi oblatum, miram aquarum copiam evehendo, infiniter juvat.

§. XIX.

Senes plethoricos & venæ sectioni *Quomo-
do tra-
andi
fenes.*

assuetos, a refrigeratione in atrocem colicum dolorem, subsequente tertiana continua epidemice graffante, incidisse, crebrius observavi, quibus sanguinis missio admodum fuit profusa, chinæ cortex autem, mature nimis datus, perniciosus, ita prorsus, ut quotidiana hecticæ similis funesta inde fuerit enata.

§. XX.

Pueris octavum vel decimum etatis *Pueri.* annum agentibus, febre tertiana correptis, exoptato cum successu dedi potiunculam emeticam, & post hanc clysteres ex antifebrilibus, centaurio minori & cortice chinæ, applicare jussi, febre ex toto quiescente, nec unquam repetente.

§. XXI.

Feminæ ex mensium suppressione *femina cache-
cachetica febri-
entes magna circum-
spectione tractandæ, reje-
ctis penitus omnibus validioribus evacuantibus,
æque ac roborantibus, emmenagogis quoque, quæ quidem temperata, sed febre nonnisi discedente, locum inventiunt. Clysteres vero ex leniter laxantibus, amaris & carminativis, nec non infusa blande alvum subducentia, quæ simul amara, corticem chinæ & limaturam martis habent, opem fecerunt præstabilem.*

§. XXII.

*Puer-
peræ.*
Puerperæ intermittentibus affectæ febribus, gravissime inde luunt, & se- va pathemata hysterica incurvant, nisi lochiorum curate habeatur ratio, tāto magis, quando hec cum febre per absorventia marina, vel præcipitan-

tia

tia marina, vel præcipitantia rudio-
ris texturæ, conchas, corallia, cum,
vel sine acido, nimis cito supprimun-
tur. Tum potius insigni virtute splen-
dent, pilulae nostræ balsamicæ toni-
cæ, quæ morbis ex uteri vitio appri-
me medentur.

ENARRATIONES
MORBORUM.

OBSERVATIO I.

Tertia- Incidit vir quinquaginta annorum,
as in cholericus & in iram admodum pro-
bilio*sis* perpe-
romsa-
libus ex-
septa. clivis, æstivo tempore in tertianam,
quaæ per aliquot hebdomadum decur-
sum persistit, ægerque variis interea
autem pathemataibus, angore, cura,
solicitudine, quin ira affectus, in pa-
roxyfmis subinde conatus ad vomen-
dum persensit. Vocatus in consilium
medicus, non alia exhibuit medica-
menta, quam salia, arcanum quippe
duplicatum, sal ammoniacum, sal tar-
tari, nitrum & id genus plura, & hæc
quidem liberali admodum manu &
reperitis dosibus. Sed tantum absuit, ut
his, quantumvis diu usurpatis, febris
fracta fuerit vehementia, ut potius
symptomata magis increverint, an-
gustiæ præcordiorum cardialgicæ in-
tensiores, facies admodum contracta,
pallida & livida, extreborum etiam
die vacuo refrigeratio, cum perpetuo
ad tussim siccum stimulo, vomendi
conatu, quin singultu, accesserint &
simulac quicquam esculentum fuerit,
sive potulentum, in ventriculum dela-
tum, illico pejus habuerit æger. No-
stre hinc commissus medicationi, om-
nia salina seposuit, a vino quoque, li-
cet ejus potui anteä assuetus, abstinuit,
& crebrius juscule haufit ex pullo gal-
linaceo, tremore hordei & vitello o-
vorum, nec non decoctum florum cha-
momillæ vulgaris. Exterius ante pa-
roxyfsum epigastrii regioni imposta
est vesica speciebus emollientibus re-
pleta, & alvo injectus clyster ex lacte
& manna, adjecto stimuli loco nitro

Tem. IV.

& sale. Mitigatis autem hinc sympto-
matibus, electuarium ex cortice chi-
næ, julepo rofarum, theriaca & ni-
tro, intercalari die aliquoties modica
dosî dedimus, tam salubri effectu, ut
febris penitus discederet, nec unquam
rediret.

Epicrisis.

Notatu utique dignum est, salium,
præstantis aliâs in intermittentibus
virtutis, usura tam male hoc in
ægro cessisse, & inflammatoriam quasi
in ventriculo adduxisse erosionem, ut
hinc omnia illa, quæ afflixerunt, insolita
pathemata pullularint. Ratio ta-
men peculiaris hujus effectus in pro-
clivi est, scilicet cholericae constitutio-
nis erat corpus, æger ad iram pronus, &
sub ipsa febre animi affectibus agita-
batur. Jam vero nihil tam promte &
celeriter ventriculum cum tenuibus
intestinis spasmus afficit, dispositionem
ad inflammationem ibi inginit, & bi-
lem acrem ipsiusque effusionem cau-
satur, quam ira, in subiecto præsertim
plethoraico. Dein notum etiam est, sa-
lia, cuiuscunque fuerint generis, ner-
vosas ventriculi & intestinorum tuni-
cas mirum in modum irritare, magis-
que ad spasmos sollicitare. Atque a-
deo, his tam exquisite sentientibus
& spastica jam strictura affectis parti-
bus, nō potuerunt non malum augere,
& si instrumentum plane effectum edere hæc
salina remedia, tanto magis copiose &
iterato oblata. Contra ea optimum
certe fuit consilium, afflictas has par-
tes mulcere temperantibus, spasmos
complacare, & febres demum mo-
tus, diu jam corpori inhærentes, si-
stere atque compescere.

OBSERVATIO II.

*Febris
in ple-
thoraico
gravis-
bus*

Vir quidam generosus, ruri degens, *symp-
vegetus natura, robustus, sanguine* *matibus*
sanguisque plenus, sexaginta & sex an-
nos habens, postquam nocturno aeri *sipata*
fæse incautius commiserat, & sudorem *fine ve-*
improwida refrigeratione repulerat, fine se-
tertiana corripiebatur exquisita. Vo- *sanata.*

cabar accedēte tertio paroxysmo ego, ægrumque sub frigore deprehendebam omni sere sensu privatum, delirantem, trementibus ob anxietatem summam manibus pedibusque, cum corporis irrequieta jactitatione, facie inflata & bruni coloris, ac pulsu contracto, duro ac celeri. Metuebam hinc gravem capitis morbum & ex adstantibus querebam: an non vena fuerit secta? sed regerebant: ob impensam naturalem quandam aversiōnem, nunquam ægrotum ut sanguinem mitteret induci potuisse, neque ipsum, quantumvis plethoricum, unquam spontaneum sanguinis ex natūrum, vel ani venis expertum esse fluxum. Ter interea tam graviter febricitans pituitam maxime lentam, instar gelatinæ, saturato bilis colore tinctam, alvo dejiciebat, & postquam frigus per tres horas duraverat, succedebat æstus sex horarum, remittentiibusque sensim pathematibus, erumpēbat demum mador, ægro intercalari die bene se habente. Sitis autem sub frigore & horrore erat interior, quam sub calore, & urina in paroxysmorufa sine sedimento secedebat, quod tamen intermissionis die deponebat. Quum igitur eger omnem penitus sanguinis missione respueret, ut exæstuationem & congestionem sanguinis ad caput omni modo praescinderem, operam dedi, eaque propter loco cerevisia, qua crassior erat & lupulata nimis, ptisanam potui prebendam suasi, & in paroxysmo potionem temperantem, ex aquæ florū acaciae, fimbrii, tiliæ, cardui bedicti ana uncīis quatuor, pulveris nostri polychresti bezoardici dicti drachmis duabus, temperantis nitrosi drachma, succi citri cochlearibus binis & facchari uncia dimidia, cuius etiam per intervalla crebrius aliquot pro dosi cepit cochlearia. Declinante impetu, ad madorem eliciendum, infusum ex scordio & corticibus citri forbillavit, & extra paroxysmum pulvrem ex lapidibus cancrorum, terra

foliata tartari & nitro, cum sufficienti quantitate ptisanæ, subinde assumit. His aliquandiu usurpati, symptomata post nonum paroxysmum multum mitescabant & urina multum crassæ dimittebat materia. Quæcumq; ægrum duabus manna uncīis & salis polychresti drachmæ dimidio, in jure carnis dissolutis, purgasset prius, ad fistendum paroxysmum electarium antifebrile, consueta methodo & idoneo regimine exhibui. Quo semel adhuc admodum leni insultu subsequente, febris penitus demum corpus deseruit, usurpati postea aliquoties alternis diebus pilulis nostris balsamicis, cum pulvere salino aperitivo. Et ita perfecte cum sanitate sine recidiva in gratiam rediit æger, & in hunc usque diem ad septuagesimum septimum annum sanus vixit.

Epicrisis.

I. Sub gravibus & in solitis capitis in hoc ægro pathematibus, ab affecto graviter præter naturam nervorum systemate oriundis, singulari omnino naturæ beneficio evenit, ut minimum bis, vel ter, lento biliosos succos copiose excerneret, & credibile merito, alvo simul adstricta, anticipitem subsequiturum fuisse capitis morbum.

II. Si febrientes plethorici, nec tamen venæ sectionem admittunt, optimum consilium, æstum temperantibus leniterque alvum subducentibus uti.

III. In corpore plethorico, denegata sanguinis missione & urina eruda prodeunte, febris nunquam cito per specifica jugulanda, sed tutius est decem minimum operiri paroxysmos, qui quasi remedium adversus succorum abundantiam, donec sponte mitescant symptomata, & urina cocta mingatur, ac tum demum, præmissis adhuc alvum moventibus, ad febrem transire de pulsandam.

OBSERVATIO III.

Quadragenarius quidam, sanguis neo-

Tertia neo-melancholicus, a longo iam tempore inordinata usus diæta, &estate, qua jam cum febres grassabantur, ira gradatius incitatus & corpus auræ vespertinae in duplice convergente frigidiori liberius committens, incidit in artuum lassitudinem, cum somno inquieto, dolore dorsi, capitatis & hypochondriorum tensione, succedente horrore, & post hunc calorem. Tertia die idem redit insultus, & licet frigus non adeo esset intensus, a stus tamen, & reliqua pathemata longe erant acerbiora, anxietas intensissima, & mentis plane quædam alienatio. Seccatur a medico vena, offertur emeticum, unum tantum vomitum ciens, & post quartum paroxysmum febris cortice chinæ sistitur. Prodit hinc post aliquot dies in publicum æger, & in horto fluvio adiacente bene cœnatur quidem & potat, sed recidit in febrem longe vehementiorem paroxysmum, stipatum summa præcordiorum angustia & æstu, nec non vomitione, ita ut non modo potum, sed & ipsa medicamenta rejiceret. Porriguntur hinc elapsis quatuordecim diebus bis pilulae ex cortice chinæ & floribus salibus ammoniaci martiatis, tam infelici effectu, ut tertiana simplex in duplicem degeneraret, & vires ægri mirifice attereret. Notabatur præterea circa ventriculi regionem tumor, ingesta omnia vomitu reddebantur, anxietas erat vix toleranda, pulsus etiam extra paroxysmi tempus celer, urina non semper eadem, interdum crassa cum sedimento, interdum flava tenuis, non nunquam plane rufescens, & clystere injecto, alvus copiosa mucida, fetida & biliosa dimittebat.

Epicrisis cum curatione.

Est hæc febris tertiana duplex, cum metu inflammationis ventriculi, quam imminentem maximæ anxieties, perpetuae stomachi subversiones, alvi constipatio, pulsus continuo celer, & tumor ventriculi haud dubie praefagiunt. Nec levis notæ error in medicatione commissus fuit, quod no-

modo emeticum in febre tanto æstu, & angore stipata oblatum, sed & ante sufficientem materiæ febrilis correctionem & primarum viarum expurgationem, paroxysmus premature primum cortice chinæ depulsus, & repetens postea, pilulis ex floribus salis ammoniaci, eminentius adstringente virtute præditis, oppugnatus. Ut igitur inducta hinc noxa præseindetur ipsaque febris persanaretur, hoc modo medicationem aggressus sum. In infuso theiformi ex scordii manipulo, florum chamomillæ vulgaris, summitatum millefolii ana pugillis quatuor, seminis foeniculi uncia dimidia, exhibui liquorem anodynū cum elixirio stomachali. Deinde ad potum ordinarium commendavi decoctum rasuræ cornu cervi cum radice scorzonerae, cum quo quandoque propinatus hic pulvis: Recipe pulveris Marchionis drachma; lapidum cancerorum, nitri depurati ana drachma dimidia, pulveris castorei grana X. M. F. Pulvis D.S. *Pulver auf etliche mahl.* pulvis ad aliquot vices. Postea sal absynthii cum succo citri oblatum. Exterius vero cataplasma, quod habebat florum fambuci, chamomillæ vulgaris, Romanæ, salviae, hormini, anethi singulorum pugillos sex, herbae menthae crispe manipulum, nucis moschatæ, caryophyllorum, cardamomi, seminis foeniculi anunciam semis, redactis omnibus cum fermento panis, spiritu vini & acetato rosaceo in formam cataplasmatis, calide ventriculi regioni appositi. Quo factò per universum corpus sudor obortus & anxietas cum vomitu cessavit; ac mitiori quoque sensim factò febris impetu, tandem electuario ex cortice chinæ, floribus chamomillæ & syrupo acetositis citri; morbus feliciter per sanatus.

OBSERVATIO IV.

Senex generosus, septuagesimum *Tertia*& quartum ætatis annum agens, sanus *na continua* alias adhuc & vegetus, intermisserat *in fine* consuetam vere sanguinis missionem, funeste

& post impensam totius corporis refrigerationem, atroci primum abdominis dolore infestabatur, cum extre-
morum frigore & tremore, ad viginti
fere horas persistente. Succedebat po-
ste aëstus, cum sensuum perturbatio-
ne, pulsu vehementi, delirio, virium
que prostratione. Tandem quidem
superveniente leni madore, haec indu-
cias dabant, sed elapsis aliquot horis
levis denuo eveniebat partium extre-
marum refrigeratio, iisdem quam ante
symptomatis stipata, ut non
amplius obscurum esset, laborare æ-
grum febre, tum temporis epidemica,
tertiana continua. Accitus hinc medi-
cus, cui solennis, statim etiam in
principio intermittentum, electuarii,
eius basis cortex chinæ, usus, &
idem hoc suum remedium suadet, sed
absoluta licet successiva dimidia hujus
libra, plus increvere, quam remis-
se symptomata, subsequuta enormis
virium prostratio, continens capitis
dolor, sitis, summa præcordiorum an-
xietas somnique defectus, pulsu sem-
per magno, pleno, citato interdum
plane intermittent. Nono morbi
die advocabar ego, ægrumque offendebam imbecillum, graviter de si-
nistro electuarii, biduo jam omisi,
effectu conquerentem; ideoque san-
guinis missionem, quæ in principio,
meo & aliorum medicorum judicio,
summopere fuisset necessaria, insi-
tuere nolui, & nil nisi analectica &
temperantia, cum leniter diaphoreticis
suasi. Aderat quidem quotidie
symptomatum ad sex vel septem ho-
ras remissio, sed totalis virium pro-
stratio pessima ominabatur, ideoque
capitalem fore morbum prædixi, æ-
gro et iam elapsis aliquot diebus, ipso
sub paroxysmo, abeunte.

Epicrisis.

Quamvis specifica antifebrilia, quo-
rum potissimum cortex chinæ, nec-
non reliqua, quæ mera adstrictione
agunt, martialia scilicet, cortex fra-
xini & Hartmanno familiaria alumina-
nosa, in moderandis, vel plang sedan-

dis febrilibus motibus, non contem-
nenda prudenter usurpata polleant ef-
ficacia; nihil minus tamen ego nun-
quam non gravissimam inde notavi
noxam, in corporibus plethoricis,
spasticis, obnoxiis vehementioribus
stricturis, hypochondriacis & hyste-
ricis, & ubi nondum humorum acri-
monia emendata, nec aëstus mitiga-
tus. Tanto vero magis cum cautione
danda sunt senibus, quanto major in
his ut plurimum humorum spissitudo
& crassities, alii obstipatio, immo-
haud raro sanguinis redundantia.

OBSERVATIO V.

Annus currebat 1719. quum Char-
lottiburgi, (quod amoenum prope na cito
Berolinum secessui regio dicatum op-
eridum, sed ob paludum & stagnorum sanato-
circumiacientium copiam, febrium,
quotannis ibi grassantium proveni-
tu, infestum,) & plures ex aulico-
rum ministrorum numero propter
ciborum ingluviem, vespertinum im-
provide admisum frigus & aerem no-
xiis effluviis refertum, tertiane im-
plicarentur, consuetis symptomati-
bus stipatae. Ex his plures, qui mea
utebantur medicatione, hac ratione ad
sanitatem reduxi. Superato scilicet
tertio paroxysmo, intermittentis
potionem emeticō laxantem porrexī,
ex manna & tartaro emeticō, in aqua
veronicæ, vel florū acaciæ solutis,
qua ingens vitiosorum humorum col-
luvies per inferiora & superiora extur-
bata. Hoc facto, tribus, vel quatuor,
ante subsequantis paroxysmi accessio-
nem, horis, ad lenem provocandum
sudorem, exhibui potionem ex tri-
bus aquæ cardui benedicti uncis & di-
midia uncia aquæ theriacalis, cum
drachma salis tartari & trincta spiri-
tus vitrioli guttis. Tum extra paro-
xysem corticem chinæ & flores cha-
momillæ vulgaris, vel in forma ele-
ctuarii, vel potionis, binis quibusvis ho-
ris, præbui, quibus per aliquot dies
I usurpatis, febris discessit, injuncta

post-

postmodum, ad arcendam novæ materiæ febrilis generationem, parciori vietutu ratione, cum elixirii nostri stomachici usu.

Epicrisis.

Multiplici edoctus sum experientia, specifica intermittentium præsidia, horumque principem, corticem Peruvianum, felici cum successu dari, vel statim in principio febris, per purgatis prius probe primis viis, vel declinante post aliquot paroxysmos jam sua sponte febris impetu, non tam facile nocere, ac si natura per plures paroxysmos imbecilliori reddit, demum usurpat. Tum enim magis noxa timenda & majori opus est prudentia, eo quod per crebriores paroxysmos, motu tam intestino, quam tonico auctiori, tota sanguinis & humorum massa in excrementitias fordes fatiscit, quæ nisi prius sufficienter expurgata fuerint, per adstrictivam specificorum facultatem intus retentæ, pejoris notæ recidivas, vel novos alias morbos, ingignunt.

OBSERVATIO VI.

Tertia. Ex præcalida, diuturna, insueta plane aeris tempestatumque constitutio, nœc epide- mico, elapso 1727. anno, plures februum species universam fere Germaniam infestarunt, & laborantes nimio, fere continuo æstu, virium prostratione, anxietate, capitis dolore & nonnumquam plane delirio, mirifice affixerunt, ita quidem, ut frequentissimæ ex illis essent tertianæ continua, symptomatibus non penitus intermittentibus, sed tantum remittentibus, donec lapsu temporis, successive vel in quotidianas, vel tertianas legitimas, vel etiam quartanas, transirent. In harum persanatione ego quidem felici cum successu hac usum methodo. Sub febre, tribus singulis horis, duo circiter cochlearia præbui potionis ex aqua florum sambuci, tiliæ, cerasorum nigrorum ana uncis duabus, pulveris præcipitantis

Tom. IV.

& bezoardici ana drachma una, succi citri & julepi rosarum ana uncia dimidia. Remissionis tempore oblatum laxans ex manna uncia cum dimidia, vel duabus, nitri puri & salis polychresti ana granis 15. in jure carnis vel aqua destillata solutis. Fœminis autem spasmodicis affectibus obnoxiiis, clysteres injicere jussi, leniter discutientes & demulcentes. Perpurgata his prima regione, ad electuarium usum accessi, hac tamen cum differentia, ut ad temperandum æstum, nitrum adjicerem. Fracta hic postero mox die febris atrocia, ut per aliquot adhuc dies hujus remedii usui insisterent, & alvum clysteribus apertam servarent, febre autem penitus evanescente, exactum in vita & visu tenerent moderamen, & subinde pilulas nostras balsamicas confortantes deglutirent, injunxi. Et sic brevi tempore, divino auxilio, ægri convaluerunt, quum alii, iisdem febribus laborantes, adhibitis variis remediis, venæ sectio- ne, emeticis, salibus amaris, & essentiis alexipharmaticis, diu fuerint afflicti, viribus adeo consumtis, ut longo tempore omniq[ue] arte eisdem vix potuerint recuperare.

Epicrisis.

Febres, quæ accedentes gravibus stipantur symptomatibus, intenso æstu, siti, virium & appetitus dejectione, nisi sint acutæ, sed notabiles servent remissiones, melius in principio specifica febris præsidia ipsumque chinæ corticem ferunt, ac illæ ex tertianis & quartanis, quæ lenius invadunt & lentius procedunt. In illis quippe expedit utique effrenes solidorum & fluidorum motus, roborantibus & anti-spasmodicis moderari, vel plane sedare; in his vero languescente jam naturæ motu & ad removendam in viscerum infarctu, & glandularum obstructione repositam morbi caussam non sufficiente, idem perficere oppido nocivum. Ego certe multis confirmatum habeo exemplis, longe melius antifebrilia propinari in tertianis legi-

timis, cholérica, & juvenilia corpora graviorum symptomatum insultu infestantibus, quam ubi segniora & phlegmaticæ constitutionis nothis implicantur. Nec infreuenter in illis fuit observatum, post Americani corticis usum, alvum fluxisse, sudorem largius manasse, pulsus intermissionis tempore cum virium incremento increbuisse, quin ipsum salivalem latitatem stillasse.

OBSERVATIO VII.

*Exter-
tiana
apo-
stole-
ma mu-
scularū
abdo-
minis.*

Prehendebatur verno tempore tertiana epidemica, vir quidam quadragenarius, laxioris habitus, qui militia deditus, tam propter effusum per crebriora vulnera sanguinem, quam abusum vinorum Italicorum, corpus infirmum, atque caufarium reddiderat. Advocabatur medicus, febre que ardente & malignam, propter intensum ardorem & sitim, fore judicans, porrigebat alexipharmacum, ex spiritu cornu cervi, & tinctura bezardica. Sed increcebat inde ardor cum siti, & accedebat delirium plane, ut æger nudum etiam corpus in paroxysmo frigido subjiceret aeri, gelidamque largiter ingurgitaret aquam. Concedebat tamen febris in tertianæ intermittens typum, æstuisque remittebat, debilitas autem insignis, magna ad sudorem proclivitas, & mira paroxysmorum anomalia succedebat. Discedebat tandem penitus febris tertiana, sed sudor cum tussi affligebat perpetua, & quotidie febrilis quædam, licet sine horrore, & adeo notabili calore, præsto erat commotio, ac præterea infra cordis scrobiculum, in media cartilagine ensiformi, tumor quidam prædurus eminebat. Conflictabatur cum hisce pathematibus per binos fere menses æger, ac interea a multis medicis exquirerebat consilia, quorum quisque de affectu & medicatione peculiarem promebat sententiam, uno febrem esse hecicam, altero tertianam duplicem, tertio hy-

dropem, quarto glandularum omenti tumorem, affirmante. Errabant autem omnes. Increcebat enim subinde tumor, & exquisitus pungitivus cum ardore dolor jungebatur, & apostema potius intra musculos, non intra cavum abdominis, latitare coniciebam. Rejectis discutientibus externis emplastris, solum diachylon simplex fuit ad motum, & super hoc positum cataplasma emolliens. Sic elapsi tri-duo, attolli, & mollescere cœpit tumor, purisque subtus undulatio locum incisionis monstravit, qua quinto die facta, pus foetidissimum, ad tres minimum mensuras, paucō cruce intermixto, effluxit sensim. Inde mitior illico factus calor, somnus quietus redditus, & abscessu injectis balsamicis sensim ad consolidationem perdueto, pristinam demum æger recepit sanitatem.

Epicrisis.

Sanguineum corpus apostemati concipiendo quam maxime est opportunum, ob succos in laxa fibrarum textura ex facili subsistentes. In hoc quidem, potus ille frigidus, sub paroxysmo copiose ingelitus, cum improvida abdominis refrigeratione sub fervido calore, sanguinem & succos in musculis abdominis consistere fecerunt. Horum exstasi enatum apostema, factus tumor, & materia contenta computruit, quæ sanguini præterlabenti remixta, continuum lentum calorem cum languore induxit, & aperto apostemate, tam foetidum exspiravit odorem.

OBSERVATIO VIII.

Æstate, qua varii generis febres circumbant, vir quadragenarius, post gravem iram, præcordiorum summas anxieties, cum vomendi conatu, incurrebat. Excipiebat hæc posteris diebus icteritus color, in oculi albo quam maxime conspicuus, nec non ferina tussis, noctu potissimum affligens somnumque interurbans. Nihilominus,

*Tertiana
cum in
Hero &
tussi
Curata*

postulante sic, quo fungebatur, munere, iter suscipiebat, sub quo vero ob auram frigidiusculam & delicta quæ committebat, diæteta ca, febrem nanciscebatur tertianam. Stipabatur hæc solitis pathematibus, major tamen in paroxysmo erat anxietas & inquietudo, urina saturate tincta, sine sedimento, æstu per viginti fere horas persistens, & tussis quoque, noctu præsertim & sub frigore, vehementior. Consulebatur medicus, qui propinabat emeticum, ex tribus tartari emeticici granis, quo sexies puitirosus tantum bile leviter remixtus humor ejectus. Hoc facto dabatur electuarium ex radicibus alexipharmacis, pimpinella, gentiana, angelica, addita theriaca veteri, & syrupo acetositatis citri. Hinc vero mirum exasperabatur febris fereque reddebat continua, somnus cum appetentia intercedebat, & continuus sine frigore persistebat æstu, sub quo medicus ad sicut extinguentiam Martisburgensem suadebat cerevisiam. Advocabar ego, & causam febris cum symptomatibus curatius expendens, rejectis, quæ a medico præscripta fuerant cunctis, contrariam plane medendi ingrediebaviam. Pro potu quippe suadebam decoctum avenaceum, idque etiam cum feminibus quatuor frigidis & papaveris albi in emulsionis formam redigere, & adjecta convenienti nitri portione, pro lubitu liberaliter ingerere precipiebam. Pulverem dein absorbentem nitrosum, ex antimonio diaforeticō, lapidibus cancrorum, nitro & tartaro vitriolato, bis vel ter quotidie, in & extra paroxysmum sumendum, commendabam. Bis etiam quotidie liquor noster anodynus mineralis ad guttas 20. in superiori decocto offerebatur. Redditis per hæc mitioribus cunctis, elapsis quinque diebus, electuarium antifebrile ex rob. sambuci uncis duabus, corticis chinæ drachmis sex, syrapi acetositatis citri uncis duabus, pulveris florum camomilla drachmis duabus, antimonii

diaphoretici, extracti centaurii minoris, nitri, singulorum drachma, quovis bihorio ad drachmas duas, per quadrum exhibitum. Quo ex toto cessavit febris, cum omni æstu ac siti, ferina tussis conquevit, urina, seclusa per totum morbi decursum, ex bruno-rubido colore flavescentis sedimentum dimisit, appetitus cum viribus redit, & flavus in facie & corporis superficie color successive disparuit. Denuo vero, ne ex ciborum ingluvie recidiva gigneretur, crebriorem pilularum balsamicarum & salis digestivi ex arcano duplikato, sale digestivo & sale tartari usum, cum abstinentia, ferio injunxi, & sic æger, vitata simul omni refrigeratione corporis, animique commotione, quæ facile recidivam creare possunt, maxime si negligitur primarum viarum evacuatio, quæ demum septimo a febre die molienda, ad perfectam redit sanitatem.

Epicrisis.

I. Hoc in ægrò omnia primum in motu spastico excessivo fuerunt constituta, acris etiam subtilis materia potius in vito fuit, quam crassioris & ruidoris humoris moles, testantibus id origine febris ab ira, symptomatibus, ut tussi ferina, & icteritia, ex spasmodynamo biliariorum. Perperam igitur a medico datum emeticum, & electuarium calefaciens, quibus motus spastici cum intestino æcti & pathemata exarcebata. Ex usu potius fuissent motus complacantia & acrimoniam diluentia ac temperantia, cum iis, quæ per cutis poros subtilestes sordes eliminant. Quod demum cum successu decocto diluente & humectante, pulvribus absorbentibus nitrosis & temperante diaforeticō electuario, a nobis confectionum.

II. Magna omnino est cognatio inter subitaneam ex spasko icteritiam, tussim ferinam convulsivam, & inter motum febrilem intermittentem, qui nostra sententia in spastica quadam universalis vasorum, & nervosarum partium systematis strictura consistit.

Hinc etiam factum, ut iisdem remediis, terna haec mala & symptomata omnia simul & semel funditus fuerint sublata.

OBSE R V A T I O IX.

*Tertia-
na cu-
rata &
in con-
tinuum
conver-
si, uno
remedio.*

Miles quidam robustus, postquam in cena ad satietatem usque ingessus est, & noctu aere nebuloso excubias egisset, praecedente horrore, naufragis & conatu ad vomitum corripitur, subsequente astu, & anxietate. Redeunt haec pathemata tertio die acerbiora, ideoque ad chirurgum properat, qui die vacuo primum dat emeticum, lepitem ante paroxysmum horis, quo strenue pituitam cum batile evomuit. Febrili die, tribus ante paroxysmum horis, idem morbi artifex piperis albi grana 15. stercoris muris grana 10. & lapidum cancerorum drachmam dimidiadim in aliquot cochlearibus spiritus vini porrigit, & jubet, ut desuper bibetur cerevisia probe calefacta. Miles lecto inclusus sudat inde fortiter, paroxysmus fugatur, & repetito aliquoties hoc remedio, cura feliciter absolvitur. Accidit vero haud ita multo post, ut juvenis cholericus, in iram pronus, & liberaliter vini potui indulgens, tertianae implicaretur. In consilium vocatur idem chirurgus, & idem remedium exhibit, sed tam sinistro effectu, ut continua inde fere fieret febris, astus augeretur, æger deliraret, & de exquisito ardoris, quasi carbonis igniti, sensu, in scrobiculo cordis, conquereretur. Parata igitur emulsio ex aqua florum sambuci, tiliæ, papaveris rhœados, feminibus quatuor frigidis, & papaveris albi, quem sola, quam cum pulveribus absorbentibus & diaphoreticis, nitrosis, sumta, ac deinceps adjunctus usus electuarii iam descripti, quem exceptit liberalis alvi fluxus, tam salubri eventu, ut febris discederet, symptomata quietcerent, & æger sanitatem recipieret.

Epicrisis:

Luculentum hoc exemplum est, non omnia omnibus prodesse. Nam si tertiana in corpus robustum, minus agile ac sensibile incidit, idque ob faburram in ventriculo & transpirationem impeditam; emetica quidem, & postea calidiora ante paroxysmum, eximæ sunt utilitatis. Sed ubi corpus aestivum, & motus magis, quam qualitas & quantitas humorum peccat, contraria plane medendi methodus & sedantia adhibenda medicamenta. Et inejusmodi quidem cholericæ indolis ad iram pronis subjectis, singularis plane est ex Chinchina paratorum effectus, eo quod summa cum euphoria crebras & biliosas alvi dejectiones prioritare solent.

OBSE R V A T I O X.

Sexagenarius robustus & plenus, sanguineo-phlegmaticus, calculi renalis doloribus ab aliquot annis subinde obnoxius, flatibus præterea & ructibus culti indivexus, nanciscebatur anno abhinc tertianam tum epidemiam. Post tertium paroxysmum, molestiarum pertutus a medico, ut febrem abigeret, poscit. Paret hic, & electuario, ex robjuniperi, cortice china, & syrupo acetositis citri, post sex dies, febrem ex votu, ut videbatur, profligat. Sed sequitur postea inflatio ventriculi, cum ructibus, & borborygmis ventris, præferita post pastum & alimenta gravis materie. His jactatus æger meo ex consilio usus est mane pilulis balsamicis & vespe ri pulvere salino aperitivo ex arcano duplicato, sale Sedlicensi & cancerorum lapidibus, per sex dies, & postea ante prandium essentia carminativa Wedelii, cum æquali parte spiritus nitri dulcis remixta, felici cum successu. Quum vero elapsis vix quatuordecim diebus medicamenta rejiceret, eadem a flatibus & ructibus expertus est incommoda, eaque propter ad priora medicamina confugit, succedente ex voto effectu.

Epis.

Epicrisis.

Quando tertiana corpus impurum, succis repletum, & chronicis passionibus jam affectum prehendit, in medicinam cedit, motu intestino & progressivo auctiori obstructiones restringendo, viscidos humores attenuando, & sordes subtilem diffundi. Quando vero cito nimis specificis compescitur, noxia materia remanens & deterior reddit, in disposito jam corpore, flatulentias creat, malumque exacerbat. Et licet opposita his pathematis praesidia leniter educendo virtuosam materiam ac tonum ventriculi & intestinorum roborando, egregie profuerint; expertus tamen scribo non facile ejusmodi pathemata cessare, nisi aquæ minerales, præsertim Carolinæ thermæ, in auxilium vocentur, ac vere, vel æstate debito cum regimine usurpentur.

OBSERVATIO XI.

Tertia. Superiori vere, quo tertianæ erant, admodum frequentes, vocabar ad se. na in se- ne cu- rata. adiugenarium vegetum adhuc & stri- Etioris corporis habitus, qui eodem decumbebat morbo, & adhibitis licet pulveribus digestivis salinis, elixirii amaris, pilulis etiam polychrestis, decimum quartum jam paroxysmum erat passus. Percontatus de omnibus, vires quidem prostratas, stomachum mire languentem & fastidientem, & urinam sine sedimento esse, comperio, habitum tamen corporis expendens & pulsus in paroxysmo plenum adhuc & fortem offendens, electuarium offerre non dubitavi. Sumtum illud bishorio quovis ad drachmas duas, bibendo postea aliquot cochlearia vini, auspicato cum efflu, ita, ut subsequens illico paroxysmus mitior longe esset, nec nausea, nec capitidis dolore, neque anxietate, ut antea, si paretur, secundus vero penitus emaneret, urina crassa mingeretur, vires redirent, & æger optime convaleret. Ne autem recidiva accideret, ut eo-

dem electuario, parcus tamen, adhuc uteretur, elapsis septem diebus, bis pilulas balsamicas cum sale aperitivo deglutiret, ingluviem ciborum & seria negotia vitaret, temperate calidum potum assumeret, & corpus ab omni refrigeratione follicite defendeter, serio præcepi.

Epicrisis.

Chinæ cortex non tam nocens est, ut vulgo creditur, sed ipsis etiam semibus cum fructu datur. Neque etiam sine exceptione illa practica est regularis quod nunquam sit offerendus, antequivaria compareat cocta. Ego enim multiplici compertum habeo experientia, nunquam ipsum nocuisse, si primæ viæ prius probe expurgatae, si corpus non impuris succis scatet, viscera sanguinea integra, & nullus inflammationis internæ metus. Multo magis innocens hujus corticis & salutaris effectus, in ægro activæ indolis, fibroli & amplioribus vasis instructi habitus. Longe præsentiorem etiam expertus sum ipsis efficaciam in corpore quodammodo jam per febrem debilitato fibrarumque tono remissori, ac si vires adhuc vegetæ & motuum vigor, nisi forsan expectationem interdicant circumstantiae.

OBSERVATIO XII.

Rari sunt in thermis Carolinis diu febricitantes. Simul ac enim febris impedit, intercalari die largiter ingerunt aquas thermales, quæ primas vias efficaciter deplent, sudorem etiam & urinam liberaliter elicunt. Si post quintum paroxysmum febris non discedit, corticem Peruvianum die vacuo adhibent, vel in electuarii forma, vel decocto, hunc in modum recipere corticis chinæ unciam, radicis gentianæ rubra unciam semis, herbæ cardui benedicti manipulum, centaurii minoris tantundem, vini Gallici mensuram; coquæ leni calore, colla & additæ syrupi menthe unciam, M. de quo tribus quibusvis horis extra-

terna
na cito
cu ratæ
in Ca-
rolinis.

paroxysmum duas uncias bibunt, sorbillando mane in lecto infusum theiforme & sudorem elicendo. Sic feliciter ut plurimum ex toto febrem percurant. Mihi ansam hoc dedit, ut eadem methodo subinde uteatur, & surrogata Carolinis Sedlicensi aqua, purgationem ventris molirer, & post eam decoctum illud præberem, auspicato pariter succelut in tertiana & quarta-na, præsertim aestiva ac vernali.

Epicrisis.

Compendiosa, & facilis est hæc intermitentes curandi methodus, solennis non modo in Carolinis, sed & iis locis, ubi acidulae purgantes saliunt. Nec male medentes eidem via insistunt, & primas vias crudis, & biliosis fordibus obsecessas salibus deplent. Salia enim reliqua ex regno vegetabilium purgantia securitate & prompta efficacia longe superant. Tanto vero magis proficia sunt, quando in sufficienti quantitate humidi soluta assumuntur. Hinc si copia non est aquæ ejusmodi medicatæ, ego ad imitationem ipsius aquam paro laxantem, adjiciens uniuersitatem mensuræ olei tartari per deliquium unciam dimidiam, & in lagena angusti orificii instillans eo usque spiritum vitrioli, donec nulla amplius eveniat ebullitio. Vel dissolvo in mensura aquæ unciam semis salis polychresti, ex sulphure & nitro calcinatis confecti. Usurpato aliquoties liquore hoc salino, descendo tandem per quam securae ad specifica roborantia, quæ inter primas tenent, cortex chinæ, cascarilla, tamarisci, & omnia amara, & ex marte rite parata.

OBSERVATIO XIII.

tertiana
in pueris
per chine-
ne corti-
sem fu-
nesta. Puer facie florens, indole vividus, complexione sanguineus, a biennio aliquoties haemorrhoidarius, cum abdome tumido, ceterum valens, post æquinoctium autumnale, tertianam, quo ex diætetico errore nescio, incurrit, eademque ob paroxysmi vehementiam, stomachum penitus lan-

guentem somnumque turbatum, graviter decubuit, urina simul clara & sine sedimento comparente. Exceptit hanc Medicus aperientibus, crudos succos corrigentibus tutissimisque febris fugis. Sed quum decem paroxysmos passus esset æger, parentes percarum natum vitæ discrimen subire metuentes, inconsulto medico ab Empirico quodam potius quam medico opem quæsiverunt, qui electuarium, cuius basis tormentillæ radix prompte porrexit, ac ut tribus singulis horis, intercalari die, dosis castaneæ magnitudine deglutiretur, præcepit. Mitior inde facta febris, sed continuato aliquandiu adhuc pharmaco, paroxysmi tempore, tremor ac frigus totum cussit corpus, cum collisione dentium & labiorum, sequuta mox convulsio epileptica universalis, per viginti horas, frustra datis omnibus antepilepticis, persistens, ægro sub ipsa extincto.

Epicrisis.

Ego quidem permultis confirmatum habeo exemplis, haemorrhoides in infantibus ac pueris jam prodeuntes, accendentibus pubertatis, vel juventutis annis, raro alium quam sinistrum ac ut plurimum funestum sortiri eventum. Ipsum hoc enim ataxiam motus circulatorii in visceribus abdominis prodit, ex qua facile labem & vitium contrahere possunt. Neque ea propter dubium est, quin hoc in pueris, infimi ventris viscera, hepar, lien, vel pancreas, fuerint farcta, & obstruta. Motus autem febiles præsidio potius fuissent, imprimis quum intermitentes per annum sæpe infantes detineant, modo medicatio rite instituantur, nec ramen adeo sint detimento, ut potius corpus firment, & longavum efficiant. Perperam igitur adstringentibus salutares hi motus sedati & causa febris altius visceribus impacta, spasmi quoque tam ex haereditate a matre hysterica, quam ex ipsa febre jam præsentes, & ex alvi strictura ac limpida urina cognoscendi satis,

satis, ita adauerti, ut in convulsivos plane degenerarint funestos. Memorato etiam dignum videtur, quod hic puer multos annos insolita voracitate laboravit.

Has practico-clinicas de tertiana observationes hic adduxisse sufficiat, plures passim reliquis meis scriptis inferui, & quidem uberioris enarratas ac evolutas, Medicinae consultariæ, ex qua hanc in rem conferri poterunt ea, quæ Tom. II. Dec. I. cas. IV. pag. 32. seqq. de gravibus & variis symptomatibus ex male curata intermitente, Dec. II. cas. VI. pag. 86. seqq. de febre lenta ex male curata tertiana; Dec. IV. cas. V. pag. 180. seqq. de spastico hypochondriaco ex male curata tertiana; Tom. III. Dec. II. cas. XI. pag. 106. seqq. de febre tertiana male curata, sæpius recidiva inque erysipelas cum molestis symptomatibus transeunte; Tom. IV. Dec. III. cas. IV. pag. 167. de febre biliosa intermitente; Tom. V. Dec. IV. cas. I. pag. 243. de multis atrocibus malis post febrem suppressam & puerperium feminam infestantibus, nec non Tom. VI. Dec. I. cas. VI. pag. 35. de tertiana duplici cum purpura in grida, attuli.

C A P. II.

D E

F E B R E Q U A R T A N A .

S. I.

Quar-
tana;
quid? **T**ertianam, & gravitatem, & contumaciam, ex intermittentibus longe adhuc superat ea, quæ quarto quovis die, intercalaribus integris binis, corripit, eamque ob causam vocatur quartana.

S. II.

Paro-
xysmi **S**cilicet, post meridiem ut plurimum, hora quarta, aut quinta, *ho*
boria, quandoque etiam citius, quandoque ferius, cum notabili corporis languore, pandiculatione capitis, dorsi, lumborum, ac tibiarum contusivo do-

lore, accedit. Pedes hinc cum manibus refrigescunt, corpus universum pallescit, facies & ungues livescunt, supervenit horror & rigor huic febri familiaris, lingua & labia tremunt, spiritus difficulter trahitur, præcordia anguntur, corpus inquietudine jactatur, & pulsus arteriarum contractus ac durus, quandoque etiam inæqualis plane percipitur. Durant hæc omnia per duas plerumque, aut tres horas, ac interea alvus in plurimis stringitur, in nonnullis ad desidendum & mejendum stimulus, in quibusdam, potissimum senibus, conatus ad vomendum, vomitus & alvi secessus. Multis etiam, in primis ætate gravioribus, caput mirum turbatur, & mens sibi non constat, ut aliena multa loquantur. Saccedit lento postea gressu calor, non adeo urens, sed ariditate quam maxime molestus, evanescit rigor, arteriarum ictus ad æqualitatem redeunt, celerioresque ac majores micant, capitis tamen obtusus dolor persistat, cum vertiginosa affectione, & cutis demum pauca saltim humiditate perfunditur, donec elapsis quatuor vel sex horis, & æstus, & pathemata hæc, discedant. Cessante sic febris impetu, duobus qui vacui sequuntur diebus, eger quidem constanter fere lectum relinquit, restitat tam sensus quidam doloris in artibus ac pedibus, ipsa ossa quasi tundens atque profundo pondere obterens, osteocopus græco nomine dictus, caput quoque in quamplurimis grave est, & animum fastidium tenet, urina, quæ in paroxysmo tenuis redditæ & aquosa, nunc crassa & cum sedimento secedente.

S. III.

Quar-
tane
causa
prox-
ma.
vehe- **H**æc quæ sub paroxysmi impetu subinde obveniunt pathemata, uberioris utique testantur, gravissime nervosarum partium systema in universo corpore pati & spasticis constrictionibus agitari. Eamque ob causam immediata & proxima hujus febris causa constituenta omnino in universalis &

vehementi spastica nervosarum partium stricatura, que ex spinali medulla potissimum procedens, non modo tunicas vasorum, sed & totum nervorum ac fibrarum systema, præter naturam afficit, ut motus solidorum & fluidorum inde graviter turbentur.

§. IV.

Materialis. Materialem vero causam, quæ nervosas partes in tam exorbitantes motus abripit, veteres quidem humorem melancholicum extra vasa putrefactum esse volverunt; sed sicuti in omni febre, sic etiam in quartana, subest materia activæ indolis, & caustica acrimonia imbuta, internas sensu exquisito pollentes partes ad spasticas crispaturas sollicitans. Quia tamen ex pancreaticæ ei nupta est materia, quæ ad accido-viscidam indolem accedit, diuturniores dat inducias, nec tam cito colligitur, nec ad membranas spinalis medullæ ex prima regione tam cito appellitur. Quando vero sufficienti quantitate collecta in primarum viarum latibulo, massæ sanguinis successive subiit, & certo interposito tempore, ad spinæ dorsi membranas delata, febries eosdem suscitat motus, quos præcedenti capite de tertiana enumeravimus.

§. V.

Antecedens. Jam si porro hujus materiae febrilis natales rimamur, haec utique primario arcessendæ ex tardo admodum sanguinis, per viscera abdominis depuratoria & secretoria, hepar præsertim, lienem & pancreas, progressu, horumque tandem succedente infarctu, & obstruktione. Hoc enim facto, humores fermentales, gastrici, lymphatici, salivales, a temperata, subtili, spirituosa indole desciscunt, ac fixam & accidam induunt, ut ad intimam ciborum dissolutionem & chyli extractionem minus sint idonei, sed cruditatum acidarum, & viscidarum ingens fiat proventus. Quibus ipsa mora pejorem indolem contrahentibus, & ab accidentibus aliis externis caulis acrimoniæ induentibus, ipsa demum excluditur febris.

§. VI.

Videlicet languidiorem sanguinis Imper-
per abdominis vasa cursum in causa ditus
esse, ex eo patet, quod huic febi rum
quam maxime opportuna sint corpora per vi-
sceris & proiectoris actatis, me- scera
lancholici temperamenti, & quæ, vita pro-
federaria nimia, intermissa sanguinis gressus
missione, viatu duro insalubri, ni-
mioque acidorum & spirituosorum u-
su, vel etiam solennium criticarum
sanguinis evacuationum suppressione,
nec non animi affectuum intemperantia,
succorum incurrerunt & abundan-
tiam, & spissitudinem, ac impuri-
tatem. Causticam vero simul etiam subesse materiae indolem nemo nega-
bit, qui novit, quartanam post ex-
clusas sub æstate fervente acres fordes
plerumque autumno prodire, per sca-
biem quandoque & purpuram solvi,
iisdem repulsis impetrere, variolis e-
rumpentibus discedere, ex tertiana
gigni, in tertianam quoque transire,
& eodem modo ac tertianam in locis
paludosis, aere acrum recrementorum copia referto, frequentem ad-
modum esse ac epidemiam.

§. VII.

Sic quidem generata febris quarta- *Quar-*
na varium subinde exhibit genium. *tana*
Quandoque scilicet simplex est, quan- *simplex*
doque duplex. Simplex, ea, ut jam *est vel*
delineavimus, incedit facie. Duplex *duplex,*
vero tum dicitur, quando intra qua-
triduum bini succedentes accedunt *Quar-*
paroxysmi, ita quidem, ut uterque *tana*
peculiarum suum servet typum, & *simplex*
singulare accessionis tempus, alterna-
tum semper præcedenti insultui res-
pondens, tertio duntaxat die a febre
penitus vacuo. Id quod saepius even-
tit, quando simplex quartana per-
versa medicatione excipitur, aut in
vitæ, vel victus regimine, committit
tur error.

§. VIII.

Legitima dein observatur esse, vel *Legiti-*
notha. Illa exactius, quam ullum *ma vel*
aliud febrium genus recursus terminum *notha.*
servat, tempore scilicet pome-
ri-

xidiano. In hac contra certum non est redditus tempus, plerumque tamen ante meridiem, æstus quoque impensisior, ipsoque frigore gravior urget.

S. IX.

Continua. Nonnunquam porro quarto quidem quovis die, præviis ut plurimum pândiculationibus & horripilatione, repeatit, statim tamen terminum non adeo exquisite servat, nec defervescente impetu penitus intermitit, sed diebus in simplici intercalaribus, mitius tantum, quam febrili, affigit; calor naturali intensior adhuc adest, pulsus magis austus, appetitus languet, vires prostrat & sunt, os siccum, caput temu lentum, somnus inquietus, & urina rubicunda, crassiflora, cum sedimento roseo mingitur, eamque ob causam a medicis quartana appellatur continua.

S. X.

Epidemica. Ut plurimum populares habet circuitus, & epidemia est, tum maxime, quando æstas præcessit præter consuetudinem calida & sicca, eaque propter acria & multa biliosa recrementa in corpore genita. Id quod anno 1616. Sennertus de febr. lib. 2. cap. 20. nec non anno 1652. Bartholinus cent. I. hist. anat. 95. contigisse, memorant, & nos meti ipsi de annis 1684. 1719. 26. & 28. multiplici experientia edociti testamur. Et quia ob æstum nimium potus frigidus sœpe acfens ingeritur, & noctu frigus accedit, perspiratio cordium acrimum impeditur, & humores cum sanguine spissi evadunt.

S. XI.

Ende. Nonnullas regiones & tractus endemica lues infestat: nimirum in Westphalia, Pomerania, locisque, quæ ad boream vergunt, & incolas alunt, victu duriori, crassiori & crudiori videntes, nullus fere elabitur autumnus, quo non multi quartana prehendantur, ac diu admodum eadem detinentur. Idem evenit in locis paludosis, stagnorum & lacuum pravis exhalationibus infestis, in quibus vere tertianæ, autumno quartana, lac-

go proventu pullulare & crebro recrudescere solent.

S. XII.

Varium etiam quartana exhibere solent genium, pro diversitate corporum, quæ corripiunt. Nimirum si incident in corpus, quod, ob vitam fædorâ, viciumque crassum & durum, copiosum & crassum sanguinem in venis alit, vel quod hypochondria male constituta habet, aut diuturniori animi mœrori indulxit, tum graves & contumaces esse suescunt, nec periculo vacant, eaque propter in ægrotante exquisitum victus ac vivendi moderamen; in medente autem magnum in exhibendis remedii poscunt iudicium. Ubi caco-chymica dispositio & purpuræ forsitan materia simul subest, pathematis longe acerbioribus incedunt, major virium est prostratio, vigilia, mentis alienatio, præcordiorum anxietas, ac purpura demum erumpit, qua, levè ex causa retrocedente, febriles passiones increbunt, graviusque affigunt.

S. XIII.

In subjecto, viribus per sensum, *Inspiratio.* valetudinem, pravam vitæ rationem, *miseria.* aut animi pathemata exhaustio, facile *natura.* in continuam transit, quæ ex languore virium post paroxysmum, pulsa frequenti, lento calore & appetentia prostrata, cognoscitur, ægrumque in haud leve discrimen adducit. Quando *juventus.* post ingeniorem æstatis fervorem, *bus.* corpus juvenile & agile invadit, paroxysmus longius perdurat, æstus urens magis in liberalem solvitur sudorem, fitis quoque & stomachi languor impensis urgent. Infantes & *infans.* pueri, quia ægre medicamenta sumunt, nec dieteticis preceptis obtemperant, noctu, removendo stragula, corpus refrigerant, & præterea habitum corporis laxum, ad sufflaminandum perspirationis successum, nec non ventriculum, ad colligendam crudatum faburram aptum, obtinent, diutius hac cum febre conficitur, crebriores in recidivas incidunt.

dunt, aut aliis postea morbis patent.

§. XIV.

*Secura
ramen-
tum est.*

Interim quartana hæc febris placida admodum est atque secura, nec facile jugulare solet. Sin secus evenit, corpus aut senile fuit, & viribus jam exhaustum, aut tenerum nimis, epilepticis insultibus, obnoxium, aut ipsa febris, intercurrentibus animi pathematis, tam suscitata quam exacerbata fuit, autem etiam, vel medentis, vel ægrotantis accessit delictum, quo in quotidianam, aut longum alium funestum morbum fuit transmutata.

§. XV.

*Sed con-
rumax.*

Gravitate tam & contumacia securiorum decursum compensat. Diu enim trahi, ac sèpius, ceu verum medicorum scandalum, omnia eludere solet remedia. Evenit hoc maxime in ea, quæ autumno oboritur, per hyemem persistens: raro admodum prius discedit, quam solstitii vernalis tempore, quo poris adaperitis succisque ob aeris serenitatem tenuioribus factis, sponte fere evanescit. Rebellis etiam maxime est, quando in visceribus, præsertim hepate, liene & pancreate, vitium altius radices egit, vel tota humorum massa spurca & impura, vel etiam sistema nervorum admodum debile ac ad anomalos ejusmodi motus, & concipiendos, & fovendos, dispositum, & tanto magis, quando æger voracitate materiam febris colligit semper, & auget.

§. XVI.

*Facili-
tutu-
vernali-
bus.
ss dies q-
vicio.*

Contra si vernali, vel æstivo tempore incidit quartana, facilis & explícita ipsius curatio est, quia aeris temperies & tenuitas multum medicationi velificatur. Quæ etiam ex inordinata dieta & cruditatibus in prima regione collectis, integris autem visceribus, aut quæ ex valde prohibita transpiratione succrescit, ex facili, vel unico sèpe vomitorio, vel diaphoretico, ante accessionem dato, discutitur. Et illa pariter, quæ juvenile & viribus pollens corpus detinet, præ-

fertim si bilis plus, quam humor tenax, acidus peccat, ut potissimum sit in epidemicis æstate: graffantibus, nisi ægri vel medentis culpa ingravescat, ex facili medicationem admittit.

§. XVII.

Neque etiam quartana anomala, *irregu-
lavis
etiam*

quæ typum non servat, incerto tempore redit, aut ex simplici in duplice concedit, adeo est pertimescenda, ut quidem vulgo censem: Ipsum hoc enim indicio est, succos vitiosos non tam lento & visceribus alte impactos, sed ad emotionem adhuc protos esse, naturam quoque vegetam in amolienda, quæ morbum facit, materia. Ne dicam, paroxysmos rite recurrentes, multum facere ad dissolvendos viscidos & discutiendos subsistentes humores, adeoque, quo crebrius recurrunt, eo citius causa febris eliditur, & natura ministrante, curatio paucis congruis perficitur.

§. XVIII.

Licet quartana solenniter nullam *Quan-
doque
excre-
tioni.*

criticam servet excretionem, sit tamen quandoque, ut erumpentibus pustulis, maculis, ulcusculis, & scabie per universum corpus diffusa, nec non prodeunte hemorrhoidum fluxu, felicitate solvatur. Vidi quoque in infantibus eam cum auspicio successu defisse in variolas: & de gravidis compertum habeo, quod quartanam non prius evaserint, quam superato partu, infante vero eadem affecto.

§. XIX.

Quin præsidio quandoque est hæc *nonna-
febris & adversus, alios, præsertim quam-
chronicos morbos, remedio. Auctus adver-
bus, impetu solidorum & flui-
dorum motus lento succos circum-
gendo attenuat, latibulis suis elidit,
& ad veteres obstructions, quæ in mi-
nimis vasculis, glandulis & nervos
partibus altius consistunt, expedien-
tas & extiendatas multum consert
Hinc prisci jam medicinæ principes,
Hippocrates, Asclepiades, Galenus
& Celsus, se quartana remedio uti
affirmarunt. Et certe ad expugnanda
hy-*

hypochondriaca pathemata spectata ipsius est virtus, quam etiam in epilepsia & convulsivis motibus mire deprehendit Hippocrates lib. VI. epid. Ab asthmate quoque convulsivo, item calculo, podagra, si feliciter decurrit, & prudenter a medico dirigitur, quartanam liberasse historie loquuntur. Dumque corpus ab inharentibus viscerum vitiis liberat, post discessum suum illud mirifice firmat, ut non tam facile morbis pateat, aut pristinis attentetur denuo, ut experientia suffragante ex Platone jam habet Gellius noct. Att. lib. XVII, cap. XII. Et nos plures novimus, qui post quartanam longevitatem nacti fuere. Quo magis admiranda hinc DEI providentia est, que ipsa etiam morbis plane incōparabile & medicinalem virtutem tribuit.

§. XX.

*Sed diu-
nurna.* Sed ubi longius quam par est extra-
hitur morbus, iacci concipiunt dyscrasiam, & si humores tenues ac biliosi sunt, purpura excluditur, vel partibus spirituosis, roscidis, nutritiis diffatis, lentescunt reliqui, corrumpuntur, & longos morbos invehunt. Si etiam perversa medicatione excipitur, in graves & capitales degenerat passiones, cujus generis sunt maxime hydrops, anaesarca & ascites, cachexia scorbutica, tumores cœdematosi, febris lenta & hectica continua, asthma siccum, icterus, tussis serina, in senibus affectus comatosi & hemiplegia, in junioribus affectio hypochondriaca, & in infantibus saevi convulsivi motus, spinant dorsi, antrorum & retrorum miseranda facie distorquentes. Et in his quidem omnibus conspicuum post mortem deprehenditur viscerum vitium, hepatis nempe, lichenis, pancreatis, nec non glandularum mesaraicarum, obstructio, infarctus & corruptio.

§. XXI.

*Quibus-
dam fu-
ncta.* Qui vero quartana febre intereunt, sub frigoris rigore & mente turbata decedunt. Tum enim, qualia duo exempla vidi, in adultioribus adeo

increscit spasmorum atrocia, ut nullus plane subsequatur & stus, sed symptomata veneni proorsus æmula adfint, demumque interimant. Et in infantibus, spasticæ stricturæ in convulsivos plane motus degenerant funestos.

§. XXII.

Qui demum evadunt, habent utique, ut in vita vixisque ratione exactum servent postea per aliquod tempus moderamen: refractaria enim admodum est haec febris, pristinamque sedem, data levi occasione, ex facili repetit. Sane qui superata ipsa gulæ indulgent corporisque extenuatum largo, tanto magis insalubri cibo, farcire nituntur, promissime recidivam, ex congesta denuo cruditatum faburra, incurront. Idem experiuntur, qui saluberrimam illam per cutis spiracula excretionem pensi habent, & corpus aeri frigidiori & humidiori incautijs committunt, vel frigidum potum ingerunt. Neque minus ex faciliterato prehendit eos, qui affectuum intemperantia jastantur, ac in primis impensiori tristitia diutius indulgent. Et, quod tamen rarius est, repulsa praepostere, quæ ad habitum corporis cum salute acta fuerat, & per scabiem, pustulas, ulcera, & purpuram, expulsa materia, illico implet denuo, qui sedatus fuerat, inde febris impetus.

*Methodus medendi generalis cum in-
dicationibus curatoriis.*

§. I.

Quo pacto intermittens febris sit indicatio arcenda, superiori capite sub methodo præservatoria tam fuse exposui, ut supervacaneum ducam illud hoc loco iterum tradere. Indicationes autem curatoriæ causis quartanæ opposita, *Indica-
tiones
qua-
tuor.* *I.* Ut cruditates viscidae, acidæ, biliosæ ex primis viis, cum chylo & lympha successively ad sanguinem abeentes ac in nervosarum partium systemate febriles motus suscitantes, & corrigantur, & per con-

congrua emunctoria evancentur. II. Ut sanguinis per abdominis viscera, præsertim ad quæ vena portæ excurrit, progressus liber præstetur; congestio vero, infarctus & obstrutio expediatur, vel minimum major impeditur. III. Ut spastica vehementior in genere nervoso constrictio, ceu acerbiorum symptomatum causa, leniatur. Et IV. ut dejectum viscerum, stomachi, nervosarumque partium robur restituatur, sicque tum ulterior accessio, tum recidiva, præscindatur.

§. II.

Prima perficienda tempore ranti bus, in eidentibus & vacua tibus. Prima igitur indicationi exsequendæ servient ea remedia omnia, quæ acidum obtundendi, lento succos incidendi, acres contemperandi, & primam maxime regionem expurgandi facultate pollent. Splendent autem hac virtute alcalina pharmaca, uti sunt salia plantarum per incinerationem para, sal potissimum absynthii & cardui benedicti. Commendanda etiam salia neutra, maxime sal ammoniacum deperatum, terra foliata tartari, sal digestivum *Sylvii*. Quibus ad biliosam acrimoniam infringendam, addenda absorbentia teneriora, cancerorum lapides, conchæ, vel cornu cervi sine igne paratum. Et si præterea educendi scopus, salia fontium medicatorum, Egranum, Ebshamense, Sedlicense, aucta dosi, aut ipsa etiam aqua Sedlicensis, per alvum crassiores, tartarea vero, per urinarias vias subtiliores salino-sulphureas sordes, efficaciter evehunt. Habet etiam purgantem facultatem in quartanariis magnesia alba, quæ acidum primarum viarum imbibendo, transit in sal amarum, sali cathartico Ebshamensi simile.

§. III.

Secunda amaris. Ad obtainendum secundæ indicatio-
nis scopum, egregie faciunt amara, quæ balsamico suo fixiori sulphure bili-
lis balsamum restituant, acidos simul
ponicosque humores obtundunt, &
lenem quandam spirituascentiam suc-

cis conciliant. Talia sunt extracta amara, fumaria, absynthii, cardui benedicti, gentianæ rubræ, trifoli fibrini, centaurii minoris, essentia, vel extractum rhabarbari, nec non pilulae balsamicæ, secundum exemplar *Beecheri* confectæ, ex aloë bene depurata, extractis amaris & gummatibus resinosis balsamicis temperatis, quæ præter facultatem alvum laxantem, etiam attenuantem lento & spissos succos obtinent, præsertim si earum usus supra laudatis salibus interponatur. Pertinet huc quoque conveniens cum debito regimine thermarum & acidularum usus. Sin vero in veterata nimis obstrutio viscerum, præsertim pancreatis, quod in quartana rebelli non insont est, lenioribus expugnari nequit, in usum vocanda penetrantiora magisque activa mineralis prosapiæ pharmaca, mercurius quippe dulcis, vel nostra methodo diaphoreticus solaris, nec non anti-quartum *Riverii*, quod ex mercurio, antimonio & auro, desuper abstracta aliquoties aqua regia & postea spiritu vini accenso, paratur. Ex antimoniis, regulus antimonii medicinalis, panacea Glauberiana & Connderingiana, item sulphur nostrum antimonii correctum, sine præcipita-
Et mineralibus.
tione cum acido confectum.

§. IV.

Spasticas generis nervosi stricturas remittunt I. linimenta antispasmodica & nervina, spinali medullæ cum fricatione calida admota, ex axungia humana, oleo spicæ, lavendulae, ruta, salvia, balsamo Peruiano; II. clysteres ex herbis nervinis, carminativis & antispasmodicis, addita sufficienti quantitate oleorum demulcentium, parati; III. balnea aquæ dulcis, veteribus in primis ante paroxysmi accessionem usitata; IV. epithemata & linimenta spirituosis & aromaticis parata, sub horrore & rigore regioni epigastricæ apposita.

§. V.

Ultimè deum indicationi apprime satif-

Tertia linimentis.

Clysteribus & balneis.

Epithemata mattibus.

*Quanta
amaris
adfric-
divis.* satisfaciunt omnia amara, quæ simul balsamica quadam adstrictiva virtute pollent. Nobiles hac virtute sunt chinæ & chaccarillæ cortices, nec non cortex capparum, item tamarisci, cinnamonomi, rasura santali rubri & essentiæ ex amaris plantis extractæ, quæ cum liquore martiali acuatæ, omnibus fere palmam præripiunt. Instar omnium vero erit electuarium nostrum antifebrile, cujus descriptio-
nem superiori jam capite suppedita-
vimus.

§. VI.

*Epicar-
piis di-
futien-
tibus.* Peculiaris etiam virtutis adversus quartanam habentur emplastra carpis manuum applicata, quæ inter famigeratissimum est a Strobelbergero dictum. Concinnari autem possunt ex iis, quæ tam aromatico balsamico, quam irritante principio, motum & stimulum fibris addunt, ut materiam altius partibus nervosis impactam hærentem excutiant, & promittus die vacuo sanguis circumagatur.

§. VII.

*Potissi-
mum
præstab-
le vino
sum in-
fum.* Præter ea vero, quæ hactenus adduxi quartanæ præsidia, non possum, quin bina subjungam adhuc remedia, quæ miram efficaciam mihi olim in Westphalia præstiterunt, propter quam etiam eadem jam dissertatione de felici quartanæ curatione, inserui. Primum est infusum vinorum, omnibus curatoriis indicationibus satisfaciens, de quo matutino tempore quotidie liberalis haustus sumendum. Recipe fibrarum hellebori nigri, polypodii querni, foliorum sennæ sine stipitibus singulorum unciam, herbæ absynthii, centaurii minoris, cardui benedicti, trifolii fibrini, ana manipulum dimidium, rasuræ ligni colubrini, corticis chinæ, aurantiorum recentium ana drachmas tres, limaturæ martis unciam semis, tartari tartarisati tantundem. Conc. cont. irrorantur drachmis duabus spiritus salis ammoniaci urinosi, milceantur & duabus vini mensuris infundantur.

§. VIII.

Alterum hic est pulvis: Recipe cor-
ticis chinæ drachmas tres, reguli an-
timonii medicinalis drachmas duas, mercurii dulcis, (qui non terendus cum pulvere propter salia, sed cuspi-
de tantum cultelli miscendus) croci
martis tenuissimi, arcani duplicati,
singulorum drachmam, olei menthæ
guttas quatuor. M. f. pulvis, cuius
drachma dimidia, aut una, cum rob-
sambuci & julepo rosarum in elec-
tuarii formam redacta, mane & vesperi
poterit assumi. Et certe egregii usus
est hic pulvis in quartana, quæ altas
in viscerum penetralibus egit radices,
requirit tamen corpus paullo robu-
stius, cum exacto in diæta & vitæ ra-
tione regimine. Licate etiam mole-
stam quandoque lenem moverit sali-
vationem, ex voto tamen cessit, fe-
brisque rebellis fuit expugnata. Cæte-
rum plura de speciali huic febri me-
dendi methodo, infra observatione
X. nec non capite IV. de febribus epide-
micis, afferemus.

Observationes & Cautela
Clinicæ.

§. I.

Quartana, ex morbis fere contu-
macissimus, ægri patientiam & Me-
dici exspectationem poscit: in primis
ea, quæ corpori melancholicæ consti-
tutionis, senibus, hypochondriacis, &
ubi languidior sanguinis per venas me-
saraicas progressus, viscera infarcta
& autumnus adultus, accidit. Non
itaque impetuose in his aggredienda,
aut violentis pharmacis urgenda cura-
tio. Si secus fit, plus detrimenti,
quam emolumenti sperandum.

§. II.

In principio quidem morbi, natu-
ra si robusta, validiora resolvendi &
colliquandi atque evacuandi virtute
pollentia locum inveniunt. Ubi vero
morbus inveteravit, corpus tenerum
& exquisite sentiens, multaque acria
& biliosa recrementa præsto sunt, mi-

*Quartanæ con-
sumax morbus.*

*Leniori-
bus sa-
men ex-
cipitur.*

rum inde exacerbatur febris, & haud raro ex simplici in duplice, aut quotidiana plane transit. Temperata potius, plus diætetica, quam pharmaceutica, cum iis, quæ lenimento sunt generi nervoso, infestis spasmis jam affecto, in usum vocanda.

§. III.

Et quandoque furetur. Neque enim adeo refractaria est quartana omnis, ut non sæpius lenissimis cedat. Ego certe plures novi, qui solo usu elixirii temperati balsamici, quod cum aquo lixivio ex amaris extractis & rhubarbaro, ad ceto vino Hungarico, paratum, ex eadem feliciter evaserunt. Alii solo oleo tartari per deliquium, frequentius cum potu assumto & hausto ante paroxysmum vino veteri Rhenano, cum, vel sine amaris, subjuncto postea vehementiori corporis motu, ab eadem sunt liberati. Nonnulli balneorum aquæ dulcis usu quotidiano, instituta simul ante accessionem corporis ad sudorem usque exercitatione, curati sunt.

§. IV.

Facilius sub cali favore sanatur. Semper tamen longe facilius atque felicissimus quartanæ curatio succedit, si cœlum eidem velificatur, & aer purior, subtilior, & rarefactus est, uti tempore verno, & tivoque sereno. Tum quippe veteres viscerum obstructions promptius expediuntur, lentoque succororum liquatur, & perspiratione equabilis atque constans, acres per apertos cutis poros fordes diffantur. Quin novi quosdam, qui non prius convalluerunt, quam mutato cœlo, & in locum salubriorem secessu, vel alio vitæ vietusque genere instituto.

§. V.

Potus mutatus non poterit. Potissimum in quartana febre, sicut omnibus longis morbis, ut potus mutetur ex usu est, & decoctum ex radice farfaparilla, cichorei, herba cardui benedicti, passulis minoribus, & semine scenicali, tam loco cerevisia frigidum, quam loco infusi thee calidum bibatur, declinante paroxysmo. Conducibiles quoque sunt pro potu temperatae acidulae, uti Selteranæ,

quippe quæ cum dimidia, aut tertia vini parte potæ, in diluendis crassis, & evehendis per urinarios ductus impuris succis, effectum præstant saluberrimum.

§. VI.

Studiose etiam providendum, ut *Nec non perspirationis successus ante.* per cutis poros acres subtile fordes perpetuo eliminateur. Perficiendum hoc tam ante, quam post paroxysmum, & obtinendum, non per potentia sudorifera, sed ea, qua solidorum tonum intendendo, progressum sanguinis accelerant, sive sudorem elicunt. Singularis hunc in finem virtutis est validior corporis motus, per equitationem, saltationem, aut ambulationem, aliquot ante paroxysmum horis institutus, quo ego quartanam multoties discussam esse novi. Priscum enim jam *Celsi lib. III. cap. 15* hoc est præceptum: *quo die quis febrem exspectat, ante surgere & exercere dareque operam oportet, ut in ipsam exercitationem tempus febris incurrit.* Sic enim sœpe illa discussit. Mira etiam hac in re virtus mixturae innumeris experimentis comprobatae hujus: recipe aquæ cardui benedicti uncias quatuor, theriacalis unciam semis, falias cardui benedicti drachmam, antimonii diaphoretici drachmam semis, spiritus vitrioli guttas viginti ad triginta, syrupi cardui benedicti drachmas duas. M. de qua, modo prius probe prospectum fuerit primis viis repurgandis, tribus, vel quatuor horis ante paroxysmum, dimidia, & defervescente hoc, reliqua dimidia portio sumenda.

§. VII.

Declinante quoque febre quum *& posse pars oxy-* defervescente astu sponte corpus ma- *mum:* descit, cavendum, ne sudor externa refrigeratione, vel potu frigido intercipiatur. Si secus fit, febris non modo diurnior redditur, sed & facile succedunt contracturae, nec non tumores pedum œdematosi. Consultum potius, temperato externo calore, & diluen-

diluente calido potu, ipsum placide promovere.

§. VIII.

*Cum di-
ffinitio-
ne ad-
mit-
tis
venae se-
ctionem.*

Sanguinis per venam sectionem missio, auferendis quartanę causis directe quidem non respondit; nihil tamen se- eius, ubi suspicio est, febrem ab im- pedito sanguinis per abdominis viscera progressu sustentari, ut in iis, qui pathematibus hypochondriaco hysterico obnoxii, fluxum haemorrhoidalem antea experti, aut molimina ad hunc persentiscent, utiliter utique vena in pede pertunditur, adeo ut unica venę sectione quartanam contumacem penitus discusam esse, observaverim. Quum etiam gravidæ tantum non omnes sint plethoricae, venae se sectionem, si quartana corripiuntur, utiliter non modo ferunt, sed & pa- scunt, ne intensio per spasmos febiles sanguinis motu, uterus ad præmatu- ram exclusionem sollicitetur. Consi- deranda igitur morbi tempora, ipsa corpora, vires & fluidorum ac solidorum dispositio, ne perperam instituta sanguinis subtractione, sanatio diffi- cilior fiat, & spasti febiles accessionis tempore increscant, ut pluribus in dis- sertatione, observationes clinice circa curationem quartanae, inscripta, monui. Notabile autem est, quod san- guis e quartaniorum vena emissus conspicuum exhibeat vitium, ac flave- scente lenta pituita in superficie ob- ductus compareat, cujusmodi cru- stam albam pituitosam in venis etian- quartana defunctorum se invenisse testatur Schenckius.

§. IX.

*Et vomi-
toria.*

Vomitorium usus in quartana pa- riter cum distinctione admittendus. Quando enim crudorum ac viscidorum succorum colluvies primis, ex nimia ingluvie, est in viis, ac ad vo- mendum proclivitas; expedit omni- no, ut brevissima via per emeticum exturbetur, antequam sanguinem subeat & systema nervosum afficiat. Consultius tamen est, istud non adhibere, nisi vilceps salva, ventriculus

non adeo tener, nec genus nervosum nimis sentiens & debile, ac pulmo- nes nulla labore infecti. Præferenda etiam tutiora & appropriata: ex il- lis palmarum fert radix ipecacuanhae, quæ præter vomitum moventem, aro- maticam & balsamicam habet facul- tam. Et inter hæc antimonialibus anteponenda venerea, vitriolum maxime cyprium, vel album, eo quod tam biliosos & glandulosos du- etus simul constringendo, ulteriori affluxui materiae febris aditum præ- cludent, quam etiam fibras adducen- do, & stimulando, ut firmius impa- ga nervosis partibus materia excutiatur, faciunt. Utraque vero sociata, in temperainmentum quasi rediguntur, ut medicina emergat, tum ad stomachum deplendum, tum febrem ex- pugnandam, apprime utilis.

§. X.

Chinæ cortex, cum ratione usurpa- *Optime
fert chiri-
nae cor-
ticem.*

tus, spectatae adversus quartanam est utilitatis: tenendum tamen, non prius ad ipsius usum esse descendendum, quam per purgatis probe primis viis, demta plethora visceribusque in- regris atque apertis. Tum etiam est in quartana biliosa æstiva, quam quæ autumno vergente grallatur, & viscerum virtus succisque tenacibus sovetur. Tum præstat ipsum in decocto ex vino porrigerere, adjectis amaris, iperientibus & diaphoreticis, uti sunt ummitates centaurii minoris, herba cardui benedicti, radix gentianæ ru- bræ, pimpinellæ, & sal tartari. Ex- pedit quoque interdum in hac febre virtutem ipsius adjecto martis croco subtilissimo & sale volatili urinoso in- tendere. Interim si debito tempore, debita dosi & quantitate exhibebitur, & cum diaphoreticis & resolventibus rite permiscebitur, nocebit nunquam. De quo pluribus evolvendam com- mendo dissertationem, de recto cor- ticis chinæ usu in febribus.

§. XI.

Ad minuendos præterea, vel sisten- *Nec non
epicar-
pia.*

dos plane paroxysmos, in quartana

præsertim autumnali & rebelli, nec non quæ segniiores naturas infestat & sopore stipatur, admodum efficacia reperi epithemata, ex acrioribus, stimulantibus leniterque vesicantibus composita, & manuum carpis applicata. Plebeii quidem alio hunc in finem utuntur, sed ingratus nimis est inde foetor, ideoque optime ejusmodi epicarpia concinnantur ex terebinthina, fuligine, sale ammoniaco, araneis contusis, pipere atque theriaca.

§. XII.

Minera. Minerales aquæ, acidulæ præsertim libus a- ac thermæ, meo quidem judicio, tam quis quo modo u- ad præservationem, quam curatio- scendum nentem intermittentium faciunt. Sed & quan- ante paroxysmum & in ipso plane ab da. iis abstinendum, & videndum, ut ante accessionem febris, aqua per emunctoria congrua jam sit evicta, ne motus febriles inde exacerbentur. Loco porus tamen temperatae, uti superius meminimus, semper possunt assumi.

§. XIII.

Alvus clysteri- bus ap- sienda. Si alvus in hac febre pertinacius clausa atque constricta, expedit eandem potius clysteribus, quam internis pharmacis sollicitare. Optima horum enematum ingredientia sunt, quæ præter vim emollientem, paregoricam & spafmos sedantem obtinent, ut summitates millefolii, flores chamomillæ vulgaris, sambuci, tiliæ, semen cumini, brodium carnis vitulinæ, vitellus ovi, cum pauxillo salis gemmæ. Opportune etiam quandoque iisdem specifica quadam antifebrilia, amara, nervina & roborantia commiscentur. Inter Gallos enim aliquot jam annis mos increbuit, intermitentes curandi per decoctum chinæ chinæ, crebrius per anum injectum. Idem tamen etiam cum aliis succedit antifebrilibus, ut carduo benedicto, centaurio minori, radice gentianæ, necnon herba majoranæ, rosmarini, abrotani & salvia. Et certe apprime hæc methodus ex usu est in infantibus, & qui ventriculum

minus firmum & facile nauseantem obtinent, hac tantum servata cau- tione, ut alvus prius emolliente & salino solvatur clystere, quam nervi- nus & roborans injiciatur.

§. XIV.

Capitis dolores fævi, qui hisce fe- bribus in provectionis prælertim æta- tis personis, junguntur, ægre levan- tur. Potissimum lenimen sperandum ab iis, quæ alvum liberiorem red- dunt, nec non a pediluvii, quæ san- guinis impetum a capite ad inferiora trahunt. Inter externa vero acetum rosaceum, item rutaceum, cum sale & nitro mixtum, pani inditum & ap- plicatum, optimum affert solatium.

§. XV.

Quo demum paeto, ne quartana, Recidiva uti frequente fieri assolet, recurrat, arcenda sit præcavendum, egregium sane Cel- sis. si est consilium, lib. III. cap. XVI. sic habens: si febris quietivit, diu meminisse ejus diei convenit, eoque vitare frigus, calorem, cruditatem, lassitudinem. Facile enim revertitur, nisi a sano ali- quandiu timetur. Hinc, paroxysmi imprimis die, vitare oportet ventos boreales, aerem compressum frigidum, qualis esse solet in humi- lioribus, paludosis & subterraneis locis, & perspirationis succelsus custodiendus. Vixit etiam exquisita ha- benda est ratio, ne nimium ingeratur, tanto minus ex alimentis diffi- cilis solutionis. Animus quoque in tranquillitate servandus, & provi- dendum, ne ira & terrore commo- veatur, quo febrem quartanam sanis etiam compluries induxtam novimus.

§. XVI.

Tum stomacho subveniendum, & Et phar- elixiriis stomachicis, ex amaris & aro- maticis confectis, digestio secunda- da, crebro quidem ac diu, sed parcus iisdem utendo, ne debile jam corpus præter naturam exæstuet. Inprimitur curandum, ut per alvi fecesum, de- nudo succrescentes crudi lucei, blande subducantur, eamque ob causam cre- brius utendum pilulis balsamicis, vel nostris

Quibus levandus capit is dolor.

nostris cinnabarinis, item de ammoniaco *Quercetani*, quibus, si per chinchinam febris suppresa, salis digestivi usus jungendus. Et his praesidiis non modo pessimae recidivæ, sed & aliæ saepius deteriores passiones, lentæ praesertim febres, opportune praescinduntur.

ENARRATIONES MORBORUM.

OBSERVATIO I.

Quarta in gravida curata. Generosa femina sanguinea, macilenta, quinto mense grava, Septembri, posteaquam in nocturno, frigido, nebuloso aere iter fecisset, incidit in quartanam, cui præter sueta symptomata, vehemens cephalalgia, summa præcordiorum anxietates, vomendi conatus & inquietudo, juncta. Medicus amaram essentiam cum alexipharmacis, in paroxysmo & extra eum, quotidie ad guttas minimum sexaginta, porrexit, eo cum effectu, ut bini sequentes paroxysmi longe gravius impetrerent, & superius dictis pathematis intensissimus astus, ventris tornina ac dorsi dolores accederent, & abortus plane esset metus. Meum hic rogatum consilium & quisitum: an venę lectio-
ni, quam reformidarat primus medicus, locus? Ego vero expensis circumstantiis, eandem oppido necessariam judicavi. Administrata igitur fuit sequenti post febrem die, & sanguis impetuose exsiliit. Tum mixturæ calefacienti nimis substituti pulveres temperantes nitrosi, cum emulsione analectica. Inde sequens paroxysmus mitior factus, & usurpatis per aliquot adhuc dies iisdem, demum electuario nostro, parce, sed iterato exhibito, penitus abacta fuit febris, salvis & matre, & foetu.

Epicrisis.

Sicuti tempelliva sanguinis missio gravidis, quæ ordinario plethoricæ, ad præcavendum abortum per necessaria, ita multo magis ex usu est, quan-

do motu febrili calido, vel medicamento exæstuante, sanguis in vellementum orgasmum, sive motum intestinum expansivum, conjicitur. Feliciter igitur in hac febriente non potuit non succedere febris curatio, posse aquam sanguis subtraetus, calida rejecta & surrogata, quæ æstum sanguinis restringunt. Corticem autem chinæ gravidis etiam non nocere, sed circumspecte datum insigniter prodesse, tum hoc, tum aliis multis in comperto est exemplis.

OBSERVATIO II.

Quinquagenarius obesus, vini ac cerevisiae potator, hinc cachecticus, autumno quartana corripiebatur epidemica, eademque permensem detinebatur, pedibus simul tumidis, alvo adstricta, cum sopore ac torpore in paroxysmo. Frustra datis multis, chinæ cortex tandem in usum vocatus in decocto. Quo per hebdomadem usurpato, febris siluit, sed tumor dextri pedis cum dolore obortus, & enatum, initio superficiarium, postea profundius ulcus, supra malleolum. Discensus tamen ligaturis & externis constringentibus aquosis tumor, ulcus quoque consolidatum. Brevi autem post rediit quartana, & adhibitis incassum omnibus, per semestre spatium persistit, ægro interim diæta incurio, & lac in paroxysmo copiose ingurgitante. Intumuit hinc venter, urina parce stillavit, spiritus angustus factus, scrotum quoque cum pedibus tumefactum, superiora autem rubida, sequutus hydrops ascites, quo æger extintus.

Epicrisis.

Perperam tumor pedis vi repressus & ulcus siccatum, quum quartanæ haud raro his terminentur, iisdemque repulsis, & fiant primum, & repetant. E re potius fuisse, cachexiā & viscerum labem oppugnare, & internis magis, quam externis morbo occurrere. Sic omnino

recidiva declinari & æger servari potuisse.

OBSERVATIO III.

Quarta- Juvenis literatus, compotationibus *na ex* inferam noctem subinde indulgens, *tertiana* autumno pluvioso sub itinere incurrit *cum fa-* tertianam primum. Cujus astum, *livatio-* quum pomis citriis in taleolos discissis & julapiis copiosis extingueret, successit quartana, cum exquisito contusivo artuum dolore, capitisque ac pedum quasi rigore, alvo simul clausa & urina cum ardore stillante. Diu haec febris & medicos & medicamenta elutit. Tandem datus hic pulvis: Recipe coralliorum, salis absynthii, mercurii dulcis ana drachmam, olei caryophyllorum guttas sex, laudani opati grana quatuor. Sumtus is quotidie bis, eodemque intra triduum consumto, salivatio oborta, post quam febris discessit. Sed periculi non expers erat salivæ fluxus, quum per quatuor decim integros dies, quotidie sape ad mensuras duas, succederet, æger. neque somnum capere, nec solidi quicquam assumere posset, manus & pedes frigerent, faucium & gingivarum caro mirum tumeret, fetidissimus exspiraretur halitus, corpusque debile & marcidum redderetur. Hinc pedes immisiter quotidie pediluvio, ex vino, aqua & herbis aromaticis. Alvus subducta clystere ex floribus chamomillæ, herba melissæ, origani, salviæ, oleo chamomillæ cocto, cum sale communi interius laxante ex manna, cassia, rhabarbaro, & foliis sennæ. Potui datum decoctum ex sarsaparilla, china radice, ligno juniperino & mastiche, cum regimine sudorifero. Fauces elota decocto salviæ, menthae crispa, florum rosarum rubrarum, balaustiorum, sambuci & radice plantaginis, ex vino, adjecta postea essentia mastiches & myrrha. Et circa somni tempus oblatus pulvis bezoardicus cum theriaca cœlesti & oleo ligni fassafras, His intra mensem

sublata omnia, & æger ad sanitatem traductus.

Epicrisis.

I. Abusus acidorum, & pomorum citriorum tertianam in quartanam commutavit utique. Fixiorem enim & lentam reddidit febris materiam, simulque primas vias acidorum & ponticorum succorum copia opplevit. Et hinc etiam ratio subsequentium incommodorum petenda.

II. Ex vero scribit *Willisius de feb.* quartanarios promtos esse ad salivationem, ex levieri etiam mercurialium dosi, & quartanam etiam saepè salivatione solvi. Utrumque confirmatur hoc casu: Ratio vero cur tam facilis sit in quartana, ac uti ego observavi in tertiana etiam, salivatio, hæ mihi videtur; quod, qui eadem decumbunt, primam regionem, falsis, acidis partim, partim biliosis acribus succis, gerunt obfessam, a quorum salfedine mercurialium vis mire intenditur. Neque tamen reticendum, enor mis in nostro ergo salivationis causam potissimum fuisse, quod mercurius dulcis cum coralliis in calcem ustis & sale absynthii intensius tritus fuerit atque commixtus. Inter omnis enim generis salia, fixa potissimum alcalina, cum mercurialibus pessime miscentur, & validiori tritu, drastricam, humores salivales, & lymphaticos fortiter commoventem facultatem acquirunt. Memini etiam paratum a medico in contumaci quartana decoctum, ex cortice chinæ, sale tartari, terra foliata tartari, mercurio dulci & aqua communi, vix coercibilem concitasse salivationem. Idem contigisse novi in quartana ab oblate mercurio dulci cum specifico *Mynsichti*. Hinc auctor sum, ut, qui tuto uti vellet mercurialibus, eadem nunquam triturando exactius misceat cum salibus, vel salia proriles ometat.

OBSERVATIO IV.

*Quarta-
nachinæ
cortice
& cor-
rupcta
G sanæ-
ta.* Robustus & plethoricus vir, vite se-
dentariæ cum crassiori victu addictus,
animi affectibus indulgens, & ab anno
hæmorrhoidarius, Octobri mense, si-
ne præcedente externa causa, inhorre-
scere cœpit, lassitudine corporis, &
contusivo artuum dolore affligi, pi-
tuitam viridem copiosam evomere,
cum insigni præcordiorum angore,
subsequutus calor universi corporis,
cum cephalalgia, cuti arida & urina
naturali. Quarto die hæc recurrerunt;
ideoque medicus quartanam esse judi-
cavit, & elixirium amarum cum spiri-
tu salis ammoniaci, nec non infusum
herbae theæ, ante paroxysmum largi-
ter ingerere jussit. Sed ingravescente
inde morbo, ad specifica magis descen-
dit, & chinam chinæ, tam intermissionis,
quam paroxysmi tempore, liberali
manu porrexit. Licet etiam pectus in-
de longe gravius opprimeretur, &
vires corruerent, eodem tamen institutis
eo cum effectu, ut alvus pertinacius
obstiparetur, vomitus in paroxysmo
cum mirifica anxietate erumperet,
hocque non succedente, lipothymia
plane ingrueret, ac febris in conti-
nuam videretur mutata. Accitus igi-
tur alius medicus, qui venæ sectionem
instituens, paroxysmum efficit illico
mitiorem. Intercalaribus postea die-
bus infusum leniter evacuans, ex fo-
liis sennæ, radice cichorei, herba ta-
raxaci, passulis, tartaro tartarisato,
& syrupo rosatum solutivo, ex vino,
per quatuor vacuos a febre dies su-
mendum suscit. Præcepit etiam, ut cly-
sterem emollientem alvina regio expurga-
retur, ac ipso in paroxysmo dorsi spina,
& pedes linimento nervino inunge-
rentur. His deferbuit magis adhuc fe-
bris, dolor ostiopus sublatus, urina
reddita largior, & sudor liberalius pro-
digie cœpit. Transactis autem sic qua-
tuor septimanis, pulverem supra de-
scriptum ex martis limatura, cortice
chinæ, mercurio dulci &c. duodecim

dosibus obtulit, exspirante sensim fe-
bre, & ægro, consumto hoc pulvere, ad
perfectam sanitatem redeunte.

Epicrisis.

Docet hæc historia, perniciosum
esse specificorum usum ante correctio-
nem & evacuationem humorum no-
centium, præstablem vicissim leniter
evacuantium, nec non pulveris ex a-
perientibus metallicis cum chinchina,
facultatem. Et certe tutissimus cor-
tex hic est, si cum laxantibus & dia-
phoreticis propinatur. Neque enim a-
lia iplius ratio ac opii, cuius soporifa-
ra virtus adjectis purgantibus, sudori-
feris, vel etiam diureticis, & analepti-
cis, ita cicuratur, ut in innoxium
quasi temperamentum redigatur.
Hinc serio au&tor sum, ut febrifugum
hoc, præsertim in corporibus visce-
rum obstructione & infarctu laboran-
tibus, nunquam solum, sed aperi-
tentibus præmissis, vel iis nuptum, ex-
hibeatur.

OBSERVATIO V.

Quum anno 1719. ob siccum & cali-
dum per integros fere quinque menses
regnantem aerem, hic grassarentur
febres variæ generis, quartana etiam
correpta fuit juvæcula sanguinea mol-
lioris & laxioris carnis. Post quartum
paroxysmum chirurgus perfectam in
brachio venam largiter sanguinem
subtraxit, & die post pilulas dedit vali-
de purgantes, quibus intra nycthemer-
ron vigiesies dejectum. Peritit hic
alvi fluxus per aliquot dies cum tormi-
nibus, licet non tam numerosis sed
bus, ac demum sanguis plane cum
muco secessit. Febris autem inde mi-
tior facta, & postea plane discussa.
Cruentum erjam alvi profluvium, po-
tibus demulcentibus ex floribus cha-
momillæ, sambuci cum lacte, item
pulvere antidyenterico *Klapperbe-
nii*, ex bolo Armena, & cortice chac-
carillæ compósito, feliciter sublatum.

Epicrisis.

Frequentes hoc anno erant & dy-

fenteriae, & variis generis febres, ex una eademque causa, impuris nempe, excrementitiis, acribus, biliosis folidibus in corpore genitis, perspiratione superflua retentis, atque in primis viis & duodeno potissimum collectis, que postea transmissa ad sanguinem vel per habitum corporis motu febrili, critice quasi expulsæ fuerunt. Secta igitur in febriente hac vena, perspiratio fuit immunita, per drasticum purgans autem impetus humorum ad intestina proritatus, factaque ibi majori acris biliosæ materiæ excretione, febrilis spasmus, ab hac fuscitari solitus, cessavit. Nam sub eadem epidemica februum affectione observavimus, dysenteriam prepostere cohibitam, febres curatu admodum difficiles induxisse.

OBSERVATIO VI.

Auctoris methodus curandi quartanas. Sub principio autumni, quo frequens erat quartana, invalidit etiam solitis pa thematicibus plebejum juvenem, post copiose ingestum potum corporisque refrigerationem statim ab ira. Superato quinto paroxysmo, tria tartari emeticæ & quindecim tartari vitriolati grana, sex ante accessionem horis data, quibus cum magna præcordiorum anxietate pituitosum liquamen cum bile evomuit. Ex eo in quotidiam, quæ typum non servabat, conversa est febris. Oblati igitur pulvere absorbentes, salini, nitrosi & cinnabarini. Inde febris brevior & mitior, alvis fluxa, & sudor declinante impetularius. Elapsis aliquot hebdomadibus, debito tempore ac dosi usurpatum eleuarium febrifugum & febris successive abasta. Sed quum liberatus obvia quævis ingereret, corpus a frigore non defenderet, rediit febris, quæ tamen post aliquot paroxysmos, balsamo vite ad 30. guttas, in duabus aquæ mentha uncis, tam ante, quam post paroxysmum, sumto, iterum discussa. Breves autem & haec erant inducia. Reconvallescens quippe appetitum liberalius indulxit, nec a frigore sibi cavit, ideoque

in eundem recidit morbum. Dedi hinc consilium, ut grana 15. piperis albi leniter contusi, cum aliquot cochlearibus spiritus vini, quatuor ante paroxysmum horis ingereret, & in lecto sudaret. Quo demum quater usurpatum, factum, ut febris penitus discederet.

Epicrisis.

I. Febres, praesertim quartanæ, in nullis frequentius recidivant, quam in plebeiis. Hi enim neque diæteticis legibus obtemperare, neque ex præscripto medici vivere suescunt. Unde plerumque tam ob cohibitam perspirationem, quam ingestos multos, & graves cibos, promte iterum fomes colligitur febrilis. Ne igitur in morbum errumpat, vel emeticis superius, vel salinis detersivis & balsamicis laxantibus inferius, educendus, vel etiam medicamento digerente stomachico præscindendus, cujus generis maxime est piper, in plebeiis summopere proficuum.

II. Sudor ante paroxysmum convenienti remedio atque regimine prolectus, neutiquam nocet, sed ad febrem vincendam ejusque insultum arendum, quam maxime salutaris, secus ac communis medicorum fert sententia. Ego certe multis confirmatum habeo exemplis, sudore ante paroxysmum per accommodata medicamenta provocato, modo prima regio a fermento febrili prius exquisite depleta fuerit, cutis inhorrescentiam & spasnum, sine quo nullus subsequi potest æstus, fuisse prohibita, ipsamque febrem fugatam. Decumanus etiam error est, febrilem materiam demum paroxysmo finito expelli sudore. Tantum enim abest, ut febrem sudoribus post paroxysmum, vel intercalari die largis, cum salute terminatam viderim facile unquam, ut potius, ipsi largi sudores debilitatem partium & atoniæ cutis indicarint, corpus ad novum paroxysmum disponentem.

OBSERVATIO VII.

Quarta- Puer decennis, facie lividus & palle-
nain- scens, abdomine turgidus, appetens
quoti- tamen ciborum, ex refrigeratione
dianam- sub aura vespertina contraxerat quar-
sepe re- tanam. Opponebantur amara in es-
deunte- sentiam redacta. Sed aucta inde appe-
mutata, tentia, corporisque nocturna denuda-
tione accedente, in quotidiana post
decem paroxysmos transit febris. Hinc datae alternis diebus pilulae no-
stræ in vehiculo liquatæ, & cere visœ
potandæ mensuræ indita bina cochlea-
ria liquoris ex salis tartari, nitri, sa-
lis ammoniaci, arcani duplicati ana-
drachmis duabus, in aquæ fontanæ
libra liquefactis & decem extracti cro-
ci granis adjectis. His intra trium
hebdomadum decursum febris discul-
fa, abdomen detumuit, atque ex facie
lividens color detersus. Sed post qua-
tuor hebdomades redit febris quoti-
die, quæ quidem iisdem brevi profili-
gata, post duos autem menses denuo
repetuit, iisdemque iterum fuit aba-
cta. Quia autem animadvertis, cau-
sam tam crebrae recidivæ esse negle-
ctum post febrem remediorum usum
& diætam insalubrem, serio dulcibus,
acidis, laeticiinis, caseo, fructibus
horæis interdixi, ac præcepi, ut
ternis minimum diebus aliquandiu
pilulis & liquore superius dicto insiste-
retur. Sic demum febri expugnata,
puer ex voto convaluit.

Epicrisis.

Ægre ex quartana levantur pueri;
crebras experiuntur, etiam post longum tempus. recidivas, vel alios longos ex ventrieuli imbecillitate morbos, vel etiam catarrhales defluxiones lentasque febriculas incurront. Interest igitur, ut tempestive statim in principio imminentia mala præscindantur. Ego quidem ut plurimum va-
cuantibus medicacionem cum successu exorsus sum. Ad alvum purgandam frequens mihi fuit pulvis Cornachi-
nus, ex tremoris tartari drachma, an-

timonii diaphoretici granis 12. & dia-
grydii sulphurati granis sex, cui interdum nitri pauxillum addidi. Hunc in tres doses divisum, ter, sex horis ante accessionem porrei. Si vero nansea & conatus vomendi adfuit simul, di-
midium tantum tartari emeticæ gra-
num uni dosi admiscui. Sic expurgata
fordium colluvie, infusum roborans,
die vacuo omni bihorio ad cohleari-
num, dedi sic paratum; recipe corti-
cis chinæ unciam semis, chacarillæ
terræ foliatae tartari, salis tartari ana-
drachmam, infunde uncias octo aquæ
cardui benedicti, colaturæ adde julepi
rosarum unciam semis. M. Si his fe-
bris non discessit, indicium fuit infar-
ctus viscerum, aut obstructionis glandu-
lularum in abdomen. Ad hanc sub-
movendam usurpavi liquorem sali-
num supra descriptum, parca, sed re-
petita dosi, simulque pro potu præbui
decoctum diluens atque aperiens.
Præparatis autem hac ratione primis
viis & visceribus referatis, non dubi-
tavi, præsertim mitiore & breviore
jam facto paroxysmo, febrilem com-
pelcere spasmum. In quo quidem con-
ficiendo, tam in puerili, quam juvenili
ætate, tutissimam inveni methodum
Helvetii, per clysterem ex decocto
corticis chinæ, bis, vel ter, inter-
calaribus diebus injectum, præmisso
tamen, ad educandas prius fortes,
clystere emolliente. Sic percurata fuit
febris demum, neque unquam redit,
si modo convalescentes sibi a refrige-
ratione, infantibus & alvum conlli-
pantibus caverunt.

OBSERVATIO VIII.

Senex generosus octogenarius, per *Quar-*
omnem vitam rarius morbis affectus, *tana in*
vesperi, post improvsum terrorem *sæ*
superingustum cibum, horrore & fri-
gore corripiebatur, quod sequebatur,
calor, ut noctem duceret insomnem.
Redibant hæc quarto die graviora,
capitis dolore, artuum languore &
præcordiorum anxiate fligata. In-
te-

terim vacuis diebus sic satis bene habebat æger, somnum & cibum capiebat. Post septimum paroxysmum consulebatur chirurgus, qui bis ante paroxysmum porrigebat emeticum, intermedio tempore pulveribus acribus salinis, cum zingibere & radice ari, febrem oppugnabat, & potui suadebat decoctum lignorum temperatum. Invalescabant hinc paroxysmi, inquietudo, sensuum torpor, ac mentis plane emotione accedebant, die vacuo etiam persistebat capitisi dolor, virium & artuum languor, cum calore præternaturali, & appetentia ciborum plane intercidebat. Vocabar nunc ego ad ægrum per binos jam menses febre decumbentem, nil vero ob plenariam & alimentorum, & medicamentorum nauseam efficere poteram. Interim, quia alvus adstricta, & inflatio ventriculi cardialgica angebat, suadebam, ut clyster injiceretur emolliens, cum carminativis, & stimulo salino, quo levamen & somnus procuratus, Carpis etiam emplastrum ad imitationem Strobelbergeriani imponi jubebam, quo mitior fiebat accessio. Interne nil nisi elixir temperatum balsamicum dabam, in primis quum a salinis determinis majores semper præcordiorum anxietates oboriri viderem. Sed deficiente, ob nauseam ciborum, febrisque, quæ in continuam quasi concedebat, diuturnitatem, alimonia vires demum penitus exhaustæ, & mors sequuta, ita quidem, ut bini penultiimi paroxysmi, intenso ac diurno horrore, rigore, anxietate, anhelosa spiratione, mentis emotione, corporisque jaclatione, per quatuor vel quinque horas, cum pulsu admodum contracto & debili, insisterent, succidente postea calore, & pulsu in celeriore mutato, ultimus autem eadem quidem impetraret vehementia, sed nullus plane se queretur æstus, & æger in ipso rigore atque frigore interiret.

*Epicrisis.
Quartana febris, Hippocratis &*

Celsi effato, per se quidem secura est, & neminem facile jugular, immo, si rite decurrit, ad longævitatem ducit. Sed visceribus inflammatis, aut labè affectis, recte monente Galeno in lib. III. epid. enecat quam plurimos, sive ob aquam inter cutem, sive omnitudinem cibi abstinentiam. In pessimis enim est plenaria ejusmodi ciborum averatio, & ego quidem putrescens tum quoddam viscus esse observavi. Dumque nihil alimenti assumitur, corpori viribusque subtrahitur pabulum, ut illud emaciatur, & haæ elangescant penitus. Tanto magis id accidit senibus & febre jam diu attritis. Dein senibus longæ ejusmodi febres, ex animi affectu ortæ, admodum sunt infestæ, & licet vires primum non adeo lâguide, cautissime tamen tractandæ, quum commissos in dieta, aut medicagine, vel leves errores, decrepiti graviter, haud raro capite plane, luant. Qui vero intermittentibus decedunt, sub vehementia febrilium spasmodorum, qui fluida ad caput & interna vitalia organa urgent, ibique succos penitus consistere faciunt, pereunt; id quod non modo in quartanis, sed & quotidianis, si continuæ factæ, animadvertisit.

OBSERVATIO IX.

Juvenis, literarum perquam sub *Quartana* vita sedentaria studiosus, Septembri *simplex* mense, aere pluvioso vespertino, iter *primæ* suscipiebat, in diversorio bene prandebat, vinumque austерum, non adeo *postea duplex*, bonæ noræ largiter bibebat. Vesperi *demum triplex* domum rediens, paroxysmo afficiebatur *cum sumore* febrili, cum artuum languore, qui *pedum curata* quarto die gravior & cum majori præcordiorum anxietate redibat. Sumebat hinc ex consilio medici pulverem digestivum salinum, & in paroxysmo, temperantem nitrosum. Alvo inde sexies sine tormentibus soluta, febris defervesceret, & levior reddebaratur. Quum vero quinto post die, vesperi tempestate frigido humida medicum rela-

Epicrisis.

relatus successum ipse adiret, domum reversus, ex improviso novum febrilem experiebatur insultum; priori longe acerbiorem. Redibat idem postero die, tertius erat vacuus, quartus paroxysmum primo, quintus secundo respondentem, inferebat, ut sic quartana esset duplex. Albus praeterea erat striata, vetriculus car dialgia premebatur, pedes tumebant ad genua usque, totiusque corporis & faciei aspectus erat turgidus. Exhibebatur ipsi liquor salinus, alcalinus, nitrosus, in paroxysmo & extra eum & die intercalari pilulae balsamicae. Quibus alvus bis soluta & in simplicem rursus mutata febris. Insistebatur iisdem eadem ratione remediis, & subsequebatur copiosus alvi fluxus, cum exquisitis circa umbilicum torminibus, & tam acria noctuæque ac interdiu secedebant, ut anus fere eroderetur. Durabat hæc diarrhoea per aliquot dies, febrisque mitiorem insultum faciebat, sed tumor pedum cum gravitate & languore lumborum increcebant potius. Post usum mixturæ ex tinctura antimonii tartarisata, essentia chacarillæ, & spiritu cornu cervi succinato, adhuc quidem febris mitescerat, sed languor corporis, cum inappetentia, lurido aspectu, & pedum tumore, metum incutiebant haud levem. Datum igitur extra paroxysmum electuarium ex rob. sambuci & juniperi, cortice chinæ & cascarillæ, extracto centaurii minoris, cerussa antimonii, sale cardui benedicti, cum spiritu salis ammoniaci, quo æger illico sensit virium incrementum, stomachus melius appetit, obrusus & gravativus artuum dolor discessit, febris, post unum adhuc mitissimum paroxysmum, penitus cessavit, tumor quoque pedum sensim subsedit, & elapo a primo insulta mente, integra reddita fuit sanitas. Ad quam conservandam, praeter exquisitam vitæ ac diætæ rationem, pilularum balsamicarum, & elixirii stomachici usus commendatus, & sex jam elapsis septimanis, nihil plane visum est incommodi.

Plura ex hac observatione in usum decerpnda. Eluescunt inde procatarrticæ causæ, quibus conspirantibus, intermittens febris excludi possit, aeris nempe conditio, sub qua tertianæ & quartanæ jam erant frequentes, imbecillis ex studiorum intemperantia & vita sedentaria ventriculus, perspiratio ab aere vespertino, frigido humido intercepta, & stomachus cibi ac portus minus salubris copia refertus. Alvo dein, & naturæ, & medicamentorum ope, soluta, paroxysmus fractus, concessione autem in auram vespertinam frigido-humidam rediit mox, eo quod recrementa halituosa ac sulphureæ indolis, per poros elabi solita, retroacta & ad primas vias ceu imbecilles partes delata, febrilem rursus constituerunt fomitem. Quod autem simplex quartana in duplice in concessit, id mea quidem sententia, factum a nimis copiosa sentina succorum vitiosorum, in ventriculo, propter ipsius imbecillitatem confluentium. A quibus tamen natura suo robo, arte adjuta, per crebriores sedes se exoneravit, junctis simul ventris torminibus. Porro notabile & hoc, quod succedente copioso alvi fecesi, tumor tamen enatus fuerit, imo increverit, luculento indicio, copiosas affuisse cruditates, magnamque viscerum ac partium externalium atoniam. Hinc sumto electuario inslighiter robante, redditioque per illud ventriculo & primis viis robore, vires sensibiliter cum appetitu restituta, febris fugata, tumor successive subsedit, & sanitas perfecte revocata. Ut adeo patet, tumorem pedum, sub ipsa febre oborientem, non sic esse pertimescendum, ac eum, qui post febrem, praesertim male curatam, succedit. Specificorum etiam antifebrilium & robantium, quæ inter primas utique tenent chinæ & chacarillæ cortex, usum, felicius longe succedere, si corporis partes ipseque ventriculus atonia

nia potius, quam strictræ affectæ,
& humorum potius copia, quam vi-
rulentæ indolis exiguae molis materia,
in vicio est.

OBSERVATIO X.

*Aucto-
ris me-
thodus
curandi
quarta-
nas.*

Plures haec tenus speciales, de felici
æque ac infelici quartanæ curatione
enarravi practicos casus. Quibus ad-
denda adhuc illa observatio, quam in
Medicina consultatoria tomo 4. Dec.
5. cas. 7. pag. 321. de quartana in gra-
vida feliciter curata, adduxi. Jam
non ab re erit, brevibus adiucere, qua
ego in sananda hac febre ut plurimum
usus sim methodo. Nimirum primum
fuit, ut ad temperandos acidos
salsos, & liquandos viscidos succos,
nec non obstructions referandas, ter
vacuo die, & una vel altera ante pa-
roxysum hora, cum haustu cerevi-
sæ tenuis, præberem cochlear liquoris
salini, ex sale tartari, ammonia-
co, nitro, tartaro vitriolato, sive
arcano duplicato & cortice chacarillæ
singulorum uncia semis, soluta in li-
bris duabus aquæ cardui benedicti,
sive chamomillæ vulgaris, adjecta
demum drachma dimidia extracti cro-
ci. Superato tertio paroxysmo, eli-
xirio usus sum antifebrili, ex radice
pimpinellæ albæ, contrayervæ, vin-
cetoxici, ligno colubrino, cortice
chacarillæ ana uncia semis, extracto
cardui benedicti, scordii, salis tarta-
ri ana drachmis duabus, extractis cum
spiritus theriacalis & liquoris anody-
ni mineralis ana uncia, spiritus vini
tartarifati octo, aquæ florum sambuci
quatuor uncisi. Dando illud post paro-
xysum ter quotidie, ad quinquaginta
vel sexaginta guttas, cum potu
calido, ad sudorem placide elicien-
dum, discessit hinc sepe febris. Quan-
do vero persistit, infusum laxans su-
perius descriptum, diebus intercalari-
bus mane exhibui, & vesperi modo di-
ctum liquorem salinum. Post aliquot
autem dies electuarium febrem fu-
gans, ex rob sambuci, juniperi ana

uncia, corticis chinæ, chacarillæ ana
uncia semis, extracti centaurii minoris,
salis ammoniaci, antimonii dia-
phorctici ana drachma, julepi rosa-
rum uncia una cum dimidia, exhibui
tempore a paroxysmo vacuo, bihorio
quovis, magnitudine nucis moscha-
tæ. Si etiam interea alvus officii obli-
ta, clystere domestico eam ducere jus-
si, vel elixirum, ex massæ pilularum
balsamicarum uncia semis, soluta in
uncisi quatuor aquæ fumariæ, cum
uncia olei tartari per deliquium, ad
centum guttas porrexì. Discussa sic
febre, ad recidivam declinandam,
octiduo semel deglutitæ pilulæ balsa-
micæ, vel a robustioribus efficaciores
ex gummi ammoniaci, extracti hel-
lebori nigri, croci, mercurii dulcis,
cinnabaris ana drachma, trochisco-
rum alhandal drachma dimidia, tri-
ginta granorum pondere sumtæ. U-
surpatum præterea quotidie elixir sto-
machale & injunctum exactum in vi-
ta vietque moderamen: quibus nun-
quam fere febris rediit; si vero forsan
id factum, veſte opus fuit. Ideoque
aggressus eam sum emeticò, ex radice
hypocacuanhæ, vitriolo cyprio &
croco, ac subjungendo statim electua-
rii usum, penitus expugnavi. Qua eti-
am ratione, me multoties quartanam
epidemicam, & ex ingluvie ortam, in
plebeis potissimum, prima in herba
jugulasse, testor.

Epicrisis.

Methodo hac frequentius summo
cum fructu quidem usus sum, nihilo
minus illud adjiciendum in gratiam
eorum, qui praxin cum judicio & suf-
ficiente ratione exercere nituntur, pu-
tavi, ut non talem methodum in ullo
morbo universalem medendi dari au-
tument, quæ perpetua sit, & in om-
nibus casibus & circumstantiis promi-
scue applicari possit. Illud enim satis
serio inculcare soleo meis auditoribus,
nec remedia ad versus morbum, certæ
semper efficacia, nec unam eandem
que medendi dari methodum, sed in-
dividualem & specialissimam, ex fol-
li-

licita historiae morbi & maxime corporis ægrotantis & morbificæ cause exploratione, prævia sufficieni meditane, & deliberatione, inveniendam esse, quæ in eo consistit, ut non modo remedia, quibus utendum sit, cognoscantur, sed & quo ordine, qua dosi, quo tempore & quamdiu eum iis continuandum, exquisita ratione & experientia, qua optime vires & remediorum virtutes perspicienda & addiscenda, judicetur. Memorabilis præter allatos casus, ex stat tom. 2. Consult. medic. sect. IV. Observatione 180.

C A P. III.

De Febre Quotidiana.

Theses Pathologicæ.

§. I.

Quoti-
dianæ
que di-
catur.

ET quartana, & tertiana, ex intermittentibus rarer est quotidiana, quæ scilicet singulis diebus accedit & solvit, sub sequente postea aliquot horarum intermissione.

§. II.

Legiti-
mæs
pus &
historia.

Accessio hujus febris primo mane, hora circiter quarta, aut quinta, evenit cum frigore, & horrore, sine rigore tamen. Sub hoc cardialgia præsto est naufea & ventris inflatio, in nonnullis capitis dolor, in aliis animi defectio, in plurimis vomitus, vel alvi secessus, vel etiam utrumque. Excipit postea calor magis latus, quam mordax, cum siti minus intensa. Pulsus, inordinatus ante & debilis, increbescit, non adeo durus tamen est, sed mollior: neque urina flammæa, sed potius cruda ex citrino turbida; multis etiam insuperabilis se re in somnum proclivitas. Paucus de-
mum prodit sudor: & elapsis decem, vel ultra horis, discedit paroxysmus, corpus hebes & grave relinqens, statu postero die hora reversurus.

§. III.

Quando-
que no,
tha &
ægæa.

Sic quidem incedit & decurrit febris exquisita quotidiana intermittens. Quæ vero typum hunc non servat,

sed vel meridie, vel circa vesperam, veleriam vago invadit tempore, non tha appellatnr, erratica, aut anomala.

§. IV.

Irregularis hæc quotidiana, haud *Epi-
de-
mia.* raro observatur epidemica: tum nempe, quando irregularis ac inordinata diurna temporum anni fuit constitutio. Ego quidem, post continuum intensum ætate anni 1727. & 28. calorem, oboetas vidi, pro diversa corporum constitutione, tam diarrhoeas & dysenterias, quam varii generis intermitentes febres, & inter has potissimum quotidianas.

§. V.

Intermittens autem est, de qua agimus quotidiana, ideoque non permittanda cum quotidiana continua. Quæ quidem pariter prima luce cum frigore accedit, sed calor & languor, cum pulsu celeri ac debili, inappetentia & interdum colliquativus sudor, per totum reliquum tempus durat. Et si longior, ut plurimum funesta, ægris, fractis penitus viribus, sub ipso frigore pereuntibus.

§. VI.

Neque etiam confundenda cum catarrhalis. Hæc quippe benigna, vesperi cum leniori refrigeratione accedit, mane defervescit & catarrhosis defluxionibus satis est conspicua. Et maligna ex repentina insigni virium prostratione, & agrypnia facile innotescit, neque penitus intermittit, sed tantum remittit.

§. VII.

Differit quoque ab aliis intermit- *Tertia-*
tibus. Quando enim ex terriana sim- *natura*
plici fit duplex, singulis etiam diebus *pli-*
impedit paroxysmus, sed insultus tem-
pora alternatim sibi respondent; aliae
sunt causæ, alia medicatio,

§. VIII.

Si ex quartana insultus quotidianus, *Quar-*
tana
triplex dicitur quartana, & paroxysmus *triplex*
non quotidie eadem hora venit, sed quarto quovis die, quoad accessionis terminum, conspirat; diversa etiam ob

ob diversas causas, ineunda medendi ratio.

§. IX.

E. lenta. A lenta demum febre distinguitur, quod illa post pastum & circa noctem sine horrore obrepatur, cum calore in volis manuum plantisque pedum, noctu etiam magis affligat sudore stipata, mane vero tepescat, nec tamen penitus intermitat.

§. X.

Eius causa. Jam sicuti omnis febris proxime nervosi generis est affectio; ita formalem pariter quotidianæ rationem spastica nervosarum partium & systematis vasorum agitatione absolvi, indubitum plane. Hic autem præternaturalis febrilis motus, per materiam, a naturali & blanda humorum vitalium indole plane alienam, ad sanguinem delatam, nec tamen cum ipso miscibilem, inducitur.

§. XI.

Ex vicio viscerum. Nimirum primæ sic dictæ viæ, ventriculus, duodenum & potior jejuni valvuloso portio, sunt illud latibulum, in quo vitiosa materia fermenti instar hospitatur. Inde per vasa lactea ad sanguinem & succos transmittitur, & cum his ad sentientes internas partes delata, easdem exagitat & ad extraordinarium motum stimulat. Et certe in quotidiana etiam febre, primam maxime regionem, varii generis vitiotorum, corruptorum, viscidorum, acido-bilioforum succorum faburra, scatere, plura sunt quæ uberior evincent. Etenim junguntur ipsi ordinario fere ructus, nausea, cum conatu vomendi, inappetentia, cardialgica infatio, præcordiorum angustia & pectoris oppressio, interdum tensivus, pungitivus ac morsicans dolor, ad dorsum excurrens. Fœdus dein ut plurimum & ingratus sapor in ore percipitur, quandoque americans, aliquando subdulcis nauseosus, nonnunquam nidorosus plane. Ipsa demum febris naturæ beneficio per crebriores dejectiones alvi sponte haud raro solvitur, artificiosa autem medicatione, per

superius, & inferius os evacuantia, cum stomachicis, utramque faciunt paginam.

§. XII.

Quia tamen longior ut plurimum *Sedes in hæc* est febris & ad plures sepe menses *primis viis.* trahitur, justa utique suspicio est, labem in imo ventris penetralibus subesse firmius radicatam. Organa quippe secretoria, glandulæ & glandulosæ intestinorum tunicæ, remissa nimis sunt atque laxata, ideoque loco subtilis lymphatici salivalis succi, copiosum impurum & serosum plorant. Reliqua quoque sanguinis depurationi dicata viscera, hepar, lien & pancreas, ob dejectum robur & languidiorem per ipsa sanguinis progressum, succum lymphaticum & biliofum minus purum in digestionis officinam mittunt. Hinc alimentorum solutio & chyli elaboratio turbatur, multaque serosæ & corruptæ cruditates prima in regione & gignuntur, & cumulantur, quæ ipsa mora deterioris indolis factæ, & ad sanguinem delatae, febrilem, ut diximus, faciunt motum.

§. XIII.

Quod autem crebrius, quam in aliis *Cur intermittentibus, febris insultus in quotidianus infestus.* intermittentibus, febris insultus in primarum viarum imbecillitatem fieri arbitror. Hec enim quam maxime crudatum proventui favet, & facit, ut prompte eadem istuc confluant, citato ibi colligantur, breviori etiam tempore sanguinis massam subeant & ad nervosas spinalis medullæ membranas deferantur.

§. XIV.

Hinc igitur porro est, quod omnia, quæ viscerum flacciditati inducendæ & crudorum ac impurorum succorum proventui favent, ad hanc febrem sternant viam. Insidiatur potissimum hominibus segnioribus, otiosis, inordinata & cruda diæta utentibus, crapulæ ex cerevisia, nec non micerori ac curis nimium indulgentibus, item qui debilem ob prægressos morbos, vel sanguinem effulsum, naæti ventriculum.

lum. Frequentius etiam infestat hiberno, autumnali nubilo cœlo, senes magis & pueros, fœminas plus quam viros, pituitos, phlegmaticos & sanguineos, præ biliolis & melancholicis. Ex aliis quoque intermittentibus promta ipsius genetis: tum scilicet, quando æger incongrua vorat, vel crebrius animo movetur, quando purgantibus & emeticis validioribus stomachi robur atteritur, anodyna, calida & spirituosa usurpantur, aut pensi habita primarum viarum repurgatione, adstringentia & specifica præpostere adhibentur.

§. V.

Exquisita longa vaga non. Ceterum quotidiana exquisita, ex viscerum atonia oriunda, longius ut plurimum trahitur, multumque negotii medico facessit. Quæ vero vaga, populares habet circuitus, & succorum tantum vitio debetur, facilius sanationem recipit.

§. XVI.

Continua propinquam a magis an- ceps. Minus dein periculosa est, quæ plenariam paroxysmi habet intermittitionem. Sed quæ ad continuæ indolem inclinat, & ubi soluta febre, languor tamen virium, cum pulsuum debilitate & frequentia persistit, corpusque sudore difflit, ita, si ad aliquot menses producitur, vires enervat, ut æger haud raro succumbat.

§. XVII.

Ex intermit- tentibus pericu- loja. Quæ etiam ex intermittentibus, præsertim quartana, succrescit, rebellis & periculi plena est, prisco jam Celsi lib. 3. c. 15. testimonio: quartana, inquietus, neminem jugulat, sed si ex ea facta quotidiana, in malis æger est. Magnum enim viscerum vitium subesse indicat, & continua plerumque est propinqua.

§. XVIII.

Si excres- ziones & bonum. Quando incipiente accessione biliosi & pituitosi vomitus, vel secessus, eveniens, niunt, bonum, nisi forsan ex febris diuturnitate vires jam nimium fuerint exhaustæ. Sudor quoque declinante paroxysmo placide erumpens, & urina post febre in copiosior cum sedimento

cedens, vehementiam insulius minuant, febrisque felicem solutionem nunciant.

§. XIX.

Contra ea, ubi excretio nulla, febris etiam per longum nimis tempus matutinæ detinet, viscera demum labem contrahunt & cachexiæ, febres lentæ & hecticæ, tabes, in dispositis etiam phthises, succedunt.

§. XX.

Ex per- verfa medi- catione alii morbi. Idem perquam facile evenit, quando adstringentia & specifica febris fugiæ præpostere adhibentur. Et si calidioribus sudoriferis & essentiis alexipharmacis spirituosis acria ex prima regione recrumenta in sanguinem aguntur, expeditus in continuam, cum sudore perpetuo & virium jactura, est transitus.

§. XXI.

Qui autem hac febre demum decedunt, in his frigus longe intensius ac magis diuturnum, cum rigore, virium prostratione, mentisque turbatione. Hoc plerumque bis adhuc excipit calor, sub tertio autem insultu, pulsuum ictus debiles manent & inæquales, ipsumque frigus in rigorem transfit emortualem.

INDICATIONES
CURATORIAE.

Cum Methodo medendi Generali.

§. I.

*Q*uum itaque causæ quotidianæ intermittentis, cruditatum seroforo viscidarum prima in regione saburra, viscerum & glandularum flacciditate, & impedito sanguinis per imum ventrem progressu contineantur; omnis omnino medicatio merito eo dirigenda: ut I. impuri illi & pravi succi e primis viis, præparati prius, per congrua emunctoria prescribantur; II. viscera a tono dejecta roborentur, & sic cruditatum ulterior proventus arceatur; & III. liber sanguinis per viscera abdominis & intesi-

flinorum canalem, tanquam digestio-
nis & chyli elaborationis officinam,
circulatio restituatur.

§. II.

*Profund
falia
neutra* Primum ut ex voto perficiatur, lau-
data est virtus incidentium & abster-
gentium, & quidem salium neutrius
generis, inter quæ primas tenent sal
ammoniacum depuratum, digesti-
vum *Sylvii*, ex capite mortuo spiri-
tus salis ammoniaci urinosi, tartarus
vitriolatus, arcanum duplicatum, sal
Ebshamense, Sedicense, nitrum au-
timoniatum. Dein commendanda
& acris etiam quæ sale acri aromatico pollent,
*aroma-
tica*, uti radix ari, calami aromatici, pim-
pinellæ albæ, costi veri, zedoarie,
canella alba, zingiber, piper album.
Quæ in pulverem redacta, salibus di-
ctis mixta, & adjecta una vel altera
guttula olei carminativi, egregiam
suggerunt medicinam antifebrilem.

§. III.

*Pilule
balsamica
cum sa-
libus* Ad primæ æque ac secundæ indica-
tionis scopum obtainendum, extur-
bandas nempe leniter per alvum for-
des, roborandum simul tonum ven-
triculi & intestinorum, eorumque tur-
batum motum restituendum, salubri-
tatis laudem merito ferunt pilulae
balsamicae Bécherianæ, Stahlianæ &
nostræ, massa etiam pilularum aloë-
phanginarum, de succino *Cratoni*,
item *Solenandri*, præsertim si una
cum ipsis salibus offerantur.

§. IV.

*Amara
& robo-
ranta* Potissimum vero ad reddendum vi-
sceribus abdominis robur, ac impediens
dum impurorum succorum in diges-
tionis officinam affluxum, ex usu sunt
elixiria amara cum martialibus mixta
uti quidem est meum temperatum bal-
samicum, sine spiritu vini paratum,
cum liquore alkalino. Vel essentia
chaccarillæ cum essentia gentianæ
mixta. Vel etiam elixiria stomachica,
uti nostrum, vel *Michaelis*, additis a-
liquot guttis tincture martialis, ex
floribus salis ammoniaci martialibus,
cum spiritu corticum aurantiorum re-
stificato factæ.

§. V.

Et his quidem etiam promovetur *Thera-*
egregio sanguinis per abdominalis vasa *me in-*
iplamque digestionis officinam pro-*priis*
gressus. Interim si refractaria admo-*aci-*
dum febris repetit, & ab inordinata
diæta sustentatur, omnia salubritate
antecellunt medicatæ aquæ, thermæ
potissimum atque acidulæ, uti Caro-
linæ & Egranæ tepefactæ, quæ debito
cum regimine, intermixtis amaris,
balsamicis & anticachecticis, usurpatæ
viscidæ fordes diluunt, per alvum &
urinam cum ferosis evehunt, infar-
ctus expeditiunt, liberumque sanguini
reddunt commeatum.

§. VI.

Specialis autem medendi cum hisce *Metho-*
præsidiis methodus, pro temperamen-*dus me,*
torum, ætatum, anni temporum ra-
tione, corporum constitutione, di-
spositione primarum viarum, sexu,
morbique causa, instituenda, & sin-
gulis his, tam dosis remediorum, quam
lumendi ratio accommodanda. In
genere tamen tenendum, horis a pa-
roxysmo vacuis pulveres salinos cum
incidentibus esse exhibendos, tertio
vel quarto die ventrem solvendum pi-
lulis, ita tamen, ut operatio earum
accedente paroxysmo jam sit absolu-
ta, declinante paroxysmo erupturum
sudorem quiete & calido potu esse pro-
movendum, ac demum subjungenda
roborantia, amara, martialia & an-
tifebrilia. De quo tamen plura in cau-
telis & morborum enarrationibus.

Observationes & cautelæ clinicæ.

§. I.

Quotidianæ intermittentes circum-
specie sunt tractandæ, ne in alios lon-
gos & incipites morbos transeant,
In primis aspernantur adstringentia &
sopientia, præcipitantia terrea larga,
item omnia purgantia draistica &
sudorifera, nec non validiora emetica.

§. II.

Multum tam ad quotidianæ cura-
tionem, quam recursum ipsius arcen-
duum

*Medi-
eatio
caute-
iusti-
tuenda*

*Vetus
& viag-
ratio
haben-
da*

Dum facit, vitare animi commotiones, merorem in primis ac diuturnam sollicitudinem, cum insalubri cibo, ac vi ni potu, nec non refrigerationem, præfertim abdominis.

§. III.

Alvina excretio promovet. Quum natura ipsa hanc febrem critico alvi fluxu sèpe solvere soleat, ipsius ductui insistendum, ipsaque juvanda ab artifice. Unde ægræ non ad regimen sudoriferum, aut pharmacis ad sudorem cogendi, sed potius eo annistendum, ut materia vitiosa ipsaque primæ viæ ad alvi fluxum salutarem præparentur ac disponantur. Quod quidem egregie perficitur, quando aliquot ante paroxysmum horis, lene laxans, pulvis cornachinus, vel pilule balsamica, cum sale præbentur.

§. IV.

Vomitus secundandus. Quia porro vomitus huic morbo jngitur cum bonis ægrorum rebus succedens; et re est, ut idem debito tempore & convenienti medicina secundetur. Hinc expedit interdum omnino stomachi subversionem per emetica ante paroxysmum data provocare. Ego quidem memini, me aliquoties in febre exquisite quotidiana, quæ hora quinta matutina invadere solebat, porrexisse circa noctis tempus, prius quam cruditates ex digestionis officina ad sanguinem delatae, lene vomitorium, ex radicis pecacuanæ granis 15. cum dimidia parte pulveris cornachini. Proritatus inde felici cum successu fuit vomitus, nonnunquam alvi fluxus, & febris minimum mitior facta, aliis postea facile expugnanda.

§. V.

Etiam in diu- turna. Si etiam quotidiana febris, diu persistit per mensem, vel longius, ac in lentam ferme degenerare videtur, commode offerri potest granum unum tartari emeticæ soluti. Quo biliolum stagnantem succum, cum levamine, incredibili fere copia fuisse exturbatum, novi.

§. VI.

Externa ventri- cuso. Quando dolor ventriculi pressorius, vel inflatio & ciborum fastidium jun-

gitur, regioni epigastricæ sacculi ex herba menthae, absynthii, rorismarii, floribus spicæ, chamomillæ Romanæ, caryophyllo & nuce moschata, vel siccæ, vel ex vino coctæ, applicandi. Qui, ubi finita etiam febre imponuntur, perspirationem & sudorem effaciter elicendo, egregie prosunt.

§. VII.

Frigus, quum nimis acre partes externas exagitat, tum sacculi modo disti, tum etiam spiritus vini purus, cum oleo menthae in duplicato lintheo stomachali regioni apponuntur cum fructu.

§. VIII.

Cum febrifugis caute in hac febre mercandum. In quotidiana tamen epidemicæ & erratica, præter superiori dicta, specifica etiam antifebrilia, ipsum quoque electuarium, cuius basis chinæ & chaccarillæ cortex, ruto adhibentur. Provocata inde, observatorum etiam fide, alvi sèpe laxitas & copiosa summa cum euphoria sedes. Chaccarillæ autem cortex in hac febre merito præscendens chinchinæ, quia magis roborans & adstringens est.

§. IX.

Sanguinis missionem raro admittit quotidiana: jam enim præsto est in primis ventriculi imbecillitas, & plerumque cacheoticæ quippam complicatur. Quod si autem eminens plethora, præfertim a mensium, vel hemorrhoidum suppressione, urina præterea tincta & æger vini potui assuetus; in principio statim vena secunda, ne febris inde ingravescat, ac uti observata Medicorum testantur, lenta, hectica, apostematicæ febres, subsequantur.

*E N A R R A T I O N E S
M O R B O R U M .*

O B S E R V A T I O I.

Illusterrimæ persona, tringinta annorum, inordinatum diu sectata fuerat vita genus, multa incongrua edulia ingesserat, fructus horæos, laeti-

D *cinia,*

*Quoti-
diana
febrilis
Caroli-
nis ex-
pugna-
ta.*

Tom. IV.

cinia, acetaria, variaque conchyliorum genera, vina etiam potentia, & aquas sic dictas vitæ liberaliter potarunt, prandium ad vesperam, & cœnam ad medium usque noctem produxerat, & præterea corpus frigido aeri autumno crebrius exposuerat. Incidebat hinc, prægresso frigore, in febrem, quæ mape quotidie accedebat, cum præcordiorum anxietate, cardialgia, capitis dolore, artuum lassitudine & vomitu pituitoso affligebat, ad tertiam vel quartam pomeridianam durabat, somnum turbabat, & post aliquot insultus, largo sippabatur sudore. Appetitus tamen non adeo erat dejectus, sed æger in cœna subinde cibos sumebat, in primis intrita cum vino. Insistebat hæc febris per quatuor & quod excedit hebdomas, corpusque admodum hebes & languidum reddebat, licet interim variis remediis, purgantibus cum emeticis, salinis pulveribus, etiam cum floribus salis ammoniaci martialibus oppugnaretur, donec infuso corticis chinæ cum comis absynthii, ex vino, abigeretur. Sed quum appetitui redeunti indulgeret æger, multaque minus salubria assumeret, elapsa vix hebdomade, febris major cum symptomatum vehementia rediit. Opponebantur eidem & evacuantia, & antifebrilia, febrisque discedebat, brevi autem post eandem ob causam repetebat, idque minimum sexies factum, ut semestre interea efflueret spatium, quo corpus ob nocturnos sudores tepidum factum ac vires mirum exhaustæ. Alii igitur accersiti medici, qui de thermis Carolinis, sub exactiori diæta & regimine usurparidis, consilium dederunt. Allata etiam in lagenis vitreis magnis impensis thermalis aqua, & tepefacta ante paroxysmum, mane æque ac vesperi, pota. Sed quum intermedium tempus brevius esset, quam ut aqua ante accessionem corpore posset eveniri, gravior primum inde fiebat paroxysmus. Ideo febriles motus specificis prius compositi fuerunt, & postea per binos menses

Carolinæ singulis diebus matutino tempore usurpatæ, interpositis simul medicamentis amaris stomachicis & pilulis balsamicis. Quibus demum effectum, ut febris contumax expugnat, nec unquam rediret.

Epicrisis.

Voracitas & inordinata diæta rebellem facit intermittentem omnem, tanto magis quotidianam, quæ, ex imbecillitate stomachi & crudiratum copia oriunda, novum inde semper nanciscitur somitem. Dein quum longa febris sedem potissimum habeat in visceribus imi ventris, a crasso sanguine fartis, quæ tracta diutius febre, magis magisque robore exuuntur, in illustrissimo etiam hoc ægro viscera debilia fuisse atque oppleta, certum, unde crebriorum recidivarum origo. Nihil igitur salubrius fuit decenti thermarum usu, quæ partim salino appetitivo, partim terreo martiali principio roborante instructæ, crudos succos efficaciter evehunt, infaretus expediunt & sic lentam febrem, necnon cachexiam, quam optime præscindunt. Sunt tamen thermæ æque ac acidulæ cum cautione in intermittensibus in usum vocandæ, & providendum, ne paroxysmus in earum operationem incidat, emundatoria claudat, & aquis retentis, anxietates cum gravibus symptomatis inferat. Hinc tuus, iisdem, composita febre, ad recidivam arcendam uti, & tum, ad junctis medicamentis stomachicis & balsamicis, opem ferunt certe laudissimam.

OBSERVATIO II.

Generosa erat femina, triginta circiter annorum, sanguinea, vegeta & tenera, quæ quarto mense gravida abortum cum enormi hemorrhagia, & post hunc mensium suppressionem experta, pallida hinc facta fuerat atque cachectica, cum alvo adfricta & appetitu dejecto. Hæc postquam ostreas in cœna comedisset & vesperi sole occi-

*Quotidiana
recidi-
vant-
mericis
curata*

occiduo in horto deambulasset, nocte infreque febre corripiebatur, cum anxietate, nausea, & ingente artuum languore. Remittente febre dabatur ipsi quidem elixirium stomachale, sed noctu eodem tempore iterum redibat febris paullo gravior. Porrigebat ob suspicionem cruditatum vomitorium, ex tartari vitriolati granis 12. & radicis hypcacuanhae granis 25. quo crassam viridis coloris pituitam evomebat. Nihilominus statu repetebat tempore febris, majori adhuc compres-
sorior in epigastrio sensu vomendique conatu, quæ silente etiam febre persistebant. Aperiebatur quidem vesperi alvus stricta clystere emolliente, febris tamen & ventriculi spasmus per aliquot dies insistebant, & facies icterica plane comparebat. Exhibebatur ipsi mixtura ex aquæ cardui benedicti uncis tribus, theriacalis cinnamomi ana uncia semis, salis cardui benedicti, antimonii diaphoretici ana scrupulis duobus, spiritus vitrioli guttis 20. syrapi papaveris rheoados drachmis duabus, cuius dimidiā partem vesperi sex ante paroxysmum horis sumvit, imposito simul ventriculo sacculo, ex speciebus stomachicis & carminativis in vino coctis, quo sudor ante invasionem largus & febris mitior. Instante sequenti paroxysmo, alteram reliquam mixturæ sumvit partem, qui emanat prorsus & spasmus quoque cardialgicus laxatus. Quum vero ægra convalescens appetitui indulgeret, fructibusque horæis ac marinis piscibus vesceretur, quinto post die iterum in febrem incidit, majori fere anxietate, vomendi conatu animique quadam defectione stipatam & vesperi accedentem. Solvebatur hinc alvus, mixtura & externa adhibebantur, sed incassum fere. Persistebat enim potius fervor & languor cum magna debilitate, etiam superato paroxysmo, ut metus esset continua. Injiciebatur rursus clyster & vomitorium supra dictum porrigebatur, sequente & vomitu, & alvi secessu. Mitescebunt inde

symptomata cum febre, & pulvere ex corticis chaccarillæ, tartari vitriolati & salis ammoniaci anatica portione confecto, & per septem dies, quatuor quibusvis horis, ad drachmam dimidiā usurpato, discussa demum omnia, ventriculo & corpori robur redditum, mensum quoque fluxus in ordinem redactus.

Epicrisis.

Caveant sibi omnes, qui ex sanguinis immodica profusione languent, a prava diæta & corporis refrigeratione. Tum enim, ob imminutum corporis ipsiusque ventriculi robur, perspirationem quoque imminutam, promita febrium genesis. Deinceps in quotidiana, cujus causa ingens cruditatum in stomacho & primis viis faburra, magis quam ulla alia intermittente, conducibile est, ventriculum, pramisso blando enemate, leni emeticō deplere. Tum spasticas ventriculi striaturas nihil promtius laxat, quam placidum elicere sudorem, quam in rem spirituosa regioni epigastricę calide applicata egregie conferunt. Tandem expurgata prima regione, chaccarillæ cortex cum salibus, non modo ad febrem fugandam, sed & digestio-
nis successum fulciendum, utiliter adhibetur.

OBSERVATIO III.

Senex, sexagenario major, macilens, sanguineo-melancholicus, continuis laboribus per multos annos sub vita sedentaria distentus, superiori anno, quo solennes erant intermittentes, corripiebatur tertiana, postea quam peregre profectus, liberali convivio exceptus, & noctu sub celo valde humido & pluvioso frigido redux factus erat. Placide hæc admodum decurrebat, & adhibitis prius pulveribus salino-digestivis, post quintum paroxysmum electuario expedite discutiebatur. Nolebat tamen pristinus vigor & appetitus redire, sed a sumto cibo pressorius semper in epigastrio ur-

*Quotidiana
exterior-
tertiana
electua-
rio sa-
nata.*

gebat dolor, nec somnus adeo erat quietus. Dabatur quidem ad digestio-
nem secundandam, quotidie bis, ad
drachmam semis, pulvis ex radice arii,
pimpinella alba, gentiana rubra, semi-
ne cymini & macis. Sed preter opinio-
nem quotidiana post aliquot dies acce-
debat febris vesperi. Promtum statim
habebat medicus electuarium ex rob.
juniperi, cortice chaccarillæ & syru-
po acetositatis citri, idque omni bicho-
rio deglutire jubebat. Sumto hoc, re-
petebat quidem paroxysmus, sed sub
illo & post eum copiosæ prodibant de-
jectiones, vel decem numero, ut æger
firmiter crederet, validum se accepisse
purgans. Continuabatur igitur par-
ciori dosi electuarii usus tam salubri
effectu, ut febris discederet, & æger pe-
nitus convaleret.

Epicrisis.

Enata procul dubio hæc ex tertiana
quotidiana fuit, quod sub illa, prima
non sufficierer expurgata regio. Un-
de reliquæ materiæ febrilis, accepto
per malam digestionem incremento,
induxerunt quotidianam. Plane pecu-
liaris etiam hic fuit corticis chaccaril-
læ effectus, canalem intestinorum effi-
caciter vacuans, febrisque somitem
simil & semel tollens. Istamen non u-
bique perpetuus, sed peculiari primarum
viarum dispositioni tribuendus.
Alias inter omnes constat, corticem
hunc potius ad compescendas nimias
dejectiones valere. Ut adeo pateat,
unum remedium, pro diversa naturæ
& corporis habitudine, aliud atque ali-
um, & diversum, contrarium pla-
ne, exserere posse effectum.

OBSERVATIO IV.

Quotidiana con-
nomen ista
post hy-
percus-
sibafum.

Nobilis quedam tenerior & sangu-
nei corporis foemina quinquagenaria,
regnante Sirio, & instantे mensium
fluxu, gravi exagitata fuit ira, cum
extremorum tremore. Porrexit me-
dicus paullo post purgantes pilulas,
quibus tanta hypercatharsis suscitara,
ut intra 24. horas plusquam quinqua-

gesies, & postero adhuc die, vigesies
fere, deiceret. Fractum inde mirifice
corporis robur, artus languerunt,
ingruit animi præsertim erecto cor-
pore defectio, periit appetitus, som-
nus turbatus & pene omnis intercidit.
Exactis inter hæc aliquot diebus, ve-
speri accessit anxietas summa, cum le-
vi duntaxat horrore & frigore, inquietu-
tudo & syncoptica affectio, ut jam
animam agere videretur. Subsequuti
pullus iæsus celeres, æstus corporis,
oris siccitas, & mador corporis, per
duodecim horas halans, symptomati-
cum attulit levamen. Habuit postea
tantis per melius: febrilis tamen com-
motio modo vesperi, modo noctu, jam
gravior, jam levior, rediit quotidie,
tussi siccæ, & ante, & post illam af-
fligente. Ægre tulit fere omnia sto-
machus, analectica, salina, balsamicas
pilulas, elixiria stomachica, ali-
menta ipsa, & quamvis suspensa ma-
nu data, sequuta anxietas, æstus,
pressio, strictura & ardor ventriculi,
nec non torments ventris. Sic decubuit
per mensem, ac interea nihil melius
ferre potuit, quam emulsiones ex amygdalis
dulcibus, semine papaveris
albi, aqua florum acaciæ, liliorum
convallium, tiliae & cerasorum nigro-
rum, quibus tantillum pulveris be-
zoardici nitrosi subinde inditum. Po-
tui datum præterea decoctum avena-
ceum, non nunquam in levem emul-
sionem cum amygdalis redactum, &
ad alvum obstructam solvendam, en-
ema leniens injectum. Elapso autem
mense, quodammodo commodius ex-
cepit ventriculus medicamenta. Hinc
sumbit quandoque decem taentum pilu-
las ex nostris, quibus alvus cum eu-
phoria laxata. Exhibitum quoque elixirium nostrum balsamicum, parca-
pariter dosi. Remanserunt nihilominus febriles commotiones, licet mitio-
res & sine angore. Ad has igitur com-
ponendas oblatus ter quotidie hic pul-
vis: recipe lapidum cancerorum, an-
timonii diaphoretici, arcani dupli-
ci, corticis chaccarillæ, ana drach-
mam.

mam. M.F. Pulvis dividatur in decem partes æquales. Et ad alvum subdudendam usurpatum elixirium purgans, ex massa pilularum balsamicarum in tenui lixivio soluta. His demum intra quadraginta dies sensim febris sublata, vires cum appetitu & sanitatem integram redierunt.

Epicrisis.

Perniciosum utique fuit molimen, post iram & ingruente mensium fluxu, purgans dare, quia tum jam in motu est natura, & spasticæ in nervosis partibus stricturæ adsunt. Neque dubium est, quin sub proritata inde vehementiori purgatione & astfluxu succorum impurorum ab ambitu ad interiora, & erosio, & levis inflammatio intestinis fuerit inducta, quibus effectum, ut, nec medicamenta, nec alimenta, sine incommodo, anxietate & æstu suscipere potuerit. Febrilis etiam irregularis insultus, quotidianus interdum accedens, cum tussi, suscitatus omnino fuit a levi intestinorum inflammatione, sub qua semper stimulus spasmodicus & vitiata occultatur digestio. Hæc igitur partium & morbi causæ dispositio, nec correctoriæ, nec evacuantem, nec roborantem aliam admisit medicinam, quam lenientia & demulcentia. Febri autem, quotidianæ typum servanti, accommodatus fuit nihil, quam chaccarilla cortex, eximie roborans, mixtus cum aperientibus salinis, absorbentibus leniterque diaphoreticis. Cujus generis pulveres in quotidiana febre, etiam lenta, & quæ ex virtute primarum viarum maleque digestorum succorum colluvie oritur, virtutis sunt certe laudissimæ.

OBSERVATIO V.

Quotidiana exquisita diu-
Quadragenaria circiter femina, sanguineo-cholerica laxiorisque corporis constitutionis, quæ in iram prona, inordinata diæta cum fructibus horæs usæ, & infusum theæ large nimis ingurgitans, stomachi sibi contraxerat lan-

Tom. IV.

guorem, paullo post mensium experiebatur suppressionem. Hos quum proprio artificio pellentibus urgeret, febrem incurrebat quotidianam, ordinariis symptomatibus comitatam, medici tamen ope, exactis tribus mensibus, ab eadem liberabatur. Non autem ita multo post, emanentibus semper mensibus, & alvo stricta, in euñdem recidit morbum, quem complures in auxilium vocati medici, nec pharmacis, nec aquis medicatis, Egranis æque ac Lauchstadiensisibus, neque etiam laetis asinini usu, depellere potuerunt. Perstitit potius idem jam a triennio immedicabilis, & quotidie prima luce accedit febricula, quam comitatur sudor colliquativus pene, ad decimam usque antemeridianam manans, & pomeridie sequitur languor cum dolore lumborum. Præterea extra paroxysmum corpus totum tacitu frigidum, vix vesperi ex cibis qui cquam assumere valet, & tum etiam ad incongrua magis fertur appetitus. Pallida quoque facies, totusque corporis habitus tumidus quasi & inflatus. Obambulat tamen, & domestica obit negotia.

Judicium cum confilio.

Quotidianam veram exquisitam, non secus ac quartanam ex longis esse morbis, & ad unum, immo plures annos, trahi nonnunquam, hæc docet historia. Causa vero diuturnitatis inordinata omnino vivendi ratio ægræ, quæ animi affectibus indulget, palato accepta ingerit cuncta, & extra paroxysmum in liberum qualemcumque regnantem aerem concedit. Neque enim omnis diurna intermitiens gravem in visceribus supponit labem. Sed per ipsum febrilem motum nova semper gignitur vitiosa materia, quæ quando intermissionis tempore perspiratione non excluditur, & insalubri victu augetur potius, novum semper induci paroxysmum non mirum. Jam quidem morbus in habitum

D 3 qua-

quasi transisse videtur: vegeta tamen natura & corporis extra paroxysmum motus, in causa fuit, quod deteriores res huc usque non sequuti morbi alii. Ego quidem, rebus sic comparatis, vix aliam medendi rationem esse sentio, quam ut agra curatius ex regulorum diaeteticarum praescripto vivat, parcus, & cibos nec graves, nec fermentescibles, sed leves, facile solubiles edat. Perspirationis dein successum custodiat ac secundet, nec obambulatio ne in aere libero frigido interturbet. Tum ad contemperandos & liquando pravos in prima regione succos, salino superius descripto liquore utatur. Blandis porro laxantibus intestinorum canalem expurget, eumque in finem, bis octiduo, balsamicas nostras pilulas deglutiat. Stomachi preterea languorem & digestionis vitium elixirio stomachali, crebris inter cibos sumto, emendet. Ac demum, tam ad promovendam cuticularem excretionem, quam compescendam successive febrilem habitualem commutationem, pulvere ex antimonio diaphoretico, cornu cervi philosophice preparato, tartaro vitriolato & cortice chaccarillae, bis quotidie ad drachmæ dimidium, per octo dies utatur. His, nisi gravius quid interea acciderit, morbum rebellum, expugnari adhuc posse, speramus.

C A P U T I V.

De Febribus Intermittentibus Epidemicis anomalis mali moris.

Theses Pathologicae.

§. I.

Ex tempore statu constitutio insolitum variis morbi. **S**uperioribus annis 1726, 27. & 28. plane irregulares & insolite erant, temporum ac tempestatum constitutiones, ingentes potissimum siccitates & ardore, complures menses perseverantes. Variis hinc languoribus corpora humana affligebantur, diarrheis,

dysenterias, intermittentibus febribus variis, simplicibus & duplicitibus, que nulli temperamento, sexui, aut etati parcebant. Maxime omnium vero estate & autumno regnabant febres, partim intermittentes plane, partim remittentes tantum, anomalæ & irregulares, vagum & incertum typum habentes, facile inter se mutabiles, ut plurimum insuetis & gravibus symptomatibus stipatae, contagio infestæ, nonnullosque per multos menses derinentes, quosdam etiam plane & medio tollentes.

§. II.

Ambigunt quidem adhuc medici, nostri & que ac prisci avi, an intermittentes dentur malignæ febres? Rerum paullo acutius considerata, non dubitamus affirmare, intermittentes alio tempore esse benigniores, alio utique maligniores, non secus ac alii morbi ac febres epidemice grassantes. Nam prout variae temporum & tempestatum sunt constitutiones, magis, vel minus regulares, boni & mali moris progeni & grassari morbos, jam olim noster prodidit Hippocrates. Experientia quoque stabilit atque confirmat, dari certis temporibus intermittentes, que indolem malignam, seu virulentam, referunt, cuius indicia & quasi characteres hi sunt: si insolitis symptomatibus stipatae & maxime omnium virium junciam habent prostrationem eminentiorem, si epidemice grassantur, & contagio etiam inficiunt disposita corpora, si que carum ferocia exanthematibus in summa cute erumpentibus, pustulis, ulcusculis in labiis, naribus, facie, purpura, vel maculis purpureis, vel etiam scabie mitescit. Hæc enim omnia exiguae molis, sed valde vehementis & virulentæ indolis materiam tenuissimam, ventriculo & nervosis maxime partibus inimicam atque infestam, in qua potissimum veneni ratio & natura fundata est, subesse, & suitas sevas commotiones atque alterationes concitare, luculenter arguant.

*Maxime in-
tem-
mitten-
tes ma-
lignæ
anomaliæ.*

§. III.

§. III.

Sympto- Sic febres, quæ superioribus annis
mata nostris locis, immo universæ fere Ger-
epi- maniaæ, fuerunt infestæ, anomalaæ
demica- valde exstiterunt. In quibusdam se-
demum &
historia. mel uno die, in aliis bis, accessio fa-
cta. In nonnullis primis diebus com-
paruerunt continue, & tertio vel
quarto die in intermittentes concesser-
unt; in aliis vicissim primis tempori-
bus intermissionem habuerunt, postea
vero, pessimo omne, factæ sunt con-
tinuaæ. Aliqui enormes experti sunt
per superiora, vel inferiora pituitosas
& biliosas dejectiones, quidam remit-
tente, vel intermittente paroxysmo,
continuo sudarunt, cum ingenti lan-
guore. Nonnulli etiam se ipsa in fe-
bre, & calere, & algere simul, con-
questi sunt. Juniores in paroxysmo
interdum valde delirarunt & simulac-
clauerunt oculos. insomniis agitati,
maleque cohærentia sunt loquuti. Se-
nibus cum somnolentia accidit febris.
Omnes vero de anxio & compressorio
dolore circa ventriculi regionem, de
dolore lumborum, pedum contusivo,
capitis etiam, sunt conquesti, & in
termissionis tempore, de dolore ex
nucha pertotum spinæ tractum ad sca-
pulas porrecto. Prodeuntibus demum
in facie pustulis, aut in ambitu exan-
thematibus purpureis, symptomata
complacabantur. Et si purpura jungen-
batur scorbutica, diutius durabat te-
bris; si vero superveniebat alba, fu-
nestum erat ut plurimum.

§. IV.

Contagiō- Observatum fuit & id maxime
infecte- Magdeburgi & in Ducatu Brunsvi-
runt. censi, complures in una domo, non
secus ac in variolis, vel morbillis fieri
solet, successive eodem morbo fuisse
affectiones, & præsertim post sanguinis
missionem, fortem purgationem,
fœminas maxime instantे mensis
fluxu, multi si animi affectu immoder-
ato commoti fuerunt, timore per-
fusum & tristitia.

§. V.

Quomo- Licet vero, pro diversa natura æ-
do ter-

grotantium, ratione ætatis, tempe-
peramenti, naturæ magis, vel minus
robustæ, mitiora, vel sæviora fue-
rint symptomata, & nonnulli intra
quatuordecim dies, alii intra mensem
demum convalescerunt, perpauci ta-
men mortui, nisi ingenti errore me-
dici, aut ægrotantis admisso.

Præservatio & Curiatio.

§. I.

Frequentes quam maxime fuerunt *Quomo-*
haæ malignitatis suspectæ febres in lo-
cis paludosis, humidis & aquarum sta-
gnis irriguis; uti nostris in confiniis
sunt pagi Oßrau & Dieskau. Frequen-
tius etiam infestarunt eos, qui post æ-
tatem intensius fervidam, improba-
victus ratione usi, vesperi, aut no-
ctu, aere humido frigido, corpus refri-
gerarunt, & præterea imbecillioris
fuerunt naturæ. Optimum hinc ad de-
clinandum epidemicæ hujus febris in-
cursum fuit consilium, vitare loca hu-
milia, uda, multo minus in iis dormi-
re, aeris injuriis sese non exponere, re-
frigerium omne, etiam per frigidum
potum, fugere, ventriculum nec cru-
dis, nec constipantibus cibis onerare,
animum tranquillum servare, omnia-
que cum cura tenere, quæ acrimoniae
contemperandæ, sordibusque tam per
poros, quam alvum leniter educen-
dis, serviunt, ac laudabiles succos in-
generant. Neque tamen forti uten-
tium purgatione, quæ ab ambitu cor-
poris succos trahendo, perspirationem
nivit, adeoque noxia est, tanto ma-
gis quando diarrhoea forsitan & dy-
fenteria jam circumeunt.

§. II.

Quum vero harum febrium mali *Indica-*
genii causa, partim in insigni dyscrasia
& intemperie sanguinis & humorum
a naturali & blanda temperie defle-
ctente, salino-sulphurea, partim et-
iam in humore vitiœ & virulentæ
activæ indolis, in prima regione po-
tissimum hospitante, universum
nervosarum & musculofarum partium

systema commovente, consultat, eo utique prudenti consilio medicus curam dirigere debet, ut I. magis alterantibus & perversam sanguinis & humorum qualitatem emendantibus, quam fortioribus evacuantibus utatur; II. ut placide & blandis evacuantibus tam per cutem, quam alvum, præparatam materiam debito tempore excludat, ac III. ut congruis analepticis imbecillitati succurrat, atque demum symptomata mitiget.

§. III.

*Præfusuræ
diætæ
phoreticæ
sa fixa
& ana
leptica.*
In principio itaque, antequam medicus dignoscere poterat genium morbi, pulveres diaphoretici, cum leviter nitrofisis exhibiti fuerunt, in aquis diapnoicis & analepticis huc in modum: recipe aquæ galeæ, cardui benedicti, acaciae, cerasorum nigrorum ana uncias tres, cinnamoni f.v. unciam, spiritus nitri dulcis, vel liquoris anodynii mineralis guttas 20. syrapi acetositatis citri, vel papaveris rheeados q. f. Hæc tam intra, quam extra paroxysmum oblata, & potui datum decoctum avenaceum, cum succo & corticibus citri, vel etiam cum amygdalis in emulsionem redactum.

§. IV.

*Blanda
laxan-
tia.*
Ad alvum solvendam profuerunt oppido clysteres tantum domestici, ex decocto avenaceo, nostris Haber-Grütze, floribus chamomillæ vulgaris, oleo amygdalarum dulcium, & sale communi parati. Interius vero ad laxandam alvum, potiones ex unciis duabus vel una manna, cum drachma una tremoris tartari, in aqua florum acaciae solutis & additis duabus guttulis olei de cedro, perquam utiles fuerunt. Quibusdam etiam infusum rhabarbari cum passulis magis conducibile deprehensum.

§. V.

*Quando-
que su-
dorens
move-
ntia.*
Ubi natura torpida ad movendum insultu declinante sudorem, essentia scordii probe saturata, non tamen adeo spirituosa, cum anatica portione liquoris anodynii & aliquot guttis spiritus bezoardici Bussii data, injungen-

do simul, ut in moderato calore & lesto corpus servaretur.

§. VI.

Quibus remedii successive fracta *Fracas* fuit vehementia febris, sive potius *febre virulenta* ejus causa indoles. Hoc *fa-
priata*, si sine gravioribus symptomatis intermisserat febris, ad eam fu-gandam, alia, quæ erant accom-modata & appropriata, cum debito regimine & justa methodo, in usum vocata præsidia.

§. VII.

Fuerunt tamen, ubi mox in princi-pio consultus medicus, qui expurgato per lene vomitorium stomacho, & usurpato postea electuario ex cortice chinæ, casearillæ, antimonio diaphoretico & nitro cum julepo rosarum & syrupo acetositatis citri, facili & ex-plicita curatione, evaserunt; sub-junctis poslea, quæ ad sanitatem fir-mandam videbantur necessaria.

*Cautela & Observationes
Clinicæ.*

§. I.

In omnibus epidemice grassantibus febribus, in primis si insueta habeant *sea nos* symptomata, & metus cuiusdam ma-lignantatis sit, semper tutior medendi *vacua*, *via*, præsertim in principio, per be-zoardica fixiora & analeptica tempe-rata, abstinentia a sanguinis missio-ne, emeticis, regimine etiam nimis calido, tam quoad lectum, quam quo-ad conclave, immo potum.

§. II.

In omnibus ejusmodi morbis præ-*Cibus* stat abstinere a cibis & potum tenuis-*pauca*, *porus*, sumum assumere v. g. decoctum ex ra-dice scorzonerae, & cornu cervi usto-paratum, adjecto syrupo acetositatis citri.

§. III.

Si vomitus & inquietudines cum *Vomi-* extremorū frigore urgent, consul-sus *inguie-* tius est eas blanda diaphoresi, quam *tudo* adstringentibus fedare, & utique com-quibus *modam* hac in re præstat operam, li-fedatio-

quor

quor noster anodyntus mineralis, vel cum refracta dosi liquoris bezoardici *Buffii*, vel aliquot guttulis olei destillati macis veri, aut tantillo extracti croci nuptus. Tum etiam, ad spasmum stomachi potissimum laxandum, utile decoctum avenaceum, cum oleo amygdalarum dulcium & croco, liberaliter potare, ve emulsione, ex aquis antispasmodicis cum seminibus quatuor frigidis & papaveris albi, uti.

§. IV.

Diarrhœa que potest. In principio si alvi fluxus sociatur, pulvis rhabarbari cum pulvere nitroso absorbente, vel etiam dosis pilularum balsamicarum, cum ejusmodi pulvere nitroso absorbente, aliquoties data, summae sunt efficacæ. Sique nimis ille urget, pulveri aliquot grana corticis chaccarillæ possunt admisceri.

§. V.

Valide vacua sita non tent. In intermittentibus epidemicis graffantibus curandis id in genere notare licet: fortes purgationes, per superiore æque ac inferiora parum proficer, ut potius noceant, & gravior post eas impetrat paroxysmus: lenes autem evacuationes nunquam non proficiunt. Quo alvus enim adstrictior est, eo plus increascent cardialgia flatulenta & inquietudines. Monendum tamen, quod in paroxysmo difficulter, vel plane non, clysteres locum inventant, eo quod tanta plerumque flatum in intestinis resistentia, ut nihil admittatur.

§. VI.

Caliditatem sanguinis etiam acriam. Observatum etiam est, acriora & aromatica, essentias sudoriferas alexipharmacas & calidiora omnia, ex simplicibus intermittentibus, duplices, vel continuas etiam lethales plane, effecisse, præfertim in corporibus scorbuticis & ubi materia exanthematica purpuracea instar fermenti in humorum & sanguinis sinu delituit.

§. VII.

Nec non veneficatio. Sanguinis missio neque præservationi, neque curationi harum febrium accommodata. Sufflaminat enim saluberrimam curicularem excretionem,

sordiditem succoram hinc anget, vires magis exhaustit & in continuas inde transisse intermitentes prius has sebres, fuit animadversum.

§. VIII.

Si purpura complicatur hisce febribus, cum copioso & fetido sudore, summo cavendum est studio a præcilio regimine & expellentibus. *Æquilibilis* potius caloris temperies servâda, & temperata etiam medicamina optima, ne nimis incalefacit & dissolvatur sanguis, nec materia expellenda intus maneat, aut retrocedat profus. Hinc enim febris tantisper quiescens refuscitur, vel minimum mitior, insigniter exacerbatur. Idem observavimus, si materia erysipelaea, cum magno pruritu juncta, quod interdum senibus accedit, ad habitum corporis præfertim pedes propulsâ, ad anteriora recessit.

§. IX.

Mitigata symptomatum atrocia, in epidemica hac febre, siue ex ea antea continua facta typica intermittens, superatis aliquot hujus paroxysmis, die intermissionis leni laxante, vel emetico prima corporis regio expurganda, & postea in ulum vocandus hic pulvis: recipe corticis chaccarillæ, chinæ, nitri purificati, antimonii diaphoretici, lapidum cancrorum, ana drachmam unam, de quo drachma dimidia, ter, vel quater quotidie, vel in aqua diaphnoica, uti cardui benedicti, galeæ, sonchi, scorzonerae, vel etiam in electuarium cum syrupo redacta, extra paroxysmum uitarpanda. Quo non modo materia febrilis virulenta primis in viis optime corrigit, sed & roborando systolicam canalium virtutem, placide per diaphoresin educitur.

§. X.

Ceterum epidemicæ hæ febres non una omnibus annis incedunt facie, sed variis pro diversitate prægressæ tempestatum constitutionis exhibent genitum. Hinc Medicus ad medicacionem attento semper accedat cum iudicio

dicio necesse est. Quæ vero ego diversis annis observavi, & utilia deprehendi, passim in scriptis meis tradidi. In primis autem circa hoc argumentum evolvi poterit *dissertatio*, *observationes practicas circa febres intermitentes anno 1699.* *grassantes*, *sistens*, item *observationes baremotrico-meteorologicae* *Sect. ult. de constitutione epidemica anni 1700.* nec non *Medicina consultatoria Tom. II. Dec. II. cap. 7. pag. 90. seqq.* *Tom. III. Dec. I. cas. VI. pag. 34 seqq.* *Tom. IV. Dec. III. cas. IV. pag. 167. seqq.* & *Tom. VI. Dec. V. cas. X. pag. 355 seqq.*

C A P U T V.

De Febre Semitertiana.

Theses Pathologicae.

§. I.

Semitertiana cōficitur febris. Inter epidemias, quas jam exposuimus, intermitentes mali moris febres, haud raro occurrit, quæ ex tertiana intermitte & quotidiana continua confit, eamque ob causam Græco nomine *ιπτητής*, & Latino, semitertiana vocatur.

§. II.

Quomodo incidat. Accedit hæc plerumque ante meridiem, cum frigore, & horrore gravi pulsusque contracto. Succedit postea cum pulsuum frequentia calor aliquot horarum, sudore erumpente tepescens, non tamen penitus intermitens. Intenditur potius, post refrigerationem lenem, circa noctem astus, cum pulsuum celeritate, & postero die lenior persistit, sine siti, donec vesperi, precedente leviori horripilatione, denuo ingravescit. Tertio autem die horror iterum impetit, cum intensiore calore, eademque, ac primo die, ratione decurrit. Ut sic semper quidem adsit febris gliscens, vesperi ipsius exacerbatio & tertio die mane hæc cum rigore maxime conspicua. Vires præterea sunt dejectæ, appetitus languet, somnus deficit, urinæ minguntur te-

nues crudæ, post tertianæ vero paroxysmum crassæ & tinctæ, exspuuntur cum tussi pauca cruda, & dorsi, nec non abdominis dolor haud raro jungitur, cum hujus intumescens. Plurimi accedente tertianæ paroxysmo nausea premuntur & cardialgia, quidam vomunt plane, nonnulli animi defectionem patiuntur, alii delirant profrus.

§. III.

Ignota fere nostris hæc est febris & plerumq; intermittentem malignam esse putant. Sed multum ab hac utique discrepat, quum neque contagiosa sit, neque exanthematis stipetur, neque etiam tam enormi virium prostratione, & præterea peculiarem tertio quovis die cum horrore habeat conspicuam exacerbationem.

§. IV.

Alii eam cum tertiana continua *Tertians-* permutant, perperam pariter: hæc *continua-* enim secus ac semitertiana, tertio tantum die, non vero resperi simul ingravescit, neque tota continua est, sed licet primum continuo calore impetat, tertio tamen ut plurimum die vehementiam ponit, ac in tertianam intermittentem transit.

§. V.

Neque etiam cum tertiana duplice *Et ter-* confundenda est semitertiana: licet *tiana du-* enim illa quovis etiam die accedit, *plici -* insultus tamen alternativum sibi respondebit, & febris ipsa perfecte intermittit. In hac autem nulla plane intermissio, sed tantum remissio, vespertino quotidie paroxysmus & tertio semper die duplex.

§. VI.

Composita igitur ex duplice febre *Continua-* est hemitritæ febris, ideoque duplex *causa ex-* omnino erit ipsius focus, *causa du-*plex. Nimurum continuaæ nidus in mesenterio, ex intercepto per ipsius compagem transitu sanguinis, ejusdemque hinc in contiguis tunicis nervosis oborta inflammatoria stasi. Ille *intermit-* autem alternis diebus accedens paro-*primæ re-* xyximus gravior, non secus ac ipsa ter-*gione ..* tiana,

tiana, sedem ac causam habet in intestinis, maximeque duodeno. In cuius flexuoso cavo, ex glaudulis, hepate & pancreate, lymphatici & biliosi, ob mesenterii vitium pariter vitiati humores, nec non ex stomacho crudii succi, confluentes, mineram conficiunt morbosam, quæ sanguini immixta & ad nervosas spinæ membranas delata, motum inducit præternaturalem febrilem.

§. VII.

Quibus ex causis accidat. Inter ea vero, quæ febi huic ingnendæ apta, connumeranda omnia, quæ succos spissos & impuros reddunt, primamque potissimum regionem atque mesenterii vasa sordibus opplent. Eveniunt hinc quam maxime iis, qui salubris vita rationis incuriosi, cibos dulces, acidos & fermentescibles, farinaceos cum butiro, saccharo & ovis fricos, ingerunt, vitam otiosam colunt & nimis sedentariam, parcus justo bibere solent, vel vina dulcia nimis amant, & animi affectibus, præsertim tristitia, indulgent. Ex faciliteriam eas incurvant, qui brevi ex morbo convaluerant, alvum habent striatum, qui crebrius utuntur purgantibus drasticis, quibus etiam haemorrhoides, vel menses suppressi. Autumno, qui ferax febrium pernicioferum, propter varietatem & inæquilitatem perspirationi saluberrime valde inimicam, præterea frequentior, quam aliis anni temporibus. Et haud raro accidit iis, qui corpori æstuanti frigidum ingerunt potum, aut sudantes in locum frigidum humidum concedunt.

§. VIII.

Quibusdam regionibus familiae. In quibusdam quoque regionibus frequens magis esse observatur. De Italia testantur hoc cum Galeno, Spigelius atque Baglivus. Et certe regnans ibi interdiu æstus acria recrementa gignit multa, frigidior noctu aura horum exclusionem impedit, & frigidus, quem amant, & vel injecta glacie incolae parant, potus facit, ut subsistant in mesenterio, ubi minor

resistentia & languidior progressus, succi stasis concipient inflammatoriam & sic febris continua, intermitens vero a succis corruptis ex mesenterio ad intestina delapsis, dignatur. Idem evenit in Hungaria, ubi eadem cœli conditio & præterea usus vinarum dulcium spirituorum liberalior, hanc febrem frequentissime accedit.

§. IX.

Quia igitur semitertiana hæc febris, *semiter- tiana pericu- losa.* præter communem intermittentium prima in regione causam, fundamen- tum habet inflammationem & indolem continuam, ut nec symptomatum adsit magna remissio, nec ad vires reparandas spatium, admodum antecps, & intermittente simplici longe est periculosior.

§. X.

Præcipitis etiam banc ob causam *Brevi* est decursus, & plerumque nono, aut *decurrit.* decimotertio die finem attingit, vel in salutem, vel transitu in alium morbum facto, vel etiam in mortem.

§. XI.

Ubi longius extrahitur, aut in sup- purationem inflammationo, & morbus in hepticam potissimum, vel lentam febrem concedit, aut si firmior in me- senterio obstructio, in hydropem, aut, rarius tamen, opulta nimium sordibus prima regione, in intermittentem simplicem quanloque, quandoque duplicem.

§. XII.

Quando vero non modo declinante *Quomo- do solvatur.* paroxysmo, sudor erumpit, sed & septimo critico die, aut post eum alvus turbatur, & fluxus oboritur vel biliosus ac pituitosus, vel etiam cruentus plane, bonum & morbi solutionem nunciat. Vel si etiam dolores in ventre acerbiores, certis plerumque horis ingravescentes, accident, illud discutitur morbus, aut subsequente poslea diarrhoea saniosa & purulenta, aut sanguine copioso nigro secidente, solvitur.

§. XIII.

Contra ea, quando nihil horum *Mala si gna.* eve-

evenit, sed potius ardor circa præcordia, tensio & dolor in tota ventriculi regione, vomitus, singultus, inquietudo, jactatio & tremor manuum, animadvertisuntur, malum præbent omen, & inflammationem latius ad ipsum quoque ventriculum serpissè produnt.

§. XIV.

Sphacelo accusat. Qui semitertiana decedunt, sub accessione gravioris paroxysmi, tertiana typum servantis, succombunt, inflammatione late diffusa & in putredinem conversa. Quam etiam mortis cauam Spigelius se semper invenisse testatur, lib. de semitertian. cap. XIV. disertis verbis scribens: quotiescumque mecum repeto, quæ in dissectiōibus mortuorum a semitertiana observavi, toties nil aliud potui agnoscere, quam putredines semper in vasis conflitisse. Erant enim in dissectiōibus cadaveribus inflammations, ex sanguine biliose & pituitoso factæ, circa fecoris cavam partem, in ventriculo, intestinis, tam crassis, quam tenuibus, mesenterio, omento, liene, & saepius in una partium commemoratarum, aut pluribus, aliquando etiam in omnibus, quæ celeris mortis cause erant, superveniente gangrena, vel sphacelo aliqui loco, etiam si quandoque exigua eset, partium prædictarum.

C U R A T I O .

§. I.

indications
cuyato-
rie bina. Dupli potissimum fundamento semitertianis medendi methodus nititur. I. ut inflammatoria in mesenterii & intestinalibus tunicis hærens statim, vitæ periculum intentans, prompte vel discutiatur, vel, ne latius serpat, impediatur. II. ut materia febris, quæ intermitit, corrigatur & placide evacuetur, servando simul motuum criticorum rationem.

§. II.

inflam-
matio
guibus
discutie-
enda. Ad primum obtainendum egregie proficiunt pulvres diaphoretici, leniter nitroſi, parca, sed crebriori-

manu dati. Formula esse poterit hæc: Recipe cerussæ, antimonii, matris perlarum, lapidum cancerorum ana drachmam, solutionis oculorum cancri, nitri depurati ana drachmam semis. M.F. pulvis, de quo tribus quibusvis horis quindecim grana propinari possunt cum decocto ex radicis scorzonerae uncis duabus, rasura cornu cervi uncia, passularum minorum tantundem, radicis cicchorei uncia semis, in quatuor aquæ mensuris per horæ diuidiu coctis. Idem præstant mixturae resolventes & diaphoreticæ, ex aquis diapnoicis & analepticis, liliorum convallium, galegæ, card. ben. scorzonerae, ceralorum nigrorum, cum aceto destillato, lapidum cancerorum, antimonio diaphoretico, mixtura simplici & syrupo cardui benedicti, ternis singulis horis, ad unum vel alterum cochlear exhibitæ.

§. III.

His contemporantur etiam & diluuntur primæ regionis fordes intermittentem facientes, ad quas dein expurgandas omnium optima, soluta manna cum cremore tartari, nec non rhabarbari, cum passulis & salis polychresti portione. Quippe quæ sine sanguinis commotione, sine stimulo nervosarum partium, sine virium dejectione, intestinorum canalem evacuant, & ad mesenterii quoque infarctum expediendum multum conferunt. Conducunt tamen etiam pilulæ balsamicæ, ex amaris extractis, gummatibus resinosis balsamicis & aloe rite depurata, cum pulvere præcipitante nitroſo, moderate, sed frequentius usurpata. Si etiam subtiliores fordes per cutis poros aucta perspiratione evehendæ, essentia scordii, cum equali liquoris anodynæ mineralis parte, nupta, tutissima pariter & efficacissima.

Observationes & Cautelæ Clinicæ.

§. I.

Omnis medicatio ita instituenda,

Medica-
tio cauto-
institu-
enda.
ne

ne unquam motui critico salutari obfit, sed eundem potius deficientem juvet & excedentem moderetur.

§. II.

Purgantia propinare, tanto magis in principio, admodum perniciosum. Exagitatur enim inde materia nondum preparata, inflammatio augetur, & morbus ad funestum citum evagnum disponitur.

§. III.

Eiam salina detergiva, per se data, in hac febre locum non inveniunt, praesertim in majori dosi, excepto nostro antimoniano, cui recte multum detulit Baglivus, cum sale polychresto. Habent enim vim aperitivam, diureticam, leniterque laxantem, & commodissime ad grana ijs. in sufficiente quantitate decocti interdum dantur.

§. IV.

Alvus clysteri- bus pri- mun a- perienda. Si tamen febris hæc invadit alvo clausa, vel etiam sub ipsa hæc stringitur diutius, clystere tantum, ex paragoricis & emollientibus, seminibusque carminativis cum sapone Veneto, ducent: quo a copia excrementorum liberentur primæ viæ. Hoc enim si negligitur, per superiora natura viam affectat & vomitum movet, praesertim ubi bile acri biliosi in hepate ductus turgent.

§. V.

Declinatio- ne febre- ra ductui, quæ sèpe eandem alvi flu- laxanti- xu solvit, insistendum, & superius dicta laxantia & pilule balsamicæ commodissime usurpantur.

§. VI.

Emettes caute- danda. In emeticis propinandis maxime cautus sit Medicus, ne vomitum & singultum proritet, vel stomachum ad inflammationem disponat. Si vero materia per superioris exturbandas, ipsaque natura eo tendat, potus aquæ tepidæ cum sale, aut levissimo stimulo antimoniano, satisfacit.

§. VII.

Vomio fe- brationi re- relucito. Sanguinis missio non facile loeum habet in hac febre, nisi eminens ple-

thora, urgens æstus, in corpore agili adhuc & criticarum hemorrhagiarum suppressione affecto. Tum utique necessaria ad lethalem inflammationem intestinorum præcavendam. Sed in principio statim administranda, & quo citius subtrahitur sanguis, eo expeditius succedit sanatio.

§. VIII.

Vitanda calida & æstus. Vitanda deinde omnia calida, essentiæ alexipharmacæ & tintura bezardicæ, ipsum quoque regimen æstuosum & potus copiosus calidus. Æstus enim inde magis ascendit, criticus mineralis morbi per intestina effluxus turbatur, & vires inter largos sudores dissipantur.

§. IX.

Pulveres quoque adstringentes, nimum fixi, terrei, testacei omittantur his in febribus, nec non cortex chinæ. Observavit enim jam Baglivus præc. pag. 51. iisdem vel inflammations lethales, vel lentes & hecicas febres fuisse inductas.

§. X.

Torni- nibus & diar- rheas quemodo succurrendum linimentis spiritoſis roborantibus, abdomini illitis, & interius diaphoreticis tumultus componendus.

§. XI.

Potu- etum sub curatione commendatum que fieri nec non decoctum avenæ sit parandum: recipe avenæ mundæ lota libram, radicis cicchorei, farfaparillæ, scorzonerae ana unciam, florum paveris rhædos pugillos sex, nitri antimoniaci uncia semis, adde foliorum scabiosæ manipulum dimidium, nitri puri drachmas duas, coque in quinque mensuris aquæ communis ad consumptionem tertiaz partis, dulcificetur syrupo cardui benedicti, vel papaveris erratici, vel etiam acetosifatis citri.

§. XII.

§. XII.

Chamomile & millef. lium profunt. Admodum præterea proficuum hac in febre deprehendi decoctum florum chamomillæ & summitatum millef. lii, vel etiam confecta ex ipsis extra-cta. Spasmos enim, in primis hysteri-cos, sæpe complicatos tuto leniunt, simulque propter amaritatem, singu-larem tonicam antifebrilem possident virtutem.

§. XIII.

Recidi-va quo-modo ar-eenda. Quum vero vix ulla febris æque fa-cile redeat ac semitertiana, post eam in dieta & vita regimine cum cura vi-tanda utique omnia, quæ superius in caufarum procatacticarum numerū retulimus. Temperata tenenda om-nia, alvi beneficium clementioribus servandum, creditum proventus stomachicis præseindendus, & quod maximum, perspirationis successus omni modo custodiendus. Recidivæ enim, uti omnium febrium, sic etiam hemeritæ, longe deterioris, magis que refractariæ sunt indolis, ac pri-mus morbus.

§. XIV.

Sic enī in conti-nuis in-termit-tentibus. Hæc sunt generalia naturæ ductui & ratione innixa medendi præcepta, quibus observatis, curatio recte ador-nanda, & ex voto etiam perficienda. Individualem autem & specialissi-mam methodum, medici suggerat judicium, quo pro diversitate circum-stantiarum, ex morbi historia agno-scendarum, ordinem, dosin, tem-pus & usum remediorum, perite dis-ponat ac dirigat. Quumque eadem omnino sint, quæ in medicatione in-termittentium continuarum, quoti-dianæ, tertianæ & quartanæ, præci-pi solent ac possunt, eadem in his etiam tenenda serio inculco, & de iis peculiarem tractationem instituere supervacaneum duco.

Enarrationes morborum.

OBSERVATIO I.

Semiterti-a curata. Virgo nobilis viginti annorum, te-

nerior, vita sedentaria & deliciis in-victu impensis addicta, acetaria, fructus horæos, dulcia & lacticinia crebrius assumens, autumno incipien-te, quum jam per aliquot hebdoma-des albo laborasset fluore, corpusque motu exæstuatum frigidiori nocturno aeri exposuissest, primum experta est languorem universi corporis, dor-si & capitis dolorem. Mane post, successit horror cum anxietate ma-gna, nausea, vomendique & des-di-dendi stimulo, quem exceptit æstus, pulsu celeri, exiguo, & cuti arida stip-patus. Mitescebat tamen cute demum madescente, sed vesperi ite-rum, post levem frigoris sensum, ingravescebat. Die post meliuscule habebat, & urina secedebat cruda, tenuis, febriculam autem nihilo se-cius adesse, calor, quem persentie-bat, internus & os siccum aridum prodebat. Post meridiem etiam in-crebescet febris & altero die mane cum horrore novus accedebat insul-tus, eodem modo, ut primus, ince-dens atque decurrentis. Alternatim hæc ad diem usque septimum perfi-itebant, quo in abdomine orie-bantur murmura, inflatio ventris & hypochondriorum tensio, & seque-bantur plus quam decem dejectiones mucide & morsicantes. Fluebat sic alvus ultra decimum quartum diem, ægra, in primis noctu, mirum lan-guebat, exteriora magis frigebant & algabant, interiora vero calebant, accedebatque tussis ægram violenter exercens, cum somni & appetitus defectu. Medicus, quod a principio fecerat, insistebat absorbentium, re-frigerantium nitrosorum usu per-pe-tuo; nolebant autem pathemata ce-dere, sed potius cum ventriculi infla-tione cardialgica augebantur. Postu-lato igitur meo consilio, dedi mixtu-ram hanc diaphoreticam: recipe aquæ illiorum convallium, scorzonera, ce-raforum nigrorum ana unciam unam semis, theriacalis cum vino unciam, lapidum cancerorum, antimonii dia-pho-

phoretici , diacordii Fracastorii ana drachmam semis , mixturae simplicis guttas 30. syrapi cardui benedicti, quantum satis . M. Qua bishorio quovis ad tria cochlearia data , dejectiones pauciores factæ , & cutis calido madore perfusa . Infusum etiam theiforme ex veronica , scabiosa , floribus chamoillæ vulgaris & semine anisi potum , & loco ordinarii potus , decoctum cornu cervi & hordei citratum . Cum quo subinde assumptus pulvis , ex solo antimonio diaphoretico & lapidibus cancrorum , addita solutione oculorum cancri & pauxillo nitri . His intra binas hebdomades symptomata , tussis , alvi crebrior dejectio , virium labes , assidua vigilia & internus æstu , sublata . Quum vero metus esset febris lenta , ob gliscentem diutius internum calorem , præserim post pastum , ad præscindendam hanc datæ pilulae nostræ balsamicæ , cum pulvere salino aperiente & elixirium nostrum stomachale , felici pariter cum successu .

Epierisis .

Febris hæc exacte servavit semiterianæ typum , & septimo etiam die salutarem habuit excretionem per alvum . Interim tamen semper etiam in hac febre ratio habenda cuticularis excretionis . Perperam igitur a primo medico crebriori refrigerantium & nitrosum perspiratio fuit impedita , motusque humorum ad intestina conversus , ex quo omnia pathemata . Mixtura autem leniter sudorifera ad superficiem corporis succos egit , hinc que egregie profecit .

OBSERVATIO II.

*Semiter-
tiana cū
purpura
Janata.* Generosa foemina quadragenaria , tenera , mobilis valde atque sensibilis , purpura præterea autumno ab aliquot annis obnoxia , post corporis refrigerationem & animi commotionem , superiori anno , vesperi horripilatione , capitis & dorsi dolore corripiebatur , succedente æstu sedecim fere hora-

rum . Vix inde septem aut octo elapsæ erant horæ , quum gravis impetraret horror cum præcordiorum anxietate , vomendi conatu & virium prostratione , qui paroxysmus cum subsequente æstu ad viginti fere horas producebatur . Superato hoc , melius quidem habebat , dormiebat etiam , sed exactis vix sex horis , denuo extreborum eveniebat refrigeratio , cu anxiø æstu magna debilitate , vehementia tamen symptomatum non tam gravi , nec vomendi conatu . Vocabar in consilium , semitertianam agnoscetam , sed ob notam mihi ægræ dispositionem purpuræ , hanc simul subesse statim conjiciebam , in primis quum insignis præsto esset pectoris angustia & oppressio . Injectus igitur primo clyster , & post hunc ad expellendam purpuræ materiam , hanc ante paroxysmum & remittente eo , ad aliquot cochlearia porrexí mixtram : recipe aquæ cardui benedicti , galegæ , scorzonerae , florum sambuci ana uncias duas , aceti destillati unciam , lapidum cancrorum , antimonii diaphoretici ana scrupulos duos , cinnabaris scrupulum unum , spiritus nitri dulcis , mixturae simplicis ana guttas 30. syrapi cardui benedicti drachmas duas . M. Hinc quidem symptomatum atrocia mitigata , febris tamen pristinam adhuc , & vesperi , & alterno die , terribat incursionem , & accedebat præterea abdominis dolor cum alvi adstringente summaque anxietate . Indicio hoc mihi fuit viscidas & biliosas multas fordes primis hospitari in viis , eoque inductus , iuashi , ut remittente paroxysmo , decem ex pilulis nostris balsamicis , cum dosi pulveris absorbentis nitrosi sumeret , & præterea elixirio nostro viscerali in decocto pro potu crebrius uteretur . Sequuta inde placida alvi solutio , & continuatis iisdem remedii per aliquot dies , fecit id siimæ secesserunt feces pariterque copiosæ . Hoc facto , mixtura superius dicta iterum usurpata , nec non pulvres bezoardi-

ci, cum pauxillo pulveris corticis chacarillæ. Sic demum molestus in universo corpore obortus pruritus, purpura effloruit, urina sedimentum posuit, ac intra tredecim dies febris discessit, & postea vires etiam recuperatae.

Epicrisis.

In omnibus fere morbis epidemicis complicata subesse solet ejusmodi materia exanthematica, qua ad habitum corporis, sub macularum, vel aliarum efflorescentiarum forma propulsa, febris, quæ præsto est, insigniter mitigatur; non fallaci testimonio, eandem ante ab acri subtili humore ortam fuisse. In hac vero historia commemorabile, quod materia scorbutica salino-acris in corpore delitescens, non statim a mixtura sudorisera ad cutis extrema fuerit expulsa, sed tum demum, quum natura arte adjuta a sordium sarcina primam liberasset regionem.

OBSERVATIO III.

*Semiter-tiana dysente-rica fu-
sosia.* Quum anno 1727. autumno initiantे, circumiret dysenteria, concessit in villam suam vir quinquagenarius, robustus, plethoricus, cibis duris ac saltis cum vini potu assuetus. Eo delatus, plurimos ex villicis maligno hoc fluxu decumbere percepit. Hinc terrore perculsus est haud levi. Bene tamen pransit & bibit, in horto etiam post prandium deambulavit, leviter tantum vestitus, licet aer regnaret frigidusculus. Vespere horrere coepit ac frigere, torminibusque ventris affligi cum æstu, qui per totam fere noctem persistit. Mane post misit, qui medicum vocarent, interea vero novum expertus est frigoris accessum, cum nausea, anxietate & ventris tensione, subsequente calore. Medicus epidemicam luem subesse ratus, ad præscindendum ipsius somitem, purgans dedit pharmacum. Quo vel quinquagesies dejicit cum acerbis terminibus æger, alvumque in latrina,

torrenti domum alluenti superstructa deponens, ad ventrem frigus incavatus admissit. Accensa hinc magis febris, alternis semper diebus gravior, alvus perpetuo fluxit cruenta, demum cadaverosi foetoris, somnus periit, æger de ardore interno conqueri, corpus jactare & delirare coepit, donec sexto morbi die convulsus periret.

Epicrisis.

Est hæc febris dysenterica inflammatoria, semitertiaæ typum habens, inducta a terrore, cruditatibus primarum viarum, refrigeratione & purgante, nec mirum, conspirantibus tam multis causis, brevi in funestum morbum fuisse adductum hominem sanum atque robustum. Heic vero quam maxime proficia fuisse sanguinis missio, quam in dysenterico morbo mirifice commendat Sydenhamus, Botallus, Amatus Lusitanus, cum aliis. Et hac sola, adjunctis medicamentis diaphoreticis, leniter nitrosis, inflammationem discuti, sphacelum arceri, & firmum alias virum servari potuisse, ego quidem arbitror.

OBSERVATIO IV.

Quadragenarius vir, tenerioris & *Semiter-
tiana in
terro di-
scussa.* constitutionis, multum delestatus dulcibus, & in prandio, loco vini, subinde sumens aquam sic dictam vitæ, jamque ante annum ictericus, incidit autumno in semiternam cum magna debilitate, occipitis dolore, siti, calore, ciborum nausea & crebrioribus ventris tormentibus. Septimo die solvebatur alvus & per aliquot dies largiter fluebat, febrisque mitescerat. Nihilominus medicus ad sistendum fluxum exhibebat pulverem, cum terra catechu, quo constituit. Sed factus æger ictericus, flavescente per totum corpus colore diffuso alvus obstipata, excrementa alba, urina nigra & oleaginosa. Interim sub icteritia hac priora symptomata cessarunt omnia: rediitque appetitus cum vitiis. Icterus etiam discussus pul-

pulvere rhabarbari cum speciebus dia-cureum & liquore aperitivo, ex sa-le tartari, terra foliata tartari & ar-canico duplicato, composito. Sicque æger penitus convaluit.

Epierisis.

Orta procul dubio hæc febris a copiosis sordibus biliosis stagnantibus, & postea ad intestina delatis, quarum affluxu cum pulvere adstringente ad interiora represso, icteritia supervenit. Adstruitur hinc veritas effati Hippocratis & Celsi: icteritiam febri succedentem, eam sæpe tollere.

C A P U T VI.

De Febre Catarrbali Benigna.

Theses Pathologicæ.

§. I.

Febris catarrhalis quid sit?

EX febribus lymphaticis & serosis est excutienda nunc catarrhalis, in qua motu solidorum & fluidorum adacto, serum, ob perspirationem interceptam, superfluum & impurum, per glandulosa, faucium præsertim, narium & bronchiorum organa, critice quasi & salutariter ejicitur.

§. II.

Ejas his fortia.

Incipit hæc, vesperi ut plurimum, cum cutis inhorescentia, extremorum, in primis pedum & plantarum refrigeratione, alvi siccitate, stimulo ad mejendum, sed parco mictu, capitis debilitate, languore universi corporis & appetitu adacto, quasi spurio, nec non siti, diffici deglutitione, stimulo in larynge, narium & faucium calore, sequitur sternutatio, pectoris gravitas, & calor circa noctem cum pulsu celeri auctiori, tussis violenta, cum coryza, ardore faucium, somno inquieto, mane sudor, gravitas & torpor totius corporis appetitusque prostratio.

§. III.

Immediata horum pathematum causa est serum, seu lympha, acris

Causa imme-diata & fides.

Tom. IV.

caustica, in tunicis glandulosis substi-tens, easdemque inflammans, cum dolore, tumore & rubore. Contingit hoc in tota narium, palati & faucium regione, tota etiam arteria aspera, cum ramis bronchialibus, qui immo ipso œsophago, ventriculo & intestinis. Has enim simul affectas esse par-tes, raucedo, tussis, screatus mate-riæ viscidae, sternutatio, pectoris gra-vedo, item nausea, quandoque in vo-mitum erumpens, ardor in præcor-diis, tortura ventris, & subsequens salutaris alvi fluxus, testantur.

§. IV.

Hanc autem seri subsistentiam in-fre-quens
cur vere
G ausu-
mne?

ducit potissimum interceptus perspira-tionis successus. Hinc enim est, quod vere & autumno, æquinoctii tempo-re, frequentissimus hujus febris incur-sus. Tum quippe maxima tempesta-tum vicissitudo, ex calido in frigidum, sicco in humidum & vice versa, tam varie corporis corticē afficit, ut suc-cendens ibi evacuatio graviter turbetur.

§. V.

Eandem ob causam catarri frequē-tissime accidunt iis, qui subito aerem mutant, ex calido loco in frigidum, velex frigido in humidum concedunt; qui corpus autumnali, vel nocturno frigido humido aeri incautus commit-tunt: qui vestitum hybernū vere ci-to nimis deponunt, vel autumno se-rius resumunt; qui etiam equinoctio posse vene sectionis.

sanguinis missionem passi, vel alias criticam largam hemorrhagiam ex-perti improvide in aereum liberum frigidiusculum se conferunt.

§. VI.

Neque alia subest ratio, quod cor-phlegma-pora spongiosa, laxa, phlegmatica & tics & sanguinea, infantes, pueri ac feminæ, in semper ratiibus.

longe frequentius febri catarrhali pa-teant, quam adulti, viri, strictioris magisque biliosæ constitutionis; quod etiam magis eadem afficiantur, qui vigiliis indulgent, crapulam sectan-tur, vinoque aut vini spiritu corpus exæfluantes, humidiori & frigidiori aeri postea illud exponunt.

E §. VII.

*Post re-
pulsas in-
cure ef-
floresci-
tias.*

§. VII.
In iis quoque, qui post crustam la-
cteam & tineam capitis, nec non sca-
biem præpostere siccata m, post incu-
riosius, aut mala medicione exce-
ptam coryzam & tussim, febrem in-
currunt catarrhalem; nulla utique
alia potest suggericausa, quam repul-
sum ex ambitu corporis ad interiora
serum acre & rodens, inflammationi
inducendæ aptum.

Ex acris

*vicio epi-
decima.*
Non tamen dubitandum, quin qua-
doque in aere hospitetur subtilis cau-
stica ejusmodi materia, quæ inspira-
tione hausta, locis, que pertransit, glan-
dulosis se se insinuat, eademque do-
lore, tumore & rubore afficit, & fe-
brem accedit catarrhalem. Promta
certè ejusmodi acris materia genesis
vere ineunte, quo liquefcente nive &
regelata glacie, solum aqua inundatur
effœta, quæ passim stagnans & putre-
scens, noxia in aerem mittit effluvia
multa. Quo etiam fit, ut febres hæ-
tum ut plurimum sint epidemicæ, &
plures uno tempore invadant.

§. IX.

*Quando-
que con-
tagiofa.*
Quod autem catarrhi & catarrhales
febres contagiosæ etiam sint & alios
propinquos atque dispositos contagio
inficiant, eam utique fit ob causam,
quod lymphæ potissimum vitio deben-
tur, eodem modo ac notum est, om-
nes qui contagio propagantur morbi,
lymphæ corruptionem, vappescenti-
tiani, vel putredinem, habere cau-
sam.

*Differ-
entia
quotidie
acceden-
tibus a-
litis.*

§. X.
Sic incedit & generatur catarrhalis
febris benigna, & hæc qui novit,
ex facili eandem distinguere poterit
ab aliis quotidie accendentibus febrium
paroxysmis, lenta, heclica, quoti-
diana, tertiana duplice & quartana
triplici.

*A vene-
reis &
scorbuti-
ois fau-
cium af-
flictibus.*

§. XI.

Facili etiam negotio discriminem per-
spicit inter illas glandulosarum in-
faucibus & naribus tunicarum affectio-
nes, quæ ex lue venerea & scorbuto,

& quæ ex catarrho eveniunt. In illis
enim sola erosio & ulceratio, a mate-
ria caustica lymphatico-serosa, sine
febre; in hac vero, præter arrosio-
nem, inflammatori quid subest, ex
subtiliori sanguinis parte stans conci-
piente, cum febre.

§. XII.

Obvia quoque erit differentia, in *Arbeto-
matismo.*
ter catarrhalem, & eam febrem, quæ
rheumatismo accedit. Quum in illa
tunice glandulose interne afficiantur,
& excretio subsequatur; in hac autem
externæ musculorum tunicae patian-
tur, & morbus evacuatione critica non
solvatur.

§. XIII.

*Acata-
rhali
maligna.*
Paullo difficultius autem benigna di-
scernitur a maligna, in primis ab ini-
tio, ob plurima, quæ ambæ commu-
nia habent symptomata. In eo tamen
differentia, quod hæc, secus ac illa,
ingentem & subitam inferat virium
prostrationem, cum vigilia perpetua,
quam mentis turbatio lequitur, quod
contagiosa magis sit, & plerumque et-
iam petechias & maculas habeat jun-
etas, uti pluribus infra dicetur.

§. XIV.

*Longior
& gra-
vior in
scorbu-
ticis.*
Ceterum, quo major sanguinis &
seri impuri copia, eo graviora adsunt
pathemata, eoque diutius trahitur
morbus, uti potissimum obvium est
in scorbuticis, nec non ubi purpura
materia intus delitescit.

§. XV.

*In hypo-
chondriacis.*
In hypochondriacis, præter diutur-
nitatem, ob labefactatum ventriculi
& intestinorum tonum & proclivita-
tem ad spasticas stricturas & flatulen-
tias, gravia varia jungi solent pathemata,
anxietates præcordiorum in-
primis, spirandi angustia & inquietu-
do, cum inflativo & pressorio in hy-
pogastrio dolore.

§. XVI.

*In ple-
ranter vivunt, vina non adeo bona
& horicis
notæ largius potant, & acidis salmis ci-
bis delectantur, majorem circa vespe-
ram experiuntur ardorem & tussim
intempe-
rantibus.*
Qui sanguine abundant, intempe-
ranter vivunt, vina non adeo bona
& horicis
notæ largius potant, & acidis salmis ci-
bis delectantur, majorem circa vespe-
ram experiuntur ardorem & tussim
intempe-
rantibus.

sicciam ferinam, cum somno inquieto.

§. XVII.

Nec non in mensuram super pressione laborantibus.
Neque minus feminæ, quæ terrore, vel alia ex causa mensium suppressione laborant, magnas in hac febre experientur præcordiorum anxieties, intercurrentibus lypothymis, universi corporis notabilem debilitatem, & alternantem frigoris & caloris in cute sensum, quæ noctu potissimum ingravescunt.

§. XVIII.

Per se periculi expers. Per se tamen hæc febris benigna omnino est, & omni periculo, si dextre in medicatione excipitur, vacat, & intra septem, aut quatuordecim dies, ut plurimum discedit, omni laetitudine sublata. Quin aliae etiam capitis passiones, cephalalgia inprimis & hemicrania, succedente catarro & naribus bene fluentibus, optime solvuntur.

§. XIX.

Excreti- nibus solvitur. Solvitur sape in principio statim aucta perspiratione per sudorem. In aliis post aliquot demum dies, vel copioſe screatu materia viscida, vel liberali seri mucosi & naribus stillicidio. In quibusdam etiam per crebras alvi dejectiones, & in nonnullis, quando urina tenuis antea & parca, larga nunc manat & pondere gravis, ut minimum duplo majorem materiam solidam quantitatem contineat, ac in naturali statu.

Præservatio & Curatio.

§. I.

Prefervatio qui modo inßitu- da. Quod igitur ad arcendum catarrorum insultum attinet, vitanda inculco omnia, quibus induci eosdem supra dixi, & suadeo, ut vere & autumno, tempestive sanguis mitratur, modicus cibus sumatur, perspiratio custodiatur, & corpus subinde motu exerceatur. In iis autem, qui laxioris humidioris naturæ ac ætate juvenes sunt, & ob id, notante jam Hippocrate Sect. VI. aph. 2. frequenter exercentur catarrhalibus deflu-

xionibus & rheumaticis affectibus, ego multoties cum fructus usus sum hoc methodo, qua præcepi, ut per quadraginta dies decoctum ex radice chinæ, sarsaparillæ, cortice ligni cassafras, cum passulis & paucō cinnomo- mo, biberent, ac interea ex cibis nihil sumerent præter carnem assaram, cum amygdalis testis & pane bis coqto, simul etiam aliquoties ad alvum subducendam uterentur prisana manata, demum finita hac cura, elixit stomachale, ad XXX. guttas, cum aqua & vino, quotidie ante prandium usurparent.

§. II.

Medicatio dein catarrhalium febrium, triplicem hunc sibi præfixum habet scopum: I. ut acrimonia illa salina acris lymphæ obtundatur ac temperetur; II. ut perspiratio turbata, quæ primaria congestionis serosæ ad interiora caufa, promoveatur ac in ordinem iterum redigatur; III. ut in fine excretio muci viscidii crassi promoveatur, ejusdemque ulterior generatio impediatur.

§. III.

A credinem contemporant, præter pulveres sic dictos bezoardicos absorbentes, humectantia omnia & oleofa, instar omnium oleum amygdalorum dulcium, dein sperma ceti, butyrum rubrum, lac, tremor lactis, emulsiones ex amygdalis, vel pineis, cum semine papaveris albi, decoctum avenaceum, raparum, hordei, jusculta caponum, gallinarum, cum vitello ovi. Ex dulcibus liquiritia, ejus infusum, essentia & succus Hispanicus, fucus quoque & passulæ. Si subtilis nimis & rodens est acrimonia, leniora anodyna locum habent, inter quæ aliis palmam præripiunt papaveracea, crocus, item pilulae *Wildegansii*, dia-codium *Montani*, pilulae de ityrace, quarum compositio & usus antiquissimus pariter ac probatus est, uti patet ex *Tralliani lib. V. pag. 247.*

Indica- tiones curato- riae.

Acrimo- niae quo- modo se- peranda-

§. IV.

Ad excretiones, præservit omnium

Perspira- ratio qui- bus pro- moeda-

saloberrimam cuticularem, faciunt infusa calida theiformia, ex herba veronicæ, hyssopi, radice liquiritiæ, floribus sambuci, papa veris rhœados & semine foeniculi. Proficui etiam sunt pulveres diaphoretici fixiores, in primis cum aquis diaepnoicis & antipasmodicis sumti. Nihil quoque ad purgationem seri per cuticulam utilius ipsa exercitatione & motione corporis, quæ ab Hippocrate lib. de in somn. §. 4. item de victu acut. §. 67. mirifice ad sudorem eliciendum, mane post frictionem, commendatur.

§. V.

Mucus quibus educendus, fauibus.
Educendæ demum, quæ restitat materiæ lentæ, ex faucium glanduloso peristromate, serviant pectoralia, fucus & passulæ, cum spiritu vini accense, & in syrupo quasi redactæ, balsamum pectorale *Meibomii*, item elixir pectorale, ex gummi ammoniaco, myrra, radice liquiritiæ, enula, croco, benzoe & oleo anisi, cuius resolvens virtus addita tinctura tartari, vel spiritu salis ammoniaci vinolo, adhuc potest intendi. Ad fundendam autem stagnantem in narium cavitibus pituitam, nihil præstantius sale volatili salis ammoniaci sicco, cum aliquot guttulis olei majoranæ puri, non foetidi, nec adulterati, essentificato, crebrius naribus admoto.

§. VI.

Methodus uterius.
De applicatione horum remediiorum id in genere tenendum: quod matutino tempore expedit perspirationem promovere potu infusorum ex herbis calidorum, nec non jusculturum & usu pulverum temperantium bezoardicorum; circa noctem vero anodyna & demulcentia dare. Specialis autem medendi methodus, partim in symptomatum mitigatione, partim etiam in oblatione medicamentorum, ratione doseos & ordinis, consistit, & ad individualem corporum dispositiōnem est accomodanda, de qua potiora in subjungendis nunc monitis practicis trademus.

Cautela & Observationes Clinice.

§. I.

Sicuti omnis febrilis æstus, ita etiam *catarrhalis*, lenissime & placide tractandus est, æger quoque in moderato calore lecti & hypocausti semper servandus. Exulent igitur omnia commoventia calidiora & validiora, una cum regimine æstuolo, eo quod materialiæ acrem magis exagitant, calorem adaugent, & æstuosam partibus diathermia conciliant. Vitentur vero vicissim omnia refrigerantia, acida & quæcunque perspirationem turbant. Opiata etiam & theriacalia caute in usum vocentur, tanto magis si caput debile & grave, si ætas senilis & alvus adstricta.

§. II.

Cibus & cibis.
Cibus sit paucus, potus tepidus & potus *fur* salubris, optimus decoctum hordei *cigrum*, excorticati cum rasura cornu cervi, passulæ & radice liquiritiæ, item decoctum avenaceum. Vinum autem, nec non vini spiritus, propter acidum stimulans & spiritum, qui calorem accedit, nullius in hac febre utilitatis. In declinatione tamen morbi, si excretiones jam adsunt, vinum bonæ notæ conduxisse, paulo largius etiam sumtum, observatum est, eo quod circulum sanguinis promovet & æqualem servat perspirationem.

§. III.

Nitrum quando proficit.
Si æstus est impensior, uti in plethoricas atque cholericis, fervor etiam internarum partium percipitur, nitri aliquot grana pulveribus bezoardicis cum fructu admiscentur & emulsiones liberalius usurpantur.

§. IV.

Atvas quibus ducenda sub ferbre.
Quando alvus dura nimis & stricta, sub morbo, præter juseula avenacea, mannata, prunata & passulata, nihil convenientius clystere emolliente. Egregium tamen quoque usum præstant pilulæ aloephanginæ, vel Becherianæ, ad X. vel XII. grana, cum

cum granis 4. pilularum de styrace, ante lecti introitum sumtæ, eo quod & alvum aperiunt, & violentam sicciam tussim moderantur.

§. V.

*Item de-
clinante
febre.* Si etiam declinante febre tussis humida nimis, copiosa & pertinax, ad humorem pituitosum derivandum & per alvum evacuandum, egregie proficit decoctum mannae largiori dosi, ad uncias duas vel tres, ex aqua veronicae. Tu n quoque prosunt pilulae balsamicæ Becheri, nec non Rifi, ex aloë, myrrha & crocco, æquali portione commixtis, paratæ.

§. VI.

In primito purgantia no- In principio vero febris catarrhalis alvum stimulantia non conferunt, præfertim paullo acriora, quia humores serosos acres ad intestina invitant, tormina & alvi fluxus, non sine periculo febris lentæ, concitant. Quin a mercurio dulci cum resina jalappa sic dato, in virgine plethorica inflammationem ventriculi inductam fuisse, novi.

§. VII.

*Tussis ferina qui-
ponenda bus com-
ponenda* Ubi tussis ferina & vehemens, comprehendenda est oleo amygdalarum dulcium recenti, cum syrupo capillari Monspeliensi commixto, item hoc electuario: Recipe olei amygdalarum dulcium drachmas tres, spermatis certi drachmam, sacchari candi albi, syrupi violarum ana unciam, croci scrupulum, olei anili, macis, ligni safraæ, ana guttas sex, M. De quo subinde aliquid deglutendum.

§. VIII.

*Quid a-
gendura in mensi-
bus sup-
pressis.* Quando in foeminiis mensium superflusione affectis superius dicta pattemata ingruunt, alvus congruis clysteribus ducenta, & diaphoretica propinanda, quæ sanguinis motum ad superficiem corporis urgent, tumque pulveribus bezoardicis cum fructu adjici potest, croci granum unum, vel aliquot grana florum sulphuris, abstinentum vero ab omnibus expectorantibus & dulcibus.

§. IX.

Quæ hypochondriacis accidentunt insolita ex ventriculi potissimum inflatione symptomata, clysteribus emollientibus & carminativis, nec non essentiis carminativis, cum pectoribus nuptis, quam optime discutuntur.

§. X.

Quando superata febre pulmonum laxitas restitat laxitas, ut justo largior fit pulmones screatus, pulveribus bezoardicis ad denda aliquot corticis chaccarillæ granæ, vel balsamum nostrum sic dictum vitæ, circa noctem ad aliquot guttas sumendum.

§. XI.

Sanguinis missio, debito tempore & regimine instituta, in plethorics quam optime frequentem catarrhorum insultum arcit. Sed præsente jam catarrhali febre, penitus ab ea abstinendum. Tum enim, experientia teste, diuturnitatem catarrhi adducit.

§. XII.

In tussi violenta & nimis diu durante, pectoralia dulcia, incrassantia, in nimia quantitate oblata, ad cachexiam, immo ad phthisicum affectum, disponunt, appetitum & digestionis vim infringendo, & pulmonum tonum valde labefactando.

§. XIII.

Quamvis juxta Hippocratem lib. 6. Recidiva epid. Sect. III. his, qui ex capite, gravidine & raucedine laborant, ubi febre correpti fuerint, minus recidivæ fiant, si videlicet morbus cum defluxione recte fuerit solutus; nihilominus tamen ne via sternatur ad aliud morbum, pariter ex Hippocratis l. c. consilio, suadeo, ut convalescentes vietus & ventriculi rationem habeant, & præterea ad perspirationem servandam, potum infusi theiformis mane adhuc aliquandiu continuent, uti pluribus supra in præservatoriis monitis dictum est.

*E N A R R A T I O N E S
M O R B O R U M .**O B S E R V A T I O I .*

*Febris
catarrbali
in hy-
pocho-
draco
pro-
ma-
ligna.
male ha-
bita.*

Vir macilentus, natura sensibilior, a multis annis hypochondriacis pathemibus obnoxius, præter consuetudinem in convivio stomachum non modo variis edulis, sed & liberali vieni potu onerarat. Aliquot horis post, noctu, sub aere vernali humido frigidusculo, iter fecit, ac domum reverfus, correptus est horrore, languore totius corporis, magnaue capitatis gravitate. Sequuta ingens præcordiorum anxietas, tussis molesta & præternaturalis æstus, cum alvo tensa & adstricta. Suas uxoribz bibt decoctum Succoladæ, quod exceptit intensior anxietas, inquietudo, suffocatoria quasi spirandi angustia, nec non inflatus dolor lateris dextri in regione hypogastræ. Vocatus hinc medicus, qui febrem non modo malignam, sed & peripneumoniaci quid subesse judicavit, & tineturam bezoardicam cum spiritu cornu cervi, nec non mixtriam ex aqua cardui benedicti, dia-scordio Fracastorii, lapidibus cancriorum, antimonio diaphoretico & syrupo papaveris rhœados, exhibuit. Sed frustra & perperam: quanto enim die, quum ob alvum nimis strictam, clyster injiceretur, evanuerunt, quæ metum gravis morbi incusserant, symptoma omnia, & tussis tantum, gravatus capitatis dolor, raucedo & æstus vesperi increbescens, remanserunt. Ab alio igitur medico commendatum infusum ex veronica, liquiritia & fœniculo, circa noctem dosis pūlveris bezoardici cum grano uno extracti croci & papaveris rhœados, alterno die vesperi dosis pilularum nostrarum pectoralium, interdum aliquot grana nitri & succini cum emulsione, & ad expectorationem electuarium ex oleo amygdalarum, spermate ceti, croco & oleo anisi. His procuratus creatus

& lenis sudor, & reliqua adhuc symptomata fere omnia discesserunt. Ventriculus autem mansit imbecillis, & cibo sumto, gravativum & pressorium fecit dolorem. Tussis etiam noctu fuit acris cum materiæ copiose ejectione, quæ interdum etiam vomitum proritavit. Sed quum corpus equitatione exercebat æger, pilulis nostris balsamicis & inter cibos sale volatili oleoso uteretur, & loco tenuis acescens cerevisiæ, biberet saturatiorem & amaricantem, successivæ pristinæ valetudini ex toto fuit redditus.

Epicrisis.

Fuit hæc febris nonnisi catarrhalis benigna, tum etiam popularis. Sed quia incidebat in hypochondriacum corpus, comparuere insolita patemata. Stomachus etiam cruditatibus jam plenus non potuit non ægre ferre decoctum succoladæ in corpus sumptum, quo tunica villosa & osculis ductuum in ipsa obstructis, inflatio inducta, cui angustia spirandi, præcordiorum anxietas, dolor sinistri latenter tensivus & inquietudo tribuenda. Medicus autem male consuluit famæ, quod præceps nimis in judicando fuit, & hæc sibi imponere passus est. Et quod demum diutius hæc febris persistit, id utique omnibus evenire solet hypochondriacis, in quibus ventriculi robori imminuto convenientibus succurrendum est præterea præsidii.

O B S E R V A T I O II .

Quum anno 1709. post acerrimum *Febris
catarr-
bales e-
pidemi-
cae.* hyemale diuturnum frigus, Martio mense leniori ex austro spirante vento, nives & gelu solverentur, Aprili & Majo initiante, Berolini, quo tum degebam, & alibi, quam plurimos corripiebat febris cum horripilatione & æstu, summo languore, tussi ferina, nonnullis quasi suffocatoria, ingenti siti & ciborum nausea. Circa noctem invalescebant hæc omnia, & somnus inde mirum turbabatur: in quibus

dam

dam extrema mox calebant, mox horrebant. Quidam diu decumbebant, praesertim ii, ubi ob præviam humorum diathesin, purpuræ scorbuticæ materia intus delitescebat, quæ etiam per vices crebrius maculis rubris & asperis in extrema cute comparebat, ex levi vero causa iterum evanesceret. In nonnullis quarto statim die exanthema rubra morsicantia, urentia, cum magno pruritu, quasi ab urticis inducta, quæ dicunt *die Nefellsucht*, erumpabant & tussis æque ac caloris mitigationem inferebant. Alii, præsertim foemine phlegmaticæ sanguineæ provectionis ætatis, exquisitos simul rheumaticos dolores patiebantur. Qui vix convalescentes, in publicum prodibant cito nimis, incurribant ingenitem capitis torporem, gravatuum dolorem, vertiginem, gravedinem, *den Stok schnupfen*, languorem corporis cum spirandi angustia & difficulti negotio iterum ad sanitatem redibant. Ubi etiam vetus jam erat in pulmonibus vitium ex hereditate, febre hac discidente, tussis purulenta cum sanguine succedebat, sæpe vera phthisis. Qui porro ab imperitis chirurgis & pharmacopœis purgantes accipiebant pilulas, doloribus acerbis ventris affligebantur, mirumque debilitabantur, animi defectiones patiebantur cum frigido extremorum sudore, & gravius, & longius, decumbentes. Qui vero & proba victus & regiminis ratione, & dextra medicatione morbo occurabant, ac pulveribus inprimis bezoardicis sedulo urebantur, cum uno, vel dimidio grano extracti croci, brevi convalescebant iterum.

Epicrisis.

Epidemicæ haud raro sunt catarrhalis febres, tum maxime, quando ex tempestatum constitutione insolita ejusdemque subita viciſſitudine, ob mutationem venorum, inprimis quando rigidum boream mox lenior excipit aura zephyri, subnascuntur. Pejoris etiam tum sunt indolis, & ægrius persanantur, qui dyſcrasia san-

guinis & humorum, ab aeris intemperie introducta, foventur. Valde dissimilia quoque, pro dispositione habitus corporis, viscerum, ætatis, temperamentorum, nec non victus ratione, inferunt symptomata, magis, vel minus benigna. In curatione autem omnia, quæ criticum naturæ motum, seri superflui per glandulosa emunctoria excretioni dicatum, turbant, morbum graviter exasperant & sanationem impediunt, uti potissimum faciunt purgantia cum corporis refrigeratione. Contra ea optimum utique consilium, corpus in perpetua perspiratione servare, & usurpare ea, quæ acredinem mulcent, leniunt, atque contemperant, ex medicamentis æque ac alimentis, & quod maximum est, ab omni cerevisia & vino abstinerre & decoctum temperans bibere, si ne quo refractarii catarrhi difficuler, vel plane non, cedunt.

OBSERVATIO III.

Macilentus, nervosus & animo mobilis vir, quadraginta annos habens, Frequens
cata-
rhorum
incurfus.
subla-
sus. quum Baccho & Veneri strenue subinde litaret, lauto vivendi genere uteatur, nec unquam tamen sanguinis missione admitteret, a longo jam tempore, vere & autumno, crebrius affligebatur catarrhalibus defluxionibus, quæ cum horrore, æstu, extremorum frigore, capitis dorsisque dolore, lassitudine totius corporis & inquietudine ipsum invadabant, & accidentibus artuum, coxendicis & nuchæ doloribus, sæpius per aliquot hebdomades detinebant. A me igitur salubre consilium ad arcendum tam frequentem catarrhorum incursum rogans, obtinuit hoc: ut I. aliquot ante æquinoctium hebdomadibus, venæ sectionem cum debito regimine institueret; II. ut bis anno lac cum minerali leniori aqua, Selterana in primis, ad mensem potaret, loco cerevisiæ biberet pisanam, III. ut bis hebdomadæ, pulverem bezoardi-

cum absorbentem, paullo ante quam cubitum iret, assumeret, & mane post in lecto infusum veronicae, cum liquiditia & semine foeniculi, sorbillaret, lenem postea exspectando sudorem. Quæ omnia, quum per aliquot annos fecisset, liber fere degit a molestis catarrhosis defluxionibus, & animadvertisit, eosdem illico infestasse, simul ac sanguinis missionem tempestivam neglexisset.

Epicrisis.

Per immoderatum vini ac veneris usum, adeo utique infirmantur corpora, ut postea levi ex causa ægrotent, & potissimum incidente subita æcli mutatione, vere & autumno admodum solenni, catarrhos, gravidinem, coryzam & tussim incurvant, cum febricula. Idem quoque macilensis & plethoricis, post corporis refrigerationem contingere, docet experientia. Venæ sectio autem omnium optime ab his molestiis defendit; si enim sanguine nimis plena sunt vasa, ob difficultem circuitum, non rite depuratur. Hinc serum fit & copiosum, & impurum. Et impedita postea per cutis poros difflatione, ad interiora, maximeque glandulosa loca, falsus agitur humor, catarrhum cum febricula ferola faciens. Ego certe multiplici confirmatum habeo experientia, catarrhis crebrius obnoxios, ab eorum insultu matura sanguinis missione fuisse liberatos. Observavi quoque eos, qui venæ sectionem, certo tempore suetam, intermisserunt, affectos fuisse catarrhalis febre.

OBSERVATIO IV.

Catarrhalis febris cum colica V. s. sananda. Dux quidam militaris quinquagenario major, sanguine & succis plecotica V. nus, ex Italia ad nostras oras accessus. fana- dens, ob insignem aeris, vicitus & vinorum mutationem, frequentissime affectus fuit acerbis colicis in abdomine doloribus. Bibit hinc, meo ex consilio, præmissa venæ sectione & purgatione alvi per infusum manna-

tum, aquam Sed licensem, per aliquot hebdomades, quo factum, ut per totum autumnum ac hyemem liber a tormentis ageret. Iterandam igitur hanc curam, medio vere, suasi. Sed antequam id ficeret, vino se largius implevit, & corpus deambulatione per aliquot horas sub frigido cœlo admodum frigescit. Inde incidit in febrem, cum coryza, capitis dolore, horrore extremonrum, præcordiorum anxietate, æstu, inquietudine, tussi valida, & febre fere continua. Post tres tamen dies remisit febris impetus, sed horror cum subfidente æstu versus noctem accessit adhuc, & quod commemorabile, declinante semper paroxysmo, venter flatibus distendebatur & cruciatus in ipso facti, calore vero oboriente mitigati. Interdum etiam in paroxysmo deliravit paullū, & facies fuit rubicunda. Mane autem febris semper remisit. Consultus ego quarto morbi die, expensis curate cunctis, ex pulsu pleno ac magno judicavi, venam esse secundam. Factum id remittente paroxysmo in pede feliciter. Alvus dein aliquoties clystere carminativo & emolliente subducta, & postea curatio, pulveribus diaphoreticis, temperantibus, leniter nitrosis, cum emulsione ex decocto cornu cervi, amygdalis & semine papaveris albi, sub moderate calido regimine, intra tres hebdomades ex voto confecta, alvo tamen interea bis decocto mannat soluta.

Epicrisis.

Venæ sectio in catarrhosis affectibus non quidem directe indicatur; interim tamen, si corpus est plethoricum, si sanguis a calidis & præsertim immoderatori vini usu incaluit, & febris catarrhalis subito invadens continua videtur, non nocet, sed prodest, elapsis etiam jam aliquot diebus. Deinde in casu commemorabile, quod abdominis dolores, jam per annum silentes, accedente hac febre, fuerint resuscitati, & quidem tempore remissionis, discussi vero per febris

calorem. Quod quidem nullam aliam ob causam factum fuisse arbitror, quam quod falsus & acris humor ad intestina delatus eadem moleste affectit, sub æstu vero ad habitum corporis propulsus. Multoties quoque medocuit experientia, pathemata-hypo-chondriaca, colica & spasmodica, in iis, qui diu iisdem affecti, catarrhis, tussi, coryza & catarrhali febre fuisse revocata. Et hypochondriacos, eo tempore, quo alii catarrhis vere & autumno laborant, vehementes tum quasi paroxysmos mali sui periri.

OBSERVATIO V.

Febris
estarr-
balis
ex usu
auri
fulmi-
nantis
funesta.

Vererat, quum virgo nubilis, tenerior, sensibilis texture & spongiosi habitus, horripilatione, cum calore prænaturali, languore universi corporis, nec non præcordiorum anxietate corriperetur. Intumescebant circa tertium diem collи glandulæ, faucesque levi afficiebantur inflammatio-ne, aderat simul tussis cum graveidine & raucedine. Vocabatur medicus, qui auri fulminantis, minus puri, grana sex, cum dimidio scrupuli antimoniī diaphoretici propinabat. Sumto hoc pulvere, sevissima insequebantur pathemata, animi deliquium, summa anxietas & inquietudo, extre-morum refrigeratio & conatus ad vomendum. Opponebantur quidem bezoardica, & fixa, & volatilia, sed incassum. Sequebantur quatuor defec-tiones viridissimę, & vomitu ejusdem indolis materia rejiciebatur. Anxietates vero inde nihil minuebantur, sed persistebant perpetuae cum animi defectione, ardor etiam & constrictio-nis dolor in præcordiis fixus argebat & quovis assumto exacerbabatur, sudor succedebat frigidus, facies Hippocratica & septimo die mors ipsa.

Epicrisis.

Miranda sane, febris hujus minus periculosa primum visę, subita cat-

strope, demum funesta. Orta hinc ingens controversia: utrum per se fuerit maligna? an vero simplex catarrhalis uero pharmaci facta fuerit lethalis? Id minimum verum: medicamina metallica non bene præparata & corrosivo sale adhuc imbuta, quale est aurum fulminans non rite edulcoratum, veneni prorsus induere naturam, & funestum edere effectum in personis tenerioribus, & ubi jam ad lenem inflammationem, nervosę partes, e quibus etiam ventriculus, jam sunt dispositae. Aurum enim, ob gravitatem suam firmiter ventriculi tunicis inhærendo, eam, cui infidet, partem vehementer exstipulat, eandemque spastice constringit, haud secus ac ve-nena, quæ pariter stomacho spasmum inducunt, qui postea per nervorum genus diffunditur, totamque economi-am motuum pervertit. Id quod tanto magis sit in corpore exquisitus sentientie, ubi jam adest febris, quæ nihil nisi universalis fibrarum spastica est contractio. Dein id pariter certum: materiam causticam lymphaticam foris secerendam, forti ejusmodi stimulo retrahit ad ipsum ventriculum & solam ad inducendam ipsi inflammationem esse sufficientem. Nedicam, pri-mam corporis regionem succis corrosivis acidis biliosis fuisse oblessam, telle ipso colore eorum, que secesserunt. Hos autem solos corrosivitate sua propria, multo magis corrosivo adhuc pharmaco adjutos, inflammationem parere posse, nemo negabit. Cautissime igitur mercandum cum medicamentis quodammodo corrosivis ex mineralium familia, ubi stomachus ad instamma-tio nem dispositus, & saburra erodente acido-bilioforum humorum sciat. Tum enim medicamentum ab aliis si-ne damno sumitum, veneni naturam utique potest induere.

OBSERVATIO VII.

Literatus & vitę sedentarię addi-
ctus vir, quadragenarius circiter &

corpo habitior, a multis jam annis vere & autumno capit is defluxionibus, coryzae, gravedini, tussi cum incalcentia quadam febrili fuerat obnoxius. Is initiante Octobre, quin poma cydonia cocta crebro & largiter edisset, & alvum inde obtinuisse solito strictiorem, postea etiam per aliquot horas liberiori frigido aeri sese expusisset, sequenti mox die, circa vesperā, horripilatione, intercurrente astu corporipitur. Mane sensum tracteriorum admodum dolorificum percipit in humeris & nucha, necnon acutum in anteriori capit is parte, maxim eque fronte, dolorem, naribus quidem calentibus, sed aridis & siccis. Datis medicamentis diaphoreticis, leniter nitrosis, cinnabarinis, mitecebant symptomata pedetentim cum astu, dolor autem in fronte persistebat supra oculos omnemque fere adimebat somnum. Datum hinc consilium, ut cerebrius naribus admoveret sal volatile Anglicanum siccum, quod ex sale ammoniaco & sale tartari paratur, oleo cephalico, uti est lavendulae & majoranae puro, essentificatum, non omisis insulis theiformibus, ex herbis cephalicis & diaphoresin leniter moventibus. Inde mitiora facta tormenta, & praeter opinionem e naribus fluxit liquor flavesiens viscidus ad aliquot drachmas, idque aliquoties de die, quo facto, post biduum omnis evanuit dolor, & æger perfecte convaluit.

Epicrisis.

Heic origo catarrhalis rheumaticæ febris cum gravi capit is dolore deducenda ab alvo obstructa & perspiratio ne prohibita, in corpore, ubi caput debile & ad defluxiones catarrhales jam tum fuit proclive. Locus autem doloris in fronte supra oculos fuit in sinibus ossis frontis, qui intus tunica nervosa & pituitaria sunt vestiti. Huc si cum impetu ruit sanguis, a nimio ipsius affluxu & stagnatione oritur dolor, serumque acre transfudat, hocque efflu-

ente, dolor discedit. Ut adeo verum sit priscum Hippocratis effatum: sect. 6. aph. 10. cui capite graviter dolenti, pus, aqua, vel sanguis e naribus profuit, is a dolore liberatur.

C A P. VI.

De Febre Variolosa.

Theses Pathologicae.

§. I.

Variolosa febris est acuta, exans *Variolæ* thematicæ, contagiosa, in qua *quid?* motu quodam critico, materia valde tenuis, caustica, corrupta, inflammans & exulcerans, ad summam cutem propellitur, cum gravibus sæpe symptomatibus stirpata.

§. II.

Febre hanc imminentem indicant lassitudo corporis, virium languor, *Morbis* somnus inquietus, ciborum fastidium, *historia.* cum conatu vomendi, capit is dolor, pavore in somno, alvus clausa, stimulus ad tussim & horripilatio intercurrentis. Hæc per plures sæpe dies jam præsto sunt, & postea succedit astus per totum corpus, cum pulsuum celeritate, siti, augetur capit is, lumborum & spinæ dorsi dolor. Infantes potissimum, sæpe ex improviso, epilepsia & rigor ac tremitus artuum invadit. Ætate junioribus delirium familiare: corpus est inquietum & jactatur. Intra tertium & quartum diem conspicuntur in facie & collo vestigia macularum rubrarum, quæ pedetentim numero plures efflorescunt, post faciem & collum, pectus, brachia, ac demum etiam abdomen, dorsum cum femoribus pedibusque occupantes. Durat hæc eruptio ad duos usque dies successive, ac interea decrescit febris cum symptomatis, ut pulsus cum calore sexto die ferre sit naturalis. Elapso autem quinto incipit fieri suppuration, eodem modo ut eruptio gradatim a superioribus ad inferiora transiens, quæ ubi in vigore con-

constituta maximeque in facie manusque succedit, ob ingentem ardorem & dolorem cutisque tensionem fere intolerabilem, acceditur nova symptomatica secundaria febris, cum siti, vigilia & præcordiorum anxietate. Qua symptomata, ubi corpus impurum, pustulæ confluentes & virulentí genii, delirio & convulsionibus accedentibus, nono, vel undecimo die necant. Si vero pauciores & benigniores, pattemata remittunt & fit exsiccatio, donec undecimo & ultra decident & æger ad sanitatem redeat.

§. III.

Prima origo ex utero.

Corripiuntur hac febre tantum non omnes homines, cujuscunque sexus, ætatis, temperamenti, quin nationis sint; ideoque in proclivi utique judicare, causam ipsius esse universalem omnibusque communem. Unde vero origo hujus omnibus adeo infesta materia repetenda, & ubi ipsius sedes, non æque expeditum. Veteres quidem natales ipsius a sanguinis menstrui, sub ingravidatione retenti, immunditie foeti communicata, duxerunt. Et vero utique simillimum, primordia hujus virulenti humoris non ex aere, vietu, aut aliis externis causis, sed ex utero esse materno. Id enim experientia frequenti constat, infantes a matre minus sana & impuris succiscatente progenitos, variolis mali moris & quandoque exitialibus corripi, matre licet sub gestatione vegeta, ob succos pravos in foetum transeuntes. Vicissim etiam in comperto, gravidas, si proba virtus ratione & affectuum moderatione, cacozyntæ, & plethore convenienti sanguinis missione, saluberrimæ quoque per alvum & cutem excretioni propiciant, infantes in lucem edere, qui variolis correpti, non adeo periculo decumbunt, sed paucas ipsas & benignioris indolis, nanciscuntur.

§. IV.

Sedes cause in humori. Sed neutiquam hujus maligni humoris sedes in ipsa sanguinis & humorum massa videtur ponenda. Etenim

quamvis per alios morbos exanthematicos, morbillos, purpuram, scabiem, apostemata, tineam capitis, febres quoque, tota succorum massa exagita fuit, dissipata omniaque ipsi involuta extricata, variolarum tamen materia manet & nihil secus corpus adoritur. Hinc ad veritatem utique proxime accedere videtur, ex succo quidem chyloso lymphatico impuro & corrupto matris, oriri primum subtilem hunc & virulentum humorem, sed viscositate quadam involutum, finisque tubulis quibusdam impactum, delitescere tamdiu, donec in motum fermentativum sui multiplicativum ab aliis causis deducatur, succis insinuetur, & critica quasi despuinatione e corpore exturbetur. Nec officit, quod post longum interdum tempus innoxiam erumpat. Diu enim malignus quidam humor, in tubulosa partiuni, immo ipsius cutis substantia, tanquam in latibulo sine noxa hærere, & postea demum in motum excitatus, universum sistema nervosarum & fibrofarum partium pessime afficere, totamque motuum economiam perversare potest. Testatur hoc cancer in glandularum substantia per longum tempus occultatus, testatur venenum canis rabi, item miasma venereum, quod per lac nutricis infantis communicatum, post aliquot demum sepe annos reviviscit, vel in adultis per gonorrhœam virulentam suppressam ad interiora pulsum, post longos haud raro annos prodit, & virulentiam suam exserit.

§. V.

Latibulum autem virulento huic, *sed spinales* qui variolas facit, succo præbent, *nali medullas* mea quidem fententia, medullæ spinalis tubuli quidam obstructi. Probabilis minimum, quæ id evinacunt, he sunt rationes. Spinalis quippe medulla in capite omnium primo in utero formatur, & majus præ aliis partibus cito augmentum acquirit, quod aliter fieri nequit, quam per liquidum, quod per ejus minimos canaliculos fertur. Quod

Quod si stagnans obstruit quosdam, ex diuturna mora, ut omnis humor occclusus, valde alienam & perniciosem indolem contrahit. Talis humor compeditibus postea liberatus, & sui juris factus, non aliam saepe ac veneni natum & vim prodit, humores fermentando, eorum texturam & crasis immutando, solidas vero partes vehementer stimulando, arrodendo & vellicando. Quod vero ex imis medullæ, maximeque illius portionis, quæ in inferiori regione spinæ, materia, quæ variolas efficit, prodeat, hæc confirmare videtur ratio, quod nullus fere morbus tam subito totum systema nervorum & nervosarum partium adoriat, quam hic ipse. Testatur id febris acuta celeriter invadens, spasmos nempe totius vasculosi & nervosi systematis, quam ego utique a membranis spinalis medullæ deduco. Testatur idem dolor capitis, dorsi & lumborum, individuus fere comes. Testantur epilepsia, convulsiones, tremores artuum, deliria, quæ mox statim in principio, secus ac in ulla alia febre, adsunt. Testantur præcordiorum anxietates, item nausea, vomitus, cardialgia, quæ a spasmis substantiæ nervosæ ventriculi & orificiorum ipsius proveniunt: testatur alvus stricta & clausa, quæ semper fere primis diebus est. Testatur demum inquietudo cum vigilia, quæ non nisi molestia generis nervosi affectio & commotio est.

§. VI.

Materiæ
indoles
œrufica
& pu-
trefac-
tiens.

Sed mittimus hanc paullo subtiliorem de prima origine & sede causæ variolarum theoriam, quia directe non pertinet ad artis usum & therapiam, quæ magis in eo versatur, ut naturam, genium, facultatem & potentiam operandi virulentæ illius materiæ probe indagemus. Indoles igitur hujus videtur mihi duplex, una acris & inflammas, unde dolor, ardor, rubor, tumor, arrosio & exulceratio, altera caustica & putrefaciens, quæ motu subtiliori intestino, crasis & unio-

nem partium mixtum constituentium destruit atque corruptit, & hæc proprie ad ipsam malignitatem magis spectat, atque quam maxime fere in variolis malignis prodit.

§. VII.

Optime vero variolæ distingui pos- Triplex variola genitrix; benigna
sunt in benignas, malignas, & quæ sunt inter has mediae naturæ. Benignæ his cognoscuntur in diciis: si non adeo copiose sunt numero; si debito tempore & ordine prorumpunt, suppurrantur & exsiccantur; si non nimis profundæ; si bono pure refertæ, sufficienter elevatae & circulum habent rubicundum; si facta eruptione in superioribus partibus, febris & symptoma notabiliter remittunt & omnia tranquille & placide sunt. Hæ omni vacant periculo, immo sponte & solius saepe naturæ beneficio curantur. Tales autem plerumque sunt, quæ temperato vere oriuntur, in corporibus non adeo impuris, nec sero & sanguine repletis, etiam in pueris. Nam acris & caustica materiæ qualitas non modo mediante succo roscido in corpore corrigitur, & ad expulsionem in cute, præparatur, sed & affluxu ejusmodi succi, in ipso suppuratorio actu plane mitis & blanda efficitur.

§. VIII.

Vicissim malignum & causticum in Maligna
variolis subesse virus, inde concludendum: si vel nimis cito, vel nimis tardò prodeunt; si manent depressæ & suppurationem renuant: si plurimæ livescens & quædam nigri coloris, vel limbum nigrum habent; si pullus celer, etiam post eruptionem sufficietem, cum inquietudine persistit; si erecti animo facile liquuntur; si putulæ sunt sanguinolentes, vel diarrhoea cruenta, aut mictus cruentus supervenit. Lethifera hæc sunt indicia, & ex viginti vix unus evadit, qui ejusmodi symptomatibus afficitur. In corporibus demortuis hac specie variolarum sanguis fluidus est totus, nec in serum, nec in coagulum secedit, quod aliquoties observavi, manifesto indi-

indicio, putrefactione intima ejus crasin plane esse colliquatam, & vinculum seri & languinis destructum; & hæc est causa ipsius mortis, nec non dejectionis eruentæ, & quod variolæ sanguinem fundunt. Ejusdem variolæ sunt indolis, quando petechiae sese miscent, vel etiam postulæ parvæ miliæ asperæ, quæ de intima corruptione sanguinis & lymphæ testantur. In quibusdam porro tardius malignæ & putrefactivæ variolosi humoris indeoles sese ostendit, dum post exsiccationem febris manet lenta, & in externis partibus, præfertim articulis, in brachiis, manibus, pedibus, tumores oriuntur & ex iis sunt foeda, exedentia, fistulosa & ossibus cariæ inducentia ulceræ, quæ difficillime sanacionem recipiunt, & procedente tempore lentam inferunt mortem. Interim tamen in genere tenendum, quod malignitas hæc gradu, jam majori, jani minori, differat.

S. IX.

Ubi & curtales. Virulentæ ejusmodi variolæ sunt plerumque epidemicæ, & nascuntur a statu anni temporum plane irregulæ, anomalo, diurno, præfertim sub cœlo diutius nebuloso, pluvioso, humido, ventis destituto, longe magis post diluviones & inundationes aquarum, quando diutius eadem supra terram stagnant, & aer ob id, & insectorum, & exhalationum putridarum copia refertus est, tumque ut plurimum simul grassantur, ipsique etiam variolis complicantur petechiales & aliæ deleteriæ indolis non expertes febres. Deinceps ut variolæ in corpora impura & cacochymica incident, & ubi primæ viæ magna impurorum fucorum colluvie scatent, plus incrementi capit ualigianitas. Observamus porro miasma live contagium uno tempore majorem virulentiam habere, quam altero. Accidit hoc non semper ob manifestam quandam sensibus obviam causam, sed dubio procul ex perniciiosis variis generis exha-

lationibus, quæ ex animantibus & vegetabilibus surgentes, cum aeris particulis salino-sulphureis sese miscent, ut ipsa unione specificam quandam deleteriam virtutem nanciscantur, non secus ac videmus in chymicis quod sola commixtione rerum, quæ per se non sunt venenatae, venenum enascatur.

S. X.

Tertium genus est variolarum, quas nos mediæ naturæ dicimus, quia non sunt nec adeo malignæ, nec adeo benignæ, sed medio modo se habent, ideoque prudentem medicum & idoneam medicinam poscunt. Tales sunt, quæ non sparsum, sed confertim, in primis in facie & manibus, comparent, & confluentes sunt; item quæ interiora, nares, fauces, interdum etiam œsophagum occupant, ut ægri non bene deglutire possint. Anceps etiam facit judicium, quando in suppuratione acris denuo oritur febris, cum æstu, calore & ardore manuum; si caput nimis intumescit & largus salivæ fluxus est, si urinæ porro tenues, copiosæ minguntur, & corpus largis sudoribus difflit. Neque minus ubi novæ semper exsiccatis iam subnascuntur papulæ minores, & suppuration atque exsiccatio nimis protrahitur; ubi cutis tensior & postulæ profundius sedent, ætas juvemilis, vel virilis, tempus autumnale & hyemale, ætas etiam nimis fervida & sicca præcessit, & præterea non adeo proba victus ratio a decumbente observatur: & hæc fæpius omnino, nisi sollicite præcaveatur, alios relinqunt morbos. Epidemicæ etiam ut plurimum grassantur, quum benigiores magis sint sporadicæ.

S. XI.

In s. spectis quoque signis est, quan- *Suspe-*
do statim inter initia & ante eruptio- *ctus* *signis?*
nem, acuti & pertinaces dolores in spinæ, brachiis, pedibus, lumbis, nec non coxendice affligunt; sic ito nimis, primo illico, vel secundo die, variolarum vestigia in cute compa-
tent,

rent, tanto magis quam exanthemata aspera, aciculorum capita æquantia, interspersa; si stationem non servant, mox disperant, mox redunt; si facies non intumescit die tertio vel quarto, vel mox detumescit iterum; si in juvenibus ante eruptionem grave delirium, necnon difficilis deglutitio; si in suppuratione sopor, & post hunc alienatio mentis & incongruus sermo; si etiam nimium salivæ stillicidium.

§. XII.

Alvi fluxus non adeo pertinacens. Alvi autem fluxus, licet copiosus, non adeo pertimescendus: eundem enim per totius morbi decursum sine ullo periculo successisse vidi, tantum abest, ut eruptionem impediverit. Atque hanc in rem commemoratu dignum, quod scribit Amatus Lusitanus Cen. III. pag. 234: pervenere hac astare ad manus nostras plus minus CL. pueri variolis & morbillis affecti, e quibus omnes evacuati evaserunt, alii vero, quibus parentum ex culpa evacuatio fræla non fuit, vitam cum morte commutarunt, numero tres; alii vero quatuor in ulcerâ difficillima & mala morigerata perirent, quæ cum aphthis communionem habent, & facile in gangrenam abeunt. Iis similis superficies puer, qui ulcus cancrosum & malignum, cubitum dextri brachii occupans, multis foraminibus perforatum, habet. Scilicet sicuti in febribus malignis petechialibus, alvi profluvium morbi facit solutionem; sic etiam in mali genii variolis idem evenire experientia docet, quæ etiani Ballonii in epid. & ephemericid. sententia.

§. XIII.

Quando modo mors eveniat. Qui variolis moriuntur, criticis ut & quo modo mors eveniat plurimum diebus, nono, undecimo, vel decimo quarto deceidunt, & quidem maxime convulsionibus, quas exquisitissimus ardor, dolor & tensio in brachiis, manibus, & facie, præservit si profundius sedent pustula, excitat. Quidam catarrho extinguantur suffocativo. In nonnullis, in primis si malignitas subest, quando in situ ere-

to vel extra lectum sunt, animi obrepit deliquium, maculae cum pustulis disperant, & convulsione superveniente, intra aliquot horarum spatium mors excipit. Vidi etiam variolis jam exsiccati, juvenes quosdam subito insultu apoplectico esse extinctos, posteaquam in ipso morbo capitum gravitate, vigilia, & per intervalla mentis emotione laborassent. Novi quoque infantes unius aut duorum annorum, quum absoluta exsiccatione in vado prorsus esse viderentur, macula erysipelacea livido-nigricante maligna, quæ totam fere suram, vel pedis regionem occupavit, ex improviso fuisse affectos & subito mortuos, manifesto sphacelationis & magnæ corruptionis in sanguine indicio.

§. XIV.

De iis autem, qui variolarum morbum superant, multiplici confirmatum habeo experientia, quod pueri, qui ante illum valetudine minus firma usi, variis oculorum & aurium defluxionibus, tinea capitis, doloribus artuum, imbecillitate pedum, rachitide & tabe, nec non adultiores membrum retentione laborarunt, postea integrum sanitatem, corporis robur & nutritionem latiorem acceperint. Vicissim vero novi etiam alios, qui antea fani & valentes, in variolis vero perversa medicatione excepti, vel commissis in diæta erroribus, valetudinarii postea sunt facti, phthisici, febrem lentam, tabem & asthma incurrisse, visus vitia, ophthalmias, epiphoras, maculas & albugines contraxisse, aut ulceribus sordidis in facie & artuum junctoris fuisse affectos.

§. XV.

Ceterum ultimo adhuc loco probe variolæ tenendum: quod materia variolarum contumelias fermentativæ & sui multiplicativæ. Unde vix ullus alias morbus, excepta forsitan pestilentia, adeo contagiosus, ac variolarum. Quo etiam fundamento nititur, cum fructu ab Anglis potissimum instituta variolarum insitio, qua purulento ex

varioloso decumbente humore in sauciata sanis variolas nondum experti hominis cutem immisso, protinus item hic morbus, cum febre omnibusque, quibus stipatur symptomatibus, suscitatur atque inducitur.

C U R A T I O

§. I.

Indies. zones curato- rie na- ture du- etui con- formes. Natura, per quam partium solidarum & fluidarum corporis ad motus vitales & excretorios dispositionem intelligimus, tam exactum in hoc morbo, si moratus, quam in nullo alio servat ordinem & tempus, & haud raro sponte, citra artificiosam medicationem, eundem percurat, quando videlicet crasis sanguinis & humorum viscerumque conditio, ita comparata, ut correctioni materiae causticæ & expulsione ejusdem non obstant. His naturæ viis merito insistendum medico, nec aliud agendum, quam ut eidem in opere correctorio, expulsorio & suppuratorio congruis auxiliis subveniat. Igitur ita instituenda medicatio, ut I. materia acris, vitiosa, caustica contempneretur, & ex veterum loquendi more coquatur, simulque effrenes in vasorum & nervosarum partium systemate primis diebus motus ad moderamen traducantur; II. ut erupcio secundetur, & languentes circa eruptionis tempus motus erigantur, quo omnis ad corporis habitum pellatur materia, accedens autem in suppuratione secundaria febris moderata fervet, & graviora arceantur pathemata; III. ac demum declinationis & exsiccationis tempore sanguinis & humorum massa sub morbo dyscrasia & impuritate affecta, repurgetur, sicque oriundi ex reliquis morbi tempestive præscindantur.

§. II.

Quid fa- ciondum ante e- ruptio- mem. A credinem materię mulcent simul que nimiam sanguinis exstuationem, ipsam excretionem impedientem, blande componunt pulveres tempe-

rantes, leniter diaphoretici, cuius generis hic est: recipe cornu cervi philosophice præparati, usi, antimonii diaphoretici, lapidum cancerorum, matris perlarum ana drachmam, cinnabaris rite paratæ drachmam semis, nitri puri scrupulum. M. f. pulvis, de quo pro diversitate ætatis dandum, & dosis summa est dimidia drachma. Propinatur commodissime in vehiculo ex aqua scorzonerae, nucleorum cerasorum, florrum sambuci, acaciæ, herbae cardui benedicti & scabiolæ. Dein eundem in finem utilia decocta humectantia & temperantia, avenaceum tenue, cum amygdalis in emulsionem redatum, serum lactis dulce, nostra methodo paratum, aqua hordei cum ficubas decocta. Item emulsiæ ex decocto scorzonerae & cornu cervi, amygdalis seminibusque quatuor frigidis cum saccharo. Cui ad motuum vehementiam moderandam, commode adiicitur syrupus papaveris albi.

§. III.

Quando natura seignior in expulsione sub eruptionis tempore, danda hæc emulsiæ: recipe seminis napi, cardui Mariæ, aquilegiæ ana drachmam, aquæ florum sambuci, galegæ, cardui benedicti ana unciam f.l.a. emulsiæ, adde antimonii diaphoretici drachmam semis, sacchari perlati quantum satis est. M. Efficaciter etiam expellit liquor bezoardicus ad mentem Bussi paratus, cum tripla portione liquoris nostri anodynæ mineralis nuptus. Item elixirium alexipharmacum, sine spirituoso menstruo sic confectum; recipe radicis dictamni, angelicæ, vincetoxicæ, contrayervæ ana unciam semis, herbae scordii, cardui benedicti ana manipulum, fiat extractio in aqua scorpii libra medica, & liquoris anodynæ mineralis unciis tribus, additis prius salis tartari, croci & myrræ ana drachmis duabus; de quo viginti minimum, & ad summum quinquaginta guttae præbendæ.

§. IV.

§. IV.

*In suppura-
tions.* Eadem prosunt, quando suppuratione
lenta nimis, & pustule elevari renunt. Tum quoque utilis haec mixtura: re-
cipe myrrha electa drachmam dimidiat, croci salis tartari ana scrupu-
lum, aquæ scorzonerae uncias duas, coquatur, coletur & usui servetur. De
haec dimidium, vel unum cochlear in
emulsione, ex aquis analepticis & dia-
noicis cum leminibus quatuor frigidis,
præsertim circa noctes, porrigendum.

§. V.

*Et exsic-
catione.* Sub exsiccatione demum propinan-
da sunt remedia, quæ putredini resi-
stunt, item quæ sordes relietas, vel sub
morbo genitas, per congrua emunctoria
evehunt. Utilis tum pulvis ex lapi-
dibus cancerorum, antimonio diaphoreti-
co, pauxillo myrræ, succini, & cro-
cæ. Proficuum quoque infusum theiforme
ex herba scordii, summitibus millefolii & semine scenici, cui si
pectus simul affectum, veronica cum
liquiritia addenda. Potissimum hoc
tempore interponenda blanda laxan-
tia, balsamica simul indolis, uti sunt
instar omnium pilulæ Beccherianæ, vel
ad earundem exemplar paraæ.

Cautele & Observationes
Clinicæ.

§. I.

*Quibus
vomitus
& epi-
lepsia
compe-
scenda.* Evenit haec raro, ut in principio,
præsertim infantibus, accidant crebra
& anxiæ vomitiones. Ad has compe-
scendas, & spasmodum ventriculi laxan-
dum, egregie proficit liquor noster a-
nodynus mineralis, vel solus, vel cum
aliquot gottis spiritus bezoardici Bus-
siani remixtus. Idem hic noster liquor
eximiæ usus, si convulsio epileptica, in
laetantibus maxime & difficiliter denti-
entibus periculi non expers, urget ni-
mis. Conducit etiam pulvis Marchio-
nis, cum cinnabari & pulvere lumbri-
corum terrestrium. Et alvus clyster
moliente solvenda, qua clausa in prin-
cipio, epilepticum malum augescit.

§. II.

Quando æstus acrior, nitri dosis in
pulveribus augenda, & tuto etiam pre-
benda tinctura rosarum, quatuor flo-
rum cordialium, cum phlegmate vi-
trioli parata, cui multum *Waldsch-*
midius atque *Doleus* tribuerunt. Nec
male, quum in corporibus juvenilibus
sanguineis, maximeque ubi variolæ
mali moris ad putredinem præg-
fiantur, ratione & ex perientia teste ap-
prime prosit; licet non omnem malig-
nitatem extinguat, neque universale
adversus copolas variolas sit præser-
vativum.

§. III.

Frequens juvenili in primis ætati
symptoma est salivæ fluxus, qui suppu-
rationis tempore ut plurimum effusio
accedens, non modo hanc, sed & som-
num, non sine periculo, impedit. Mo-
derandus igitur, tam per alvi apertio-
nem mediante clysterem emolliente,
quam diaphoreticum bezoardicum
medicamentum, cui aliquot grana flo-
rum sulphuris addenda, & bibendum
desuper infusum theiforme ex betoni-
ca, veronica & floribus chamomille
officinalis, quo aucta sic perspiratione,
a salivæ fontibus divertantur humo-
res.

§. IV.

Obsident pustulæ variolarum sem-
per fere intericta fauciū laryngem &
pharyngem, ibique ardorem, dolorem
& difficultem deglutitionem, quando-
que etiam aphthas, excitare solent.
Molesto huic accidenti succurrendum
gargarismate demulcente, ex decocto
hordei & rob diamoron, adjecto pau-
xillo lapidis prunellæ, quo sapientia os e-
luendum. Utile quoque decoctum a-
venaceum, cum butyro insulso, syrupo
violarum vel granatorum, & nitri tan-
tillo. Et ad mulcendum ardorem, pu-
stulæ & aphthæ subinde tangendæ, &
illincendæ mucilagine seminis cydonio-
rum, cum aqua rosarum facta.

§. V.

Oculos quoque nonnunquam oc-

cupant pustulæ & suppurantes vitium eisdem inducunt. Hinc sub eruptione statim ab iis defendendi, quod optime fit linteo duplicato, cui spiritus rosarum, in quo camphora cum croco macerata, instillatus, quod tamen ante applicationem in loco calido tantisper siccandum, quo potior spiritus portio avolet. Mihi frequens, aquam rosarum & florum sambuci, adjectis aliquot liquoris nostri anodynî mineralis guttis & momento camphoræ adhibere, eademque palpebras inungere. Quod si vero a pustulis pellicula relicta, cito eadem post declinacionem absumenta hoc liquore: recipe aquæ rosarum unciam, reginae Hungariae drachmas duas, vitrioli cyprini grana quatuor, sacchari saturni grana duodecim. M. quo frequentius cum subtili penna tangenda est excre scencia. Idem hic liquor, omisso tamen vitriolo, egregiæ virtutis in oculorum acri, calida & ardente defluxione, cum rubore, quæ variolis crebro succedit.

S. VI.

Vene se-
atio quando
proficit,

Et no-
cessat.

Pulsuum vehementia & robur, facie rubor, capitis lumborumque gravitas ac dolor, venarum turgescentia, ætas juvenilis, ingenii activitas, diæta vinosa, sanguinis missio sueta, & evacuatio critica suppressa, sanguinis subtractionem in variolis, primo, vel secundo statim die, indicant. Sic evanescunt mox pectoris anxieties & oppressiones, maculæ confertim in cute efflorescent, nec adeo gravia posse eruptionem metuenda pathemata. Sæpius enim observavi, nimiam sanguinis redundantiam sufficientem materiae variolosæ ad corticem corporis propulsionem impedire, & efficerre, ut discretae tantum prodeant pustulæ, intus autem relicta materia circa declinationem varia symptoma ta spasmatica, convulsiva, deliria, catarrhos suffocativos, quin apoplexiæ, inducat. Contra ea, ubi pulsuum durities, humilitas & exilitas, vasa minus turgent, vires languent,

Tom. IV.

temperamentum phlegmaticum, ætas infantilis & puerilis, corpus obesum, vomitus in principio adeſt, tuffis & alvi fluxus, laborans etiam aliæ sub sanguinis missione facile animo linquuntur, vena non pertundenda, nemimia sanguinis copia subtracta, materia intus detineatur & eruptio ad plures dies, non sine periculo, protrahatur.

S. VII.

Hand levis inter Medicos est controversia: utrum emetica in principio variolarum proſint, nec ne? Nos ita censemus. Quum variolæ circumneunt, ad præservationem expedit utique dare ea, quæ fordes copiosas & crudos succos non modo ex primis viis, sed & biliosos & vitiosos humores ex hepate eliminant, quibus retentis, justus metus est, ne graviorem reddant morbum. Primo etiam invasionis die locum adhuc habere possunt, quando turgere primam regionem vitiosorum succorum colluvie adſunt indicia, ex egi potissimum voracitate incongruorum liquidorum & solidorum, nauſea, oris amaritie & ruſtibus, desūmenda. Tum omnino lene emeticum, tartarus emeticus, solutus prius, ad unum vel duo grana in adolescentibus in aqua menthæ, vel cinnamomi, additis aliquot mixturæ simplicis guttulis, cum fructu datur, evanescens postea quæ eruptionem impediunt anxietatibus, ut pustulæ intra tertium & quartum diem promte erumpant. Si alvum simul expurgandi intentio, tartarus emeticus cum infuso mannae dandus, in infantibus ad quartam vel dimidiam partem, aut pondus unius grani. Promiscue autem tale remedium alternis diebus porrigeret, empiricum est consilium.

S. VIII.

De purgatione per alvum hæc moneda. Ante morbi insultum omnino sunt utilia laxantia, non vero fortiora purgantia; neque etiam mercurius to sub dulcis, præsertim in infantibus & pueris tenerioribus. Optimum decoctum

F tama-

tamarindorum cum rhabarbaro, vel manna: & si suspicio, crassa intestina scybalis duris esse farta, præmitendum clyisma emolliens & stimulans. Sub totius etiam morbi decursu nunquam permittendum, ut alvina secessio nimis diu, ad octo vel decem dies restitet. Si secus fit, inde potissimum in infantibus, vel suffocativi accidentum catarrhi, vel purpura variolas, aut erumpentes comitatur, aut suppuratis iisdem, non sine insigni vi-
Sub illa non.
 rum jactura & symptomatum vehe-
 mentia, excipit. Neque hanc ob cau-
 sam eveniens & per totum sæpe mor-
 bi decursum durans cum bonis ægro-
 rum rebus alvi fluxus est compescen-
 dus. Eruptionis autem tempore,
 etiam si, uti ordinario fieri suevit, al-
 vus sit siccior, ab omnibus eam mo-
 ventibus abstinentum, ipsis etiam enematibus, quæ tum retineri, reten-
 ta angustias parere maximas, & de-
 dum post aliquot dies reddi, novi.

§. IX.

*In sup-
puratio-
ne an-
guibus
ducenda.* An suppurationis tempore in febre secundaria proficia sint alvum ducen-
 tia? inter Medicos Anglos fuit disce-
 ptatum. Freindius peculiari scripto
 adstruxit variis observationibus utili-
 tatem, ita tamen, ut nonnisi deco-
 etum mannae admittat. Nos etiam
 hanc methodum non improbamus, si
 adsint, quæ purgationem indicant, al-
 vus nempe per totum morbi decursum
 sicta fuit & constricta, copiosa in
 suppuratione salivatio, & pectus co-
 pia humorum obfessum, ut anxia inde & difficilis sit respiratio. Sed ego
 semper laxantibus præferre soleo cly-
 steres, emollientes alvinas duras fe-
 ces & educentes. Qui si non suffi-
 ciunt, laxantia mannaea præsertim
 in infantibus, quibus prima regio &
 præcordia crassis viscidis humoribus
 obfessa, commodam omnino locant
 operam. Quin novi, me infantibus
 lactentibus, unius anni, vel ante
 eruptionem, vel in suppuratione,
 quum ob difficultatem & angustiam
 spirandi suffocationis metus esset,

cum præsentaneo levamine porrexisse
 lene emeticum, ex sexta, vel quarta
 parte grani tartari emeticici, soluti in a-
 qua veronicæ, addito pauxillo syrapi
 violarum. Cæterum, quam utilia man-
 nata in principio & incremento vario-
 larum, tam perniciosa esse aliquoties *natione*
 observavi, post declinationem, morbo *non*
 soluto. Ingentes tum enim creant fla-
 tulentias, pectus lentis viscidis succis
 obrunt, anxietatesque efficiunt, quan-
 doque etiam ut ulcerationes sequantur
 in ipsa cute, faciunt.

§. X.

Ante pustularum eruptionem, &
 sub ipsa etiam, improbanda porro
 merito omnia calidiora expellentia,
 tam quæ vulgo dantur semina nastur-
 ii & aquilegiæ cum stercoreis, succus
 nimirum steroris ovilli & equini,
 quam etiam tinctura bezoardicæ, ale-
 xipharmacæ, nec non spiritus cornu
 cervi, cum æstuoflo, quoad lectum &
 conclave, regimine. Inde enim san-
 guinis & humorum massa mirum ex-
 agitatur, æstus, anxietas, convulsi-
 ones, spasmi, quin delirium, si adest,
 exacerbantur. Inde materiæ variolo-
 sa major inducit acrimonia atque
 subtilitas, ut ex benignis facile fiant
 malignæ. Et tantum abest, ut his equa-
 bilis & constans eruptio procuretur,
 ut potius cito nimis minus præparata
 foras agatur materia, stationem non
 servatura, sed cum majori damno
 mox iterum ad interiora reversura.
 Quin potus tantum calidos, infusa
 theiformia & decoctum fabarum cof-
 fe, liberalius usurpata, experientia
 edocti, rejicimus. Nimium enim san-
 guinis massam dissolvunt, & materiam
 roscidam nutrientem cum viribus in-
 ter largos sudores dissipant. Tempera-
 tum igitur sit regimen, remedia tem-
 perata. Semper tamen distinguendæ
 naturæ, quæ si segnores, expulsionem
 juvantia, partitis sed vicibus data, pro-
 sunt utique, & circa sextum etiam &
 septimum diem, eruptionem regimine
 tantisper calidiori secundare licet.

§. XI.

§. XI.

*Arvis-
purita-
si stu-
dendum:* Pariter in variolis oppido nocivum decumbere in loco humiliori, ubi plures eodem morbo detenti . Nam ibi aer, qui pabulum vitæ, impuris ac fetidis exhalationibus est refertus , quæ respiratione attractæ , organa subeunt vitalia, & internam humorum corruptionem adaugent . Hæc etiam subest, cum regimine calido, ratio, quod ex plebeis plurimi, variolis, licet bone aliâs sint indolis, occumbant . Hinc præstat, uti sæpius cum fructu suasi , aerem gravem, contesto prius probe ægro, ex apertis fenestrâs emittere , purioremque immittere . Neque minus ad corrigendum inquinatum aerem, expedit collo appendere camphoræ frustulum, vel si caput odorem ferre nequit, in remotoiori conclave loco illud reponere .

§. XII.

*Linte-
mina
caute-
mutan-
da:* An corpore sudore perfuso linteamina, industria & lectum mutare liceat, non levis ad curationem momenti est quæstio . Ego, uti largissimos sudores in variolis nunquam sine periculo esse, si diu perseverant, observavi: ita longe majus imminere discrimen, expertus scribo, ex mutatione linteorum, quæ humidum & frigidiusculum aerem adhuc sovent . Cavendum itaque, ne facile æger in alium lectum transportetur, nisi prius diu in hypocausto calefacto steterit . Neque linteamina & industria mutanda , nisi prius calore sint probe siccata, vel ab alio gestata . Si hoc negligitur, in exquitate sentientibus ejusmodi corporibus, qualia sunt , quæ effusius sudant, cutis quam facile frigescit , maculæ & pustulæ disperant, & cum vitæ discriminè receidunt .

§. XIII.

*Reced-
tes qui-
bus ex-
pellen-
do:* Quandocunque pustulæ, vel ob deficiens naturæ robur, vel ob terrorem, refrigerationem, aut situm extra lectum diuturniorem erectum, subito concidunt, æger in vitæ discriminè versatur certo, & nisi prudens medicus illico analeptico & expellente reme-

dio succurrat, mors in propinquuo . Egó cum fructu tum dedi liquorem cornu cervi succinatum, cum liquore anodynæ minerali , in aqua cinnamomi sine vino & cardui benedicti , sorbillare jussi poculum infusi theæ , idque aliquoties iterare, & præcordiis pedibusque calida applicare fomenta .

§. XIV.

Mictus sanguinis, alvus cruenta , *sanguis* hæmorrhagia narium & sanguinolentum ex pustulis serum manans, magnam sanguinis humorum acrimoniam & colligationem indicant, ac pessimum, plerumque lethale, præbent omen . Hæc ubi præsto sunt, acicula, refrigerantia & acrimoniam demulcentia, uti lac ebutyratum & serum lactis, plus opis præstant, quam cetera omnia exquisitissimi artificii remedia .

§. XV.

Periculosema symptoma est, si gravidæ variolas nanciscuntur, & circa eruptionis tempus , vel etiam in suppuratione , abortus accidit . Sanguis enim cum impetu utero effertur . Majus adhuc periculum ipsiusque mortis justus metus, si foetus non cito exturbatur . Vehementius enim sanguinis fit profluvium, sub quo animi accedit deliquium, expulsione materiae adversum . Si etiam sanguis parcus emanat, ejus motus ad caput convertitur, subsequente inflammatione & delirio . Neque periculo vacat, quando menstruæ primis diebas, vel in suppuratione erumpunt copiosiores , id quod eam sanguinis missio neglecta .

§. XVI.

Observavimus, si æstas nimis siccæ & diu arida, variolas maxime esse inflammatorias, & alvi fluxu quam facile stipari; qui tamen nullo modo sistendus, sed tantum demulcentibus & terreis diaphoreticis excipendus . Viranda tum quoque omnia calida expellentia , cum regimine æstuoso, vitanda vero etiam refrigerantia & corporis

refrigeratio. Neque alvi profluvium nocet, quando petechia pariter ob valde irregularem temporum anni constitutionem complicantur, ut potius remedio sit, & malignos humores optime expurget, ideoque providum ac peritum desideret medicum.

§. XVII.

*Confluē-
tes quo-
modo
arrende-* Quum variolis benignis non facile quispiam, nisi ex Medici, aut proprio delicto, pereat, sed confluentibus, præsertim si mali moris fuerint; ex centum autem vix unus sit, qui variolas non experiatur: ego certe ut funestæ hæ arceantur, non certius novi consilium, ac eo tempore, quo male indolis variolæ grassantur, exquisitam vietus & vitæ rationem servare, succos corporis convenientibus evacuantibus & decoctis pro potu temperantibus & mundificantibus a sordibus liberare, & ad futurum forsau morbi insultum præparare. Eundem in finem commendabile novum illud inventum insitionis, seu inoculationis variolarum, quod ex oriente in Europam translatum, numerosis admodum exemplis ab Anglis potissimum medicis cum successu celebratum, etiam lege, ut pus variolosus ex papulis maturis & benignis promatur, corpusque ante operationem probe prius præparetur.

§. XVIII.

*Vesica-
toriorū
usus.* De vesicatoriorum peculiari in hoc morbo efficacia, quam nostro hoc anno Angli in primis Medici mirifice collaudant, pro certo ego quidem affirmare possum nihil. Rarus enim eadem adhibui; nisi ubi pueri, vel adolescentes, in ingentem soporem ac torporem inciderant, aut finito morbo, vitium oculi contraxerant, rubore ac defluxione affecti.

§. XIX.

*Fovee
& cica-
trices
quibus
aver-
randa* Quum variolæ præsertim confluentes & profundiores faciem rugis, foveis & cicatricibus mirum deformare soleant; puellæ in primis pulchritudini studentes enixe ut hoc avertatur rogant. Multi quidem ut faciem a va-

riolis defendant, primis statim diebus ex invento Sylvi suadent, ut pedes frequenter pediluvio immittantur, & sic materia ex superioribus ad inferiores partes trahatur. Sed ego, ne quid dissimilem, nunquam periculum feci, nec ea propter certum quid de experimento hoc affirmare possum. Interim non penitus rejiciendum censeo, sed frequentibus & circumspetis id commendo observationibus. Longe minus iis assensum præbere possum, qui papulas in facie pinguis, & oleosis, inundare jubent. His enim pori oblinuntur, diffusio impeditur, profundiores redundunt abscessus, & vestigia cicatricum longe magis conspicua. Optimum potius consilium, quando præter superius dicta interna sanguinem depurantia, exterius, antequam penitus arescant papule, linimentum applicatur ex humana axungia, spermate ceti, cera alba, pauxillo balsami de Copavia & camphoræ. Favet etiam nitor, ac ruborem tollit aqua florum fabarum, rosarum, radicis sigilli Salomonis, tribus partibus remixa cum una parte a qua sic dictæ scelopetarie.

§. XX.

Accidit haud raro, ut exsiccatis Novæ jam, quæ primum effloruerant pustulis, ultimis diebus novæ & minores compareant aliae. Hæ neutiquam negligendæ, & refrigeratione aut improba vietus ratione excipiendæ. Si enim recedunt, præter spem fieri possunt funestæ. Hinc curandum, ut sub moderata & æquabili perspiratione hæ pariter & maturescant, & arescant.

§. XXI.

Superatis tandem variolis, provividendum est, ne alii pejoris indolis, supra jam nominati morbi, succreant. Hunc in finem in primis necessarium, ut prima regio a sordibus, tam in morbo, quam post eum ob languidam digestionem contractis, non semel, sed aliquoties repurgetur, & quidem per laxantia balsamica, aconi & corruptioni resistantia, inter que eminent rhabarbarina, pilulæ Aui-

venne, Ruci, & quæ in curatione commendavimus Beccherianæ, quæ commodissime prius in aqua destillata, ut mentha, solutæ, propinanturn. Dein convalescentes non nimis cito in publicum prodeant, sed aliquandiu adhuc vitent aerem liberum, tanto magis humidum & frigidum. Servent potius constantem perspirationis successum, eundemque secundent, tam per portamane infuse theiformia ex herba veronicae, scordii, semine foeniculi & anisi, quam etiam pulveres leniter diaphoreticos, per aliquod postea tempus alternis diebus vesperi usurpatos. Fugiant frigidum potum cum gravis materia & insalubribus alimentis cunctis, & ad perfectam sanguinis depurationem, abslineant a cerevisia, & bibant aliquandiu decoctum temperatum ex radice scorzonerae, cichorei, salsaparillæ & semine foeniculi. Neque omittant inter cibos uti iis, qua laqueum stomachi digestionem, ad novos bonos succos ingenerandos necessariam, fulciunt ac firmant.

ENARRATIONES MORBORUM.

OBSERVATIO I.

Variole epidemicæ anni
MDXCXVIII.

Constitutio aetatis praecedens. Insolita plane per aliquot ex postrem superioris èculi annos fuerat tempus peccatum constitutio. Æstas in primis, propter crebriores boreales vêtos, humida ac frigidior, autumni fere natum gesserat, ut raro etiam fructus & uvae recte poruerint maturescere. Autumnus effusis pluviosis & subinde nivibus, cum pruinis ac nebulis incedens, tempus sordidum, aerem densum, cœlum obscurum & modice frigidum attulerat. Et hyems regnarat mirum mutabilis, squalida, sine constanti & acriori gelo. Accesserat præterea vere anni 1698. maxima in tractu nostro ex torrentibus inundatio, & cib stagnantes

Tom. IV.

pessim alveis elapsas aquas, aerem insignter vitiarat. Ut sic perfecta esset ubiq; ad epidemicum morbum dispositio.

Irruebat igitur hoc anno mense Septembri maxima cum vehementia variolarum morbus, & infantes, pueros, adulitos utriusque sexus, gravidas item puerperas atque nutrices, inquilinos ac hospites, adoriebatur, ut non facile immunis maneret unus, qui non prius morbo hoc defunctus, & varioloforum numerus fere ad bis millesimum, in nostra hac urbe ascenderet. Nonnullis sine, plurimis ex contagio accidit. Ex illis fuerunt potissimum improbo victui, intemperantie & compotationibus dediti, iracundia commoti, terrore ex asperitu ægrotantium maxime aut mortuorum percussi, timentes & horrentes morbum, necnon qui circumventibus jam variolis, præsertim in domo, que ipsos tenebat, purgantibus illarum incursum arcere suscepérunt. Contagium vero penetrans maxime & efficax fuit, quod ex fanie jam suppurantium pusularum venit, idque non tantum in eadem domo commorantes infecit, sed in alias ædes, quin remotiora etiam loca translatum, perniciale suam vim in dispositis corporibus exseruit, infestum potissimum personis constitutionis sanguineæ, phlegmaticæ, pituitosæ, spongiosi & mollioris corporis habitus.

Sic autem incessit, & sic decurrit epidemicæ hæc variolarum lues. Antequam in conspectu prodiret exanthema, omnes fere conquesti sunt, de dolore dorsi, capitis, lassitudine corporis, calore præternaturali, intercurrente horripilatione, cum pulsu frequenti, appetitus prostratione & somno inquieto. In nonnullis infantibus, rarius in adultis, incepit enormibus vomitationibus, quæ per aliquot interdum persistent dies. Qui non vomuerunt, continuum tamen persenserunt conatum vomendi, nauseam & anxietates præcordiorum, modo graviores, modo mitiores. In adultis quibusdam

*Variole
Le pa-
puaret
ex &
sine co-
tagio.*

*Sym-
ptoma.
ta an-
tecedē-
tia eru-
ptionis
beni-
gnarū.*

& infantibus alvus fluxa, eruptionis tempore iterum consistens; in aliis primum adstricta, & tertio, vel quarto die demum aliquoties sine damno fluens. Frequens etiam multis mengendi stimulus, paucioribus urina, sine damno tamen, per aliquot dies suppressa. Tenelli & lactantes inter continuos ejulatus, pavoribus in somno, alvi adstrictione, vel profluvio, corporis calore & circa finem tertii diei levioribus, quandoque epilepticis insultibus fuerunt affecti. Serosis solen-nis fuit somnolentia, pruritus corporis, ardens & pruriginosus palpebrarum dolor, illacrymatio & sternutatio. Multis compunctionis in dorso & pectore sensus. Pueris circa tertium diem nares saepe sanguinem stillarunt. Ex his etiam primis diebus magnam ascaridum copiam excreverunt nonnulli sine, nonnulli cum periculo. Adulti mirum fuerunt impatiens, subinde aliena multa loquuti delirarunt plane; quod tamen sufficienti narium stillicidio mitigatum, insufficienti vero aductum.

Mali-gnaram. Hæc pathemata præcesserunt ut plurimum benignas, ubi vero pejoris indolis suberant, alia adhuc fuerunt præsto. In infantibus clamores intensissimi, nulla requies, tremores, extremonrum mox frigus, mox intensus calor, cum insueto languore, in pessimis fuerunt. In adultis dolor artuum immannis, nec non lumborum, nephriticum & ischiatricum mentiens, gravis præcordiorum angor, delirium cum diarrhoea, punctoriis exquisitis in pectore, vel hypochondrio lensis, tremores, horrores, membrorum incurvatio & contractura. Virium autem a primo statim insultu notabilis prostratio, vertigo, vigilia affida, sub erecto situ lipothymia, pulsus debilis & frequens, effusus sudor, copiosa urina, salivatio & insolita muci e naribus ejectio, malignam plane prodiderunt indolem, licet interdum nec dolor, nec calor notabilis, nec anxietas, nec sitis adessent.

Signa-bona

Intra tertium & quartum diem in

benignis contigit eruptio. Nox antecedens plerumque gravis exstitit & inquieta, anxietatibus, tremoribus, phantasias, haemorrhagiis, quin non nunquam epilepticis commotionibus, quidam etiam bis vel ter dejecerunt. Tum comparuerunt primum maculae rubrae, magnitudine differentes, quandoque exiles & successive increcentes, quandoque latæ, in distinctas postea pustulas coeuntes. Factum id primum in superioribus, postea manibus pedibusque copiosissime, tum cruribus pectori ac dorso parcus & in abdomen parcissime. Cum iis in facie effloruerunt simul in faucium, & laryngis internis, labiis & lingua, tumque obortus dolor, ardor, pruritus ac tensio harum partium. In ipsis quidem oculorum tunicis vidimus nullas, sed in superciliis & palpebrarum internaæque ac externa facie collectim considentes. Unde acerbis oculorum dolor, pruritus & ardor, & sexto die, accedente facie intumescientia, eorum occlusio ad suppurationem usque durans. Interim promte satis successit eruptio, & ubi pauciores, quinto, ubi copiosiores, sexto die penitus fuit absoluta, symptomata vehementiam posuerunt, pulsus antea concitatissimus, nunc tranquillus, æqualis & fere naturalis, somnus placidus, mens sibi constans, & pectus ab angore liberum redditum.

Malum autem fuit, quando protinus secundo, vel in principio tertii diei, variolarum apparuerunt in facie vestigia, vel his interjectæ pustulæ varos referentes, vel etiam exant hemi miliare, rubrum aut album; & vicissim quando septimo demum vel octavo die, novæ eruperunt ob materia copiam & naturæ imbecillitatem variolæ. Malæ etiam fuerunt, quæ non rubicundæ, sed lividæ, pallidæ, aut fuscae, sessiles item, durae & arideæ, cum sovea in medio. Pessimæ, quæ facta eruptione, symptomatum non attulerunt levamen. Seri præterea copiosa effusio, sive per su-dorem,

dorem, sive per urinam, in adultis per alvum, sive salivationem, cum morbo incipiens, & sub eruptionis &que a suppurationis tempore durans, ut plurimum observata funesta. Mictum ramen cruentum, frequens alias malignarum symptoma, non annotavimus, sanguinem autem ex sinistro oculo, mirum statim tumescere, in puer quinto die mortuo, manasse, novimus. Quibus prævia horripilatione, sub erecto corporis situ, vel ob animi commotionem, disparuerunt variolæ, ingens accidit anxietas corporis que debilitas, & haud leve vita periculum. Qui mortui, quinto, sexto, vel septimo die obierunt, vel delirio cum convulsione, vel sopore cum convulsione, aut tetano, posteaquam prævio notabili horrore, evanuiscent cuncta ferme exanthemata.

Suppu-
gationis
succe-
sus in
bent-
gnæ.

Sexto die in benignè indolis inchoavit suppuratione, ac uti eruptio gradatim a superioribus ad inferiora processit, nono die ut plurimum, in copiosioribus undécimo, quin decimo demum septimo die, desinens. Elevatae tum sunt sensim pustulæ, molles, albæ, rotundæ globosæ comparuerunt, limbum rubicundum & pus bonum ex albo flavescens contraxerunt, cutis interjecta tensa, facies & manus, rarius pedes, intumuerunt, & vultus quidem adéo, ut palpebræ clauderentur. Successit ardor, rubor, dolor & tensio in facie potissimum & manibus, accensa denuo febris cum pulsus celeritate, inquietudine & præcordiorum anxietate, in quibusdam, licet innoxie, extremitum tremore. Fuerunt symptoma hæc jam mitiora, jam vehementiora, pro majori, vel minori, papularum in partibus præsertim extremis copia. Leniora etiam eadem observata, in infantibus, feminis, sanguineis, sanguineo phlegmaticis, sero abundantibus & laxiori curis habitu præditis. Graviora vicissim in adultis, cute stricta, tensa ac dura, & ubi pustulæ profundiores. Nonnunquam in adultis complicata frequens

salivæ ejactio, in infantibus diarrhoea, ut quotidie ter quater dejicerent, interdum cinerei coloris, interdum purulenta plane, sine damno tamen. In vigore suppurationis, in iis maxime, quibus alvus per aliquot dies clausa, prodierunt aphæ, cum ardore & dolore inflammatorio & viscolorum humorum in os confluxu, externis ut plurimum tempestive discusse.

Contra ea mali ominis fuit, quando *E& mæ-*
pustule non elevatae, nec sanie reple-*ligne*
te, sed depresso manferunt, vacue,
instar corticis pisí, item si livide, ci-
nereæ & viridescentes aut in medio
foveola nigricante conspicue. Quod
postremum quidem non semper lethale
indicium fuisse notavimus, aliis be-
nignis symptomatibus concurrenti-
bus; minimum tamen alieni coloris
papulae profundius subiectam cutem
eroferunt. Periculorum dein animad-
vertimus, si in facie, vel manibus,
tumore exiguis, aut plane nullis, aut
etiam subito iterum disparens: quando
saliva non bene fluxit, sed viscosa
fuit, & circa decimum, vel undecimum
diem pectus cum suffocationis metu
oppreffit: neque minus in anticipi-
versati, quibus saliva a primo morbi
insultu eo usque copiose effluxit, qui-
bus licet rarius id factum, diarrheæ
accidit, cruentus vomitus, aut alvi
secessus. Maximum periculum im-
minuit a graviori inflammatione,
acerbiori dolore sicco, tensione, pulsu-
cito, intensa inquiete & anxietate sti-
pata; tanto certius, quando frigore
& horrore interpolata, ægri de inter-
no ardore & siti & externo frigore
conquesti, inflammatio hæc ut pluri-
mum mortis fuit causa. Febrem enim
accendit maxime æstuosam, delirium
fecit, vigiliam perpetuam, inquietu-
dinem maximam & corporis in le-
cto jactationem, quæ demum exce-
pit horror notabilis, pustulas albas
reddens, ac demum convulsio letifera.
Factum id maxime in adultis,
die nono, undécimo, aut decimo
quarto. Infantes autem plerumque:

perierunt suffocatione, procul dubio, quod fauces interius copiosis pustulis obfessæ & variolosi humoris acrimonia ipsos nervos pneumonicos tunicalque nerveas in spasmodicam exiitalem adduxit contractionem.

*Singula-
ria in
suppu-
tatione.* Ex singularibus observatis fuit, quod sanguis ex papulis suppuratis stillare visus in binis infantibus, uno trium, altero octo annorum, illo evadente, hoc decimo sexto die mortuo, posteaquam die quinto cutis utriusque manus, & die nono crurum, colorem ex atro brunum contraxisset, in luculentum sanguinis subsistentis in sphacelum proni indicium. Duo etiam alii servati, qui non debita perfuncti suppuratione, sed ingentem copiam furunculorum ardentium loco hujus in universo corpore naclti, simul passim efforescentibus maculis latis, rubicundis, ardentibus.

*Exsiccac-
tionis
pheno-
mena.* Qui suppurationem superarunt, in iis, si clementes pustulæ, nono, si copiosiores, undecimo, si copiosissimæ, decimo quarto die, detumuerunt iterum partes, ardor imminutus, pulsus sedatior, somnus quietus, pustulæ sanie turgidæ factæ, maturuerunt, & vel sponte dehiscentes, vel perforatae, pus fuderunt coctum. Id eadem ratione ac in eruptione & suppuratione, factum primum in facie, postea in manibus, ac tandem in pedibus. In dorso autem & pectore molliores semper manserunt, nec tanta copia puris repletæ sunt, nec crustas crassas conceperunt, forsan, quod ob poros magisib[us] apertos, & calorem, materia non tam glutinosa & arida fieri potuerit. Matura pustulæ dein sunt corrugatæ, fossulam in medio naclæ, exaseruerunt demum & deciderunt, non sine ardore & pruritu relicto. Quod, quo citius confectum, eo minus subiecta cutis exesa est, & foveis deformata, quo tardius, compactis in unum crassis, extus aridis, subtus sanie putridam habentibus, eo magis nœvi & cicatrices deformantes superfuerunt. Contigit id maxime in iis, quæ tem-

pore suppurationis & exsicationis cinereæ & viridescentes apparuerunt, nec non ex ægrotis his, qui scalptu intempestivo minus matras lacerarunt, earumque debitam exsiccationem sic impediwerunt.

Absoluta exsiccatione, orti in quibusdam furunculi & abscessus minuti, *Et poss
eam pa-
rthem-*

omnem corporis ambitum cum dolore, ardore & febribi calore obsidentes. Aliis accidit temporaria manuum pedumque imbecillitas, vel contractura, balneis & linimentis spirituosis promte in plurimis quidem abacta, in nonnullis tamen cacochymicis & maturam opem negligentibus, transiens in ulcera circa articulorum epiphyses ægerime sanabilia, quæ incongruis remedii in pessimas & tabificas fistulas degenerarunt. In ferolis & catarrosis successerunt tumores glandularum, in primis colli, insignes, duri & renitentes, emplastris tamen emollientibus & discutientibus feliciter cedentes. Infantibus præsertim & adolescentibus, post variolas frequens fuit malum epiphora, sive continuum lacrymarum stillicidium, cum dolore, rubore & luminis intolerantia. Cui, nisi cito occursum, turbidi redditi oculi, & tenues in cornea enata tunicae, visum quodammodo imminuentes. Qui nimis cibos gravis materie assumerunt, vel carnes avidius comedenterunt, aut præmature ledos surgentes, corporis experti sunt refrigerium, incurrerunt de novo anxieties, vomitus, immo diarrhoeas, magna quidem cum debilitate, sed sine periculo.

Jam in debellanda epidemica hac *Penitus
arcere
non po-
tuunt
sed mi-
optimum
tione
tamen
reducere
vitæ temperan-
tiam, victum laudabilem, natura-
cujuscumque accommodatum, abli-
mentiam a liquoribus spirituosis & ca-
lidis inebriantibus, & animum tran-
quillum, tantum effecisse, ut paucæ, be-*

nigrae, & periculi ut plurimum exper-
tes variolæ in cutem exiverint. Tan-
to certius, quando frequens usus pul-
veris absorbentis, præcipitantis, ni-
trosi, adjunctus. Ii quoque, qui pri-
mam regionem aliquoties a lordibus
repurgarunt, minus copiosas minori
periculo sunt nacti. Sed clementibus,
rhabarbarinis, tamarindinatis, man-
natis & tartareis, non vero aloeticis,
cocolynthiacis, acribus & resinosis,
id fuit perficiendum, optime ante
morbum, priusquam sanguis a mias-
mate infectus; licet id sine damno
etiam factum neverim, quum prelo
jam essent symptomatum nonnulla.
Vomitoris autem uti, interdixerunt
ut plurimum circumstantia, licet alio
tempore eadem alexipharmacis nupta
apprime profusa deprehenderim. Ne-
que universalis fuit illa variolarum
copiam arcendi methodus, quam post
Sydenhamum, Waldschmidium aliisque
celebres in Hassia Medici dilaudarunt,
per crebriorem spirituum mineralium
acidorum bene præparatorum, ante
infectionem, vel etiam primis morbi
cœtus, usum, sub temperato tan-
tum regimine. Non enim potuit hoc
remedium, omnietiam diligentia ad-
hibitum, extinguere malignitatem
in nonnullorum languine, nec vario-
las numerosas declinare. Quin obser-
vavi, complures ex illustribus, ali-
quot antivariolosi liquoris absumisse
ante & post invasionem uncias, nihilo
tamen secus copiosis conspersos
fuisse pustulis, vehementissimis sym-
ptomatis stipatis. In quibus id præ-
terea singulare fuit, quod papulae sic-
cescentes magnam exulerent corro-
sivitatem, profundius lerpendo & de-
pascendo subjectam carnem, insigni-
cum dolore, ardore & inquietudine.

Quid facit unum an-
ibile caloris temperamentum com-
pare erat mendavi, & suasi, ut quamdiu vires
*ferreat, lectum vitarent, aut min-
imum calicitris ex corio, minus calen-
tibus, uterentur. Ab omnibus etiam*
calidis, expellentibus, sic dictis ale-

xipharmacis & bezoardicis, volati-
libus, ipsa bezoardica tintura, ab-
stinui, præse. im in juvenili & flori-
da ætate, in sanguineis atque pletho-
ricis. Laudatissimus inventus spiritus
nitri probe dulcificatus, (cujus loco
jam inventum a me liquorem anody-
num mineralem, majori adhuc cum
fructu, usurpare soleo) cum anatica
portione syrapi papaveris erratici mi-
xtus, additis aliquot mixture simplicis
guttis. Frequens etiam fuit usus pul-
veris temperantis, ex matre perlari-
um, antimonio diaphoretico, cornu cervi sine igne parato, cum tantillo
nitri puri. Et vehiculum præbuit
aqua scordii, scabiosæ, florum tiliæ,
fambuci, papaveris rheeados & cera-
forum nigrorum. Eadem quoque u-
surpata, ubi malignitatem prodiderunt
symptomata, & præterea pulveri pro
una dosi adjectum vel dimidium gra-
num theriaceœ cœlestis, vel momen-
tum camphoræ, cuius præstabilem
virtutem cum nitro in malignis va-
riolis semper deprehendi.

Ingruente eruptione, præscripta *Sub erup-*
tione. ut plurimum emulso, ex aquis florum
fambuci, acacia, sœniculi, scabio-
sæ, scordii, cerasorum nigrorum,
seminibus napi, aquilegiæ, cardui
mariae, cum matre perlari & jula-
picio rosaceo. Tum etiam corpus cura-
tius a frigoris accessu defendere jussi,
& calorem, præsertim die quinto &
circa noctem, tantisper intendere,
ita tamen ut subjecti semper habere-
tur ratio, nec non diversæ ætatis, tem-
periei, copiæ vel motus sanguinis.
Docuit enim experientia, deficiente
calore externo sufficiente, erupcio-
nem, in infantibus potissimum &
phlegmaticis, minus expedite succes-
sive, pustulas jam protrusas iterum
collabi lenteque refugere cœpisse, re-
licta quadam præcordiorum anxietate.
Hinc quando in cutem iam ple-
nius ivissent variolæ, ad expellendas
reliquias, essentia scordii probe satu-
rata, vel liquore bezoardico Buffia-
no, eum liquore anodynō minerali

remixto, cum fructu sum usus, tanto magis in malignis.

Suppuratione. Exulcerationis tempore, si ob naturæ segnitiem pustulæ manserunt depressæ, & elevationem tenuerunt, prestantis fuit facultas myrrhæ, aliquot granis, cum pauxillo croci & pulvere bezoardico oblatae. Sed non nisi in principio: in statu enim suppuratiois inflammatoria febris a myrrhatis increvit. Néque unquam usurpata hæc, ubi suppuratio sponte recte successit. Urgente in exulcerationis vigore æstu & ardore, emulsione institi, substituto in locum seminis napi, semine papaveris albi, & in locum julepi rosarum, syrupo papaveris.

Exsiccatione. Absoluta suppuratione, siccescentibus jam in facie & manibus pustulis & febre defervescente, proficuum observavi pulverem ex lapidibus cancriorum, antimonio diaphoretico, myrrha electa & croco, qui exsiccationem & consolidationem, balsamica & temperante sua virtute egregie promovit. Per totum præterea morbi decursum, loco cerevisiæ, decoctum ex cornu cervi raspato, radice scorzonerae, hordeo mundo, semine foeniculi & sicubus, tepefactum bibere jussi, cum emolumento; sed infusa calida herbarum veronicae, scabiosæ, herbæ thee, eruptionis & suppurationis tempore, liberaliter pota, minus proficia deprehendi.

Symptomatum melico, hemorrhaie. Ex symptomatibus narium hæmorrhagia caute fuit excipienda: si enim principio statim repressa, sanguis cum impetu ad caput latus, phrenitidem, vertiginem, deliria, aliqua horrenda symptomata intulit. Si nimium excretum, defecitus ad expellendam extrorsum variolarum materiam. Optimum igitur sub profluvio pedes a refrigeratione defendere, interius usurpare diaeordium *Fracastorii* cum nitro, & externe, si effusio excretio, naribus attrahere & collo atque temporibus repide apponere acetum rosaceum cum camphora.

Ad delirium in eruptionis puncto nimis atrox, nec emissis jam in cutem variolis cessans, componendum, ne in phrenesin mutetur, expertæ virtutis fuit: spiritus vini camphoratus, cum oleo ligni Rhodii, tam naribus haustus, quam repide iterato fronti & temporibus admotus. Adversus præcordiorum anxietates, tremores, inquietudines, pavores in somno, convulsiones, horrores, & variolarum retrocessionem, probati usus hoc: recipere essentia castorei paululum insipiatæ drachmam unam, camphoræ grana tria, extracti croci granum unum. Quo præsentissimum ægris levamen allatum.

Diarrhoeas sistere periculose fuit; Diarrœa si tamen vehementia & virium defœtus ursit, pulvere bezoardico cum chaccarilla cortice, id præstitum. Nec prætereunda nitri in compescendis his alvi fluxibus facultas, experientia, contra vulgarem sententiam, multoties confirmata.

Faucium, laryngis & cesophagi ardorem ac dolorem ab infidentibus pulsulis, lenire & ab ulteriori infessu defendere jussi decocto florum sambuci, liquiritæ, ficuum, nec non solo late calido, cum sicubus & croco decocto. Si anginosa subfuit inflammatio, juvit aqua florum sambuci, cum robiamoron, nitro & croco. Aphthæ & labia dolentia inuncta mucilagine semen cydoniorum. Eadem mucilago cum aqua florum sambuci & roseum extracta, adjecto croci & camphoræ momento, mirifice profuit in pruritu, ardore & rubore oculorum, nec non ad eos, si clausi, aperiendos, Nares obturata litu olei amygdalarum dulcium, vel lini, adaptata.

Crustæ papularum duræ emollitæ, & cutis subtus ab acri humore exela consolidata linimento ex tinctura tartari, essentia myrræ, oleo amygdalarum dulcium & camphora. Ad delendas, decisis crustis, cicatrices, conducibile fuit unguentum ex axungia humana, spermate ceti, saccharo saturni,

turni, magisterio bismuthi & oleo tartari per deliquium. Resistantia de-
mum ulcera unguento de cerussa cam-
phorato utiliter tractata.

Observatio de ve-
ne factio-
ne opia-
ris & pa-
paver-
ceti.

Cæterum sanguinis missio, neque ad præservationem, neque ad curatio-
nem, utilis observata. Ab opiatis &
soporiferis interius abstinui, aliorum
medicatione edocetus, inde in variolis
copiosis majores obortas anxietates, &
ante exquisitum suppurationis tem-
pus, periculosem soporem cum tre-
more & membrorum succussione suis-
se suscitatum. Papaveracea autem le-
nissima, semen papaveris albi in
emulsione, aqua papaveris rheadous
ejusdemque syrpus, utique fuerunt
saluberrima.

Conclusus. Atque hæc est illa methodus, & hæc
sunt remedia, quibus ego usus sum in
magnis ægrotantium, centum mini-
mum & quinquaginta numero, e qui-
bus aliquot illustrissima multique ge-
nerosa stirpe geniti, hac in academia
tum commorantes. Felix etiam fuit
per DEI gratiam successus, maxima
pars evasit, & vigesima vix mortua, &
ex his maxime, qui malignis affecti.
Servavi postea eandem semper me-
dendi rationem, & tringita qui inde
elapsi sunt aenorum experientia con-
firmatum habeo, vix illa alia in va-
riolarum morbo proficia esse atque
accommodata.

OBSERVATIO II.

Patho-
mata in-
sensu-
solita ex-
alvo ob-
structa
in vario-
lis.

Generosus adolescens, exquisiti-
sensus, activæ indolis & macilens, su-
periori anno variolis affectus est, que
fine vehementia symptomatum, pla-
cide satis & ordinate in conspectu ve-
nerunt. Quum vero circa sextum diem
ad suppurationem accederent, præter
opinionem miris afflictus est præcor-
diorum anxietatibus, conquestus simile
de dolore abdominis, inquietus fuit,
somnum capere non potuit, & desider-
di stimulus ipsum dimidia quavis hora
electo surgere coegit, sed sine secessu.
Licet autem hæc ultra diem & no-

tem urgerent, æstus tamen nec in-
tensior, nec pulsus celerior factus.
Ego accessitus in consilium, inquisi-
vi, num sub morbo jam dejecerit
responsum tuli: nec in morbo, nec,
quantum quidem recordari posset, tri-
duo ante ipsum id esse factum. Illico
igitur injicere jussi clysterem emol-
lientem, oleosum, cum modico salis,
flatuum vero & excrementorum reni-
sus non totum, sed tertiam vix par-
tem admisit; ad sellam tamen expertus
est instinctum, ibique persensit in-
hærens orificio ani sterlus durum &
grandi mole, licet egerendi irritus es-
set conatus. Hinc iterato enema in-
fundere jussi, & interius dare non du-
bitavi ptisanam mannatam, cum cre-
more tartari & oleo amygdalarum
dulcium. Soluta inde alvus & per ali-
quot sedes incredibilis fere scybalorum
induratorum copia egesta, æger
etiam a prioribus symptomatibus libe-
ratus, somnum recepit, variolæ rite
suppurationem subjerunt, & cura reli-
qua ex voto succedit.

Epicrisis.

Quale sit alvi beneficium, in omni
morbo querendum: si enim quis in
morbum, maximeque in variolas &
morbillos, in quibus ordinario primis
diebus alvus adstricta, incidit, & in-
testina jam tum stercorum copia far-
cta, magna non possunt non insequi
pathemata, quorum causam medicus
vix percipere valet. Hinc in quocon-
que morbo ab initio statim prospici-
endum, ut alvus ab excrements sit de-
pleta, sive id commodissime fiat per
enema, sive per laxans internum.

OBSERVATIO III.

A matre hysterica, inordinate vi *Variole-*
mali mo-
ris ex vi-
infantes. Hos anno 1718. cor-
ripuit variolarum morbus publice suci.
grassans. Is licet non adeo mali esset
in aliis moris, in his tamen insolita
habuit pathemata. In uno quippe,
puero

puero quinquenni, eruptio, licet febris cum consuetis symptomatibus adesset, per octiduum duravit, & suppuratio etiam longius quam fieri suevit, potracta fuit. In altero, pueru quatuor annorum, secundo statim die prodierunt, interspersis maculis asperioribus quasi purpuraceis, astus & pulsus per totum morbum fuit idem praternaturalis, pustulae manserunt sessiles, pus non conceperunt, & plurimæ punctulo nigro fuerunt conspicuæ. Et in sorore, puella septenni, variolæ confertim occuparunt fauces & guttura, ut vix solidi vel fluidi quidam deglutiire, quin spiritum trahere posset. Nihilominus usu convenientium & tutissimorum remediorum, temporis beneficio, discessit hic morbus. Sed quum appetitu redeunte, plus ingererent, quam debile corpus ferre posset, nec rigidam & ventosam auram vitarent, factum est, ut in tribus his infantibus passim orientur doles & tumores in articulis, junctura praesertim cubiti, in digitis manuum, plantis pedum, ipso etiam in collo, cum febre lenta. Medicus & chirurgus omnem quidem contulerunt operam; nihilo tamen feciussata inde ulceræ ferina, carnem excendentia & ossa cum nigro corrumpentia, accessit tabes & virium maxima prostratio, ut etiam pueri bini sub initio tertii mensis fatis cederent. Puella autem, non adeo malignis ulceribus affecta, servata: ego quippe in consilium vocatus, pro potu suasi emulsionem ex decocto hordei, seminibus cucurbitæ & melonum cum faccharo. Sumtus cum hac pulvis noster bezoardicus, crebriori, sed parciori dosi, adjectis quandoque aliquot granis reguli antimonii medicinalis, quandoque nitri. Ad alvum laxandam datum syrups rosarum solutivus cum extracto rhabarbari & mercurio dulci, omniaque hæc per aliquot hebdomas continuata interius. Exterius vero ulceribus putridis injectum balsamum nostrum vulnerarium, cuius

principale ingrediens balsamus sulphuris antimoniatus, cum oleo terebinthinæ paratus, idque potissimum, remixtum cum essentia myrræ, succini & balsamo Peruviano, miram præstitit opem in ulcere quatuor foraminibus in olecrano hiante. Tumori bus quoque indolentibus ac duris, quibus pedes passim obseSSI, impositum emplastrum Vigonis de ranis, aucta mercurii portione & admixtis floribus sulphuris. Quibus demum intra aliquot menses ex mortis faucibus erupta puella.

Epicrisis.

I. Feminæ valetudinariæ, si ute-
rum gerentes minus ægrotant, infantes edere solent infirmos, & potissimum in variolis & morbillis graviter decumbentes, & credibile, in embryonem impuros matris succos defluxisse.

II. Variolarum morbus in se satis mitis est, si benignos in corpore offendit scacos, earumque materia non adeo est virulenta; contra ea, quando in corpus incidit impurum & fermentum a prima nativitate contractum malignum, pessimi genii emergunt variolæ, licet tum in aliis admodum sint benignæ.

III. Ubi exanthemata variolosa malignæ ex symptomatibus cognoscendæ sunt indolis, nunquam iis fidendum, etiam si jam aruerint & lapæ sint pustulae. Ita enim sanguinis & humorum massam inquinare solent, ut accidente improba vietus ratione, perspiratione intercepta & negligèta repetita prime regionis & ipsius sanguinis repurgatione, postea inféquantur gravissimi & lethales morbi, apostemata, abscessus in internis partibus, in mesenterio maxime & pulmonibus, cum febre lenta & hectica, in externis vero pessima & foeda ulcea cancrosa, exedentia.

IV. Quæ autem tum variolas excipere solent mala, non aliter oppugnanda, ac morbi, qui extremæ humorum corruptioni debentur. Unde

memini, a peritis medicis & chirur-
gis ejusmodi maligna ulcera inunctio-
ne leviori cum hydrargyro, item mer-
curio dulci cum laxante dato, nec non
decoctis temperatis, cum antimonio
crudo, fuisse persanata, modo febris
abstinet.

OBSERVATIO IV.

Scabies, furunculae, morbilli & variola in uno successi. Juvenis literarum studiosus, vixtus & vivendi rationis incuriosus, scabie humida & pustulosa per aliquot menses laboravit, liberatus decoctis & linimento, quod pro basi habebat flores sulphuris. Non ita multo post cor-
reptus est morbillis, tum epidemicis, quos pariter evasit. Sed post binas hebdomades efflauerunt sensim in universo corpore furunculi copiosi, quorum nonnulli insigni inflam-
matione slipati, in profundos ægre sanabiles abclcessus abierunt, donec decoctis mundificantibus, laxantibus appropriatis, maxime mercurialibus, & lenioribus diaphoreticis, sanaren-
tur tandem. Elapso inde circiter mense, denuo in variolarum incidit mor-
bum, gravibus symptomatibus incep-
tentem. Erant enim maxima ex parte confluentes, septimo vix die, licet febris adesset, comparuerunt, ægre quoque subierunt suppurationem, de-
pressæ potius manserunt, nec post erupcionem pulsuum frequentia ex to-
to remisit. Egregium tamen levamen
æger obtinuit solutione myrræ &
croci in dilutiore liquore salis tartari,
a cuius usu ad sensum successit suppura-
tio, & variola cum symptomatibus ad legitimum decursum traductæ.
Continuatus igitur longius hujus re-
medii usus, siccatis etiam jam & de-
cidentibus pustulis, & notabile fuit,
sob ipsa suppuratione alvum quotidie
sponte vel lepries fluxisse, æstumque
febrilem, qui tum aliæ auctior, fuisse
mitigatum. Quo etiam factum,
ut juvenis hic integrum penitus re-
cuperaret sanitatem.

Epicrisis:

I. Variolarum & morbillorum ma-
teria, sive, ut ita loqui liceat, fer-
mentum, neutquam in malsa sanguini-
nis & humorum delitescit, neque et-
iam a sola impuritate, sive cacochy-
mia humorum venit. Alias enim re-
purgatis in hoc juvete per scabiem &
furunculos sanguine & succis, non am-
plius potuisset habere locum. Hinc
potius credibile, materialem horum
exanthematum causam infixam esse
firmius tubulis partis cujusdam stabili-
lis, ibique, haud secus ac cancri &
canis rabidi virus, tam diu occuli,
donec a contagio, vel specifico quo-
dam liquido, vel aere in actum dedu-
catur & sui juris fiat.

II. Alvi fluxus, non, ut vulgaris
est sententia, in hoc morbo adeo est
pertimescendus, nec suppurationem
semper impedit, nec materiam ad in-
teriora vocat, sed in variolis etiam
mali moris, saepe, expurgando ex-
crementios succos, in salutem cedit,
haud secus ac febres malignas diar-
rhœa haud raro solvi novimus.

III. Solutio myrræ, cum croco,
in liquore alcalino minus spirituoso,
egregia omnino ad sanguinis depura-
tionem, sulphur blandum & balsamicum
vappidis humoribus reddendum,
& ad præscindendos multos, qui va-
riolas excipere solent, graves affectus.

OBSERVATIO V.

Binæ puelle gemelle quatuor anno-
rum, quarum una habitior, grandior,
animo segnis & torpida, altera mac-
lentior, statura minor, animo au-
tem magis sentiens & vegeta, uno
tempore eundem variolarum mor-
bum incurserunt, sed in alterutra di-
verso modo & eventu succedentem.
In utraque erant confluentes, sed in
obesiori illa tardo admodum, die se-
ptimo, prodierunt, pus contrahere
noluerunt, in facie & manibus fuer-
unt sanguinolentæ, & apertæ serum
plorarunt sanguineum, ægram inten-
suum

rim miræ discruciarunt anxietates, cum febre & siti continua somnoque defectu, donec undecimo die exspiraret. Altera vero omnia habuit mitiora, tertio die venerunt papulae, non aruerunt, deciderunt, & ipsa mox convaluit.

Epicrisis.

Infantes hec eodem succo matris nutritæ, eodem vietū & regimine usq; ei- dem morbo implicitæ, eodem contagio infectæ, eadem methodo iisdemque medicamentis tractatæ sunt, plane dissimili tamen successu & eventu. Patet igitur, sanitatem corporis, animi viriumque integritatem, morborum originem, decursum & finem, non tam a causis externis, cibo, potu, aere, regimine, quin medicamentis, dependere, quam potius a peculiari, & specifica partium solidarum structura, proportione & dispositio- ne, & hanc ob id omnino magis a Medico esse considerandam, quam solam conditionem fluidorum horumque naturam.

OBSERVATIO VI.

Variole primo die funesta. Juvenis succulentus & sanguineus, generosus, cuius familiæ variolarum morbus maxime fatalis, degerat ruri & autumnali tempore venationi, & mane, & in seram usque noctem, plus justo sub cœlo pluvioso ac nebuloso indulserat, & postea huc delatus, crapa- pula ex vino & esu ostrearum corpus debilitarat, & stomacho vim fecerat. Altero die post incidit in variolarum popularem eo tempore morbum. Invadit quippe eundem primum horror & vehemens anxius æstus, in sequente nocte admodum inquieta. Die post impatiens fuit, conquestus de exquisito spinæ & capitis dolore, delira & absonta multa protulit, & alvus fuit adstricta. Injectus hinc ad avocandos a capite humores clyster, quo alvus respondit. Data quoque æstum refrænantia, acidula, nitrofa, pulveres precipitantes & absorbentes. Inde

mitigatum delirium, & intra tertium & quartum diem eruperunt in facie maculæ exiles, aciculæ capitis magnitudine, simulque pustulæ asperæ miliales albæ & rubræ. Quinto die manus & pectus occuparant pustulæ, tam numerosæ, ut vix spatum inter ipsas esset relictum. Hoc facto, remiserunt quidem symptomata cum æstu, pustulæ autem ægre maturuerunt, facies justo minus intumuit, pulsus semper mansit frequens, & septimo die tam exquisitus ardor & dolor tensivus in manibus obortus, ut plane esset intolerabilis; lectum & locum mutare voluit æger, frigidaque ad manuum incanditum resinguendum contrectare; somnus aderat nullus, spiratio vero anxia & difficilis, & peccus obfussum humorum copia, suffocationem minitante. Applicata enemata, exhibita emulsiones cum pulveribus bezoardicis ac temperantibus, sed omnia incassum, eodem potius die accidit extremorum refrigeratio, subsequente convulsione & brevi post ipsa morte.

Epicrisis.

Haud adeo infrequens est, variolas certis familiis magis esse infestas atque funestas, cuius tamen causa minus cognita. Id vero in comperto, multum ad pessimam variolarum naturam conferre corporis refrigerationem, in- gluiem incongruorum & ebrietatem. Quæ si præcesserunt & paullo post morbus impetit, expedit omnino, antequam tota œconomia motuum turbetur, colluviem ex primis viis idoneo laxante vel emeticō exturbare. Prima enim regionis sordes mirifice impediunt materiæ variolosæ salutarem exitum, immo vim morbi augent. Et si tum natura alvi movet fluxum, egregie pro sanitate est. Ut plurimum vero variolosi moriuntur convulsione, quæ suscitatur ab intolerabili æstu ac dolore in suppuratione pustularum, in primis si cuti profundius insident, corpus juvenile est ac tenerioris texturæ.

OBSERVATIO VII.

Variola in lactan- Subito corripiebatur infans lactans unius anni motibus epilepticis, qui *et cum detinione* singulis horæ quadrantibus impetenates, per 24. horas infistebant. Protrumpebant inde dentes canini & aculeos visui & tactui sistebarunt, die post comparebant etiam variolæ, non ut ordinarie solet, sed primum in manibus & pectori, & postea in facie. Nutriri magis quam tenello dabantur medicamenta. Huic quidem præter pulvarem Marchionis, cum specifico cephalico Michaelis, fere nihil, & illi pulvis bezoardicus noster cum præcipitante remixtus, elixir pectorale crocatum & liquor ex myrra, croco & salis tartari solutione. Quibus & dentitio & variolæ succederunt feliciter.

Epicrisis.

Non mirum eruptionem, & dentitum, in primis caninorum, & variolarum, tam atroces præcessisse insulæ epilepticos. Quod autem variolæ serius in facie effluerint, id procul dubio tribuendum spastici tractionibus & stricturis ex dentitione in hac regione vigentibus, poris inde nimium coarctatis, materiam impuram non admittentibus. In lactantibus tenellis variolis affectis, medicamenta magis nutriri sunt præbenda talia, quæ acrimoniam imbibendo, succum chylorum & nutricium dulcem ac roscidum reddunt, quo materia caustica, quam optime cicuratur ac temperatur.

OBSERVATIO VIII.

Variola maligna post sita crevitum lethales. Adolescens generosus incidit in variolas, non quidem confluentes, nec nimis copiosas, nec intensa febre, nec alii gravibus symptomatibus stipatas; pulsus tamen absoluta etiam ferme eruptione debilis & frequens mansit, somnolenta adfuit fere continua, æger semper & a somno magis languit, pustulæ elevatae quidem, sed pelluci-

do humore plenæ, in medio compianatae, & nonnullæ punctulo nigro insignitæ. Nono die, æger e lecto, ab adstantibus sternendo, levatus, sellæ in conclavi calido & stragulis tectus impositus est, sed per quadrantem vix horæ erexit sedens, rogavit, ut in lectum ipsum cito transferrent propter obrepentem animi defectionem. Factum id. Concederunt tamen subito papulae, pedes frigefacti, pectus oppressum, spiritus interclusus, & subsequi motus convulsivi, quibus post aliquot horas æger extinctus.

Epicrisis.

Malignitatis characteres habuerunt hæ variolæ a principio statim, pulsus, somnolentiam cum virium lapsu, pustulas pellucidas, in medio depresso & nigricantes. Sub ejusmodi morbi facie & virium languore, semper admodum perniciosum, ægrum paullo diutius in erecto situ servare. Languidior enim cordis pulsus non sufficit ad trudendum perpendiculari via versus caput sanguinem, unde animi fit deliquium, sub quo motus sanguinis elongescit, ad interiora convertitur, corroboratur, extrema frigent, cutis contrahitur, materia virulenta ad interiora & nervosas partes repellitur, in capite sanguis stagnat, & convulsione demum facit lethalem.

OBSERVATIO IX.

Generosa virgo, quatuordecim annorum, grassantibus variolis de ingenti capitis & lumborum dolore conquerebatur, cum astu præternaturali, *Emeticolum laxans in eruptio-* *ne vario-* *larum cù* *fructu* *datum.* siti & corporis lassitudine, cutis mox horrebat, mox calebat. Medicus vocatus, variolarum morbum subesse conjiciens, mixturam ex spiritu nitri dulcis & tinturæ bezoardicæ andrachina & scrupulis duobus syrapi papaveris rheados, singulis horis, ad quadraginta guttas porrigebat, sed ægra post hujus usum alimenta omnia

vomitu rejiciebat, & inquietudo cum anxietate & virium prostratione admodum urgebat. Dabatur igitur hæc mixtura: recipe aquæ florum sambuci, acaciæ, cornu cervi citratæ ana unciam unam semis, theriacalis drachmam semis, lapidis bezoardici orientalis scrupulum, spiritus salis ammoniaci guttas X. croci grana tria. Qua binis vicibus assumta, ægra stragulis obtegebatur, & in hypocausto calido ad sudorem cogebatur. Sedabatur vomitus, & intra secundum & tertium diem cum æstu intensissimo prodibant maculae. Sed quum ob calorem ardenter strata removerentur, mox corripiebatur horrore, & maculae illico disparebant, in sequente summa inquietudine, anxietate & vomendi stimulo. Eveniebat hæc vicissitudo aliquoties quotidie, ut bis vel ter aucto calore comparerent, & diminuto disperarent iterum. Medicus certior fatus præcessisse malam diætam & in gluviem fructuum horæorum dulcicium, lacticiniorum, casei & acetario rum, ventriculum & primum intestinum multa obseßum esse saburra ratus est, ideoque, quum præterea alvus per quatuor dies fuisse strictior, hanc in usum vocavit potionem: recipe mannae electæ drachmas sex, tartari emeticij granum, aquæ cardui benedicti uncias duas, mixturæ simplicis guttas deceni. M.D. Assumta hac, plus quam decem sequuti vomitus, puitæ viscidæ & subviridis, nec non aliquot secessus. Postea data essentia theriacalis, cum aqua liliorum convallium, paulisper spiritoosa, qua vomitus & alvi fluxus sedatus, anxieties omnes remiserunt, & diffuso per universum corpus calore æquabilis, copiosissimæ cum impetu quasi in facie, manibus, pectori & pedibus eruperunt variolæ, stationem servantes & suppurationem quam optime subeuntes, sine scavis symptomatibus. In primis plantæ pedum variolis fuerunt refertæ, sub cute ibi crassiori delitescentibus, & sub exulceratione graves susci-

tantibus dolores, qui tamen spiritu vini camphorato cum oleo amygdalarum dulcium deliniti, secedente in exsiccatione cute totius plantæ.

Epicrisis.

Nil certe pejus est, ac si variolarum morbus invadit corpus, in quo ventriculus & primæ viæ cruditatum colluvie obseßæ. Inde enim augentur anxieties, spastmi invalescant, & ad extremam cutem diffusi, horripilationem ibi faciunt, ejusque constrictiō nem. Inanis hinc labor est, tum expulsionem internis & calore extre mo urgere, quin noxius ante debitum eruptionis tempus, eo quod vi pulsæ variolæ admodum sunt instabiles, & cum pathematum exacerbatione iterum recedunt. Utile potius ventriculum convenienti laxante & emetico a saburra deplere, quod etiam ipsa natura per nauseam & vomendi desiderium innuit. Patet igitur, emetica, ante eruptionem data, non tam facile nocere, sed potius, levata ab onere natura, eandem promovere. Sed imperitus non facile imitetur heic facta cum fructu. Semper enim distinguendum est inter vomitum & conatum vomendi, qui ab illuvie vitiosorum humorum prima in regione, & inter illum, qui ab acrimonia subtili caustica nervosis tunicis inhærente oboritur. In illo utilissima vomitoria, in hoc nocentissima.

OBSERVATIO X.

Puer quadriennis, grassantibus in Nove parentum domo variolis, iisdem, calore re quibus invadere solent, afficitur pa giminis & medicamentis. Mater hinc ipsum inclu dit hypocausto & lecto calido pedibus rum in que lagenam aqua fervente plenam admoveat. Medicus senex confultus omnia habet rata, & præterea ob pa vores & ad promovendam eruptionē spiritum cornu cervi cum essentia catorci porrigit. Sed secundo die insul tus

tus accedunt epileptici , cum anxia & quasi suffocatoria respiratione, somno terroribus pleno , maximaque inquietudine. Me igitur advocant, qui adveniens fenestras provide aperire & stragula nimia removere jubeo , & loco spiritus cornu cervi , spiritum nitri dulcem , cum syrupo papaveris rheados , item pulverem Marchionis, cum nitro & cinnabari exhibeo . Inde post paucum tempus symptomatum vehementia mitigata , penitusque remisit, maculae placide & copiose prodierunt, totiusque morbi curatio ex voto successit.

Epicrisis .

Pessimus, vulgi inprimis , mos est , variolos calidissimo regimine excipere, & pessimum consilium expellentia & sanguinem exagitantia offerre . Pereunt enim hac ratione plures , vel minimum in gravia adducuntur pathemata . Memorabilis de eodem hoc cornu cervi spiritu est casus in *Amanni Medicina critica* , de tribus liberis , a paullo liberaliori ejusdem dosi , eneatis . Hinc laude merito dignus *Sydenham* , qui primus fere hunc errorem detexit , & contrariam plane fusas methodum , temperantia nempe , motum sanguinis nimium sedantia , anodyna & acidula temperata , cum moderato regimine .

OBSERVATIO IX.

Cancroso corruptio in labio post variolas le- Diu admodum tertiana laborarat puella quindecim annorum , qua de- dum discedente , variolæ publice circumcumeentes successerunt , ut illa in has tantum non mutata videretur . Prodibant interim feliciter & sanabantur . Sed ex illicatis iisdem , remanebat macula rubicunda acerbe dolens in labio inferiori , quæ aucto paullatim rubore , cum acri ardore in tumore plane elevabatur . Imposito a balneatore cataplasmate ex albumine ovi & bolo Armena , nigra cum vicina carne comparebat , sine omni sensu . Sphacelum igitur adesse ratus , applicabat deco-

Tom. IV.

Etum sic dictum nigrum , ex herbis amarcantibus , foliis quercus , cum acetato & vitriolo , sed malum longe magis invalescebat , & brevi adeo putrida increscebat corruptio , ut labia cum gingivis penitus absumerentur , ipsique dentes nigrore inficerentur . Admovebantur quidem alia putredini efficaciter resistentia , una cum internis alexipharmacis , sed frustra plane , erga ob id , consumitis post aliquot hebdomades viribus , miserrime pereunte .

Epicrisis .

Causa horrendæ catastrophes vix alia , quam quod variolæ inciderunt in corpus , in quo per diurnam febrem & calorem vires consumtæ , & benigni ac temperati succi dyscrasiam viscidam , impuram , excrementitiam contraxerunt . Quum enim ipsæ variolæ jam ejus sint indolis , ut roscidos corporis succos consumant & putres ulcerationes ob id saepè relinquant ; mirum non est , cancrosam corruptionem intam imbecilli & impuro corpore fuisse subortam . Discant autem hinc medicinam facientes , variolas in sordidis & infirmis corporibus circumspecte esse tractandas , & superatis iisdem , eo quā maxime enitendum , quo dyscrasia humorum per laxantia , diaphoretica , decocta & infusa , tollatur penitus . Plures hac de re legantur observations in *Consil. medicis tom. 2. sect. 4. 197.*

C A P U T VIII.

*De febre Morbillosa .**Theses Pathologicæ .*

§. I.

Morbillosa febris est catarrhalis exanthematica , ut plurimum epidemica , qua motu vitali cordis & arteriarum aucto , materia acris , caustica , inflammans , ex interioribus , nervosis maxime partibus , sub forma macularum rubrarum ad cutem pellitur .

§. II;

In scholis & scriptis medicorum plurumque quidem morbilli simul cum variolis pertractantur . Nec negantur ,

G. dam ,

*Morbill-
osa fe-
bris de-
scriptio.*

*Ejus dia-
gnosis
diffe-
rentia a
varioliis.*

dum, multum utrisque esse affinitatis. Utraque enim febris exanthematica, contagiosa & epidemica, omnibus fere hominibus perperienda; utraque certis temporibus magis, vel minus benigna, & sequitur quam maxime atmosphaerae statum, corporis dispositionem ac temperamentum. Sed mihi placuit morbillorum morbum seorsim perquirere, quum insignis tam quoad causam & genium, quam diagnostin & prognostin, utrilibet intercedat differentia. In morbillis quippe materia non tam pernicialis, non tam caustica, nec exulcerans ut in variolis, febris etiam totusque morbus ob id longe mitior, nec tam multis jugulat. Ante eruptionem morbillorum adsunt quidem pariter inquietudines, pavores in somno, cordis palpitationes, facta efflorescentia cessantes, sed materia magis infesta est pulmonibus, ideoque id singulare habent, quod individus comes sit, russis violenta; ferina, qua infantes sepe per quatuordecim & longius ante dies excruciantur. Præcedit etiam ut plurimum serosi humoris per narres & oculos cum sternutatione & palpebrarum intumescientia secessio. Et hæmorrhagiae quoque tam narium, quam in feminis per uterum, cruentus quin vomitus, morbillis longe magis solennes quam variolis. Præterea non modo mitius, sed & citius decurrit morbillorum morbus & saepe primo die, ut plurimum tamen post tertium diem, prodeunt maculae, pro varia corporum succorumque dispositione diversæ, in aliis latiores & ampliores, in aliis minores, in quibusdam instar morsus pulicorum, modo rubicundi & purpurei, modo pallidioris & magis plumbei aspectus. Maculae hæc non elevantur in pustulas, ut variolæ, sed lenticulari aliquali eminentia planam curis superficiem excedunt, facies & cutis in extremis minus intumescit, & brevi tempore, quinto interdum vel sexto die, ruborem sensim exuunt, & sub auctiori perspiratione iterum evanescunt. Quumque nulla eveniat sup-

puratio, neque dolor & ardor persistunt, sed insignis declinante morbo pruritus in genis, labiis & toto corpore, ægros ad scalptum excitans. Neque etiam foeda relinquunt vestigia, neque ulceræ in articulis & partibus externis, sed supersunt communiter squamulæ furfuraceæ, successive decidentes.

§. III.

Hæc qui novit, morbillos ex facilis ^{Misuga exanthematis} alii cutaneis efflorescentiis discernere poterit. Petechias enim amplitudine & elevatione tantisper notabiliori superant, longe mitioribus etiam symptomatibus stipantur, & malignitatis ut plurimum sunt expertes. In purpura alba, secus ac in morbillis, ex maculis pustulæ exiguae pellucidae surgunt; in rubra eminentia miliares sunt, duræ & asperæ. Rubeola & rossalia ad erysipelaceam magis indolem accedunt, febrem habent irregularem, & præterea in illis exanthematicæ maculae minoris amplitudinis, ac morbilli, in his vero majoris, ut in statu universum corpus quasi erysipelite affectum, videatur. Et scorbuticæ maculae latiores sunt ac morbillorum, coloris obscure rubicundi, ut plurimum sine febre.

§. IV.

Unde vero hujus omnibus communis morbi origo, haud secus ac de va- ^{Ejus origi-} riolarum causa admodum est obscurum. Si tamen probabili ratione concludendum, veri omnino simile est, materiam morbillorum esse ex recrementis primi succi nutriti in utero, vel materni lactis extra uterum, glandulis quibusdam forsan firmius impatis & ex longiori mora corrosiva plane indole imbutis. Sed bona fide hæc ignorare potest medicus, etiam rationalis, dum modo pernicialem indolem ex effectibus ex quo pacto his obviam eundum, sciat.

§. V.

Interim morbilli per se minus peri- ^{Quæma-} culi habent, & sèpius, potissimum in ^{la} signa, plebeis, sine medici opere, debito tan- tum

C U R A T I O.

Cum regimine, iterum discedunt. Interdum tamen, ob praecedentem anomalam, insalubrem, diuturnam temporum constitutionem, malignam habent, epidemici in prius, indolem. Vel accidentales etiam possunt accedere causæ, & gnos in discrimen adducentes. Malignitatem autem prodit virium impensa prostratio, extremitorum frigus, inquietudo summa, vomitus, deglutitio difficilis, mentis que alienatio. Malum dein, quando aliae maculae, virulentiae non expertes, uti petechiae, purpura, vel etiam pustulae scorbuticæ, complicantur, vel in fine cum vitæ discrimine superveniunt. Tussis porro continua, cum alvi profluvio & inquietudine magna, infaultum præfigere solent eventum. Neque boni ominis sunt sudores largi, præsertim in provectionibus, qui ob malam diætam & spirituorum potum, calidum alunt & impurum sanguinem; ex facili enim admisso levi frigore, maculae, funesto plerumque eventu, recedunt. Finito etiam morbo, si tussicula cum raucedine persistit, nisi cito idoneis succurratur remedii, in phthisim, & hepticam fit transitus.

§. VI.

Quomodo nocet. Qui autem morbillis occumbunt, maxime ex infantibus, non plerumque die suffocantur, evidenti indicio, nervosa & glandulosa pulmonum bronchia, ob copiosam inflammantem materiam, spasmis & stagnatione humorum fuisse affecta, & ex nimio seri affluxu demum suffocationem inducata. In quibusdam superato morbo remanet alvi fluxus ad aliquor hebdomades durans, tabem cum morte demum inducens. In nonnullis etiam, præsertim plebeiis, febris succrescit lenta, cum atrophia & abdominis tumore, funesta, ubi post mortem ut plurimum glandulae mesentericae magnæ, & pulmones latentibus vomicis obsessi, deprehenduntur.

Medicatio morbillorum, iisdem *Medicatio.* quam variolarum perficienda, acri moniam nimirum temperantibus, diluentibus & demulcentibus, cum iis, quæ sub moderato lecti & hypocauti calore, materiam hostilem acrem ad corporis extima agunt. Prosum igitur pulveres absorbentes & diaphoretici fixiores, leniter cinnabarini, item emulsiones & decocta. Quæ, quum præcedenti capite jam sint uberioris descripta, specialia autem in cautelis dicenda, plura de iis heic afferre supervacaneum.

Cautela & Observationes Clinicae.

§. I.

Si suspicio est in infantibus primam corporis regionem copiosis & crudis succis redundare, expedit in primo insultu leni emetico, uti ex dimidio tartari emetic grano, cum syrupo de cichoreo cum rhabarbaro, eandem deplore. Quando etiam lumbricis laborant, & metus est incursum epidemicem jam grassantis morbi, erit est, ut intestinorum canalis prius a verminosa progenie liberetur, quod commodissime perficitur pilulis *Rufi*, cum mercurio dulci & semine santonici. Quod si negligitur, difficulter morbus luperatur. In provectionis autem attatis personis, si sanguis redundat, ut primis statim diebus subtrahatur necesse est. Declinantur sic non modo hæmorrhagiae ominose, sed vidi etiam, hoc facto, remisso illico anxieties cum inquietudine, & per universum corporis ambitum exanthemata prodiisse.

§. II.

Sicuti impensis calefientia, cum nimio externo calore, materiam deteriorem ac subtiliorem reddendo, & stum cum anxietate augendo & vires dissipando, nocent; ita vicissim nitrofa & nimium refrigerantia, in etate

Calida & frigida no-
cent.

maxime infantili, oppido damnsa. Retardant enim eruptionem, & retentia materia, ad sphacelum fit dispositio.

§. III.

Hysterici spasmi mitigandi. Quando morbilli accidunt foemini, quæ spasmis hypochondriaco-hystericas obnoxiae, vel mensium instat fluxus, haud raro animi deliquia, spirandi angustia, cum gutturus constrictione & ingenti precordiorum anxietate, jungi solent, quibus materiae in cutem exitus praesulditur. Igitur tum neutiquam pellentibus calidioribus eruptio urgenda, sed potius adhibendæ ea, quæ spasmos leniunt, enemata ex paregoricis & carminativis parata, interdum venæ sectio, nec non pauxillum castorei & nitri pulveribus bezoardicis admixtum: sic brevi post inconspectum veniunt maculae.

§. IV.

Tussis. Molestissimum in morbillis symptoma est tussis ferina, ad quam complacandam nihil utilius oleo amygdalarum dulcium, recenter ex non rancidis expresso, cum syrupo capillari remixto, & in decocto avecae ad dimidium cochlear crebrius porrecto. Conducit etiam pulveribus absorbentibus & diaphoreticis admiscere dimidium granum extracti croci, & uti infuso theiformi, ex herba veronicae, radice liquiritiae, floribus papaveris rhœados, & semine foeniculi.

§. V.

Diarrhoea. Diarrhoea si concurrit, provide eadem tractanda, nec facile compescenda. Solvit enim saepe morbum, & multæ ac copiosæ fordes e corpore per ipsam secedunt. Ex tutissimis tum ad eluendam ex intestinis acrimoniam, clysteres ex puris demulcentibus parti. Si vero finito morbo pertinacius insistit diarrhoea, commode pulveribus bezoardicis admiscenda aliquot chaccarillæ corticis grana, vel etiam tantillum theriacæ coelestis.

§. VI.

Quibus medendi hemorragia. Quam sanguinis profusiones nimia mali sint ominis, & plerumque malitatis indices, easdem cum bonis æ-

grorum rebus moderari non minime res est prudentiae. Exulent omnia positive adstringentia, item eminentius opata & anodyna. Ego quidem saepius cum fructu usus sum hac mixtura: recipere aquæ florum acaciae, sambuci, tiliæ ana uncias duas, theriacalis drachmas tres, antimonii diaphoretici, discordii Fracastorii ana drachmam semis, spiritus vitrioli guttas 20. syrapi papaveris rhœados drachmas duas. M. Liquor quoque noster anodynus mineralis cum pulvere præcipitante nitroso sumptus, exoptatam saepius præstitit opem. Per amuleta vero fluxum hunc compescere velle, noxiun potius, quam salutare deprehendi. Insita enim propria virtute nihil operantur, sed tantum impensisori animi impressione, quæ tamen in pericolosis ejusmodi affectionibus omni studio evitanda.

§. VII.

Ubi malignioris sunt indolis, appri-
me ex usu est pulvis noster bezoardi-
cus, cuius basis bezoardicum minerale,
quoniam modo sudorem & eruptionem
blande elicit, sed simul etiam humores
corruptos imbibendo, sedem moveat,
cum euphoria. Præstabilem etiam
saepè deprehendi virtutem sulphuris
antimonials, nostra peculiari methodo
præparati, &c ad dimidiem, vel quartam
grani partem oblati.

§. VIII.

Si sudore corpus nimium difficit, ut
lintearina ex toto madescant, pro-
vide eadem sunt mutanda, prius pro-
be exsiccanda & leniter calefacienda,
ne ab eorum frigore materia exanthe-
matica cum periculo certissimo rece-
dat. Idem in mutatione leeti tenen-
dum. Maximopere etiam cavendum
est, ne quis subito ex calido in frigi-
dum concedat. Mortem enim inde
intra aliquot horarum spatium vidi.

§. IX.

Quum plures, qui finita febre & post mor-
discussis jam maculis præmature libe-
rum fa-
cienda-
tum fa-
cienda-
victus vitaque rationem spernunt,
ob retentas sic & adactas impuras
mor.

morbi reliquias, in pejores morbos incident, asthma, vel suffocativum catarrhum, phthisis & tabem, quin uti observavi in contracturam; serio monendi sunt convalescentes, ut per aliquot adhuc hebdomades perspirationem follicite custodian & eum in finem utantur infusis theiformibus, leniter diaphoreticis & sanguinem mundificantibus, interposito nonnunquam, ad fordes per alvum evehendas, balsamicarum pilularum usu. Victim vero habeant tenuem, & aliquandiu a cerevisie potu abstineant, bibantque decoctum temperans & diluens, ex radice scorzonerae, salsaparilla, cichorei, liquoritiae, hordeo mundo, cortice ligni sassafras, vel semine foeniculi. Quod sicuti in omnibus fere morbis, sic etiam in febribus exanthematicis, utile est & maxime salutare.

ENARRATIONES MORBORUM.

OBSERVATIO I.

Post morbillos, tamen, cum purpura gutta se renata. Conquerebatur generosa puella, duodecim annorum, de lassitudine, inappetentia, languore virium & doloribus lancinantibus in cruribus & brachiis, præterea lividum & plumbeum faciei offerebat aspectum. Octiduo post corripiebatur hirsutipilatione, subsecente æstu & gravi dolore capitatis lumborumque. Tertio die post in conspectum veniebant maculae morbillorum, tum epidemiorum, tussis simul affligebat molestissima, & propter capitatis oculorumq; dolorem continuum, nec somnum capere, nec lacris ferre poterat aspectum. Quinto die sensim iterum evanescerant maculae ex totius fere corporis ambitu, sed dolor capitatis & oculorum remanebat, & præterea alvus a primo morbi insultu erat siccior, us non nisi clystere sollicitata responderet. Quum sic jam declinare videretur morbus, præter spem de novo accidebat summa præcordio-

Tom. IV.

rum anxietas, cum æstu totius corporis, siti, virium prostratione & difficii respiratione, prodibat postea purpura rubra, intermixta alba, sive miliaria, & dolor in oculis & capite supra frontem pertinaciter insistebat. Pugnabatur quidem contra hac tam gravia mala iis, quæ acredinem humorum cum spasmis mulcere & eruptionem placide promovere poterant. Sensim quoque remittente capitatis dolore, puella convalescebat; sed superato morbo visio erat imminuta, & sensim incrementeum sumens, intramensem in veram guttam serenam transiit, ita, ut nihil plane visu diagnoscere posset; licet oculi integri, & pupilla tantum duplo naturali amplior, comparerent. Multa & probata adversus hoc oculorum vitium adhibebantur remedia, sed frustra. Erumpentibus autem decimo quarto anno primum mensibus, splendorem aliqualem receperunt oculi rursus. Hinc in consilium vocatus, suasi, ut temperatis balsamicis mensium negotiis secundaretur, vesicatorium mitius aliquandiu gestaretur, oculi erebrius quotidie pinguedine viperina recenti inungerentur & cum cibò nonnunquam aliquot guttae balsami nostri viæ assumerentur. Quibus non quidem in totum, sed tamen in tantum restitutus visus, ut sub certo oculi situ objecta, & quidem tantum dimidiata facie, conspicere posset, ceterum optimè valeret, ingressa haud ita pri-demi matrimonium.

Epicrisis.

Semper suspectum in variolis & morbillis, quando ægri diu ante eruptiō-nem male habent & de doloribus at-tuum, vel certam partem pertinacius infestantibus conqueruntur. Heic suc-cessit morbillis evanescētibus purpu-ra, tam rubra, quam alba. Aut igi-tur duplex specificæ indolis materia impura intus delituit, quæ non simul critico motu, sed definito & successivo fuit expulsa. Aut purpuræ materia forsitan per ipsum febrilem in morbillis

sanguinis motum de novo fuit progenita. Dein nunquam etiam non suspeatum, si gravis capititis & oculorum dolor, alias facta eruptione cessans, per totum morbum durat: grave enim ut plurimum capititis vitium relinquere solet; in hac guttam serenam. Quæ quidem insanabile semper fere vitium, in infantibus tamen & tenerioris texture pueris, accedente menstrua purgatione, & immutata per hanc totius corporis, quoad solida & fluida, natura, discutitur iterum, præsertim si natura sanationem moliens arte juvetur.

OBSERVATIO II.

Morbilli retrocedentes alvi fluxu soluti. Juvenis cholericæ & siccæ constitutionis, qui per aliquot annos in academia plus Veneri & Baccho, quam Musis literat, commovebatur aliquando vehementi ira, die post afficiebatur æstu insigni cum languore artruum & dorsi dolore, noctem transigebat insomnem, & tussi exercebatur valida, quæ ferina plane fiebat, & comites habebat anxietates & cardinalgias. Datis ardorem nimium temperantibus, post tertium diem comparabant maculæ numerosissimæ inter 14. horarum spatiū universum corporis ambitum occupantes. Mirum autem inquietus erat æger & impatiens, corpus jaicitabat, tantum temperatum etiam lecti calorem respuebat, & admissa subinde aura frigidiori, ut maculæ omnes brevi iterum evanescerent, faciebat. Oboriebantur hinc anxietates cum magna inquietudine & siti inexhausta, ut intra diem & noctem quatuor minimum ptisanæ & emulsionis amygdalatæ eptaret mensuras. Porrigebatur quidem ad revocandam extus materiam lene diaphoreticum, sed propter ægri impatientiam & jæstigationem nihil proficiebat, sitis potius reddebat intensior, ut vix posset extingui, & æger vel septem mensuras liquidorum absument. Inde incidebat in alvi fluxum &

vel decies intra diem dejiciebat, urina etiam effuse fluebat, ægro tamen de interno ardore, siti & anxietate conquerente largissimeque potum ingurgitante. Fluebat sic alvus per quinque dies, calidus potus cum medicamentis spernebatur, neque maculæ amplius comparebant. Nihilominus symptomata sensim mitiora fiebant, æger melius habebat, & præter spem intra 14. dies convalescebat.

Epicrisis.

Singularis plane hic est casus largi alvi fluxus, quo morbillorum morbus, & quidem retrocedentium, solitus. Jam quidem nullum est dubium, quin materia morbillorum sit causticæ & inflammatoriæ indolis, quæ exitu precluso intus retenta, vel expulsa retrocessit, firmiusque nervosis partibus impacta est, graves, immo exitiales, efficere possit affectiones. In nostro ægro infedit utique ori, faucibus, ventriculi & intestinorum tunicis, ac fistim & ardorem cum leniori inflammatione ibi concitavit. Liquidorum vero & quidem accommodatorum copioso potu, caustica materia, tam intra tunicas hærens, quam in succis hospitalans, mitigata atque correcta fuit, & proritatus alvi fluxus, quo impuri ex universo corpore succi eo confluxerunt & evacuati sunt. Ego quippe crebrius observavi, in variolis & morbillis, ob impuros & redundantes corporis succos, malum genium exhibentibus, sponte obortum alvi profluvium, non modo sine periculo, sed & admodum salutare fuisse. Neque etiam facile in periculi plenis morbis desperare debet medicus, licet ægri magnam potus copiam appetant, modo per alvum, urinam & sudorem iterum emittatur. Plures enim sine, quam cum liquidorum appetentia, occumbunt.

OBSERVATIO III.

Post morbillos alvi fluxus, usus & ea. Infans decennis, feliciter, ut videbatur, superarat morbillos, sed tamen mors.

ea restitbat alvi laxitas, ut quævis assūta citissime per inferiora transi-
rent, aderantque præterea tormenta ventris cum dolore pedum, qui tactu semper erant frigidi. Ad compescendum hunc fluxum, medicus minus peritus porrexit pulverem ex radice tormentillæ, terra de catechu & uniconu fossili, cum pauxillo laudani opiatu. Inde enim alvus quidem constituit, sed acerbissimus dolor occupavit tibiam sinistram in malleolo, quem mox tumor excepit durus & renitens, qui tandem suppuratus & apertus sanguinem cum copioso ichore fudit. Successit postea serpens ulcus, totum ferme pedem depascens, cui febris cum tussi & difficulti respiratione supervenit, quumque ob nimium pectoris infarctum infans non libere spirare posset, suffocativo demum catarro fuit extictus.

Epicrisis.

Sæpius notavi, in infantibus saluum per totum variolarum & morbillorum morbum, & etiam post eum, sine periculo fluxisse. Neque alia utilia deprehendi, quam diaphoretica fixa, ut cornu cervi philosophice præparatum, ustum, antimonium diaphoreticum, lapides cancrorum, succinum præparatum, quibus pauxillum corticis chacarillæ admixtum. In usum quoque vocavi juscula ex carnibus cum ossibus contusis, item cornu cervi parata, adjecta semper olei amygdalarum dulcium recentissimi portione quadam. Neque minus clysteres emollientes, ex decocto raparum exsiccatarum una cum butyro insulso, admundum fuerunt proficiui, qui omnium optime acredinem humorum, colimembranis potissimum in ejusmodi diarrhoeis insidentem, contemporant ac mulcent. Contra ea periculofsum omnino, alvi hunc fluxum adstringentibus sistere. Sic enim materia acris caustica, intus remanens & succis redita, ad alia sæpius loca relegatur, ubi postea atrocia ciet mala.

OBSERVATIO IV.

Lactans infans unius anni incidit in calorem præternaturalem, cum pavore in somno & vomitu. Die secundo eruperunt morbilli numerosi, sed asperi & cutem quasi stringentes. Die quarto accessit summa respirandi difficultas & pectoris angustia cum anxietate, inquietudine, vigilia & pavoribus. Dedi sextam partem grani tartari emeticu, cum drachmis duabus aquæ florum tiliæ & quatuor guttis essentia castorei. Hinc quinques dejeicit infans viridissimam instar glutinis materiam, eoque facto vigor accessit toti corpori, respiratio facta liberior, & morbilli rubore perfusi magis. Oblata postea ad calorem temperandum gelatina cornu cervi in tenui decocto hordei, & feliciter evasit tenellus.

Epicrisis.

Colluvies vitiosorum humorum in ventriculo, morbillorum processum turbare & gravia symptomata iis adjicere potest utique. Omnia enim, quæ circa quartum diem, quos alias morbus remissior, hoc in infante præsto fuerunt pathemata, non ex morbillis, sed cruditatibus acido viscido-biliofis prima in regione stagnantibus atque corruptis, ortum traxerunt. Hinc exterminatis iis per lenissimum emeticum, symptomata non modo protinus conqueverunt, sed & ipsa natura graviorere levata, eo felicius ipsi potuit succurrere morbo. Quin patet, nec quarto & critico die, ejusmodi in calibus leniora & prudenter exhibita evacuantia nocere, inter quæ emetica, in infantibus præsertim lactantibus, merito primas tenent.

OBSERVATIO V.

Puer undecim annorum, rubicundus facie, ingenio alacris, sanguine plenus & constitutionis calida, corripus est immani æstu, dorsi capitisque dolore, datis tamen temperantibus

nitrosis pulveribus, altero die habuit meliuscule. Tertio autem rediit urens æstus & quarto die sequutum narium stillicidium. Hoc quinto remisit, sexto vero effusus reversum. A septimo ad decimum mitiora erant symptomata, & sanguinis fluxus siluit, erumpentibus passim morbillorum maculis. Sed breves induciæ. Undecimo quippe die, rursus copiosa e naribus facta hæmorrhagia & maculæ evanuerunt. Duodecimo largius adhuc fluxit sanguis, ita ut vires mirum corruerent, & æstus internus invaleaseret. Decimo tertio die mitiora pathemata iterum, die autem post cum hæmorrhagia recruduerunt, donec consumtis prorsus viribus, decimo quinto die æger efflaret animam.

Epicerisis.

In variolis & morbillis deterioris semper notæ symptoma est, effusio sanguinis, per quæcunque loca, fluxus. Indicat enim vehementes spasticas internarum partium, præsertim viscerum abdominis, stricturas, quibus inæqualis redditur sanguinis progressus, & ex uno loco in alterum cum impetu urgetur. Per nimiam etiam profusio nem virium inducitur jaætura, & minimorum ad extima excurrentium canalium, per quos in cute eruptio fieri debet, exinanitio & subsistens. Unde materia caustica retenta, novos ciet spasmos novasq; hæmorrhagias, ac deum funesti eventus fit causa. Magnæ itaque prudentiæ est, hæmorrhagias in morbis, quorum materia per cutem excernenda, moderari perite, ne deficiat expulsionis facultas. Ego quidem tum commendare soleo, ut omne frigus & frigidus potus vitetur, & partes extremæ, manus & pedes, quæ ordinario frigidæ existunt & contremiscunt, calore bene foveantur, & vel lecto probe obtegantur, vel etiam aquæ calido vino mixta immergantur, quo revulso sanguinis a capite fiat, simulque spastica fibrarum contractio laxetur. Dein eo quam maxime annitendum, quo caustica materia foras mittatur, eum-

que in finem danda diaphoretica cum temperantibus, cuius generis hæc mixtura: recipe aquæ cardui benedicti, florem sambuci ana uncias duas, theriacalis unciam semis, diacordii Fracastorii, antimonii diaphoretici, nitri ana drachmam dimidiam, mixturæ simplicis guttas 20, syrapi acetositatis citri drachmas duas. M. D. de quibina, binis quibusvis horis, cochlearia sumenda, superbibendo semper calidum haustum. Et si præterea æstus junctus nimius, interponendus est pulvis bezoardicus nitrosus.

OBSERVATIO VI.

Morbilli retrocedentes funestis. Vir generosus, macilentus & fibrosæ corporis structuræ, triginta sex annos habens, aulico ministerio fungens, ab aliquot jam annis, vini potu liberaliter indulserat, & sæpe inter potatores egerat tantum non heroem. Incidit is in morbillorum, aulicis tum familiarem, & ab ipso nondum superatum morbum, sub quo ipsum præter immoderatum æstum & inquietudinem, violenta tussis & summae anxieties præcordiorum, noctu æque ac interdiu afflixerunt, corpore a principio statim sudore diffluente. Medicus aulæ ordinarius in consilium vocatus, quatuor quibusvis horis, triginta guttas essentiaæ alexipharmacæ admodum calidæ porrexit, & ad sitim extinguendam liberalem potum cerevisiæ valde spirituosa concessit. Interim expulsi maculæ anxieties remiserunt & spiritus liberior meavit. Quum autem induxit sudore totum madescens & frigidum mutaturus, a ministro imperito recens minusque calefactum acciperet, illico omnes omnino, quibus corpus confertim obfessum maculæ dispauperunt. Inde tanta sequuta inquietudo, anxietas cum virium jaætura, ut omnibus morti videretur proximus. Ego tum temporis præsens accersitus exhibui illico pulverem meum bezoardicum cinnabarinum cum aqua

qua analeptica, nec non liquorem anodynū mineralē cum tinctura antimonii temperata & aliquot gurulis spiritus Buffiani, quibus paulo post & sudor & maculae redierunt, æger melius habuit, & pulsus anteā inæqualis, celer & debilis, plenior ac æqualis redditus. Sed septimo die, quum sudor effusius adhuc manaret, & æger in alium lectum ob madorem se conferret, rursus cuncta evanuerunt exanthemata, extrema frigida facta, accessit anxietas maxima & spiratio difficultima, pulsus etiam contractus & parvus redditus, & brevi post, precedente rigore & convulsione artuum, est extictus.

Epicrisis.

Morbilli, non secus ac alii morbi exanthematici, sequuntur maxime constitutionem solidarum & fluidarum partium corporis ægrotantis, adeo, ut quo intemperatiō hæc, eo pejoris indolis sit ille. Potissimum, de vini potui deditis, certior i confirmatum habeo experientia, quod raro ex febribus exanthematicis evadant, eo quod febrilis illa intestina partium sanguinis commotio, in plenariam tandem dissolutionem abit, cuius index largissimus sudor cum insigni virium lapsu. Medicus igitur, calida essentia, quæ estum magis accedit, nocuit potius, quam profuit. Si quoque dissolutorius talis humorum vitalium est status, levis etiam in rebus externis error, uti refrigeratio, linteaminum mutatio, situs erectus, immedicabilem possunt inducere noxam. Et quo languidiores sunt in exanthematicis vires, eo plus semper metuenda retrocessio materiae exanthematicæ, qua vitæ nihil est infensius.

OBSERVATIO VII.

Morbilli ex refri gerantib niroso bufa le bales. Puelli tres, unus sex, alter quinque & tertius trium annorum, filii viri perillutris Senerissimo Duci in Saxonia inferiori a consiliis, corripiebantur successive morbillis. Commenda-

tione generosæ fœminæ in consilium vocabatur novellus Medicus Doctor, qui intempestivo nitri amore a præceptoribus imbutus, larga & repetita dosi, præter pulveres refrigerantes nitrosos, exhibebat nihil. Inde retardabatur macularum eruptio, spiratio siebat angusta & difficilis, rufis continua sine screatu, accedebat asthma intensum, & intra septem dies, tres pueri occumbabant, cum ingenti parentum luctu.

Epicrisis.

Non ex unius, sed plurium fide dignorum relatione, de tragico hoc casu certior sum factus. Crebrior ac liberalis refrigerantium nitrosorum usus utique taxandus est. Nam licet nitrum purum merito principem teneat locum inter ea præsidia, quæ astum extingunt, & spasticas commotiones componunt, & ego etiam jam ante quadraginta annos eodem frequentius usus fuerim, quin forsitan primum, testantibus id variis scriptis, tum dissertationibus, tum notis ad Poterium, salubrem nitri facultatem perspexerim & exposuerim; nihilo tamen secius usus ipsius, haud secus ac aliorum magnæ virtutis remediorum, peritum ac prudentem exigit medicum, & ex ejus abuso, ab iis, qui medicinam rationalem nec callent, nec exercent, damna inducta novi, & plura, & gravia. Certe, in morbis exanthematicis, ubi non nimius urget astus, in febribus catarrhalibus, item malignis, in quibus humorum potius corruptio, quam exstutatio metuenda, in corporibus maxime humidioribus & infantilibus, omni modo a liberali nitri usu abstinentum. Ob nimiam enim refrigerationem remanet intus foras excernenda infensa indolis materia, atque ut putredinosa dissolutoria humorum corruptio magis augeatur, facit. Et quum materia morbillorum maxime infensa hujus sit indolis, ut firmiter insidiat nervis pneumonicis & tunicis pulmonum nervosis, nullū omnino est dubium, quin in his puellis non emo.

emota, ibi impacta hæserit & suffocatorias humorum stases suscitarit. Cæterum hoc loco monendum duxi, me in infantibus, quando morbilli prodire noluerunt, iþorumque materia altius insidens pulmonum bronchiis suffocativum intentavit catarrhum, insigni cum fructu usum esse vesicatorio, quo sopiti canarium ad expulsionem necessarii motus, quam optime resuscitantur.

OBSERVATIO VIII.

*Morbilli
in hypo-
chondria-
co sanas-
ti.*

Comes illustrissimus, viginti annorum, cholericus sanguineus, nondum venæ sectionem passus & pathematis spastico-hypochondriacis, cum stomachi inflatione & crebriori post cibum vomitu, obnoxius, grassantibus epidemice morbillis languore cœpit & conqueri de anxietate præcordiorum, dolore capitis, dorsi ac pedum, tussi sicca, interno æstu, intercurrente horripilatione, cute arrida & sicca. Tertio die comparuerunt in fronte stigmata rubicunda nonnulla, pathemata tamen noluerunt remittere, nec plures etiam postero die efflorescere maculæ, pulsu interim pleno cum celeritate vibrante. Vena in pede pertusa, sanguis cum impetu exiliit floridus, variegatam post refrigerationem contrahens cuticulam, & inde illico anxietates & vehementes capitis dolores remiserunt. Quin licet primum stigmata in fronte disparere viderentur, & pulsus admodum celer cum duritate micaret, æger etiam noctem insomnem fere ob æstum & compunctionum in cute sensum duceret, mane tamen in conspectum venerunt in facie & pectori maculæ morbillorum, pallidiores initio, successive autem magis rubentes, & reliquas quoque corporis partes confertim occupantes. Discellit hoc facto capitis, dorsi & pedum dolor, cum pectoris angustia, tussi & interno calore, ac æger melius habuit, conquestus tantum de molesto pruritu ardente & tensione cu-

tis. Potissimum vero ipsum excruciat oculorum ardens dolor cum rubore adnatæ & illacrymatione, ita ut lucem ferre non posset, & noctu palpebræ conglutinarentur. Nono die obortus sudor largus, decimo etiam manans & acidum fætidum odorem spirans. Undecimo intra nycthemeron sexies dejicit sine torminibus sponte, & maculæ ruborem sensim auerunt, decimotertio die penitus discussæ, subsequentे cutis desquamatione & sanitati.

Epicrisis.

Quum in iis, qui spasticis hypochondriacis detinentur pathematis, nunquam non major succorum impuritas & acrimonia esse soleat; huic etiam illustrissimo ægro ejusdem constitutionis ea fere unice exhibita sunt, quæ demulcent ac temperant, pulvres nempe temperantes & diaphoretici, leniter nitrosi, emulsiones, exoptato cum successu. Venæ sectionem autem, quum pulsus admodum plenus & vasa turgida essent, eruptio quoque retardaretur, necessaria m duxi, crebriori experientia edoctus, sanguine nimium redundante, difficillime, eodemque subtracto, promptissime succedere materię exanthematicę expulsionem. Insolitus vero ille oculorum ardor, rubor & fluxus serofus, tribuendus utique est eorum debilitati in pueritia jam ex crebrioribus & diuturnis acribus defluxionibus contractæ. In quibusvis enim fere morbis solenne est, ut partes ex prægresso morbo debilitatæ, præ reliquis graviter afficiantur, ob decubitum humorum promptius ibi contingentem.

C A P. IX.

De febre purpurata rubra & alba militari.

Theses Pathologicae:

§. I.

*Purpuræ descrip.
tio.* **F**ebbris purpurata est catarrhalis æstivationis exanthematica, qua motu sympathetico tam vasculoso, quam nervoso intenso, materia lymphatica corrupta, specificè indolis, ex interioribus, maxime nervosis partibus, ad summam cutem, ceu conveniens emunctoriū, sub forma pustularum minimarum miliarium, asperatum, rubrarum vel albarum, salutariter protruditur.

§. II.

Materia exanthe- Jam omnis quidem materia exanthematica in eo convenit, quod acrimonia sua nervos male afficiat, ac in estuofum intensiorem motum universum genus vasorum & sensilium partium extimulet, eoque tandem exterminetur. Attamen sicuti acrimonia caustica in vegetabilium & mineralium venenis peculiarē obtinet indolem, & ob id peculiaria cuivis speciei propria suscitat pathemata: ita etiam singularem & specificam cuivis exanthematica materię esse naturam, non tam a priori, quam potius a posteriori, effectibus & phenomenis obviis, innotescit. Scilicet in petechiis, variolis, morbillis, febre urticata, scarlatina, rossaliis, rubeolis, maculis scorbuticis, scabie, herpete, phlyctenis, epinyctidibus, gutta rosacea, impetigine & sudaminibus, subest semper acris quedam materia, quæ modo cum, modo sine febre, per cutis emunctoriū proscriptitur, sed unumquodque ex his exanthema peculiaribus incedit symptomatibus, de quibus singulis suo loco seorsim.

§. III.

Nunc quomodo ab aliis exanthe-

maticis morbis purpuraceus differat, exponendum duntaxat. Hi autem ipsius sunt characteres. Efflorescent pustulae minimæ semen milii amplitudine æquantes, numerosissimæ, cum corrugatione, aspritudine & ariditate cutis, & spargunt fœtorem peculiarem plane. Nullum aliud exanthemam instabile, crebro ac celeriter retrocedens, iterumque compares, ac purpuraceum: nec ullum etiam, tam crebro intercurrente mox proritu & punctura, stipatum. Alia exanthemata omnibus æque regionibus incumbunt, & nobiliorem æque ac sequiorem serum infestant, purpura autem in certis tantum locis familiaris & quasi endemica, ac præterea fœminas magis quam viros, maximeque puereras, corripit. Alia magis epidemica sunt, contagiosa, & sequuntur constitutio nem aeris, sed purpura magis ex vitio viscerum & succorum, quam aeris oboritur, nec epidemica est, nec contagiosa adeo.

§. IV.

Ipsa deinde purpura inter se differt, & definite a medicis in rubram & albam dispescitur. Utraque magis, vel minus acuta, benigna, vel maligna. Rubra ob pustulas rubicundas ita dicitur, ac ut plurimum minus periculosa, febris expers & chronica est, ut non modo diutius corpori inhærescat, sed & si pius statim anni temporibus redeat, de qua inferiorius sigillatim. Interdum tamen etiam febre stipatur & acutæ indolis esse observatur. Alba vero magis acuta est, nec facile sine febre occurrit, ideoque plus alit periculi. Hæc etiam non tam facile redit ac rubra, puerasque magis & fœminas juniores, teneriores, serofas corripit, quam rubra, quæ adultioribus potius, succis & sanguine furtis, ipsique viris familiarior est.

§. V.

Nonnunquam porro purpura idiospathica est, nonnunquam symptomatica, & aliis, maxime continuis febris, ad exitum vergentibus, super-

*Idiopathica
vel sym-*
ptoma-
rica a-
cuteis in
fine.

venit. Admodum enim familiare est , quod purpura rubra , vel alba , vel ultraque simul , variolis , morbillis , synochis putridis , ardentibus quoque & petechizantibus , aliisque epidemicis , in declinatione accedat , novam febrem accendat , & ægrum , fractis ex priori morbo viribus , jugulet . Id quod potissimum evenire solet in iis , qui intemperantius vixerunt , largiori & quotidiano potui indulserunt , veneris nimio exercitio vires consumserunt , & peregrinam succis induxerunt diathesin , nec non iis , in quibus sub morbi decursu alvus diutius clausa , aut inconsulta medicatione refrigerantia & jula p*principio* lapia nimis liberaliter sunt usurpata . Quandoque etiam in acutis febribus , maximeque variolis & morbillis , primis statim diebus , cum catis aspredine appareat purpuracei quippiam , raris fine pariter cum felici morbi eventu . Neque minus catarrhalibus febribus , cum tussi & spirandi angustia , subinde accedet . in infantibus sese associat purpura , vomitu , vel etiam alvi fluxu stipata , quam si inclinat morbus , pedum & quandoque abdominis intumescentia , cum , vel sine aridura superiorum partium , excipit , donec tandem sudoribus , vel spontaneis , vel arte proleatis , ex toto cedat .

S. VI.

Idiopathica autem purpura his potissimum incedit symptomatis. Præcedit levis horripilatio, quam subsequitur corporis exstutatio, cum ingenti languore viriumque interdum ad lipothymiam usque dejectione. Præcordia stringuntur, peccus angitur, adsunt alta suspiria, inquietudines, vigilæ, vel somnus minimum laboriosus & inturbatus. Æstus compunctionis in dorso sensus percipitur, alternante frigoris, horroris & caloris intra cunctem affectionem, in vola manuum maxime sensili. In puerperis lochiorum fluxus retinetur, & lac e mammis resorbetur ac stillare cessat. His succedit cutis asperitas & instar anserinæ corrugatio, exsurgentibus innumeris pu-

stulis, sive albis, sive rubris, sive utrisque sibi invicem appositis, milii semeni figura & exiguitate referentibus, quæ primum collum, deinde pectus & dorsum, ac postea, & manus occupant. His in summa cute efflorescentibus, graviora sætae pathemata mitigantur, pulsus durior prius, contractior & celerior, mollius, liberius & remissius undulat, animo vigor dejectus redit, arida cutis madescit, & alvus ante hac compressa tam firmiter, ut nec flatibus transitus pateret, laxatur, & non solum hos, sed & nonnumquam stercore, sponte protrudit. Postea vesiculae sensim sensimque explicantur ichore fecido plenæ, urina magis saturata prodit, & sudor singularis huic examen proprii fecoris erumpit, sanguinis per lochia fluxus repetit, & intra septem vel plurium adhuc dierum decursum, cum insigni extremonrum pruritu, pustulæ disparent, arescant, lquamarularum in star decidunt, & æger sensim vires recipiens, ad pristinam reddit sanitatem.

§. VII.

Materia porro, quæ exanthematicum hunc morbum proxime facit, ex pravo & corrupto in corpore est succo; ita tamen, ut, quum duplex sit purpuræ genus, duplex hic etiam sit afferendus. Jam ut in macrocosmo, sic etiam in microcosmo, duplex datur liquidorum corruptio, una ac idovappida, paullo fixioris indolis, altera sulphurea fætida, indolis magis alcalinæ atque volatilis. Illa cadit in succos, qui salino & sulphureo elemento minus instructi sunt, potissimumque in pellucidum, insipidum illum gelatinosum lymphaticum humorem; hec autem in sanguinem & succos, qui copiosa sulphurea & salina substantia scatent, inter quos quam maxime connumerandus ille, qui sanguinis admixtus, spissior tantisper varique coloris est atque saporis, serum dictus. Hunc igitur corruptum purpuræ ru-

bræ, illum vero albæ & miliaris causam esse, censemus.

§. VIII.

In alba lympha acido vappida. Lympham enim alba in purpura a- core esse infectam, evincunt plura . Nimirum solennis & tantum non es- sentialis huic exanthemati est nimia seri feces, per sudores effusos, urinas copiosas tenues, salivationes quandoq; quandoque dejectiones aquosas. Acidi autem is effectus, ut sanguini insinuat- um, partes ejus crassiores in coagu- lum mittat, serosis secessum facientibus. Deinde omnis generis acida & re- frigerantia, ipsum quin nitrum, largius sumpta nocentissima: que vicissim aci- dum obtundunt & sanguini ac lym- phæ blandam spiritu ascentiam concili- ant, saluberrima. Feminis porro, que horæ fructibus, acetariis, dulcibus, fa- rinaceis, acescentibus, sub otiosa & sedentaria vita delectantur, frequens quam maxime in puerperio febris mi- liaris. Ne dicam, multos illos san- guinis grumos, quos in vasis majoribus & thalamis cordis invenerunt, qui purpura alba defunctos dissecuerunt, luculenter arguere, præsto fuisse aci- dum coagulans.

§. IX.

In rubra serum acre sulcure fulburca. In rubra purpura subesse vicissim serum acre salino-sulphureum, testa- tur pruritus & ardor cutis, in hac lon- ge impensior, ac in alba. Idem ex eo patescit, quod rubrum hoc exanthe- ma, maxime eos invadere soleat, qui sanguinis impuri copiam alunt, scorbuticis, senibus, feminis, que menstrui, & viris, qui hæmorrhoidum defectu laborant, diæta falsa, vi- nosa, cerevisiis crassioribus & tabaci fumo delectantur, præter eaque laxiori corporis habitu prædicti, vitam agunt motus expertem. Quod porro sordes acres serosæ, per cutis poros eliminandæ, ab aura frigidiori, a po- tu nimis perfrigerato, corpori sudan- ti ingestæ, aut repentina terrore, ad interiora repressæ, frequentissime ta- lem morbum inducant exanthemati- cum. Quod etiam medicamenta, que

saliū spicula involvunt, item tem- perantia, rubram purpuram egregie protelent; calefacientia autem & vo- latilia, nec non æstuosum regimen, eo- dem modo ac in scabie aliisque cutis descedationibus, ex prava, acri & falsa humorum diathesi oriundis do- loris, ardoris & pruritus faciant aug- mentum.

§. X.

Omnia igitur, que succorum & ab- undantiam & impuritatem ingnunt, Cause pro- tartific & sub- jecta. ad generationem purpuri mali con- currunt remotius. Evenit autem hoc in iis, qui lauto & pollucibili vietu, nonnisi leves cibos, farinacea, pla- centas, dulcia, fermentescibilia & horæ fructus admittente, item qui potu parco, crasso, & aqua quoque im- pura & squalida utuntur, qui in aere degunt insalubri, minus puro, sed vappido, multisque folidis & putri- dis halitibus referto atque corrupto; quo purpura subinde generari, mal- ligniore fieri, epidemiam quando- que, nonnullis etiam locis magis fa- miliarem, certisque anni temporibus, Martio in primis atq; Aprili frequen- tiorem, experientia docet. Frequens porro purpura genesis in iis, qui al- vum gerunt strictiorem, qui perspira- tionem incuriosius habent; quibus critica suppressæ, aut consuetæ san- guinis evacuationes omissæ, quibus vicissim largius sanguis effluxit, vel subtractus, cum virium defectu, qui animo crebrius jactantur, mœrori in- primis ac diuturnæ sollicitudini indul- gent, qui vigiliis & impensioribus meditationibus robur atterunt, qui demum vitam ducunt otiosam motus- que expertem. Neque minus præ aliis huic morbo patent, qui laxiorem cor- poris habitum & temperatum sic di- etum sanguineum, vel phlegmati- cum obtinent, atate magis infantibus, quam adultis, senibus quam floridis, sexu, magis feminis, quam viris. Ex feminis, non tam plebeiis & minus delicatis, quam potius te- neris ac nobilioribus, fluore albo an-

te affectis & omnium maxime pueris.

Cur pueris infesta

His autem quod adeo infesta sit purpura, & quidem alba, plerumque magna ligna, ob peculiares quasdam fit causas. Videlicet foeminarum plurimæ redundantius in corpore alunt lymphaticos & aquosos humores, adeoque acidæ potius parent humorum vapescientia, quam salino-sulphureæ corruptioni, & ob id purpura potissimum nanciscunt albam. In gravidarum dein utero, sanguinis tam progressus, quam regressus, ob nimium eo appulsum & valorum distensionem, valde languidus est ac tardus. Hinc subsidente ibi diutius sanguine, lymphaticus humor in vasa ipsi vehendicata, magna copia secedit. In quorum diverticulis quasi incarceratus hærens, longiori mora vappescit, corrumpitur & acorem contrahit, avolantibus, quæ mixtionem conservant, spirituosis & subtilioribus particulis. Quandocunque igitur enixo fœtu, uterus concidit iterum, neque squalidus lymphaticus humor cum sanguine feculento lochiali sufficenter expurgatur, accedente ordinario tertio pueri die, motu febrili, Germanis das Milch-Fieber, in vasa majora is reprimitur, ipsique cordi infunditur, ex quo maligni instar fermenti per corpus diffunditur, totamque sanguinis & lymphæ massam inquinans, vires deicit, vigorem animi pessundat, anxieties, pectoris compressiones, suspiria, cordis tremores cum spiritus difficultate facit, sudores colliquati vos mucidos, corruptum acorem redolentes, nonnumquam plane frigidos, fuscitat, somnum arcit, donec vel brevi post, die tertio aut quarto a puerperio, interdum septimo, quandoque etiam decimo quarto demum die, in conspectum prodeat album hoc exanthema.

Origo ip-

sus re- Sed quum enumeratae haec tenus purpurae causæ præsto fuerint jam pri-

dem omnes; disquirendum merito cur ante aliquot demum lustra prodierit, & subinde latius serpat? Jam vero ex iis, quæ succis vitalibus materiam, temperiem & intemperiem largiuntur, nihil novimus immutatum, praeter frequentissimum factum potuum calidorum, herbare theæ in primis & fabarum coffeeè, usum. Experiencia etiam docuit, non plebejos & inopes, qui victu simplici & potu sueto utuntur, sed honoratores, opulentos, qui laute vivunt & potum calidum in deliciis habent, purpura potissimum infestari, & in locis, ubi mos invaluit liberalius ejusmodi potum forbillandi, purpura etiam plus regnare & propagari, quam in aliis: in hunc igitur culpam esse rejiciendam ad modum credibile. Non jam dicam, fabas coffeeè exoticas, peregrini quippiam nostri mixtioni sanguinis minus congruum custodire, sub adiustione aliquid sulphuris empyreumatici nervos partibus minus amici fuscipere, ac præterea saccharum cum decocto hoc assumptum copiosius fermentescere & cruditates mucosas, acidas, augere. Id potius minimum pro certo habendum, calidum potum fordes intestinorum & salia scorbutica acria per urinam evehenda in sanguinem agere, & una cum hoc ad cutis emunctiorum pellere, ubi non ut sudoris materia promte difflari possunt, sed obhærescut maculasq; sive pustulas protrudunt; in primis quum post ejusmodi calidum potum perspiratio non secundatur, sed concessione in frigidam auram sufflaminatur. Ut adeo neutiquam mirandum sit, quod sub inconsueto alias, jam vero communè abusa frequentissime & statim post cibum assumpiti potus calidi, ipsa naturalis mixtio & crasis partium sanguinem constituentium multum immutetur, & nova plane ac alia ingignatur, qua in utero cum sanguine materno in fœtum transfusa, ipsius purpurae morbi femina & ad illum dispositio jam latius propagentur; uti quidem pluribus docui in dif-

§. XII.

dissertatione de purpura genuina origine, indole & curatione.

S. XIII.

Purpura Cæterum purpuram albam periculosa quando loxiorem esse rubra jam diximus. Propter vero de successu & eventu huic morbi ex dispositione corporis laborantis potissimum desumenda. Ægrius quippe sanescit magisque anceps est omnis purpura, quæ cadit in corpus impuris succis partum. Hinc viri, quibus hemorrhoides & fœminæ, quibus menses restitant, parcus fluunt, aut plane ob ætatis rationem emanent, nec non quibus lochia suppressa, gravius semper & diutius hoc morbo decumbunt. Hinc gravidae, qua alvi adstrictioris & sub sedentario vita generare, neque medio gestationis tempore, neque ultimis mensibus sanguinem redundantem mittunt, in puerperio majorem purpuræ experiuntur vehementiam. Dein majoris etiam semper discrimen in imbecillitate, sive natura, siue ex morbo, sive alia ex causa affectis, omnium vero maxime in iis, qui per crebriores animi commotiones, diuturnam in primis mastitiam, genus nervorum reddiderunt debile & ad spasticos anomalos motus concipiendos proclive. Neque minus plus metuenda, quæ sub aeris constitutione insalubri, febres malignas, petechiales passim ingniente, impedit.

S. XIV.

Signa Suspecta. Inter suspecta vero in purpura signa connumeranda hæc. Quando exanthematis sufficienter expulsi, pulsus præter naturam durus & austus manet, somnus nullus, inquietudo magna & spiritus difficilis. Quando statim sub initium & per totum morbi decursum sudores effusus manant, urinæ pallidæ copiosa redduntur, vel continuo ad tingendum stimulus, vel etiam urina crassa antea & tincta, subito limpida, tenuis & pallida prodit, nec non quando alvus cum torminibus fluxa nimis, in primis in puerperis. Mali præfigii est, si pustulae

purpuraceæ modo comparent, modo evanescunt, & symptomata vehementia semper eadem infestant. Pejus adhuc, si materia relapsa interioribus firmius inhærescit, omnique expulsi obstitit, hincque pectoris cum suspicitiis oppressio intenditur, fauces stranguuntur, virium prostratio increvit, & praecordiorum anxietas cum inquietudine augetur. Funesta demum indicia, quum hærente intus deleteria ^{puncta} materia, interiora ardent & extrema frigent ac rigent, simulque copioso frigido sudore perfunduntur; aut vicissim quando extrema astuant, & in abdomine frigoris sensus percipitur notabilis. Hæc enim ubi præsto sunt, æger ut plurimum lipothymia occubbit lethali, ob inflammationem & sphacelationem, quæ ventriculum, intestina, cerebrum, vel in puerperis ipsum uterum afficit.

Preservatio & Curatio.

S. I.

Nullus quidem morbus tam ægre ^{Morbis} penitus extirpatur ac purpura, quæ plerumque relinquit fermentum ipsam denuo inducens. Sed hoc in primis proprium chronicæ illi purpurae, quæ quo pacto sit arcenda, inferius dicetur. Jam de febre miliari. Quæ quum potissimum fœminis, & quidem puerperis, sit solennis, qua ratione ha ab ipsis incursu defendendæ, tradendum. Sub graviditate igitur exacta victus ratio servanda, corpus motu moderate exercendum, venter a refrigeratione defendendus, sanguinis copia venæfectione, ter, vel quartæ, in superioribus instituta, minuenda, & alvina excretio subinde secundanda per mannata, rhabarbarina & tartarea. Instante dein partu, non per præmaturum nisum vires convellendæ, nec pellentibus humores exagitandi, post partum vero necessarium, quo impurus sanguis expurgeatur utero & succi a cacochymia contra-

tracta liberentur. Sedato hinc secundo die impetu, omnis generis excretiones modeste promovenda & alternis diebus pilulae balsamicæ roborantes, vel solæ, vel, si citior adhuc pulsus, cum pulvere temperante nitroso, deglutienda. Tum quoque conductus cum jusculis tenuioribus dare ea, quæ spasmos leniunt, sanguinem grumosum dissolvunt, simulque perspirationem servant, sperma scilicet certi, oleum amygdalarum dulcium, infusum theiforme ex floribus sambuci, chamomillæ & summatitibus millefolii, pulveres diaphoreticos, nec non mixturam ex aquis analepticis & dia-phnoicis, cum aceto destillato, lapidis cancrorum & syrupo acetositas citri.

§. II.

Curatio- ipsa vero purpuræ curatio ad tria
nis in hæc redit momenta: I. ut vitiosa,
dicatio- quæ subest, acris, nervosis partibus in-
nus. festa materia corrigatur ac tempere-
tur; II. ut spastica fibrarum nervearum inde productæ strictræ laxentur; &
III. præparata materia placide per cu-
tis emunctiorum evacuetur; nec retro-
cedat. Ego quidem has medendi indica-
tiones perfeci hisce ex multis pro-
batissimis auxiliis. Ad acredinem di-
luendam & nervosas male affectas
partes mulcendas, apprime utilia de-
cocta humectantia, ex rasura cornu
cervi, radice scorzoneræ cum hordeo
& liquiritia, gelatina cornu cervi,
nec non serum lactis, nostra methodo
paratum dulce. Idem faciunt & præ-
terea expulsionem juvent emulsiones,
ex aquis dia-phnoicis & anti-spasmodicis
cum semine napi, cardui Mariæ & pa-
paveris albi. In primis etiam dupli-
hoc nomine conducunt pulveres tem-
perati bezoardici, cuius generis est
Ludovici atque Sennerti, nec non no-
ster. Quibus ad æstum temperandum
& spasmos componendos subinde suc-
cum citri instillare, pulvrem præci-
pitantem nitrosum, vel tantillum
croci, aut castorei, pro circumstan-
tiarum ratione admiscere, vel etiam

horum usum interdum liquoris ano-
dyni mineralis dosi interpolare, sicque
in vehiculo appropriato ex aquis de-
stillatis propinare soleo. Et si purpuræ
eruptio justo impeditior, vel retro-
cessio metuenda, aut jam facta, instar
omnium est idem anodynus liquor, re-
mixtus cum tertia parte spiritus bezo-
ardici, ad mentem *Bussi* parati, & a
me in observationibus physico chymicis Lib. 2. obs. 28. pag. 238. descripti.

Cautæ & Observationes
Clinicæ.

§. I.

Purpura, morbus omnium delica-
tissimus, nihil plane fert excessivum, Tenor
in regi-
mine,
in regimine æque ac medicatione. In
regimine quidem æger semper in mo-
derato & æquali calore, tam lecti,
quam hypocausti, detineatur, eo
quod nimis æstuosum vires frangit, ac
pruritum ardoremque cum anxietati-
bus auget, frigidius exanthematum
eruptionem impedit, subsequentे lan-
guore & angore: & inæquale expul-
sionem retardat, vel minimum insta-
bilem facit purpuram. Vitetur etiam
stragulorum & indusiorum quantum
fieri potest mutatio, ac potius jam tri-
ta, sicca, & fumigata injiciantur.

§. II

Quam graviter dein calida & alexi-
pharmacæ medicamenta noceant, do-
cuit sane uberior experientia, qua con-
stat, eadem cum æstuoso regimine, in
causa esse, quod ingruente primum
novo hoc morbo, omnes fere perie-
rint, quem jam sub temperata me-
thodo plurimi evadant. Quin libera-
lior tantum infusorum & decoctorum
calidorum potus, sudorem nimium
movendo & serum plus justo exhau-
riendo, officit. Ubi vero motus est
retrocessionis, vel hæc jam facta, tum
potus calidus præsentis efficaciz &
moderata quoque expellentia locum
utique inveniunt.

Calido
& ale-
xiphar-
macea
noce ne

§. III.

§. III.

*Item rea
frigeria
sida.* Vicissim refrigerantia & intestinum motum nimis sedantia intus detinent materiam, & anxietates ob id ac languores cum periculo intendunt. Ipsum nitrum circumspete usurpandum. In alba enim purpura, & ubi malignitatis indicia, refrigerationes externæ cum æstu subinde intercurrente, præsto sunt, ab eo plane abstinendum. In rubra vero purpura, sive alba cum rubra conjuncta, ubi internus adest æstus, cum siti & pulsuum magnitudine, medicamenta diaphoretica leniter nitrata omnino accommoda.

§. IV.

*Nec non
cerevis
si e po
sum.* Cerevisia etiam potum nullus minus fert morbus, quam purpura, eo quod multas impuras, crassas, & heterogeneas partes in sanguinem & lympham invehit. Hinc ego quidem semper purpura laborantibus auctor sum, ut ab omni cerevisiarum genere abstineant, & bibant decoctum ex radice scorzonerae, sarsaparilla & cichorii, cum rasura cornu cervi, hordeo mundo & pauxillo semenis fœniculi, vel anisi stellati.

§. V.

*Alvus
eporiens
da causa.* Alvus in purpura nec nimis laxa, nec nimis stricta esse debet. Si enim diutius retinetur, morbus inde nanciscitur pabulum & longius extrahitur; si vero purgantibus, quin laxantibus omni virulentia destitutis, intempestive ducitur, materia per poros elimanda revocatur, & præcordiorum angustias, tormenta & ardore in ventre, nauseam & stomachi subversionem inducit. Hinc in purpura tam idiopathica, quam quæ aliis exanthematicis accedit, tanto magis maligna, alvum nec paulo ante, nec paulo post eruptionem irritare licet, sed quando vis morbide feruit, & purpura sic scere incipit. Neque tum vix aliud expedit remedium, quam clyster emolliens, injicendus sub symptomatum remissione, plerumque matutino tempore major, quam vespertino & nocturno est.

Tom. IV.

§. VI.

Sanguinis missio maxima cum prudenter insituenda; nam in purpura *Vena* alba & maligna, quam summa virium *secchio* prostratio, cum largis sudoribus & *stetio* ne ad debilitate ac frequentia pulsus, arguit, mitten-plane non est admittenda: contra ea *da*, insigniter prodest; quin necessaria est puerperis, quando lochii retentis, symptomata purpura comitantia ejus incursum nunciant; cito ramer administranda. Sic enim saepius observavi, summas præcordiorum anxieties, animi defectiones, labiosam & anxiam spirationem feliciter fuisse sublata, & mox summo cum levamine in universo corpore purpura proripiisse; id quod pluribus docui & adstruxi in dissertatione *de venæ sectionis prudenti administratione* pag. 18. seqq.

§. VII.

*Quum porro vires plerumque hoc Virium
in morbo admodum sint prostratae & ratio
ad lipothymias propensi, summo om- haben-
nino cavendum est studio, ne æger ex da.* lecto surgat, aut diutius erectus sedeat, quia facile sic obrepit animi defectio, & motu humorum ad interiora converso, exanthemata cum discriminè disparent. Subinde potius vires refocillandæ per mixturas analepticas, ex aqua melissæ citratæ, vel Turcicæ, liliorum convallium, cerasorum nigrorum, florum acaciæ, tubi idæi, cum spiritu nitri dulci, matre perlarum & syrupo acetositatis citri. Quibus pro circumstantiarum ratione lenia dia-phoretica, uti cornu cervi philosophice præparatum & antimonium dia-phoreticum; vel etiam si sudores colliquativi effusus manant, succus citri & species de hyacintho, cum fructu adjici possunt.

§. VIII.

Vesicatoriorum utilitatem in purpura jam dilaudavit *Hamilton de febre tia cōmiliari*, eademque scapulis appone-

H *re*

re suadet. Reste omnino. Subtrahunt enim humorem serosum impurum, & fibras delassatas nerveas ad contradictionem extimulant, ut materiam morbificam promte excutiant. Hinc sub tarda eruptione & motu humorum ad interiora ipsiusque caput converso, saepius cum fructu præcepi, ut suris apponenter vescitorium, cuiusmodi concinnare soleo ex emplastro de meliloto, pulvere cantharidum, cum pauxillo balsami Peruviani.

ENARRATIONES MORBORUM.

OBSERVATIO I.

*Febris
purpu-
rata in
pueris
funesta.*

Fœminam novi viginti aliquot annorum, vegetam & alacrem, sanguineo-cholericam, que virgo levi ex causa hysterica experta fuerat pathemata, sub axillis quoque & pedibus largiter sudarat, bene ceterum appetens, & corpus domestica negotia obeundo probe exercens. Hæc utero gerens ex hilari præter morem ficiat tristis, sudores sueti siccescebant, a medio gestationis tempore perpetuo largus lactis in mamilis erat proventus, & quinto mense circa hypochondria exquisitus oboriebatur dolor ardens, quasi ex pruni scindentibus. Post partum admodum laboriosum ingenti horrore febrili corripiebatur per totum corpus, quem excipiebat capitinis dolor & inquietudo. Quinto die lochia sistebantur, & accedebant præcordiorum anxieties, cum horripilatione febrili, intercurrente æstu, ardore in ventre, & tandem deliriis. Datis diaphoreticis sub temperate calido regimine, in cordis serobiculo collo & dorso, nec non brachiis, purpura & rubra & alba efflorescebat quidem, sed quum gravi commoveretur iracundia, cutis iterum fiebat arida & secca, delirium in furorem plane transibat, lac post partum etiam copiosissimum retinebatur, in ventre oboriebantur borborygmi, spiritus intercludebatur, ac demum decessebat.

Epicrisis.

I. Adduxit utique hunc morbum sanguinis & seri impuri abundantia, ob vitæ genus ex mobili in sedentarium mutatum, sudores suetos suppressos & venæ sectionem sub graviditate plane omissam, contracta. Nunquam etiam boni omnis in gravidis, si de ardore & æstu in interioribus abdominis conqueruntur. Signum enim præbet, hisce in partibus congestionis atque infartus, qui successive ipsum sanguinem magis corruptum, a quo natura post partum febrili motu se liberare intendit.

II. Nihil certe in morbis acutis deteriorius gravi animi affectu, in primis iracundia vehementi. Si enim in sanis corporibus magna horum affectuum nocendi facultas, quidni in ægrotis? Heic quidem inde sanguinis & humorum motus ad caput conversus, phrenitidem cum morte attulit.

OBSERVATIO II.

Tenera, sensibilis, & ad iram procli-
vis fœmina, triginta annorum, sterile *Post partum*
per decem annos duxerat matrimo-
nium, sana tamen & vegeta. Quum ve-
ro maritus inopinata morte extingue-
tur tempore menstrui fluxus, substi-
tit hic, & misera tota luctui fese de-
dit, inquieta fuit, nec dormivit, nec ap-
petuit. Paulo post horripilationem cum
æstu persensit, nec non tremulam ma-
nū & colli agitationem cum cynico
spasmo oris, anxietatibus subinde
affecta & lipothymis. Datis antispa-
modicis & antihystericis, conquie-
runt tantisper hæc symptomata; subinde
tamen, licet mitius, repetentia, do-
nec die tandem tertio, cum horripila-
tionis & tractionis in cute sensu, in col-
lo, dorso & universo corpore purpura
rubra cum alba prodiret, alvo per ali-
quot dies ante & sub eruptione clausa.
Interim spastica priora symptomata
remiserunt, somnus vero non rediit,
prætereaque perpetuus ad urinam fuit
stimulus, qua tamen parce stillavit.
Sed quum inopinato percelleretur ter-
*ansmis
turba
sio, Ca-
volinis
sanata.*

zore, disparuerunt illico exanthemata omnia, sequuta ingens præcordiorum anxietas, redierunt pathemata hysterica spastico-convulsiva, ac mentem plane turbare visa sunt. Hinc sanguis e vena missus floridus, & datus postea aliquor anodynus mineralis cum spiritu bezoardico, tenuis singulis horis ex infuso theiformi. Inde tertio die post comparuit iterum purpura, stationem tamen non servavit, sed post corporis refrigerationem & injectum clysterem denuo maxima ex parte recessit; hoc facto mentis confusio, ut sine causa subinde vel in cachinnos, vel in lacrymas egra solveretur. Corpore autem melius habuit, cibos sumvit, somno non penitus caruit, & sensim eo pervenit, ut domestica iterum obire potuerit negotia. Elapso inter hæc semestri spatio meo ex consilio usa est Carolinis thermis, quibus purpura per omnem corporis ambitum expulsa, qua post septimum diem squamarum instar secedente, mens restituta, corpus & vires ex voto per DEI gratiam confirmata.

Epicrisis.

Purpuram in sanguineo corpore ex sanguine menstrualo repente suppresso generari posse, ex hac historia patet utique. Excrementitia autem purpura materia, intus retenta, nervosis quam maxime infesta est partibus, easdemque spasmis & convulsivis plane motibus afficit. Quin diutius delitescens in interioribus, ipsam mentem turbare potest, hanc procul dubio ob causam, quia nervosis cerebri membranis firmius insidet, easdemque exagitat. Carolinarum igitur prætans maxime est virtus ad depurandos corporis succos, recrementiam materiam solidis & fluidis partibus intime insinuatam separandam, & percutis poros expellendam.

Purpura
alba in-
diopat-
hica
sanaria.

OBSERVATIO III.

Sanguineus ac robustus juvenis corripiebatur horrore, frigore, æstu postea & ingenti præcordiorum anxiate-

Secabatur secundo statim die vena, quarto & quinto totum corpus purpura alba consertim occupabat. Aeger in conclavi calido detentus, de molesta gravitate & tractione in sinistro latere conquererebatur, ad mingendum quidem stimulabatur, sed paucam reddebat cum stranguria urinam, alvo simul per sex dies clausa. Dabatur ipsi loco potus decoctum ex avena, radice scorzonera, cum semine papaveris albi & cornu cervi usto, ac præterea quater quotidie doses hujus pulveris: Recipe cornu cervi sine igne parati, oculorum cancri, antimonii diaphoretici anadraehmas duas, cinnabaris antimonii drachmam cum dimidia. M. Inde melius habuit, urinæ etiam facilius misit, & exantemata uberioris prodierunt in universo corpore. Nono die vesperinares sanguinem stillarunt, & alvus sponte soluta. Nihilominus per totum morbum somno fere caruit, hinc data hæc potio: recipe aquæ florum sambuci, acaciae ana uncias duas, antimonii diaphoretici, oculorum cancri, anadraehmam dimidiad, syrupi papaveris albi drachmas duas, mixturæ simplicis drachmam. M. Qua continuato simul pulverum bezoardicorum usu, undecimo die ex toto convaluit.

Epicrisis.

Purpura alba admodum quidem periculosa, si aliis acutis & exanthematicis morbis accedit; si vero idiopathicæ cum febre recte prodit, & ordinatum servat typum, non adeo est pertinacenda, modo recte temperato regimine & temperatis diaphoreticis excipiatur. Heic quidem sanguinis copia multum fecit ad generationem morbi, ideoque venæ sectio mature administrata commodam locavit operam, quæ in cacochymicis & symptomatica purpura, plus ut plurimum damini, quam emolumenti afferat.

OBSERVATIO IV.

Tertio post partum laboriosum die, Purpura semina succulenta sanguineo-choleræ, ea post

*alvi lati-
nationē
foli cito-
setuta,* ca, viginti & aliquot annorum, con-
questa est de capitis, dorsi, & totius
corticis corporis dolore, als vvenn ihr
die Haut sekr vveh thate, quasi cutis
doleret, nec non de spastico stupefa-
ctivo in manibus sensu, & scintillis i-
gneis oculis obversantibus. Accesser-
unt deinceps anxietates præcordiorum,
agrypnia, ardor febrilis, virium pro-
stratio, sitis, oculorum rubor & squa-
lor. Datis lenioribus diaphoreticis
cum regimine temperate calido, die
quarto erupit purpura, quinto & sexto
die omnecorporis ambitum occupans,
interspersa in pectori, manibus & ab-
domine rubra alba. A sexto die al-
vus fuit adstricta, & lochiorum fluxus
substitut ad nonum usque. Hinc ad al-
vum solvendam & lochia revocanda
data dosis pilularum Becherianarum,
quaæ lenem fecit laxationem, & data
altera dosi, lochiorum fluxus reddit cū
magno foctore, sequuti sudores largi-
simi, acidi & fætentes ad diem usque
undecimum, urina quoque secessit
graveolens. His excretionibus solutus
morbus, vires successive redierunt
cum somno, & ægra sanitatem recepit.

Epicrisis.

Omissa sub graviditate sanguinis
missio in sanguineo hoc corpore seri &
sanguinis impuri genuit copiam, ex
qua purpura. Quia vero a lochiorum
itemque alvi suppressione succorum
impuritas austera, optimo utique consili-
lio, pilule Becherianæ oblatæ, quippe
qua primo statim die in puerperio
data materiam & causam febris ac
purpurae tempestive præscindere so-
lent. Ut adeo pateat: temperata laxan-
tia in purpura non penitus esse refor-
midanda.

OBSERVATIO V.

*Post ery-
sipelas
purpura
expri-
marum
venerum
sordiditie,* Fœmina tres supra triginta annos
nata filiolum edidit sanum ac vege-
tum, & ipsa quoque per tres hebdoma-
des optime habuit. Post iracundiam
vero & terrorem dextram mammam,
sub alvo a triduo adstricta, occupavit

erysipelas, quod tamen pulvere ex
farina fabarum, cerussa & floribus cha-
momillæ confecto discussum. Tertio
die ingens accessit horror ac frigus,
subsequente acri æstu per totam no-
ctem durante, alvus dura fuit ac ten-
sa, somnus parcus & nullus. Dura-
runt hæc per tres dies, quarto autem
erupit purpura. quaæ postquam per
triduum molesto ardore & dolore pun-
gitivo summam cutem dixerasset, de-
cidit æstu cum pulsus celeritate vi-
riumque dejectione remisit, & ægra
tandem & morbum & puerperium fe-
liciter superavit. Nihil autem aliud
usurpatum, quam leniora & fixiora
diaphoretica cum humectantibus, cly-
steres emollientes ex decocto cremo-
ris avenæ cum chamomilla vulgari,
addito oleo amygdalarum dulcium &
sale communi, & remittente morbo
ac febre, subjunctus usus pilularum
nostrarum balsamicarum.

Epicrisis.

Puerperæ hanc etiam ob causam tam
frequenter in exanthematicas, erysipe-
laceas, & purpuratas febres incident,
quia primas vias a sordibus gravidita-
tis tempore contractis non convenien-
ti pharmaco expurgarunt. Quando e-
nim prima regio corrupta, ac impura
materia repleta, vel levis animi affec-
tus, ut ira, terror, vel improvida cor-
poris refrigeratio, illam commovendo
& sanguini invehendo, febrem suscitat
exanthematicam. In nostra erysipe-
las primum productum, eodemque re-
pulso, de novo febris accensa, subse-
quente exanthemate purpureo.

OBSERVATIO VI.

Fœmina triginta aliquot annorum, *Puer-
pera pur-
parata
vena
secunda
serva-
gifi-*
foecunda jam plurium liberorum ma-
ter, semper fere in puerperio labora-
bat purpura, feliciter tamen ean-
dem superarat. Quum vero septi-
ma vice exspectatione citius partus
ei, omissa ultima venæsectione, obti-

gisset, die quinto post experta est horrorem cum subseguente astu, lochia parcius justo fluentia subsisterunt plane, anxietates ipsam infestarunt, somnus defuit, caput doluit, & universum corpus languit. Data quidem temperata diaphoretica cum temperantibus, & die quarto post sparsum effloruit. in primis in cordis scrofulo, purpuraceum exanthema. Symptomata autem discedere noluerunt, sed potius spasmi in artibus & abdome acceſſerunt, purpura disparuit iterum, anxietates fuerunt summae, ægra corpus jaellitavit, delirare ceperit, & animo subinde linqui, ut omnia jam conclamata esse viderentur. Hinc vena incisa in brachio, & quatuor circiter sanguinis unciae subtractæ. Quo facto, protinus præcordiorum angor remisit, animi defectio cessavit, ægra ad se rediit, corpus totum calore & madore perfusum, ac pavillo post eruptit copiolissima purpura, quæ debito regimine & congrua medicatione ex voto perſanata.

Epicrisis.

Fundatum quidem in experientia est, non tentandam esse sanguinis miffionem, ubi purpura eruptio instat, aut modo facta; dantur tamen casus, ubi summopere necessarium, ut hoc eriam tempore sanguis mittratur. Nonnunquam enim, lochis restitutis, sanguis redundans, ob spasmos in abdomen, cum impetu urgetur & congeritur ad cor ac cerebrum, ibique atrocia & lethifera fuscitat symptomata, quæ perperam vulgo retrocessioni materiae exanthematicæ tribuuntur. Hinc si per venæctionem sanguis superfluus subtrahitur, cessant illico patthema, & liberiore ac æuali facto circuitu, eruptio expedite succedit summo cum levamine.

OBSERVATIO VII.

Judicium Purpurata febris, novus & inconnitus veteribus morbus post quam
Tom. IV.

circa annum AE.C.1552. Lipsie primum cepit¹, successice adeo vires sumvit, & longe lateque processit, ut in plurimis, Germania minimum locis, jam notus & cura sit atque solennis. Quo vero penetravit haud exiguum primum edidit stragem, multumque negotii facessivit medicis, priusquam ipsa edoceretur experientia, cuius esset indolis, quæ ferret, que non, in medicatione æque ac regimine. Hinc sepius tam in, quam extra Germaniam, medici meum exquisiverunt judicium atque consilium, qualis sit incognitus hic morbus, & quo pacto eidem feliciter occurrentum. Quum igitur adhuc latius quotidie serpat, non infructuosum erit, heic inferere ea, quæ quum anno 1723. Francofurti ad Mœnum primum comparet, ad me a medicis perscripta, una cum iis, quæ respondi. Ita autem habebat missa mihi relatio historica: *Infestavit ab aliquo tempore puerperas nostra hac in urbe novus quidam morbus, hunc potissimum in modum incedens atque decurrentis. Partum enixa, secundo vel tertio puerperii die corripiuntur horrore cum subseguente calore, conqueruntur de summa pectoris oppressione & crebrioribus suspiriis, lochis ut plurimum restitutis. Interjectis aliquot diebus, erumpunt pustulae miliales, in primis circa cordis regionem conspicua, excipiunt deliria & nervorum subsultus, & plurimæ ex aggris occumbunt, alia circa quintum, plures nono morbi die. Licet autem morbo huic omnibus viribus sit occursum, efficacissimis alexipharmacis, imperata quiete, regimine calido, vesicatoriorum applicatione & cucurbitulis siccis; irrita tamen fuerunt omnia, & tritum obtinuit adagium: interdum docta plus valet arte malum. Hinc queritur: qualis sit hic morbus, & qua methodo, quibusque medicamentis sit expugnandus?*

JUDICIUM CUM CONSILIO.

Perscriptam morbi ignoti historiam curate & perlegi & expendi. Est autem is febris maligna miliaris, quæ nostris in oris, in primis Misnia tractu, a plurimis annis admodum frequens & puerperis saepius funesta fuit. Ante sexaginta circiter annos nostris pariter incognitus fuit hic morbus, primum Lipsiae observatus, ideoque ~~et~~ ^{et} febris purpurata Lipsiensis non men obtinuit. Jam longius processit ac vi res sumit, ut non modo puerperæ, sed & viri, in primis tamen fœminæ, eodem crebrius decumbant, modo acute & brevius, modo longius, per tres, quin sex quandoque menses. Hinc in chronicam & acutam purpuram dispeicitur. Illa quidem admodum molesta, sed non periculosa, nec febre slipata; hæc autem semper febrem habet comitem, nec periculo caret. Periculum tanquam in hac eo magius est, quo magis corpus, quod corripit, ex pragella tempestatum diuturna infalubri constitutione, pravo victu & vivendi genere, nec non aliis causis vel debile est, vel impuris succis repletum. Et chronicæ illa etiam vehementius & diutius inficit, pro corporis, in quod cadit, dispositione. Dein purpura, vel rubra est, vel alba. Illa non tam malignæ & deleteriæ indolis, quam hæc, quæ, si, ut saepius evenit, aliis acutis exanthematicis febris in fine accedit, mortem ut plurimum intert.

Causa hujus tam sotnici morbi maxima ex parte corruptæ, vappescenti, & corrosivæ lymphæ tribuenda videatur. Quando enim lympha in diverticulis & tubulis glandulosis stagnat, & diutius subsistit, corruptitur, & acrem corrosivam indolem induit. Quia postmodum succis & sanguini insinuata, & cum hoc ad partes nervosas delata truculenta illa in purpura obvia pathemata inducit, anxietates praecordiorum, cardialgias, angores, inquietudines, dolores & tractiones in artibus, languores, respirationem difficultatem, oppressiones pectoris, horrores, lipothymias, pruritus, aliaque.

Omnia tamen hæc remittunt symptomata, si beneficio naturæ materia acris ad corporis perficiem propellitur. Singulare autem habet hoc exantheme illud, quod admodum sit variabile, mox compareat, mox evanescat, & hinc symptomata jam leniora, jam graviora inferat.

Chronicam purpuram observavi saepius in fœminis, quæ anteal fluorem album expertæ hunc subito siccarentur, disparente iterum, hoc repetente, purpura. Dein notavi, fœminas, quibus post quinquagesimum annum mentes emanerunt, purpuram crebrius incurrisse. Frequens quoque idem hic morbus omnibus, qui vitam colunt sedentariam, animi affectibus, ira præsertim ac terrore jastantur, lacticiniis, dulcibus & placentis delectantur, nec legitimum experiuntur alvi beneficium. In acutis febribus, variolis & morbillis, si alvus justo diutius adstricta, vel diarrhæa contingens subito sifflit, purpura subsequi solet, ob retentas acres, saltas, sulphureas fôrdes. Maxime omnium vero frequens & anceps est hic morbus in puerperis, eo quod subgraviditate, ob retentos menses, sanguis nimius sit & impurus, tanto certius, si accedit inordinatum vitæ genus, vita sedentaria, animi angor, & somnus nimius. Impetere solet purpura vel cum, vel paullo post febrem lacteam, quæ subsistentem passim corruptam lympham e latibulis excutit, & in sanguinem agit. Quod autem purpura jam frequentior sit quam antea, id perverso potissimum abusui potuum calidorum, in primis decocti Coffeè, tribuendum. Quamvis enim potus hic, Galvum simul laxat, non facile nocet; certum tamen, quod, si liberalius sub alvo claua ingurgitatur, multas recrementarias ex intestinis in sanguinem pellat fôrdes,

&

& sudori movendo aptus sit, cuius ramen successus post eundem incuriosus habetur, ut succi hinc non possint non fordescere.

Ad arcendum porro hunc morbum nonnulla ante, nonnulla post partum sunt tenenda. Sub graviditate sanguis quantum fieri potest ab impuritate vindicandus. Hunc in finem in sanguineis, quæ bene comedunt & minus corpus exercent, bis vel ter, quarto, sexto, & in medio noni mensis, vena pertundenda. Albus semper in officio retinenda, cuius si obliuiscitur, admonenda alimentis, vel pilularum balsamicarum, Becherianarum, Stahlianarum, aut nostrarum usu, nec non potionie ex manna cum rhabarbaro & cremore tartari. Perspirationis quoque saluberrimæ successus secundandus per corporis motum, diluentia juscula, potum tenuem, vitando dulcia, acida, fructus horæos & omnia, quæ spissum & viscidum sanguinem ingignunt. Ventriculus, præsertim in cœna, non nimia ciborum copia onerandus, somnus longior arcendus, & animus in tranquillitate servandus. Ex medicamentis ea prosunt, quæ ebullitionem sanguinis componunt, leniterque cuticularem excretionem promovent, diaphoretica nempe fixa cum temperantibus & nitro. Post partum erit, ut sedata sanguinis exæstuatione & pulsus vehementia, secundo post die, dosis pilularum supra dictarum assumatur, quæ non modo intestina, sed uterum expurgant, simulque lochialem fluxum promovent, eaque propter altero iterum die eisdem deglutire expedit, in primis si lochiorum fluxus tardius nimis, vel insufficiens. Tertio demum die si febris laeta ingruit, necessarium est, quo bis quotidie dimidia drachma pulveris mei bezoardici cum præcipitante remixti, sumatur.

Quando autem purpura adest, in curatione rite adornanda, ante omnia in lochia inquirendum, an recte & sufficienter secesserint? Quod si hoc non

factum, post pediluvium, vena in pede secanda. Tum vitandus omnis calor, tam in regimine, quam medicatione; vitanda vero etiam refrigeratio & refrigerantia remedia, ipso que nitro caute utendum, ac non nisi ubi sanguis æstuat, & pulsus celer est. Albus quoque nec nimis sit adstricta, nec intempestive, vel acrioribus irritetur. Inter medicamenta nulla magis proficia deprehendi, quam pulverem meum bezoardicum, præcipitantem, & liquorem anodynūm mineralem, unum cum pulvere castorino cinnabarinō. Si pectus cum angore opprimitur, soleo liquorem anodynūm, tribus partibus, cum una parte spiritus bezoardici Bussii & dimidia parte essentiæ castorei milcere, & alternatim propinare hunc pulverem: recipe pulveris Marchionis drachmam, cinnabaris native præparatæ scrupulum, pulveris castorei grana X. M. f. pulvis, dividatur in doses IV. Loco potus ordinarii præbere suadeo decoctum ex rafsuræ cornu cervi, radicis scorzonerae, sarsaparillæ, ana uncis binis, decoctis in quatuor aquæ mensuris. Infusum theæ autem liberalius bibere non conducibile, sed sufficit aliquot tantum patellas interdum sorbillare. Quod si demum albus nimis sicca, enemate domèstico, ex floribus chamaomillæ, sale communi & nitro cum decocto avenaceo, subducenda.

Atque hæc sunt medicamenta, & hæc est methodus, quibus ego per Dei gratiam multos purpura decumbentes feliciter sanavi. Quæ rogatus candide sic exponere volui, debui. Halæ d. X. Decembr. Anni 1723.

Plura exempla legi possunt in Consult: Medic. Tom. 2. sect. 4. cap. 191. 195.

C A P. X.

*De Febribus epidemicis exanthematis,
et catarhalibus sive petechialibus.*

Theses Pathologicæ.

§. I.

*Descri-
prio
marbie.*

Febres hę sunt lenes continuæ, cum virium prostratione, vigilia, inappetentia & quandoque cum eruptione macularum in summa cute junctæ, ortæ a seri excrementi copia & intestina dissolutione, non sine contagio & vitæ periculo.

§. II.

*Insulcus
et de-
sorsus.*

Ab initio statim immutatur faciei aspectus in morbidum, & ægrotaturi tribus vel quatuor antequam lecto affigantur diebus, conqueri solent de spontanea lassitudine, gravativo corporis & artuum dolore, quasi ossa contusa essent & fracta, de virium languore, inappetentia, levi animi affectione, naufea cardialgica *Ubelseyn*, capitis dolore & somno inquieto, alvo simul adstricta. Accedit postea vesperi horripilatio & frigus, sequitur astus, increasunt symptomata, major virium fit jactura, ut vix imbecilles & teneri erecti manere queant, capitis dolor cum vertigine & inquietudine ingrauefcit, in quibusdam dorsum, vel etiam latera exquisite dojent, pectora anguntur, interna ardent, fauces arent, pulsus contractus, celer ac debilis est, urina pallida sine sedimento, & spiritus difficilime trahitur. Tum prodeunt in nonnullis quarto, vel circa septimum diem, in dorso potissimum, pectora & brachiis, cum, vel sine levamine, maculae, in aliis copiosiores, in aliis pauciores, coloris variis, vel, ut in plerisque, purpureis, vel lividi fuscis, vel pallidioris rosei, modulatores, modo minores, in plurimis instar morsus pulicorum, a quibus tamen dignoscuntur, dum compressæ non

relinquunt vestigium in medio rubi- cundum. Ob quam macularum diver- sitatem, febres hę varia sortiuntur nomina, ut vel purpuratæ, vel pun-cticulares, vel petechiales spuriæ, audiant. Sub hoc morbi statu, sive vigore, acerbiora sunt omnia, inquietudo maxima, corporis jactatio ejus- que decubitus insuetus, mens turbata, sermo delirus, somnus nullus, sudor frigidiusculus, angustia spirandi inten- sior, & pulsus contractus, inæqua- lis, celer & frequens.

§. III.

His si accedunt tendinum subsultus, *Eventus* sitis defectus, borborygmi in ventre, singultus, faucium ab aphtis inflam- matio, convulsiones, aut syncope, cum extremerum refrigeratione & sudore largissimo, certa sunt mortis indicia. Quando autem circa dies criticos, vel in ipsis, septimo, undecimo, vel decimo quarto, liberalius prodit tepidus sudor, per aliquor s̄apē dies, licet cum virium languore manans, vel etiam alvus per aliquot dies fluit, salutis est indicium, tanto certius, quando postea pulsus mutatur, antea contrastus increbescit, durus mollescit, celeritatem tantisper ponit, magisque æqualis fit, quando animus fit erectior, situs & decubitus corporis quietior, auditus difficilis, urina turbida & sedimentum ponens, quod quidem circa dies criticos certum fere faulti eventus indicium. Hoc quippe facto, successive postea somnus, appetentia & vires redeunt, quod tamen non facile ante diem accidit decimum quartum.

§. IX.

Veteribus hę febres quotidianaæ continuæ serofæ, vel etiam recentio- ribus catarrhales malignæ vocari so- lent, quia leniter procedunt ab initio, & coryza, gravedo pectoris, infar-ctus, tullis s̄apē primis diebus jungun- tur & vesperi per noctem exacerbatio- nes fiunt. Formalis autem earum ra- tio consistit maxime in partium san- guinis, vel potius seri dissolutione.

mediante motu febrili, cuius beneficio impuræ, corruptæ, heterogeneæ partes, si robur adhuc inest naturæ, nec adeo corrupta solidorum & fluidorum dispositio, evolvuntur, earumque subtilior serosa pars per largum sudorem, crassior & mucida per narres, fauces & bronchia, biliosa mucida per alvi secessum, & putrida salino-sulphurea, sub forma macularum, per tubulosam & fibrosam cutis substantiam, postea salutariter propellitur. Exanthematicam enim materialam non causam, sed potius effectum, neque etiam perpetuum hujus febris esse, ex eo patet, quod morbus non sola efflorescentia exanthematicum feliciter & perfecte solvi soleat, sed plures, eadem copiose licet facta, pessime habeant, alii sine ea evadant & descendant quoque, nunquam vero firma salutis spes sit, nisi solennis evacuatio, vel per alvum, vel sudorem, diebus convenientibus criticis fiat. Quod autem dissolutio humorum fiat, intolerabilis & extraordinarius plane foctor folidum, quæ per alvum, sudorem & urinam copiosissime secedunt, planum facit testatumque.

§. V.

*Materia-
lis cau-
sa.* Materialis igitur harum febrium causa, utique ingens & insolita plane humorum excrementiorum salino-sulphureorum & mucidorum corruptibilium impuritas, quæ unionem & mixtionem sanguinis ingressa, eundem in intestinum dissolutorium motum dedit. Sed unde hæc primum habeat ortum, disquirendum merito. Nam licet semper, etiam secundum naturam, vitalibus succis insit impurum, per varii generis emunctoria excernendum jugiter: illa tamen impuritas, quæ hunc facit morbum, longe magis a succorum indole aliena est, quam ordinaria, & præterea ita comparata, ut fese intime cum lympha & sanguine uniat, eorumque crassus & mixtionem ingrediatur. Interim sicuti omnis morbosa impuritas, sive cacoehymia, ab ingestis intemperatis

& incongruis, excretionibusque, praesertim per alvum & cutim, suppressis, originem dicit; ita enim hæc corrputiva impuritas, febrium catarrhalium mali moris & exanthematicarum causa, pariter ab ingestis, maxime potu, incongruis simulque excretionibus, praesertim cuticulari, suppressis, oboritur.

§. VI.

Epidemicas autem plerumque esse *Ex ante-* has febres, experientia docet, ac a præternaturali extraordinaria temporum anni tempestatumque constitutione oboriri, tali, qua multa in corpore gignuntur recrementa, eorumque per cutis poros secessione impedita, accumulantur. Quia aeris constitutionem sequuntur hæc febres epidemicæ, ac inde magis, vel minus deterioris sunt genii. Inprimis per multiplicem constat observationem, diu perseverantem aeris australis humidi, calidi, nebulosi & ventris destituti, praesertim vere & autumno, statim, accendentibus postea frigidioribus septentrionalibus ventis, febres mali moris putridas, exanthematicas afferre. Neque minus constat, quod si astas diutius siccior, autumno, spirante vento boreali, prodeant affatim febres epidemicæ, acutæ, intermitentes, exanthematicæ, petechiales, purpuraceæ & dyfentericæ, uti quidem annis clxxxix, clccx, xv, xxi, & xxix. factum fuisse novimus. Denique id etiam per experientiam certum, quod tempestatum subitæ ac vehementes vere & aestate, ex frigido in calidum, sicco in humidum & vice versa, vicissitudines, quam maxime generent febres mali moris, quemadmodum evenit elapso insaluberrimo anno, quo ea propter ubique sere plures mortuos, quam natos fuisse, comperimus. Et certe, nihil ad ingenerandos perniciosos morbos aptius, quam si tempestatem serventem, excepit valde frigida, eo quod nimios calor motu intestino accendit sanguinem, multaque excrementsa salino-fu-

plus.

phurea excludit, frigus autem poros cutis stringendo, intus detinet eadem, gravissimum postea damnum certo inducitur. Hinc etiam est, quod in locis, ubi interdiu a stus, noctu frigus regnat, Austria in primis atque Pannonia, ob varium hunc & insalubre aeris statum, familiares sunt atque endemicæ exanthematicæ & petechiales malignæ febres. Inde quoque in proclivi judicare, cur in Italia, maximeque Romæ, adeo periculorum sit, post diuturnum calorem, corpus vespertino frigido humido aeri exponere.

§. VII.

Et corporis con-
situatio-
ne. Neque tamen omnes tales febres petechizantes sunt epidemicæ, id est, ex communi vitio aeris veniunt, sed quandoque etiam sine hoc oriuntur, in corporibus præfertim impuris, incongruis & pravis alimentis laginatis, nimiaque & crebriori refrigeratione affectis. Inde enim fit, quod febres hæ hyeme potissimum graffentur, & eos quam maxime corripiant, qui pravo vietu ac regimine usi, ac præterea corpus intensius refrigerarunt. Vidimus id ipsa hac hyeme, qua ex cibis nostris multi, intemperantiae in baccho ac venere indulgentes, & traha diutius sub coelo rigido vecti, inciderunt in has febres, & voluptatis dederunt pœnas. Neque etiam ea propter effluvia ex iis, qui his exanthematicis febribus graviter decumbunt, aut mortui sunt, omnes inficiunt promiscue, sed eos tantum, qui dispositionem ad hujusmodi morbum, summam nempe succorum impuritatem gerunt, cæteris, qui ab hac imminentes, a contagio etiam liberis.

§. VIII.

Unde sympto-
marum
varietas. Ceterum quia sanguinis impuritas non in omnibus unius ejusdemque indolis, hinc varii generis subinde his in febribus prodeunt exanthemata, varia que accident symptomata, magis vel minus periculosa. Etenim si deleteria prorsus subest impuritas, ad putredinosam dissolutionem humorum ten-

dens, graviora sunt omnia, & petechia magis emergunt veræ atque lethales, fuscæ, vel nigri coloris, de quibus infra. Quando vero non adeo corruptivæ indolis, sed mitioris salino-sulphureæ, symptomata non tam atrocia, sed ordinate magis morbus decurrit, maculeque magis sunt purpureæ & rosei coloris, ac febris ob id purpurea, vel petechialis spuria, sive petechizans, audit. Ubi ferum salum acre, recenter a perspiratione prohibita subnatum, se se adjungit, coryza, sternutatio, tussis ferina, cum defluxione falsi ad fauces & epiglottidem, complicantur, eamque ob causam febris catarrhalis malignæ nomine insignitur. Quandoque etiam ob copiam partium salino-sulphurearum acrum sub ipso motu febrili dissolutorio evolutarum, maculis petechialibus se se associat, easque antecedit, vel sequitur purpuraceum exanthema miliiare, idque tam rubrum, ex pruritu, ardore, cutis asperitudine & fætore specifico acido cognoscendum, quam, quod pejus adhuc, album, cujus putulæ miliares nonnunquam in vesiculas ampliores, sero acerrimo turgidas, explicantur. Id quod vero, si declinante morbo, undecimo, vel decimo quarto die, vel ferius adhuc, cum magna anxietate, inquietudine, spirandi angustia, animi deliquio & extremonum frigore, accedit, æger ut plurimum, ob vires jam nimium fractas, succumbit.

§. IX.

Qui naturæ & corporis robustioris, *Exitus* plebeji & vitæ ruricæ addicti, solo sape convenienti externo regimine, sine singulari artificio, patienter expectando tempus, melius & felicius evadunt, quam qui naturæ sunt imbecillioris, animi meticulosi, vel micerore, curis aut intemperantia potus & ingluvie, desidia quoque, aut nimia mentis fatigacione, corpus reddiderunt morbidum & imbecille. Malii porro ominis effusaæ excretiones ab initio statim & extra dies criticos, per sudo-

Iudorem, alvum & urinam quoque. Qui autem occumbunt, inflammatione meningum, sive phrenitide, vel faucium & oesophagi, ex aphthis, vel ipsius stomachi, pereunt. Sanguis, qui his in febribus extrahitur, conspicuum monstrat vitium, & vel valde fluidus & serosus, rubicundus, vel etiam nimis crassus & nigricans, comparet.

CURATIO.

§. I.

*Curatio
nititur
naturae
robore.*
Felix harum febrium exanthematicarum eventus atque curatio, non tam in arte medici, quantumvis periti atque sagacis posita, sed potius a corporis naturae bonitate ac vigore & convenienti regimine pendet. Hinc si enormis succorum impuritas, vires imbecilles, corpus laxum, spongiosum & minus perspirabile, nec selectissima remedia, nec optima medendi methodus, quicquam proficiunt. Contra ea quando non tota sanguinis & humorum massa adeo inquinata est, quando vigor adhuc motuum vitalium, animus etiam erectus, corpus nervosum, gracile, & pori aperti, feliciter, vel levi artificio, vel sponte plane, succedunt omnia. In his enim dissolutoriis, exanthematicis, acutis & periculosis febribus quam maxime valet practicus ille *Hippocratis* veterumque canon: naturam esse optimam morborum medicatrixem, per se docet, quæ congrua servet & incongrua rejiciat.

§. II.

*Indica-
tiones
curato-
rie.*
Igitur id tantum in medicatione tendendum medico prudenti, ne motus & excretiones, quæ etiam sine artificio in salutem vergunt, turbet & pervertat, sed placide agat, ab omnibus tam fortiter commoventibus & evacuantibus, quam sedantibus & fistentibus, abstineat, & naturæ opus perite juvet. Proinde hos unice finnes medendi methodus dirigenda: I) ut plenaria dissolutione sanguinis & humorum moderate compescatur & im-

pediatur: II) ut acrimonia salino-sulphurea humorum diluatur ac temperetur, succique simul serventur fluxiles: III) ut excretiones per alvum, cutim, utinam quoque & sputum, modeste promoveantur; ac IV) ut vires fractæ soveantur ac restaurentur.

§. III.

Ad impedientiam putridam humorum resolutionem, spectatæ virtutis temperata acidula, quippe quæ putredinosum miasma, ad naturam salis alcalini sulphurei accèdens, cicurant, eidemque efficaciter resistunt. Hac virtute splendent ex vegetabilibus acetum vini simplex & destillatum, succus citri, limonum, aurantiorum, berberum, granatorum, ribii & confecti ex iisdem syrapi, nec non succus acetosæ & acetoselle cum destillatis ex ipsis aquis. Ex mineralibus clystus antimonii sulphuratus, spiritus vitrioli vulgaris & sic dictus philosophicus, spiritus salis, nitri & maxime omnium sic dicti dulcificati, quos inter ceu specificum eminet spiritus salis dulcis probe elaboratus, ex oleo vitrioli, cum sale communi & spiritu vini, per cucurbitam destillatus.

§. IV.

Dein tam ad dissolutionem corrumpantia.
terram intercipiendam, quam acrimoniad obtundendam, conducunt blanda diaphoretica & terrea fixiora alcalina, bolus nimurum Armenia, terra sigillata, unicornu fossile, lapides & chelæ cancrorum, mater perlarum, cornu cervi philosophice præparatum, nec non ex compositis, pulvis bezoardicus *Sennerti*, *Ludovici*, noster, Anglicanus, lapis bezoardicus & lapis de Goa. Quæ porro humectant & acrimoniad diluunt, sunt maxime pro potu usurpanda, decoctum scilicet hordei, cum lco zonera & rafra cornu cervi, nec non succo vel syrupo acetositatis citri, aqua ipsa pura, vel Wildungenis, cum saccharo, cornu cervi alto & succo citri, pilana decocta cum cerasis siccis contusis, item juscula tenuia gallinarum

*Hume.
Gantis.*

rum, cum succo limonum, vel au-
rantiorum, decoctum avenaceum te-
nue, vulgo *Habergrutze*, nec non
cerevisæ leves diureticæ.

§. V.

*Secun-
danda
cuticula-
ris.*

*Ca-
lvi-
na excre-
sio.*

*Vires re-
ficienda.*

quaæ vires custodiunt atque reficiunt,
præter modicum vini cum aliis diluen-
tibus usum, laudem merentur aquæ
rosarum, liliorum convallium, flo-
rum tiliæ, rubi idæi, fragorum, me-
llissæ citratæ, cinnamomi, cydoniata,
gelatina etiam corau cervi, cum suc-
co limonum, pomorum Chinensium
& saccharo.

§. VI.

*Remedia
inprimis
probata.*

Potissimum vero polychresta & ex-
pertæ a nobis per multos annos vir-
tutis tria hæc commendamus medica-
menta: Recipe antimonii diaphore-
tici, cornu cervi sine igne parati, la-
pidum cancerorum, matris perlarum
ana drachmam, nitri depurati drach-
mam dimidiæ. M. f. p. Hic pulvis a
scrupulo uno, ad drachmam dimidiæ,
pro dosi sumendus, quandoque solus,

quandoque cum drachma succi citri;
ex decocto, vel ptsana, quandoque
etiam in hac mixtura: recipe aquæ
cardui benedicti, florum sambuci, li-
liorum convallium, cerasorum nigro-
rum ana uncias duas, rosarum, cinna-
momi sine vino, ana unciam dimi-
diæ, spiritus nitri dulcis guttas 30.
syrupi acetositatis citri unciam semis.
Alterum utilissimum remedium mix-
tura hæc: recipe aquæ galegæ, car-
dui benedicti, ceralorum nigrorum,
florum acaciæ, ana uncias duas, ace-
ti cestillati unciam, lapidum cancero-
rum, antimonii diaphoretici ana dra-
chmam cum dimidia, cinnabaris
scropulum, mixturæ simplicis, spiri-
tus nitri, vel salis, dulcis, ana gut-
tas 30. syrupi acetositatis citri drach-
mas sex. M.D.S. Mixtur davon uwohl
umgeruttelt alle zuvey Stunden ein
Loffel voll zu geben. Sumat omni bi-
horio Cochlear unum bene agitata.
Tertium est hæc mixtura bezoardica:
recipe tincturæ bezoardicæ, superius
descriptæ nostræ, vel *Michaelis*, sy-
rupi papaveris rheeados, liquoris no-
stri anodynæ, ana drachmas duas.
M. de qua quadraginta, vel quinqua-
ta gutta pro dosi sumendæ.

*Cautela & Observationes Clinicæ,
cum Methodo medendi speciali.*

§. I.

Maximum periculosis hisce fe-
bribus rite medendi momen-
tum, regimine continetur congruo. *& equa-*
*Regimen
sit tem-
peratum*
In hoc primum est, ut æger semper le-
in æquali & temperato calore detinea-
tur per totum morbi decursum. Sub
nimio enim æstu dissolutorius in san-
guine motus magis intenditur, alvus
siccatur, anxieties augmentur, impa-
ri & salsi acres humores accuntur, vi-
res exhauriuntur, sudor fit justo co-
piosior, & cito nimis majorique copia,
sine emolumento, ad cutem propel-
luntur exanthemata. Frigore autem
improvise admisso, præsertim ad pe-
des, perspiratio facile cohabetur, ma-
culæ

culæ & exanthemata retroaguntur, tormina in ventre & diarrhoeæ cum angultu inducuntur, & criticæ evacuationes turbantur. Et ab inæquali regimine ac subita aeris calidi in frigidum, vel contra mutatione, eadem fere, quam ex frigido, accidunt incommoda. Interim quia aer impurus continuo haustus inspiratione, viribus infensiissimus, cavendum, ne æger in humiliori conclave vappido aere pleno decumbat; sed aer potius morbidis exhalationibus foetus, provide emitendus, & purus admittendus.

§. II.

Perspiratio custodiatur. Dein summo providendum est studio, ut corpus in æquali semper maneat perspiratione, & quo cutaneum cibrum, in his morbis admodum sensibile, cuius tamen beneficio optimæ materiae peccantis secretio fit atque excretio, in æquabili semper servetur tono. Hinc fugienda omni modo mutationes linteaminum, indusiorum & stragulorum, nec non transitus ex uno lecto in alterum. Ego quidem hanc ob causam interdicere soleo, ut ægri crebro surgant; quin tempore critico, & quo exanthemata prorepunt, præsertim si debiles admodum decumbentes, præcipio, ne letus sternatur, nec, si linteamina nimis madida, nova injiciantur, sed trita antea & exsiccata probe. Est quoque admodum salutare corpus involvere tunicæ talari manicæ, quam vocant *einen Schlafröck*, pedesque tibialibus induere, sive in lecto decumbere, quo omnis auræ frigidioris accessus arceatur.

§. III.

Situs erat. Tum vitandus erectus corporis, & capitilis, tam in lecto, quam extra eum situs, tanto magis, ubi pulsus debilis & summa virium prostratio, nec non ubi morbus in vigore. Inde enim ob debilem cordis pulsum non sufficiens sanguinis copia perpendiculari via ad caput pelli potest, lipothymia facile obrepit, imminuitur, vel fistitur cordis & sanguinis motus, omnes

motus ad interiora vertuntur, fibrosa & tubulosa cutis substantia contrahitur, materia exanthematica, pejoris nunc quam antea indolis, retropellitur, & ad nervosas partes delata, convulsiones, deliria, vel etiam sphacelationes funestas paullo post suscitatur. Id quod plurimis exemplis habeo confirmatum, & uberior meo ex consilio excussum est in dissertatione de situ erecto in morbis periculosis noxiis.

§. IV.

Porro animus tranquillus & erectus servandus, omnesque occasiones praescindendæ, quæ ad metum, pusillanimitatem, iram, vel terrorem ægrum permovere aptæ. Mens potius solatio & salutis spe erigenda, quam mortis periculi denunciatione dejicienda. Ego certe novi febribus ejusmodi decumbentes, qui forsan non fuissent mortui, nisi a theologis & medicis intempestiva mortis prædictione & inculcatione, horror & metus ipsiis fuisset incussus ingens, omnibus postea illico in pejus mutatis.

§. V.

Præterea neque in principio, neque in declinatione, multo minus in statu morbi, laborantes onerare decet alimentis, quæ ex carnibus, ovis & pinguibus parata, uti sunt illa jusecula sic dicta confortantia, die *Kraft Bruhen*. Non enim non in manifestum damnum cedere possunt, quia præsente jam virium defectu & humorum impuritate, vires magis aggravant, cruditates generant, materiamque & somitem morbi augent. Memori potius mente tenuendus verisimilis ille practicus *Hippocratis* canon: *corpora impura quo plus nutrituris, co magis laeseris.* Mihi quam plurima nota sunt exempla eorum, quibus remittente morbi & symptomatum atrocia, præpostera liberalitate cibi alibiles congesiti, cum præsentaneo danno, subflequentem mox anxietate præcordiorum, inquietudine, virium debilitate, quin ipsa morte.

§. VI.

§. VI.

*Pharma-
ca valida
nocens.* In medicamentorum autem usu , ceu perpetuum axioma tenendum : nunquam validiora commoventia & volatilia , emetica , purgantia , diuretica , nec non sudorifera nimis spirituosa & expellentia , esse propinanda . Nihil enim vi & impetuose hoc in morbo agendum , in quo naturæ quam maxime viget opus , cui omne nimium inimicissimum , temperata vero & moderata amicissima .

§. VII.

*Medica-
menta
opportu-
ne dan-
da.* Deinceps quum hæ febres habeant certos suos typos , suas periodos , certis temporibus exacerbationes & remissiones ; multum omnino refert , ut medicus hæc tempora & medendi opportunitatem observet . Quod si non facit , plus damni , quam emolumenti affert . Res enim in medendo maximi est momenti , ut quis sciat , que tempore exacerbationis , ante , & post hanc , sub declinatione & remissione , danda . Paucis igitur in genere notari velim : quod sub æstu & symptomatum intensione , humectantia , diluentia , pulveres absorbentes nitroſi superius descripti , nec non acidula , cum valde moderato externo regimine propinare expediat . Finito vero paroxysmo , quando cutis laxa , mollior & ad excretiones disposita , analeptica , excitantia , vel , si opus bezoardica , perspirationem moventia , nec non infusum theiforme ex veronica , scordio & liquiritia , exhibere decet . Et quum alvi fluxu ſæpius solvi soleat morbus , is utique nunquam fitendus , præsertim circa tempora critica , nec adstringentibus , nec sedativis , nec opiatris , sed si natura ad hanc excretionem inclinat , nec tamen rite succedit , secundanda potius eadem tutissime per laxans mannatum super descriptum , & tamarindinata .

§. VIII.

*Corporis
tempera-
menta
accommo-
danda.* Quia etiam corpora ægrotantium non sunt unius ejusdemque indolis ac temperamenti , sed in quibusdam motus vegetiores & intensiores , humores

quoque calidores & agiliores , in aliis vicissim motus languidiores & tardiores , ac humores lentiores magisque viscidii ; curate utique hæc a prudenti medico discernenda cum humorum quantitate , & motus ubiq; ad temperamentum , convenientem proportionem & equilibrium reducendi . Hinc ubi nimius æstu internus & externus , oris siccitas cum siti , & inde vigilæ nimiae pertimescenda , ibi nitroſa & potus diluentes , crebrius , sed moderate , offerre expedit . Contra ea , quando in temperamento segni , phlegmatico , meticuloſo , mitis admodum calor , ſitis nulla , pulsus debilis & languidus , cum virium prostratione , ſomnolentia mentisque torpore , a refrigerantibus abſtinendum , & analēptiſis potius ac bezoardicis effentiis , crebrius itidem , sed parcus datis , pugnandum . Quum impuritas sulphurea & acetofa in humoribus peccat , & exanthemata magis ad rubræ purpuræ naturam accedunt , pulveres bezoardici fixiores , item diluentia , demulcentia , emulſiones & liquor noſter anodynus mineralis omnibus fere palmarum præripiunt . Et in vappelſentia ſive corrupzione lymphæ acetofa , accedente ea propter alba purpura , præter fixa diaforetica , liquor bezoardicus *Buſſi* , cum liquore anodyno , proficuus .

§. IX.

Quamvis autem in periculis hisce febribus , non adeo scrupulosa symptomatibus ratio sit habenda , sed potius affectus primarii , cuius hæc effectus & producta ; quandoque tamen necessarium est , ut imminentia eadem arceatur , vel periculum , quod præfentia minantur , avertatur . Ex his ſunt cephalalgie atque deliria , ad que declinanda optimum utique est domesticum remedium , pullos columbarum , vel gallinarum recenter diſciſſos , capitū raso applicare , vel epithema ex pane , cum sale , nitro , camphora , oleo ligni Rhodii & nucleis cerasorum vel persicorum , fronti atque temporibus circumponere . In animi deliquiis , vomitu ,

vomitu, singultu, syncope, cardialgia & summis angustiis, emplastrum ex theriaca, oleo nucistar expresso, camphora, balsamo Peruviano, croco, oleo de cedro & pauxillo spiritus vini, præcordiorum regioni applicandum. In faucium ardore & siccitate, gelatina cornu cervi, cum succo limonum & saccharo cantho, syrups diamoron, nec non oris collutio cum decocto ficuum, syrupo diamoron & nitro, opem ferunt egregiam. Urgente sapore, fricentur suræ & plantæ cum aceto rutaceo, vel vesicatorium nostrum temperatum, magnitudine dimidii thaleri, suris apponatur. Et si purpura retrocedens anxietates facit & inquietudines, liquor bezoardicus *Bussiae*, vel liquor cornu cervi succinatus, cum spiritu nitri dulci, vel liquore anodynno minerali, ex usu est. In tussi oleum amygdalarum dulcium & croci extractum.

§. X.

Excretio-
nus mo-
derano-
de.

Inter excretiones, quæ metum incidunt, est sanguinis per nares stillecum. Prodit hoc sanguinis ad caput jam infirmum congestionem, ex spasmis inferiorum. Hinc si proportionatus & moderatus est fluxus, cum sanguinis in corpore abundantia, non adeo nocet, sed potius graves capititis affectus avertit, id quod tamen rarius evenit. Quando vero paucæ tantum sanguinis guttae stillant, nullum inde levamen, sed potius præfagium delirii & inflammationis faecium. Et ubi effusus manat, vires prosteruntur, excretiones cutaneæ ad interiora restringuntur, & exanthemata, quæ adsunt, non sine discrimine dispergent. Ad avertendum igitur sanguinis ad caput confluxum, pedes semper in moderato calore & madore servandi, omneque frigus arcendum. Hunc etiam in finem conducibile vesicatorium, nostra ex inventione temperatum, nec nimis dolens, suris apponere, alvumque servare apertam, vel per temperata nitrosa, moderate & crebro data, vel clystere, vel in-

fuso mannato. Et eadem quoque juvant, si hæmorrhagiæ nimiae. Ubi vero parcus justo nares stillant, sanguis tamen, testibus oculis rubicundis, torvis, & arteriis temporalibus valide pulsantibus, ad caput impetuosius confluit, præter jam dicta revellentia, derivantia, & cucurbitulas nuchaæ admotas, stillecum proritare expedit, vel per intrusum naribus stramineum culmum, vel scarificatorio instrumento. Ubi nimius alvi fluxus, palveribus bezoardicis aliquot tantum grana corticis chaccarillæ adnascenda, externis tamen potius, quam internis excretio moderanda, & abdomen balsamo stomachali ex oleo nucistar expresso, menthae & balsamo de Peru inungendum. In sudore effusori stragulorum calor quam maxime evitandus, & abstinentium a potu infusorum theiformium, ac usurpanḍæ species de hyacintho cum nitro. Et si vomitus & singultus urgent, præter commendatum externum linimentum, liquore anodynno cum li- quore bezoardico, nihil efficacius.

§. XI.

Venæ sectio in exanthematicis hi-
scæ febribus cum summa circumspe-
cione administranda. Magis enim ad
præservationem facit, quam ad cu-
rationem. Hinc in gravidis & fœni-
nis, quæ nimis sanguinis per uterum
profluviis obnoxiae, quum tempus
vernus & hyems precessit nimis rigi-
da, non sine fructu sanguis mittitur,
id quod etiam tenendum de iis, qui
purpuræ scorbuticae patent, & morbi
hujus insultum metuant. Vicissim,
ubi jam virium enormis lapsus, mor-
bus ex cacochymia ortus jam præsens
est, catarrhofæ affectiones compli-
cantur, febresque ob aarem vappi-
dum nebulosum malignæ & putridæ
gratiantur, plane a sanguinis missio-
næ abstinentium. De primam regio-
nem vacuanib[us] mohendum: quod
si morbus invadit corpus, cuius ven-
triculus, copia alimentorum, præ-
fertim incongruorum, recenter far-
etus,

Etus, tartarus emeticus, in infuso mannato ad unum, vel duo grana datus, eximie sit proficuus. Nam litteret ejusmodi pharmacum vacuans malignitati non directe resistat, quia tamen materiam & somitem morbi subtrahit, multum omnino facit ad curationem ipsam. Sed si quid movendum, heic maxime, sapienti *Hippocratis* effato, movendum in principio. Vesicatoriis multum in his febribus tribuunt plures. Ego vero ita censeo: habent locum, si metus retrocessionis exanthematum, si natura corporis tarda in excretione, sopor & torpor adest. Tum novi, a vesicatoriis brachiis, vel suris appositis, mox totum corpus purpura rubra vel alba fuisse conspersum. Sed nostrum temperatum hic etiam commendamus vesicatorium,

ENARRATIONES MORBORUM.

OBSERVATIO I.

Febris Maligna Petechizans anno
c¹o¹c¹x¹c¹x¹. Halæ Epidemica.

*Constitutio aeris prece-
dens in-
salubris.* Varium admodum, maxima tamen ex parte nubilum & pluviosum cœlum autumno anni superioris seculi **XCIIX.** regnarat, hyems quoque præter morem tepida & humida, autumno fere similis fuerat, & ver subsequentis anni **99.** pariter justo calidiorrem & humidiorem habuerat aeris statum, ventis semper fere ex austro spirantibus. Hæc autem præternaturalis diurna & insalubris temporum anni constitutio pessime mortalium affect corpora. Inde quippe fibræ motrices nimium laxatae, succorum spiritus ascentia depressa, vitalis humorum progressus multum retardatus, sed & excretiones, potissimumque omnium saluberrima perspiratio, turbatae, omnibus succis impuritas ad corruptionem prona inducta, corporibusque magna ad morbos dispositio-

ingenita. Excepérunt igitur variis morbi, partim putridi & maligni, partim a feri redundantia & in locis glandulosis stasi pendentes. Inter eos, qui populares habuerunt circuitus, fuerunt variolæ & febres malignæ petechizantes. Nimirum circa æquinoctium autumnale anni **98.** cœpit variolarum morbus, & per sex fere menses tanta institutis vehementia, ut vix ullus, qui ipsum nondum expertus, maneret immunis, utrū quidem superius capite 7. pag. 162. seqq. enumeravimus. Circa æquinoctium autem vernale anni **99.** gravior adhuc prodiit lues, adultis præcipue infecta, & stragam edidit haud levem, febris nempe maligna, petechiis variisque exanthematibus comitata, cuius genium, ingressum, atque decursum, ex propria attenta observatione jam fusius paulo delineabimus.

Scilicet invasit hic morbus ratione *Quos in-
ætatis, maxime juvenes & viros;* *veneris
tenellis, puerili ætati & senibus pe-
morbus
& qui-
percit:* ratione sexus majorem edidit *bus capi-
stragem in maribus, quam foeminis.* *talis.* Dein infestavit potissimum personas constitutionis sanguineæ, item sanguineo-phlegmaticæ, nec non sanguine abundantes, obesos, habitus corporis laxioris, spongiosioris, & venis plurimis, angustis tamen & exilibus distincti. Graciliores autem, cholericæ & illi, quibus fibræ magis strictæ & venæ amplæ, non tam frequenter eodem affecti. Infensissimus, immo lethalis fuit iis, qui ex nimia intemperantia, præsertim vini generosi abusu, nimia voracitate & crebrioribus animi commotionibus, sanguinis impuritatem & cacochymiam sibi contraxerunt, vel ex morbis prægressis, aut aliis causis corpus obtinuerunt jam imbecille. Sine contagio ipsum hunc morbum fuisse subnatum & intus progeneratum, frequens docuit experientia. Contagii autem vis non in omnes promiscue se exseruit, sed maxime in vicinos atque dispositos, ita ut plures iisdem

in ædibus simul ægrotarint. Rarisimi fuerunt ex peregre accedenti-
bus, qui lue infecti.

Omnis autem, quotquot corripuit
^{s. apio-} hic morbus, hisce affectit pathemati-
^{s. inef-} bus, ex quibus, seu pathognomoni-
^{s. tialia.} cisis signis, cognoscendus fuit. Insi-
gnis & subita statim inter initia & per
totum decursum morbi durans, ad-
fuit virium jactura atque prostratio,
& tanta laesitudo & gravitas detinuit
membra, ut ægri præ debilitate nec
corpus movere, nec erecta statura in-
cedere potuerint, sed illico vertigo,
vel leve animi deliquium, non sine
insigni vitæ discrimine, accesserit.
Pullus dein arteriarum deprehensus
debilis, parvus, frequens tamen, in-
terdum majori, interdum minori ce-
leritate & inæqualitate micans. Ca-
lor poero ut plurimum visus remis-
sior & minor, sitis quoque non adeo
magna & urina sanorum simillima,
sed vigilia, aut in aliis somnolentia,
perstitit continua.

^{Quoad} Pro temperamentorum tamen æta-
^{tempora-} tumque diversitate, nec non rerum
^{mores di-} externarum accessione, discreparunt
^{versi.} symptomata. In sanguineis confusis
& inconstans fuit decursus, dorso au-
tem dolor major, anxietas præcordio-
rum gravior, cephalgia acutior, cum
faciei & oculorum rubore, vigilia &
delirio, maculae etiam rubrae affatim
in iis fuerunt conspicue. Qui sanguinem
mobiliorem & biliosum aluerunt,
sub strictiori corporis habitu, majorem
experti sunt ardorem externum, vi-
giliam cum æstu, corporis jactatione
& inquietudine; accessit etiam in his
loquacitas, faucium inflammatio, del-
rium, oculis simul protuberantibus,
ferocibus atque splendentibus. Qui
laxiorem & obesum corporis gesse-
runt habitum, cum sanguine copio-
so, sero viscido scatente, non adeo
mordaci calore, nec siti, nec in-
quietudine affecti sunt, sed somno-
lenti, debilissimi & morose taciturni
jacuerunt. Somnus vero ut plurimum
fuit turbulentus, variisque absonis

insomniis interturbatus, a quo ma-
le habuerunt & expergesfacti leviter
ut plurimum delitarunt. In
melancholicis similia sunt obser-
vata.

Qoad excretiones etiam diversa ^{Nec non}
annotata phænomena. In nonnullis
per totum morbum diarrhœa mode-
rata neque insalutari spuma & va-
riegati coloris fecesserunt. Plurimis ac-
cidit id circa dies criticos, septimum,
nonum, undecimum, vel decimum
quartum, cum copioso sudore, ac
critica quam maxime salutaris fuit
excretio. Quin, non tantum hoc
tempore, sed & alio, quo similes
continuae putridæ febres grassatae,
notavi, semper magis re ægrorum
fuisse, quando alvis lubrica & flu-
xa, quam si obstructa. Tum enim
majores anxietates, cephalalgiae,
inflammatiæ fauciæ affectus, vel
purpura alba, cum vitæ discrimine
succeserunt.

^{Sudores.} Sudorum ratio non fuit ubique
eadem: continuo quippe & per to-
tum morbum manantes, morbi ma-
lignantem, naturæ imbecilitatem
infelicemque significarunt eventum;
lenis autem sudor & mador continuus
boni omnis præbuit signum.
Quando etiam ægri nono, vel un-
decimo die copiosius sudare coepi-
runt, præcedente, vel etiam erumpente
simul alvi fluxu, symptoma-
ta multum remiserunt, animi rediit
vigor atque constantia, nec non
pulsuum æquales iætus, cum optata
spe sanitatis. Nec quisquam fere
morbum hunc evalit periculosis-
simum, quam diarrhœa, vel sudore,
vel utroque simul. Interdum tamen
effusus & longius manavit sudor,
ad hebdomadem fere, ac vires exhaus-
riens hec tici morbi metum incusit.

Narium hæmorrhagia largior ex ^{Hæmo-}
voto non cessit, prælertim crebrius
repetens; vidamus tamen & in prin-
cipio copiosam, cum diarrhœa simul
erumpentem, sine vitæ periculo.
Mensum quoque fluxus liberalis ad-

modum tertio, vel quarto morbi die, innoxius tamen, prodit. Sanguinis vero per ani venas stlicidium, quantum quidem novi, visum est in nemine.

Urinam. Urinæ ut plurimum fuerunt sanorum similes, interdum tenues & turbidæ ac pallidæ, sine sedimento, quod circa decimum quartum, immo vigesimum diem, cum aliis faustis prælagii signis, comparuit. A non nullis tamen urinæ statim post emissionem turbidæ redditæ, non sine foetore. In quibusdam tertio statim morbi die effuse fecerit, succedente gravativo simul capitis dolore, torpore mentisque stupore ac turbatione, quæ accedente die septimo copioso sudore, feliciter evanuerunt & ægri servati. Quidam vicissim, maximeque ii, qui diarrhœam, vel vomitum frequentem experti, per aliquot dies parcissime urinam, limpidam instar aquæ, rediderunt.

Vomita. Vomitum cum singultu per totum fere morbi cursum observavimus lethalem. Conatus autem ad vomendum fuit frequentior, præsertim post assumenta medicamenta, vel quando ægri ante morbi insultum gravi terrore percussi, aut in principio emeticum assumenterunt validius. In non nullis peculiare hoc funesti ominis symptoma visum, quod liquidum assumentum & in stomachum delatum, accedente leviore corporis commotione, vel erectione tantum, iterum in oscum murmure ac borborygmo ascenderit, ac limpidus humor, duo fere cochlearia complens, eructatus. Vidi in primis hoc cum singultu per aliquot dies in viro honorato, in quo instituta post mortem sectione, hepar in concava parte plane putridum, nigrum, instar picis, nec non in diaphragmate, duodeno, & parte pylori, sphacelosa comparuit corruptio.

Exanthematicis. quidam plane ca-
ruerunt, quidam confertim obfessi.
Hec in non nullis antequam lecto affi-
gerentur, quum adhuc non nisi de lan-

guore conquererentur, inter initia statim comparuerunt, minus fausto eventu. In aliis circa diem septimum, vel nonum in conspectum prodierunt, bono cum omni. Occuparunt autem ut plurimum collum, dorsum, femora, parcius abdomen pedes & manus, rarius etiam faciem, in uno tamen circa frontem, tempora & mentum rubicundæ ad modum conspicuæ fuerunt maculæ petechiales. Meliores fuerunt parvæ & rubræ, pejores magnæ, lividae & ad viridem, vel violaceum colorēm accedentes. Præterea in iis, quibus alvus tensa erat & dura cutis que sicca & arida, nono in primis, vel decimo morbi die, quum petechiae disparere incepérunt, maximis cum anxietatibus, extermorum refrigeratione summaque virium & animi defectione, successit exanthema pessimi moris miliare, purpura nempe alba, multosque tam antequam prodiret atrocissimis symptomatibus, quam etiam postquam prodisset, ob vires penitus jam fractas, interfecit.

Rarius morbum evaserunt, conti-
nua mortis formidine detenti, nec
non qui medicamenta respuerunt, qui
obesi fuerunt, & copiosum ac impurum
aluerunt in venis sanguinem. Funesti
ominis fuerunt sudores frigidi, cum
pulsu frequenti, debilissimo, & inter-
mittente, respiratione intensa, & acci-
cifa, deliriis, convulsivis motibus, seu
tendinum in manuum carpis contrac-
tione. Delirium nunciarum oculi se-
roces, cum rubidine & illacrymatione,
sitis defectus, inquietudo, & jactatio
corporis, pulsus celer & faciei inflatio.
Pessima quoque macularum retroces-
sio, que vel admisso improvide frigore,
vel terrore incusso, vel corpore diutius
erecto, inducta. Hac enim facta, mox
summa debilitas corporis refrigeratio,
respiratio anhelosa & anxietas precordiorum gravissima, cum vitæ discrimi-
ne. In bonis vicissim fuerunt, quietus
corporis decubitus, mentis constantia,
sitis, somnolentia, macularum die se-
ptimo demum, vel nono processus le-
gitim.

gitimus, alvus liquida, surditas circa diem criticum eveniens & aliquamdiu perdurans, idque maxime in iis, qui habitu fuerunt graciles, tenues, cum fibris strictioribus.

Eventus. Qui mortui, die ut plurimum undecimo, nonnulli tamen etiam septimo, diem obierunt. Qui autem sanitatem recuperarunt, die undecimo, vel etiam decimo quarto, quin decimo demum octavo, virium restaurationem & symptomatum remissionem sunt experti. Sex tamen plerumque hebdomadum spatio, antequam perfecte sanarentur, opus habuerunt, ac medio quippe tempore febris soluta est, & reliquum, tam ad tollenda supervenientia accidentia, quam ad vires recolligendas impensum.

In regime commenda data usura aeris sereni, limpidi, puri, temperate calidi; hypoculta enim nimis calefacta, vel excessivus calor a frigulis, semper fere, vires exauriendo & excretorios actus turbando, nocuerunt. Cibi, praecipue solidi, admissi nulli, sed in declinatione & post illam, tantum liquidi & facilis solutionis assunti. Usus vero ciborum liberalis, etiam nutrientium & jusculturum sic dictorum confortantium, particulis oleosis alibili bus foetorum, praesentissimum attulit damnum, in primis circa dies criticos, in statu morbi, aut praesentibus evacuationibus criticis, & inde mox major virium jaictura cum excretionum turbatione indueta. Quin novi, largior rem ciborum solidorum declinante morbo usum, gravem peperisse recidivam. Nihil autem fere magis nocivum fuit, quam situs erectus. De quo quidem silent practicorum libri; ego vero non tantum in hoc, sed & aliis malignis & acutis exanthematicis morbis notavi multoties, quod si agrotantes diutius corpus in erecta servarint statura, sive surgentes, sive in lecto sedentes, vehementia morbi mirifice increverit, quin ipsa mors exceperit. Inde enim illico summa affecti debilitate & animi quasi deliquio, anxietate præcordiorum,

extremorum frigore & maculae in cute conspicue evanuerunt, cum vita periculo. Neque hoc, ut vulgo creditur, ob admissum frigus accidit, sed iis etiam, qui in calore detenti & ab omni frigoris accessu probe sunt defensi, ob languidorem sanguinis ex corde perpendiculari via ad caput pulsum.

Ex medicamentis alexipharmacis, *Calida* salia volatilia, bezoardica calida & spiruola, licet ceu efficacissima vulgo commendentur, plus damni, quam emolumenti attulerunt, presertim liberalius & cum calido regimine exhibita. Dissolutionem enim sanguinis elementorum promoverunt, & ob id majorem petechiarum fecerunt copiam, vel cephalalgias etiam, anxieties, inflammations, veletiam sudores copiosos, suscitarunt. Quin novimus his ad præservationem cum regimine assumptis, mox ipso contagio corpus fuisse affectum. Fuit tamen, ubi hæc volatilia alexipharmacata analpticis mixta, moderate & caute usurpata, opem tulerunt egregiam, tum nempe, ubi ex macularum retrocessione, vel corporis, sive ex terrore, sive ex frigoris externi admissione, aut statura erecta, refrigeratione, anxieties & debilitates infensissimæ subsequuntur. Suasimus etiam moderatum horum usum statim in principio, quum circulatio sanguinis adhuc in vigore esset, quo magna materia peccantis portio cum fructu dissipata. Sudoriferum tamen non simul injunxit regimen, nec iis usi sumus in plethoricis & cachymicis. Neque minus eo tempore, quo crisis institit, vel etiam jam adfuit, bezoardica volatilia in modera-*De vena* ta dosi, criticas evacuationes, debilem & languidum motum resuicitando, egregie secundarunt. Cauti tantum fuimus & parci, ne nimios sudores efficeremus & ad lentas febres induceremus dispositionem.

Sanguinis missio ad arcendum morbi incursum proficia observata, in corporibus plethoricis & quibus sanguinis evacuationes tam spontaneæ,

quam artificiales consuetæ : contra ea, quando jam debilitas & virium prostratio insignis adfuit, minus feliciter cessit venæ sectio. Non enim putredinem tollere apta fuit, sed corpora inde magis potius debilitata, ut morbo superando facta imparia.

Davomitoriius & vesicantibus & opiatis. Vomitoria lenia in iis, quibus prima corporis regio vitiosorum humorum copia obsessa, præservationis ergo ante insultum morbi, operi rulebunt exoptatam. Novi etiam ipso in morbi principio eadem profuisse; verum circa morbi progressum ac flatum, continuum vomendi desiderium, naulem, ardorem circa regionem cordis & anxietatem cardialgicam suscitarunt, vel potius hinc malis præbuerunt causam. Vesicatoria ab aliis nobis eximie laudata, in statu morbi, ubi delirium, vel sopor & convulsiones ægrum affixerunt, cervici admota. Opia omniaque soporifera rejecimus, propter pulsum debilem & motus vitales jam languentes, quippe quæ vires magis debilitando & excretiones retardando, majorem efficiunt malignitatem & ad mortem aditum parant placidum quidem, sed certuni.

Materia medica-mentorum. Materia vero eorum, quæ a nobis usurpata & salubria deprehensa, fuit hæc: ex aquis; florū sambuci, acaciae, tiliæ, ulmariae, rosarum, herbæ scordii, scabiosæ, cardui benedicti; ex syrups: acetosifatis citri, granatorum, cum julepo rosarum; ex pulveribus: mater perlarum, antimonium dia-phoreticum, lapides cancrorum, succinum, terra sigillata, cornu cervi usulum, philosophice præparatum, nitrum purum; ex alexipharmacis: camphora, essentia & extractum scordii, vincto-toxici, mixtura simplex, spiritus & tintura bezoardica; ex acidis: spiritus vitrioli philosophicus & nitri dulcis; ex humectantibus: decoctum scorzonere, rasuræ cornu cervi, item gelatina cornucervi; ex analepticis: aqua florū aurantiorum, oleum citri recens cum saccharo, confectio alkermes, de

hyacinthro, balsamus noster vita externe; ex antispasmodicis: essen-tia castorei, cinnabaris, spiritus cornu cervi, succinatus.

Ex his variis generis formulæ pro circumstantiarum ratione concinnatæ & methodus iisdem utendi ita instructa: in principio morbi pulvis bezoardicus, cum nitro & pauxillo camphora remixtus, iterato aliquoties exhibitus; per morbi dein progressum & statum, mixtura ex aquis temperatis, dia-phoreticis, analepticis, antispasmodicis & pulveribus cordialibus bezoardicus cum succo citri aliquamdiu date. Potui inditum nitrum, vel spiritus vitrioli philosophicus, aut clyssus antimoniū sulphuratus, qui alvum fluidam servat. Et frequens potus decocti cornu cervi citrati, item radicis scorzonerae, calidus & frigidus, admodum proficuus notatus. Circa diem criticum leniora alexipharmacæ & quæ sudorem promovere poterant adjecta, quando natura ad sudorem movendum se armavit & non suffecit. Hinc vel mixtura, vel tintura bezoardica, vel essentia scordii, mixturiis indita.

Hæc optima & securissima fuit mendendi methodus & plus quam centies probata. Symptomatibus autem hac obviandum ratione: in nimio vomitu, anxietate præcordiorum, enoribus diarrhoeis & ventris tormentibus, externe theriaca cum oleo nucis molchatae expreso, camphora, oleo caryophyllorum & balsamo Peruviano mixta, regioni stomachali apposita. In diarrhoea etiam nimia vires ex-hauriente usurpatus pulvis bezoardicus nitrosus, cum momento camphoræ & theriacæ celestis. In phrenide & acuto capitis dolore cum fructu externe admovimus spiritum vi-ni camphoratum & salis ammoniaci, cum oleo ruta, lavendula. Si alvus nimis adstricta, vel tormenta in ventre affixerunt, expertissimi fuerunt clysteres lenientes, vel pure oleosi. Ad erigendas vires, spiritoosa, confortantia, aromatica, ex-

externē pulsibus & scrobiculo cordis apposita, vel naribus suscepta, opem tulerunt egregiam. Ad fallendam si-
tim egregium fuit electuarium, ex
saccharo Canariensi & spiritu nitri dulci.

*prefer-
vatio-*

Qui demum ab epidemica hac lue si-
bi metuerunt, ii prudenti medicorum
consilio defensi purgationibus leniori-
bus, pilulis nempe ex extractis bal-
famicis amaricantibus, rhabarbarinis
& aloeticis. Plethora sanguinis sub-
tractio rite administrata. Ad sanguinem
vero fluxilem servandum, & dy-
scrasiam cum malignitate arcendam,
commendari meruit infusum veronicae
& scordii, omnibus individuis accom-
modum. Accedere præterea debuit
decens vivendi ratio, cibus & potus
moderatus, temperatus nec varius;
abstinendum ab affectibus animi,
vires omni modo custodiendæ, corpus
& refrigeratione defendendum, &
ipse aer humidus & vapidus corri-
gendus accensione lignorum & gum-
matum resinorum.

OBSERVATIO II.

*Constitu-
tio aeris
mor-
borum
epidemi-
ca anni
1728.*

Ego quidem per omnem vitam non
facile memini, ullum annum adeo
quoad tempestatum aerisque constitu-
tionem, ab ordinario statu declinasse
& quasi præternaturalem fuisse, quam
elapsum 1728. Etenim Martio jam
mensē cœlum regnavit præter morem
calidum & sublequentibus mensibus
calor cum siccitate adactus sique ad
medium usq; Septemb. duravit. Inter-
venerunt tamen subinde dies & noctes
frigidæ admodum & rigidæ, quibus
adeo in contrarium mutatus subito ae-
ris habitus, ut præcipitante etiam A-
prili noctu in glaciem a gelu aquæ den-
sarentur. Autumno poltea tempestas
ingruit ac persistit humida & frigidu-
scula fœcunda. Sub finem demum,
Decembri & Januario sequenti, suc-
cessit præter consuetudinem algidissi-
ma hyems, ita ut gelu 6. 7. 10. 12.
& 13. Januarii die, intensissimum

Tom. IV.

illud post hominum memoriam anni
1709. si non superaret, certo tamen
æquaret. Frigidissimam autem hanc
tempestatem subito iterum exceptit
lenissima australis die 14. aura, que
copiosissimam nivem cum glacie mox
liquavit, interspersis subiude pluviis.
Mira etiam sub hac cœli vicissitudine
observata argenti vivi in barometro,
ratione descensus & ascensus, crebra
& quotidie fere mutatio, qualem
me per triginta annos vix unquam vi-
disse recordor, adeo etiam, ut vel
una nocte, a vigesimo septimo gradu,
ad duodecimum, quin octavum dela-
beretur; luculento indicio, non modo
valde subitam ratione caloris &
frigoris (in thermometro, sed etiam
gravitatis aeris, mutationem ac va-
rietatem factam fuisse. Hæc autem
insolita & peculiaris aeris annique
temporum constitutio, non potuit
non ingentem etiam mutationem anti-
mantum & maxime humanis corpori-
bus inferre functiones tam vitales,
quam naturales, potissimumque se-
cretorios & excretorios actus, tur-
bare atque pervertere, & materiam
ac dispositionem ad diversi & insueti
etiam generis morbos ingnere.
Hinc igitur factum est, ut non modo
in universa Germania, sed & Belgio,
Anglia & alibi, tam uberi proventu
enati fuerint morbi, quam vix alio tē-
pore visum unquam. Decurrente quip-
pe vere, estate & autumno, febres va-
riæ intermittentes, tertianæ simpli-
ces, duplices & continuæ, quartanæ
simplices & duplices, crebrius recidi-
vantes, valde anomala & irregula-
res, in quibusdam malignitatis spe-
ciem referentes, contagio infestæ,
sæpe purpuraceo exanthemate stipatæ,
prodierunt affatim. Variolæ quoque
& morbilli non siluerunt, & quidam
præterea diarrhoea & dysenteria affec-
ti. Octobre vero & Novembre ap-
petente desierunt intermittentes ir-
regulares & successerunt catarrhales,
pro diversitate & impuritate corpo-
rum, plus minus benignæ vel malignæ,

1 3 ac

ac per Decembrem etiam ac Januarium infestarunt, factæ simul contagioſæ, cum exanthematis, petechiis spuriis ac purpura. In plurimis cum horripilatione, virium prostratione, contusivo artuum dolore, temulentia capitum, juncta raucedine, gravedine & pectoris infarctu, incepserunt, & quotidie circa noctem, quæ ut plurimum insomnis fuit, major facta inquietudo cum æstu. In spurci admodum corporibus, quarto, vel etiam septimo die comparuerunt exanthemata, petechiæ maxime spuriæ & purpura alba, vel rubra, vel utraque simul, modo cum, modo sine levamine. Optime potius morbus solutus vel sudore largo, vel alvi fluxu, vel copioso screatu. In benignioribus catarrhalibus cum violenta & convulsiva tussi, faucium tumore, quandoque exulceratione, pectoris copioso infarctu, parotidum, quin erysipelaceo faciei tumore, ego diluentibus, sanguinis æstum & acrimoniam temperantibus cum fructu sum usus. Evacuationem alvinam per infusum usitatum mannatum movi, quod sine ulla molestia sex, vel septem sedes proritavit, humorumque a pectore, faucibus & capite impetum efficaciter derivavit. Et postea pulveribus diaphoreticis cum pauxillo extracti croci, nec non infusis theiformibus, cura ex voto absoluta. In iis autem febribus, quæ genii minus benigni visæ, eadem, quam supra expositum, ratione, medicacionem institui.

Historia febribus petechialis spuriæ purpura alba. Ex his quibus exanthemata juncta, memorabilis potissimum petechialis mitior, cum purpura alba, cuius historiam, in primis ex observatione numeroſissima praxi occupati medici, figgilatim percensere, opera erit pretium. Coepit scilicet hæc in plurimis cum horripilatione & subsequente æstu mitiusque per duos aut tres primos dies affixit, ita ut ægri non penitus lecto affigerentur, sed tantum de doloribus tensivis in dorso & artibus, capitum temulentia, virium appetitusque

prostratione conquererentur. Nonnulli conatum vomendi, quidam etiam vomitus experti, plerique tamen primos hosce dies somnolenti, dormitantes magis, quam vigilantes, transsegerunt. Accedente autem quarto die, motus febribles graviores accesse-runt & vix sequenti mane tantisper remisit æstus, simulque ipso hoc die in quamplurimis sanguinis per narēs erupit silicidium, ac paullo post subleni madore prodierunt etiam petechiæ. Fuerunt præterea in plerisque quibus alvi circa hoc tempus obtigit lene profluvium, ad septimum usque diem, quin quandoque undecimum durans, quod morbi vehementiam immiuuit magis, quam adauxit. Absoluta macularum eruptione, in junioribus potissimum, minus meticolosis & de vita sollicitis, febris postea, sub levī mentis turbatione, placide & tranquille decurrit & circa decimum quartum diem ad faustum exitum pertigit, tantum quod in quibusdam tussis & surdaster status per octo, vel plures dies durans, remansit. Quod si autem post exanthematum efflorescentiam febris impetus cum deliriis increvit potius, undecimo, vel decimo quarto die certo expectanda fuit purpura alba. Quæ priusquam comparuit, ægri summa praecordiorum anxietate, insomnia & stricturis circa collum sunt affecti, ut conquererentur fauces strangulari, se cistæ esse inclusos, teneri, in alieno conclavi & inter peregrinos versari, rogantes, vincula ut laxentur, ipsique suis & quieti redderentur &c. Quod si tamen sub hoc angore & partem exanthematum vehementia purpura in conspectum venit & deliria cum reliquis symptomatibus postea cessarunt, & hi feliciter evaserunt. Sed quibus circa 9. diem tendinum subsultus, motus tremuli, respiratio anhelosa, involuntaria urina & alvi excretio acciderunt, licet etiam demum purpura proreperet, decimo, undecimo, vel decimo tertio die sub convulsivis motibus obierunt. Medendi hisce febribus

bribus methodus fuit hæc. Adultis & qui venæsectioni assueti, simul ac conqueri cœperunt, sanguinis ad sex, vel octo uncias subtractus in pede, omnibusque quies, moderatus calor & abstinentia injuncta. Conclavia semper in æquali tempore servata, nulli, quam poscenti, cibus datus, potus vero excerevisia tenui tepidus & parcis haustibus pro lubitu unicuique concessus. In medicatione, rejectis expellentibus & alexipharmacis, ternis singulis horis, exhibitus pulvis temperans, ex absorbentibus, tam simplicibus, quam acidio saturatis, cum antimonio dia-phoretico & nitro, vel loco hujus poto temperata ex aquis destillatis, cum temperantibus & syrupo acetositatis citri. Comparentibus autem exanthematicis, ad impediendam eorum retrocessionem, pulveribus temperantibus, interpositis subinde parcis dosibus, usus essentie bzoardicæ, infusum theiforme potui datum & regimen diapnoicum injunctum. Alvus quidem in paucissimis adstricta, sed ubi fuit, clystere emolliente soluta. Adversus cephalalgias usurpatus spiritus vini camphoratus, vel etiam epithema illud domesticum ex mica panis, baccis juniperi, sale & cumino. Reliquorum symptomatum, ut inappetentiae, somni defectus & lassitudinis, minus rationem habuimus & præter analleptica temperata, datum præterea nihil. Cæterum feliciter per Dei gratiam, in omnibus fere qui consiliis medicis in diæta & regime rite obtemperarunt, curatio successit; il vero, qui hæc pensi habuerunt, maxima quidem etiam ex parte evaserunt, sed in morbos postea inciderunt corruptos, lentescentes.

Historia febris malignæ exanthe-maticæ. Idem hic morbus, iisdem fere symptomatis, eodem tempore infestavit milites nostros præsidarios. Scilicet fama percrebuerat, potentissimum Porussiæ Regem hoc venturum, milites lecturum. Hinc præfecti meditationes instituerunt campestres, suosque per aliquot dies ante diluculum in

campum eduxerunt, ut armis se se exercerent. Erat autem October jam adultus, celum frigidiusculum, nebulosum ac subinde pluviosum, milites tamen minus aduersus aeris injurias ob vestitum leviores muniti: male inde ipsorum corpora affecta & dispositio ingenita morbos, in primis quum non decesserint, qui liberali vini adusti potu corpuscale facere perperam satagerent. Ex eo igitur languore cœperunt multi & plures ægrotare, alii catarrhis, alii rheumatismis, alii diarrheis, alii intermittentibus febribus, maximeq; quartanis refractariis, affici, donec exente Novembre longe plures adoriretur febris continua maligna exanthematica, & successive vel centum inficiens, ad finem usque Decembris insisteret. Quotquot hæc corripuit, omnes pri-mum de insolito corporis artuumque languore conquesti sunt, cum capitib; gravitate, appetitus defectu & nausea. Sequutus dein horror corporis, quem exceptit calor & pulsuum celeres, debiles tamen ictus. Postea nonnullos pri-mum mitius afflixit pectoris infartus, cum tuffi & coryza; alios vicissim mox ita prostravit morbi vehementia, ut lecto affigerentur, & simul ac vel caput tantum erigerent, lypothymis afficerentur. Increbuerunt tum, in primis accedente quarto die pathemata, somnus defuit, nausea ursit, caput & dorsum doluit, pectus oppressum fuit, in nonnullis nares sanguinem stillarunt, aliis vomitus, aliis conatus ad hunc accidit, fuerunt maxime inquieti, delirarunt, corpus jaostitarunt, de summo simul angore conquesti. Exactis inter hec aliquot diebus, circa quintum, ut plurimum tamen septimum diem, prodierunt maculae petechiales, optimè rosei & purpurei, pessima lividi & fulci coloris. Exantheme quoque miliare, maculis hilice quandoque fuit interperfum rubrum, vel album, morbumque multum exacerbavit. Longe pejus tamen fuit, si post nonum, aut undecimum diem hoc accessit, viribus jam nimium attritis; quin die de-

num vigesimo primo uni id contigisse novimus , lethali eventu . In quibusdam critico septimo die sudor manavit ; in plerimis vero circa quintum vel septimum diem alvus fluere coepit , ad nonum , vel undecimum usque diem ; & haec quidem excretiones criticæ ægris in salutem eveneuntur . Quod si vero sudor statim ab initio fuit effusior , exanthematibus praefentibus nulla remissio , nullum criticis diebus in urina sedimentum , alvus adstrictior , cutis arida , sitis nulla , malum præbuerunt omen , invalecente haud ita multo post delirio , inquietudine , accendentibus cum singultu convolutionibus ac tandem morte . In medicatione harum febrium regimen injunctum moderatum , potus tepidus sufficiens , ex decocto potissimum hordei , cibus interdictus , rejecta calida & alexipharmaca , vomitoria & purgantia , omissa quoque venæ sectio , quæ in binis pri-
mum infelicititer cesserat . Dati tantum pulveres temperantes nitrosi ac dia-phoretici , modo cum , modo sine suc-
co citri , item potionis ex aquis ana-lepticis ac diapnoicis cum antimonio dia-phoretico , matre perlarum , cin-nabari & aceto . Alvus obstructa emollientibus clysteribus referata , nimis fluxa calore & pulverum dia-phoreticorum usu ad moderamen tradueta , & de reliquo eadem fere ratione , ac supra dictum symptomatis cæteris obviam itum . Feliciter etiam cef-sit curatio , ita ut ex omnibus vix ultra decem mortui , & hi quidem vel nono statim die , vel undecimo ac-cidente purpura . Cæteri fere omnes superato decimo quarto die sensim vires cum somno & appetitu receperunt ac successive cum sanitate in gratiam redierunt . In quibusdam tamen per aliquod adhuc tempus restitit præter languorem tussicula , in aliis etiam pauci in carnosis externis partibus effloruerunt furunculi admodum mo-lesti , congruis præsidii demum etiam sanati ,

Id igitur ex epidemicæ hujus febris historia notatu dignum : quod a sola paulo intensiori perfrigeratione corporis atque transpiratione adhibita , pro dispositione corporum , quatenus plus vel minus impuros in venis , in que prima regione alunt succos , varii generis morbosæ affectiones plus , vel minus mali moris , intermittentes nempe , item catarrhales rheumaticæ , petechiales & purpuratae gigni possint . Dein & illud observationem meretur , quod contagiosa quidem haec febris fuerit , non tamen omnes , sed tantammodo milites infecerit , qui similem perfrigerationem eo tempore passi , immunibus a contagio & iis , qui in ea-dem domo habitarunt , & qui visita-runt ægrotos . Quod quidem luculento est testimonio , contagium , ut effectui detur , supponere & requirere corpora , quæ succos ad recipiendum miasma & ejus activitati obsecundandum dispo-sitos alunt . Tum non prætereundum est , quod milites valde proceræ staturæ vehementius ægrotaverint & diffici-lius evalerint , quam alii minus proce-ri . Quia enim in proceræ staturæ cor-poribus , ob longum ac difficilem san-guinis per venas perpendiculari via regressum ad cor , circuitus tardior est & languidior ac in parvæ staturæ , excretionem autem & maxime perspi-rationis negotium circulum sanguinis tardiorem , vel celeriorem sequitur , facile patet , sub languidiori san-guinis & humorum circuitu , cor-pora magis & facilius reddi impura , & autocratiam quoque naturæ in vincen-dis morbis , quæ consistit maxime in circulatione languoris vegetiori & promitis excretionibus , valde langui-dam esse & insufficientem . Tandem memorabile omnino , quod venæ sectio etiam in principio administrata noxæ potius quam opem attulerit , quæ alias non tam facile in robustis hominibus , ut militibus , nocet . At quum a transpi-ratione prohibita & retentione excre-mentorum , quæ per cutim difflan-tur , primos malum traxit natales , ali-quot

quot jam septimanis languor & ciborum ante invasionem febris inappetentia adfuit, facile constat, sanguinis missione imbecillitatem adauetam, perspirationem vero magis imminutam fuisse, quod utrumque non potuit non cum damno accidere.

C A P. XI.

De Febribus Petechialibus veris.

Theses Pathologicæ.

§. I.

*Descrip.
tio
morbi.* **F**ebres petechiales veræ, sunt valde malignæ, contagiosæ, capit & viribus quam maxime infestæ, cum variis coloris maculis junctæ, & ortæ a succorum vitalium corruptione ac subsecente putrida dissolutione, eaque propter lethales.

§. II.

*Nomina
ris ra-
tio.* Merito hæ febres exanthematicæ vocantur malignæ, seu venenatae: enim plerumque a tenuissimo, activæ, virulentæ indolis vapore, sive miasmate, ex corpore decumbentis halante, ortum ducent & propagantur. Dein difficulter sanationem recipiunt & brevi sepe plures jugulant. Tum vires, a quibus motus vitam sustinentes pendent, & celeriter, & graviter, pessundant ac destruunt. Demum, non fecus ac maligni homines, mitem prima facie exhibent indolem, medioclique cum adstantibus, ac si catarrhales tantum essent, sepe decipiunt, postea vero pernicialem effectum tanto majori exierunt vehementia.

§. III.

*Indicia
& sym-
ptoms.* His tamen indiciis deleteria indoles morbi cognoscenda. Ab initio statim egri conqueri solent de virium summa prostratione atque debilitate, ut erecti vix consisterent, vel pedibus incedere queant, sed mox animo deficiant, quem in aliis continuis & acutis morbis demum in statu & vigore ejusmodi imbecillitas observetur. Caput ab initio valde dolet, fervet, cum tor-

pore, animus illico dejicitur, anxius & sollicitus est, ac salutis spem abjectit, pessima quævis ominatur. Afflida urget vigilia, nec ullus reficiens adest somnus, appetentia plane perit, faciei vigor intercidit, pullus languidus, parvus & inæqualis micat, decubitus in lecto insolitus est atque incompositus, membris quasi convolutis & corpore hoc & illuc jectigato, peccoris est oppressio, quandoque cum tussi sicca, muscularum fibræ undulatorio quasi & tremulo motu convulsuntur, tendinesque contrahuntur atque subsultant. Plures nec de siti, nec æstu, nec dolore, nec anxietate queruntur, & asseverant potius, nihil malum se persentire, præter languorem & somni defectum. Urina primum mingitur ut plurimum tenuis sanorum simillima. Quarto, quinto, vel etiam septimo die in conspectum prodeunt maculæ, in dorso potissimum & lumbis, plus minus copiolæ, variis subinde coloris, plerumque tamen sine levamine, ideoque symptomaticæ magis, quam criticæ.

§. IV.

Exanthemata veteres generali de- *Nomina
& dif-
foreas-
tia.* nominatione has dicunt maculas. Latino ab Italis idiomate pedicularium petechiarum & petechialium nomine efferruntur, a voce pedechio, duplex, quia pulicum morsus figura emulatur; Gallis ob colorem purpuratæ, ab Hispanis taberdillo, a calore ex flavo rubro; a Germanis lenticulares, propter lentis quam referunt figuram & colorem, aut puncticulares, vernacula die *Reh Flecke*. Hungari vero propter gravem capitis dolorem & delirium complicatum nominant Germana voce *die hizige Haupt Kranckheit*. Ab aliis autem exanthematis præter figuram in eo discrepant, quod non modo sine omni ardore, sine pruritu, cutis elevatione, alperitate & exulceratione prodeant, sed & ut plurimum sine levamine, quia materia eorum non est salina caustica, sed potius putrida & corrupta.

§. V.

§. V.

Pregno- Tantum hinc abest, ut maculae ha-
salutis spem faciant, ut potius quo
copiosiores compareant, eo majorem
corruptionis gradum, quin lividi,
plumbi & ex atro viridescentis col-
oris, sphacelosam plane corruptionem
arguant. Qui etiam evadunt, non
cutanea excretiones, sed vel sudoribus
larginis, fetidum acorem spirantibus, vel
alvi fluxibus criticis, convalescunt. Sed
nonnisi naturae benignitate ac robore
id accedit in his, ubi non adeo emi-
nens succorum corruptio, sed tempera-
ta adhuc & quasi quodammodo ale-
xipharmacis indoles. Plurimi potius
occumbunt, vel sphacelosa corruptio-
ne in ventriculo, intestinis & aliis vi-
sceribus, vel phrenitide, frequentius
anginosa fauci & oesophagi inflam-
matione, cadaveribus mox post mor-
tem intolerandum plane fetorem spi-
rantibus. Quem funestum eventum
signa praefagiunt hæc: si sitis vel nul-
la, vel plane inextinguibiliis, si lin-
gua arida, discissa, nigricans, fau-
ces inflammatae & squalore obfusæ,
cum deglutitione difficiili, si post ex-
anthematum eruptionem respiratio
anhelosa & pectoris angustia persistit
& invalefecit, vel post sudorem & al-
vi fluxum delirium cum aliis pathe-
matibus ingravescit, nec urina turbida
fit, nec sedimentum ponit; si de-
num oculi obscurantur, mens plane
delira fit, ægri floccos carpunt, tendi-
nes subfultant, excrementa involun-
tarie elabuntur, sudor frigidus ma-
nat & convulsiones accidunt, spiri-
tum cum vita præcludentes.

§. VI.

Forma- Formalis pernicioſarum harum fe-
tis ra- brium ratio consistit in putrida diflo-
tio, lutione, sive colligatione sanguinis
& succorum vitalium, potissimum
que in fluidi lymphatici elastici te-
nuissimi, quod in sanguine contentum
in cerebro ac spinali medulla separa-
tum, per nervos in universum corpus
distributum, sensum & motum par-
tibus præstat cunctis, inquinatione &

vitiola plane diathesi. Etenim véné-
natum illum vaporem, quo etiam
sana corpora inficiuntur, ejus naturæ
esse atque potentiae, ut non modo san-
guinis aliisque humoribus putredino-
fam successive inducat fermentatio-
nem, sed & immediate ad interiora
cerebri nervearumque partium per-
vadat, fluidumque ibi corruptat
subtilissimum, ex eo planum fit, quod
suscepto ipso, illico vires tam natura-
les, quam vitales & animales langue-
scere incipiunt omnes, in perfecte san-
nis corporibus salva adhuc sanguinis
& humorum crassi & a corruptione
immuni.

§. VII.

Hoc virulentum multiplicativæ in- *In cor-*
dolis miasma, corpus maxime subit *pus de-*
per nares, fauces & bronchia. Nam *latum.*
nullibet tam aperti minusque tecti di-
scurrunt nervi ex prima & secunda
conjugatione, ac in narium cavo.
Hoc igitur dum pertransit cum aere
vectus deleterius vapor, non mirum
est, eundem immediate, proxime &
intime pertingere ad nervos ipsumque
cerebrum & infectos ea propter mox
temulentia, capitis torpore, virium
languore, nec non vertigine affici.
Maxime omnium vero commiscet se-
fe salivali latisci contagiosum miasma,
& cum hoc descendit ad ventriculum,
qui etiam, ceu pars nervosa, primam
fere sedem præbet contagiosis hisce
febribus. Hinc in ventriculo & præ-
cordiis primum se prodere solent pra-
eva symptomata, nausea scilicet cum
vomendi conatu, alvi frequens cum
torminibus dejectio, vel etiam fortis
adstrictio, ciborum fastidium, an-
xietas præcordiorum, cardialgia das
Ubelsyey & frequens copioſæ lym-
phæ ex stomacho eructatio. Hinc
testantur observationes anatomico-
practicæ, in his febribus defunctis
ventriculum maxime omnium sphä-
celosa corruptione affici. Dum ve-
ro miasma hoc & salivæ in ore &
liquori menstruali gastrico & pan-
creatico in stomacho miscetur, mul-
tum

tum ejus vis propagativa & multipli-
cativa intenditur. Etenim inter om-
nes constat, salivales hos succos, inti-
mae alimentorum digestioni serviens-
tes, valde subtilis, spirituosa, aereo-
elastica fermentescibilis naturae esse,
eaque propter dulcia quibus commi-
scuntur illico fermentativo motu per-
cere. Quare quia hi succi in motu in-
testino fermentativo jam constituti,
longe utique facilius delato illuc sub-
tilissimo putredinoso miasmati obse-
cundant, ut hoc sese propaget & au-
geat, non secus ac exigua pars fer-
menti panifici ingentem farinæ mas-
sam fermentat.

§. VIII.

*Apoph-
legmati-
santibus
arcen-
dum.* Hinc facile jam elucescit ratio, qua-
re ad contagium perniciosi hujus mor-
bi arcendum, nihil præstabilius jam
pridem a peritissimis medicis annota-
tum, quam ut infectorum, præser-
tim quum ad extrema & putredinis ac-
cumem ventum, halitum facie aversa
vitemus, salivam crebrius exspundo
rejiciamus, ac ore contineamus ea,
qua salivam eliciunt, radicem ange-
licæ, zedoariæ, imperatoriæ, pim-
pinellæ, aut masticemus, vel fumi-
gemus tabacum. Neque minus inde
patescit causa, cur miasma hoc dele-
terium longe facilius suscipiatur lon-
geque citius perniciale vim exferat,
in ventriculo copiosis cruditatibus &
pituitosis ac salivalibus, sordibus ob-
fuso, & cur vicissim leniora emetica,
alexipharmacis nupta, in recetera infe-
ctis, certe & securissime ad prescinden-
dū prima in herba morbū sint efficacię.

§. IX.

*Origo ex
aere in-
salubri
per se.* Primam autem harum contagio in-
festarum febrium originem recte om-
nino cum Hippocrate ex communī aeris
vitio deducendam esse reor. Ni-
mirum diuturnus humidus, pluvio-
sus, nebulosus, nec non austrinus ca-
lido-humidus aeris status, ob eminentem
vaporum aqueorum copiam, vim ætheris vividam, elasticam, ex-
pansivam, qua solidorum & fluido-
rum ad vitam necessarium in corpore

motum, sustinet, obtundit ac deprimit. Inde salutiferæ excretiones, ma-
ximeque perspiratio, elangue scunt ac
turbantur, inutiles, superfluæ & cor-
ruptæ partes retinentur, quibus in
sanguine & sucis accumulatis, non
potest non summa ad corruptionem
& dissolutionem prona ingredi dispo-
sitio. Accedit quod sub aliena ejusmo-
di tempestatum constitutione, ipsa
vegetabilia & frumenta alienam na-
turam corpori inimicam contrahant.
Nam notum est, humido & pluvioso
cœlo diu regnante, in secale potissimum
uberem esse proventum lolii
esculenti, vernacula des *Mutter-*
Korns, quod noxiæ & tantum non
venenatae est indolis. Neque prognat-
um hoc tempore secale, tantam copiam
spiritus vini per fermentationem præbet,
neque tam salubrem &
reficientem panem largitur, ac illud,
quod temporibus anni siccis & calidis
producitur. Ut adeo non mirum sit,
insalubria & corrupta hinc confecta a-
limenta ingesta, simul ipsa corpora
disponere ad putredinem.

§. X.

Dein aeri insalubritas & ad ingeniendos putridos morbos aptitudo induci-
tur ex crebra ac diurna aquarum *Vet a
prauis efflu-
vii.*
inundatione. Hac enim facta, humor
stagnans, accidente in primis solari
calore, putrescere incipit, multaque
putrida in atmospharam mittit efflu-
via. Infectorum quoque varii generis
copia circa aquarum stagna succrebit,
a quibus causticæ, salinæ, deleteriae
materiae subtiles multæ in aerem ele-
vantur. Quæ quidem omnia quam
sint sanitati infensa, historiarum uti-
que docent monumenta, quibus uberioris
constat, post aquarum diluvio-
nes magnas, contagiosas & tantum
non pestilentis naturae febres fuisse
subortas, de quo pluribus evolvenda
dissertatio de temporibus anni insalubribus, item tom. 2. Medicin. ration. sy-
stem. pag. 278. Ejusdem infestæ naturæ
est aer exhalationibus putridis ex ca-
daveribus inhumatis putrescentibus,
vel

vel excrementis animantium surgentibus, refertus, tanto magis incarcatus & accessu prioris destitutus.

§. XI.

*Ee cor-
poris
disposi-
tione;* Neque tamen aer tantum impurus & insalubris ad generationem horum morborum facit, verum etiam ipsius corporis ad putredinem intus concipiendam habitus ac dispositio. Per ipsum certe experientiam uberioris constat, phlegmatico-sanguineos, habitus corporis laxioris & spongiosioris, animo meticulosos & anxios, quorum vires luxuria, ingluvie alimentorum valde incongruorum, ebrietate, venere, fame, diuturna mœstitia, vigiliis, laboribus, hæmorrhagiis, fractæ atque exhaustæ, facilis & crebrius gravi hoc morbo prehendi, & difficulter quoque evadere; nullam aliam ob causam, quam quod ipsorum corpora impura atque debilia ad putredinem ac corruptionem admodum proclivia. Neque minus de fœminis cachecticis, mensium suppressione laborantibus, item de lue venerea, vel minimum hujus reliquis affectis novi, quod ex faciliter corripiantur, sed ægerrime emergant.

§. XII.

*Hinc in
enbris* est judicare, quare contagioæ hæfeciæ pueræ in militum castris quam maxime blicita circumeant & ob id castrenses appellari soleant. In castris enim omnes, quas enumeravimus, morbi hujus causæ ferre convenienti. Ibi quippe milites aeris humido-calidi & postea humido-frigidi experiuntur injurias, sub dio dormiunt in locis uliginosis, humidis saepè atque palustribus, excrementa animantium & hominum passim non defunt, nec tamen vento ob circumductum vallum aditus ad dissipandos fetidos halitus patet, cibis veluntur incongruis, nonnunquam plane corruptis, semicoctis, aquas quoque stagnantes & putres bibunt, fame & vigiliis corporis robur atterunt. Hinc quando ex laborioso & difficulti hoc vitæ

genere in hyberna concedunt, corporaque quieti dant ac ciborum copia operant, corruptio interna sensim contracta adeo demum increscit, ut aperius in capitalem hunc morbum erumpat, isque ob id frequentior in hybernis, quam castris observetur. Eandem fere ob rationem malignis contagiosis ejusmodi morbis, pauperes, in tenebris & coeno versantes, aere frumentes in angustis tuguriolis vapido minusque puro, frequentius afficiuntur, quam opulenti, quibus accuratius vivendi genus & sanitatis regulas quo ad aerem & victum observandi est copia. Idem evenit in nosocomiis, orphaniotropheis & ergastulis publicis, ubi plures simul conversantur, & vitam colunt inopem, corpus ad concipiendum contagium disponentem.

Præservatio & curatio cum observationibus clinicis.

§. I.

Curatio quidem harum exitialium *Præser-
vatio
quoad
diatam
G. regi.
men.* febrium, tam ratione indicationum, quam regiminis, remediorum, medendi rationis, nec non observationum practicarum, convenit utique cum iis, quæ capite antecedenti de febribus petechiantibus fuselatis tradidimus, ut supervacaneum eadem heic etiam exponere foret. Sed longe magis a perito medico petendum consilium ad arcendum ejusmodi morbum, quippe quod multo tutius, multo certiores effectus ipsa curatione. Præcipuum vero præservationis momentum in eo quam maxime consistit, ut insalubri ad ingignendos malis morbis apto anni tempore, sollicite evitetur aer vaporibus & exhalationibus noxiis fœtus & vivida elastica expansione destitutus. Quum dein sub ejusmodi aeris constitutione corpora jam tum admodum debilia & ad morbos contrahendos disposita sint, expedit omnino, temperare sibi ab

ab omnibus, quæ viribus adversa, languardioresque faciunt exeretiones, animi scilicet vehementibus commotionibus, mœrore, terrore, cura, impensioribus meditationibus, vigiliis protractioribus & nimia venere, item corporis refrigeratione, præsertim noctu, cum leviori tempestare frigidiuscula vestitu. Porro præscindendus curate cruditatum prima in regione provenitus, abstinentium ab ingluvie tanto magis insalubrium, a crapula, continua tabaci fumigatione & effusione potus coffee è usu, qui sicuti non ventriculo, ita longe minus nervosis partibus & mixturae succorum vitalium amicus est. Ut demum aer purus & salubris hauriatur, studendum, & fugienda ob id loca humiliora, in quibus aer facile fit vapidus, nec non ædificia, quæ ventorum perflatui minus patent, ac præterea nimia humiditas accenso igne & suffumigiis ex mastiche, succino, baccis juniperi, corrigenda.

S. II.

Vinum optimum preservativum. Inter præsidia porro, quæ ad clinandos hos morbos valent, ego quidem præstabilius novi nullum, convenienti & moderato vini oprimæ note, & quidem Rhenani, usu. Hoc quippe mane, vel etiam inter cibos quotidie potum modice, vires mirifice reficit & sustinet, sanguinis progressum cum excretionibus promovet, ciborum digestionem juvat, ac optime putredini ac corruptioni resilit, præsertim quando moderatior etiam corporis motus & alius diluens potus simul conjugatur. Ego sane longiori experientia edoctus, id pro certo affirmare possum, grassantibus populariter morbis ab aeris cōstitutione humida, eos, qui exquisitam viæ fluxus rationem tenuerunt & quotidie moderate bono vino usi, incommodi sensisse nihil. Ipsa etiam in pestilentia ex præstantissimis præservativis vinum esse testantur, qui ex instituto de eadem scriperunt. Quin in petechiis quoque, vinum postremis diebus facta crisi de-

bito modo potum, vires dejectas erigendo & cuticularem excretionem secundando, omnia fere alia auxilia superare assevero.

§. III.

Ipsa autem in curatione ex omnibus remediis statim in principio optima-^{Acide profund.} mam operm conferunt acida, maxime succus citri, prisane potande ad extingendum calorem & arcendam putredinem inditus, item acetum vini, sive simplex, sive destillatum, mixturus ex aquis & pulveribus fixioribus diaphoreticis nuptum. Præter hec conductunt, quæ vires servando salivalem etiam latice m colluant, & pectus ab infarctu liberant. Id enim cum celeberrimo olim Erfurtensi Professore, Cramerio, quem Præceptorem colui insignem, observavi, non facile quempiani his in morbis decedere, cui saliva & sputum liberius fertur. Quam ob rem idem hic in arte exercitatissimus vir frequentissimo in usu habuit mixturas alexipharmacas, quas ingrediebatur, cum aceto destillato, vel aceto scordii, cinnabaris, interdum bezoardicum minerale & oxytel squilliticum. Contra ea pessimum omnino practicorum mos est, in principio statim volatilia, bezoardica & sudorifera cum regimine calido & infuso rheiformi fervente exhibere. Sic enim intestinus ille putredinosus motus invalescit cum orgasmo, majorque virium subsequitur prostratio.

S. IV.

In morbo declinante nulla magis *alvi* salutaris excretio, quam quæ sit con-*fluxus* venienti tempore per alvum. Ego *saluta-* certe praxi quadraginta & aliquot annorum uberioris confirmatum habeo, rarius solo sudore & hæmorrhagia, sed frequenter per diarrhoeam septimo, nono, aut undecimo die erumpentem, solutos fuisse hos morbos, & vicissim nihil perniciosius fuisse diarrhoea gravi statim inter initia, vel alvi fluxus critico cohibito. Neque minus compertum habeo, si cathartales mali-*gnæ,*

gnæ & exanthematicæ alvi fluxu soluta fuerunt, ægros immunes fuisse a purpure albae incursu, quæ haud raro pulsu jam æquali facto, declinante undecimo die morbo, non sine magno periculo supervenit. Perspexerunt etiam jam pridem salubritatem alvini fluxus, artem cum attentione exercentes. Ipse Hippocrates lib. epid. memorat, laborantes hujusmodi acutis febribus alvi excretionem fuisse sanatos. In quadam pestilentie constitutione diarrhoeam admodum salutarem fuisse Galenus de atr. bil. cap. IV. testatur. In primis Gerhardus Columba de pestil. febr. multus est in laudando egregio effectu fluxus alvini, pag. 231. sic habens: omnes qui bus alvus copiose ejecit, licet cum signis cruditatis fuerit, tandem lib. rati. Procedente enim alvi fluore, in dies coctionis signa supervenient, morbus evadet clementior & tandem alvi fluore perseverante, fideliter & integre ægri judicabantur. Ut mittamus, quæ passim hanc in rem memoriae prodita sunt a Valleriola obser. lib. VI. de febr. Schenc Kio. obser. lib. VI. de febr. Riverio obser. Cent. I. ob. XLVII. & LVII. item Cent. II. ob. XXXIV. & LXXXVII. Horstio ob. X. Johanne Rhodio. Cent. II. obseruat. LXXXV. Sceta de febre castrensi maligna cap. IV. pag. 331. pag. 175. Boneto in thes. pract. de febr. putr. pag. 71, item de causa cap. II.

S. V.

Hinc igitur naturæ via; cui insitendum ab artifice, eademque, si deficit, vendus. juvanda. Mihi omnino primum & multiplici observatione confirmatum, quicquid in putridis, malignis & pestilentialibus febribus curandis expectandum ab arte, id maxime in eo contineri, ut medicus convenienti tempore ea usurpet remedia, quæ ad alvum solvendam sine damno faciant. Sed hoc circa hos maxime dies facendum, qui audiunt critici, a septimo ad decimum quartum usque, non primis, quibus ob materiam nondum

coctam & excretioni aptam, parum opis conferunt. Sicuti vero ad alvum vacuandam per totum harum febrium decursum nil pestilentius illis pharmacos, quæ acrimonia quadam caustica agunt, nec exceptis sennæ etiam foliis: ita nil certe hanc in rem magis proficuum iis, quæ nihil alieni & quod vires frangat in mixtione habent, sed blande & placide alvum subducunt. Eminet hac inter benedicta illa manna, cum cremore tartari, hisce etiam febribus ob aciditatem non adverso, nupta & sufficienti dosi data. Conducibilis quoque syrupus rosarium solutivus, mixtus cum salino stimulo, ex cremore tartari, sale polychresto, vel nitro antimonato & convenienti dosi ac tempore cum sufficienti diluto vehiculo, ut sero lactis nostra methodo dulci, vel aquis etiam temperatis mineralibus, ut Wildungenibus & Antonianis, oblatus. Non minus spectata virtus tamarindorum pulpæ, vel decociti ex his cum manna, aut rhabarbaro. Quam egregium enim effectum praestent hoc in casu laxantia, testis extremus est Morœus de malign. febr. parox. plus quam viginti exemplis confirmans, se ad alvum laxandam summo cum fructu usum fuisse tamarindorum pulpa, item infuso ex rhabarbaro, foliis sennæ, cremore tartari, manna & aqua acetosellæ concinnato.

S. VI.

De venæ sectionis autem utilitate his in febribus disceptant adhuc mendentes. Et certe tanta utique malignarum differentia, ut experientissimi etiam medici in iisdem experiundo deum discere cogantur. Id tamen verum: quum eadem plethoricos & plethorico-cacochymicos infestant, communum omnino in his & præterea sanguinis missione assuetis, diæta lauta & vinosa utentibus & vita sedentaria indulgentibus, invenit locum ad præservationem. Experientia enim sum eductus, post venæ sectionem, vel plane non corripi, vel lenius ægrotare &

& facilius convalescere, sanguinis subtractionem passos, quam non expertos.

§. VII.

*Recidi-
va arc-
da ab-
sinen-
tia.*

Id vero omnibus curate tenendum: quod tam sub, quam declinante hoc morbo, stomachus valde languescens non alimentorum, multo minus infalubrium, praesertim carnium mole sit oneradus. Est hoc familiarissimum, vulgo hominum plebejorum in primis, præjudicium, ut credant vires cibis esse reficiendas. Sed ipsum hoc est una ex præcipuis causa, quod ægri in portu sese jam constitutos carentes, saepius naufragium faciant, recidivante priori, cum majori vita periculo, vel superveniente alio novo morbo.

ENARRATIONES
MORBORUM.

OBSERVATIO I.

*Historia Febris petechialis ann.
MDCLXXXIII. in Princi-
patu Mindensi graffantis,*

Quum anno MDCLXXXIII. copiae Brandenburgicæ ab expeditione contra Turcas ex Hungaria redeuntes, in Principatum Mindensem hyematum reducerentur, attulerunt simul morbum castrensem, febrem nempe malignam petechialem & successive multos pagos & vicos, in quibus sumserant hiberna, lue infecerunt eadem. Ego juvenis adhuc medicus provincialis a Serenissimo Electore Brandenburgensi Friderico Wilhelmo constitutus ibi, feci quod muneric postulavit ratio, decumbentes passim visitavi, in morbi hujus maligni statum inquisivi & operam contuli omnem, ut pro mea tunc scientia pernicialem hunc morbum congruis præsidii opugnarem & ne latius progrederetur, præcaverem. Excurri igitur & potissimum in præfectura Schlusselburg, plus quam centum hac febre laborantes offendit, in quibus præter summam

virium prostrationem & consueta alia malignarum symptomata, peculiare fuit, quod plurimi statim in principio atroci & diuturna cephalalgia, in lyncipite in primis, cum vertigine, oculorum rubore, oblivione ac postea delirio, afficerentur; conquerentes simil de magno tinnitu & fusurro aurium. Quidam de raucedine, pectoris infarctu, faecium ardore & salto catarro conquerebantur. Quibus mox corpus petechiis lividis & flavescentibus obfessum, moriebantur omnes, cum iis qui incongruo, vel nimis calido, vel nimis frigido regimine excepti & a balneatore alexipharmacis expellentibus & theriacalibus usi fuerunt. In quibusdam tanta erat corruptionis vehementia, ut ægri surgentes & in pavimento frigido ambulantes aliquandiu, funestum in plantis pedum nanciserentur sphacelum, ut in duobus vidi. Qui autem paucas, & rubras habuerunt maculas, nec non ex plebeiis, qui nec medico, nec medicamentis usi, ac minus meticolosi, solo regimine temperato, & potu seri latetis, vel decimo quarto die, remittente symptomatum vehementia, vel per largos & frigidos valde debilitantes sudores, vel per diarrhoeam sunt judicati. In bonis fuit status surdaster circa declinationem accedens & aliquandiu persistens. Qui evaserunt, vix intra aliquot menses ad perfectam sanitatem redierunt. In plurimis restitit tumor pedum, vel etiam abdominis, cum lenta febre & appetitus dejectione. Quidam diu stupidi & obliviosi manserunt. Nec desuerunt, qui, praesertim si caput frigidiori aura nimis citio exposuerunt, post morbum gravitate capititis & difficultate auditus affecti sunt, quin nonnulli facti sunt & manserunt per totam vitam surdi. In pago, Radea dicto, eodem morbo infecto, commorabatur destillator quidam Chymicus, qui gloriarabatur, summo se cum fructu uti spiritu nitri, instillatis in mensuram aquæ puræ, vel cerevisiæ Mindensis levis, quin-

quinquaginta ad manifestam usque aciditatem guttis, dato postea libera-
liter tepido potu hoc medicato. Nec contemnendæ virtutis deprehendi hoc experimentum, quo in aliquibus flu-
xus alvi cruentus quandoque suscita-
tus, non sine levamine cephalalgia
aliorumque symptomatum, tantum
quod qui eodem servati, paullo diu-
tius imbecillitate ventriculi & intesti-
norum laborarunt, cachectici quasi
facti, demum tamen etiam congruis
remediis ad sanitatem traducti. Ego
vero ad præscindendum ulteriore
contagiæ progressum, iis. qui nobil-
loris fortunæ & conditionis erant,
prater moderationem & temperan-
tiam, in victu, regime & animi
affectionibus, & vitanda refrigeratione,
suasi moderatum vini boni usum. Qui
sanguine crasso & gravi abundarunt,
uti Westphali ob victimum durum &
crassum fere omnes, his sanguinem
subtrahere jussi, & mane alternis
diebus assumere dosin tintura bezo-
ardicæ, vel pulveris bezoardici, ex-
ipièstando postea sub temperato cali-
do regime cuticularem excretionem
auctiorem, quæ etiam tam in locis
infestis, quam alibi versantibus, egre-
gie profuerunt. Ceterum sanos ab
zegrotis, quantum fieri posui, separa-
ri jussi: pro medicina pulverem ex
cornu cervi usto & lapidibus cancro-
rum leniter nitrosum, cum pauxillo
camphoræ cum roob sambuci, aqua &
aceto vini singulis fere assumentum
ordinavi: qui in primo morbi insultu
sæpius usurpatus alios statim a morbo
liberavit.

Epicrisis.

Nulla fere regio tam ferax morbo-
rum acutorum præsertim febrium ca-
tarrhalium mali moris atque pete-
chialium, quam Austria & Pannonia.
Unde etiam peculiare & grave hujus
morbi genus Hungarica ~~est~~ se. fe-
bris, audit. Evenit autem hoc plures
obrations. Æstus interdiu his in re-
gionibus est intenſior; etiam autu-
no, & vina ob id generosa admodum

& dulcia facit, noctu vero succedit
rigidior aura, & ob excessivam hanc
subitam cœli mutationem excretio
salutifera, potissimumque quæ per
cutis poros succedit, mirifice turbatur
ac intercipitur. Dein victus ibi solen-
nis admodum plenus, ex eis carni-
um & vini generosi potu, aqua au-
tem non adeo salubres; quibus sanguini-
nis facile corruptibilis copia ingene-
ratur. Hinc non mirum est, quod
frequentesibi corrupti & putridi ma-
ligni morbi, in primis in militibus &
qui victus illius insueti, simul inordi-
nate vivunt, semicoctis & male præ-
paratis cibis ventriculum onerant,
noctu excubias agunt sub frigida aura
& in locis humidioribus & frigidiori-
bus degunt ac dormiunt. Neque etiam
mirum, dispositionem ad hos morbos
cum militibus hic venientibus alio
transportari, sub quiete & ingluvie in
hybernis, corruptos succos augeri, cru-
ditates prima in regione accumula-
ri ac tandem in apertum perniciale
morbum, hyeme præsertim, erum-
pere.

Id autem peculiare habet hic mor-
bus, in primis in iis qui sanguine abun-
dant, ut caput petat; hinc statim in
principio venæ fæctio suadenda: si ve-
ro ex stomacho viciosorum humorum
ex ingluvie & toto corpore hic con-
fluentium colluvie obsesto, eveniat,
optimum utique consilium statim in
principio, clementi, efficaci tamen
emetico, stomachum, vel intestino-
rum simul canalem expurgare. Quem
in finem ego quidem commendare so-
leo decoctum mannatum, cum dimi-
dia vel una drachma radicis hypeca-
cuhanæ, aut infusum mannae ex vino
cum duobus tartari emeticî granis. Sic
datis post hanc evacuationem bezoardi-
cis & leniter diaphoreticis, cura
succedit longe felicius.

Ex singularibus etiam in hac lue
fuerunt sudores copiosi, frigidii, per
aliquot dies & noctes manantes, va-
pidum acorem spirantes, non tamen
funesti. Hippocrates enim Sect. IV.
aph.

aph. 37. malos eos pronunciat & mortis prodromos. Nos quoque largimur, quod sudor frigidus qui internæ visceris cuiusdam inflammationis, vel sphacelationis comes & tantum particularis est, internis calentibus & externis frigentibus, plerumque sit fuenestus. Sed longe aliam ejus frigidus sudoris esse rationem, qui a defectu caloris & virium prostratione oritur, docet experientia. Luculentum hanc in rem est testimonium *Raygeri in schol. observ. Spindleri obs. XCV.* sic habens: *vicissim sæpius & ego in morbi declinatione post XIV. dies viribus bene constitutis & rite se habentibus, reliquisque bonis signis apparentibus, in calido corpore frigidos observavi sudores, post febres acutas & malignas bene judicatas, cum allevatione magna erupisse & ultra XXIV. horas durasse.* Quanquam autem hujus generis sudores non ad mortem tendant, magnam tamen dissipationem caloris & virium indicant. Hinc si unquam, certe tunc succurendum analepticis, diæticis æque ac pharmaceuticis, corpus crebrius linteis calidis detergendum & fricandum, quo per externa internus calor excitetur, nec æger in limine recuperandæ sanitatis constitutus deficiat.

Vicissim in pessimis signis fuerunt sudores ab initio & per totum morbum effusius manantes, cum urina perpetuo tenui & copiosa. Hæ enim symptomaticæ sunt excretiones, manifestumque præbent indicium colliquationis & dissolutionis elementorum sanguinis mixtionem constituentium. Et sedecente tam copiose sero, crassior evadit crux & ad cerebrum delatus, in vasis meningum capillaribus facile stagnat & inflammationem inducit.

Quod præterea spiritus nitri cerebro & liberaliter in aquo vehiculo datus, quibusdam eximie profuerit, partim acido tribendum, quod putredinire resistit optime, partim stimulo quem intulit intestinis, quibus vellicatis

Tom. IV.

sanguinis & humorum impetus a cuncte ad inferiora vocatus & alvi fluxus cum euphoria proritatus. Sed longe tutior clyssus antimonii sulphuratus, cum diluente tenui potu sufficienti copia exhibitus, quem ego prestantissimum auxilium deprehendi, & commendando.

Ceteruni invadentibus exitialibus hisce morbis, id potissimum perito agendum est medico, ut propagacionem & progressum contagii tempestive antevertat. Etenim longe facilis est, corpora ab insultu harum febrium defendere, quam infecta & oppressa persanare. Ac nisi peculiare beneficium naturæ in curatione concurrat, omnia frustra molitus medicus, quantumvis doctus atque peritus.

OBSERVATIO II.

Juvenis robustus, sed ob vitam sedentariam sanguine non adeo puro plenus, animum laxandi causa Januário exeunte ruri exspatiatus, societatem cerevisiam gravem & spirituosa

potantium offendit. Assidet cum funeris,

& vesperi domum iterum concedens, corpus admodum perfrigerat. Die post de molesto dentium conqueritur dolore, cum corporis lassitudine virium que languore plane insolito. Altero die accedit tussis, cum screatu, coryza, astu, non tamen adeo gravi. Aucta vero præterea debilitas, appetentia perit cum somno, intercursarunt subinde horripilationes & extermorum refrigerationes, caput torpidum fuit, licet æger nou lectum peteret, sed officio suo fungeretur. Accedente quarto die morbus ægrum affixit lecto, hinc consultus medicus, qui serum ex lacte cocto succo citri coagulato bibere iussit. Factum id, sed subsequutus alvi fluxus vigiles & ultra, ægrum intra diem & noctem ad sellam urgens. Inde vires magis collapsæ, partium tremor cum delirio, alvo quatinus fluente accessit, sub quo quinto die comparuerunt maculae petechiales,

K atro-

atrociam morbi tamen non levantes, sed sexta stercora & urinam sine sensu reddidit, respiratio facta anhelosa, & nocte septimum diem antecedente mors exceptit.

Epicrisis.

Hanc etiam febrem fuisse ex malignis illis catarrhalibus & petechialibus, quæ per aliquot menses nostra hac in urbe circumiverunt, testatur dentium dolor rheumaticus, coryza, & raucedo cum tussi. Malignitatem autem junctam ingens statim virium laplos, appetitus plane prostratus & somni defectus, cum pulsu celeri, debili, atque frequenti, nec non capititis dolor ac torpor faciunt testatum, licet ægroti, adstantes, ipsique minus periti medici, hæc hand raro minus ex æquo attendere soleant. Serum igitur lactis in principio ad alvum laxandam & fistendam sanguinis ebullitionem, non quidem sine fructu commendandum. Sed ubi catarrhales affectus jam per aliquot dies adfuerunt, minus proficia sunt ea remedia, quæ alvum turbant, & serum impurum ad interiora ac inferiora vocant. Licet etiam alvi laxitas, in catarrhalibus malignis criticis diebus sponte proveniens, admodum sit salutaris; primis tamen diebus alvum stimulantia nocent. Intus enim retinent materiam malignam, ac ut inflammatio ventriculi & meningum tandem sphacelosa inducatur, faciunt. Tum potius semper perspiratio servanda libera, & serum corruptum diffundendum per blanda diaphoretica & regimen moderatum. Neque minus in plethorico ejusmodi corpore ante invasionem admodum proficia fuisset venalectio, subjuncta postea moderationi & longiori diaphoresi.

OBSERVATIO III.

Petechie
in favore
C' fra-
tre di-
erse.

Virgo triginta aliquot annorum, mensium anomaliis ab aliquot annis obnoxia, anno abhinc affecta fuerat

erysipelate capititis, quod in fistulas malorum, glandulas colli, genas, faucesque perforantes defuit. Sanata tamen adhibita omni diligentia a medico & chirurgo, sed ab eo tempore languidior mansit & macilenta. Januario hujus anni ineunte subito ipsam infestavit ingens capititis dolor, cum torpore, somnolentia, virium languore, valida quoque tussi secca. Increvit hæc debilitas indies, nihil plane appetiit, nec dormivit, simul conquesta est de præcordiorum & spirandi angustia, pulsu frequenti, sed debili micante. Sexto die passim in pectori comparuerunt punctula, septimo accessit delirium, sequutæ convulsiones epilepticas, ac mors, post quam maculae magis venerunt in conspectum. Frater demortuæ insperato hoc discessu mirum contristatus, paullo post pariter conqueri coepit de dolore capititis & artuum, sine catarrhosis defluxionibus, vires conciderunt, appetitus periit, somnusque defuit, quarto die petechiae visæ ac pathemata mitigata, septimo cum caloris incremento sub inquietudine & anxietate accessit purpura, & petechiales maculae disparuerunt. Successive tamen convaluit, terreorum bezoardicorum & absorbentium cum succo citri & aquis diaconoicis & analcticis usu ac potu prisane.

Epicrisis.

In virgine, hæc orta febris sine contagii suspicione. Sed docet omnino experientia, corpora valetudinaria, imbecilliora, & ubi impuritas ex mensibus retentis, gonorrhœa, vel lue venerea in sanguine & succis lymphaticis restitat, facile corripi grassantibus ex communi aeris insalubris vitio morbis & promte quoque suscipere contagium, quod nihil metuentibus a medicis, chirurgis & afflentibus contagiosis morbis decumbentibus, affertur. Quod autem ab initio statim exquisitus, & continuus capititis adfuit dolor, cui deinde delirium cum convolutionibus epilepticis junctum, id procul dubio ob debilitatem capititis ex

per-

perpresso erysipelate exulcerato factum. Dein frequentioris etiam experientia est contagiosis morbis defunctorum consanguineos, sola saepe animi perturbatione ac mœstitia diuturna, in eundem incidere morbum. In his vero a sanguinis missione, nisi corpus sit eminentius plethoricum, merito abstinendum, item a valide commoventibus, & evacuantibus, ac vires potius erigendæ, perspiratio secundanda & succorum vitalium integritas conservanda. Petechias comparente purpura rubra disparuisse, in exanthematicis hujus anni febribus saepe visum, & quidem sine damno, sed ubi declinante petechiali morbo supervenit purpura alba, id ut plurimum fuit lethale.

OBSERVATIO IV.

Pete-
chialis.
febris-ex-
situ erec-
tio le-
thalis.

Acres cum commilitone rixas ha-
buerat adolescens viginti annorum, simulque terrore fuerat perculsus. No-
cte infrequenti somno caruit, ac debili-
tatem, lassitudinem, appetitusque prostrationem per dies aliquot persen-
dit. Quinto post die horrore, præcordiorum anxietate & æstu, præternaturali affectus est, cum pulsus celeri, ac debili. Medicus in consilium vocatus, statim exhibuit vomitorium, sanguinem subtraxit & subiunxit tinturam bezoardicam, nec non pulverem bezoardicum cum & sine nitro. Sexto die comparuerunt maculae rubræ, & nares aliquoties sanguinem stillarunt, somnus fuit paucus, vel nullus, urina扇orum similis, vires tamen non penitus visa prostratae, sed æger surrexit subinde, & obambulavit, defuit quoque delirium. Bene igitur omnia cœsura spes fuit & morbus lenissime bezoardicis temperatis tractatus. At quum septimb' electo surgeret æger, & per horæ quadrantem erectus ledere in conclavi licet moderate calido, & sufficenter tectus, subito in lipothy-
miam incidit cum horrore cutis, plena que petechiae evanuerunt, & que

manserunt, nigræ comparuerunt, accedit ingens præcordiorum anxietas cum furore, ita ut gladium in adstantes stringere, & e fenestra se præcipitem dare vellet. Usurpatus quidem pulvis bezoardicus cum nitro & camphora, conquevit etiam tantisper delirium, sed debilitas increvit, horripilatio persistit, accelerunt convulsiones, & sub finem diei septimi mors inopina.

Epicrisis.

Nunquam periculo carent petechie, licet omnia videantur pacata, & medicus conferat cuncta. Quodvis enim accidens in pejus omnia mutare valet. Heic situs erectus tam perniciale mutationem, delirium & mortem adduxit. Qui quantopere in morbis acutis & exanthematicis sit noxius, supra jam pluribus monuimus, ac ut evitetur, iterum monemus iterumque.

OBSERVATIO V.

Generosa foemina quadragenaria, Pete-
chialis obesi, laxi & spongiosi, ge-
nio indulgens, variisque edulis dulci-
bus, acidis, lacte, vino quotidie de-
lectata, tempore quo malignæ exan-
thematicæ febres circumabant, iisdem
fere, quam quibus haec incedebant, af-
fecta fuit pathematibus. Adfuit quippe corporis lassitudo cum inquietudine,
cutis horripilatione, capitis dor-
sique dolore, accidente postea die
præcordiorum anxietate viriumque
prostratione. Datum illico lene emeticum, quod miram vitiosorum humo-
rum colluviem evexit, & anxietatum
& cephalalgiae levamen attulit. Ter-
tio die vena in manu pertusa, & san-
guis largiter eductus, qui frigefactus
crustam glutinosam in superficie con-
traxit. Sed post venæ sectionem pejus
habuit: sopor præsto fuit continuus,
facies tumida & fauces squalidæ factæ,
urina vero tenuis naturali similis se-
cessit. Quinto die spiritus factus diffici-
lis, & post noctem admodum inquietus
prodierunt maculae rubræ in collo
& dorso ac manibus, quæ quidem anxi-
tates.

tates levarunt, soporem autem non sustulerunt. Interim ob alvum clausam clysteres injecti, qui ingentem foecidorum sterorum copiam evocarunt; septimo etiam die largo corpus sudore perfusum. Nihilo tamen minus fine lensu ac motu jacuit ægra, appetens vinum, quod ipsi suspensa manu concessum. Quum vero inde melius haberet ac virium animi corporisque sentiret incrementum, post trihorium quatuor iterum vini Rhenani unciae potui datae, iisdemque potis, mirifice se viribus refici alleveravit. Sequutus postea sudor largior, infuso theæ adjutus, sopor mentisque stupor dicensit, corpus quoque cum animo vires recepit, & ægra ad sanitatem demum traducta, alternis semper, vel ternis diebus, alvo laxantibus subducta.

Episrisis.

Quo major pravorum succorum prima in regione colluvies, eo graviora etiam in febribus popularibus malioris adfunt symptomata. Urinæ quoque plerumque minguntur tenues, præcordia anguntur & caput exquisite dolet. Ad hanc igitur circumstantiam artificium cura attendendum semper. Tum enim optimum consilium, illico leni emetico lordes expurgare. Merito etiñ sanguinis missione præmittitur purgatio. Venæsectio, heic quidem minus feliciter cessisse visa est sanguine ad caput allecto & soporem faciente. Quare etiam praticorum plorimi venam in superioribus pertundere dissudent, ac ut potius in pede id fiat præcipiunt, eo quod inde non facile cõgestio sanguinis ad caput proriretur. Crusta autem illa glutinosa sanguini emisso innatans non malisuit ominis. Nam *Bagirus lib. Lopp. pag. 149.* disertis verbis scribit ac testatur; *observamus in xenodochio omnes sere ab acutis evasisse, quorum sanguini venæsectione extracto crusta alba atque chylosa supercresce-*

bat: contra mortuos, quorum sanguis valde rubicundus. Et certe sanguis consistentia crassior non tam facile dissolutorio motui intestino obsecundat, quam tenuis partibus salino-splureis scatens. Demum notandum & hoc, quod vinum temperatus, in malignis & petechialibus etiam febribus, non noceat, facta petechiarum eruptione & poris adapertis, sed quod potius vires refocillando, secretorios, & excretorios actus partium effectorum egregie juvet. Cavendum vero ab eo, si inflammationis adfunt indicia in ventriculo & primis viis, si phrenitidis, si cutis arida, & sicca.

OBSERVATIO VI.

Biennio abhinc febris maligna coniunctio *mali-* tagiosa, non quidem epidemice, sed *gna-* *tagiosa* *vene-* tantum sporadicæ circumibat, potissimumque complures ex domesticis orphaneis trophei Halensis infestabat. *Hione-* Eundem hunc morbum nanciscebatur *com-* filius Inspectoris hujus orphanotrophei, theologi, tam eruditione, quam pietate & moderatione celebris, ipse paedagogii Regii alumnus. Pater impensis hunc suum natum deamans, contrastari non modo cœpit & de salute, tam capitali mōrbo correpti angi, sed & crebrius decumbentem visitavit, quin lecti & hypocausti socium fecit, ac cum universa familia eodem in conclavi cibos cepit. Hinc autem factum est, ut omnes successive a contagio inficerentur. Pater quidem statim tertio post die summum vitium languorem, capitis artuumque dolorem, somnum inquietum, anxietatem & ardorem circa præcordia, cum plenaria ciborum inappetentia expertus est. Accessit tonsillarium tumor, ardor & astus faucium, quinto die delirium, postea sudores colliquativi, nono placida mors. Decumbente hoc adhuc, uxorem idecm morbus prostravit iisdemque affecit pathematibus, eodem, altero post obitum.

tum mariti die , funesto eventu. Excepit virgo his consanguinitate juncta, quæ quinto die pariter exspiravit . Ita ut intra quatriduum tres hæ personæ obirent . Medici qui curationi prærerant, catarrhalem morbum esse censuerant & ob id venæsectionem omiserant. Sed quum morbus ad reliquos etiam domesticos procederet & rumor passim increbesceret , eundem tantum non esse pestilentem , alias Medicus in consilium vocatus , qui ob capitis dolores , venæsectionem instituendam esse in principio suasit . Hinc omnibus quotquot postea corripuit , simulac conqueri cœperunt , vena in pede pertusa & conveniens sanguinis quantitas educta , tam felici effectu , ut non tantum morbus minor incederet , maculæ petechiales cum purpura , secus quam in primis compararent , verum etiam ex septem nec unus occumberet , ac ipse contagiosus morbus sic desineret .

Epicrisis .

Perquam utique notatu dignum , servatos esse qui sanguinis missionem admiserunt , qui omiserunt sub gravi & diurno delirio periisse , ad quem tamen eventum summa animi tristitia multum forte contulit . De venæsectione quidem , an in ejusmodi acutis , malignis contagiosis & exanthematicis febribus prosit vel noceat ? Medici adhuc in utramque partem disceptant . Ego vero censeo , absolute nil posse definiri , sed considerandas esse a medico circumspetæ ac perito circumstantias omnes , quoad indolem , causam , symptomata & tempus morbi , quoad subiectum , corpus ægrotans solidorumque & fluidorum in eo dispositionem . Ego quidem multiplici edoctus sum observatione , verum esse generalem hunc practicum canonem : si corpus est admodum plethoricum , amplis vasis instructum , sanguinis missioni assuetum , si morbus sanum antea corpus corripuit , nec a communis ad putredinem inclinante aeris vitio obortus , si vehementer statim

Tom. IV.

caput petit ac delirium metuendum ; tum utique ante invasionem tam ad præservationem , quam etiam mox in principio , nunquam nocere potest moderata sanguinis missio in pede ; quin sub his circumstantiis in morbo Hungarico ipsaque pestilentia venæsectione est utilissima . Subtracta enim nimia sanguinis , & humorum copia , cordis & systematis vasorum systole longe liberior redditur atque vegetior , una cum motu humorum ad exteriores , quo per universale illud emunctoriū cutis nocens materia expellitur atque difflatur . Neque minus a sanguinis in partibus inferioribus missione insignis ipsius a capite fit derivatio . Nam res certe est experientia , sub acerbo capitis dolore , illico cordis , & arteriarum pulsū immutari , irregularem fieri & inæqualem , & pendentes inde functiones vitium capere ; & vicissim si caput cum cerebro & nervis a sanguinis stagnatione liberaatur , pulsū mox in melius mutari unacum motu humorum progressivo vitali . Quod si vero adductæ hæ circumstantiæ defunt , corpusque minus sanguine redundat , noxia omnino & pernicialis sanguinis missio intempestiva . Quumque pauci ex medicis prudentia polleant discretiva , non mirandum , generoso hoc remedio plus sapere damni , quam emolumenti afferri .

OBSERVATIO VII.

Quum anno MDCLXXXIX. hie-
mali tempore grassaretur febris mali-
gnæ , quandoque exanthematibus sti-
pata , multosque , præsertim perver-
sa medicatione exceptos trucidaret ,
tota domus Consiliarii cujusdam auli-
cie eadem infecta est , & ipse cum uxo-
re graviter decubuit , nostra tamen
opera , benedicente DEO , regimine
maxime temperato , & lenioribus dia-
phoreticis , convaluit . Postea fratrem
ipsius similis invasit morbus , iisdem
cum symptomatibus , virium prostra-
tione in primis , capitis & artuum do-
lore ,

lore, cum inquietudine. Ego statim in principio vocatus, lene exhibui remeticum ex aqua florum sambuci, cardui benedicti ana uncia, tartari emetici granis duobus, mixturae simplicis gutt. 20, quo assumto ter vomuit viscidos cum bile humores & post vomitum valide sudavit. Promotus hic sedor circa noctem pulvere ex cornu cervi usi, antimonii diaphoretici, lapidum canerorum, ana drachma una, cinnabaris, nitri puri ana drachma dimidia, camphorae granis duobus, qui in sex doses divisus & ter quotidie assumtus. Potui præterea data ptisana ex cornu cervi, scorzonera, cum succo citri. Quibus morbus prima in herba feliciter jugulatus & æger post aliquot dies sanus prodit ac vegetus. Quumque brevi post famuli bini eodem modo conquerri inciperent, eadem methodo facili & explicita curatione ipsos ex ancipiiti levavi.

Epicrisis.

Attentionem utique hæc meretur observatio, cuius generis plures notavi, malignum scilicet pericolosum morbum, præsertim si a contagio accidit, corporibus alias bene valentibus, nec adeo impuris, vel imbecillis, mox in principio congruis remediis opprimenti posse ac jugulari. Scilicet quum miasma contagiosum primo omnium se se cum salivali latice misceat, sub hoc fermentescibili succo acrem malignam virtutem propaget atque multiplicet, hincque in naribus, faucibus ac cefophago catarrhois quid simulet, & tali vale fermentum destruendo, appetitum obtundat, quin etiam acredine sua naufragium & cardinalgiam faciat; sane nihil magis indicatur atque re est, quam ut istud proxima via per efficax convenientis pharmacum oxyus, antequam latius procedat ex primis viis, vomitu & salivatione everratur, postea vero ministerio accomodi dia phoretici reliquæ miasmatis virulentæ per poros cutis evaporent. Sed caven-

dum omnino ab alexipharmacis, inter quæ minime connumeranda camphora, præsertim cum nitro remixa. Nam hæc neutiquam, ut vulgaris fert opinio, sanguinem commovet, sed vel unica olei cinnamomi, aut caryophilorum guttula, plus exæstuat, quam camphoræ drachma dimidia. Non tamen prætermittendus potus diluens sufficiens temperatus ex ptisana, ad componendum sanguinis orgasmum. Ego novi, practicum quandam non intellectem in more habuisse, in principio catarrhalium, & malignarum petechialium, simulac languor & ardor corpus infestavit, serum ex lacte cocto cum succo citri factum, largiter, sed per vices potui dare, tam felici effectu, ut post aliquot dies ardor, dolor, languor & gravedo disperuerit.

OBSERVATIO VIII.

Plures adhuc suppetunt observationes, sed ne nimii simus in historiis, brevitatis causa quædam duntaxat salutaria ex observationibus de prompta monita afferemus. Scilicet frequenter experientia compertum habeo, ut in quacunque exanthematica & contagiosa febre, sic etiam in petechante & petechiali, non ita multo post contagio tactos fuisse, præsertim ex domesticis, qui ad arcendum morbum laxans, vel purgans assumere. Licet autem subductio in benignioris indolis exanthematicis minus noceat, si tamen pejoris naturæ, ut petechiales, praefata utique ab omnibus alvum stimulantibus abstinere. Etenim ad cicurandam veneni contagio concepti indolem ipsumque iterum exturbandum, tum ad præservationem in metuentibus, tum ad curationem in affectis, nihil aptius & efficacius, quam perspirationem liberam servare & integrum, qua, præfertim in imbecillioribus, per alvum vacuantia immunita, venenum hoc magis detinetur intus. Hinc Celsus jam inter præcepta ad pestilentiae incur-

cursum arcendum etiam habet hoc : quod alvus non sit movenda , aut si jam per se mota est , comprimenda .

*Ix regi-
mine &
dieta
perverfa
recidi-
va.*

II. Crebriori edoctus sum experientia, declinante ac finito morbo, periculoso, immo lethales excitari recidivas, quando ægri corpus plus justo aure frigidiori exponunt, in pavimento nudis pedibus incedunt & ventriculum adhuc languentem nimia ciborum, tanto magis carnium, insalubrium aut semicoctorum copia, simul ac semel onerant. Quare minus etiam sanitati suorum consulunt ii medentium , qui nimis cito appetentiam usuelixiriorum stomachicorum , quæ spiritus mineralis acidus ingreditur , excitare contendunt. Et novi utique tum a copiosori cibo, si non recidivæ, tamen statutum quandam cachepticum , cum tumore pedum & abdominis accessisse & tardissime penitus, convaluisse ægros .

*Contag-
gium
diu de-
litescere
gotest.*

III. Neque minus experientia constat , diu omnino latitare posse suscep- ptum in corpore contagium, interdum per aliquot leptimanias , antequam in actum ducatur & perniciem vim exserat . Atque hinc fit , ut qui eadem cum ægris domo contenti , sèpe suc- cessive unus post alterum aliquot he- domadum spatio morbo afficiantur , licet jam antea aliquamdiu de lassitudine spontanea & functionum vita- lium & animalium languore fuerint conquensi . His igitur cito succurrendum congruis dialeticis & pharma- ceuticis, præsertim iis, quæ circulum sanguinis & perspirationem placide juvant, quæ putredini resistunt & crasis sanguinis custodiunt, de quibus supra mentio facta, quo oxyus venenum iterum e corpore proscripturatur .

*& cum
vesti-
mentis
afferriri.*

IV. Sæpius quoque observavi, quod tempore insalubri , quo ob aerem gra- vem febres mali & benigni moris catarrhales & petechiales populares ha- buerunt circuitus, ex benigna facta sit præter spem maligna, a contagio, quod Medici a vere malignis & petechialibus decumbentibus , cum vesti- mento aut capillito attulerunt. Ut

I adeo non sine ratione a Principum aulis & persona arceantur medici, qui curationem malignorum & contagio- forum morborum tractant , & sæpius inter ægrotos versantur .

C A P U T XII.

De Febre Pestilentiali.

Theses Pathologicæ.

§. I.

FEBRIS pestilentialis est acutissima, *Defini-
tio.* a miasmate venenato ex locis orien- talibus advecto orta, ac nisi vigore motuum vitalium venenum per bubones & carbunculos cito propellatur, lethalis .

§. II

Differit in eo hæc pestilentialis ab aliis contagiosis, malignis & exauthematicis febribus, quod omnium sit acutissima , ac interdum primo statim , vel secundo die jugulet. Dein nostris in regionibus nec epidemia, nec sporadica ex prava victus vel vivendi ratio- ne , aut insalubri aeris constitutione prognata, sed sub aere saluberrimo , a solo contagio ex calidissimis jam infectis orientalibus plagis ad vecto, ortum dicit. Tum hoc haber peculiare, quod non ut aliae malignæ febres & putride, per largos sudores, alvi fluxus, aut alias excretiones, sed tantum quod veneno ad partes externas glandulosas critice & salutariter protruso, per tumores in abscessus desinentes, solvatur. Porro fecus ae in alijs contagiosis & petechialibus quoque febribus, tanta constantia & tenuitas miasmatis pestilentialis est, ut promte adhæreat rebus porosis , & ad multa millaria, integra manente perniciali sua vi , transferri possit . Demum singulare in hoc miasmate infectivo , quod prava & multiplicativa ipsius indoles intenso frigore non modocuretur, sed & plane extingua- tor, quo sit, ut tempestate frigida & in regionibus præfrigidis, rarius, vel plane:

non, sub calido autem celo & vehementissime & frequētissime grassetur.

§. III.

Inistium. Quemadmodum vero in omnibus contagiosis & malignis febribus miasma venenatum cum aere haustum salivali fermentescibili latici sese insinuat, ac in his quas pertransit partibus pernicialem suam vim exserit primum: ita idem etiam quam maxime evenit in pestilentiali contagio. Hoc enim mox caput, cerebrum, nervos & purissimum illud lymphaticum nervorum fluidum petens, capitis torporem, gravitatem, formolentiam & acerbum dolorem, sensuum stuporem, rerum omnium oblivionem, inquietudinem, vigilias ac virium prostrationem inducit. Per fauces ad ventriculum ventum, ciborum fastidium, nauseam, praecordiorum anxietatem, cardialgiām syncopticām, vomendi conatum, nec non vomitum facit. Dein ad membranas medullarē spinalis tunicasque arteriarum nerveas delatum, horrorem, pulsū languidum, parvum, contractum, frequentem, quin lipothymiam producit. Quae quidem omnia statim inter initia sunt ordinaria pestis indicia atq; symptomata, tanto vehementiora & celerioris operationis, quo plus venenum pestilentiale aliorum contagiosorum & malignorum morborum miasma virulentia superat.

§. IV.

Et de cursus morbi. Quae dein sub ipso morbo præsto sunt pathemata gravia & multa, nulli pleniū & accuratiū enarrata, ac in prima de hoc morbo descriptione, quam vetustissimus Historicus Thucydides, lib. II. de bello Peloponese, de peste Attica dedit. Retinebimus igitur hanc morbi historiam, quam postea quam dixit ex Aethiopia in Aegyptum & inde Athenas pervenisse, sic infit: ego vero quod factum est narrabo; & quibus animadversis, si quando rursus incidat, possit aliquis provisum quippiam non ignorare, hac monstrabo, qui tum ipse morbo laboravi, tum alios laborantes vidi. Itaque annus ille, ut in con-

fesso est, inter omnes maxime aliorū morborum immunis fuit; quod si quis alio prius morbo laborasset, in hunc omnes decumbebant. Alios vero ex nulla occasione, sed continuo, quum sani essent, primum capitū calores invadebant vehementes, & oculorum rubores, & inflammationes, atque internā partes, & fauces, & linguae sanguinolenta statim erant, spiritus difficilis & fætens exhibat. Deinde ex his sternutatio & raucedo succedebant, ac non multo post labor in pectus descendebat cum tussi vehementi. Quod si quando ad cor inhaesit, tum id subvertit, tum purgationes bilis, quecumque a medicis recensentur, subierunt, atque ha magna cum desfatigatione. Plerisque singultus incidit manus, convulsione afferens vehementem, qua nonnullis sub hac cessabat, aliis vero multo post. Porro corpus extrinsecus tangentī non admidum erat calidum, neque pallidum, sed subruber, lividum parvis prustulis & ulceribus scatens. Internā vero partes usque adeo flagrabant, ut ne tenuissimum quidem stragulum, aut linteum imponstum, neque aliud quippiam, præter nuditatem, ferrent. Ac jucundissimum plane erat in aquam frigidam se ipsos conjicere; quod multi fecerunt ex iis, in quibus cura non adhibita, qui in puteos se dederunt inexhausta siti vexati, & perinde erat plus ac minus biberre. Atque impotentia quædam, qua iis quiescere non licebat, & vigiliae perpetuo comitabantur. Corpus, quamdiu morbus vigebat, non contabescet, sed præter spem labori obsistebat. Quam ob rem vel interierunt plurimi novem & septem diebus ex interno astu, cum aliquid roboris adhuc haberent; vel si effugissent, morbo in ventrem irruente, & exulceratione in eodem facta, & diarrhoea simul immodica subeunte; pleriq; mox præ imbecillitate perierunt. Etenim initio sursum factio malum, quod in capite primum confederat, universum corpus pervadebat. Quod si quis maxima hæc superasset, huic extremaru partium noxa superveniebat. Malum enim

*ad pudenda & ad summas manus & pedes decumbebat ; & complures his amissis evaserunt , non nulli & amissis oculis . Non nullos etiam , quum pri-
mum exsurerent , cepit oblivio rerum æque omnium , ac tum se ipsos , tum amicos ignorabant . Morbus igitur , concludit paucis interiectis , (ut alia multa prætermittamus insolita , quæ cuicunque seorsum evenerunt , aliis alia) talem in universum habuit ideam . Alius præterea nullus infestavit eo tempore ex iis , qui consueti habentur , si quis autem accidisset , in hunc desinebat . Ac perierunt non nulli quidem ob negligentiam , alii vero diligenter etiam curati . Neque ullum , fore di-
xerim , compertum est remedium , cuius usu homines adjutor esse constaret . Nam quod unius opem tuleraat , id ipsum officiebat alteri . Jam vero nullum corpus visum est adversus morbum sufficere , quod ad robur & debilitatem attinet , sed sublata sunt omnia , quavis etiam vivendi ratione ad curationem uterentur . Res porro miserrima fuit in uni-
verso morbo tum animi dejectio , cum quis se ægrotare intelligeret ; nam mente protinus ad desperationem conversa , multo se ipsos magis consernebant , neque reluctabantur ; tum vero quoniam alter ab altero , dum curationis officio fungerentur , instar ovium occidebat , atque hoc maximam cladi partem attulit .*

§. V.

Subiecta. Neque tamen in peste unius ejusdemque indolis semper sunt symptoma , sed multum utique secundum temperamenta & constitutiones corporum variant . Quam diversitatem probe cognoscere & scrutari oportet medicum . Id vero omnes qui de pestilentiali morbo scripserunt unanimi suffragio confirmant , corpora quæ spongiosioris , rari & porosioris , nec non obesi sunt habitus , temperamento sanguineos & phlegmatico-sanguineos , lexi foeminas , etate juniores ac infantes , animo timidos & abjectos , vita genere pauperes , insalubrem dix-

tam colentes , crapulis deditos & co-
missionibus in seram noctem indul-
gentes , longe celerius corripi & gravius
decumbere hoc modo , quam qui ani-
mo fortes ac intrepidi , corpore ma-
ciliensi , nervosi & amplioribus vasis
dotati , viri , senes , fluxui haemorrhoidali
obnoxii , item qui fonticulos &
ulcera gestant aperta . Neque minus
per observationes compertum , nihil
ad suscipiendum & deleteriam mias-
matis virtutem intendendam aptius
esse metu , timore mortis animique
consternatione , adeo , ut etiam quof-
dam solo terrore peste affectos & ex-
tinguitos esse constet . Nam hi animi
affectus sunt inter omnes præcipui , qui
vitalem cordis arteriarum motum
cum sanguinis circulo minuant , de-
struunt & vires tam vitales , quam
naturales & animales dejiciunt , quum
tamen motuum beneficio venenum
conceptum sit exterminandum .

§. VI.

Cujus autem porro indolis ac speci. *Miasma-*
*naturæ sit venenum , quod pe- tis na-
stem excitat , a priori accurate deter- turæ .*
minare admodum difficile , quia sensi-
bus minus obvium . Quantum tamen
ratione assequi & a posteriori judica-
re licet , duplicitis esse videtur , partim
sulphureæ putridæ multiplicativæ , in-
star fermenti , partim subtilis valde
acris & causticæ , plus tamen alcalinæ ,
quam acidæ , naturæ . Putrida enim
valde & peregrina sulphurea indoles
ex eo patet , quod omnes maligni e
putridis , quæ ex cadaveribus inhu-
matis , aquis stagnantibus putre-
scensibus & aliis fetidis excremen-
tiis fordibus , trahant , & quod
ipsum hoc miasma illico contami-
net nervorum fluidum , motum
solidorum systolicum sistat & corru-
ptionem sphacelosam succis inducat .
Causticæ autem subtilem acrimo-
niæ inesse miasmati ex eo conclu-
dendum , cum quod contagiosorum
morborum ingressum ut plurimum
antecedit copia insectorum sale cau-
stico

flico præditorum & ex putredine genitorum, tum etiam, quod nerveas fibrillas vellicando & rodendo, dolorem, ardorem, tumorem & inflammationem causetur, conspicuum sat in bubonibus atque anthracibus.

§. VII.

*Soluitur, critice per tu-
mores.* Pestilentiale hoc intus suscep-
tum venenum, illico, ut supra diximus,
omnes omnino in corpore functiones
turbat atque pervertit, ac nisi cito ab
internis ad externas partes propellatur,
certissime necem infert. Neque
tamen hoc ut in aliis malignis fit per
largos sudores, neque per alvi, aut
urinæ fluxum, neque per hæmorrhoidum,
aut mensium profluvium, neque
etiam per narium silicidium,
spontaneum æque ac arte proritatum,
ut potius, tales, præsertim effusiores
excretiones, minentur exitium. Sed
salutaris & critica, qua perfecte sol-
vitur pestilentialis morbus, excretio,
absolvitur per tumores in externo
corporis ambitu prodeentes; ita quidem,
ut non secus ac in erysipelate,
intra tertium & quartum diem eadem
contingat, & quo citius ac melius,
eo magis morbi inde mitescat atro-
cia. Formale enim venenum his tu-
moribus contineri atque excerni, vel
ex eo patescit, quod si chirurgus
lancetta, qua aperti, venam sani
hominis incidat, is illico etiam cor-
ripiatur peste.

§. VIII.

Bubones. Duplicis autem generis sunt pesti-
lentiales hi tumores. Primum a Græ-
cis vocatur communis omnium tumo-
rum nomine bubo. Occupant hi bu-
bones maxime glandulosa loca, fre-
quentius inguinales & axillares, quan-
doque etiam parotides & mammarias
glandulas, item maxillares inferiores
sub mento, nec non asperæ arteriaæ
appositæ, ac sece manifestant tumo-
re glandularum duro, dolente, tensi-
vo, cum ardore, ac si boni moris sunt,
intumescent, moliores fiunt & sup-
purantur. Alterum genus, primo
longe deterius, græco nomine audit.

*Pel an-
thracis.*

anthrax, propria significatione carbo-
nem ignitum designans, unde Latinorum
diminutivum carbunculus. Celsus quidem lib. 5. cap. 28. sic describit
anthracem: rubor est superque eum
non nimium pustulæ eminentes, maxi-
me nigrae, interdum sublividae, aut pal-
lidæ. In his sanies esse videtur, infra
color niger est. Ipsum corpus aridum
& durius quam naturaliter oportet.
Circa quod quasi crusta est, eaque
inflammatione cingitur, neque in eo
loco levare cutis potest, sed interiori
carni affixa est. Et Mindererus, qui
ipse peiti interfuit & de ea egregie scri-
psit, ita de carbunculis habet: quan-
do anthrax magnitudine grani sinapis,
aut cannabis consedit, contrahit cir-
cum limabum & circulum, aut arden-
tem halonem, amplitudine orbis men-
salis, prout carnem & locum atti-
git. Caro quam tetigit a sana separa-
tur ac uti eschara, seu caro putrida,
excidit, ut hiet carum ac filipi exe-
dissent. Ab his carbunculis nulla cor-
poris pars immunis est, obsident tamen
quam maxime membranas mu-
sculorum & substantiam cutis nervo-
sam ac fibrosam, in dorso potissimum,
brachii ac femoribus. In loco, quem
afficiunt, æ gri primo pruritum sen-
tiunt, exquisitum, si scalpunt, pustulæ
emergunt, coloris vel rubri, vel lividi,
vel albo-purpurei, vel nigri. Pu-
stulæ compressæ sunt & pure plenæ vi-
dentur, ac sub una, vel pluribus ex-
his, crusta cinerea, vel nigra concre-
scit, qua ablata, caro corrupta &
spongia apparet, cum dolore intolerabili & ardore carnis circumjacen-
tis, ac tandem insequitur totalis par-
tis sphacelatio, sive mortificatio.

§. XI.

Quibus autem lethalis est pestilen-
tialis morbus, ex his non nulli primo
statim, vel secundo die syncope pe-
reunt, procul dubio ex Panico, quo
percussi terrore. Sed plurimi, quando
venenum vel non expellitur, ve ex-
pulsum subito relabitur, & nervosis
tunicis nobiliorum partium pleuræ,
cefso-

*Sphacelæ
necar.*

cesophagi, ventriculi & intestinorum, nec non meningibus inharen̄s, inducit sphacelum, qui ocyus ad omnia viscera ipsumque sanguinem serpit, quofit, ut cadavera illico mire foeteant, intumescant & citissime putrefcant. Quandoque etiam, quando nimia tumorum pestilentialium copia prodit, ob inflammationem, dolorem & ardorem intolerabilem, ex febre symptomatica, non secus ac in variolis fieri solet, occumbunt.

Præservatio & Curatio.

§. I.

Optimum præservativum fuga & tempestantia. Quum in comperto sit, nostris in regionibus pestilentiam non gigni, sed ex remotis locis advehi, non securius utique & certius datur consilium præsoratorium quam fuga contagii. Vetus enim jam Celsi est præceptum, ut adhuc integer, qui tam securus esse non posset, naviget & peregrinetur, quod etiam in peste Italica anni 1573. eximie profuisse, testis est Natalis Comes hisp. lib. 27. Et Sanctorius Med. stat. Sect. aph. 138. libere profitetur: qui aliud remedium pro vitanda peste instituunt, quam fugam, vel sunt homines ignorantes, vel volum eruscare. Eandem etiam ob causam optime saluti civium consulunt principes, qui tempore pestis advectionem & accessionem contagii modis arcent omnibus, si vero domus fuerit infecta, sanos illico segregare & omnem mortuorum suppellecilem comburere jubent, ne cum ea ad alios transferatur & morbus. Omnibus vero graffante pestilentia temperatissime vivendum, vitandus omnis excessus in rerum non naturalium usu, maximeque animi affectibus, & abstinentiam a cunctis, que viresullo modo dejicere, perspirationis succidum turbare & cruditates prima in regione gignere possunt. In primis animus firmandus, & terror metus ac pulillanimitas discutienda, quum certum sit, timorem ac terro-

rem plures in peste necare ac ipsum miasma.

§. II.

Qui autem inter infectos versari ne-*In acidis* cessum habent, his videndum, ne miasma succos vitales subeat, nec salivales intra primas vias stagnantes humores in sui societatem, quod facile fit, perrrahat. Hunc in finem commendanda frequens expiratio & oris, cum aceto vini, vel vino collutio, vel horum in nares attractio. Major efficacia ad huc, si scordio, ruta, vel corticibus citri fuerint imbuta. Acidum enim genuina miasmatis putridæ & sulphureæ indolis videtur esse antidotus, quippe quod teste Chymia mechanica sulphur & salia volatilia figit arque enervat. Quare longe tutius est acida degustare, vel in ore continere, quam radices alexipharmacæ zedoariae, angelicæ, ostruthii &c. masticare. Expedit hinc quoque tum vel vinum Rhenanum, vel aceti bezardici aliquot cochlearia, cum aqua aut vino diluti, assumere. Locuples certe hanc in rem testis est Forrestus; ego, inquiens, cum graffante peste, nusquam trepide, plenus ci-vium studio me ad agros conserrem, illis auxiliis ac potissimum mali citri putamine succidente, dentibus attrito, me munire suevi. Turce, memorante Cole lib. de morb. acut. pag. 88. regnante pestilentia, frequentius utuntur succo limonum, quem liberaliter omni juscule instillant.

§. III.

Inter externa adversus contagio-*Et fonti- culis.* nentia præsidia plures commendant fonticulos; inducti forsitan primum observatione, qua constat, eos, qui ulcera chronica & scorbutica in artibus gestarunt, a peste & aliis contagiosis morbis fuisse immunes. Multus in primis in laudanda hac fonticularum virtute est Hildanus Observ. chirurg. cent. 4. obs. 23. sic habens: Neminem autem, quod notandum, eorum, qui fonticulos in cruribus & brachiis habuerunt, praeter unum aut alterum sum-
me

me cacoehymicum, peste obiisse memini, & prouide praesentanum preservativum tempore pestis esse, cum in aliis multis, tum etiam in memetipso expertus sum. Et idem mihi quoque a medicis qui pesti Erfurteni interfuerant, relatum olim esse, memini. Ratio tam egregii effectus prophylactici videtur esse haec, quod materia suscepit miasmatis, qua firmiter adhaerere solet seriori sanguinis parti, naturae vigore ad partem cui fonticulus insidet, tanquam debiliorem, cum hac ceu vehiculo ablegetur, & per hoc emissarium excernatur, unde tum saepe circa fonticulum insolitus dolor ac tumor observatur. Forsan etiam confidentia, quam gestantes de hoc, tanquam certissimo fovent praesidio, metum exxit & resuscitando animi vires juvat, eodem modo ac de amuletorum adversus pestem virtute cendendum.

§. IV.

Indicationes & curatio. In curatione porro omnia a medico perito hos in fines dirigenda: I. ut ope naturae expulsionem suscepti veneni per congruas vias maxime tumores illos criticos promoveat horumque habeat rationem curare; II. ut vires, quae cum vita pari passu ambulant, suscitet & urgentibus symptomatis occurrat. Sed quum quo pacto & quibus haec rite sint perficienda, ego ex propria tradere nequeam experientia, aliorum utar, & methodum, quam incuranda peste summo cum fructu adhibuit doctissimus pariter & exercitatissimus Medicus, Joannes Langius, heic inferam, cui postea judicium meum & monita rationi & experientiae congrua subjungam. Ita autem gravis hic auctor suam pestem curandi rationem lib. I. epist. 18. describit: Jam tu probe nosti, me multos, de quibus etiam conclamatum erat, in haec pestifera lue has methodo curasse. Primum, si alvus, aliquot dies ante morbi initium, parum, vel nihil excreverat, tum glande imposita, aut levi e nemate eam exone-

ravi. Postea alexipharmacum sudoriferum exhibui, quod, proratione atatis ac virium, sudorem duas, vel tres, aut plures horas, promoveret. Cordis epithema applicui. A sudore hora sexta, vel septima, refectis tamen aliquo juscuso viribus, venam opportunam fecui, ac mox ab alexipharmaco aliis singulis diebus, mane & vesperi, potagia alterantia, que sua qualitate & substantia veneno resisterent, exhibui, & cor quoque confortarent, qualia sunt, que ex succo citri, limonum, aurantiorum, acetosae & jugulae, cum momento aceti & saccharo decocta conficiuntur. In morbi declinatione, si appetitus edendi languebat, ad reliquias morbi extirpandas, medicamentum ex rhabarbaro, agarico, cassia, aut rore Syriaco, sive manna & tamarindis Indorum exhibui. Postremo chirurgis, ne ulceris aut carbunculi consolidationem precipitarent, coquis vero ut prescripto tempore commoda esculenta & potulenta aegro suppeditarent, edixi. Qua curationis ratione ingens aegrorum numerus, Deo optimo auspice, convaluit. Bubonibus, pergit paucis interjectis, vero & carbunculis, si circa emunctoria, juxta aures paratis, sub axillis abscessus, in inguinum adenibus bubo, virtute expulsante eruperit, aut interim carbunculus in brachius aut cruribus efflouuerit, tum festinanter, veluti in vulneribus virulentis, medicamenta, que venenum extrahunt, ad locum applicata, vel cucurbitulas, aut emplastrum ex fermento, theriaca, farina, sinapi & cepa sub cineribus cocta conficto, additis oponacis & galbani gummis, acerrimo aceto solutis, imposito & abscessum ante maturationem sacrifica, aut aperi, vel cauterio adurito. Si vero patiens ignem veretur, cauterium potentiale ex cantharidibus & fermento confectum, aut contusam ex oleo flammulae radicem applicato, que sua virtute calorifica & ardente non modo noxiros humores attrahunt, sed & non raro factas ex his collectiones aperiunt.

§. V.

§. V.

In iusta se & vi gente. Et utique hæc pestem curandi methodus rationi consentanea. Nam in omni morborum curatione sedulo tenendum hoc monitum, ut si alvus sub initium per aliquot dies, parum, vel nihil excreverit, leni enemate ducatur, quo ab excrementis liberentur intellina, ne inde tam symptomata exacerbentur, quam remediorum virtus obtundatur. Dein probandum merito auctoris institutum, quo commodo alexipharmacò sudorem per aliquot horas movit, ut halitusum illud venenum cito exhalareret & per cutem difflaretur. Neque etiam de nihilo putandum, quod cordi applicuerit epithema. Quamvis enim non proxime tangat & afficiat cor, sed potius dextrum orificium ventriculi ejusque tunicas nervosæ & musculosæ; multum tamen interest, ut ventriculus, ceu pars maxime nervosa, & exquisiti sensus & quæ cum nervosis universi corporis partibus consensum alit intimum, ac ubi venenum primo omnium pernicialem suam vim exserit, probe defendatur, quod sit per topica, quæ antispasmodica simulque roborente balsamica virtute pollent; quem in finem ego commendare soleo, quæ ex theriata, oleo nucifæ exprelio, camphora, croco, castoreo ac balsamo Peruviano concinnantur. Porro post usum alexipharmacorum venam fecare jussit, quod omnino proficuum. Initium enim curationis a sanguinis missione facere periculosum, eo quod primo vel secundo post eam die, motus sanguinis ad peripheriam, adeoque etiam perspiratio, semper quodammodo diminuitur, ut venenum intus maneat. Ne dicam, metum & terrorum in peste correptis, protinus motum sanguinis a corporis ambitu revocare, ut hinc venæ sectio, quæ idem efficit, non possit non nocere. Sed admitti utique hæc potest si consuetudo, sanguinis abundantia & visus laetus atque vinosus urget, post usum medicamenti sudoriferi, eo quod

demta sanguinis copia, propulsio materiae virulentæ ad glandulas facilitatur & promovetur, tanto certius, quando postea lenioribus sanguinis ad exteriora fluxus subinde adjuvatur. Recte etiam laudantur acida, uti succus citri, limonum, acetum &c. quod tota substantia veneno resistat, quippe quæ putredinem humorum & dissolutionem sanguinis valide obtundant & ob id merito omnibus alexipharmacis & antioloimicis anteponuntur.

§. VI.

Nec non declinatio se morbo- Fracto præterea morbi vigore, sub declinatione alvum expurgat lenioribus. Quod quidem sicuti in principio pestis aliorumq; contagiosorum morborum, ob effectum motum humorum ad externa retardantem, admodum nocivum; ita vicissim quam maxime conducibile, in declinatione. Sic enim educuntur fôrdes sub morbo genitæ perniciose, quibus retentis appetitus prosternitur, lentiæ, immo purpuraceæ febres de novo inducuntur, vires languent, calor fit lentus, novusque ac capitalis haud raro repullulascit morbus. At virus tum extrahendum in tumoribus pestilentia libus suadet cucurbitulas, scarificationem & vesicatorium, ac in eo pariter consentientes habet loquiatros. In primis elegans Riverii est observatio Cent. 2. obser. 19. quæ ceu expertæ virtutis præsidium laudatur, ut statim ac quis peste correptus, cantharides cum fermento & acetô pone aures ac in aliis luetis emunctoris applicantur, ac in lecto postea quieti decumbere jubebantur ægri, eoque facto, post 24 horas effluere humorem atrum sersum & pestilentem morbum post aliquot dies plane discedere. Neque minus probe etiam monet Langius, ne præmature ac cito ulcera contolidentur. Evocata potius ad partes externas materia & suppuratione facta, tumor aperiendus, ulcus suetis digestivis mundandum, sed diu apertum servandum admota turunda, quo virus om-

ne per illud sufficienter expurgetur,
& tandem ad cicatricem perducen-
dum.

Cautelæ & Observationes
practicæ.

§. I.

Pauca remedia. Perquam attentione dignum est *San-*
remedia *Etorii in Med. stat. aph. 139.* effatum :
spuma. nobilium fere nemo cum remediis, ple-
beii vero sine iis plures, sanantur. Nam
experientia uberior docet, plebejos,
modo non omnibus subsidiis destituan-
tur, sed temperato regime, & ad sa-
tietatem levī potu utantur, citius &
rectius tam in pestilentialibus, quam
alii contagiosis malignis febribus
convalescere, quam opulentos, qui
Medicorum, & medicamentorum co-
pia obruuntur plane. In illis quippe
valens & robusta est natura, cui si ne-
gotium committitur curationis, longe
felicius utique succedit, quam si arti-
ficia medicatione, nonnunquam pla-
nè perversa, impeditur ac turbatur.
In nobilibus autem, quum per se ob-
inordinatam vitæ virtusque rationem
jam tum debilior natura, longe magis
utique medicamentorum multorum,
variorum, quin sāpe minus congruo-
rum usu, in opere suo turbatur, &
morbus ad infelicem eventum promo-
vetur.

§. II.

*Alexi-
pharma-
ca sola
nocent.* Inprimis nihil perniciosius est, quam
radices sic dictas alexipharmacas, oleo-
volatili calido turgidas, carlinæ, ange-
licæ, petalitudis, zedoariæ, serpentariaæ,
Virginianæ, imperatoriaæ, vincetoxici,
pimpinellæ, ostrutii, & ex his præpara-
tas esentias, elixiria, theriacam quo-
que & mithridatiū, ceu genuinum
antidotum, liberaliter offerre. Multo
vero magis detestandi adhuc illi tan-
topere laudati spiritus volatiles, urin-
osi & oleosi, ut cornu cervi, vipearum,
fuliginis, item salia volatilia,
nec non balsamum sulphuris. Tantum
enim abest, ut iisdem noxiū expel-
latur, ut potius intus detineatur, &

partibus nervosis altius infigatur.
Perpetua quippe hæc lex est, secreto-
nes, quæ antecedunt excretionem re-
crementorū in corpore, melius sub
liberiori & moderatori ad emuncto-
ria appulsi succedere, quam ubi hu-
mores impetuose ac celeriter com-
ventur. Augent potius calidiora phar-
maca, anxierates præcordiorum, calo-
rem intendunt, dissolutionem humo-
rum promovent, & miasma quoque
malignum facile & cum impetu ex
ventriculo in sanguinem ac nervosas
partes agunt, ut sic multiplici ratione
sint detrimēntosa. Et hæc omnino
ita esse loquuntur passim medicorum,
qui pestilentiæ interfuerunt, scripta,
e quibus nominasse sufficit *Hildanus,*
Chald. de Heredia, nec non *Thone-
rum*, qui pluribus observationibus
confirmat, alexipharmacis calidiori-
bus ulos, peste absuntos esse omnes.

§. III.

Neque tamen penitus radicum &
herbarum sic dictarum alexipharma-
carom usus in peste damnandus. Tum
enim non nocent, quando miscentur
cum iis, quæ vim earum comoven-
tem nimis & calefacientem cicurant,
& quasi ad temperamentum redu-
cunt, uti sunt maxime acida, cum
nitro. Sic relatum mihi est, in pe-
ste illa, quæ anno 1682 nostram hanc
urbem infestavit, eximie profuisse mi-
xturam ex aquæ cardui benedicti &
aceti vini quatuor cochlearibus, lapi-
dum cancerorum & theriacæ drachma,
concinnatam & iterato datam. In pe-
ste quoque, quæ anno 1575. totam
fere Lombardiam pervaegata, multi-
pissim & præcipue Mediolani conva-
luisse dicuntur, succo ex ruta capra-
ria, cum acetō, aqua cardui benedi-
cti & modico theriacæ hausto, cor-
pore postea ad sudorem coniecto. Ipse
Thonerus obser. pag. 21. testis est,
nil profuisse in peste, præter acetum
theriacale, inter initia ad elicendos
sudores exhibitum, eodemque hoc
remedio anno MDCXLIII. grāstante
inter milites febre maligna, inte-
gram.

gram gregariorum cohortem fuisse servatam, convalescentibus omnibus, quibus tempestive hoc acetum oblatum, exceptis paucis, qui serius a chirurgo acceperant. In peste quoque Romana tam egregia præstítisse acetum cum ruta, radice pimpinellæ, betonica, allio, & baccis juniperi, addito camphora momento infusum, ut quorquo illo usi fuerunt, quamvis inter infectos degerint, pestem evaserint, fidem facit *Kircherus de peste* pag. 375. Quin propter acetum, ceu præcipuum ingrediens, aqua prophylactica *Sylvii*, in malignis morbis & ipsa peste, magni semper aestimata. Et *Gesnerus* ob id lib. 3. epist. 27. auctor est, ut omnia alexipharmacæ ex vino, cui acetum admixtum, præbeantur. Conveniunt autem hæc alexipharmacæ acidis nupta primo maxime die, ubi resolutione ac sudore opus est. Nisi enim, ex vero afferit *Mindererus*, intra viginti quatuor horas ab invasione alexiteria exhibeantur, omnia medica præsidia fore irrita.

§. IV.

Optima in peste acida & bezopardi ca fixa. Inter ea vero, quæ præsentissimæ in pestilentiali morbo efficacæ, communii omnium, qui de peste scriperunt, suffragio, sunt maxime acida & terrea. *Fracastorius* lib. 3. pag. 246. de morb. contag. tam ad præservationem, quam curationem commendat hoc: recipe succi acetosellæ uncias duas, citri unciam, diacordii Fracastorii drachmam, specierum cordialium scrupulos duos, aceti unciam. *Mindererus de pest.* cap. 15. disertis scribit verbis: nulla est putredo, nulla infestatio, nulla humorum depravatio, quæ per acida non superetur. Sane, ut liberime loquar, si mibi vitriolicorum remediorum usus, vel interdicereatur, ego ad curationem pestis nunquam, vel certe inermis, accederem. Item testatur *Fonseca de ver. rat. curand. pest.* *Johannes Crato*, inquiens *Augenius de Monte Sancto*, *Martinus Rulandus*, *Oalii in febribus pestilentialibus spiritum vitrioli summopere prodeesse testan-*

tur. Et ego id testari ingenue possum, me non modo cum syrups, sed & cum conserva rosarum mixtum, felici cum successu cum exhibuisse. Ex terre vero & bezoardicis fixioribus singulari virtute pollent antimonium diaphoreticum, bezoardicum minerale, lapides cancrorum, cornu cervi ustum & philosophice præparatum, succinum, terra sigillata, bolus Armena & cinnabaris. Ex quibus varia concinnari, eademque vel sola, vel acidis nupta, in usum vocari possunt. De quibus tamen omnibus pluribus legendi *Antonius Schneeberg in catal. med. simpl. adv. pest. opera Henrici a Bra edit.* *Unzerus lib. 2. antid. pestil.* nec non *Mindererus de pest. cap. 15.*

§. V.

Deinde inter remedia in pestilenta *Nec non* conducibilia præcipuum fere locum *analeptica*. *Vires enim in* atroci hoc morbo, tam propter gravem animi metum & consternationem, quam ob ingentem malignitatem, summopere sunt prostratae. Hinc medico quam maxime enitendum, ut removeat ex rebus moralibus & non naturalibus omnia, quæ easdem offendere possunt, & in medicatione fugiat anodyna & valde vaporesa, graveolentia. Ad reficiendas autem vires præstabilis aqua confortans, nostra methodo sic paranda: recipe melissæ Turcicæ manipulos quatuor, rosarum cum sale contusarum, florum liliorum convallium ana manipulum, corticum citri recentium unciam unam semi, cinnamomi acuti unciam, macis unciam dimidiati, affunde vini Rhenani mensuram, aquæ communis mensuras tres, & leni igne abstrahere duas cum dimidia mensuras. Potest hæc aqua vel cum tantudem aquæ cardui benedicti remixa, vehiculum præbere sumendis reliquis medicamentis omnibus, vel sola dari, cum syrupo acetosellatis citri & spiritu salis acidulata.

§. VI.

Neque minus apprime in pestilenta *Item e.* *metica* pro-

proficia sunt emetica . Nam prima & præcipua in medicatione indicatio est, ut venenum suscepturn ocyus citius e corpore pellatur . Jam vero miasma contagiosum primo omnium salivali sese immiscat latice, cum hoc ad ventriculum descendit & inde ad sanguinem transfertur . Hinc optimum utique consilium, ut venenum brevissima, qua subiit via, iterum exturbetur, simul atque cruditates primæ regionis, quæ deleteriam ejus virtutem mirifice intendunt, per stomachos everrantur . Sed opus est, ut cito id fiat, simul ac quis se infectum & linguorem cum cardialgia sentit . Sic subuncto congrao sudorifero, prima quasi in herba jugulari posse morbum multiplici constat experientia, eodem modo ac cap. 10. & 11. in aliis malignis morbis id succedere pluribus docuimus . Curiosa non minus quam notabilis hanc in rem est observatio Riverii, de quodam, qui simul ac ex symptomatibus, dolore capitis & nausea, se peste laborare conjectit, illico pennam oleo illitam in fauces immisit, qua eduta per vomitum materia, primum serosa, dein flava, tandem porracea, in lectum se contulit, juscum sumxit, sudavit & illico convalescit .

§. VII.

Sub certa conditio- De venæ sectionis utilitate non æque inter omnes convenit, sed sunt *tendae ve-* qui laudant, sunt qui damnant . Optime præcipit Celsus lib. 3. cap. 4. desiderat, inquiens, propriam animadversionem in febribus pestilentialibus causas . In hac minime utile est, fame aut medicamentis uti, aut alvum ducere . Si vero vires sinunt, sanguinem mittere optimum, præcipue si cum dolore febris est . Neque minus fidem facit Riverius in opp. tit. pest. se in pestilentiali parotide, quæ plures necavit, venæ sectione, moderata tamen, ad uncias aliquot, & repetita, plures servasse . Nos quid de ea censeamus, supra jam in epicrisi ad Langii methodum exposuimus . Omnis autem huc redeunt: nunquam in principio post

invasionem statim, ubi terrore & metu æger jaclatur, habet locum, sed secundo vel tertio die, si urget plethora & vires sinunt, admittenda moderata .

§. VIII.

Sic etiam de nitri usu ambigunt medentes . Qui rejiciunt, putant illud nimium refrigerare & expulsiōnē veneni ob id resistere, pestis etiam venenum jam tum esse stupefactivum, putredinosum ac diarrhoeas inde metuendas fere lethales . Qui probant illud non secus ac in aliis exanthematicis inflammatoriis & malignis febribus, diaphemeticis nuptum, egregie prodeſſe contendunt . Sed lis facile dirimenda . Spectanda sunt individua eorumque natura & temperamento & expenden- da morbi symptomata . Si corpus est plethoricum, temperamentum chole- ricum, vel sanguineo-cholericum, astus acris, febris intensa cum siti & dolore capitis; nitrofa, refracta dosi cum bezoardicis pulveribus data, com- modum locum habent omnino . At ubi torpor & somnolentia, pulsus debilis, extrema frigida & timor præcessit ingens, abstinendum a nitrolis esse docet ratio . Semper tamen tutius est, si nitrum sociatur camphoræ, quo con- nubio camphoræ vaporosa & nitri re- frigerans indoles optime cicuratur & medicina emergit, non modo alexipharmacæ, sed & inflammationi effi- caciter resistens . Memini ego, me olim quem Londini versarer, a peritis- simo chirурgo sene, qui pesti Vien- nensi interfuerat, audivisse, se lummo cum fructu usum esse electuario, quod vocabat nigrū, composito ex rob sambuci & mellis ana libra dimidia, pul- veris pyri uncia & camphoræ drachma, ad unam vel duas drachmas da- to . Et Giselerus quoque se in peste Brunsuicensi lummo cum fructu ad- hibuisse pulverem pyrium affirmat .

§. IX.

Perite præterea tractandi critici illi tumores pestilentem morbum solven- tes . Bubones quidem, si cito pro- rum-

Bubon
G. an-
thracum
tracta-
tio-

rumpunt & cito maturant, boni; si autem statim redeunt, metuenda aut mors ipsa, aut minimum gravia symptomata, ex inguinalibus paralyticis & gangrenæ ipsius lateris, ex mento relapsis deglutitio solidorum & liquidorum intercepta, cum angina ut plurimum lethali. Periculiosiores etiam qui pone aures, pessimi, quibus carbunculus infidet, & lethales circulo livido sepi. Carbunculi deteriores semper quidem bubonibus, sed quo majores, quo nigriores, & quo propiores cordi, eo magis periculosi. In utrisque ex internis optima sudorifera, & que succos ad ambitum corporis agunt. Exterius in bubonibus, si tardius prodeunt, attrahentia imponere jubent, cucurbitulas, quin vesicatoria. Si protuberant, suppuratio promovenda cataplasmate ex sicubus, radice liliorum alborum, cepis sub cineribus tostis, "cum farina lini, melle & croco; vel imponenda suppurantia simul atque discussientia, emplastrum diahylon tam simplex, quam cum gummatis, de mucilaginis, nec non de meliloto. Ubi suppurarunt, aperiendi & balsamo *Arcae* nonnunquam unguento Basiliconis remixto mundandi & consolidandi, ita tamen, ut non nimis cito coeant, sed aliquamdiu materiae saniosæ concedatur effluxus. Anthracibus, quia humor jam corruptioni obnoxius, non admovenda suppurantia, sed curandum, ut crusta decidat: quem in finem Loimiatri confinia digestivo inungere & acre emplastrum superponere jubent. Crusta delapsa unguento *Ægyptiaco*, vel fusco *Wurzii* cum melle rofacto tractandi. Quod si autem corruptio sphacelosa adeat, & latius serpere videtur, prohibendum hoc scarificatione sufficienti & applicatione liquoris, qui potenter indurationi ac putredini resistit, expertæ saepius a me virtutis, parandi, ex unicuius quatuor spiritus vini rectificati, drachmis duabus camphora, drachma croci & tantundem nitri artificialis, quod ex spiritu salis ammoniaci urino-

Tom. IV.

so & spiritu nitri confit, ac a vini spiritu perfecte solvitur.

§. X.

Demum quoad regimen in genere *Regimen.*
adhus tenendum, quod, sicuti in omnibus acutis exanthematicis morbis, nimius lecti & conclavis calor omni studio, ceu summopere noxius, vitandus, ita multo magis ipsa in pestilentia. Vicissim vero arcendum etiam frigus, ne tumorum eruptio & diffusio subtilioris venenoſe materie per cutis poros ullo modo intercipiatur. Temperata potius sint omnia, uti jam in antecedentibus passim monuimus, iterumque monemus.

C A P U T XIII.

De Febre Erysipelacea.

Theses Pathologicæ.

§. I.

Ad exanthematicas febres merito *Descrip.*
etiam refertur erysipelacea, in *tio morbi.*
qua sub intenſiori sanguinis & humo-
rum motu, serum acre, sulphureæ,
caustica naturæ, ad partes extremas,
cum tumore, rubore, ardore & dolore
propellitur.

§. II.

Certe non tam levis, innocens & *Multum*
simplex est erysipelacea febris, ac vulgo *convenit*
putatur, sed gravis saepè, periculosa, & *cū peste.*
non raro lethalis; quia multum affi-
nitatis alit cum morbo omnium atrocissimo, ipsa febre pestilentiali. Nam
sicuti hæc subito cum intenso horrore,
æstu, virium prostratione, vehementi
dorsi capitisque dolore, vomitu quoque
& delirio accedit; ita & saepissime
erysipelas statim in principio iisdem
symptomatis stipatum adoritur. Si-
cut deinceps in pestilenti morbo inter-
terium & quartum diem materia
maligna ad corporis ambitum propel-
litur, remittente postea paululum
symptomatum atrociam; ita similem
successum servat erysipelacea febris.
Quemadmodum porro pestilentialis

L ve.

venenata materia maxime glandulas, & quidem inguinales, invadit, ibique dolorem primum ac tensionem efficit; sic etiam gravi erysipelate affecti, primo tumorem, ruborem ac dolorem sentiunt in inguum adenibus, unde postea materia ferventissimæ & aduentis quasi naturæ ad pedes descendit. Ut quoque materia pestilentialis sedem saepius figit in glandulis mammariis, axillaribus & parotidibus; ita eadem observatur in erysipelate, quod ubi capiti imminet, patiuntur primum parotides, si mammis, axillares. Pestifera præterea materia in glandulis abscessus format, ac partibus extremis facile gangrenam & sphacelum inducit; sacrum autem ignemi axillares præsttim & mammarias glandulas sic saepe adudere, ut pus contrahant, & artus foeda corruptione afficere, omnes qui medicinam faciunt, uberioris norunt. Demum sicuti in peste nil periculosius, quam si materia expulsa ab externis ad interiora relabitur; sic eadem noxa idemque periculum a retrocessione erysipelatis metuendum.

§. III.

Differet a In eo tamen erysipelacea a pestilentiali febre differt, quod non ex contione & contagio, sive causa externa, sed interphlegmone oriatur, nec contagiosa sit, & alios sola exhalatione inficiat, nec tam virulenta sit, & cum mortis periculo juncta. Inflammatio autem erysipelacea ab aliis his distinguitur, quod tumor in illa depresso, dolor non tam tensus, color quoque roseus & floridus, qui in his magis fuscus. Neque minus a phlegmone discernendum erysipelas: in hoc enim inflammatio magis superficialis, in latum diffusa & preffa colore exuit, materia quoque pauca & tenuis, in illo autem profundior inflammatio, subjectam non modo cutem, sed & pinguedinem & musculos tangens, attactu ob duritatem colorem non deponens, ac fit a stagnante impuro sanguine, propterea facilis in gangrenam est transitus.

§. IV.

Ipsum autem erysipelas a practicis *Est ver* vulgo distinguitur in verum, quod & simplex, ac in nothum, quod & scorbuticum vocant. Simplex facilis obsecundat commodis remedii internis & externis, ac tantum in superficie cutis hæret; nothum autem magis est chronichum, ob succorum impuritatem altius radices agit, difficile curatu & facile abit in ulceræ mali moris. Subdividunt igitur hoc iterum in illud, quod cum, & quod sine exulceratione est; in exulcerato plus utique periculi metuendum, & ægris, & medicis, & per longum sæpe tempus detinet ægre consolidandum. Porro erysipelacea febris quandoque idiopathica, sive morbus primarius, quandoque symptomatica & morbus secundarius. In anafraca quippe, ascite, item diurno ictero, *Idiopa* flavo & nigro, accedit haud raro symptomatice erysipelas, & cito ægrum jugulat. Sæpe etiam complicatur vulneribus partium nervosarum, præsttim cranii ejusdem membranarum, item fracturis ossium, ac tum quoque in ancipiis versatur æger.

§. V.

Deinceps non in omnibus unius *Differet* semper ejusdemque indolis est erysipe ratione corporis. Etenim in quibusdam, juvenibus maxime, materia nec adeo virulenta, nec adeo multa, levius facit atque benignius, quod neque glandulas occupat, neque febrem intensam movet, sed secundo mox die prodit, cum rubore, tumore ac dolore in pedibus, & sub perspiratione debita, vel leni remedio domestico, prompte discutitur. Contra ea in cacochymicis, senibus & impuris corporibus, ubi materia, & copiosior, & deterior, sistema nervorum & vasorum gravius exagitatur, febris est acrior, dolores & inquietudines acerbiores, ac nisi exquisita medicatione excipiatur, diu affligit & ægrius cedit. Differt quoque erysipelas ratione partium, quibus *& par* incumbit, & variis distinctis stirpatur symptomatibus. In pedibus nitorem in-

inducit tibiis, quin, si gravius, cum dolore ad crura usque propagatur, & levi attacku exacerbatur. Faciem si occupat, intumescit hæc successive, rufescit, interspersis copiosis aqueis vesiculis, oculi tumore clauduntur, spiritus difficulter trahitur, nares & fauces aridæ valde sunt & siccæ, & torpor plerumque ac sopor conjunctus est, quin ob propinquitatem cerebri metuendum, ne in phrenitidem, vel lethargum degeneret lethalem. Mammæ ubi erysipelas tagit, intumescunt, saepe lapidis instar indurescunt, cum exquisito dolore, & facile sequitur suppuratio. Sub axillis ibique positis glandulis, acerbissimo stipatur dolore, & plerumque in abscessum definit. Umbilicalem regionem in infantibus frequentius infestat, ac inde per abdomen spargitur, cum gravibus pathematis, funesto ut plurimum eventu.

§. VI.

Zoster. Ex peculiaribus erysipelatis generibus est illud nostro tempore paucis cognitum, & a veteribus quoque parum notatum, quod Plinius vocat Zoster, nostri zonam. Grayioribus hoc prodit symptomatis, & supra umbilicum medium corpus ambit instar cinguli, ex praecordiali regione per dorsum transsum, latitudine ut plurimum aliquot digitorum transversorum, cum intensissimo ardore, insidentibus pustulis acribus, instar ignis urentibus. Sed perniciosum est, ac interdum necat. Omnia vero, ut ita dicam, malis-
Et macula lata. gnissimum est, quod post magnum vi- rium languorem in corporibus senilibus, eminentius cacochymicis, non nunquam etiam in febris malignis & pestilentialibus, sub papilla & in cordis regione, vel etiam manibus aliisque exquisitoris sensus partibus, prodit, lividum mox fit, demum atrum, morte cito subsecente, quod Platerus in primis opp. tom. 2, pag. 23. sub nomine macula lata describit.

§. VII.

Ad causas hujus febris quod attinet,

materialis neutiquam simplicis, bilio-
sæ, vel salfæ, sed potius causticæ, acri-
& putrefacientis indolis esse videtur.
Causa materialis. Vehemens enim ipsius in partes ner-
vosas operatio, totius corporis econo-
miam functionum illico graviter tur-
bans, & vigiliam, delirium, inquietudinem,
anxitatem, corporis jactigatio-
nem, vomitum & sensum turbatio-
nem, inducens. Longe gravior adhuc,
quando expulsa materia retrocedit,
quippe quæ tum haud secus ac vene-
num, cito deliria, inflammationem in-
ternam, asthma convulsivum & spasti-
cas stricturas ciet saepe lethales. Ne di-
cam gangrenam & sphacelum, quæ
erysipelas in primis male tractatum fa-
cile excipiunt, virulentiam materiae
luculenter satis prodere ac indicare.
Unde vero hæc materia trahat ortum,
non adeo quidem in expedito; ego ta-
men crediderim, ex bile variis ex cau-
sis vitiata & corrupta redditâ, in duo-
deni flexura stagnante diutius, ibi cum
succo pancreatico confermata quasi
& caustica acri facta, eandem conflare,
inde successive ad sanguinem & cere-
bri spinalisque medullæ membranas
ferri, universum nervosarum & vascu-
larum partium systema male afficere,
febrem efficere, donec demum ad ex-
ternum corporis ambitum pellatur.

§. VIII.

Ad concipiendam hanc erysipelatis
materiam, dispositi præ reliquisten-
peramento sanguinei & sanguineo-
cholerici, plethorici, juvenes, viri, nec
non foeminae gravidæ, in quibus tamen
benignioris esse solet naturæ. Sed in
scorbuticis, feribis & cacochymicis,
item feminis, suppressione, vel emâsi-
one, aut retentione mensuri laboranti-
bus, deteriori obtinet genium. Cre-
brius etiam & facilis ex causa eidem ob-
noxii, qui a parentibus eodem affectis:
prognati, & qui semel passi, sepius po-
stea ipsius experiuntur insultum, præ-
fertini si lenes & scorbutici. Ego qui-
dem anniversaria, & quinoctialia, quin
singulis mensibus redemptia erysipela-
ta notavi. Sed de his, in tenibus maxi-

me & cacochymicis, verum etiam deprehendi Hippocratis in aphor. effatum: quod qui saepe erysipelate corripiuntur, tandem eo moriantur.

§. IX.

Cause procastar. Hic. Quæ autem hanc intus delitescens tem erysipelatis materialem caussam evolvere & in actum deducere possunt, ex rebus non naturalibus sunt multa. Inter haec primum ac præcipuum locum sibi vindicant animi affectus vehementes, ira præsertim ac terror, & consignavt inter alia Fallopius exemplum fœminæ, que, quotiescumq; irata, erysipelas nasi incurrit, potu aquæ hordei facile discutiendum. Excludit dein erysipelas aer nimis calidus & intensior solis ardor, nec non vicissim subita & vehemens corporis, vel pedum refrigeratio. Idem facit cibus calidus, potus exæstuans, crebra ebrietas, nec non balneum fervidius. In primis vero ad exclusionem hujus mali faciunt evacuationes sanguinis tam artificiales, per scarificationes & venæ sectiones, omisæ, quam spontanæ per nares, uterum & ledis venas, interceptæ. Speciatim capitidis erysipelas frequentius accedit his, qui diu noctuque in aere humido & pluvioso degunt, item senibus. In mammis solenne est puerperis, præsertim lactantibus, post gravem terrorē, tumque illoco fistitur lactis effluxus, mammæ duræ fiunt, & a lacte coagulato tumescunt.

§. X.

Eventus bonus. Interim erysipelas, si cito & sine adeo vehementi commotione erumpit, nec corpus loddidus, nec locus nobilior, aut cum nervosis partibus communicans, non tantopere pericolosum, sed sub auctiori perspiratione, exhibitis congruis remediis, post unum aut alterum diem, tumor sensim subsidet, ardor ac dolor evanescit, color roseus mutatur in flavum, cuticula finditur, in squammas fatiscens secedit & morbus ex voto solvit. Quin salubritatis plane notam quandoque fert; ac novi alias morbos, præsertim asthma convulsivum, nec non colicam convulsiv-

vam, erysipelate superveniente, fuisse feliciter sublata.

§. XI.

Sed ubi erysipelas magnum, profundum, succi corporis eminentius impuri, pars exquisitoris sensus, periculo, ut supra passim dictum, non vacat. Aut enim rubor livorem & nigredinem induit, ac brevi in sphacelum transit funestum, aut inflammatio difscuti renuit, suppurratur, ac ulceræ malitioris, fistulas & gangrænam inducit. Minimum in sanguineo-phlegmaticis & cacochymicis post erysipelas remanet ingens tumor pedis, ut tibia magnitudine tripla naturalem statum excedit, isque tumor difficulter admundum abigitur. Qui autem hoc morbo moriuntur, febre pereunt, qua ut plurimum juncta est cum difficillima respiratione, interdum cum delirio, aliquando cum sopore, & intra septimum plerumque diem catastrophe accidit lethalis.

§. XII.

Male etiam cedit, quod perversa medicatione excipitur. Nam priscum & verum Hippocratis apb. 25. Sect. VI. est dictum: quod si retropellatur, sit perniciolum, quin funestum; id quod superius incidit. Novi ego post vomitorium & validum purgans recessisse erysipelas, insequutam ventriculi inflammationem & mortem. A venæ sectione etiam ad interiora revocatum esse, & vagum postea cum longe majori incommodo factum fuisse, vidi. Observavi quoq; repulso ab ipsa camphora cum minio & bolo cruris erysipelate, exceptisse febrem intensam, stomachi dolorem intolerandum, respirationem mire laboriosam, vomitum biliosum, viri languore, appetitusq; prostrationem, nec prius conquievisse haec pathemata, quæ datis antispasmodicis leniterq; diaphoreticis, & revocato ad pristinam sedē per vesicatorium erysipelate. De capitidis erysipelate repellentibus, frigidis, adstringentibus, vel etiam nimis spirituosis, nec non camphoratis linimentis tractato, compertum habeo,

habeo, quod induxit vertiginem, affectus soporosos, anginam, phrenitidem, linguæ paralyfin, quæ mala senioribus & scorbuticis haud raro fuerunt funesta. Neque minus frigida, saturnina, oleosa, linimenta spirituosa, largiter camphorata, exterius admota, malum erysipelatis eventum procurant, ac ut in ulcera mali moris, grangranam & sphacelum degeneret, faciunt, ut pluribus *Hildanus Cent. I. obser. 82. Moinichen obser. 2. pag. 245.* item *Timaeus a Guldenklee lib. 6. cas. 33. testantur.*

Curatio.

§. I.

Indicationes. Recta erysipelati medendi methodus tribus his absolvitur indicationibus: I. ut motus iste febrilis naturæ nullo modo impediatur, sed potius si deficit, promoveatur, si excedit, ad temperamentum reducatur; II. ut materia subtilis caustica, nervosis partibus insidens temperetur, atque ad se & excretionem præparetur; III. ut stasis lymphæ putridæ & caustice inflammatoria in partibus externis discutiatur, & ad perfectam expulsione traducatur.

§. II.

Præsidia. Inter ea præsidia, quæ motum febrilem naturæ quodammodo languorem excitant & promovent, ex classi- *prime.* cies remediis laudem omnino meretur mixtura simplex, quando cum spiritu nitri dulci, aut melius adhuc liquore nostro anodyno minerali, miscetur; vel si essentia scordii, aut pim- pinellæ albæ, non adeo spirituosa & concentrata, cum tantundem liquoris anodyni nostri confunditur & ad viginti, vel triginta guttas porrigitur. Juvat quoque expulsionem infusum theiforme ex herba scordii, floribus sambuci & semine foeniculi compostum, nec non ex temperatoribus pulvis bezoardicus noster, aut Ludovicianus. Motus spasmosque excedentes moderatur emulsio, ex aqua flo-

Tom. IV.

rum sambuci, tiliæ, acaciæ cum se- minibus quatuor frigidis majoribus, nec non semine napi, præsertim si lo- co vehiculi usurpetur, cum quo pulvis noster bezoardicus, vel solus, vel cum aliquot nitri & cinnabaris granis, as- sumatur. Idem facit, simul atque ex- pulsionem sustinet mixtura ex una spi- ritu bezoardici Buffii & tribus liquo- ris nostri anodyni partibus. Ubi vero motus legitimi, nec nimii, nec defi- cientes præsto, utilissimum omnino domesticum illud remedium, ex rob- sambuci uncia, cornu cervi usci dra- chma, ex aqua florum sambuci sum- tum, cui ego in calidioribus cum fra- tu adjudicere soleo decem, vel duode- cim nitri puri grana.

§. III.

Secunda. Ad demulcendam huicorum acri- moniam, materiamque recte præpa- *G. tertie.* randam, præter jam dicta, spectatæ *Indica- siones.* sunt virtutis decocta loco potus ordi- narii sumpta, ex rasura cornu cervi, radice scorzonerae, altheæ, liquiritiæ & chinæ cum semine foeniculi, item decoctum avenaceum. Discussio sta- seos inflammatoria per externa per- ficienda. Sed nil fere ex his sine per- iculo adhiberi potest, ac debet, quam pulvis ex floribus sambuci & radice liquiritiæ, rejectis omnibus unctuosis, spirituolis, terreis, adstringentibus, sa- turninis, sub temperato calore lesti & hypocausti, subinde inspersus.

Cautele & Observationes
Practicæ.

§. I.

Perpetua in practicis est regula: in Regimen acutis & exanthematicis febribus, cor- *sis tem- poratum* pus semper in blanda & continua dia- *diagnosi- cum.* phoresi esse servandum, quo sanguini- nis equalis ad superficiem corporis fiat & maneat motus, ac cum hoc ex- crémentitia materia jugiter advecta diffletur. Hinc merito etiam idem in erysipelate tenendum, cum quoad to- tum corpus, tum maxime quoad par- tem affectam, quo & dolores mitigan-

L 3 tur,

tur, & discussio egregie promovetur.

§. II.

In topis idiosyn-
eratia speciata. In externorum usu cautione opus est maxima, ne noceant, & vel repellant, vel in ulcus convertant erysipelas. Quin quum cujusque fere corporis peculiaris sit idiosyncrasia, sive specifica quedam & individualis sensibilitas, quæ quam maxime in cœre, cœu parte nervosa, viget: hanc etiam ob causam in vitiis cutis eo majori cum circumspectione topica admovenda, quia non omnia fert omnis. Observavi enim saepissime in mammarum erysipe late, admoto innoxio, & in aliis vel centies probato emplastro, brevi tempore auctam potius fuisse cum dolore inflammationem, quæ remoto emplastro illico remisit. Hinc tutissimum nihil applicare, nisi forsitan species paregoricas, ex floribus chamomillæ, fambuci, meliloti, radice liquoritiae, farina fabarum, in forma sacculi, vel pulveris.

§. III.

In suppura-
ratione agenda. Quid si adhibitis licet efficacibus internis & externis discutientibus, erysipelaceus tumor tamen manet, rubor live scere incipit, dolor profundius ha ret, & ad periostium pertingere videtur, ad ulcerationem tendit erysipelas. Tum igitur transeundum ad ea, quæ suppurationem promovent, ita tamen ut simul corruptioni putredinosæ occuratur. Hunc in finem utilissimum emplastrum diachylon simplex, rite confectum, adjecta sufficienti quantitate camphoræ & croci, vel etiam emplastrum Barbette saturninum saponatum, superpositis epithematibus balsamicis, quæ corruptionem arcent. Quando his pus contractum & profundi ha ret, aperiendus tumor lancetta, & pus successive, non simul & semel, evocandum. Ne autem in glandulis maxime locis abscessus in fistulosa & mali moris ulcera transeat, post materia recessionem, injiciendus liquor balsamicus, ex tinctura florum hyperici, essentia balsami Peruviani, myrrha electa, & aliquot guttulis spiritus terebinthinae.

§. IV.

Quando erysipelas nimis profundum & magnum, sphacelum, ex colore in bruno-rubicundum vergente & symptomatibus post expulsionem per duratione cognoscendum, minatur, præter interna inflammationi & putredini resistentia, nitrum maxime cum momento camphoræ, externe spirituosa & roborantia, conficienda ex aqua calcis vivæ, spiritu vini camphorato, aceto vini cum lythargyrio, admixta quoque essentia scordii & myrræ, crebrius calide cum linteis duplicatis applicanda.

§. V.

Sanguinis missio in erysipe late quandoque noxia, quandoque utilis. Ne igitur delinquit artifex, tenendum: si invadit erysipelacea febris plethoricos, potibus spirituosis assuetos, primis statim diebus vena in brachio pertundenda. Sic enim liberior fit sanguinis progressus, & expulsio materiae ad cunctem promovetur. Tanto vero magis utile id est, si caput petit erysipelas, tumque gravia hoc auxilio præscinduntur symptomata. Consultum quoque est interdum loco venæ sectionis, cucurbitulis cum scarificatione in cervice uti. Semper tamen post sanguinis subtractionem curandum, ut expeditus & æqualis maneat perspirationis successus.

§. VI.

In erysipe late scorbutico, quod diudicatur, in usum vocanda sanguinem depurantia, & leniter laxantia, cum diaphoreticis, ita quidem, ut per aliquot dies alvina regio expurgetur, dein per aliquod tempus subjungantur diuretica ac diaphoretica, idque alternatim aliquoties repetatur, simulque pro potu ordinario decoctum temperans ex lignis & radicibus mucilaginosis, cum amaris, præsertim cum radice cichorei, taraxaci & pastoris, bibatur.

§. VII.

Quod sepe recurrat erysipelas, non sine periculo est. Hinc eo anniten dum

Recidi-
vans qui-
bus or-
endum.

dem medico, ut corpus ab hoc malo vindicet. Ad quod obtainendum ego quidē nihil efficacius deprehendi, quā debitu, sub cōgruo regimine & victu, præparato prius, sive per laxantia, sive sanguinis missionem, corpore, institutum aquarum mineralium usum; eoq; nomine præ reliquis laudem merentur acidulae Egranæ, thermæ Emseræ, nec non Carolinæ mitiores. His autem deficientibus, venæ sectio, vere & autumno præsertim, purgationes per epicrasin & ea, quæ sanguini repurgando serviunt, cum exacto in vita victuque moderamine, operam locant commodissimam.

ENARRATIONES MORBORUM.

OBSERVATIO I.

Erysipelas exulta Vir triginta annorum, pallidus facie & viræ sedentariæ addictus, gravis, terrore ex oborte improviso incendio fuerat percussus, ac per integrum postea diem sub cœlo humido & pluvioso degerat. Die post ingens horror per horæ spatiū totum concussum corpus, sequutus calor intensus, cum dolore tensivo ac pungente in inguine, lassitudine, impotentia dextrum pedem movendi, conatu vomendi, & somno inquieto. Tertio post invasionem die rubicundus & ardens tumor dextrum pedem occupavit. Adhibita hinc varia paregorica externa parabiliora & domestica, interne vero nihil præter copiosum & frigidum sub calore potum, datum. Cessavit tandem tumor & dolor pedis, sed collectus alias ingens in malleolo tumor, cum ardore, tensione, rubore, & pulsatione. Applicata iterum externe varia emplastra & linimenta spirituosa, at incassum. Hinc in suppurationem tendit. Ad quam promovendam, ad motum cataplasma emollientis. Successit etiam suppuration, sed stipata febre & atroci circa partem affectam dolore. Apertus demum abscessus, & rite balsamicis mundatus fuit & tractatus, ut omnia bene cedere

viderentur. At quum ex improviso ira corriperetur, die postdenuo ipsum incessit horror, intensus per totum corpus ardor, ac obortus in genu sinistro infra flexuram tumor, nulla arte discutiendus. Adfuit simul febris, vigilia perpetua & inappetentia, æger ob tumoris molem ac dolorem nec pedem extendere, nec eo in latere decumbere poterat. Tandem successit suppuration, sed generatus in femore abscessus, qui ingentem puris copiam ex cavo, quod sibi in musculis supra positis fecerat, fudit, ægro interim penitus contabescere. Nihilo minus tamen injectionibus, variis emplastris, externe & interne congruis sanguinem depurantibus adhibitis, æger sanitati restitutus.

Epicrisis.

Cachecticis corporibus frequens malum est erysipelas, neque in his tam facile discutitur, ac in sanguineis & cholericis. Ob profundorem enim & firmorem tubolorum obstructionem serique viscositatem, vel in abscessum, vel si incautius constringentibus, frigidis, & quæ tonum partium destruant, tractatur, in sphacelum degenerat. Terror autem vehemens ad interiora, cor nempe & pulmones, pellit sanguinem, eodemque inde postea iterum repullo, febris suscitatur, viscidi humores cum impetu minimis tubulis impacti hærent, & inflammationem faciunt, idque facile accidit in pedibus, per quos sanguinis circulus jam tum difficillimus. In hoc quidem erysipelas gravioribus stipatum fuit symptomatis, ob partes, quas occupavit, valde nervosas ac tendinosas, quarum irritatio & molesta affectio, ut semper cum exquisitioni doloris lens juncta, ita febrem, anxietatem, inquietudinem, aliaque peperit utique. In his igitur partibus summa semper in usu topicorum cautione opus est, nec nimis calida, nec acriora, nec spirituosa, aut emplastra admovenda; sed potius demulcentia cum diaforeticis ac nervinis, quo impediatur

suppuratio, ex qua ulcera difficulter sanabilia emergunt.

OBSERVATIO II.

Erysipelas funesta sum in fene. Vir sexaginta & octo annorum, carnosus & habitior, fluxui hæmorrhoidalii ante obnoxius, jam a bientino eodem carens, ciborum tamen appetens, tempestate humida & calida fecerat iter, & ira commotus largum spiritus vini haustum ingurgitarat. Vespere domum redux correptus est horrore cum vomitu, quem exceptit intensissimus calor, caput occupans, somnum turbans mentisque alienationem inducens. Die post insignem in inguine tumorem & ardoreni sensit, ac tertio die dolor, rubor & ardor totum femur cum tibia occupavit. Inde remiserunt quidem priora symptomata, pulsus tamen mansit celer, & æger insuperabili sopore oppressus jacuit. Medicus accitus interius porrexit tinturam volatilem bezoardicam, naribus admovevit spiritum salis ammoniaci, & loco affecto applicuit cataplasma ex aqua florum sambuci, acetō, litharygio, myrrha & bolo. Sed sopor discuti renuit, quin aductus potius, ut plane non excitari posset æger. Sexto quoque die color pedis rubens in brunum & nigrum conversus, facies cum rubore intumuit, venter a prima statim invasione occlusus, injectos quinque clysteres sine operatione reddidit, die octavo accessit difficilis respiratio, & post hanc lethum.

Epicrisis.

In sensibus & plethoricis erysipelacea febris multum alit periculi. In nostro delirium secundo statim die indicavit congestionem sanguinis & quidem impuri ad caput, quæ postea etiam gravis soporis exstincta causa. Medicus vero perperam egit, quod nec primo statim die venam secare, nec alvum abducere jussit, sed potius interne & externe volatilia sanguinem magis exstinctia adhibuit. Male quam parti affecta imposuit adstrin-

gentia, quibus discussio & exhalatio non modo impedita, sed etiam stasis obfirmata, & sanguis repressus ad caput vergit, præsertim quum intellornorum tunicae etiam essent strictæ & alvus obserata, postea tamen decubuit quoque sanguis ad pectus, & ob difficultem per pulmones cursum, anhelosum spiritum & mortem demum induxit.

OBSERVATIO III.

Fœminam novi triginta annorum, *Erysipela proceram*, teneram ac biliosam, quæ per aliquot annos alvum segniorem & rupsum crebriorem iram fuerat experta. Hanc *internis initiantem* autumno, sub aquilonis tem- *sanatu*, peitate prehendit erysipelas in manu sinistra, cum digitorum tumore ac rubore. Applicata topica varia & interalia albumen ovi cum alumine conquassatum. Depulsum eriam malum, sed brevi post rediit idem, non vero pristinis cedere voluit remedii. Tumor quidem cum rubore discussus, dolor autem lanchinatorius, cum formicationis sensu in digitis eorumque articulis dia perficit, quin sub victu minus laudabili crebriorique animi commotione increvit quotidie. Ruptus tandem tumor ploravit materiam ichorosam acrem, cutem passim eridentem, & ulcus enatum dolens & pruriens, noctu præsertim. Liceret etiam varia externa & interna sanguinem depurantia adhiberentur, succrevit tamen alijs dolorificus glandulosus in junctura brachii tumor, qui ad digitorum apices radium quasi vibrabat, sive lineam rubicundam, cum intensissimo cruciatu. Sumsit postea malum magis vires, digits intumuerunt, aperti tandem, excrevit caro copiose spongiosa & ichor foetidus rodens extillavit, appetitu & viribus sinus prostratis somnoque deficiente. Admoverant chirurgi imperiti, affecta parti valde acria, calida, decoctum ex vino cum spiritu vini camphorato, balsamo sulphuris & oleo tartari foetido; simulque interius deco-

decocta lignorum & pilulas purgantes mercuriales liberali manu dederant , sed frustra . Applicarant postea linimentum ex vino, myrrha, thure, cerufa, herba chelidonii, floribusque sambuci, cui aliquid mercurii præcipitati admixtum, quo acris defluxio intra binas hebdomades substituit. Tumor quoque in junctura litu cum spiritu viui camphorato , cui balsamum sulphuris admixtum, discussum. Sed non ita multo post tœmina insignem virium incurrit languorem, plenariam appetitus defectionem , facile animo defecit , & ob id supina in lecto jacuit , crebrius præterea doloribus in manu, dorso ac pedibus , nec non ventris terminibus afflita , pulsus quoque justo fuit languidior, cutisque mox frigore, mox volatrico æstu perfusa . Ego in consilium vocatus, pulvrem ex lapidum cancerum, antimonii diaphoretici ana drachma, nitri depurati, arcani duplicati ana drachma dimidia, cinnabaris nativa granis 15. in octo doses divisum, bis quotidie dedi. Pro potu ordinario suasi decoctum ex radicibus temperantibus, & jussi , ut mane in theiformi infuso sumeret quinquaginta guttas mixtoræ ex liquoris nostri ballamici uncia dimidia, essentia croci, liquoris nostri anodynæ ana drachma. Consilium quoque dedi, ut subinde pilulis nostris uteatur, & affecto brachio inuri permitteret fonticulum. Quibus per tres hebdomades usurpati, exspirarunt sensim atrocia pathemata , appetitus rediit , somnus factus quietior, dolor remisit, & vires cum sanitate restitutæ .

Epicrisis.

Gravia varia & insolita pathemata impuritate scorbutica, sive acris bihi redundantia, si in partes extremas tendinosa & nervea criticæ quasi motu amandatur, pullulare, uberioris certe hæc docet historia. Periculosum etiam in eis modi casibus topicorum usu infestare, quorum non alia vis, quam ut tonum partis affectæ variis modis de-

struant, materiam a sanguine separant vel ad interiora pellant, vel ejus discussionem impedian, & stasis firmiores faciant ; ut symptomata non possint non aut magis increscere, aut diutius affligere. Longe tutior & facilior hisce mali medendi ratio est , si internis dyscrasia humorum emendantur , materia acris affluxus divertitur, eademque per alia emunctoria, cutem, urinam, aut alvum, excluditur.

OBSERVATIO IV.

Fœmina generofa , triginta aliquot annorum , sanguinea , spongeola & carnosa , postquam valens antea & menstruam purgationem etiam recte experta , venationi interfuerat ante & post solis occasum , sub cœlo nubilo, autumnali , pluvioso , & corpus ob id non leviter perfrigeraverat, brevi post subito correpta est ingenti horrore , quem exceptit æstus mordax cum inquietudine & tertio die erysipelas in cruce . Brevi hoc depullata , ne autem rediret, medicus ortum ejus ex languinis plenitudine arcessens, tuasit, ut e pedis vena emitteretur sanguis largiter . Sed quum a gra Octobre peregrinationem institueret , redit idem malum , & longius quam prius persistit . Medicus igitur volgari jam hypothesis , omnium morborum causam plethoram esse, addictus, eandem hec etiam subesse opinatus est, eaque propter rursus venam secari iussit , largiterque extraxit sanguinem ; nihil tamen fecius post binas hebdomades denuo infestavit erysipelas eundem locum . Liceat etiam postea pulvres absorbentes cum nitro, scarificaciones & infusum laxans in usum vocaret , quibus tamen nihil aliud effectit , quam ut binis quibusvis mensibus erysipelas recrudeceret, pedis autem affectu rumor & imbecillitas persistet semper . Demam ego in consilium vocatus, commendavi Carolinarum infusam & externum usum, cum etiæ in vita violuque moderamine & abstinere.

tia ab acidis, dulcibus, fructibusque horatis, quibus mire ante aegra delectata injunxi quoque frequentem usum elixirii nostri balsamici, ex amaris extractis, corticibus citri & sale tartari cum vino Hispanico confectis, sanguinis autem missionem interdixi. Inde erysipelas primum depulsum, subsequiti vero dolores rheumatici, per aliquot hebdomades afflentes, qui tamen repetito in sequenti anno Carolinarum usu, etiam prorsus abacti, & aegra perfectam recuperavit sanitatem.

Epicrisis.

Perperam omnino heic a Medico ad recidivam arcendam commendata sanguinis missio, eaque repetita. In nostra enim natale erysipelatis ex perspiratione suppressa, eaque propter hac magis adhuc sanguinis missione immunita, non potuit non impurorum succorum copia crescere, quae per erysipelas singulare naturae vigore expulsa. Recidivæ autem frequentiores, quam de sanguinis impuritate testentur, haec vero de viscerum maximeque hepatis vitio; ego certe aëdularum, vel thermarum, ad sanguinem purificandum & viscera expedienda, & elixiorum balsamicorum, quae visceribus & succis spirituascentiam reddunt, usu præstantius novi nihil.

OBSERVATIO V.

Erysipelas scorbutica. Novi in Westphalia virum sexagenarium generosum, macilentum, sanguineo-melancholicum, qui delectatus carnibus & piscibus salitis ac infumatatis, ab aliquot jam annis, ter vel quater quotannis, in pede sinistro, circa malleolum, passus fuerat erysipelas, quandoque exulceratum. Hic meum petiit adversus hoc malum auxilium. Suasi igitur, ut inter malleolum & genu inureretur fonticulus, qui materiam a malleolo exquisitoris sensus parte ad tibiam traxit, immuni ab erysipelate & fonticuli & malleoli re-

gione. Tum consilium dedi, ut loco potus ordinarii acidulas Antonianas cum tertia vini parte biberet, a vieti duriori abstineret & mane joscula cum radice cichorei, apii & scorzonerae forbillaret, & pedem debilem & tumidum fascia spiritu vini camphorato madida ligaret arctius. His aliquanti usurpati, liber postea diu mansit ab erysipelatis incurso.

Epicrisis.

Westphalis ob viatum durum & crassum semper sanguis spissus lentescens, qui e vena missus, eandem ac apud nos pleuriticorum, exhibit faciem, cum cuticula glutinosa. Hinc etiam ipsis admodum familiares inflammationes maximeque erysipelas scorbuticum. Adversus quod vero optime se lebunt tempistica sanguinis missione, potu ipsis frequentissimo seri lactis, & vere usu infusi laxantis & resolventis ex vino. Pedes autem, quia lentior in ipsis sanguinis ascensu, perspiratio quoque languidior, ob id maxime & oedematosis & erysipelaceis tumoribus sunt obnoxii.

OBSERVATIO VI.

Professor celeberrimus, quinq*zona ex purpure retenzione* uinta aliquot annorum, purpura scorbutica crebrius afflictus, post corporis intensam refrigerationem, corripiebatur subito languore virium, inquietudine, somni appetitusque defectu, horripilatione, astu, cui juncta quedam mentis turbatio. Durabant haec per tres fere dies, quibus elapsis, nocte antecedenti sensit intollerandum plane ardorem in praecordiali regione, ad dorsum usque excurrentem, mane autem inspecto loco dolente, insolitum comparuit exanthema, rubicunda nempe area, ex praecordiis ad dorsum cinguli instar extensa, cui insidebant conformatim pustulæ partim albæ, partim rubræ nigrescentes. Inde quidem symptomata remiserunt, excepto exqui-

quisito ardente dolore, qui tantus erat, ut nec somnum capere, nec locum affectum contingere posset. Medici, quorum consilio utebatur, quid hoc rei, nesciebant, & porpuræ peculiare genus, aut scorbuticum quoddam exanthema esse volebant; ego vero illico cognovi pejorem erysipelatis speciem, & interne diaphoretica temperata, & externe in fine oleum ovorum adhibui, quibus aliquandiu usurpati, intra quatuordecim dies, dolor conquievit, pustulae aruerunt, cuticula aspera facta, fissa & desquamata.

Epicrisis.

Est hic affectus ex rarioribus, paucis visus, plurimis incognitus. Solus febre ex veteribus est *Plinius*, qui ejusdem sub nomine Zoster meminit. Quam periculosus autem sit binis exemplis confirmat *Joannes Langius epist. pag. 110.* uno Marchionis Georgii in Onelspachio, qui eodem ex ulcere crucis a Chirурgo intempestive

consolidato interiit, altero Comitis Palatini Ottheinrici, qui a lumbis ad genua usq; hoc exanthemate circumdatus, febre simul ad delirium usque astuans, incisa tamen utriusque pedis vena, adhibitusque, qua febrem restinxerunt, a morte adhuc vindicatus. Idem etiam cum hoc esse videtur affectus, quem *Tulpius lib. III. cap. XLIV. observ. medicinal.* sub nomine ex dentis præcordiorum herpetis describit, in vitro pleni habitus & calidi jecinoris, qui vehementer circa præcordia doluit, cum acri pruritu, insigni dolore, & frequentibus pustularum conglomeratarum circulis, primum rubris, mox albicantibus, & comparente in qualibet earum crux nigra, qua convenienti litu separata, qualibet degeneravit in humidum ulcerulum, cum acri dolore, sudore effuso & interdum tam impetuoso virulentæ materiae raptu ad interiora, ut animus non secus aliquoties deficeret, ac si ipsum occupasset contagiosa aliqua pestilentia.

S E C T I O I I
D E F E B R I B U S A C U T I S
I N F L A M M A T O R I I S
I T E M
L E N T I S P U T R I D I S H E C T I C I S
N E C N O N
S Y M P T O M A T I C I S.

C A P U T P R I M U M.

De Febris Inflammatoriis in genere, speciatim de Febre acuta sanguinea, gracis synocha.

Theses Pathologicæ.

§. I.

Inflammatoria febris unde.

 **T**ut irritatio generis nervosi spastica per omnes solidas nerveas corporis partes proximam causam constitutat omnis motus febrilis, qui horrore & velociore contractione cordis & arteriarum absolvitur; pro diversa tamen indeole & actione materiae genus nervosum praeter naturam afficientis, diversa emergit febris species, distinctis phænomenis, effectibus & symptomatis fese prodens, ita quidem, ut si stimulus sit ab humore acri, putrido, seu corrupto, quem veteres vocant ichorem, exanthematicæ plus minus malignæ excludantur, ubi

vero sanguis, vel alijs humor præter naturæ confuetudinem alicubi congestus nervosaque membranas tendit impensius cum dolore ac premit, inflammatoriae acutæ, sine exanthematibus, suboriantur.

§. II.

Jam quidem omnis continua febris inflammatoria quid, sive a *runt* qualitate prava acri caustica, sive *quo-* a quantitate nimia molesta, humoris cuiusdam alit: attamen proprie inflammatoria febris dicitur illa, cuius causa est eminentis vasculorum, secundum naturam non sanguinem, sed tenue liquidum videntium, a sanguine oppletio atque distensio. Hoe autem evenit vel in pluribus partibus simul, vel in una tantum. Hinc febres inflammatoriae vel universales, vel particulares. Ex illis sunt, quando omnes fere sensu & motu instructæ corporis partes, maximeque nervoso-membranaceæ, leviori inflammatione affectæ, quod accedit in synochis. Haec vero sunt, quando uni tantum certæ parti insident, a qua etiam in scholis medicornm va-

riam

riam sortiuntur denominationem, adeo, ut si meninges tangat inflammatio, febris audiat phrenetica; si fauces, anginodes; si pleuram, pleuritica: si pulmones, peripneumonica; si ventriculum, stomachica; si duodenum & biliaris ductus, ardens & biliosa; si ileon, illiaca; si renes, nephritis; si mesenterium, mesenterica; si vesicam, vesicalis; si uterum, uterina; si intestinum rectum, haemorrhoidaria. Deinceps inter febres inflammatorias aliæ sunt idiopathicæ primarium morbum efficientes, aliæ symptomaticæ, sive secundariæ, quæ sequuntur alium morbum, sed pessimò plerumque & lethali eventu, ut maxime de febribus continuis constat, qui ut plurimum inflammatione in sphacelum abeunte necant. Jam de singulis seorsim.

S. III.

*Synocha
descri-
psio.* Synocha igitur, sive sanguinea febris, est acuta, continua, suscitata a sanguine in partibus maxime nervoso membranosis nimium congesto, qui, nisi opportune naturæ & artis beneficio discutatur, inflammationem inducit lethalem.

S. IV.

*Subiecta
diffi-
culty.* Corripit hæc frequentius plethoricos & succulentos, temperamento sanguineos & sanguineo-cholericos, tunc juvenes ac viros, sanguinis evacuacionibus assuetos, idque quovis anni tempore, potissimum tamen vere & aestate. Indicia autem ipsius & signa, quibus ab aliis acutis & inflammatoriis febribus discernitur, huc redeunt. Invadit hæc cum vix notabilis horripilazione & leni admodum frigoris sensu, in aliis autem gravis est horror & longius extrahitur frigus. Aliæ mirius primum accedunt, sensimque increbescunt, donec ad statum & vigorem perveniant, sed hæc cum gravissimis statim adoritur pathematis. In aliis certis temporibus notabilis observatur symptomatum remissio, quæ in synochis rara, vel nulla, ut potius eadem quam sub accessione vehementia us-

que ad criticum tempus insistant, ea que propter haud incongrue a quibusdam non continuæ, sed continentes, vocentur. In malignis ab initio pulsus parvus, debilis & contractus, in hac magnus & plenus. In synocha hinc in principio absolute necessaria sanguinis missio; quam aliæ continuae sèpe non ferunt.

S. V.

Causam hujus febris proximam prebet diffusior sanguinis in partibus ac visceribus internis congestio atque stagnatio. Quam in corporibus, calido sanguine, ex potuum spirituorum largo usu, corporis exsustatione, animique excaelcentia, plenis, ex facili inducit potus ingurgitatus frigidior, corporis extremerumque refrigeratio, & perspiratio quacunque ex causa prohibita. Sic enim tubulis & poris in externa superficie constrictis, sanguis cum impletu plus justo urgetur ad interiora, ibique congestus, moleste afficit nervosatum & fibrosarum partium systema, ex quo symptomatum origo omnium. Nimurum si ad caput vergit impetus, ibique colligitur sanguis, facies turgescit, oculi rubent, & lacrymas plorant, caput dolet, arteriae pulsant temporales, vertigo adest, sopor, torpor, vel plane mentis alienatio. Quando cordis ventriculi & vasa pulmonalia a sanguine impetuolius irruente nimium distenduntur, essentiale illud omnium febrium symptomata, respiratio difficultis & crebra, pectoris angustia & anxietas cordisque palpitatio accidentunt, juncta simul sèpe virium corporis animique dejectione. In cesophago levior inflammatio & spastica glandularum fauciisque strictrura facit situm, ariditatem, & linguæ nigritionem, præsertim si in corpus biliolum, calidum, poltiram incidit, tumque vulgo vocatur febris ardens *das hitzige Fieber*. In ventriculo inflammatoria congestio gignit nauseam, vomendi conatum, quandoque singultum, in intestinorum volumine, inflationes malum graviter exacerbantes, alvi adstringe-

nem, vel excrementorum foecidorum ejectionem, in meseraica, arteria & venae portae vasis, dolorem fixum circa primam lumborum vertebram, in membranis spinalis medullæ, decubitu insuetum, membrorum jactationem, torporem & languorem artuum, quandoque etiam convulsiones.

§. VI.

*Simplex
vel pu-
rida
est.*

Neque tamen hæc symptomata ad-
funt in omnibus omnia, neque ve-
hementia ubique infestat eadem. Hinc
in simplicem a medicis distinguitur
synocha, & putridam, sive malignam.
Illa saepe a sola sanguinis boni extra
locum & vias suetas congestione susci-
tatur, mitior, hinc brevi discutitur,
nec adeo periculosa. Ubi vero cadit
in corpora impuris succis plena, viri-
bus a morbo præcedenti, diurno
animi angore, nimia venere, & inor-
dinata victus ratione exhausta gravio-
ra longe præsto sunt pathemata, cum
virium prostratione, morbus ipse diui-
tius, ad decimum quartum, vel vi-
gesimum prorsus primum trahitur, &
quandoque exanthemata, maculae
fuscæ vel nigræ, excluduntur, non sine
præsenti periculo. Datur præterea sy-
nocha epidémica, sed quæ plerumque
cum febre catarrhalijungitur & au-
tumno maxime ac hieme infestat. Hæc
in principio non alis, quam synocha
fuerit symptomatis adoritur, maxi-
me homines sanguine & humoribus
plenos; postea vero, si bene tractat-
ur, post diem quartum prodit se ma-
nifestis signis catarrhalis, per longum
adhuc durans tempus & quæ per no-
tem usque ad diluculum calore præ-
ternaturali, nec non catarrhosis a capite
desluxionibus, coryza, tussi sica-
& humida infestat, donec tandem
discedat.

§. VII.

Eventus. Solvitur morbum, si causa non adeo
bonus, ut hemens, solius saepe bene valentis
naturæ beneficio, sua sponte, die
quarto, septimo, vel undecimo, or-
dinarie largo sudore, vel secus ac in
aliis acutis, optime per liberale na-

rium stillicidium, vel etiam rarius:
tamen, ac non nisi ubi maligni quip-
piam complicatum, per alvi fluxum.
Quando etiam hæc febris in principio
statim, primo, secundo & tertio die,
recte tractatur, sanguinis missione &
subjunctis refrigerantibus, blandisque
diaphoreticis, quarto saepe die exopera-
ta fit solutio. Si vero omittitur, vel
detrectatur venæsectio, febrem ad de-
cimum quartum, quin decimum septi-
mum diem protractam vidi, persisten-
tibus gravioribus symptomatis ip-
soque delirio, tandem vero naturæ be-
neficio, vel per sudorem, vel per alvum
fuisse solutam. Sed quibus lethalis est, *Malatu-*
ii pereunt plerumque inflammatione
meningum, vel etiam aliarum parti-
um, ut ventriculi & intestinorum sphä-
celosæ, quam umerius testiculam facit ca-
daverum inspectio, in quibus præterea
ob sanguinem copiosum cito in fœti-
dam putrilaginem abeuntem, illico ad
est insolitus tumor & fetor intoleran-
dus.

Curatio.

§. I.

In medicatione febris synochæ pe-
rito artifici agenda hæc: I. ut partes *Indica-*
vitales a nimium congesto sanguine *tiones*
liberentur, sive vel levior in iis in-
flammatio dispellatur, vel gravior
impeditur: II. ut sanguinis exæstua-
tio simul atque systematis nervorum
spastica affectio componatur: III. ut
illud, quod stagnat & corruptum est,
discutiatur & liber sanguinis circuitus,
maxime ad corporis superficiem, re-
stituatur.

§. II.

Quo igitur vasa interiora in visceri-
bus, corde maxime & pulmonibus, a *sang-*
nimium congesto & stagnante sanguini-
ne liberentur, vena tempestive per-
tundenda, & sanguis emittendos suffi-
cienti quantitate: Quod quo pacto sit *tempo-*
faciendum, dicetur in cautelis. Dein-
ceps ut impetuosus ille sanguinis suc-
corumque orgasmus, vasorum, quam-
fa-

facit, distensione nervosas partes irritans ad contractionem, sedetur, ex usu sunt aquæ, diluentia, acida, item nitrofa. Et certe si in ullo morbo, sane synocha, quam maxime conductit frigidæ potus aliaque refrigerantia, ex aceto succisque fructuum, acidulorum, citri, limonum, ribium. Commendarunt hæc communi suffragio veteres, cui accedunt recentiores omnes. Ego quidem experta virtutis hanc habeo potionem: recipe aquæ fontanæ mensuram, aquæ rosarum, sacchari albi ana unciam, succi citri tantundem, vel loco hujus spiritus vitrioli guttas 20. *Riverius in prax. cap. de Synoch. pag. 37.* laudat pulverem ex sacchari uncis quatuor, salis prunellæ uncia, eundemque in sufficienti quantitate aquæ assumere, cui, si sitis impensis urget, spiritum vitrioli instillare, suadet. Nobilis etiam demulcente, & refrigerante virtute gelatina liquidior cornucervi, cum saccharo, succo citri & aqua rosarum confecta. Potissimum tamen prosunt loco potus ordinarii usurpanda, serum lactis ex lacte cocto cum succo citri coactum, vel nostra methodo dulce, & cum succo citri, aut spiritu vitrioli acidularum, item ptisanæ ex hordeo, rafura cornu cervi, scorzonera cum succo & corticibus citri, nec non cerevisiæ leviores, imbutæ tintura violarum, rosarum, papaveris, rhœados, parata cum aqua acetofelle, spiritu vitrioli acuata, vel instar omnium clystio antimonii sulphurato, de cuius præstabilis virtute ita sentit *Baglivus opp. lib. I. pag. 50.* non possum non, inquiens, laudare eximias vires clysti antimonii, cuius subacida virtute febres multæ ex aeris mutatione productæ aliæque ardentiores, tanquam in ovo suffocantur. Hæc acida quoque magnopere conducunt in synocha sic dicta putride, seu maligna, quia omnium efficiacissime putredini resistunt, quæ non ab acido, sed alcalico volatili fovetur, quod acida destruunt.

S. III.

Quæ liberiorem sanguinis ad superficiem corporis motum procurant, phoreskt sunt utique blanda diaphoretica, pulsecundande. scilicet vel bezoardici temperati vel absorbentes, nonnunquam soli, nonnumquam cum nitro, aut succo citri, assumendi. Idem faciunt infusa theiformia, ex herba veronicae, scordii, aut cardui benedicti, cum semine fennuli, quæ in primis quando quarto die morbus critico sudore solvit, pulsus que quietior cum somno redit, ad secundandam hanc salutarem excretiōnem, proficiunt.

Cautelæ & Observationes Clinicae.

S. I.

In nulla febre, & veterum, & recentiorum omnium consensu, tam necessaria est sanguinis missio, quam in synocha, & quidem sufficiens atque matura. Recte enim monet *Trallianus lib. XII. pag. 688.* continentes solerti tractari debere diligentia, præsertim quod sanguinis missione spectat. Maximum enim incommodum esse, cum in omnibus morbis, tum in his dilationem. *Nam febres, pergit, vehementiores redduntur.* & vires imbecilliores, ut non amplius magna praesidia ad curationem admitti possint. Hi vero indigent maxime, sanguinis missione, qui urinas habent rubras & turbatas, oculos rubros, totum corpus grave, venas latiores, & earum torulos apertiores, calidioribus magna parte cibis, potibus, vino liberaliore & vefusto carnibusque pinguibus usi. Sed non imitandi veteres, præsertim *Galenus*, & qui presse hunc lectatur *Zacetus Lusitanus*, qui sanguinem ad animi usque deliquium mittere suadent. Mensuram potius sanguinis extrahendi medicus prudens ex ratione virium, ætatis, sexus & temperamenti, nec non pulsuum magnitudine venarumque amplitudinem, dijudicare debet, ac ubi corpus firmum

suc-

succilque plenum, præstat iterare altero die venæ sectionem, quam simili & semel nimium evocare, quo succelsive demta copia, perspiratio servetur, & diffusio sordium liberior reddatur. Neque pueri, & adolescentes pleni sanguine hoc remedii genus detrectare debent. Qui autem penitus aversantur, his hirudines collo & medianæ ipsi aliquando cum fructu admoveare iussi. Quando etiam sanguis cum impetu ad caput fertur, & arteriæ intus fortiter pulsant, facies simul tumida est cum oculis & rubicunda, ac nares aliquot tantum guttas stillant, provocandum stillicidium, vel veteri Egyptiorum more scarificatione narium, vel valida intrusione culmi straminei, quo delirium arceatur. Sed qui tali in casu venas sublinguales incidere jubent, minus securum consilium interponunt; eo quod inde aliquoties incompescibilem hemorrhagiam obortam vidi.

§. II.

Refri- Deinceps ex præstantissimis in sy-
gerantia nocha remediis sunt acida, refrigeran-
utilissi- tia & nitrofa. Et certe in hisce auxiliis, prudenter ac circumspecte, ratio-
ne temporis ac mensuræ, pro diversa conditione corporis ægrotantis, usur-
pati, præcipuum curationis momen-
tum in synocha aque ac ardente con-
sistit. De quo tamen infra plura dice-
mus. Id autem singularis plane medico-præctice observationis est, quod hec,
quæ sola aqua temperate frigida, suffi-
cienti quantitate pota, sudorem mo-
veant & somnum procurent.

§. III.

Lorani- Præstat porro in hac febre, simplex
sia con- sive sit, sive putrida, alvum servare
ducunt. apertam. Sub febre quidem, non tam internis, quam potius externis, glan-
de, aut clystere molli, ex sero lactis, melle, oleo amygdalarum dulcium, pauxillo nitri & salis id perficiendum, quo leniatur fibrarum intestinalium strictura, & flatus evocentur, qui intestini coli partem distendendo, anxie-

tates faciunt, & perspirationis succes-
sum pervertunt. Declinante autem morbo & apparentibus conditionis signis in urina, ad exturbandas materiae fe-
brilis reliquias, apprime interna ex u-
su sunt, inter quæ ego in primis utile deprehendilaxans ex manna, cremo-
re tartari, vel etiam cassia & rhabarba-
ro. Sed absint valida omnia purgan-
tia, multo magis emetica: his enim, tactis jam levi inflammatione visceri-
bus, ex facile insflammatione induci-
tur funesta. Quin observavi, febre
hac sanguinea laborantes, neque fer-
re posse pilulas alias benignas, quas aloe,
vel extractum ellebori ingredi-
tur, uti sunt Becherianæ, aloephangi-
næ, marocosticæ, & id genus plures.

§. IV.

Ex iis, quæ vitanda sunt maxime o-
mnia calida & spirituosa, vinum, po-
tus etiam nimis calidi largi, ut infu-
sum theæ, nec non regimen æstuosum,
ratione lecti & conclavis, quæ omnia
sanguinem magis exæstuant, acerbiora
symptomata febremque diurniorum
reddunt. Neque etiam synocha
putrida, sive maligna ferre potest es-
sentias alexipharmacæ, aut tinctoriam
bezoardicam. Cavendum quoque a
multitudine & varietate remediorum,
quæ nunquam utilis, sed semper dam-
nosa est, tanto magis, ubi partes ner-
vosiæ sensus exquisitoris, leviter inflammatæ. In primis autem fugiendi
sedulo omnes animi affectus, ira præ-
sertim ac terror, quibus inflammatoria
jam in intestinis præsens congestio
ingravescit, & inflammatio perfecta,
quæ sphacelatio, experientia teste
inducitur.

§. V.

Cæterum de morbi decursu atque somno-
eventu hæc adhuc monenda. Vidi lenti-
ego in hac febre sæpius in juvenili
æstate ac temperamento sanguineo non
perpetuam somnolentiam, quæ ta-
men sine periculo fuit, admoto plan-
tis pedum acetato, cum sale ammoni-
aco & baccis juniperi, discussa. Deli-
rium etiam frequenter vidi diutur-
num,

num, post neglectam in principio venæ sectionem, sed quando decimo quarto die sedimentum posuit urina, discessit demum, & hoc sine damno. Neque enim unquam firma salutis spes, nisi coctio in urina compareat. Sed quando ex præpostera medicatione, sanguinis missione neglecta, datis calidioribus, & alvo diutius occlosa, febri huic sanguineæ ille acutorum frequens nostro tempore socius, purpura, præsertim alba, accessit, pessimo id accedit omne. Neque minus pessimum & plerumq; mortiferum est indicium, quando alvus diu cohibita, sposte miram quantitatē fecum biliosarum, & corruptarum, simul & semel, junctis torminibus, profundit. Hoc enim sphaceli intestinorum signum esse, ex defunctorum cadaveribus habeo comperatum.

ENARRATIONES MORBORUM.

OBSERVATIO I.

Synocha recidivans lethalis. Adolescens annos habens octodecim, cōstitutione tener ac sanguineus, vultu floridus, laute vivens, delectatus maxime dulcibus, farinaceis, decocto choccoladæ cum lacte, & in prandio vinum Hungaricum liberaliter bibens verno tempore, post intensam, ex ambulatione per acclivia & declivia in seram noctem, corporis exæstuationem, postera die corripiebatur horripilatione, ingenti æstu, inquietudine, corporisque totius languore. Datum ipsi de venæ sectione consilium, sed noluit admittere. Hinc dari tantum pulveres ex matris perlarum, lapidum cancerorum, ana drachma nitri, puri drachma dimidia, cum succo citri ex aqua frigida sumendi. Loco potus exhibita ptisana ex hordeo, scorzonera, & syrupo acetositatis citri, alvus quoque clystere emolliente soluta. Quibus factum, ut quarto liberalis prodiret fudor, pulsus quoad vehementiam & celeritatem sedatior micaret, urina

sedimentum poneret, & somnus rediret. Morbus igitur ex voto solutus vi-sus. Qum vero æger viribus nimium credens, dulcibus & lacticiniis indulgeret, potens etiam Hungaricum vi-num biberet, post septimum diem eandem rursus incurrit febrem. Se-gravioribus longe spata, erat sym-ptomatibus, in somnia maxime atque delirio. Secta quidem die post vena fed sine emolumento. Aderant simul tormina ventris, & pauca biliosa seces-serunt. Clyster quoque infusus animi fere deliquium adduxit. Quarto die accessit forte ex amicis non nemo, qui ægro imprudenter dixit, apparere ex omnibus ipsum moriturum, præparet igitur se ad discessum. His adolescens vitæ amantissimus, mirum exterritus, virium illico anihi & corporis ingen-tem expertus est lapsum, & frustra u-surpatis omnibus, quæ in priori morbo fuerant utilissima, septimo die vi-tam posuit.

Epicrisis.

Nihil ad ingenerandam exuberan-tem sanguinis copiam valentius dulci-bus, bellariis, cum saccharo & ovis frixis, vinoque Hungarico dulci spirituoso. Atque adeo his etiam nihil aptius ad inducendas febres, quæ san-guinis plenitudini debent natales. Ego certe plures novi juvenes literarum studiosos, qui delectati his dapibus & potibus spirituosis, accedente corporis refrigeratione, hanc incurserunt febrem. Omnes autem recidive febrium, quarum fundamentum inflammatio, admodum periculosæ, quin plerumque capitales. Quia enim corpus a priori morbo viribus exhaustum, maxime que partes, quæ passæ, tono adhuc pri-vatae, ex facili iterum concipiunt in-flammationem, quæ primis non amplius obsecundat remediis. Accedit, quod ipsi ægrotantes recidivam ut pluri-mum parvifaciant, & ob id medi-cum serius in auxilium vocent, phar-macorum pertæsi sint, quorum opera-tio languente naturæ vigore minus præterea est efficax. Quare declinan-

de summo studio recidivæ, temperanter vivendum, corpus non nimiis cibis multo minus spirituorum potu aggravandum, nec motu aut animi affectibus exastuandum, ne sanguis urgeatur in vasa ipsius transitui non dicata, ibique subsistat. Vitanda quoque refrigeratio, & potius exquisitum servandum regimen. Quam facile enim hæc febris repeatet cum vitæ pericilio, confirmatum habeo casu, qui novissime evenit. Inciderat scilicet in synocham artifex ingeniosus ferrarius, eademque graviter decubuerat, post quatuordecim tamen dies præter expectationem ad se redire videbatur, dormiebat, & appetebat. Sed quum uxor, quo maritus cito vires reciperet, & ad labores redire posset, ipsi apponneret carnem suillam assatam cum placentis, ipsumque ut ederet tantum non cogeret, illico exceptit anxietas præcordiorum summa, difficilis spiratio & inquietudo cum plenario viuum lapsu, ac post viginti quatuor horas interiit. Et certe vix dici potest, quantum noceant cibi copiosi, viribus a morbo adhuc imbecillis. Quia enim ciborum moles in ventriculo languente digeri nequit, resolvitur in flatus, qui expandendo ventriculum & tendendo diaphragmatis velum, miras anxietates cum spiritu difficultati faciunt. Hinc porro sanguis urgetur ad dextrum cordis ventriculum, ibi congealus systolem sufficientem ac in pulmones pulsum sufflaminat, unde tam ipse cordis ventriculus, quam ob allatum per cavam semper sanguinem auricula dextra, plus justo extenduntur, systole penitus intercipitur, & lethalis obrepit syncope. Etenim subitæ mortis, sive syncopis lethalis causam esse coagulatum & congruumatum sanguinem in dextra cordis ejusque auriculæ camera, ob deficiens robur ad contractionem, testantur utique uberioris anatomico-practicæ defunctorum sectiones.

OBSERVATIO II.

Virgo honoratissima viginti aliquot annorum, sanguinea, facie florida, usu purgantis Comis, erat ante æquinoctium vernale & autumnale sanguinis missionem admittere. Eo autem, qui ipsi emortualis anno præter morem calidum erat veris initium, ipsa tamen noluit discedere a consueto venæ sectionis termino, sed tempus exspectavit æquinoctiale & lunæ decrementum. Accidit vero interea, ut ira commoveretur venusta hæc & sanguine plena virgo, eaque propter absente matre & medico ordinario, post levem cutis inhorrescentiam, dorſa dolorem, astum, anxietatem, inquietudinem, somnique defectum incurreret. Ipla consilii inops, suau cognatæ ad bilem commotam evacuandam, summis pilulas, nostris die gescharfften Haupt-Pillen, pilulæ cephalicæ acuatæ, quarum basis trochisci alandal. Inde quater quidem dejectit, sed conquesta postea de dolore pressorio & ardente sinistri hypochondrii. Quarto die accessit medicus, qui venam secare jussit, sed sine levamine. Dedit quoque probatissima remedia, quo inflammationi ventriculi, quam singultus arguebat, occurreret, sed incassum. Accessit potius extreborum refrigeratio, mens turbata, & septimo die placida mors. Post mortem mirum intumuit corpus, efflorueruntque papulæ amplæ in pedibus atque abdome, e naribus fluxit serum putridum sanguinolentum, & totum corpus mox in foetidam putredinem ruit.

Epicrisis.

Communis quidem, sed valde dannosa passim regnat opinio, sanguinis missionem certis temporibus, & sub certa astrorum conjunctione esse instituendam. Videas in primis plurimos adeo supersticiosos, ut credant, non feliciter cessuram venæ sectionem, nisi aliquot ante æquinoctium diebus &

de-

decrecente luna admittatur. Ego vero novi, plures & apoplexia, & febre sanguinea interiisse, antequam præstitutum hoc tempus attingerent. Nam necessitatis nulla lex, sed si sanguis redundans minatur periculum, mittendum, quicunque sit dies, quodcumque tempus. Nostra formosa virgo perit inflammatione ventriculi & intestinorum gravi, quæ utique opportuna sufficienti sanguinis subtractione, datisque congruis refrigerantibus, potuisset averti, alsumto vero acri purgante adiuta potius. Ut adeo pateat, morbum, alias non adeo pericolosum, negle~~cto~~ temppestivo commodorum remediorum usu, & mala tractatione, brevi malignum fieri posse, atque funestum nostrum. Illa vero corporis post mortem cito intumescens, deformat color, patredo subito succedens, & seri sanguinolent effluxus, luculent utique testatum faciunt, a succorum plenitudine morbum, & ab eorum putrefactione mortem fuisse inductam.

OBSERVATIO III.

*Synocha
Septimo
die solu-
tae.*

Degebat heic juvenis literarum studiosus, viginti quatuor annorum, sanguineus, succi plenus, vultu floridus, qui hæmorrhagiis narium antehac obnoxius, & postea venæ sectioni assuetus, utramque vero evacuationem ab anno non erat expertus. Hic verno tempore in palestra gladiatoria velhementer incaluerat, & postea in cellam concesserat, vinum potaturus. Postridie lassitudinem sensit in corpore toto, quam exceptit extremorum levior refrigeratio, & stus vero intensus, pulsus celer, precordiorum anxietas, angustia spirandi, & pectoris oppressio. Tertio die temporum arteria valide pulsarunt, caput intumuit, doluit, oculi protruberarunt, nox insomnis fuit, urina rufa, sine sedimento, & delirare coepit. Hinc vena secta, & minimum septem sanguinis unciae subtractione, & data mixtura ex aquæ florum sambuci, acacia, cerasorum nigrorum ana uncis

duabus, aceti destillati uncia dimidia, lapidum cancerorum drachma, nitri pari granis 15. syrapi papaveris erratici drachmis duabus, de qua singulis binis horis quatuor sumbit cochlearia. Quum etiam quarto die sanguis impetuosis ad caput ferretur, nec tamen hæmorrhagia erumperet, ad discessum fronti & temporibus sepius tepide admotum epithema hoc: recipe acetum rosacei uncias duas, spiritus rosarum drachmas duas, camphore drachmam, olei ligni rhodii guttas 24. Ad finem fallendam & stumque extinguendum tinctura florum cordialium cum spiritu nitri dulci parata, cerevisiæ tenui pro potu instillata; alvus præterea per aliquot dies clausa, & clysterem emolliente, & laxante, ex manna, cremore tartari & rhabarbaro quater soluta; eoque facto, urina apparuit cocta, & sedimentum incarnati coloris dimisit. Datis demum ulterius bezoardicis temperatis cum tinctura modo dicta, sensim conqueverunt symptomata, & die septimo pulsuum celeritas remisit, sudor largus prodit, & ergo postea ad sanitatem redit.

Epichysis.

Ad præcavendum delirium, longe præstantius epithema discutiens, quam laudata a multis venarum sublingualium sectio, quam incompescibilem hæmorrhagiam induxisse vidi aliquoties. Utilissimum quoque ad sanguinis a capite derivationem alvum stricte molire atque subducere, non quidem purgantibus, sed clysteribus & blandis laxantibus, modo id fiat, quando levamen & aliqualis remissio percipitur, quod secundum nostram observationem, certis diebus, secundo præsertim & quarto, accidere solet.

OBSERVATIO IV.

Monachus virginus quinque annorum, quadratus & carnosus, vitam collens otiosam, potui cerevisiæ crassiores assuetus, nunquam tamen veneficationem passus, verno tempore corpus

M. 2. faccius.

Venefic.

atio

quattro

die in

syno-

chis ua-

ctio.

succis plenum validius paullo in horto ad seram usque noctem exercuerat. In de illico conquestus est de corporis laſitudine, inappetentia, ſomno turbulentio ac inquieto, alvo ſimul clauſa. Inceſſit iſum dein leviſ horripilatio, æſtus magnus, precordiorum anxietas, pulſus quoque vehementer ſalit, facies rubicunda fuit, & urina pellucida, ſed rufa. Medicus in conſilium vocatus exhibuit tincturam bezoardicam volatilē cum regimine ſudoriferō. Sed nullus ſucceffit ſudor, anxietas potius adauita, ſpiritus factus diſſicilior, ſomno caruit, multa abſona eſt loquutus, & tertio die accedit præterea acerbus & ardens dolor in fauibus cum degluſtione diſſicili. Accitus igitur medicus alijs, qui venḡ fectionem adminiſtrare clyſterem injicere, gargarisma uſurpare, & exterius epithema diſcutiens gutturi applicare juſſit, ac interius pulveres temperantes nitroſos leniter diaphoreticos dedit. His diſcussus primo tumor fauicum, & dolor ſedatus. Septimo die poſt levet horrorem largius ſanguinem ſillaſunt nares, quod, ne cum damno effuſiſ fieret, cautum eſt mixturis diaphoreticis & pulveribus nitroſis, nec non epithemate frontali. *Observat. III. deſcripto.* Sic octavo die æſtus deferuit, & ſudor erupit copioſus, pulſus ſedator factus, urina ſedimentum poſuit, & æger ſuſceſſive convaluit.

Epicrīſis.

Male hoc in caſu omissa in principio venæſectio & pefſime in corpos plethorico data volatilia cum regimine & ſtuſo, quibus facillime inflammatio in cerebro & fauibus conciliata. Neque ea propter quartu etiam die nociva fuit venæſectio, ſed ad avertendam inflammationem admodum proficia. Ad anguſtiam vero vaſculorum laxandam & stagnationem ſanguinis in fauibus diſcuſtiendam, epithema mature applicatum, cum internis diaphoreticis, utique egregium.

O B S E R V A T I O . V.

Quam varia & insolita plane elapſo *synocha* anno 1728. aeris tempeſtatumque fue- catar- rbit conſtitutio, & quam varii quamque rhalis graves inde ſuccreverint morbi, in epide- primis febriles, ſupra *Sect. I. cap. X. obſ. II. pag. 156.* pluribus jam di etum, Per- ſtituit autem eadem hæc extraordiuaria temporum anni habitudo & atmoſphera inæqualitas, inſequenti adhuc 1729. anno, ſubitanque trigoſis in te- porem & vice versa teporis in frigus mutationem fecit. Scilicet attulit novi anni exordium acerrium gelu, a- quale omnino illi intenſiſſimo, quod anno 1709. regnavit, ac perſtituit ad 12. uſque Januarii diem, mercurio in- terim, quod mirandum, in barometro demiſſiore ſtationem ad gradum tantum 7. ſervante, quum alijs ascen- dere, tum & gradum 30. tangere fo- leat. Decimotertio & quarto die lenior spiravit aura & regelatum. A decimo ſexto ad vigiſimum uſque argento vivum altius iterum ad vigiſimum ſe- ptimum gradum elatum, & frigus fuit acre. Vigiſimo quarto ſuſedit mercurius ad duodecimum, nonum & octa- vum gradum, & ſequentibus diebus ſuſceſſive remiſit gelu, mercurio in- terim modo ſublato, modo delapſo. Nix præterea cecidit copioſa, & diu ſolum obruit, donec medio Februarii diſcu- retur iterum, ex quo magna aquarum inundationes. Poſt has viſiſtudines, remittente hiemis aſperitate, Februario mense, cepit paſſim circumire syno- cha febris, non ſimplex, ſed complicata, quæ reſte dici potest synocha catar- rhalis, ita ut intra menſis ſpatium vel mille, ex divitiis que ac pauperi- bus, eadem heic decumberent. Inceſſit quippe hæc febris homines mediæ po- tiſſimum ætatis, juvenes & viros, ſan- guine & ſuccis plenos, minus infantes, omnesque quotquot corripiuit, ſine preceſſeti notabili frigore vel horrore, afficit totius corporis & capitis gra- vitate, inappetentia, ſomni defecto, viriū languore & æſtu intenſo, cum pulſu ma- gno, celeri, quandoq; inequali. Quibus- dam

dam variae statim in mente observatae ideæ atque imagines, & artus tremuerunt, aliis perpetua accidit somnolentia cum animi dejectione, & omnes sicutum eretum ferre non potuerunt, sed mox syncopiticam quandam debilitatem perceperunt. Quibus vena statim in initio pertusa, & sufficiens sanguinis copia, pro ratione corporis & virium, subtracta; subjunctis postea blandis diaphoreticis, diluentibus & orgasmum sanguinis compescientibus, sub æquali & moderato regime, cito & optime convaluerunt. Sic enim quarto statim die deseruit febris, symptomata remiserunt, astus restitus, pulsus sedator & corpus quietum factum, ac urina, comite sudore plerumque largo, posuit sedimentum. Restiterunt tamen postea copiose defluxiones, a capite ad nares, fauces & pectus, coryzam & tussim humidam, vel sicciam inducentes, stipate quandoque artuum pedumque rheumatismo, quæ circa vesperam exacerbata, caloris fecerunt incrementum noctemque inquietam, donec decimo quarto ut plurimum die discederent penitus. Sed in quibus, aut ægri, aut medici culpa, sanguinis missio neglecta, & usurpata calida bezoardica, hi longe gravius & diutius decubuerunt, delirio & affidua vigilia affecti sunt, catarrhos acres & rebelles experti, quandoque exanthema purpuraceum & febris sæpe ad decimum quartum diem, non nonquam longius, magna instrit vehementia. Quin fuerunt, qui accidente purpuræ albæ, aut petechiali exanthemate, plane interierunt.

Epicrisis.

Recte omnino complicata hæc febris dicenda synocha catarrhalis: nam ipsius incursum vehementer statim, sine rigore, ipsius decursus sine remissione, ipsius eventus sudore, ipsius medicatio per sanguinis missionem & temperantia cum nitrolis, luculenter testantur, ad synochæ familiam ipsam esse refe-

rendam. Catarrhalis autem connubium produnt subsequentes copiosæ muci & seri salsi, ex naribus, faucibus & bronchiis, cum tussi ac sternutatione ejectiones, nec non febricula vesperi cum calore ingravescens. Natales epidemicæ hujus febris non aliunde, quam ex mira, diurna aeris inæquitate, ac crebra mutatione ex calido in frigidum & frigido in calidum, nec non atmosphæræ mox gravis & raræ habitu vario, ducendi. Sub his prementis, mox levis vicissitudinibus, non modo universale illud pessimarum sordium emundatorium, cutis, diversimode afficitur, eiusque canaliculosa atque porosa compages a naturali tono dejicitur, sed & motus illi cordis & arteriarum systaltici, qui vitam sustinent, & ab aeris purioris elastica substantia pendent, vitiantur ac mutantur. Ex quo porro sit, ut labefactatis sic & lufflaminatis saluberrimis se & excretionibus, multæ impuræ & viscidæ sordes in succis maneant, quæ dein vascula obstruunt, ac formitem febribus, populariter circumveuntibus, præbent. Neque nos nunc primum observavimus hanc febrem, sed eandem jam anno 1580. visam esse Georgius Henischius Comment. in Aretum pag. 315. tellis est, sic habens: an. 1580. grassabatur synochus epidemicæ, non simplex, sed composita, eo quod & catarrbum, & alia symptomata conjuncta habuit, unde & catarrhus cum febre epidemicus fuit appellatus. Eundem etiam ipsius ortum ac decursum fuisse, quam nostræ, idem auctor l. c. pag. 396. subnectit: febris, inquiens, hujus catarrhalis epidemicæ, que spatio sex septimanarum, omnes sere Europe gentes affligebat, ex quibus vix vigeimus: hujus morbi expers erat, præsertim in Saxonie, causa, non erat ab alimentis, terra aut aqua putrida, sed ab aere, vel celo potius, nempe a magna illius & anni precedentis aeris inæquitate, unde copiosa humorum heterogencorum & ichorum soboles succrexit, que facta meatuum confi-

patione & prohibita evacuatione, pri-
mum ebullit, & postea putrescens,
hanc febrem excitavit. Quamprimum
haec invadebat, omnes vires langue-
bant, precordia gravitatem sentiebant,
cor pressionem, & palpitabat, pulsus
parvi, celeres & inaequales erant,
anhelitus difficilis; caput erat grave, &
ingravescente morbo ita aegroti langue-
bant, ut tremerent & conciderent.
Quidam vigilabant, alii profundiorem
somnum habebant. Ex capite fluxita-
rior & subfusus humor ad thoracem,
qui tussim movebat, in extremis par-
tibus dolores vagos & fugitivos exci-
tabat. Initio horror & calor totum cor-
pus & caput occupabat, & ad tactum
non erat mordax, continuus tamen,
cum rubore oculorum & tumore. Uri-
na primum tenuis, mox crassa; aliis
sanguis e naribus fluebat: plerisque
sudor copiosus prorumpebat, quo &
febris finiebatur, quanto ut plurimum
die, interdum, sed raro, longius pro-
trahebatur, ad septimum, vel nonum
diem. Cæterum illud quam maxime
notatu dignum, quod synochæ ha-
epidemicè grassantes, & cum magna
vehementia invadentes, administra-
ta statim sub initium convenienti san-
guinis per venam sectam missione, &
adhibitis postea temperantibus, &
viscidum colliquantibus tertio mox
& quarto die fuerint soluta, nec in
putridas, aut diuturas transferint fe-
bres, quæ non sine periculo. Et cer-
te dixi vix potest, quam insigniter fe-
brium synocharum eque ac arden-
tium vehementia in principio illico
his praesidiis obtundi queat ac frangi.
Tessis est jam ipse Galenus meth. med.
IX. perite non minus, quam vere
scribens: nemo ex synocha in putredi-
nis febrem incidit, qui sanguinem pri-
mum detraxit. Quo quidem praesidio
neglecto, in summum ægri discrimen
perveniunt, nisi eos, vel virium ro-
bur, vel largum alvi profuzum, vel
sudor ex manifesta phrenitiæ eripiat
copiosus. Ego quoque observavi fre-
quentius, synocham simplicem, ju-

venes sanguine & succis plenos cum
magno astu & capitis dolore, nec
non anxietate, sub pulsu pleno, &
crebro, prehendentem, post incisam
medianam, & dato ptisanæ largo potu
intra quatriuum, sudore per totum
corpus manante, fuisse solutam, re-
mittente mox inquietudine cum astu
ac siti, & somno redeunte. Opus
tamen est, ut salutaris haec diaphore-
sis per aliquot dies adhuc congruis re-
mediis servetur, & postea solutivo
remedio, ex clementioribus manna,
tamarindis & rhabarbaro & tartaro,
alvus ducatur. Neque etiam omittenda
venæ sectio sub initio hujus febris,
si corpus sanguine redundans ac pul-
suum adeat magnitudo, licet haud ita
pridem sit admissa. Aliquot enim ex-
inde mortuos, vel in summum vitæ
discrimen adductos novi, quibus me-
dici ob id sanguinem subtrahere re-
nuerunt, quia ante unum vel binos
menses modo factum; quum tamen
ex longo usu atque experientia in
comperto sit, hac in febre, non se-
mel, sed bis interdum, pro virium
robore & sanguinis abundantia, ve-
næ sectionem esse administrandam.

C A P U T II.

*De Febre ardente, nec non
Cholérica.*

Theses Pathologicæ.

§. I.

NOstra quidem ætate omnes acu-
tæ & continua febres, quæ
precedente rigore, cum ingenti astu,
siti, anxietate & pulsuum celeritate
junctæ sunt, vulgo vocari solent ar-
dentes, Germanis *hitzige Fieber*.
Quin ipse artis parens, Hippocrates,
omnium febrium originem, ex bile
plus, minus, vitiola & meraci dedu-
cit, nec sanguinarum, nec syno-
charum facit mentionem, sed in scriptis
suis, febres fere omnes continuas,

Arde-
tes &
conti-
nuæ
plur-
que cō-
fundū-
tur.

inflammatorias, item synochas, tam simplices, quam compositas, putridas quoque & malignas, appellat ardentes. Nihilominus tamen insignem inter has febres esse differentiam, luculenter omnino attenta observatio incursum, symptomatum & decursus singularum, nec non curandi ratio diversa, docent.

§. II.

Ardens fabris quid proprietate. Ardens itaque febris, Graeco nomine causus, stricte & proprio dicitur illa, quæ cum ardente & igneo quasi calore totius corporis atque siti inextinguibili, lingua simul arida, fissa & nigra, juncta. Binos hos enim pathognomicos causi esse characteres, veteres volunt omnes, & ob id torridam etiam hanc febrem appellant atque urentem. *Hippocrates lib. de affection. p.m. 167.* ita succincte describit ardensem: *calor servidus, sitis fortis, lingua aspera ac nigra, color subtiliosus, & sputum biliosum.* Sed *Artaeus*, exactus historiarum morborum scriptor *Lib. II. cap. IV.* hanc sistit pleniorē descriptionē: *ignis passim acer & tenuis est, sed intus maxime spiritus tanquam ab igne calidus: aeris vehemens attractio, frigidi cupiditas, lingua arida, in labiis, & cute squalor, algent extrema, locum quam biliosissimum, insomnietas, arteriarum motus crebri, parvi, imbecilli, oculi puri, luculentii, subrubri, facies colorata.* Quod si morbus ulterius crescit, omnia majora & severiora fiunt. Arteriæ minimis motibus, & creberrimis agitantur, ignis aridissimus & acerrimus, mens delirat, neminem agnoscit, siticulosi fiunt, omnia frigida attrahere cupiunt, parrietem, vestem, pavimentum, humorem. Manus frigent, sed palme perquam calide, ungues livide, spiroratio crebra est, & roscidus humor circa frontem & jugula.

§. III.

Differunt ab aliis continuis. Hę ardentes proprie sic dictę febres, multum differunt ab aliis continuis. Nam in synocha, tam simplici,

quam composita & cacochymica, non tam acris & ingens calor est, neque tam inexhausta sitis, sed æstus mitior cum madore quodam. Synochæ magis invadunt sanguine plenos, habitus laxioris, laute viventes, idque potissimum tempore verno ac in regionibus temperatis; sed causi adoriantur macilentos, biliosos, sensibiliiores, generantur sub tempestate calida siccæ diurna, & regnant maxime in locis calidioribus.

In ardente porro, fecus ac in aliis continuis, facies flavescit, vomitio, vel conatus vomendi cum fastidio ciborum adest, urina flammea, intensius bile tintæ mingitur, & per alvum biliosa foetida multa exturbantur. Tum id quoque peculiare habent febres ardentes, & quæ a copia & acrimonia bilis subnascentur, præ aliis continuis inflammatoriis, item sanguineis & malignis, ut diebus imparibus & circa tertium exacerbantur, paribus autem remissiores sint, id quod etiam observatur in tertianis continuis, cholericis, nec non in illis, quas veteres tritæophyas dixerunt, quæ tertio die sine horrore, & rigore periodico exasperantur, qualis observatur in hemitritæis, sive semiterianis. Accedit, quod febres, quibus sanguinis puri, sive impuri copia complicatur, sæpius quarto statim die solvantur, sudore, vel haemorrhagia larga, sub facie rubicunda, quum ardentes demum circa septimum diem post rigorem, vel criticum, sudore, vel symptomaticum inflammatione ventriculi, duodeni & partium, ad quas biliarii ductus pertingunt, funesta, terminentur. Demum ratione curationis adest discrimen. Ardentes quippe potum frigidum, ceu præstantissimum auxiliū ferunt, sed non ita alia continuæ & inflammatoria, multominus maligna & putridæ. Sanguinis missio in febribus, a sanguine in non minimis vasis flagrante oriundis, item inflammatoriis, præsertim quæ occupant partes.

& viscera sanguinea, summopere est necessaria, in ardentibus autem veris & exquisitis, eadem non opus, ut potius noceat.

§. IV.

Rarior est apud nos simplices & rara. Sed simplices ejusmodi & exquisitæ ardentes febres, frequentissimæ quidem fuerunt & sunt in Asia, Græcia, Ægypto ac Italia, & ob id a priscis medicinæ parentibus, *Hippocrate, Galeno, Aretæo*, suse & accurate quoad prognosin & medicationem descriptæ. In temperato autem nostro climate oppido sunt rarae, ac non nisi a liberaliori potu vini spirituosi valde, & state ardente, motu & exæstuatione impensioni animi corporisque, & cohita perspiratione, suscitantur. Nostro potius sub cœlo & inter nostrates familiares magis ardentes sanguineæ, sive synochæ biliosæ, item cholericæ febres.

§. V.

Sed frequens ardens sanguinea. Synochæ autem biliosæ nobis dicuntur illæ, qua sine præcedente singulari horrore ac rigore, cum magno ardore, siti, vigilia, anxietate & inquietudine, in corporibus sanguineo-cholerici, copia sanguinis calidi & biliosi refertis, oriuntur, & diebus imparibus, seu criticis, antecedente rigore quodam, terminantur in salutem, vel mortem. In salutem quidem solvuntur sudore, vel ut plurimum hæmorrhagia narium. Haec enim sunt ardentes illæ, de quibus *Hippocrates lib. I. epid. com. 2. notavit: omnes ex iis evallisæ, quibus sanguis e naribus aut aliis viis effluxisset, reliquis, quibus id non accidisset, per reunitibus. Quando vero funestus evenitus, desinunt vel in partium nobiliorum, meningum maxime, pulmonum, ventriculi & intestinorum inflammationem lethalem, vel in lethalem syncopem, ob sanguinem in dextro cordis ventriculo collectum, stagnan tem & demum congratum.*

Hæc etiam intenso æstu, siti, angore & inquietudine aggreditur, sed cum vomitu, seu perpetuo conatu vomendi, dejectione biliosa & copiosa, extre morum frigore, ardore interno, & anxietate cardialgica jungitur. Sed *que vesti acutissima.* merito etiam cholérica hæc febris distinguenda in acutissimam, & minus acutam. In illa longe major est symptomatum vehementia, dejectiones biliosæ, per superiora & inferiora copiosissimæ, junctæ cum cardialgia etiam syncoptica, & plerumque ante septimum diem necant vehementi ventriculi & intestini duodenii inflammatione, cujus indicia vehemens circa præcordia & fixus igneus ardor, cum extre morum refrigerio, summa inquietudo & anxietas, singultus & eructatio bilis & salivalis liquoris copiosa, icteritus faciei color, nec non facies cadaverosa, sic dicta Hippocratica.

Nonnullæ non adeo acutæ, sed longius *Et minus acuta.* extrahuntur, ita tamen, ut subinde remissione, vel plane intermissione quadam interpolentur, & vel quotidie vel tertio quovis die, cum vomitibus, anxietatibus & refrigeratione iterum exacerbentur, merito ob id quotidiane, seu tertianæ continuæ, vocandæ. Sed haec ipsæ, nisi congruis cito succurratur auxiliis, in lentas febres per quam facile degenerant, & stomachi diuturna vitia, dolores pressorios, ructus, inflationes, ob erosionem ventriculi, aut daodenii, a mordaci bilioso succo, vel superficietenus, vel profundius factam, inferunt.

§. VII.

Ad causas & generationem harum febrium quod attinet, illa quidem exquisite ardens, qua summo fervore & incendio, cum linguae siccitate & siti clamosa, tam partes interne, quam externæ, uruntur & exsiccantur, causam non habet aliam, quam celerrimam sanguinis & humorum agitationem, per fibroso-vasculosam totius corporis compaginem, partim quoad minima vascula obstructa, partim spastico tensa, atq; constrictam,

Et cholericæ febrie. Alterum nostris familiare ardantis complicata genus cholericæ febris.

sub quo motu attitivo solidorum ad fluida & fluidorum ad solida, intestinus partium sulphurearum quoque augefecit, unde inflammatorius calor, fluidas diffans atque consumens, & solidas siccans & adurens, enascitur. Hic vero æstus in corporibus sanguine & succis plenis, ob fibrarum mollitatem & laxitatem, lenior est atque remissior, ac febris emergit mitior ardens, minus exquisita, in qua non tam impensa cutis & faucium siccitas, neque etiam sitis adeo urgens. Et in illa ardoris specie, quam cholericam diximus, non tantum, ob partium salino-sulphurearum in succis redundantiam, & minima non nulla vascula augustata & obstructa, celerior est motio, verum etiam succus biliosus copiosus in hepate secretus, ac in duodenum & ventriculum effusus, acrimonia & mordacitate sua, nerveas tunicas acrius sollicitat, lancinat, arrodit & inflamat, ex quo symptomata huic febri propria, ardor, anxietas, cardalgica, nausea, vomendi conatus, impetuosa per superiora & inferiora biliosæ dejectiones.

§. VIII.

Causæ antecedentes. Omnia igitur, quæ sanguinem extinxant, & uberi particularum sulphurearum in sanguine proventui favent, liberum quoque ejusdem per nimiam partium vascula transitum retardant atque impediunt, ad generationem ardentiū febrium faciunt. Hinc est, quod iisdem præ reliquis in primis patet, qui biliosæ constitutionis, strietioris habitus, potibus spirituosis indulgent, crebrius animo, præfertim ad iram moventur, corpuseque vehementiori motu exagitant. Neque minus indeducenda ratio, quod sub ecce-
lo calido & in locis meridionalibus frequentissima sit ardens exquisita, nec non quod apud nos, post diuturnum solis æstate sicca fervorem, succedente autumno frigidore aura, crebrius incident, quin epidemice quandoque cum diarrhoeis biliosis, dysenteria, tertianis duplicitibus & conti-

nus cholericæ grassetur febres. Quæ autem ingenitam his ad concipiendum hunc mōrbum dispositionem effectui dant, sunt maxime perspiratio cohibita & vehemens ira. Nimirum quando succi calidis sulphureis particulis scatent, harum vero per vascula minima exhalantia difflatio, sive per aerem crassiores frigidum, sive improvidam refrigerationem, intercipitur, manent intus, intestinum motum suscitant & febrem accendunt. Vehementis autem iracundie is in corpore effectus, ut non tantum in universo systemate nervorum ac valorum motus intensionem & rigidam spasticam strictroram inducat, sed & præceteris in ductus nervo-musculosos biliarios agat, eorumq; mortu peristalticum fortiter augendo, ex toto systemate horum canalium exprimat biliosum succum, eundemq; in duodenali cava trudat copiose & impetuose. In quo flexuoso sinu dum stagnat, cum salivalibus succis & acidis cruditatibus mixtus fermentescit, eoque mordacem & tantum non causticam indolem acquirit, cuius index est color viridis eruginosus, qualis a commixtione bilis cum spiritu acido corrosivo, ut oleo vitrioli & aqua forti, emergere solet.

CURATIO.

§. I.

In medicatione probe distinguendæ *sanguis* diversæ ardentiæ species & corporum non indratio habenda. Nimirum quando ardentiæ species, febris in corpore bilioso, duo macilento, sanguine & succis minus pleno, non habet locum sanguinis missio. Neque etiam eadem admittenda in febribus cholericis, tam acutis, quam intermittentis typis servantibus, & cum numerosis dejectiōnibus per os & alvum, summa præcordiorum anxietate & extremorum frigore stipatis. Sed ubi juncta ardentiæ sanguinis plenitudo & febris est molestis frequentissima, quæ ex veterum denominatione synochus biliosa, si-

ve putrida, recte dicitur, nunquam non per necessaria est ac utilissima sanguinis conveniens, sufficiens, & proportionate virium & vasorum amplitudinis, proportionata missio. Hac enim facta, non modo vehementia febris & symptomatum multum frangitur, sed brevis etiam & felix eventus, cæris paribus, sperandus. Contra ea experientia docet, gravius semper & periculosis decumbere hac febre, secundinas in primis & sanguine abundantes, si in principio omissa sanguinis substratio. Tum enim natura ipsa superflui sanguinis excretionem, per nares potissimum, molitur, quod si non critico & convenienti tempore fit, non sufficenter succedit, sanguinis in vasis cerebri subsequitur stasis, phrenitidem valde periculosam membranarum cerebri inducens.

§. II.

Post sanguinis missionem omni studio eo annitendum, ut igneus iste totius corporis æstus cum immoda siti & fauciū ariditate, removeatur iis, quæ æstuosam illam partium sulphurearum agitationem figunt & temperant, ac præterea fibrarum rigidum spasmodum laxant, & humores in vasculis minimis stagnantes diluunt, fluxiles reddunt & obstructa reserant, ut æquabilis & liberior fiat per loca convenientia & vasa transitus. Hunc in finem veteres omnes dilaudant potum frigidæ aquæ. Hippocrates de affect. §. 2. in ardente febre dandas præcipit potionēs frequentes & paullatim quam frigidissimas. Aretaeus lib. 2. c. 4. si biliosus, ait, vomitus & distensio, adeſt fastidium, anxietas, virium labefactatio, tunc frigide aquæ cyathī duo vel tres propinandi sunt ad ventris adſtrictionem; facile enim frigidam in ventre incalceſit. Neque minus Galenus meth. med. lib. 9. cap. 5. præter venæ ſectionem, potionem frigidam impense laudat, adiecta ratione, quia extinguit febrem & naturam robustam reddit, ut deinceps per alvum & sudorem expellat, que noxia sunt.

Idem ſentit Celsus, lib. 3. cap. 7. ſi inquiens, in ſummo incremento eſt morbus ardens, utique non ante diem quartum, magna ſiti accedente, frigida aqua copioſe preſtanda eſt, & ad ſatietaatem dandas, qua pro medicamento utuntur. Ubi factum eſt, multa veſte operiendus & collocandus, ut dormiat. Fereque poſt longam ſitum & vigiliam, poſt multam ſatietaatem, poſt infracum calorem, plenus ſomnus venit, per quem ingens Sudor effunditur, idque preſentissimum auxilium eſt. Has tamen ſubnecit cauſiones, ſed in his tanum, in quibus præter ardorem nulli dolores, nullus præcordiorum tumor, nihil prohibens, vel in pulmone, vel in fauicibus, non ulcus, non defecatio, non proſluvium alvi ſuit. Si quis vero in hujusmodi febre leniter tuffit, is nequevehementer ſitire debet, neque aquam frigidam bibere. Accedit Alpinus med. meth. lib. 2. ita habens: in continentibus febribus vehementer æstuofis, medici omnes largum potum algida aqua exhibere ſueſcent, quia calorem nativum concentrat, ut ſtatim inde ſitis & calor ceſſet: roboratur inde totum corpus & aqua epota digeritur & plerunque largifimos ſudores frigida aqua potus ſuſcitat, non nunquam vomitus biliosi ſiunt, & aliquando per alvum copioſi humores proſluent, & urinam copiosam excitat. Mirabile eſt, concludit, quomodo tale preſidium has febres expugnet; nam excretionibus, quas aqua ſuſcitat, ha febres finiuntur. Idem auctor Ägyptius hoc in uſu, quin inter ſecreta tuiffe de Med. Ägypt. lib. 4. cap. 15. tradit, aliqui, ſcribens, pro ſecreto habent synochas & ardentes febres, multam aquam angorill (que cucumeris species) ægrotis propinantes, ſanare, ſi modo febricitantes iis multis diebus in cibo ac potu ſola utantur. Alii tempore vehementioris æstu, largius frigidam potandam concedunt, qua epota, ægros multis pannis contegentes, ſudorem procurant, qua non paucoſ audio ibi ſanatos tuiffe.

§. III.

§. III.

*Tel poti-
bus aliis
refrig-
erantibus.* Nec immerito tam magnifice de frigidæ potu in ardentibus lensisse veteres, uberiori testatur & ratio & experientia. Nisi enim ventriculus, vel aliae internæ partes jam vera inflammatione affectæ, nec summa cum extremorum frigore anxietas, neque etiam pulsuum contractio & sanguis deficiens adsit, utique, aqua bonæ notæ, subfrigida, non prouersus gelida, haustu, non simul & semel, largiter tamen pota, egregie prodest. Nam frigus in humido astuolum nimis partium sulphurearum & ætherearum in sanguine motum obtundit, fibrasque remissiores adducit, nimiumq; distentis contractilitatem & elasticitatem iusljam reddit. Neque etiam a frigore noxa timenda, quia frigidum, successivis haustibus corpus subiens, a calore interno tepescit, qui humidus tempor ad relaxandas spastos constringas fibras, & succos in minimis stagnantes expediendos & fluxiles reddendos, apprime proficuus, ut hinc sudor & urina copiosius fluant & alvus moveatur. Sed quum in septentrionalibus nostri s regionibus admodum rarae leves ejusmodi, pura & subtiles aquæ, reperiantur, coctione & admixtione congruorum corrigendæ utique. Ipse Hippocrates aquam cum hordeo constam jam in ardentibus laudat. Et Aretæus aquam cum lacte mixtam in cholera commendat. Qui nostris regionibus proficiui deprehensi frigidæ potus, sunt maxime, julapia, ex aqua fontana cum succo citri & saccharo, nec non ptisana ex rasura cornu cervi, radice scorzonera, cum syrupo acetositatis citri, vel julepo rosarum & spiritu vitrioli, condita, item aqua cum frusto panis cocta. Huc quoque referendum serum lactis dulce, vel acidulum, cum succo citri coactum, item aquæ minerales temperata, quo nomine celebres acidula Selteranae, Antonianæ & Wildungenes.

§. IV.

*Acrimo-
nia obtu-
denda.* Ad obtundendam tandem & con-

temperandam, in cholericis potissimum febribus, acrimoniam acidam causticam succorum biliosorum in ventriculo & duodeno stagnantium, spectata virtutis ex compositis pulvis Marchionis, maximeque pulveres absorbentes, quæ commodissime ingrediuntur terrea teneriora, lapides cancriorum, mater perlarm, conchæ præparata, cornua & ossa philosophice præparata, nec non ex commendatione Langii atque Cratonis crystallus montana. Nobilis quoque ad estum extinguendum & intestinum motum componendum nitri virtus, quod his pulveribus cum fructu ob id subinde admiscendum. Sed necesse est, ut pulveres ejusmodi temperantes in sufficienti quantitate diluti vehiculi assumantur, crebrius etiam & convenienti tempore. Neque minus ex usu sunt diluentia ac demulcentia, emulsiones scilicet, ex amygdalis, feminibus quatuor frigidis, præsertim cucurbitæ, cum aquis florum, quæ paregorica simul virtute pollent, sambuci, rosarum, buglossæ, primulæ veris, tiliæ, litorum convallium, nec non aqua cerasorum nigrorum. Conducunt quoque hoc nomine gelatinæ ex rasura cornu cervi, lac ipsum cum aqua mixtum, oleum amygdalarum dulcium, serum lactis dulce, item iuscula ex pullis gallinaceis contusis & in vase clauso cocta. Et hæc utique remedia apprime proficia sunt ad arcendam inflammationem partium nervoso membranacearum, quæ bis morbis eventu demum accedit fæsto, modo exhibeantur debito ordine, tempore ac dosi, cum judicio & observatis quibusdam cautionibus, jam subiectendis.

Cantœ & Observationes
practicæ.

§. I.

Sicut in curatione omnium acuta-
rum febrium, ita maxime ardentium, *Tempo-*
& quæ ex inflammatione sunt, tutissima

sima & optima methodus est, per totius morbi decursum, placide & moderate procedere, omniaque, quæ a temperie & moderamine, quoad pharmaciā æque ac dietam & regimen recedunt, evitare sollicite. Egregium in primis hanc in rem est Celsi lib. 3. c. 7. monitum, ita habens: etiam amplio conclavi ager tenendus est, quo multum & purum aerem trahere posse, neque multis vestimentis strangulandus, sed admodum levibus tantum ve landus est. Possunt etiam super stomachum ponit folia vitis in aquam frigidam tincta, ac ne nimia sit vexans est. Moderatus quippe & aequalis calor, in febribus hisce, ad materiae morbificæ correctionem, resolutiōnem, & ex corpore distillationem, plus præstat, quam omnis, quantumvis pretiosa, medicina. Sed nihil viciſſim pernicioſius, quam fervido con clavi accedere, vel etiam abſtinentia potus intendere, calorem immodi cum, qui vires exſolvit, debitam vitiōſi humoris a ſuccis vitalibus, fe & excretionem impedit, & humidum ad expeditum ſanguinis & humorum progreſſum, & ad coarctata & repleta minima vasorum aperienda & relaxanda necessarium, abſumit. Neque ea propter ſemper utilis, ſed ſæpius nocivus, in astuosis hisce febribus, frequens potum calidorum & infuſorum theiformium uſus. Muſto vero magis detrimentum procurant ea, que calefaciunt, maſſam ſanguinis com movent & positive ſudorem movent. Deinceps non ſine ratione Celsus l. c. commendat amplum conclave & aeris puri uſuram. Nam ſicuti ſubtilior & ætherea elatiſta in aere ſubſtantia, genuinum illud pabulum & fomentum eſt, quod virtutem vasorum elatiſtam vitalem ſyſtaticam & robur partium uſtinet: ita aer multis humidis & pravis effluviis inquinatus, & ob id vi elatiſta ſpoliatuſ, vel ſanis, tanto vero magis infirmis corporibus, aduersus eſt atque damnosus. Neque aliam ſubſte cauſam arbitror, quod

plurimi ex plebeis, quorum natura ad vincendum morbum alijs ſatis valens, in febribus acutis pereant, quam conclave angusta, humilia, & haud raro nimis calefacta, in quibus, præfertim quando plures decumbunt, aer morbiuſ & tetris halitibus gravis eſt, quem continuo hauriunt.

§. II.

Natura etiam febrium continua rum medicatrix optima: hujuſ motu igitur cum cura ab artifice atten di. Exferunt autem hi ſeſe maxime per rigorem, qui ex medulla ſpirali, cum horrore & frigoris ſenu, venit, & certis temporibus, diebus maxime imparibus, dimidio quarti, septimo, undecimo & decimo quarto, accidit. Eſt quippe hic rigor non niſi affectio generis nervosi universi corporis ſpasmus, qua ſanguis & humores, ab exteriori corporis peripheria, verſus interiora, cor, cerebrum & vasa ma jora, cum quadam vehementia pel luntur, eaque propter extrema refi gescunt, interiora vero ſanguine ni mis repletur & diſtenduntur, unde pulſus contractus eſt, pectus angitur, faciesque cum vaſis capitis turgescit. Quod ſi igitur poſt hunc rigorem, ſuci intus acti æquali reniſu & auctiori cordis & arteriarum ſystole ad corporis ſuperficiem repelluntur, ſæpius tota morbi & cauſæ morbificæ vis, uno impetu, per largum universi corporis ſudorem, aut narium ſtillicidium, frangitur, penitusque eliditur. Sic procedens rigor ſalutaris eſt, criticus ob id recte vocatus, poſt quem arteriarum ictus æquabiles fiunt & molles, circulus ſanguinis debitus, & vires cum ſomno redeunt. Sed ubi cordis & vasorum ſyſtaltica viſ non tam valida eſt, ut appulſum ſanguinem iterum extus agere poſſit, ſymptomati cus eſt rigor & malus. Tum enim nec corpus incaleſcit rurſus, nec pulſus æqualis fit, nec ſanguis per nares, nec ſudor calidus univerſalis per poros, ſed particularis & frigidus circa caput & collum, effertur, nec corpus cum

Et aer
Purus.

ani.

obſervata. anno de 1764

Natura
motu
atten.
dendi.

animo reficitur, nec somnus redit. Sanguis potius intus in minimis valsis impactus subsistit, ac in cerebro phrenitidem & convulsiones, circa cor & pulmones, summam præcordiorum anxietatem, spirationem anhelosam, difficilem, viriumque ad animi usque deliquium dejectionem, facit, ut postea nono plerumque die mors excipiatur. Quandoque etiam extra criticos dies accidenti ejusmodi rigores, sed hi pariter sunt symptomatici, malumque præfagiunt eventum. Hi itaque naturæ motus, mortem, vel salutem, adducentes, probe a medente attendendi. In hoc enim præcipuum ad prognosin & tempestivum remediorum usum versatur momentum, quin totius doctrinæ practicæ fundamentum, quod optime tenuit primus artis parens *Hippocrates*, quod serio incularunt optimi & fidissimi hujus interpres, *Mercurialis* atque *Dureus*, sed ex nostris norunt paucissimi.

§. III.

Natura,
banda,
sed ju-
vanda. Quando sic natura motus instituit extraordianrios, quiescendum medico nihilque movendum. Abstinendum quoque plane a cibo. Et corpus tantum in moderato & æquabili calore conservandum. Si autem natura facultas ad expellendum sanguinem & excretiones efficiendas sola non sufficit, juvanda congruis auxiliis perite, sive interius analepticis & diaphoreticis temperatis, sive exterius derivantibus & discutientibus. Nam profecto nunquam magis, quam in periculis & acutis morbis, summopere necessaria maximique momenti est temporis in agendo opportunitas.

§. IV.

Caput de-
fenan-
dum. Ubi igitur post rigorem incidit cephalalgia plethorica, cum incipiente mentis emotione & nares parum sanguinis stillant, epithema nobis usitatum, ex aceto & aqua rosarum, camphora in spiritu rosarum soluta, nitro & oleo ligni Rhodii, subfrigide, non modo temporibus, sed & melius

raso toti capiti, admotum, egregie se gerit refrigerando, discutiendo, & inflammationi resistendo. Idem hoc epithema, linteo triplicato lato, præcordiis impositum, ad levandam anxietatem, inquietudinem depellendam, & spirationem facilitandam eximiū usus. Optimum tamen etiam auxilium ad arcendam phrenitidem expectandum a venarum in naribus, si ve id fiat per instrumentum scarificatorium, sive intrusum culmum straminis, apertione, tepefactis simul & frictis pedibus atque temoribus, & data interius mixtura discutiente, diaphoretica & analeptica cum aceto stillatio, aqua cinnamomi, roscarum, cardui benedicti, mixtura simplici, cinnabari, lapidibus cancrosum & bezoardico minerali.

§. V.

Ad sedandam situm & humectandas fauces aridas cum lingua, ego non præsentius vidi remedium, quam serum lactis dulce, in ejus mensura nitri puri drachma dimidia soluta, quippe quod crebrios, sed parvis haustibus subfrigide potum, æstum præternaturalem simul extinguit. Os quoque & fauces subinde eluende aqua, in qua rob diamoron & nitri sufficiens quantitas soluta. Præberet hæc etiam potest gargarisma. Injectiones vero per syphonem nunquam probo, quia valido attritu augent dolem & inflammationem. Præterea ad præscindendam anginosam inflammationem, insigniter prodest linetus lente deglutientius, ex julepi rosarum uncia, nitri puri granis 15. & camphoræ granis tribus, in drachma una olei amygdalarum dulcium solutis.

§. VI.

Utut alvum purgantia, ratione docente & experientia monstrante, in se bribus ardentiibus, non nisi periculo præbeantur; e re tamen est, ut alvus semper sit libera. Sub morbo igitur hoc optime præstant glandes & clystires, ex solo lacte, melle & pauxilio.

Alvus
perito
move-
da.

lo nitri. Facta vero crista & coctione, ex urinæ sedimento cognoscenda, alvum utique clementioribus laxantibus ducere, tamarindinatis, mannatis, rhabarbarinis, passulatis & tartareis, expertissimum, quo vitiosi succi, in primis viis per ipsum etiam mōrbum geniti, exturbentur, ne novo morbo ansam & causam præbeant.

§. VII.

*Frigide
potus
utiles.* Aquæ frigidæ potio, a veteribus eximie collaudata, heroicum hoc in mōrbo & magnæ efficacia est remedium, eaque propter attentionem & circumspectionem medici poscit. Supratamen satis fuse jam expositum, cur & quando ex usus sit. Heic igitur monuisse sufficiat, nunquam simul & semel magnis haustibus præbendum esse frigidum potum, sed succēssive & crebro, nunquam in principio morbi, sed elapsis jam aliquot diebus; nunquam tempore accessionis, vel exacerbationis, vel etiam sub rigore & pulsu parvo, aut intermittente, nunquam nisi plethora prius soluta. Sed quando extrema calida, pulsus aqualis, celer & magnus.

§. VIII.

*Aerimo-
nia tem-
peranda.* Si febris est cholérica, acuta, admodum péricolosa, ob succos biliosos, mordaces nimium & corrosivos, nervas ventriculi & intestinorum tunicas atro dentes, celeri & efficaci auxilio est opus. Tum igitur consultum est, pulveres absorbentes ac temperantes, crebro & majori, quam alias moris est, quantitate, propinare cum diluentibus ac demulcentibus. Quo nomine ego nunquam non expertæ virtutis commendo pulverem ex lapidum cancerorum, matris perlarum, cornu cervi sine igne, crystalli montanæ, sive lapidis tali calcinati, anadrachma, nitri scrupulo, de quo singulis horis sumenda drachma una, cum emulsionis amygdalatæ uncii bini, cui drachma duæ olei amygdalarum dulcium commixta. Ad impec tuosas autem biliosas excretiones compescendas, præstabilis virtus est liquo-

ris nostri anodynī mineralis, præsterit si cum aliquot guttis olei macis essentifetur, & cum diluto vehiculo, vel aqua tantum frigida, propinetur. Quia enim nimis celerem systolicum, vel peristalticum motum in ductibus biliaris sistit, efficit, ut minor copia succibilio ad duodenum trudatur, & ob id copiosior excretio sistatur. Ecce certe his præsidis, debito tempore, congruadisi & mature usurpati, & cholericam, & dysentericam passionem, brevi fuisse sublatam, multis exemplis edocitus novi.

ENARRATIONES
MORBORUM.

OBSERVATIO I.

Summus quidam militum præfatus, quem vocant Generalem, quadragenario major, sanguineus & vividus, laete vivens vinique potissimum potui indulgens, ceterum bene valens, nisi quod vere & autumno, rheumaticis & catarrhosis defluxionibus affligeretur, potarat in convivio liberaliter vinum potens Hungaricum Tockaviense, ad mensuras minimum quatuor, eodemque plenas, vespere sub celo nubilo & frigido in villam suam vicinam redierat. Redux factus, noctem insomnem & mire astuans exegit, mane expertus calorem intensissimum, cum pulsu magno & celeri, cephalalgia, virium prostratione, fauicum ardore ac siti. Bibit quidem infusum thee, sed inde anxietas increvit, & vomendi conatus accessit. Sumbit pulverem absorbentem & nitrosum, sed symptomata persistunt. Admisit quoque venæ sectionem in brachio, sed sine levamine. Hinc vocatus ego quarto die, offendit ipsum ingenti astu affectum, & summopere conquerentem de ardore ventriculi ac siti. Illico igitur removi cerevisiam lupulatam valde & spirituosam, male eo usq; ad siti extinguidam liberaliter datam. Annuit æger.

eger, ac enixe petuit haustum frigidæ. Ego vero sic cōcedere nolui, sed paravi julapium, ex aquæ fontanæ mensuris duabus, succi citri uncia, cum tandem julepi rosarum, de quo successive biberet, & cum quo sumeret, binis quibusvis horis, pulverem ex matre perlarum, conchis, nitro & lapidibus cancrorum. Eger impatiens quatuor haustibus julapium ingurgitavit omne, tres etiam assūnsit pulvres, ac inde refrigerium sensit internum, melius quievit & parum sudavit. Jussit itaque, ut denuo conficeretur julapium, ejusdemque mensuras duas intra aliquot horas me inscio ingressit. Inde vero incidit in effusissimum sudorem, sequutæ alvi dejectiones crebriores, somnus redit, symptoma discussa & convaluit.

Epicrisis.

Veteres, & inter h̄s maxime *Galenus*, *Aretaeus* ac *Gelsus*, aquæ frigidæ potum in synocha & ardentissima febre mirifice commendarunt, quin in hujus usu omnem sere salutis spem reposuerunt, hac tamen cum cautela, ne detur, ubi interna jam inflammatio, scirrus, aut tumor edematosus est. Ego quoque præstabillem simplicis hujus virtutem multoties expertus sum in cholericis passionibus, ad contemperandum bilis ardorem & acrimoniam, viresque languentes suscitandas. In nostro eglesia pariter ipsius fuit facultas, maxime quod sudorem movit. Neque vero etiam nocere hoc in casu magna julapii quantitas potuit, quem sanguis a copia Hungarici vini vehementer exagitatus esset & quasi incensus. Etenim debet esse proportio quædam inter vim morbi & vires remedii, maximeque huic febri, perite monente *Aretæo*, magnum ac celer remedium opponi. De singulari autem aquæ effectu sudorifero notari in primis meretur *Riverii* testimonium *Gent. 1. obser. 19.* ita habens: observandum a spiritu sulphuris, vel ejus loco spiritu vitrioli, cum aqua exhibito,

sudores copiosos fuisse provocatos; quod multis experimentis nobis innotuit, qui plures tertianas curatas vilius eodem remedio, in summo accessionis æstu & urgente siti exhibito; unde copiosi sudores provocabantur, a quibus non solum paroxysmus, sed etiam totus morbus integrè solvebatur. Minuenda tamen est in minori aquæ quantitate spiritus quantitas, ne nimium acescat. Cæterum sicuti aquæ frigidæ potus & refrigerantia efficacissima in febre, quæ a sanguine propter spirituolorum abusum nimium exstenuato accenditur, ita vicissim aquæ calide potus, in febre, quæ in sanguineo-pituitosis, ex oblitatis per aerem frigidum & humidum cutis poris inducitur, virtutis est longe saluberrimæ. Vidi ego sæpe plebejos, sub cœlo pluvioso, nebuloso, & humido inter labores versantes diu & inde febre correptos, solo potu calido, ex aqua, cum carduo benedicto & scabiosa decocta, adiecto æquali mensura vino, & calide pota hac mixtura, sudore inde oborto, cito ac tuto morbum discussisse. Quod autem frigida etiam sudorem movere possit, ratione non caret. Nam expansum nimis vasorum elaterem adducendo, tonum & robur ipsis restituit. Calorem fervidum restinguendo, impedit seri & lymphæ coagulum, quod ipsis a forti calore induci albuminis ovi exemplo constat. Tenaces autem succi, minima vasculorum excretiorum obstruentes, liberam evacuationem impediunt. Frigidum quoque estuanti corpori immisum tepescit, tepidum que factum fluxilitatem humoribus conciliat & aridas exsuccas partes mollit.

OBSERVATIO II.

Generosissima fœmina 36. annorum, *Synochæ cacochy-*
sanguineo-cholérica, natura sensibili-*mica eti*
or, animo in affectus prona, inge-*purpura*
nio alacris & sagax, cæterum corpore *funebris*
nervosa & robusta, ciborum appetens
& liberaliter cœnans, ob alvum ad-

strictiorem & collectas inde cruditates diu conquesta est de doloribus pressoriis & inflatione ventriculi ac hypochondrii sinistri, mensum quoque, ob uterum ex crebra & annua fere imprægnatione debilem, fluxum, ratione copia & temporis, non experita est legitimum. Ad tollenda hæc vitia multis quidem usq; est medicamentis & medicis, sed sine levamine. Aquarum autem medicatarum potum, ob ventriculi imbecillitatem & atoniam, ferre potuit nunquam, melius tamen balneum ex aquis Tœplicensibus. Accidit interea, ut medio vere, post gravem terrorem & excan descentiam, præcedente levi horripilatione, incideret in febrem valde æstuosam, quæ sitim cum calore accedit intensissimam, somnum excusit omnem, viresque mirifice prostravit. Accitus primus medicus loci, qui venæ sectionem, ante sex hebdomades vix admissam, reiterare renuit. Quinto die vocatus ego, pulsus fortè & magnum deprehendi, cum æstu intolerando, anxietate circa præcordia, inquietudine, insomnia & dolore dorsi. Pugnavi igitur adversus hæc symptomata diluentibus & refri gerantibus potionibus, pulveribus absorbentibus, nitroso-diaphoreticis cum succo citri permixtis. Fluxit inter hæc ex utero ichor cum sanguine, ad 25. horas. Sed septimo die incurrit horripilatio, extrema refrigerata, pulsus celer & contractus factus, facies turgida, oculi rutilantes & levis cogitationum aberratio visa. Exactis tamen duabus horis & data mixtura discutiente diaphoretica, ex aqua cardui benedicti, cerasorum nigrorum, theriacali, aceto destillato, antimonio diaphoretico, lapidibus cancerorum, cinnabari & syrupo acetositatis citri, rediit calor per totum corpus ad pedes usque, pulsus increbuit, oculi splendorem rutilantem posuerunt, & per universum corpus fausto prodiit omne sudor, quem temperatis diaphoreticis & infuso

theiformi secundare jussi. Inde magna sequuta symptomatum remissio, & ægram in vado constitutam esse, visum quidem, sed quia somnus redire noluit, neque æstus penitus remisit, neque etiam vires restitutæ, non sufficientis & omnibus numeris absolutæ criseos fuit indicium. Nec vanus fuit metus: nono enim die, post lenem rigorem ex dorso, novus paroxysmus febrilis incessit, cum magna præcordiorum anxietate, intensiori æstu, inquietudine, spirandi difficultate, ita ut ægra corpus mirumjectigaret, & lectrum subinde mutaret. Postero die purpura rubra cum alba comparuit, & collum totumque pectus obsedit, quæ congruis præsidii excepta. Decimo die sanguis rufus profluxit aquosus ex utero, in abdomine oborta tormina, & per alvum feces liquide & biliolæ, postea etiam sine sensu, secesserunt, & luculenter prodiderunt gravem in intestinis inflammationem, eamque sphacelosam, quam præterea borborygmi in ventre post assumptum potum arguebant. Undecimo die, post perpetuas tandem vigilias mens alienari coepit, pulsus reddi convulsivus, spiratio fieri anhelosa, subsequentे paullo post morte, ob vim cordis & vasorum vitalium elasticam per morbum diuturnum & vigilias continuas fractam, nunc deficiente, adeoque naturam penitus succumbentem.

Epicrisis.

Febris hæc merito vocanda synocha cacochymica, sive putrida universi corporis inflammatoria, ex abundantia impuri sanguinis progenita, quæ si viscera offendit minus integra, ut hic ventriculum & uterum, raro ex votu, sed plerumque funestum fortitur eventum. Ego vero etiam summopere improbavi, sed tacitus, ne medicus primus malum nomen incurriteret, ob factum, quod infectum fieri non poterat, quod neglecta in principio sanguinis missio in corpore plethorico & cacochymico, sub pulsus vehe men-

menti, duro & magno, unde etiam ipsa natura a copia sese per uterum liberare molita. Licet etiam septimo die criseos indicia comparuerunt, somni tamen & virium defectus, cum restitante calore, imperfectam eam fuisse prodidit, & latitare adhuc intus materiam perniciosa. Fuit hac purpuracea, que teste experientia, in corporibus impuris cacoehymicis, praesertim foeminarum, sub declinatione febris continua succedere solet, criticis diebus, sed funesto plerumque eventu. Natura enim, sive potentia elastica cordis & vasorum, morbi vehementia jam debilis nimium, eandem minus vincere & expellere potest, unde de novo in minimis vasculis fiunt stases inflammatoriae, tandemque mors excipit. Nostra in ægra insanabiles haec inflammations circa uterum & maxime intestina confederunt, easdemque dejectiones aquosæ cum torminibus, praesertim involuntariæ, ob secessum partium serofarum a sanguine coagulato stagnante, abunde satis indicarunt.

OBSERVATIO III.

Dux militaris quinquagenario major, sanguineo-cholericus, robustus, sanguine plenus, laute vivens, plus vini quata cerevisia bibens, in iram & vehementes animi affectus pronus, cœlebs, sed veneri vagæ admodum indulgens, postquam ebrius vehementer excandisset, & postea cum concubina habuisset rem, incidit illico in febrem vehementissimam ardentem. Invasit haec cum artuum tremore, juncta fuit summa præcordiorum anxietas, astus in pectori ingens, capitis dolor, somnolentia, nec non mentis emotio. Conquestus simul est de dolore lateris dextri, & quarto die expulit tussi sanguinem cum pituita mixtum. Secta quidem fuit in principio vena, sed quia inde nullum levamen, vocarunt me. Erat autem æger, quem advenirem, impatiens quandoque & irre-

Tom. IV.

quietus, quandoque somnolentia & torpore obrutus, sitis ingens, alvus adstricta, calor vehemens, urina tenuis flammea. Expensis cunctis, inflammationem ventriculi & pulmonum, ac minus faustum eventum sum suspicatus; ideoque ad contemporandum iterum illum inflammatorium astum pro viribus adhibui præsidia. Clyisma scilicet emolliens & relaxans, ex fero lactis, melle ac oleo amygdalarum dulcium, cum momento nitri alvo injicere jussi ad uncias duodecim aliquoties, non tam ad purgandum, quam potius ad humectandas & relaxandas intestinorum tunicas, si quidem clysteres stimulo carentes, aliquoties injecti & diutius retenti, balneum quasi præbent internum. Deinde quum pulverulenta aversaretur omnia, emulsionem conficiendam scripsi, ex decocti cornu cervi mensura, amygdalarum dulcium uncia una cum dimidia & seminum quatuor frigidorum majorum ana drachmis dwabus, additis aquæ cerasorum nigrorum uncis binis toridemque rosarum, matris perlarum, nitri depurati ana drachma, julepi rosarum uncia una. Hanc intra aliquot horas ebibit, ac præterea ptisanam ex hordeo, rasura cornu cervi & scorzonera, tam avide ob urentem sitim ingurgitavit, ut 24. horarum spatio vel septem ejus mensuras epotaret, idque per aliquot dies. Dedi etiam quandoque junculum avenaceum cum aliquot cochlearibus olei amygdalarum dulcium. Et exterius thoracem dolentem atque præcordia inungere jussi linimento ex olei amygdalarum dulcium uncia, camphoræ drachma & extracti castorei liquidi drachma dimidia. His astus resinctus, septimoque die urina turbata ac non nihil ad fundum dimisit. Accessit nono die diarrhoea, ut plus quam decies intra diem & noctem deiceret, cum levibus torminibus in ventre. Successit hic fluxus alvi per quatriodium, ac interea nihil sumsit, quam iuscula confortantia carnium

N cum

*Febris
ardens
sanguinea
co-
piosa po-
tu sa-
nata.*

cum tantillo vini & macis. Sic felicissime febris solutā, eoque factō, vires redierunt cum sanitate.

Epicrisis.

Natura valens & robusta, congruis auxiliis adiuta, utique sāpe miracula præstas, seu effectus extraordinarios plane. Quare ergo non facile spem abdicere soleo, in perniciosis etiam & inflammatoriis febribus, quando aegri multum sitiunt & copiose commoda ingerunt liquida: in his enim magna vis, febres cum magno ardore junctas, sanandi. Nam fluxiles & dilatatos reddunt spissos humores, qui obstrukciones vasorum efficiendo, astutum agent, liberamque exhalationem, tam in, quam extra corpus, intercipiunt. Aridas quoque & nimis rigidas fibras molliendo, febrem efficiunt mitiorem, & corpus disponunt ad excretionem. Nihilominus tamen prudenter etiam se gerat artifex in horum benignorum & innocentium remediiorum usu, & caveat, ne febrem, quæ naturæ medicatricis opus, quo æstiori sanguinis motu obstructiones & stases viscidorum succorum dissolvit, intempestivo refrigerantiorum potu, nimium deprimat. Nam in febribus minus astutis & corporibus phlegmaticis, diluentia liberalius data plus nocent, quam prosltnt. Ubi vero astus servidus in sanguineo-choleris, & massa sanguinis copia partium sulphurearum referata, largior liquidorum potus, modo ventriculus eum subigere possit, non nocet, sed præstans est medicina. Nisi enim in his nimius calor sistatur, vires brevi exsolvit, & lymphaticos humores incrassando ac coagulando, ipsam gangrenam partibus internis inducit.

OBSERVATIO IV.

Cholerica passo cito facta. Illustrissima foemina tenera & exquisiti sensus 24. annum haud ira primæ egressa, appulerat in Carolinis, potatura thermales aquas. Sed quum tertio die ira percita esset, & cerasa

cum fragis avidius ingessisset, in pīdio incidit in passionem cholericam. Vomuit nempe & dejecit copiose, intra diem & noctem plus quam vigesies, cum anxiō astu, & dolore circa pīcordia, extremitum refrigerio, magna inquietudine corporisque jactigatio-ne. Accersitus ego lac cum tantundem juris pullorum tepide bibere, binis quibusvis horis pulverem ex cornu cervi sine igne parato, lapidibus cancerorum & pulvere Marchionis, æquali ponde-re mixtis, ad drachmam unā sumere, & exterius abdomen inungere jussi totum linimento, ex tribus olei amygdalarum dulcium partibus una olei menthæ & dimidia olei macis destillati confecto, positis supra linteis complicatis calidis. His anxietates & torments sublata, evacuatio per superius & inferius os imminuta, & intra triduum addito pulveribus cortice chacarillæ, morbus facile & explicita curatione discussus.

Epicrisis.

Nil pernicioſus est ira, si stomachus fermentescibilis cibis fartus. Hic enim animi motus mox spastico stringit stomachi & intestinorum tunicas, & facit, ut humores in hoc cavo hærentes, diutius detineantur, ac ipsa hac mora mutua quali confectione, indolem contrahunt sāpe tantum non venenatam. Tanto vero magis omnia hæc nocent, sub aquarum mineralium potu, quippe quo semper ventriculus ipsiusque systaltica vis infirmatur, ut deinde eo facilius in ipso hærere, & colligi possint incongrui succi, & cruditates. Hæc autem vehemens passio, a summa humorum acrimonia, ex viridescente vomitu ejectorum colore cognoscenda, suscitata, celerem opem & efficacem medicinam postulavit. Quare pleniori dosi & crebro data corrigentia & demulcentia. Et licet in principio ingestio largiter lacte subsequentur vomitus caseosi, acidum in primis viis argentes, institi tamen hoc remedio, quo etiam effectum, ut vomitu ex-

turbata, postea nec virescerent, nec coagulata essent, sed liquida, muco & bile imbuta.

OBSERVATIO V.

Cholerica febris po. su aqua frigide curata. Quum anno 1684. Mindæ Westphalorum medicinam factitarem, æstate sicca & præcalida regnante, Chilarcha generosissimus incidit in febrem cholericam. In hac miris torquebatur anxietatibus, inquietudine, interno æstu ac crebris dejectionibus, quæ ita vires prosternebant, ut aliquoties animi plane deliquium incurreret. Nil proficiebant pulveres terrei absorbentes, cum momento theriacæ cœlestis, nil diacordium *Fracastorii*, nil emulsiones ex decocto avenaceo cum amygdalis, nihil etiam exterius linimenta spirituosa. Tertio potius die excretionum vehementia & virium lapsu ad ultima ventum esse videbatur. Tum æger ob ardentem internum æstum enixe petuit haustum aquæ frigidæ. Ego vero propinare renui, & suasi, ut decoctum hordei cum rasura cornu cervi tepide biberet. Discedebam a lumme debili & omnem fere salutis spem, irritis huc usque cunctis, abjiciebam. Sed quum post aliquot horas redirem, incredibilem & repentinam interea accidisse mutationem deprehendi. Neque enim amplius de anxietatibus, neque de tam magno virium lapsu, neque etiam de tanto interno æstu conquererebatur, & pulsus quoque plenior & quietior micabat. Æger autem me magnopere hæc omnia admirantem alloquebatur & continebat, se ob litim intolerandam si bi amplius temperare non potuisse, sed sive mortem, sive salutem procuret, ebibisse primum vitrum majus unum frigida aqua plenum a ministro portatum, & post dimidiā horam alterū, sive mensuram aquæ ingurgitasse. Inde se mox sensisse virium quandam refectionem, adstrictionis quasi sensum in ventriculo, æstus mitigationem & quietem, dejectiones moderatores

cutimque antea aridam, & siccari nunc etiam madescere. Nec male cessit postea experimentum, sed æger assumitis jusculis confortantibus, ex carnibus cum macere, vires mox iterum recepit, & sic prater omnium opinionem cito convaluit.

Epicrisis.

Notabile hac in observatione, nil profecisse præsidia, quæ corrosivam humorum acrimoniam, potissimum passionischolerice causam, obtundunt, sed frigidum potum ægrum levasse. Ego quidem frigidam potionem roborantibus accenseo, quæ non tam materiæ, sed potius motuum vitio tollendo apta. Frigus nimirum tonum & elatorem partium vehementi æstu & dejectionum copia valde resolutum, fibras leniter stringendo, & adducendo, reparat, & hac ratione facultatem motricem tonicam, in qua virium robur consistit, restituit. Eum enim frigoris esse effectum, ut fibrarum elasticitatem intendat, patet experimento, quo exciso carpionis corde adhuc pulsante, systole illico cessat, si immittitur in aquam calidam, si vero iterum frigidæ injicitur, moveri rursus incipit. Notum quoque est, corpora humana, sub diurna aeris austrina & humida constitutione, virium experiri resolutionem atq; languorem, accedente autem subfrigido & sereno a ventis ex oriente spirantibus aeris habitu, illico in omnibus functionibus robur pristinum recipere. Sed uti cuncta roborantia, exemplo martialium & famosi corticis chinæ, cum magna prudentia usurpanda sunt, & non nisi correcto prius, tam quoad qualitatem, quam quantitatatem, materiæ vitio, & meatus satis patulis, neque etiam primis, sed posterioribus diebus: ita etiam id ipsum circa frigidorum potum merito tenendum. Heroicum potius hoc manet auxilium, nec credendum, quod uni, id alteri etiam prodesse. Omnis enim medendi methodus nititur exacta discretione, non modo morbi ejusque causarum, sed & indi-

viduorum, circumstantiarum & quoque temporum. Et quando his minus observatis salutaris subsequitur effetus, ad fortunam potius, quam artem referendus.

OBSERVATIO VI.

Ardens continua in intermittentia tertiana mutata. Fœmina honesta aliquor supra triginta annos nata, corpore robusta, biliosa & animo impatiens, plus inter cibos vini quam cerevisia bibens, medio Majo incidit in febrem ardente exquisitam. Medicus ordinarius præbuit bezoardicam tincturam aliquoties intra aliquot horas. Inde pathemata exacerbata, anxietas scilicet, inquietudo, æstus, vigilia, loquacitas nimia, cum alvi strictura, accesserunt etiam tormina in ventre & deglutitio facta admodum difficilis. Die quarto sanguis quidem ex utero fluxit, symptomata tamen non remiserunt, sed accessit potius, quum inscio medico largum viari haustum assulisset, leve delirium. Semper autem major mane, quam vesperi symptomatum fuit vehementia. Septimo die, præcedente horrore & rigore, animam agere videbatur, sub mente emota & respiratio ne circa anhelosa. Elapsis tamen aliquot horis, ad se rediit, corpus sudore diffluere coepit, & in cuncte, præsertim dorsi, comparuerunt macule rubrae, quas petechias esse crediderunt. Ego nunc in auxilium vocatus, suasi, ut alvus per sex dies clausa duceretur clystere, & mixturam ex aquis destillatis, cum aceto lapidibus cancerorum, mixtura simplici, mihi usitatam, propinavi. Hinc circa decimum quartum diem sensim remiserunt symptomata, & ad naturalem statum visa redire omoia. Præter spem autem hæc valde acuta & continua febris, mutata in tertianam intermittentem, quæ solito typo solitisque symptomatibus infestavit, post quatuor tamen accessiones, purgatis decocto mannato & tamarindinato primis viis & pulvrum antifebrilius usu, mox discessit,

Quum etiam in sequenti anno eadent hæc fœmina, eodem tempore, iisdem symptomatibus iterum afficeretur, administrata sub initium venæ sectione, adhibitis diluentibus potionibus & pulveribus salino-nitrosis cum clementer laxantibus, longe mitius decubuit, circa quartum diem febris in intermittentem concessit, mox pariter congruorum usu discussam.

Epicrisis.

Taxandus merito venæ sectionis in fœmina plethorica & vini potui assuetata neglectus. Notandus etiam vulgaris admodum tamen perniciosus error practicus, quo primis statim diebus, liberali manu essentias bezoardicas & alexipharmacas porrigithe fuescunt plurimi ad malignitatem, uti stolidi putant, a corde pellendam. Hac enim, si sanguis redundat, æstum inflammatorium magis augent & febrem graviorem ac diuturniorem reddunt, quin, si alvus simul diutius clausa, sanguinem nimium resolvendo, exanthema pariunt. Ego quidem hanc febrem in principio fuisse tertianam arbitror, ob intermissam autem sanguinis missionem & data bezoardica, factam esse continuam ardente, ac tandem decimo quarto die defervescentem, naturam & genium suum repetuisse. Nam alias continua prima periodo in intermittentem cedere solet, sed heic id tertia de numeris periodo factum, procul dubio & medici & ægrotæ culpa, quæ in ipso etiam morbo vinum habuit in deliciis. Id vero etiam notatu dignum, quod tertianæ paroxysmi non diu durarint, siquidem per priorem morbum jam corpus a pravis succis satis liberatum.

OBSERVATIO VII.

Senex septuagenario major, macilens, sanguinis missionem nunquam per omnem vitam passus, a morbis etiam in fene gravioribus immunis, nisi quod interdū vere & autumno coryzæ & tussim humidam experiretur, Febr. mense, quo frequentes erant synochæ catarrhalles.

Febris ardens in fene ex malis curatio ne funere

les, febre correptus est vehementi, cum pulsu magno, subduro & veloci; adfuit sitis magna, & somnus defuit. Medicus consultus marasmum senilem esse putavit, ideoque sanguinem non misit, sed ad sudorem movendum dedit tincturam bezoardicam & mixturam simplicem, pro potu suavit decoctum ex sarsaparilla uncis duabus, radicis chinæ, scorzonerae, cichorii & liquoritiae ac corticis cinnamomi uncia, corticum citri uncia dimidia, & ad fauces aridas mulcendas linctum præbuit ex mucilagine seminis cydoniorum cum syrupo violarum. Sed nihil his profecit ac morbus in dies potius exasperatus. Undecimo morbi die vocarunt me, ubi ægrum offendit viribus penitus exhaustum, miro ardore æstuante, cum lingua arida, fissa, nigra, & facie fere Hippocratica, conquerentem præterea de ventris terminibus & alvo fluxa. Candide igitur adstantibus illico edixi, inextinguibile esse incendium internum, ægrum moriturum brevi, quod etiam decimo tertio die factum.

Epicrisis.

Febris hæc fuit ardens, ex summo æstu, siti magna, lingua arida somniisque defecitu cognoscenda satis. Est autem hæc senibus plerumque fatalis: multum tamen differt ab ipso marasmo senili. Hæc enim hecticæ species, mitiori æstu stipatur, diutius trahitur, nec intra 14. dies necat. Censendus autem merito medici error, qui præter sanguinis missionem, statim diluentia & humectantia cum, leniter diaforeticis & nitrosis exhibere debuisset. Sic enim intra paucos dies, vasculorum minimoram a lento in senili corpore sanguine obstructiones, quæ inflammationis causa, facile tolli potuerint ratione. Notandum præterea ex hoc casu, linguam nigram in ardente febre plerumque præfigire inflammationem in partibus internis, quæ heic in ipsis fuit intestinis. In senibus enim ardentes

Tom. IV.

non facile transeunt in meningum, sed potius in intestinorum inflammationem. Lingua igitur inspectio his in febribus admodum necessaria, quam etiam Hippocrates multum commendat, qui Coac. cap. 7. habet effatum, quod in nostrum apprime quadrat: *lingua, quæ initio morborum rigiduscula est, sed in calore manet, labentibus inde diebus exasperatur, livescit, & fit hiulca, mortisera. Ac certe calamitosissima est, nigra & virulenta.*

OBSERVATIO VIII.

Fœmina generosa 30. circiter annorum, cholericæ, vegetæ ac sensibilis naturæ, facie floridæ, sanguine turpida, ruri degens, post ingesta incongrua multa, iram & nocturnam refrigerationem, nanciscebatur febrē cholericam. Erat quippe æstus magnus, anxietas cardialgica, siti vehemens, extremonum refrigeratio corporis jactatio, per vomitum cerebrius viridissima, & per ani secessum etiam liquida biliosa multa ejiciebantur. Remittebant quidem paulo post hæc pathemata quoad vehementiam, cutis incalefcere & madescere incipiebat; remanebat tamen magna debilitas, cum pulsu languidiori ac celeriori, omniaq; assunta vomitu reddebat. Tertio etiam die, post levem inhorrescentiam, dicta symptomata redierant eadem vehementia omnia. Acciperat a medico pulveres ex lapidibus cancerorum, tartaro vitriolato & nitro, sed ab eorum usu majora in prima regione persenserat incommoda: hinc post tertiam accessionem me vocare jussit. Veni, ægram mire debilitatem & magnopere conquerentem offendit, quod nil neque ex medicamentis, neque alimentis retinere posset. Expensa igitur morbi natura & causa, vomitum, qui semper viridescens erat, a motu non tantum ventriculi, sed etiam ductuum biliariorum intensiori & spasmodico-convulsivo, compendium institui, & ob id liquo-

N 3 rem

rem meum anodynū mineralē, ter-
nis singulis horis, ad 10. guttas in di-
mīdia uncia aqua florū tilię frigide ex-
hibui. Sedata inde ventriculi subver-
sione, dedi emulsionē & ptisanam,
quam retinuit. Tertio die post redie-
runt quidem symptomata cum deje-
ctionibus, sed longe miriora fuerunt.
Insti itaque diluentibus, emulsivis, li-
quoris anodynī & pulverum absorben-
tium leniter nitroforū usū: noluit ta-
men penitus discedere accessio febris.
Hinc post nonum demum paroxysmū,
descendi ad usum electuarii antifebri-
lis ex cortice chinæ, floribus chamo-
millæ, rob' lambuci & syrupo acetosita-
ris citri. Quod quidem ne fieret, clam
dissuasit primus medicus, ex eorum
censu, qui chinæ corticem frustra per-
horrescant, feliciter tamen sublata fe-
bris & ægra perfecte convaluit.

Epicrisis.

Recte dicenda hæc febris cholérica
& quidem tertiana continua. In cuius
curatione omnium maxime agendum
id medico, ut humores acres caustici,
primis in viis hospitantes, cicurentur,
& obtundantur, simul atque ductuum
biliariorū, nec non ventricali motus
spasmatico-convulsivus, bilem conti-
nuo extundens, sifflatur, quo vomitus
& sedes compescantur. Sic tandem ad
febrilem etiam motum coercendum,
sine danno per quam commode dari
possunt specifica.

Notatu dignum exemplum legas in
Consil. Med. tom. 2. Sect. 4. cas. 198.

C A P U T III.

De Febre Stomachica Inflammatoria.

Theses Pathologicæ.

§. I.

*Ex infir-
matoris
particu-
laribus
stoma-
chica.* **D**antur febres ardentes & acutæ
universales, ubi totum corpus
equaliter magno æstu & ardore sicco
afficitur, propter inflammatoriam,
in minimis vasculis, vel obstructis, vel
spasmo constrictis, statim, cujus ge-

neris sunt descriptæ modo synochæ &
ardentes. Dantur vero etiam arden-
tes particulares, quæ a certarum
tantum partium, præsertim internarum & sensibilium, inflammatio-
ne oriuntur, & magno cum dolore,
ardore interno, æstu, ac functionum
vitalium laſione stipantur, neque mi-
nus periculi alunt, quam quæ uni-
versum corpus occupant. Has inter-
præcipua fere & frequens admodum,
parum tamen a medicis notata est il-
la, quæ in ventriculi & intestinorum
substantiam cadit, veteribus epiale
& liperia dicta.

§. II.

Est igitur stomachica febris, passio *Eius de-
finitio.*
acuta, ardens & inflammatoria, o-
riunda ab inflammatione nervosæ &
membranaceæ ventriculi substantiæ,
universum nervosarum partium syste-
ma afficiens, & ob id admodum peri-
culosa.

§. III.

Symptomata, individui ipsius co-
mites, e quibus, ceu pathognomoni-
cis signis, cognoscitur, sunt vehe-
mens internum incendium, summa
anxietas, dolor gravis tensivus in
præcordiis, maximeque scrobiculi
cordis regione, sitis magna, vigi-
lia, inquietudo, corporis jaſtatio,
extremorum refrigeratio, pulsus sub-
durus, contractus & frequens, vel
etiam inæqualis, spiratio difficultis,
creber conatus vomendi, & doloris ad
omnia assumta, maxime irritantia,
& medicamenta, exacerbatio.

§. IV.

His etiam distinguitur ab aliis, *Differen-
tia.*
quæ in stomachum cadunt, passioni-
bus. In cardialgico quippe dolore,
sive cardiaca veterum passione, pa-
riter quidem magna circa præcor-
dia anxietas, dolor pressorius & a-
cutus, usque ad dorsum pertingens,
extremorum refrigeratio, affidus
ad vomendum stimulus, corporisque
inquietudo, sed in ventriculi regio-
ne ardor non tam impensus, nec tan-
ta sitis & linguae ariditas, neque e-
tram

tiam pulsus tam celer & contractus; melius quoque ferre posunt ingesta tam alimenta, quam medicamenta, spasmus, quam inflammatione ventriculi affecti. Erosio dein stomachi, quae sèpius biliosas febres, cholera-morbum, item iracundiam, excipit, caret febre, non tam subito infestat, sed successive, per intervalla tantum ingravescit, neque dolore tam arden-te stipatur & diutius trahitur. Quæ autem in intestinis consistit inflam-matio, habet termina circa umbili-calem magis regionem, cum crebris dejectionibus fecū spumosarum bilio-sarum, aut leviter cruentarum, æstus quoq; totam corporis superficiem, cum pulsuam celeritate & magnitudine oc-cupans, major est, ac si ventriculus in-flammatus, ubi extrema, manus, pedes & nasus, magis frigescunt.

§. V.

Causæ proxime. Causa inflammati ventriculi est sanguinis stasis, non tam in tubulis arteriosis & venosis, qui sanguinem ordinario vehunt, quam potius in lateralibus, qui ob angustiam diametri, non rubicundos sanguinis glo-bulos, sed tantum tenuem lymphaticum humorem secundum naturam admittunt. Hinc etiam partis inflammatæ rubedo derivanda. Ardor vero & flamma quasi in ventriculo sensus fit, dum, partim affluens jugi-ter sanguis per canales semi obstructos, vel constrictos, majori celeritate fer-tur, partim etiam libero transitu ex-clusus ad ramos ampliores regurgi-tat, ibique crebriorem diastolen facit ac systolen; unde magna accidit par-tium sulphurearum attritio mutua & calor maximus, qui eo sensibilior, quo magis exquisiti sensus membranæ ventriculi nervosæ, in quibus consistit. Et dolor junctus tribuendus pressioni membranarum nervearum a minimis æque ac majoribus vasis nimirum distentis, quæ inter tunicas nervoso-membranaceas collocata.

§. VI.

Quod autem liber & æquabilis

sanguinis cursus, per minima arte-
riarum & venarum intercipiatur, *Cause anteceden-*
tisque in exiliora aquosi tenuis humo-
ris receptacula præter naturam im-
pingatur, dupli ex causa accidit.
Una, quando extrema arteriolarum
venis connexa, a lentis, crassis &
glutinosis sanguinis particulis obstru-
untur; altera, quando vehemens fi-
brillarum nervearum stræcta & spa-
stica crispatura, capillares subtilissi-
mos canaliculos, potissimum arterio-
los, plus justo angustat atque coarctat.

§. VII.

Ob id in proclivi est judicare, ven-triculum perquam facile posse inflam-mari, si sanguis, crassus præsertim & glutinolus, vehementiori corporis, aut animi, ab iracundia, commotio-ne, balneis nimis calidis, potu spirituosorum & medicamentis sudoriferis exæstuatur, in vascula minima & an-gustissima impetuose impellitur, a potu autem superingesto frigido in-carceratur & ad stasin cogitur. Neque minus facile patet ratio, quare vene-na corrosiva, infame potissimum ar-senicum, acriora item emetica sibia-ta, nec non cathartica valentiora, stomachi inflammatione cito interfi-ciant, dum caustica sua virtute ner-veas fibrillas stringunt, vascula co-arctant, sanguinisque progressum si-stunt. Eadem ob rationem ventri-culi inflammatione pereunt, qui pe-ste, ardentibus, cholericis & dysen-tericis febribus, item ex vehementi-ira, assumto potu frigido, vel porre-eto emetico, aut purgante, moriun-tur. Idem accidit iis, qui variolis, morbillis, petechiis, purpura, po-dagra & scabie retropulsis decedunt, in quibus materia subtilis caustica ad nervosas ventriculi membranas rela-plsa, spasmodum & constrictionem ve-hementem vasculorum inducit, san-guinis cursum sufflaminantem. Opi-piata autem & narcotica, non alio modo, infirmos præsertim & de-biles, necant, quam quod motri-cibus nerveis fibris stuporem infe-

rant, sanguinisque progressum sic si-
stant.

§. VIII.

Differ-
gradu. Pro differente tamen harum causarum indole & agendi potentia, differt quodammodo inflammationis gradus. Nimirum, quæ a potu frigido corpori æstuanti ingestu, item a bile per iracundiam commota & copiosius in duodenum effusa suscitatur, mitioribus stipatur symptomatibus, non tam facile necat, diutius trahitur, & datis inter initia congois remedii promptius obsecundat. Seviora vero & periculosa sunt pathemata, quæ a venenis causticis, ab emeticis acrimonibusque drasticis inferuntur, & celeriter jugulant, nisi cito efficacia opponantur præsidia. Et omnium deterima illa est inflammatio, quæ senibus, infirmis, scorbuticis, & diurno mœrore confectis, item in fine acutorum morborum accidit, ob succorum vitiuminemendabile, & magnam vi-
rium impotentiam, medicamentis non tam facile reparandam.

§. IX.

Eventus
funestus. Sed quando irrequieta est corporis jaætatio, potus ingestus eructatur, singultuosa ventriculi & diaphragmati convulsio accedit, animus deficit, facies comparet Hippocratica, pulsus intermittens est, mens emovetur, & artus convelluntur, funestum denuncians ex inflammatione sphacelosa fa-
cta eventum. Tum enim secto post mortem cadavere, non modo ventriculus admodum rubicundus, & lumini obtentus copiosissimis ramusculis sanguine turgidis distinctus comparet, sed & interdum passim multis nigris maculis latis & parvis obsecessus, interdum in fundo cum duodeno & annexis biliariis ductibus ac pancreate, niger, fœtidus ac putris, interdum etiam flatibus mirum distentus atque oppletus conspicitur, fluctuantibus simul in ipsius cavo aliquot cochlearibus fœtidis & nigricantis ichoris.

CURATIO.

§. I.

Genuinæ periculosam hanc passio-
nem sanandi indicationes eo tendunt:
ut I. obstrunctiones, a tenacibus succis,
locis ac tubulis minus congruis im-
paetis, expediantur; II. ut vascula a spa-
sticis stricturis coarctata amplientur
& ipsi spastici motus componantur,
quo liber, æquabilis, & naturalis san-
guinis progressus per ventriculi sub-
stantiam restituatur. Quæ ut ex voto
obtineantur, commodissimam locant
operam diluentia, aquosa, hume-
stantia, demulcentia, antispasmodi-
ca, æstum qui fluida incrassat restin-
gentia, nec non fibras strictas rela-
xantia. Quum vero non una, sed plu-
res causa ventriculo inflammationem
inducere valeant, prudentia medice-
et, pro diversitate cauarum ad eas re-
movendas medicationem dirigere, sin-
gulisque præsidia opponere congrua.

§. II.

Igitur, quando ab assumto veneno *Acrimo-*
caustico, septico, arsenicali, vel acerri-
næ cau-
mo purgante, emetico, mercuriali,
scorbuticis,
*aut metallico medicamento male pre-*obstrun-*
parato, inflammatio accedit, non denda.
certius, non tutius & celerioris effi-
cacia est auxilium, quam demulcentia,
oleosa, pinguis, lac scilicet, tremor
ipsius, oleum amygdalarum dulce,
nec non olivarum, crebro & in copia hausta. Horum enim ea est virtus,
ut tenuia causticorum intima fibra-
rum penetrantia spicula obtundant,
involvant & quasi inviscent, simulat-
que fibras rigidas & vasa coarctata la-
xent, sive spasmos horridos, in-
flammationis, symptomatum gravio-
rum, ipsiusque mortis causas, sistant.
Insuper hæc ipsa, mole sua ventricu-
lum ampliando, salutarem hunc sim-
ul exserunt effectum, ut motus pe-
ristalticus naturalis, a spasmorum ri-
gore sufflaminatus, restituatur, stoma-
chus ad vomitum permoveatur, &
cum hoc simul venenum dilutum
ite.*

iterum extundatur. Si a bile acri corrosiva, ut in cholera, metuenda est inflammatio, tunc terrea, absorbentia fixiora & inter hæc maxime ossa & cornua philosophice, ut dicunt, preparata, cum decoctis gelatinosis, ut pedum vituli & vervecis, gelatina cornu cervi, decoctum hordei, avenaceum, cum, vel sine lacte, item cum oleo amygdalarum dulcium, ex usu sunt. Quando porro ab iracundia vehementi obortus in ventriculo spasmus inflammationem minatur, nihil efficacius est pulvere absorbente nitroso, cum liquore anodyno alternatim dato, vel in aqua quadam antispasmodica, vel emulsione ex seminibus frigidis, aut papaveris albi. Postea composito spasio, ad educendas biliosas fordes, accommodatissima sunt rhabarbarina & passiflora.

S. III.

Materia exanthematica contagiosa discutenda. Quæ a retrocedente ex corporis superficie recrementitia acri materia imminet, vel jam inducta ventriculi inflammatio, depellitur optime emulsionibus ex semine cardui Marie, cardui benedicti, napi, quatuor frigidis majoribus, cum pulveribus bezoardicis temperatis, quibus subinde nitrum cum momento camphoræ addendum. Incomparabilem etiam his in casibus ad arcendas inflammations efficaciam exserit, liquor noster anodynus mineralis, spasticas stricturas resolvento, & dolores sine virium lapsu, vel torpore, quod aliis sedantibus opiatis solenne, sed potius refectione, complacans. In primis egregie se gerit liquor hic, quatuor partibus, cum una parte spiritus bezoardici *Buffi* remixtus, & parvis dosibus crebrius oblatus, ac dum stricturam solvit, sudore mque placi- dum movet, efficaciter materiam virulentam exanthematicam ab internis ad corporis superficiem agit. Si etiam miasma pestilentiale, aut aliorum contagiosorum morborum corpus sufficit, quod primo ac celeriter vim suam putredinosam & inflammatoriam ventriculo insinuat, illico lenis-

simus exhibendum emeticum, ac postea subjungendi pulveres blandi dia-phoretici, cum nitro & pauxillo camphoræ, vel oleum bezoardicum *Wedelii*, ex uncia olei amygdalarum dulcium, in quo drachma camphoræ soluta, ad octo vel decem guttas dandum. Et iisdem his discutientibus quoque depellenda inflammatio stomachi, quæ aliis acutis morbis in statu supervenit.

S. IV.

Præterea exterius diro huic malo omnibus modis obviam eundum. Sed improbo, quæ vulgo stomacho admovent calidiora, ut spiritus vini camphoratus, olea destillata in spiritibus soluta, emplastra quoque stomachica. Hæc enim calore suo humores stagnantes magis coagulant & exsiccant, quam discutiunt & in motum cient, eodem modo ac notum est, albumen ovi a forti calore indurari, a leni autem liquefcere in tenuem humorem. Quare ego quidem magno cum fructu multoties tepide tantum applicare jussi vesicam lacte cum floribus emollientibus & croco decocto plenam. Neque minus admodum proficuum censeo linimentum ex olei amygdalarum unciis duabus & camphoræ drachma, cum quo præcordia frequentius inungenda, & superius ponenda linte calida. Egregium quoque ad discutendum & sudorem movendum est epithema, ex acetiro facei uncis binis, spiritus vini camphorati drachmis duabus, essentiæ croci, castorei ana drachma, nitri drachma dimidia, compositum, & tepide præcordiis admotum.

Cautela & Observationes Clinicae.

S. I.

Venæ sectio certum quidem & effi- *Vene* cax remedium in inflammationibus *sectio* partium & viscerum, quæ copioso san- *non iu-* guine referta; sed ubi partes nerveæ ac *vata* fibrosæ valde sunt, secundum veteres fri-

frigidæ digestæ, cuius generis intestina, velica, & via urinaria, quæ vehementibus spasticis strictris patent, & ube- riorem sanguinis affluxum nō admit- tunt, vix ulus ullus, sed potius dampnum inde exceptandum. Ad declinandam autem ejusmodi inflammationem, si a dolore gravi colico & cardialgia, nec non post iram imminent, corpus valde est plethoricum, juvenile, & vini potui assuetum, inter initia statim cum fructu admittenda sanguinis missio.

§. II.

Anodynæ. Sic etiam cavendum est in periculo-
insecuro. So hoc affectu ab omnibus sistentibus, anodynis, & præsertim quæ opium ingreditur. Nam hæc, cum sudoriferis mixta, in principio quidem arcere pos- sunt inflammationem, quam atroces dolores ac spasmi minantur. Verum si adeat inflamatio, & paullo diutius jam duravit, perniciissima sunt, & mortem sphacelum inducendo, accelerant. Quin neque tunc liquor noster anodynus mineralis, longe tamen tu- tor opiatum, ex usu est, neque etiam ipsa nitrosa, quæ alias in principio egre- gie resistunt inflammationi.

§. III.

Frigida. Quemadmodum porro nihil aptius ad inducendam inflammationem fri-
& irrita- gido potu; sic etiam ad augendam si-
santia- jam adeat eandem, hoc nihil efficacius. Ob id etiam nitrum, quod liberalius sumtum admodum refrigerantis est natura, refracta dosis tantum, cum demulcentibus, lacte, vel emulsionibus, repetita vice dare expedit. In gravi autem cardialgico dolore, quem per- peram tractatum facile excipit inflam- matio funesta, sollicite cavendum ab omnibus irritantibus, maxime eme- tics, purgantibus, imo salibus sic dictis digestivis majori copia oblatis, quippe quæ spasmum magis inten- dunt, & malum exarcent,

§. IV.

Potissimum. Ira quoque gravis sœpe funestæ in-
que fa-flammationis mater, quando mox
sienda post eam cibis, præsertim minus fa-

lubris & difficilioris digestionis, inge- ritur, aut frigidus potus ingurgitatur. Hoc vero ubi accidit, ad arcendum malum in principio nihil conducibilius, quam elicere vomitum, non tam per valida emetica, sed aquam tantum tepidam, cum oleis ac pinguisibus mixtam, & largius potam. Sic novi quosdam post vehementem iram pessime habuisse, & in propinquuo suis- se inflammationem, usu tamen li- quoris nostri anodynæ, cum potu a- quæ tepidæ, rejectos esse humores bi- liosos copiosissimos & morbum discus- sum. Sed de his aliisque in fontico hoc morbo tenendis, pluribus evolvi po- terit dissertatio nostra, de inflamma- tione ventriculi.

ENARRATIONES
MORBORUM.

OBSERVATIO I.

Canonicum novi Halberstadii, ro-
bustæ constitutionis, attate adhuc flo-
rentem, sub sanitate integerrima su-
bito ac cito lethali ventriculi inflam-
matione affectum. Quum enim inter
rīas ac jurgia vehementissime ex-
canduisset, & paullo post vinum spi-
rituosum, quod vocant Sect, bibisset,
in sequenti statim die habuit pessime.
Incredibilis quippe circa præcordia
doles ipsum torserunt, cum mira an-
gustia & vomendi conatu. Ardor quo-
que ipsum excruciat stomachi, & in
ipso sensus fuit perquam molestus, ac
si inhæreret quippam, quod exitum
moliretur. Rogatum igitur a medico
consilium, qui promte vomitorium ex
sulphure antimonii aurato dedit: in-
de æger ter valide quidem, sed sine le-
vamine vomuit. Adaucta potius pa-
themata, pulsuum ictus parvi & fere
imperceptibiles facti, frigidusque su-
dor malo omniere erupit. Subsequan-
tis mentis emotio, accesserunt con-
vulsiones, & intra decem horas exceptit
ipsa mors. Cadavere disiecto, in ven-
triculo visæ maculae plures, nigrae par-
tim,

tim, partim rubrae, quarum nonnullae
altius in ipsa substantia consisterunt.

Ep i crisi.

Quantum valeat ira vehemens ad concitandos in ventriculi regione spasmos, haec uberioris docet historia. In primis hunc animi affectum excipit ut plurimum gravis in illa regione compresio, in qua pylorus ac duodenum sicutum habent. Quin ipse hic spasmus haud raro ad ductus usque biliarios propagatur, ac ut bilis effusio in duodenum impediatur, & ipsa succis reafundatur, facit. Hinc non infrequens observatio, iracundiae succedere iterum, cui *Sylvius* jam recte non aperi entia, sed anodyna & sapientia oppo nere suadet. Dum vero ira sursum etiam bilem trudit, os semper amaro sapore plenum, & constricto validius pyloro, vomendi fit conatus. Quum igitur tanta spasmorum post iram vehe mentia; ipsa sana ratio distat, vomitoria plane non convenire, eo quod teneras ventriculi fibrillas magis irri tant, & spasmos augendo ad inflammationem pandunt viam. Mors autem tam subita in nostro, non tam inflammationi, ceu cause proximae, adscri benda videtur, quam potius spasmus violentiori, qui totum systema nervorum & vasorum convellens, liquidi nervi influxum in cordis musculos etiam sufflaminavit, ita, ut quatuor mortem novissime antecedentibus horis, vix pulsationis vel igitur fuerit ob servandum. Illa igitur intoleranda anxietas, quæ tam vehementem ventriculi spasmum excipit, non tantum nervosarum partium præternaturali constrictio; verum maxime nimis distensioni dextri cordis ventriculi & arteria pulmonalis a nimis congesto sanguine debetur. Quod eam dolor est, a male affectis distentis nervosis membranis, id anxius etiam ille sensus, quando vasa sanguinea, præser tim circa cor & pulmones, valide didu cuntur, & præter naturam afficiuntur.

Quum itaque nimia sanguinis copia, a spasko ex partibus inferioribus ad ipsum cor, ejusque cameram & auriculam dextram compellatur, ab ipso quoque hoc spasko liquidi nervi sufficiens in machinam hanc motoriam, omnes vitales totius corporis humores circumagentem, influxus impediatur ac intercipiatur, quam facile intelligi potest mortis causa, quæ subinde tam subito, sine præcedenti sphacelatione, venenum assumptum sequitur.

OBSERVATIO II.

Balneator quidam ultra sortem, ut genius horum hominum, sciolus, feminae tertiana laboranti propinarat antimonii vitrum in substantia ad octo grana. Ægra assumto hoc, accidente febre frequentissime vomuit, discedente tamen febre, vomitus etiam & dejectio iterum constitit, sed restitut virium lapsus ingens. Redeunte tertio die febre ejusque comite indulso frigore, vomitus quoque & purgatio repetit, summo cum dolore in scrobiculi cordis regione, & anxietate tantum non intoleranda, remiserunt haec tamen iterum defervescente febre. Quum vero tercia fieret febris accessio, denuo etiam accessit vomitus, & comitem habuit dolorem stomachi omnium acerbissimum, & qui suprema instare non obscure significavit. Nec vana fuit suspicio. Paullo enim post summa inquietudo, extremonum frigus, animi defectio, artuum convul sio, ac postremo mors ipsa miseram feminam occuparunt. Apertum cadaver, inflammatam ostendit inferiorem ventriculi partem, maculis rubris & nigris passim, tam in duodeno, quam annexis intestinis, comparentibus. Et quod magis mirandum, virulentus vitri antimonii pulvis inhærebat adhuc tunicae crustaceæ, ut vel manibus mortis causa posset tangi.

Epi-

Epicrisis.

Similis fere est observatio, quam consignavit *Blaſius*, de puella quinque annorum, qua affumto croco metallo-rum, vehementissime vomuit, & convulsionibus demum perit, in qua ventriculus angustus & contractus reper-tus, ut vix ovum magnitudine æqua-er & vesicula fellea præter morem tur-gida. In nostra vero observatione per-quam dignum, quod vitri antimonii virulenta spastica stricturas excitans facultas conquieverit, accedente in paroxysmo æstu & febris fine, & quod vicissim frigore rursus ingruente re-cruduerit, & effectum vehementer vomitorium exseruerit. Sed notum habetur, accessionem febrilem cum frigore & horrore spasmodis deberi, qui ex spinali medulla veniunt, totumque genus nervosum, atque adeo etiam ventriculum, afficiunt. His contrarius est motus ad exteriora tendens sub æstu, qui ob id spasmorum & convulsio-num quasi antidotus. Quod autem post paroxysmum quieverit operatio ve-ne-ni, in universali lege motus micro-cosmica rationem habet positam: scilicet valde vehementem, & diutius persistentem spasticam fibrarum stri-cturam excipere ejusdem partis affec-tæ resolutionem & atoniam, sub qua actio veneni est frustranea. Ut adeo pateat, ad actionem veneni, æque ac medicamenti activi, requiri partium vitalium ad motum dispositionem.

OBSERVATIO III.

Immi-nens ex ar-senico ventri-culi in flammato-di-scussa. Hospes quidam admiscerat juscule ex errore loco sacchari arsenicum, id-que apposuerat convictoribus suis, quorum plurimi generosa, & nobili-flirpe sati. Vix degulstarent jus, quum omnes pectore angi inciperent, circa stomachum dolere, cum labiorum tre-more & vomendi conatu. Advocarunt illico me, veni, & cognita mali causa, copiose ingurgitare jussi lac cum oleo amygdalarum dulcium. Vonuerunt

inde per dimidium diei strenue, qui-dam vel centies, semper tamen denuo ingerere jussi lac, donec nihil amplius veneni supereffe videretur, & vomitus quiesceret. Sic evaserunt plurimi brevi & explicita ratione præsentaneam mortem; nonnullis tamen, qui lac & oleosa justo parcus potarent, emollientes adhuc, & oleosos clysteres ad-hibere fuit necessum.

Epicrisis

Optima & præsentanea veneni anti-toxus heic ex simplici, vili & dome-stico deprompta. Certe vix cuiquam credibile foret, in lacte & oleo tam notabile latitare virtutem, nisi ex-perientia ita omnino esse demonstra-ret. Ea enim mentis humanae indeoles, ut exoticæ, pretiosa, & ægrius obti-nenda capter atque velit, domestica autem, parabilia, ubivis obvia, & vilia negligat & contemtui habeat. Sed divina sapientia abjectis hisce longe nobiliorem & fructuosiorem indi-dit facultatem medicam, ac magno pre-tio, labore & artificio comparandis. Norunt sane in arte exercitati, sim-plicem aquam calidam, vel frigidam, lac, serum lactis, olea expressa, acetum, nitrum, terrea absorbentia, salia mi-neralia, ubivis reperienda, optima adversus longos, graves, atque rebel-les morbos esse præsidia.

OBSERVATIO IV.

Serenissimus Princeps, ætate flo-rens, sanguine & succis plenus, vi-num potens spirituosum liberaliter potarat, postera die corpus sub ve-na-tione ad sudorem usque largum ve-he-menter commoverat, sicque æstuans & sitiens magnum cerevisiæ haustum ingurgitarat, frigidæ quoque auræ corpus exposuerat. Inde mox conque-stus est de horrore, languore, inter-no ardore, vigilia & inquietudine, cum vomendi conatu. Medicus acci-tus, tertianam intermittentem, tum popularem, subesse ratus, porrexit vomitorium, ex tribus tartari emeticci gra-

gravis. Hoc assymto ter vomuit maxima cum anxietate, quæ certis intervallis ita increvit, ut nullibi subsistere ac detineri posset. Aderat præterea virium prostratio maxima, ut non sine animi defectione erectus esse posset, pulsus emicuit languidus, irregularis, interdum celer, ex ore spiravit halitus mirum fetidus, mens tamen exacte sibi constitit. Nocte mortem antecedente incessit ipsum horror ingens ac frigus, accesserunt convulsiones, & septimo die syncope quasi correptus obiit. Sectum est post mortem cadaver, in quo ventriculus ferme totus visus inflammatuſ, & in ipsius cavo, quod omnium rarum, aliquot cochlearia fetidi & corrupti sanguinis, ipse etiam stomachus expansus, & corruptioni propinquus, ut ad levem attactum ipsa substantia dehisceret. In venis, & maxime separata ab hepate cava, nullus fere sanguis repertus. Lien & sinistra ventriculi pars, cum pulmonum lobo sinistro, tota corrupta, nigricantia & foetida. Quumque spongia putridus ichor abstergeretur, is adeo infecit spongiam, ut tota atro & nigricante colore imbuatur, nec calida, nec frigida detergendo.

Epicrisis.

Patet igitur, brevi tempore sphacelosa corruptione infici posse viscera, ut heic ventriculum, lienem & lobum pulmonum sinistrum, quæ atro colore & foeridissima corruptione nares inficte feriente infecta. Sine dubio tamen, ventriculus primum sphacelatus, viscera infecit reliqua. Ad generationem autem hujus morbi fecit non tantum haustus largus frigidus corpori calenti immixtus, verum etiam improvida emetici assumptio. Nunquam enim certius & gravius damnum a vomitorio metuendum, quam si ventriculus & intestina graviori spasmo, vel inflammatione affecta. Mineralia quippe emetica virulentia quippiam alunt, quo in convulsiones & spasmos

ventriculi, & totum nervosum genus abripiunt. Hinc pessime agunt medici, qui tam temerarie ad iporum usum descendunt, antequam sedem, vel causam morbi exacte scrutati. Quod si enim post usum ejusmodi pharmaci symptomata ingravescunt, & ventriculus deprehenditur inflammatuſ; iusta omnino hæc conclusio: inflammatio aut jam ante emeticum fuit, aut non; si fuit, male datū emeticum; si non, subsequuta symptomata inducunt eam esse testantur. Internas demum partes esse inflammatas recte conjiciendum, quando virium magna est prostratio, ut ægri facile animo deficiant, quando evanescente ardore exquisito, conqueruntur de sensu frigoris circa præcordia, & saliva subinde eructat in os; quando borborygni, & meteorismi sensu percipiuntur ab assumptis liquidis in abdомine; quando demum oculos ob debilitatem claudunt subinde, & dormire videntur, postea vero de majori debilitate & anxietate conqueruntur.

OBSERVATIO V.

Femina quinquaginta, & quod ex-
currit annorum, sanguineo-plegmati-
ca, corpore spongiosa & animi sic satis
sedati, omiserat ab aliquot annis sue-
tam alias sanguinis missionem, vitam
quoque coluerat maxime ex parte se-
dentariam, & tamen appetitui largus
paullo indulserat. Hæc gravius irri-
tata corripiebatur ira, & post hanclan-
guorem persentiebat virium cum in-
appetentia. Post aliquot dies denuo
iracundia commovebatur, simulque
assumebat intrita panis cum cerevisia
frigida. Inde mox horror ipsam inten-
sit, insequenti nocte ardor intensus,
præcordiorum anxietas, inquietudo
& punctorius in stomachi regione do-
lor, ad dorsum usque excurrens, ru-
tibusque exitum preeludens. Me-
dici morbum colicam esse autumantes
carminativa cum anodynis dederunt.
Perseverarunt autem anxietas pro-

cordiorum cum maxima inquietudine per totum morbi decursum , intervenierunt subinde convulsivi quidam motus,cum manuum tremore , aquosus humor in os eructatus , & pulsus antea celer ac fortis, in debilem & inæqualem mutatus. Quarto die neque de æstu , neque etiam de ardore , sed tantum de siti , & maxime quod exquisitum frigoris sensum in cordis regione pateretur , conques ta est . Hinc frigidum non appetit potum , sed calidum semper , maxime infusum theè sorbillavit , ex quo tamen pejus semper habuit . Quieta quidem semper jacuit dormire visa , non tamen dormivit , mens sibi constituit , debilitas autem magis magisque increvit , alvus sine clystere dimisit nihil , nec ullum medicamenta exseruerunt effectum . Septimo potius die accessit singultus , nono refrigeratis prius extremis , per aliquot horas sine sensu jacuit , ac demum placide exspiravit .

Epicrisis.

Nullum omnino est dubium , quin morbus hic confederit in ventriculo . Hujus quippe nervoso membranacea substantia passa est inflammationem , ex præcedente repetita iracundia , & superingesta frigida cerevisia . Et quoniam corpus fuit cacochymicum , succis crassis & impuris plenum , promta in ipso fuit staseos sanguinis genesis . Factam autem esse inflammationem , horror , æstus , anxietas præcordiorum , dolor pungitivus in stomacho , ructus interclusi , & accedens demum singultus luculenter arguunt . Lentius tamen processit & increvit inflammatio , ac demum in sphacelum concessit , quem frigoris in præcordiis sensus , summa debilitas , pulsus languidus & singultus prodiderunt . Notandum enim inflammationem lentius , vel celerius progreedi , pro corporis differentia & differentie causarum vehementia . In sensibilioribus quippe , & post venenum citissime fit & citissime decurrit ; in phlegmaticis autem , senibus , ex iracundia , & refrigeratione lentius ser-

pit & septimo demum , decimo & longius die necat . Nihilominus cita semper opus est ope , eodem modo ac in sphacelo exterius imminentem . Neque ea propter dubitandum , quin in nostra etiam , adhibitis tempestive congruis præfidiis , funestus averti potuisse eventus .

OBSERVATIO VI.

*Ex votis
mitorio
& sale
purgante
te post
iram
mors.*

Vir , circiter quinquagenarius , sanus , robustus & integer , post iram gravissimam , mox afficiebatur tremore , purgante horrore ac refrigeratione extremonrum , cum ingenti præcordiorum anxietate viriumque dejectione , noctem etiam sequentem , iisdem symptomatis adhuc persistentibus , transigebat , nauseam percipiebat continuam & vomendi conatum , una cum labiorū tremore & oris amaritie . His jaclitus ab advocato medico importune flagitabat vomitorium , qui primum illud dare renuit , vietus tamen continuis precibus , porrexit . Sed quia sumto hoc bis vel ter tantum cum summa anxietate , & difficultate pauca biliosa , & mucosa vomuerat , ad uberiorē evacuationem aliam postulavit dosin , quę ipsi etiam concessa : hinc autem non ita multo post in deterius versa sunt omnia . Adfuerunt quidem singultuosi ructus continui , sed nihil rejiciebatur , affixit præterea inquietudo summa , oppressio , spirandi difficultas , intollerabilis ardens , & anxius dolor in epigastrio , cum ex tremorum refrigeratione , pulsu parvo , & non nihil intermittente . Petitum tandem a me auxilium , qui accedens , ægrum extremare agentem inveni , ob spasmodorum vehementiam , quę omnes fere corporis nervosas sensu & motu vacantes partes occuparat . Hæc videns , expendi mecum , & quum a sumto veneno arsenicali eadem symptomata obortalargiori lactis & olei cuiusdam expressi potu felicissime sublata , laborantes que tantum non e mortis fauibus erexit , cognitum haberem , pariter lac bu-

bubulum tepidum, successive, at copiose, bibendum, suasi. Inde insigniter quidem atrocia hæc symptomata conquiescere & per noctem remittere visa, mane autem ipse æger, inscio medico, unciam unam salis Ebshamensis ad aperiendam, que firmiter clausa erat, alvum, statusque, & anxietates discutiendas sumisit, pessimo vero successu: symptomata quippe priora reverfa omnia, atrocia longe majori, ut assuntis licet analepticis antispasmodicis, animam, intra tertium a sumto primo emeticō diem, esflaverit.

Epicrisis.

Vel hanc ob causam commemorabilis hæc observatio, ut medicorum quisque inde discat, innocens alias remedium emeticum sibiatum, moderatori dosi, uti tartarus emeticus ad duo grana datus, pro certa dispositione spasmatica ventriculi, & partium nervosarum, veri veneni vim habere, & lethalem effectum exserere posse. Quamobrem circumspectus quilibet medicus, non tam promptus sit ad dandum ejusmodi pharmacum, sed prius scrutetur cum cura corporis ægrotantis cum ventriculo dispositionem ipsamque morbi causam urgenter. Deinceps illa quoque utilissima cautio ex funesto hoc casu elicienda: salia neutra, eaque amaricantia, ut sal Egratum, Ebshamense, Sedicense, ad deducendos efficaciter, & sine molestia per alvum vitiosos humores egregia, tali in casa, ubi primæ vię spasticis stritutis tenentur, neutquam esse proficia, ut potius noxam possint inferre, & gravissimam, & præsentissimam. Sed hanc in rem plura jam attuli in

Ventri-
culi, duo-
denis, pul-
monis
dextri,
diapbra-
gmatis
inflam-
matio-
nethalit.
Diss. de medicina emetica & purgante

OBSERVATIO VII.

Juvenis viginti annorum, Iuris Stu-
diosus, sanguineo-cholericus, macilens-
tus, & in iram levii ex causa proclivis,

ebrius ex largo vini potu rixas habuerat cum quodam, ac sub his excanduerat vehementissime, postea vero sub celo algidissimo vesperi trahita vestitus fuerat. Domum delatus, prævio horrore, incidit in astum gravem, in quietudinem, præcordiorum anxietatem, ardore & pectoris in dextro latere dolore, cum magna spirandi angustia, & pervigilio. Irrito usurpati nonnullis, tertio die secta vena & sanguis extractus crassus ac niger. Nihilominus de internorum ardore perpetuas habuit querelas æger, ac simul ac quicquam assuntis, illico gravem persensit dolorem, screatu materia m cruentam ejicit, pulsus fuit celer, debilis, quandoque plane intermittens, & incremente indies virium lapsu, septimo die e vita discessit. Sub extispicio mox post mortem cadaver abominandum expiravit foetorem, & scrutinibus mortis causam ventriculus sese obtulit mirum tumidus, inflammatu, ac in fundo, cum ipso pyloro ac duodeno, niger, corruptus & putridus. Dexter quoque pulmonis lobus sphacelatus comparuit, & foeda putrilagine affectus, una cum diaaphragmatis portione gibbae partis hepatis.

Epicrisis.

Quantum ebrietas, gravior ira & impensior corporis refrigeratio valeant ad labefactandam sanitatem, sphacelum visceribus internis inducendum & brevi necandum, hic utique testatum facit casus funestus. Certe vix fortissimum venenum tam deletearium obtinet facultatem, ut tam cito tantam corruptionem sphacelosam invehere queat. Sed adeo nonnunquam in transversum aguntur mortales, ut cupiditatibus pravis obsecundando vitiaque sectando, mortem sibi procurent ipsis, tanto certius, quando tria, ut heic, simul uno tempore concurrent atque conspirant.

C A P U T . IV.

De Angina.

Theses Pathologicæ.

§. I.

Angina definitio.

Angina est inflammatio faucium, juncta cum ardente dolore, tumore, rubore, respirandi vel etiam deglutiendi difficultate & febre, orta a sanguinis, vel seri viscidri acris, in sanguineis, vel lymphaticis tubulis stasi, periculi non expers.

§. II.

Sedes.

In dignotione hujus morbi, locus ubi consistit, in primis notandus. Est autem sedes in fauibus, maximeque iis partibus, qua pharyngem & laryngem occupant & constituunt. Heic occurunt plures numero, & maximi usus ac sensibilioris indolis partes: radix scilicet linguae cum osse hyoide, narium foramina in os hiantia, cesophagi initium, musculi pharyngis, item laryngis interni, & externi, quorum numerantur tredecim, glandulæ porro majores & minores, tonsillæ, musculi maxillas moventes, vasorum sanguineorum & lymphaticorum, nec non teneræ nervorum propagines,

§. III.

Est vel interna, vel ex serua.

Prout igitur inflammatio alias atque alias ex his partibus tangit & occupat, gravior, vel levior est, & varia etiam sortitur nomina. Nimirum vetustissima est distinctio anginæ generalis in interiore, sive manifestam, & occultam. Illa in interioribus nervis & musculosis faucium tunicis consistit, & ob id neque in collo exterius, neque in ore, quantum visui patet, tumor & inflammatio conspicitur, sed ardor internus, febris acuta, in graviori casu non modo spirandi, sed & deglutiendi difficultas, multumque periculi subest. Aretæus ita tamen describit, lib. I. cap. IX. lingua extra dentes & labia prominens, saliva effunditur,

pituita crassissima, facies rubicunda & inflata, oculi exserti, patentes, valde rudent, potus in nares refunditur, dolores acerbi sunt, sed strangulatione vexati, eos obscurius sentiunt, pectus & cor ardent, frigidi aeris desiderium adest, & admodum exigue inspirant, eo usque donec dum intercluso pectoris transitu strangulentur. Externa autem magis in oculos incurrit, & occupat potissimum musculosas & glandulosas externas partes, amygdalas, linguæ radicem & uulam, facilis quoque discutitur.

§. IV.

Cynan-
che syna-
plenissima esse solet ea, que internis che.
laryngis musculis insidet, & in qua exterius non rubor, nil circa cervicem aut collum observatur, sed interne ardens dolor urget, & ob angustatum alpare arteriæ caput, vox non modo supprimitur, sed & spiritus difficilis redditur, quin quandoque plane præcluditur, & quidem tam celeriter, ut observatorum fide, haud raro intra viginti quatuor horas, vel tertio die necet. Græci hanc vocant cynanchem. Quæ autem ipsis synanche audit, internos pharyngis musculos occupat, pariter sine conspicuo externo tumore & rubore, majori deglutiendi, quam spirandi difficultate stipatur, sed ingestâ plerumque cum impetu per nares reduntur. Sed quando tumor, & rubor oculos & tactum incurrit, inflammatio, rafsynæ che. quæ externis pharyngis musculis incombis, paralynanche, quæ autem laryngis, paracynanche a veteribus appellatur.

§. V.

Deinceps a practicis angina distinguitur in veram, sive exquisitam, & nothiam. Vera oritur a sanguinis stasi, spuria vero magis a congestione seri, quam sanguinis inflammatoria, in fauibus & colli internis. Illa morbus acutus est, nunquam sine rigore & fe-

& febre, hæc autem juncta habet febrem plus lymphaticam, & catarrahlem, quam acutam. In exquisita non modo dolor ardens & pungitivus circa interiora faucium observatur, sed & lingua sanguine turget, obscuro rubicundo colore tincta, facies simul rubet, arteriae temporales valide pulsant, quandoque cephalalgia, sopor, vel sensuum torpor jungitur, quandoque lipothymia accidunt, quin, si gravior, spiritus difficulter trahitur, anxietas est maxima, inquietudo, & extremonum refrigeratio. Citam hinc poscit open, multumque periculi alit. Sed in spuria gravia hæc pathemata partim plane absunt, partim mitiora adsunt, minus etiam periculi, si rite tractetur, metuendum. Distingui porro angina potest in siccā & valde ardētēm, & humidā aut valde mucosā. Illa sit a sanguine, cum febre valde acuta, uti dictum de vera. Hæc autem magis chronicā est, febribus catarrhalibus associatur, cachecticis & scorbuticis familiaris est, atque etiam linguam & fauces crasso viscido muco cum oris fæctore obducit.

S. VI.

Differet a Omnes hæc anginae species merito prunella discernendæ ab aliis faucium affectibus. Vera quidem & sicca non permittandæ cum illa inflammatione oris & œsophagi mucosa, quæ vocari solet prunella alba. In hac enim muco albo tota faucium regio & lingua oblinitur, lingua fissuras dolorificas contrahit, & junctus est simul magnus ardor, qui usque ad præcordia pertingit, propterea que Germanis audit die Hertz Braune. Malignis hæc saepè accedit febribus, omne plerumque malo, quia præstent arguit ventriculi & œsophagi inflammatiōnem. Neque etiam omnis faucium inflammatiōnēt angina, sed ea tantum, quæ cum spirandi & deglutiendi difficultate juncta. Hinc multum utique ab ipsa discrepat levior inflammatiōnē collī, & internorum in fauclib⁹, cum tumore & dolore glandularum, quam nostri dicunt, die hosen

Tom. IV.

Halse, quæ frequens admodum est scorbuticis, nec non si malum contumax cum erosione, lue venerea affectis. Vera quoque & interna angina discernenda a solennibus foeminis hysterics & hypocondriacis spasmis, qui faciem constringunt, & respirationem æque ac deglutitionem reddunt difficilem. Hi enim sine febre sunt, mox remittunt atque recedunt, atque etiam discuti possunt facile. De ab aphor. angina differt ab ardētēbus illis & dolentibus in lingua pustulis, quas dicunt aphthas. Etenim in angina dolor & ardor latius se diffundit & vicinas partes simul in consensum trahit, aphthæ vero certas duntaxat partes afficiunt, quibus pustule cum dolore, & rubore insident, neque tam familiarem habent comitem febrem, quam angina.

§. VII.

Causa igitur angina proxima stasis, *Causa* vel quandoque congestio seri inflammatoria in faucium internis eveniens, ad quam inducendam faciunt multa. Scilicet observatione constat, eandem frequentius incurrere, quibus evacuationes sanguinis spontaneæ per narēs, uterū, hæmorrhoides, aut lochia, suppresa, aut omīsæ artificiales, per scarificationes, vel venarum lectiones. In his certe promta ipsius genesis post impensiōrem sanguinis commotionem, sive per potū spirituolum inebriatēm, sive per validam corporis exercitatiōnēm, veletiam nimiam vociferatiōnēm, præsertim in aere frigido factam. Observavi quoque a surato fortiori sudorifero, admīsiō mox aere frigidiori, item a balneo nimis calido, post haustum potus frigidij, inflammationis anginalē initia, quæ tamen adhibitis congruis internis & exterioris remedis, feliciter mox discussa. Neque minus frequens angina generatio admissis in fauces acribus, fibras vasaque irritantibus impensis & constringentibus. Sic experientia teste, funesta saepè fauclium inflammatio accidit his, quæ conclavia calce recenter inducta in-

Leviori
inflammationē
mari-

habitant, in iisque dormiant, quo quidem aliquando plures simul infantes eneunt esse ego novi, ac idem notabiliti exemplum confirmat *Tulpius lib. III. cap. 41.* Eadem inflammantem venenis causticis inesse facultatem, inter omnes constat. Ex purgantibus, elleborus albus specifica quasi indole petit fauces, & strangulationem facit. Argentum vivum, praesertim male ex ipso preparata pharmaca, fauces male afficere & inflammare pariter constat. Et idem quoque de solano furiolo, nec non morsu canis rabidi accidere, medicorum testantur observata. In primis arsenicalium etiam & mercurialium mineralium fumi, item vapores spirituum mineralium, idem hoc malum improvide hausti causantur. Horum quippe omnium subtilissima & magna penetrantia spicula altius sele mulculis, qui cartilagines laryngis movet, insinuando, nervosas ibi tunicas stringendo, & liberum sanguinis per vasa transitum intercipiendo, tumorem ejusmodi inflammatorium, pulsatorium, cum dolore pungitivo, sepius excitant funestum. Quod enim res acutæ pungentes, firmis hisce partibus inherentes, solam hujus affectus suppeditare possint causam, manifesto testantur spinæ piscium aut ossicula aspera deglutita & faucibus intrusa, a quibus tale malum saepissime excitat, de quo notabilis observatio est *Hildani Cent. III. obs. 42.*

§. VIII

Sympto-
matica
etiam
est qua-
doque, Sic per se & sua sponte exoritur angina; succedit vero etiam haud raro aliis morbis seu symptomata. Accidit hoc saepius in diarrhoea & dysenteria, praesertim si fluxus intempestive cohibetur, de quo memorabile exemplum apud *Hildanum Cent. 3. obs. 27.* Idem evenit a repulso præpostere erysipelate, aut topicis perperam tractato podagrico dolore. Neque minus in variolis & febribus malignis ac pestilentialibus, cum summo vitae discrimine, deinceps supervenit. In primis de febre

sic dieta Hungarica, observationes anatomico-practice testantur, quod ut plurimum inflammatione meningum & faucium, quæ ad ventriculum & oesophagum extenditur, necet. Sed causa hujus symptomatici insultus plerunque vel in nimis diurna alvi constipatione, vel perspiratione improvide cohibita, vel repulsa præpostere ad interiora materia acri caustica, querenda. Quando vero epidemicum est malum, aeris vitio tribuendum, & plerumque aliquid maligni complicatum. Accidit hoc haud raro, si diurna aeris pluviosa & humida fuit constitutio, si ver est, vel autumnus, prisco jam *Hippocratis Sect. 3. aph. 16. 20. 22.* testimonio, & illud verum esse, propria observatione confirmat *Bartholinus Cent. 1. obs. 81.* Frequens quoque hujus mali incursum, si aer effluviis sale acerimo subtili, ob infectorum copiam, refertus, sole præsertim occiduo, hauritur, eatque ob causam Romæ familiarem esse, & quandoque pestis instar grassari anginam, fidem facit *Hollerius lib. 1. prax. c. 23.*

§. IX.

Ceterum anginæ morbus, tam ob febrem haud raro acutam, quam suffocationis metum, multum alit periculi. Periculosissimam autem esse veram internam & latentem, jam diximus, & de hac valet illud *Hippocratis effatum predict. lib. 3. cap. 8.* angina gravissima est, & celerrime interimit, que neque in cervice, neque in fauibus conspicuum quid habet. Hæc etenim eodem die, & secundo, & tertio, & quarto, strangulat. In primis maximum suffocationis est periculum, quando musculus, qui vocatur thyroaritenoideus, rimæ occlusioni dicitus, affectus. Anceps porro admodum est symptomatica, ob corpus jam debile, & materie virulentiam raro superanda. Malum etiam, quando tumor in externis subito disparet, non imminutis, sed auctis potius sym-

Quan-
doque
epide-
mica.

ptomatibus. Tum enim alias nervosas partes transilit morbus, & vel cerebrum petens, phrenitidem cum convolutionibus, vel ad pulmones delatus, peripneumoniam facit, testimonio Hippocratis Sect. 5. aph. 10. lethalem. Sed quando suffocatio strangulatoria remittit, tumor, dolor & rubor magis extorsum vergit, sensimque evanescit, felicem solutionem nunciat. Sin secus, in apostema aut mortem fit transitus. Si in apostema, ac pus in bronchia, & pulmones effunditur, teste Foresto lib. 15. obs. 24. anceps admodum eventus. Si in mortem, nunciant hanc spuma ante os, lingua valde tumida, purpureonigra, extremorum rigor, summa praecordiorum angustia atque anxietas, cum pulsu duro, convulsivo & intermitte.

Curatio.

Cum methodo Medendi.

§. I.

Sanguis mitten dus. Ipsa truculenti hujus mali curatio differt, prout variae ipsius sunt species, & singularium causa differunt, ad quas recte pernoscendas & opportune removendas, unice directa esse debet medentis intentio. Quando itaque ex manifestis signis eminens sanguinis ad caput congestio observatur, quæ non modo vehementiam inflammationis auget, sed & lethalium symptomatum est causa, protinus & primo omnium hæc debet esse medici cura, ut impetum sanguinis a parte affecta derivet, id quod commodissime sectione venæ confiniis perficitur. In hoc enim auxilio præcipuum & unicam fere salutis spem, inde ab omnino, tam veteres, quam recentiores medici, collocarunt. Instar omnium sit Hippocrates, qui lib. de loc. in hom. §. I. sic anginæ tradit curationem: angina affectis, a sanguine in venis collis collecto & coagulato, sanguinem

ex venis brachiorum, & pedum detrahens, & simul alvum inferne subduces, quo, quod morbum exhibet, detrahatur. Sed quo pacto & ubi id faciendum, non omnes æque consentiunt. Plurimi enim sectionem venarum sublingualium suadent, quamvis reiciunt, quia si non fiat sufficiens apertio, parum sanguinis effluat, si vero amplum foramen, hemorrhagia sequatur non raro lethalis. Inter eos, qui spernunt, potissimum Tulpius lib. 1. obs. 51. hanc ob causam, quoniam sanguis eadem attrahatur ad locum per se angustum, & facile suffocatio inducatur, sæpius ab ipso annotata. Alii, uti Zacutus Lusitanus Hist. Med. princ. lib. 1. hist. 76. Job. Stephanus in Hippocr. de struct. hom. Trellianus & Freind. in lib. epid. sectionem venarum jugularium externarum, præfertim in malo desperato, sique præsens est strangulationis periculum, mirifice commendant. Sunt porro, qui scarificationem dilaudant, in nucha & mento, ut Platerus lib. 2. pag. 395. Amatus Lusitanus Cent. 3. curat. 28. Zacutus Lusitanus in prax. admirand. lib. 4. quest. 54. circa laryngem Riolanus in encycl. anatom. lib. 4. pag. 385. Hirudinum appositionem pohe aures atque in cervice Capivaccius & Hollerius malunt.

§. II.

Post sanguinis missionem, præcipiente eodem Hippocrate, aperienda aliud versus, quo etiam hujus beneficio humores versus inferiora trahantur & evacuantur. Sed his minime acriora, neque cathartica, in forma pulveris aut pilularum, sed mitiora, & quidem liquida, convenientur. Ut vero una, quod dicunt, fidelia duo dealbentur parientes, ac non modo superflui humores detrahantur, sed & acres salsi contemperantur, utilissimum erit, decoctum ex manuuncis duabus nitri antimoniatis drachma una cum dimidia & seriliactis uncisi decem. Si autem per os

nihil ingeri potest, enema injiciendum ex lacte, melle, oleo amygdalarum dulcium & sale communia ac nitro.

§. III.

Tempore indum & diffusione . Evacuatim sic tam sanguine superflu, quam humoribus impuris, opera danda, ut humor sanguineus, vel serofus, tubulis impactus, resolvatur & discutiatur congruis remedii, tam internis, quam externis, & febrilis aestus simul contemperetur. Hunc infinitem perquam conducibilis frequens usus mixturæ diaphoreticæ & leniter anodinæ ex aquis antispasmodicis & diapnoicis, florum sambuci, tiliæ, primulæ veris, acaciæ, galegæ, herbe cardui benedicti, seordii, cum diacondio Fracaftorii, antimonio diaphoretico, lapide prunellæ, aceto quoque & cancerorum lapidibus, necnon syrupo papaveris rhœados. Conducunt etiam potus diluentes & humefantes paullo liberalius dati, serum quippe lactis dulce & acidulum, cum succo citri & saccharo paratum, prisana ex hordeo mundo, radice scorzonerae & rasura cornu cervi, cum syrupo acetositatis citri, decoctum avenaceum, ipsum lac quoque, tantundem aquæ remixtum, & saccharo atque momento nitri conditum.

§. IV.

Externis succurrendum. Externis præterea ancipiti huic morbo obviam eundum, nonnullis quidem in oris cavo, nonnullis exteriori in collo atque cervice, quo his etiam dolor & aestus inflammatorius mitigetur, acrimonia humorum temperetur, & qui in vasculorum angustiis firmius subsistunt, succi dissolvantur. Externe frequentissimi usus sunt cataplasmata ex emulsionibus, paregoricis & discutientibus, floribus sambuci, meliloti, chamomillæ vulgaris, verbasci, radice liliorum alborum, ficibus, croco, semine anisi, foeniculi, farina lini, ex lacte coctis, quibus nonnulli, nidos hirundinum & sterlus canis, seu specifica, adjiciunt. Merentur hoc

nomine etiam commendationem emplastrum lenientia ac mollientia, ut est diachylon simplex, aut de melilo-to, malaxatum cum oleo amygdalarum dulcium, vel admixtione spermatis ceti, croci & camphoræ efficacius redditum. Intra os vero non facile suaserim gargarismata, cum injectione per syphonem, ubi magnus dolor & siccus ardor est. Sufficit os subinde colluere, congruo tepido liquore, cui concinnando serviunt plura, rob dianucum, dianoron, syrupus granatorum dulcis, papaveris rhœados, violarum, mucilago sensinis cydoniorum, tremor lactis, lapis prunellæ, quæ omnia pro circumstantiarum ratione, vel lacte, vel decocto liquiritiae, ficuum, aut ave-næ misceri possunt. Neque minus nobilis est virtus olei amygdalarum dulcis recentis, cum spermate ceti, croco & syrupo violarum, in decocto avenaceo dati, & aliquamdiu in ore detenti.

Cautæ & Observationes Clinicae.

§. I.

In angina sanguinea, & corpore *In san-*
plethorico, omnium primo per san-
guinis missionem succurrendum. Nam
si in ullo morbo, certe in hoc, a
præsentaneo periculo ipsius mortis
liberat. Sed momenta & præcepis
est juvandi occasio. Optimum au-
xilium ex sectione jugularium. Si
vero hanc instituendi copia deficit,
aperienda sublinguale, ita tamen,
ut prius secetur brachialis. Et quan-
do angina sanguinea accedit febi-
ardenti & Hungaricæ, simulque phren-
nitidis metus est, vires tamen im-
becilles largiorem sanguinis subtra-
ctionem non ferunt, cito sublingua-
les tantum aperienda. Quando autem
ab acrimonia caustica nervosis fau-
cium & laryngis tunicis inherente hoc
vitium oritur, neque manifesta ad-
est

est sanguinis redundantia, indicatur potius scarificatio in cervice & mento, vel hirudinum appositio. Ubi etiam in eacochymicis & phlegmaticis, a copia serpienti, fauces & externas colli partes oblidet tumor cum dolore & leni inflammatione, praferenda veneficationi scarificatio, in nucha & scapulis.

§. II.

Usurpanda in angina ardente. In usu exterorum attendendum merito ad diversa inflammationis in faucibus genera, & singulis accommodata remedia sunt opponenda. Itaque in omni faucium inflammatione dolorosa & ardente, julepus rosarum cum nitro & momento camphoræ, deglutitus, eximie conduceit. Gelatina quoque cornu cervi rite parata, cum albumine ovi probe depurata ac succo pomorum Chinensium, nec non saccharo condita, iterato sumta, egregie levat. Si autem fauces arent, ardent, lingua tumet, & respirationis æque ac deglutitionis difficultas est, linctus parandus, ex albuminis ovi in aquam quassati unciis binis, aquæ rosarum uncia, syrapi granatorum, diamorona uncia dimidia, salis prunellæ granis duodecim, cui, pro circumstantiarum conditione, viginti vel tringinta liquoris anodynæ guttæ indendæ. Tum etiam exteriū collum, & cervix oleo camphorato, ex oleo amygdalarum dulcium uncia, olei papaveris albidachmis duabus & camphoræ drachma dimidia, inungendum.

§. III.

Latente, febris, & stufose, solo lacte & ejus cremore, addito lapide prunellæ & syrupo papaveris rhéados, os lobinde colluendum, & frequentius bibendum laetis serum. In cesophagi autem inflammatione, febribus malignis in statu haud raro superveniente, ex usu est pulvis, ex nitri drachma, camphora granis tribus & facchari uncia, cum emulsione amygdalarum dulcium, & intus danus, & exteriū in ore aliquamdiu te-

Tom. IV,

nendus. Et ubi ab haustis, & inspiratis exhalationibus acribus metallorum, mineralium, calcis etiam vivæ & argenti vivi, suffocationis periculum accidit, nec purgantia, nec venæ fetio locum habent, sed commodissimam locant operam humectantia, demulcentia, interna & externa, lac cum nitro, cataplasmata superius descripta, nec non enemata.

§. IV.

Inflammatorius ille dolor, qui a sero falso acri in glandulosa faucium carne, circa pharyngis & laryngis confinia, fit, cum rubore & copioso salivæ fluxu, sine febre, optime discutitur ab initio statim gargarismo ex spiritu vini Rhenani, vel Franconici. Quam præsentanea enim hujus sit virtus disertis verbis testatur Walæus meth. med. pag. 112. inquiens: *angina affectus in principio se se spiritu vini gargarizet, omnis gutturis inflammatio cessabit trium horarum spatio, sive solus hunc in usum cedat, sive cum aliis remisceatur.* Et Martianus hanc ob causam in cynanche vera commendat actu calida. Ipse quoque novi, faucium inflammationem brevi fuisse discussam, guttulis octo vel decem spiritus vini camphorati, in quo granum nitri liquatum, lente per fauces dimissis. Quem in finem alii commendant esentiam pimpinellæ albæ, cum spiritu vini confectionem.

§. V.

Quando magna colluvies humoris impuris serosi ad palati & facium glandulas decumbit, crebrius usurpanda sunt leniora laxantia, mannata, rhabarbarina, tartarea & passulata. Tum etiam apprime conduceit gargarisma, quod pro basi habet sal pharyngæ a Zobelio in tartarologia descriptum, quod præparatur ex, cremoris tataris & nitri uncia, albuminis usi uncia dimidia, solutis in aceto destillato, & solutione postea secundum artem coagulata. Sic quippe paratis salis drachma, cum duabus drachmis mel-

O 3 lis,

lis, in quinque unciiis aquæ plantaginis solvenda, & cum liquore hoc fauces tam crebro cluendæ, quam idem cum syphone subinde injiciendus.

S. VI.

Emplastrorum, gargarismatum ex usum u. injectio- In faucium & glandularum tumoribus inflammatoris, emplastrum emollientia, supra tradita, præferuntur merito cataplasmatibus, quibus ob plures difficultates rarius uti soleo, sed frequentius decocto specierum emollientium ex lacte, vesicæ indito. De gargarismatum vero usu tenendum, quod cum syphone injecta locum non habent: impensiori enim attritu dolorem & inflammationem magis exacerbant. Melius igitur ac tutius, os cum liquore ad gargarismum subinde eluere. Quod si autem & hoc propter impotentiam fieri nequit, injectio lenissime tantum adigenda, ne irritatio ad vomitum fiat, caput quoque antrosum inclinandum, non retrorsum, ne dilabendo ad asperam arteriam suffocationem minetur, & iterato injiciendum, si magna muci copia inharet. Præstat præterea in omnibus hisce faucium affectibus abstinere a loquela, quia crebrior ac fortior linguae agitatio malum exacerbat.

S. VII.

In suppuratione agenda. Si tumores faucium ad suppurationem tendunt, eadem optime procurari potest caricis pinguibus ichore detentis. Et quando tonsillarum tumor inflammatorius ichore repletus, externe nihil præstabilius deprehendi melle rosato, cum spiritu vitrioli remixto, & sèpius cum penicillo admoto, quod tumorem minuit, mundat, ulteriore affluxum impedit, & pituitam subfistente colliguat. In aphthis infan- tum, quæ linguam cum dolore & ardore obsident, ad hunc mulcendum nihil utilius, quam pustulas subinde illinire cremore lactis cum tantillo nitri imbuere. Interdum etiam expedit ad pituitam colliguandam, & arcendum nimium affluxum applicare vitriolum album, in aqua pluviali, vel melius ro- sarum, aut florum sambuci, liquatum.

§. VIII.

Denum ne faucium inflammatio, *Recidit
va ar-
cenda.* quod haud raro accidit, repeat, vitanda cum cura omnia, quæ ad inducendam eam facere supra diximus. Potissimum perspiratio custodienda, ac in primis caput, cervix, & collum ab omni refrigeratione defendere ex usu est, ne humores & acris per poros diffusa materia ad interiora agantur, ac in molli faucium substantia subsistant. Cavendum quoque ab omnibus, quæ succos impensis exagitant, maxime que ab impensis vociferatione, qua humorum affluxus ad superiora allicitur. Si corpus plethoricum, tempestiva sanguinis missio instituenda, & minus rite succedentibus hemorrhagiis spontaneis, ut eadem in ordinem redigantur, videndum. Neque minus subinde alvus subducenda, quo & impuritates expurgantur, & congestiorius versus superiora motus intercipiatur.

ENARRATIONES
MORBORUM.

OBSERVATIO I.

Fœmina triginta annorum, cholericæ & catarrhosis defluxionibus admodum obnoxia, levius vestita surrexerat tempore autumnali e lecto, ac frigidæ seæ auræ incautius exposuerat. Inde nocte est raucedinem cum ardore & dolore gutturis, difficulter simul deglutire & loqui potuit, & pulsus, præsertim noctu, fuit celerior. Quum igitur menses restitassent, missus primum e vena brachii sanguis, & injectum dein clyisma, sed sine levamine: gargarismata vero, propter dolores, ferre non potuit. Interim gutturus tumor, tam interius, quam exterius, mirum increvit, & parum absuit, quin agram strangularet: quinto tamen die subsedit tantisper tumor, & dolor mitigatus est. Hinc exterius collo admotum emplastrum maturati- *Angina
alvi
fluxu
soluta.* vum,

vum, ex emplastro de meliloto cum croco, cui impositi sacculi calidi, ac ori inditum decoctum ex emollientibus: his maturuit tumor, & noctu infusæ ægra etiam feliciter rupit. Sed illa procul dubio fuerat materia acri pulmonibus, & ob id suffocatione minari visa est. Ad quam dispellendam, aqua hyssopi, cum essentia castorei & liquoritæ, additis aliquor guttulis spiritus cornu cervi succinati, infusum quoque theiforme ex herbis pectoralibus cum aqua calida, usurpata. Inde sudor erupit per universum corpus, simulque materia tenax viscida, sexies minimum quotidie, per alvi secessum ejecta, non sine terminosa ventris contractione. Medicus autem metuens damnosam fore hanc diarrhoeam, de supprimenda eadem cogitavit, & electuarium ex diacordio *Fracaborii*, conserva rosarum, pulvere haematitis & nucista dedit. Cohibitus etiam protinus alvi fluxus, sed sequuntus singultus cum ardore per totum œsophagi tractum, sputatione materiæ viscide viriumque languore. Hinc alias advocatus medicus, qui pathemata hæc a perperam suppresso alvi fluxu deduxit, & ob id sua sit pilulas ex myrra electa, diagrydio sulphurato, mercurio dulci, croco, castoreo & sale succini, cum vehiculo calido sumendas. His non modo singultus sedatus, sed & materiaæ serosæ per alvum excretio revocata, cum summo ægræ levamine, quæ successivæ postea ad sanitatem rediit.

Epicrisis.

Memorabile omnino; quod faicum inflammatio, pituitoso ac seroso alvi fluxu fuerit soluta; quod hujus ad strictio præposta gravia induxit pathemata, & quod hæc revertente illo expirarint iterum. Sed sapissime in inflammatoris faicum affectibus, œsophagus, qui ipse ventriculus, affligitur, ita ut eadem quasi labe eodemque viro laborare videantur. De aphthis sèpius notavi, quod eadem œsophago

gum & ventriculum obsederint: id enim factum fuisse, ardor per totum œsophagi tractum usque ad præcordia excurrens, prodidit. Tum etiam ægræ salsa, acria & calida plane non ferre potuerunt, sed decoctum hordei, ave-naceum, raparum exsiccatarum, infusum theiforme cum laete, ex usu fuerunt, hisque assumtis, ardores, siccitates & dolores anxii circa præcordia sublati. Vicissim vidi, ex ventriculo, in ardentibus febris, a venenis, aut acrioribus purgantibus inflammato, inflammationem ad fauces & laryngis musculos fuisse propagatam. Hinc manet utique firmum, in faucium oris que affectibus, præsertim si pituita viscida, crassa fuerint obfusæ, laxantia præsentaneam exferere opem.

OBSERVATIO II.

Sexagenarius quidam, diu quartana *Syban-*
detentus, hac discedente, catarrhis & *the cu-*
ventriculi imbecillitatì admodum fuit *rata.*
obnoxius. Is quem noctu aere pluvioso
fecisset iter, incidit in faucium difficultatem, ut solida quidem, non autem li-
quida posset deglutire, ac non nisi cum magna intensione deglutitionis, an-
xietate ac subsequente copiosa excre-
tione phlegmatis. Interius quidem ru-
becebant non nihil fauces, sed exte-
rius nihil tumoris comparebat. Judica-
vimus igitur, epiglottidem, quæ instar operculi orificium aspera arteria clau-
dit, sero mucido obseßam esse & turgi-
dam, ut rimam subjectam non exacte
claudat, sed liquidum deglutitum in
asperam arteriam delabatur, & anxie-
ties subseqentes faciat. Quare iusti
exterius applicare spiritum vini ca-
phoratum, interius os subinde collue-
re aqua florum sambuci, mixta cum
spiritu salis ammoniaci atque essentia
croci, & quotidie usurpare pilulas
nostras. His intra aliquor dies malum
feliciter sublatum, & æger convalluit.

Epicrisis.

Proprium anginæ symptoma difficultas deglutendi, tam solida, quam liquida. Si enim tumor paucum amplior cœphagi principium obsidet, illudque angustat, liquida quidem, sed non solida dimittuntur. Si vero tumor hæret in principio gutturus, quod tegit epiglottis, solida quidem, dum compriuant tumentem epiglottidem, transfeunt ad cœphagum, sed liquida minus prementia per hians a tumore spatiū asperæ arteriæ illabuntur, ibique magnas creant molestias.

OBSERVATIO III.

*Angina
sepius
recidi-
vans fa-
nata.*

Putabant medici foeminam quandam venereo infectam esse contagio, eaque propter ipsi mercurialem adhibuerant salivationem. Hinc factum est, ut ipsa postea levi ex causa, ab aere frigido & nebuloso, ab ira, ab assumptis acribus cibis, a refrigeratione capitis, a turbato mensium successu, sæpius incurreret exquisitum palati, nec non in faucium internis, circa pharyngem & laryngem, ardorem atque dolorem, sine fæbre tamen, sed cum respirationis difficultate. Accidit vero, ut dormiret in conclavi humili, noviter exstructo & vaporibus calcis pleno, ac inde non modo capitidis dolore, sed & impenso faucium & colli ardore atque dolore, cum inquietudine, spirandi angustia, anxietate, & astu afficeretur. Ego vocatus sanguinis missionem, ob vasa minus turgentia omisi, sed tantum applicare jussi collo cataplasmæ ex farina lini, floribus sambuci, ficubus, croco, oleo amygdalarum dulcium & lacte. Suasi quoque, ut clyster injiceretur ex lacte, nitro, sale communii, melle & oleo. Potui dedi lac, cum dimidia parte aquæ hordei, sive ptifanæ remixtum, adjecta debita quantitate nitri & syrapi violarum, quod copiosius hausit, & frequenter ore continuit; quibus brevi malum discussum est. Ad arcendam autem cebriorem

recidivam, dedi confilium, ut aquas Spadanas, vel Selteranas cum lacte per mensem & ultra biberet, & quotidie mane fauces gargarisando, vel cum aqua sic dicta sclopatoria, vel decocto plantaginis ex vino elueret.

Epicrisis.

Promta est tumoris & affectus anginoidis genesis, quando compages fibrosa, glandulosa & tubulosa faucium debilitata & tono privata, quod heic factum per salivationem mercurialē. Quare qui semel, vel iterum ejusmodi tumore laborarunt, qui non statim congruis præsidii atque regimine discussus, ex facili postea, per nimiam vocis intensionem, animi affectum, vinum copiose haustum ac frigidum aerem admissum, idem malum rursus nanciscitur. Optime autem ejusmodi recidivæ præcaventur, quando malum primum statim recte persanatur, penitusq; tollitur, ne partibus labem inserat ægre emendandā.

OBSERVATIO IV.

Virum novi honestum, quinquagenario majorem, sanguineo-melanocholicum, robustum, sanguinis missionem nunquam passum, belle tamen preponitatem, licet cerevisiae lupulatae & spiritus ardentis potu admodum delectaretur. Sed quum gravius inter rixas cum uxore excandusset, in exquisitum capitidis incidit dolorem, sub quo arteriæ fuerunt turgidae, facies rubicunda, oculi torvi, noctes insomnes, & arteriæ tam valide pulsarunt, ut de sensu mallei quasi in capite pulsantis æger conquereretur. Hinc admotum cataplisma ex mica panis, bacis lauri, juniperi, & aceto rosaceo. Froniti etiam & temporibus ex consilio vetula applicatum albumen ovi, cum alumine conquassatum. Sed gestatis his aliquandiu, conquestus est æger de insigni dolore pungitive faucium, deglutiendo difficultate & spi-

spiritu angusto; lingua mirum intumuit, atro colore tincta, siccum linguam ex ore biante exseruit, liquida indesinenter appetit, pulsus celer & vehemens manum vibravit, & propter spiritum arctius meantem in erecto semper esse debuit situ. Ad gravissima igitur hæc pathemata depellenda cum fructu usurpara sequentia. Sanguis e vena missus largiter; clyster injectus acrior; cataplasma ex stercore canis, hirundinum nido, sicibus, cepis tostis, floribus sambuci, chamoillæ, meliloti, semine cymini, nitro & camphora, cum aqua florum sambuci & vino tepide collo appositum; interius mixtura ex aquæ florrum sambuci, rosarum ana unciiis duabus, aceti destillati drachmis sex, lapidum cancerorum drachma, nitri drachma dimidia, camphoræ granis quatuor in oleo amygdalarum dulcium solutis, & sufficienti quantitate julepi rosarum, saepius ad aliquot cochlearia data, & potum quoque infusum theiforme ex veronica, floribus sambuci & radice liquiritiæ; quibus feliciter discussum suffocationis periculum. Postea laxans ex syrupo rosarium solutivo, cremore tartari, diaerydio & rhabarbaro exhibitum, quo aliquoties dejectit. Os demum frequentius elorum aqua pluviali, in qua nitri ac vitrioli parum & saccharum ad gratiam solutum. Sic brevi explicita ratione anceps hic morbus ex voto depulsus.

Epicrisis.

Attendenda tuerito in nostro truculentu mali genesis. Ortum quippe duxit ex sanguinis ad caput congestione; huic oposita exterius constringentia; his sanguis ad interiora repressus ipsaque fauces; heic copiose collectus crux subtilitatem & dolorem, tumorem, ardorem aliaque symptomata induxit. Albumen enim ovi eum alumine insigni repellente & vasa constringente virtute pollere, ex ipsius usu in ophthalmia patet. Et ex constrictione in externis facilem ad

internam transitum, docet vasorum mutua communicatio. Sed quum illico venæ sectione & internis æque ac internis discutientibus stasi & stagnationi obviam itum, non potuit non feliciter succedere curatio. Nam si occasio præceps captanda unquam, certe in congestionibus inflammatoriis id faciendum, quæ nisi celerrime removeantur, transitus fit in corruptionem lethiferam & sphacelosam.

C A P U T V.

De Febre Phrenetica, sive Phrenitide.

Theses Pathologicæ.

§. I.

Nulla inflammatio, sive particularis febris, tam magni in medicina momenti, quam quæ in parte omnium nobilissima ipsiusque animæ rationalis domicilio, cerebro, consistit, & tam omnem rationis usum evertit, quam præsentaneum vitæ periculum intentat, ac Græco nomine audit phrenitis. Est igitur hæc phrenitis febris acuta inflammatoria, orta a nimia sanguinis congestione, ejusdemq; intercepto, per minimas potissimum membranarum cerebri arterolas, transitu, juncta cum magno æstu, delirio, atque vitæ discrimine.

§. II.

Signa imminentis phreneticæ affectionis sic exacte & compendiose exhibet Trallianus lib. I. cap. 13. phrenitidem, inquiens, futuram vigilie potissimum continuæ & intensæ somniique turbulenti præcedunt, ægi extiliunt, & somniorum imaginationibus detinentur, & facile eorum, quæ dicuntur, oblivisciuntur; si respondent, seroiores ac iracundiores, quam prius, apparent, pulsus habent parvos & duros, atque occipitio frequentius indubescunt. Si affectus increverit, fixioribus oculis cernant, eosque rubentes habent, nec non lacrymæ ex utrisque flunt.

E & p*rae*-*fluunt*. Pr*ae*sentis autem indicia & pa*tem*ata omnium optime ex Veteribus consignavit Caius Aurelianu*s lib.* 1. cap. 2. pag. 12. ita habens: *in phreneticam passionem declives sequitur febris acuta, atque pulsus difficile ad superficiem corporis ascens*, sive humilior, tensior, vultus subinflatus, sive plenus, sanguinis per narres destillatio, vigilia juges, aut turbatus somnus. *E* & *insania turbulentia*, mentis sollicitudo ac pravitas sine ratione, frequens tergorum est versio jacendi, cum capitum assidua commotione aliquando etiam sine causa hilaritas, oculorum rubor, cum levil lacrymatione, *E* & circumiectio manuum, sine ullo capitis dolore, articulorum frigus, sine tremore, urina abundantia flave, aquata, tenuis. *E* & paullatim exclusa; aliquibus etiam sonitus capitis atque aurum tinnitus, dolor quoque capitis non quiescens, nulla ex manifesta ratione pr*ae*cordiorum tensio, visus attenuatus, cor frequenter palpitans.

§. III.

Omnis ha*u* phrenitidi junct*e* functionum in corpore l*äsiones*, pendent a nimio & impetuoso sanguinis ad caput appulsu, ejusdemque ex intercepto per minima libero transi*t*, stasi & per alias insolitas vias celerrima traje*cione*, unde distensiones sunt vasorum cerebri & faciei, serosus humor fecedit, passim obherescit, & cerebrum in functionibus suis, maxime rationis usui servientibus, prorsus turbatur. Ex vero enim Hippocrates lib. de flat. & passim alibi tradit: prudentiam & rationem hominis in constanti sanguinis habitu in cerebro, sive rectius ejusdem aequabili motu consistere, adeo ut, hoc interturbato, concidat simul & prudentia, & ratio. Et hac omnino ita esse, veramque phrenitidis sedem in cerebro consistere, testatum facit uberioris sectio eadem defunctorum. In his quippe vasa, tam dura matris cum sinibus suis, quam piz meningis, mirum destituta & crasso coagulato cruore farta, ipsa membra-

n*æ* arida & exsiccat*æ*, ut pia mater facilime a cerebri cortice separari queat, reperiuntur, & pr*æ*terea medulla cerebri multo seroso humore perfusa comparet. Id quod pluribus confirmant Blanchardus in anat. pract. obs. 3. Schenckius lib. 1. fol. 64. nec non M.N. C. Dec. 2. A.V. obs. 62.

§. IV.

Inter antecedentes causas recte Caus*æ* lius Aurelianu*s l.c.* refert violentiam, vel vigiliam, aut jugem in sole moram, mentem natura mobilem, iracundiam, caput per literarum disciplinas debilitatum, & atatem juvenilem. Et certe ad phrenitidem disponunt omnia, quæ caput debile ac imbecillum reddunt, ut deinde in ipsis vasis facile fieri possit sanguinis & humorum mora, nec non quæ sanguinem, crassum pr*æ*sertim & copiosum, ex partibus inferioribus impetuose ad caput agunt ac congerunt. Hinc observatione medico-practica constat, ad deliras ejusmodi febres admodum esse proclives, qui diuturna moestitia, cura, studiorum & meditationum profundiorum intemperantia, mentem nimis fatigant, qui vegeti atate, constitutione melancolico-cholerici, sapienti animo per iram aut odium moventur, desideriis vehementioribus jactantur, vigilia, inquietudinis, crapule ex cerevisiis liberaliter lupulatis, vel vino dediti, qui veneri litant, sedentaria vita motus & exercitationis experti indulgent, & ob pravam viuctus rationem, & copiosum, & impurum sanguinem in venis alunt. Hinc porro per experientiam in comperto est, a cessante consueto, vel etiam repente suppresso hæmorrhoidal fluxu, emanente quoque aut prohibito mensium, nec non in puerperis lochiorum profluvio, promtam esse, pr*æ*sertim alvo simul adstricta, phreneticarum affectionum genesis. Tum enim ob stagnationes sanguinis in abdominis visceribus, in nervosis partibus spasticae susci*antur* stricture, quæ inæqualem reddunt sanguinis cir-

cui-

cuitum, & faciunt, ut is cum impetu aliorum ruat, ibidemque nimium congeratur. Defum phrenitis etiam haud raro inducitur per violentiam exterrnam. Accidit hoc in vulneratione & contusione capitis per quam facile, in primis plethorico-cacochymicis, nisi cito sanguinis missione & discutientibus occurritur, tumque effato Hippocratis Sect. 7. aph. 14. eventus sequitur ut plurimum funestus.

§. V.

*Est vel
idiopath-
stica.*

Merito autem phrenitis distinguenda in idiopathicam & symptomaticam. In utraque quidem febris adest acuta, sed ea cum differentia, ut in illa praecedat, in hac vero individuus sit comes. Idiopathicam in temperato nostro climate rarior, frequentior autem in calidis siccis & meridionalibus locis, unde etiam veteres Græci medici, in primis *Aëtius*, *Trallianus* optime & copiose de hac passione in monumentis suis differuerunt. Dantur tamen subinde etiam inter nos exempla phreneticæ febri, sine praecedente alia, potissimum a nimia cracula, continua animi iracundia, & cerebri per profundas continuas meditationes & vigilias fatigations, imbecillitate, in sanguineo vel etiam cholericæ-melancholicis hominibus & vita sedentariæ addictis, hypochondriacis, vel hæmorrhoidariis, præferentim si fluxus imprudenter cohibetur. Sed de hac recte omnino, confirmante id ipsius experientiæ suffragio, tradit *Willistius in pathal. cerber. cap. 10. pag. 234.* quod, nisi cito & opportunis remediis discutiatur, quam facile in maniam, sive delirium furiosum transeat. Neque etiam infrequens est idiopathica ejusmodi & in maniam degenerans phrenesis, post superatas febres ardentis, item purpuratas, eryanthematicas & catarrhales, male tractatas, per nimis afluxos regimen, per medicamenta volatilia, sanguinem commoventia, opiate etiam, aut repellentia nimis, refrigerantia, nec non incongruas venæ se-

ctiones. Id quod eo certius & velocius fit, quando æger ad iram levem ex causa promitus est ac facilis.

§. VI.

Frequentior tamen apud nos symptomatica. Sæpius enim evenit, ut in febribus malignis & exanthematicis acutis, petechiis, variolis, catarrhalibus malignis, potissimum castris, & omnium maxime Hungarico morbo, præteritum male tractatis, phrenitis accedit in statu, & mortem inferat. Scilicet supervenire solet circa dies criticos, cum rigore, tremore artuum, præcordiorum tensione, externorum refrigerio & trititia tenet, vel parcius, vel effuse nimis fluente. Sed quia ob morbum præcedentem & diurnas vigilias fractæ jam fere penitus vires, & tonus quoque vasorum membranarum cerebri nimium labefactatus, stases fiunt in iisdem ex sanguine irresolubiles, quas tertio plerumque die mors excipit.

§. VII.

Licet autem phrenitis sæpius in maniam transeat, veterum etiam, *Hippocratis*, *Cælii Aurelianii* & *Aretæi* testimonio, qui illam ob id cum hac plerumque conjungunt, vel plane confundunt; ambo tamen multum discrepant. In phrenide enim semper adest febris, cum pulsu celeri, duro ac parvo, delirium quoque non intermittens prorsus, sed tantum subinde remittens, quo tempore oblivio est omnium, quæ sub delirio contigerunt. Sed mania chronicæ est passio, sine febre acuta, licet cum pulsu præternaturali, duro & inæquali, quandoque parvo, quandoque magno & celeri. Habet quoque maniacus furor sua intervalla, junctus est ordinario cum magno fastu, ira & odio adversus amicos atque propinquos, & paroxysmo cesante, exquisitam ut plurimum memoriam omnium, quæ anteacta, habent maniaci. Deinceps phrenitis etiam differt a leviori illa mentis alienatione, ^{a levio de-} ^{cri-} ^{lilio in} ^{acutis} quæ in acutis febribus, ante expulsione.

eriticam exanthematum non raro observatur. Nam hæc facilis transit, neque etiam urinas tenues aquosas, vel rigorem & refrigerationem partium externarum habet comitem. Neque minus, quandoque post declinationem febris acutæ, observatur per aliquot dies, aut hebdomades, quædam desipientia & mentis inconstantia, a phrenesi diversa, quæ propter summam virium & cerebri ex perpresso morbo debilitatem oritur, & redeuntibus viribus, vel sponte cessat, vel congruis præsidii facile iterum penitus discutitur.

CURATIO.

§. I.

*Curatio
quibus
perficien-
da.*

Quum gravia illa & exitialia pathemata, quæ phrenitidi juncta, a meningum inflammatione, seu causa proxima dependant; prima utique & princeps medentis esse debet intention, ut hæc in præservatione arceatur & in curatione removeatur. Hujus autem causa quum sit sanguinis in vaevulis meningum alibi stasis, alibi cum dolore, tensione spastica & ardore, celerrima trajectio; ipsa certe sana ratio dictitat, ea remedia, quæ effrenem sanguinis impetum ad caput sistunt, ibi congestum derivant, subsistentem expediunt, atque discutiunt, & meninges spasmo constrictas relaxant, omnium esse, ut ita loqui licet, indicatissima.

§. II.

*Sanguis
missio-
nus.*

Jam in phrenitide, & curanda, & præservanda, principem merito locum obtinet, communis veterum & recentiorum omnium consensu, sanguinis missio; quam etiam circa affectam partem insit uere præcipiunt omnes. *Tralliano* olim & Arabibus frequens jugularis venæ sectio, quæ nostris temporibus perperam exolevit. Nam per experientiam in comperto est, hanc in omnibus capitis a sanguine congesto & stagnante oriundis passionibus, aliarum venarum incisioni

longe multumque esse anteferendam; eo quod hæc vena jugularis externa, cum interna, ex arteriis carotidibus & vertebralibus cerebri proxime sanguinem derivat atque deducit. Nec difficilis adeo & periculosa, ut vulgo putatur, hujus venæ incisio, sed constricto tantisper fascia commoda, ut turgeat vena, collo, facili negotio instituenda. Deinceps magni aestimatur a medicis in hoc & aliis capitis morbis venarum sublingualium sectio. In primis *Ammannus* in parœfatu, ex militibus, qui anno 1664. ab expeditione Hungarica redierunt, & in nosocomio morbo Hungarico laborarunt, evallis omnes, quibus tempestive raninae venæ pertusæ, quibus non, esse mortuos. Atque ego etiam novi, candem utilissimam fuisse ad præscindendum imminens in febris acutis delirium, quinto, vel sexto die, sana adhuc mente, institutam. Sed difficulter admodum perficitur, si delirium jam adest, ac præterea ex foramine minis amplio, ob sanguinis ad caput impetum, hemorrhagia metuenda funesta, ex justo minori parum sanguinis fluit, & dato ibi spatio, fluxus potius ad cerebrum alicetur. Alii commendant venæ frontalis, constricto prius collo incisionem, eademque potissimum *Trallianus* se magna phrenitide correptum sanasse, testatur. Nonnulli præferunt arteriotiam in temporibus, quos inter e& *Panarolus*, qui pente. I. obs. 19. pag. 18. testis est, se se arteriotiam in phrenitide magna cum felicitate expertum, ut ipsa vexati statim resipuerint. *Celius Aurelianus* scarificationem in toto capite prius raso in usum habuit. Longe magis tamen probandus *Egyptiorum* mos nares scarificandi, cuius vices, deficiente commodo instrumento, supplet experimentum, quo culmo straminis, aut bacillo exili acuto, in nares validius truso, sanguinis proriatur sillicidium, quod ego quidem cum præsentaneo commodo aliquoties factum esse vidi. Et

hi in confini affectæ partis mittendi sanguinem modi , tam in phrenitide idiopathica , quam symptomatica locum inveniunt . Sed quando ex lochis , nec non mensibus retentis , aut suppressis , malum hoc metuendum est , cito in pede vena aperienda , & sanguis largius emittendus . Neque minus , si ex vitiato , aut intercepto hæmorrhoidalis fluxus successu , delirium imminet , optimum levamen ex aperitione venarum hæmorrhoidalium , per appositionem hirudinum , exspectandum .

§. III.

*Alvus
ducenda.* Post sanguinis evacuationem alvus ducenda , qua adstricta , ad supernas partes , & qua soluta , ad infernas , humorum convertitur affluxus . Scite autem Hippocrates lib. 3. de morb. §. 9. monet , in curatione phrenitidis alvum esse præparandam , ut egerat , humectantibus potionibus , quæ tunicas intestinales spasmo constrictas relaxant , quia primarum viarum spasmus frequens deliriorum est causa . Ego instar omnium hunc in finem commendo potiones mannatæ , ex maonæ minimum unciiis quatuor , solutis in libra seri lactis , cum tremoris tartari drachma , nitri drachma dimidia , & olei amygdalarum dulcium uncia una . Baglivius lib. 1. prax. pulverem Cornachinum commendat , ita pag. 102. scribens : quum pluries observatum fuit , alvi fluxu solutum fuisse delirium , ideo natura id docente , proficuum non semel expertus sum pulverem Cornachini , superbibendo ei longa diluentia , ex decocto hordei limati , salis prunellæ aliisque dulcificantibus , præcipue , si nimius viscerum ardor adsit & interna inflamatio . Si vero celeri opus est auxilio , alvus leniente & paregorico domestico enemate est solvenda .

§. IV.

*Hume-
randum
& dis-
siendum.* Ex internis porro adversus phrenitandum tideri præsidis , sunt maxime potionis diluentes , demulcentes & humectantes , stantes , largissima copia datæ , modo ,

quod rarius fieri solet , ut innuit Are-tæus , phrenetici sitiant . Instar omnium est potus ex sero lactis dulci , vel acidulato , cum succo citri parato & julepo rosarum , vel syrupo papaveris albæ edulcorato , in cujus mensura cum frustu dissolvitur drachma una nitri depurati , vel salis prunellæ . Utiles quoque emulsiones ex decocto hordei , rasura cornu cervi & seminibus quatuor frigidis , cum julepo rosarum , præferuntim quando mensuræ duo nitri scrupuli adjiciuntur . Non minus confert lac cum acidulis Selteranis , vel Antonianis remixtum , item prisana . Qui potus omnes quo largius bibentur , eo plus efficaciam in diluendis humoribus relaxandis constrictis tubulis , expediendis obstructionibus & extinguedo astu præstabunt . Ex medicamentis autem mixtura diaphoretica & discutiens , capite antecedente descripta , uti in omnibus inflammationibus , sic etiam phrenitide , effectum exserit longe saluberrimum .

§. V.

Inter externa , quæ caput ab humorum affluxu liberant , connumeranda pediluvia , vel involutiones pedum in linteis humida calefacta , & quæ omnium optima , balnea aquæ dulcis temperata . Horum insignem utilitatem quotidiana uberius confirmat experientia & locuples in primis testis est Trallianus , qui lib. 1. ita differit : lavare eos & perungere convenit , quibus jam vacuatio facta est & quantitas totum corpus non offendit , verum siccitas & vigilia plurimæ urgent . Et si febriterit ager , nihil nocebit ei , si ita laveretur , præcipue etiam , cum balneum tepidum adhibitum fuerit , at neque aer sit igneus , neque solium nimis calidum . Qui autem febris metu eos non lavant , maxime offendunt . Nam ægri vigiliis magis torquentur balnei abstinentia , adhuc magis etiam animo turbantur . Lavandi igitur sunt , quemadmodum comprehensum est . Sic enim balneo utentes , ad bonam temperiem revertuntur , & in posterum delirio & affectu febrem accen-

accidente, liberantur. Dein veteres, ac inter hos potissimum Trallianus & Aretaeus, post sanguinis & alvi vacuationem, caput oxyrrhodino, ex accerto rosaceo composito sovebant, ne , uti loquuntur, caput liberalius attraheret humores, iisdemque repleretur. Nec male. Interim nos summo cum fructu, in omni delirio, caput totum rasum sovere suavissimus, temperato hoc epithemate: recipe aceti rosacei uncias duas, spiritus rosarum, in quo decem grana camphoræ soluta, drachmas duas, nitri puri scrupulos duos, olei ligni Rhodii guttas 20.M.D.

Cautela & Observationes
Clinicæ.

§. I.

Regimen phreneticorum. Quam modo tradidimus phrenitidis medicacionem, tam in symptomatistica, quam idiopathica, & præsertim illa inveterata, quæ in maniacum affectum transire videtur, quam maxime esse accommodatam, expertus scribo, nec quicquam præterea vix possit excogitari, sed opus est, ut aliquamdiu horum usui insistatur. Quæ autem in regimine phreneticorum servanda, egregie tradit saxe laudatus Trallianus lib. I. pag. 50. sic præcipiens: considerari debet etiæ habitatio, in qua degit æger, ut aerem nec admodum crassam, neque humidum frigidumque, aut nimis calidum habeat, ne capiti meatum densatio, aut repletio superveniat, sed temperatus existat, quo animalis spiritus temperie ipsius resocilletur ac relaxetur. Sit autem magis lucidus, quam tenebrosus, ut æger per hujus sensum ad consuetorum perceptionem ac conscientiam perveniat. Quare & amici non nulli admodum militares ei assistunt, ut etiam increpantes ipsum propter ea, quæ facit, reverentur. Neque vero domesticus, aut cognatus, cuius causa aliquando tristetur, aut cui irascatur, ingredi debet, quippe hoc irritare ægros & commovere solet: & ut valde perturbentur, ma-

nifestam præbet occasionem. Sed nec amici frequentes & copiosi ad eum ingrediantur, quippe turbam ei tantum excitant, præterea aerem quoque crassum efficiunt, frigidos emitentes spiritus. Jam non violenter movendus est, sed leniter, ne in lecto propter imbecillitatem concutiatur. Hoc enim, si quid aliud, ægrum irritat & somnum impedit; ii vero, qui adsunt, omnia ipsius membra circa violentiam teneat, leniterque perficent, & præsertim inferiora: atque tunc magis, ubi convulsiones ægry oboriuntur, artus vinculis excipiuntur. Quippe hoc materiam ad inferna provocat, præterea convulsiones lenit. Satius autem est, inferiora quoque, ubi perficata fuerint, sovere, atque sic deligare, ut materia, quæ sotu simul & fricatione accita fuerit, ad ima potius derivari possit.

§. II.

De venæ sectione tamen hæc ad. *De sanguinis missione tenenda.* hoc tenenda: quod si, ut sæpiissime fit, phrenetici eam admittere proflus renunt, ego nil præsentius & factu facilius novi, quam ut ex improviso calamus, aut culmus stramineus validæ in narium cavum adigatur, sic enim sanguis sæpius illico liberaliter & cum commodo evocatur. Ad venæ frontalis autem incisionem, si idiopathica & chronica est passio, non prius accedendum, præsertim in corpore plethorico, quam aperta prius brachii, vel pedis vena, ne impetus ad caput crescat. Cavendum etiam sub hac operatione, ne instrumentum adhibetur acutius, venam perfodiens & pericranium cum detimento lœdatur.

§. III.

Quæ etiam ex mensium, vel hæmorrhoidum vitio & oriundis inde vehe- *Phrenitis* *dis ex* *supprefit* *hæmorrhagia* *menstruum* *aquarium* *appositio* *& matri-* *cura.*
mentibus spasmis pullat phrenetica passio, optime levatur balneis, mineralium aquarum potu, & apposito- & matri- ne hirudinum ad venas ani, vel uteri, ria atri adhibito simul congruo victu atque regimine. Novi enim phrenitidem diu durantem, erumpente mensium, vel hæmorrhoidum fluxu, feliciter fuisse

fuisse discussam. Sed quando phreneticum malum non tam a sanguinis in vasis cerebri congesti copia pullularat, quam potius a materia subtili, acri, virulenta, vel repulsa ab externis, uti in exanthematicis, vel per calidiora & volatilia nimium exaltata, quæ firmiter nervosæ duræ matri impasta spasmos concitat, liberum sanguinis transitum & ad cor recursum intercipientes, præter venarum, quæ capiti propinquæ, sectionem, expedit calvariaæ rasæ partes & viscera ex animalibus recenter mortatis adhuc calentia, uti pulmones, hepar & omentum, admovere, & quando refixerint, calidæ eadem immergere, quo iterum calefiant.

§. IV.

In exempli Polo nicae. In Polonia frequens est delirium phreneticum, melancholicum & maniacum ob latenter plicam, haecque erumpente insaniam cessat. Hinc optimum consilium plica egressum elicerre, quem in finem usurpare suescunt decoctum ex musci clavati manipulis binis, in duabus aquæ mensuris decoctis. Quo dum bis quotidie caput & crines abluant, intra hebdomadis decursum prodire solent cirri, delirium discutientes. Non raro etiam abscessam plicam sequitur crudelis capitidis dolor, quem excipit phreneticus furor cum febre ipsaque mania, quæ tamen usu decocti, vel linimenti ex musco clavato in M.N.G. Dec. 1. Ann. 2. ob. 54. descripti, plicam revocantis, promte iterum abigitur.

§. V.

Absint commo- dentia. Cavendum autem, sicut in omnibus inflammationibus, sic etiam in phrenitide ab acribus & commoventibus, liquoribus spirituosis, a motu animi & corporis fortiori, immo ab omnibus, medicamenta sint, sive alimenta, quæ sanguinem in præternaturalem motum ciere valent. In primis nullo modo ad iram irritandi ægri, & ob id arcendi abiis, a quibus læsi & quos ferre nequeunt, domesticis sint, sive alieni. Opiata & narcotica absint.

Narcoti- ca.

penitus, præsertim ubi vires jam imbecilles. His enim deliria quandoque in febribus inducit testatur experientia. Perite hinc monet *Trallianus I. c. si* vires, inquiens, *imbecilles fuerint*, *tunc maxime vitabis*, ne quid torpor somnoque inducendo incommodum exhibeas. Nam in his, qui infirmas vires habent, non mediocris noxa talium potionem comitur. Vesicantia etiam, *& vesti- cantia.* nonnullis solemnia in phrenitide improbo. Nam cantharides acri, quo pollent, stimulo strictas jam & tensas spastico membranas irritando, delirium augent, & convulsionem facile accerunt. Testatur id diserte *Baglivus*, lib. 1. prax. pag. 102. ita scribens: *in aere Romano*, per adhibita viris vesicantia plures vidimus mortuos, ac sanatos. Proficeret autem magis seminius, quam virus, vidimus. Et paullo post sic pergit: *delirantibus cum febre acuta, lingua arida, indiciis magna viscerum inflammationis*, si applicentur vesicantia, omnes fere in pejus ruunt, *& magna ex parte moriuntur convulsi.*

ENARRATIONES
MORBORUM.

OBSERVATIO I.

Laborabat ardente febre cum intollerando ferme capitis dolore, quadra-
phrenitide ex cohäsione genarius quidam, cui sexto die accedit *testatur critico*. debat alvi fluxus, quem medicus de-
trimentosum esse putans, pulvere ex *alvi fluxu*
bolo Armena, hæmatite & laudano-
opiato composuit. Cohibito hoc, do-
lor capitis gravior factus, & poto præ-
tereæ vino, cui essentia ambræ instillata, maximæ præcordiorum anxi-
tates subsequuntur, fauces cum œlophago inflammatio affectæ, magnaque
colluvies viscidæ mucosæ materiæ in
oris cavo collecta. Successit etiam delirium furiosum, tam vehemens, ut
æger vix a quatuor robustissimis viris
in lecto contineri posset. Adversus
hoc multa quidem & varia adhibita
præsidia, vena in pede pertusa, ad-
motæ

mota epithemata, appositus calens vitiū pulmo, sed omnia incassum, persistit potius per quinque dies delirium non interruptum, donec decimo quarto, a primo morbi insultu, die mors vitæ faceret finem.

Epicrisis.

Nihil profecto perniciosius, quam in ardente biliosa febre, ex colluvie acrum biliosorum prima in regione succorum oriunda, alvi fluxum, tempore præsertim critico erumpentem, imprudenter fistere. Neque enim hoc facto fieri potest aliter, quam ut materia biliosa retenta, vel inflammations in ventriculo & intestinis, vel etiam in capite, ut heic factum, sufficit. Id quod tanto certius accidit, quia a medico temerarie vini usus concessus, qui nunquam, ubi metus inflammationis in primis viis, etiam in parca quantitate, admittendus. Accessit etiam delirium suribundum alvo suppressa, quia ex spastica primarum viarum constrictione, sanguis cum impetu ruit ad caput, ibique congestus, dolores primum, ac postea, ob meningum inflammationem, delirium peperit. Atque adeo patescit, imprudentem medicationem, frequentissime atrocium non modo pathematum, sed & ipsius mortis esse caussam, tum maxime, quando exdem criticæ humoris peccantis excretiones supprimuntur, & materia noxens in corpore retinetur.

OBSERVATIO II.

In puerpera tenera, ad iracundiam prona, cerevisie & vini potui affueta, restituarat penitus post partum lochiorum fluxus, cum virium ingenti debilitate, ardore, præcordiorum anxietate & spirandi angustia. Medici igitur ad provocandum sanguinis profluvium pulverem ex myrra, flavedine corticum aurantium, lapidibus cancrorum, succino & oleo cinnamomi propinuant, ac præterea sal volatile cornu cer-

*Pbrenitis
in lentam
G. bellic
cum con
spatibus.*

vi, in aqua cinnamomi solutum; dederunt. Sed his nihil aliud effetur, quam ut anxietates præcordiorum ingravescerent, urina supprimetur, & alvus dura actensa plane nihil dimitteret. Quin post sex dierum per vigilium, oculi fulgidi, & facies rubicunda delirium nunciarunt, quod etiam paullo post, tanto cum furore successit, ut ægra & lecto sorgens in plateam excurreret, nullumq; frigoris sensum experiretur, sed potius in extremis intense caleret, licet hyems tum regnaret algidissima. Accitus hinc alias medicus, qui venam in pede pertundere jussit, interius dedit in emulso ne seminis papaveris albi pulverem ex nitri drachma, camphoræ, theriacæ & celestis ana granis sex, in quatuor doses divisum, & exterius temporibus admovit epithema nostrum cephalicum. His ægræ placidus somnus conciliatus, cum sudore largo, ex quo exergefacta, de languore & debilitate maxima est conquesta; sudor autem ille per totam hebdomadem manavit, sub quo ipsi liberali manu potui datum decoctum cornu cervicum succo citri. Sic periculosum hunc morbum evasit quidem, sed remansit lenta febris post puerperium, quæ inordinato victu sustentata, & adauita, tandem degeneravit in hepaticam, quæ circa æquinoctium autumnale attulit mortem.

Epicrisis.

Peccant communiter medici, quando lochiorum fluxum imminuntur, vel penitus emanentem, calidioribus & pellentibus urgent, quæ majorem orgasmum sanguini inducendo, anxietates augent alvumque siccant. Tum potius, in exquisitoris præsertim sensu corporibus, antipafmodica, & sanguinis astum temperantia, nitrum & calforeum, ex usu sunt & longe felicius restitantem fluxum revocant. In nostra maturius mittendus fuisset sangais, quod præsidium ex optimis in puerperis lochiis destinatis, ad prælindenda pathemata.

gravissima. Neque dubitandum, quod neglecta venæ sectione, sanguis, ob spasmum interiorum, ex urina & alvi suppressione cognoscendum, sit ad caput delatus cum impetu, ibique induxit phrenitidem, quæ deinde aliis convenientibus auxiliis, venæ sectione, nitrolisis & internis æque ac externis discutientibus, de pulsa, felicem finem per magnum criticum sudorem nocta est. Quod autem remanserit lenta febris, id non infrequens in puerperis, præsertim inordinato & incongruo vieti indulgentibus. Nam naturæ robore per puerperium & morbum fracto, ventriculus etiam debilis est, ut postea ingesta non rite digerat & comminuat, sed cruditates gignantur multæ noxiæ, lentis febribus ansam & causam præbentes.

OBSERVATIO III.

Phrenitis ex calidioribus lesbis, Sub initium hujus anni, in febrem nobis aliquamdiu epidemicam, synocham catarrhalem, cum animi deliquio, horrore, astu & catarrhis, incidit vir probus & profundæ eruditionis, muneri ecclesiastico haud ita pridem præfектus. Medicus vocatus, ad malignitatem arcendam crebrius exhibuit mixturam simplicem & tincturam bezoardicam, iussit quoq; ut æger in lecto & conelavi calido detineretur, ac ipsi nihil aliud potui præberetur, quam infusum calidum herbæ thee. Quinto die apparuere in cute exanthemata: hinc continuata eadem remedia, additum oleum bezoardicum *Wedelii* & interpositi quoque pulveres nitrosi. Ægrum vero a primo morbi initio affixerunt vigilæ assidue, sitis intensa, corpus sudore diffusit, jactatum anxietate perpetua ac inquietudine, eademque pathemata persistenter jugiter, licet purpura esset expulsa, firmamque in cute fervaret stationem. Nono die data a medico ad quietem conciliandam medicina, opii contagium haud obscure prodens; persistenter tamen anxieties & corporis jactationes, & æger

Tom. IV.

subinde delirare visus, absurdâ nonnulla loquutus. Accidit postea, ut, nescio cur, vehementius animo commovere tur æger, quo in furem per intervalla delirium erupit. Ad quod compendium medicus alius accersitus undecimo morbi die venam secare iussit, emissis decem circiter sanguinis uncis. Inde primum quidem somnus induetus, sed post hunc plane furere cœpit æger, ut vix ab aliquot viris in lecto contineri posset, omnia disperperet, & domesticos, parentes atque agnatos, diris verbis, quin verberibus exciperet, donec vigesimo primo die mors miseriarum faceret finem.

Epicrisis.

Pervenit ad nos tristis hæc historia, eo ipso tempore, quo hæc de phreniti de tractatio typis exscribebatur, quam non levibus causis inducti heic inserendum duximus. Luculentum autem præbet exemplum, quomodo ex prepostera medicatione, regimine nimis æstu suo externo & internis calefacientibus, exanthematica alias benignæ indolis materia, malignam & subtilem in intima membranarum cerebri penetrante inducere possit naturam, ad delirium atrox, maniæ tantum non æquale, inducendum, præsertim ubi cerebrum jam tum imbecille. Dictum igitur hoc sibi putent, juniores in primis medicinæ practici, ne unquam in exanthematicis, etiam purpura, calido regimine & calefacientibus pharmacis, suos exceptiant, vires pessundent, morbum exacerbant, & truculenta inducant pathemata. Deinceps venæ sectio undecimo morbi die largior, levamen afferre potuit nullum, ut potius, uti subinde observavimus, detrimento fuerit. Nam in principio quidem, si vires adhuc valent & corpus sanguine redundant, tutissimum & efficacissimum præsidium est utique; sed ubi vires ob morbum, vigilias & præpostorum calidum regimen calidaque pharmaca, exhaustæ sunt, rejicienda largior subtractio, quippe quæ vires longe magis prosternit, ad vincendam morbi

P cau-

causam tamen necessarias. Reste ob id monet *Sydenham* in *opp. phreneticis*, & maniacis, plus interdum succurrendum esse analepticis, quam sanguinis missione. Quod si tamen sanguis in cerebri vasis subsistens ventilationem poscit, satius est, ut eidem proxime per nares procuretur exitus, eo quod ex anatomicis notum est, quod internæ carotidis ramus per os cribriforme, una cum nervo olfactorio, ad pituitariam narium tunicam fertur. Hinc ego saepius cum fructu, ad phrenitidem arcendam, stilo in nares provide, sed alte intruso, stillicidium elicere jussi.

OBSERVATIO IV.

Delirium puff phrenitidem Virgo tenera & in iram prona, sanatum. ptemdecim annorum, a parciore mensum fluxu febrem incurrit pleuriticam, cui accessit phrenitica. Liberata tamen a mortis periculo liberali narium stillicidio; sed restitit postea mentis alienatio & phantasia corrupta, ut interdum angore ac meerore afficeretur, interdum furore percieretur, cum crebris tensivis artuum tractionibus. Ego in consilium vocatus suasi Selteranarum cum lacte potum ad mensem cum balneo aquæ dulcis. Peracta hac cura, pro potu dedi decoctum hordei amygdalatum, cum nitro & saccharo conditum, quod largiter bibit. His non modo mens ad constantiam & sanitatem, sed & mensum fluxus in ordinem redactus, ac intra semestre spatium perfectæ redditæ est sanitati.

Epicrisis.

Dici vix potest, quam spectatæ virtutis in cerebri & nervorum gravibus affectibus, tam convulsivis, quam cum insania junctis, sit diluentium & humectantium usus: his enim humores fluxiles redduntur, obstrunctiones expedientur, acres succi diluuntur, ac temperantur, spasmo eripit spate fibre remittuntur, & insigne imbecillis partibus adjicitur robur. Quo

nomine, ego quidem, in primis celebro balneum aquæ dulcis, & lac, si obtinendum, optime asinimum, cum aquis mineralibus temperatoribus, alcalino sale foetis, quales sunt maxime Selteranæ.

OBSERVATIO V.

Adolescens quindecim annorum, Phrenitis ex ira in chronicæ insanii mutata curata. litterarum studia intemperantius tractans, iracundus & cum sodalibus inter perpetua iurgia versans, aliquanto durius a parente verberibus paullo post cibum fuerat exceptus. Ex eo male habuit, parum appetiit, minus dormivit, somno insomniis terrificis interturbato, donec post septimum diem in phreneticam pathemata erumperent febrem, cum motibus artuum convulsivis, qui per intervalla gravius afflixerunt. In paroxysmo vehementissime vociferabat, maledicta in omnes eructabat, cædebatur & discerpebat obvia. Licet etiam somnum ad aliquot horas caperet, ut videbatur placidum, delirium tamen manebat idem. Comparuerunt postea nonnullæ pustulæ rubicundæ in dorso ac pectore, urinæ secesserunt tenues sine sedimento, & pulsus durus semper fuit, celer & inæqualis. In hoc tam gravi morbo, æger præter ptisanum, cum lacte, syrupo rosarum & nitro, biber nihil, sed largiter, tam salubri effectu, ut gravia symptomata cum febre discederent. Non tamen perfecte mentis morbus sublatus, sed incessit animum odium erga propinquos & præpositos, levi ex causa vehementissime excanduit, ut tremeret, factus fuit insolens & domesticos cibos plane respuit. Hinc datum consilium, ut Schwalbacenses aquas biberet per mensem, & postea per quatuordecim dies balneo uteretur ex aquis Schlängenbadenibus, quod etiam tam feliciter cessit, ut sanus, & corpore, & animo, dominum rediret. Ut autem integritas hæc servaretur, suau medici abstinentia

nuit postea a cerevisia gravi lupulata, ac ptisanam ex hordeo cum radice fcorzoneræ loco ordinarii potus bibit, mane etiam usus infuso theiformi cum lacte, cui subinde nitrum inditum.

Epicrisis.

Quam noxia post cibum sit ira, ex his uberior patet. Ac ut verum omnino est tritum, ira furor brevis, sic etiam in dispositis ira in febrem facile degenerare potest furibundam. Patet dein, quam utilis sit humectantium & diluentium potus, ut recte adhibitus, curationis punctum absolvat fere omnne. Porro notandum, ad abigendam insaniam, multum conferre itinera, ob loci, aeris & personarum invisa rum mutationem corporisque motum. Multum vero etiam præstat, recte jam notante Hippocrate, ætatis mutatio, ut sponte sæpe, post vigesimum primum ætatis annum, ejusmodi capitisi morbi discedant.

C A P U T VI.

De Febribus Pneumonicis,
sive Pleuritide, &
Peripneumonia.

Theses Pathologicae.

Descri-
prio pne-
umonicæ
febris.

PNeumonica febris est acuta, inflammatoria, orta a stasi sanguinis, intra sanguifera vascula pulmonum, vel etiam venæ azygos ramulos in pleura, juncta cum acuto & pungitivo dolore lateris, spirandi difficultate, æstu immodico, pulsu duro & frequenti, tussi siccâ, vel etiam humida, quandoque cruenta, periculi nunquam expers.

Differ-
entia
loci in-
gamma-
bus.

S. II.
Nulla febris inflammatoria est, quæ omnis ætatis, sexus & temperamenti hominibus, in frigidis, & que ac calidis, & temperatis regionibus degentibus, adeo infesta est, & que etiam simul plures ob aeris inæqualitatem & in-

temperiem epidemice corripit, quam quæ in thorace fit, sive in ipsis pulmonibus, sive in musculis intercostalibus, tam internis, quam externis, pleura nervosa interius cinctis. Prout autem inflammatio in thorace partibus insidet diversis, varia non modo accipit nomina, sed & symptomatibus, even tu & curandi ratione, plurimum differt. Veteres quidem, accurata anatomica partium cognitione destituti, subjectum pleuritidis & peripneumoniae esse putarunt pleuram, ob id omnem fere thoracis inflammationem dixerunt pleuritidem. Hippocrates tamen distinctionem jam fecit inter pleuritidem & peripneumoniam. Quo forsitan omnes fere prisci & medii ævi, quin superiori adhuc saeculo medici, inducti, ut in peripneumonia pulmo nes, in pleurite autem vera hos plane non, sed tantum pleuram cum mu sculis, quos succingit, affici afferuerint. Fallum autem esse hoc assertum, & pleuriticum malum omnino etiam in pulmonibus consistere, pluribus & momentosis rationibus docui in dissertatione de pleuritide & peripneumonia. Validissimum enim est argumentum ex sectione pleuriticorum, quam Petrus Servius teste Welschio Dec. I. curat. IV. Romæ in nosodochio ad S. Spiritum, vel in trecentis instituit, & semper lobum pulmonis infectum, materiaque repletum conspexit, pleura aut nihil omnino ad sensum vitia ta, aut leviter tantum quodammodo inquinata. Hinc, mea quidem sententia, ita sedes diversa inflammationis in thorace determinanda, ut si externas tantummodo partes occupe, emergat pleuritis spuria, & membranosa pulmonalis substantia superficiem, instar erysipelatis pre hendat, pleuritis sit vera, & ubi altius in ipsam pulmonum substantiam descendat, gravior sit atque profundior, peripneumoniam excludat.

S. III.

Hæc igitur inter se dissidentes in-

R 2 flam-

*Signa pleurit. spu-*flammationum in thorace species pro-
be sunt discernenda a medico, per no-*nus.*tas quasdam essentiales & characteri-
sticas, jam sigillatim commemoran-
das. In pleurite quippe spuria dolor
est valde acutus & pungitivus lateris,
qui etiam tactu augetur, decubitus in
latero affecto difficilis, tussis siccata, sine
ejectione materiae pituitosae, vel crue-
ntiae, dolorem tamen, si valida est,
exacerbans: juncta etiam simul est
febris, cum pulsu subduro, depresso
& frequente. Causam deinceps ipsi
præbet, non tam sanguinis, quam
potius serieris itatis, in finibus arte-
riolarum & venularum azygæ conne-
xarum, nec non tuborum lymphati-
corum, in pleura, vel etiam perio-
chio costarum, ubi sensus adhuc est
acutior. Hinc nihil aliud quam rheu-
matismi species est, & ob id familiaris
illis, qui catarrhis, doloribus rheu-
maticis, arthriticis obnoxii sunt, vel
hemicrania subinde vexantur, præ-
fertim si ex aere nimis calido in frigi-
dum, vel contra tempore potissimum
vespertino, concedunt. Neque ea pro-
pter sanguinis missionem poscit, nisi
eminens admodum urgeat plethora,
sed sola diaphoresi & auctiori perspi-
rationis successu, mox & facile ite-
rum, circa septimum plerumque diem,
solvitur ac periculi expers est.

§. IV.

Pleuritis vera. Pleuritis vera inflammatio est san-
guinea, a stasi sanguinis in vasculis va-
forum bronchialium, quæ superiori
seculo detexit *Ruyfchius*, & quæ tan-
tummodo nutritioni membranarum,
vesicularum & vasorum, pulmonum
compagem constituentium, servient. Atque adeo principaliter ipsi pulmo-
nes sunt affecti, sed quoad partem tan-
tum externam superficialem. Et hinc
est major, quam in spuria spirandi angus-
tia, sputum cruentum, & quod ex-
pectoratione morbus solvatur. Febris
etiam juncta ut plurimum, sed magis
acuta ac inspuria, adfuit quoque do-
lores, sed non tam acerbi, nec tactu e-
xacerbandi, in latero affecto. Trahi-

tur enim simul in consensum pleura-
thoracem investiens, tum quod exte-
rior pulmonalis membrana pleurae fo-
boles, tum etiam quod in plurimis ho-
minum pulmones in alterutro mini-
mum latere pleurae annati atque con-
creti sunt.

§. V.

In peripneumonia dolor est magis *Et peri-*
tensivus, obtusus, pressorius, quam acu-*pneumo-*
tus & ad dorsum usq; & scapulas propa-*nica.*
gatur. Sed major spiritus difficultas, an-
xietas, & ægra expectoratio, qua sputu-
varii coloris ex imo dicitur. Nam in
hac vasa pulmonum ipsa, que sanguinis
curlum & uno cordis ventriculo in al-
terum absolvunt, affecta & sanguine
craflo, in solidescente naturam abeu-
nte, farcta sunt atq; obstructa. Quare ma-
jori stipatur periculo & facile, quos cor-
ripit, necat, præsertim si seves, & tem-
pestiva sanguinis omittitur ventilatio.

§. VI.

Interim licet veteres minus exacte
distinxerint thoraci inflammationes; *Morbi*
quia tamen frequentissimus fuit mor-*historia*
bus, ubi vixerunt prisci illi medicinae *ex Aca-*
eo.
principes, *Trallianus*, *Aretaeus*, *Cælius*
Aurelianus, & reliqui, ex ipsis morbi
symptomatum historia accurasier peti-
potest, quam forsan ex recentioribus.
Mihi præ reliquis placuit *Aretæi de-*
scriptio, quam l. i. c. 10. de pleuritico
morbo consignavit: comitatur, ait,
illum dolor acutus, ad jugula ascendens,
ignis acer. Quibusdam vero & in ter-
ga, & in scapulas dolor protenditur.
Sequitur etiam difficilis spiritus, vigi-
lia, ciborum fastidium, malarum rubor,
tussis arida, sputa ægre excreta, pi-
tuitosa, aut abunde cruenta, aut sub-
flava. Pejus est, si cruentum sputum
non adsit, si delirant, vel comate occu-
pantur. Scribit porro, ergo intra septi-
num, vel decimum quartum diem co-
valescere, aut perire, pro symptomatu
vehementia. Vel si ad vigesimum diem
malum extendatur, fieri empycos. Ad-
dit etiam, quod hyems maxime ferax
sit, secundo autumnus, ver minus, ni-
si interdum perfrigidum sit, æstas ve-

ro minime; item quod inter ætates senes maxime huic malo obnoxii sint, pueri minime, vel minus eo periclitentur, quia puerilia corpora rara sint, humida & fluxa, multaque in iis diffusio & exhalatio.

§. VII.

Ad proximam causam concurrunt plures. Quum autem gravia omnino, quæ febrem pneumonicam comitantur pattemata, unice fundamentum suum habeant in inflammatione pulmonalis substantiæ; in procinctu est judicare, quod omnia, quæ libero sanguinis progressu per minima pulmonum vascula, vel canalicula copia crastæ materialæ obstructione, vel eorum valida spastica, a materia tenui, acri, constriictione obicem ponunt, ad ingenerandam inflammatoriam hanc febrem sint aptissima, præsertim quando plures simul causæ, quæ dicuntur antecedentes, procatarcticæ & remotæ, in unum hunc effectum conspirant. Igitur ii, qui ex vietū crasso, impuro, potu spirituoso, humidi & motus defectu, sanguinem in venis alunt, & copiosum, & spissum, qui recte *Sydenhamo narrat* dicitur pleuriticus, quam facile, conspirantibus aliis procatarcticis causis, morbum hunc nanciscuntur, tum maxime, quando corpus per intensiorem exercitatem, operosum laborem, balnea item calida, necnon spirituorum potum, vehementius exæstuantur, & postea frigidæ septentrionali aurae incautius committitur, aut, quod pejus adhuc, subito potus ingurgitatur perfrigoratus. Promta etiam eadem ob causam hujus passionis genesis in sanguineis & plethoricis est, omissa tempestiva fanguinis missione. Idem evenit feminis, quibus menses, vel inordinate, vel justo parcus fluunt, vel etiam si ob ætatis rationem plane emanent, nec non viris, quibus haemorrhoidum fluxus non rite obtingit, aut plane suppressus est.

§. VIII.

Spastica vaſorum tunica. Deinceps non semel, sed saepius obseruata, servavi, tormina, spasmos, & colicos,

Tom. IV.

nec non hypochondriacos in abdomine & intestinis dolores, cum alvi vehementiori constrictione, sequitam fuisse inflammationem pulmonum, maxime in plethorico-cacochymicis. Nam horum ea est natura atque facultas, ut comprimendo vascula, præferum venosa, liberum sanguinis iter impedian, ejusdemque motum inæqualem, & majorem præter naturam appulsum ad alias, in primis superiores partes, efficiant. Quo postea nimio impulsu fit, ut sanguis non modo urgeatur ad tubulos, qui ob minorem diametrum sanguinet ordinario nec vehunt, nec capiunt, sed & in hisce vasorum angustis impactus haerens, equeabilem & inoffensem progressum intercipiat, & omnes functiones, quæ sunt secundum naturam, perturbet. Et quia corpora haemorrhagiis ad modum obnoxia, plerumque sanguineæ sunt complexionis, & spasticis in imo ventre stricturis patent; hinc fit, ut juvenes, qui largas narium haemorrhagias, sputum cruentum & haemorrhoides præmaturas experiuntur, per quam facile, accedentibus occasionalibus causis, in pleuricas & peripneumonicas febres incident. Porro frequenti observatione constat & illud, quod a scabie retropulsa, a præpostere cohibito simplici, vel dysenterico alvi fuxu, a consolidatis antiquis ulceribus, a critico consueto pedum, vel totius corporis sudore suppresso, vel purpura chronica ob frigis externum retrocedente, petoris obortæ fuerint inflammations. Illa enim materia acris causticæ indolis, recrementitia, nervosis pulmonum & thoracis tunicis impacta, ob spasticas, quas suscitat, stricturas sanguinis progressu obicem ponit, eundemque in æqualitate turbat. Neque etiam rarus est, post variolas & morbillos, præsertim male tractatos, gigni in thorace inflammationem, quum hi morbi nunquam non pulmonibus infestis esse, ac in iisdem labem & imbecilitatem relinquere soleant.

§. IX.

Epidemi- Præterea, quandoque ab extraordi-
na eti. naria; & insueta aeris temporumque
constitutione, pleuritides, tam veræ,
quam spuriæ, populares sunt & epi-
demicæ. Evenit hoc, si hyems diuturna
nimis rigida regnavit, item quando
longam austrinam aeris temperiem &
levem atmosphäram, repente frigida
& borealis, valde elastica aura exci-
pit. Quod postremum quum in primis
vere & autumno contingere soleat,
hinc tum febres tam catarthalæs, &
malignæ & benignæ, quam pleuriti-
cæ circumire solent. Post asperam
etiam hyemem notavimus grassantes
pleuritides crudas, in quibus vix no-
no & decimo die sputum appetet. *Hip-*
*po**cra**tes* *morb* *lib*. 2. *vocat* *siccas*, & in
ipsis ægri primis diebus admodum an-
guntur, viresque dolore & inani tussi
admodum concidunt, ut procedente
sputo, expectorationis vix sufficientant,
& ægri difficuler convalescant. En-
demia etiam dantur peripneumoniae.
Notum quippe est frequentem admo-
dum esse peripneumoniae morbum, &
plures, in Westphalia, Pomerania,
Svecia, Dania & Russia interficere.
Id quod vero tam propter solennem
his in regionibus viatum durum &
crassum, quam propter aerem frigi-
diorem & asperiorum, septentrionali-
bus locis proprium, accidere arbitror.

§. X.

Cris
ses
servat. Ego quidem vix in ulla febre tam
accurate observavi crises, quam in
pneumonica, pleuristica scilicet &
peripneumonica. Nam in juvenibus, &
qui paulo vegetioris nature, circa quar-
tum plerumque diem sputum prodit
cruentum, & septimo die morbus spon-
te sua per sudorem largum solvitur. In
phlegmaticis & seignioribus, nec non
ubi vitium pulmonibus insidet altius,
undecimo, vel etiam decimo quarto
die, morbi fit solutio, partim screatus,
partim sudore, pulsu facto molliori,
accidente somno placido & virium in-
cremento. In imperfecta autem crisi
criticis diebus etiam appetet sudor,

sed non sufficiens, ideoque nec ægrum
levat, nec morbum solvit. Et ubi
symptomata durant ad 21. diem, me-
tus est abscessus in pectore periculosi.
Bonum igitur indicium, quando ex-
pectoratio ex imo pulmonum succedit
bene, evehens materiam viscidam,
quarto die cruentam, dein flavedine
tinctam, interdum etiam purulen-
tam. Et quo expeditior screatus, eo
major sanitatis spes, quo impeditior,
eo minor. Laborandum modo, quando
morbus expectoratione materie
copiosæ virulentæ terminatur, ne in fine
phthisis, vel hectica accedit. Nun-
quam autem tuta crebra alvi fluxio,
suspecta etiam urina sine sedimento, &
minus quoque fausti omnis sudor lar-
gus, extra dies criticos. Quando ta-
men undecimo, vel duodecimo die
alvi dejectio non nimis copiosa acci-
dit, non adeo pertimescenda, sed
purulenta materia quandoque simul
ejicitur. Quando etiam circa diem
quartum naturæ beneficio narium
prodit stillicidium, id non sine nota-
bili contingit euphoria.

§. XI.

Nulla ex inflammationibus tam fa-
cile recidivat, ac febris pneumonica, *Recidive*
frequen-
præsertim quæ paulo profundior fuit
cum quodam abscessu. Mihi nota sunt
exempla, ubi quidam vix convale-
scentes, inordinata diæta, potu inpri-
mis copioso vini meracioris, in eun-
dem morbum, elatio vix mente re-
lapsi, lethali plerumque eventu. Quin
novi inflammationem hanc, bis, ter,
quater & pluries anno, eodem in lo-
co, ubi primum constiterat, recru-
disse. Ut adeo, qui semel hoc affe-
ctu tentati, ejusdem repetitum insul-
tum exacta vitæ viæ usque ratione,
semper opus habeant arcere cum
cura.

§. XII.

Qui autem inflammatione pulmo-
num moriuntur, suffocatione perirent,
quia materiam in vesiculis aereis &
ductibus bronchialibus hærentem tus-
si amplius ejicere nequeunt. In se-
cilio-

Aione pulmones inveniuntur inflati, duri, instar hepatis, & ob vasa sanguine crasso tenaci farcta, aquæ injecti fundum petunt. Vidi etiam pulmones abscessibus parvis & tuberculis duris obsessos, cum inflammata & sphacelata pleura, pulmonum substantia adhærente. Neque minus notamhi sunt exempla, ubi polyposæ concretiones, in vena pulmonali, item arteria magna repertæ, obicem posuerunt liberiori sanguinis per pulmones cursui, & inflammationem, ob sanguinem copiosius, quam debebat, eo delatum, induxerunt.

C U R A T I O .

§. I.

Indicationes curato riae.

Quia igitur sanguis subsistens & æqualem circulum intercipiens unica proxima hujus morbi causa, palmarium utique in sanando est momentum, ut si expediatur iterum atque discutatur. Ad quod perficiendum, haec subordinatae faciunt indicationes: 1.) quando ulterior sanguinis stasis atque stagnatio impeditur; 2.) quando lenitor in sanguine pleuriticorum obvius diluitur & colliquatur; 3.) quando pars affecta, per spasmodum, dolorem & copiosum affluxum rigidam mollitur & laxatur, quo impactus cruor ab appulso sanguine arterioso eluatur ac in motum rursus cieatur; 4.) quando excretio materiae viscidæ, sanguinolenta ac purulentæ, in bronchiis pulmonum hærentis, per screatum facilitatur, simulque abscessus & empymatis generatio præcinditur.

§. II.

Sanguis mittens. Ad præcavendum inflammationis incrementum, nihil utilius est sanguinis missione, quæ quo citius administratur, eo plus auxilii præstat. Seccetur vero vena in brachio, & quidem illius lateris, quod affectionem est: mittatur etiam liberalius, si plethora eminens & cum impetu exsilit sanguis. Quin ubi serum admodum tenax & glutinolum, eminillo sanguini innatat,

& respiratio post sectionem adhuc valde difficultis urget, confidenter itera to subtractio administranda, præser tim si paullo profundioris staleos inflammatoriae suspicio.

§. III.

Diluentia prostant & discutentia. Ex internis quam maxime proficua, que sanguinem, serum ac humores tenues reddunt ac fluxiles, crassos vero ac spissos colliquant, blandamq; simul movent diaphoresin. Quod ut obtineatur, conducunt hæc. Infusum theiforme, ex herba veronicae, chærefolii, salviae ana manipulis duobus, radicis liquoritiae uncia, feminis fenniculi drachmis tribus, de quo frequentius patelle quatuor vel quinque sorbillandæ. Dein mixtura discutens & diaphoretica, hunc in modum: recipe aquæ cardui benedicti, scabiosæ, florum sambuci, acaciae ana uncias duas, theriacalis unciam semis, aceti destillati unciam, lapidum cancerorum drachmam, antimonii diaphoretici scrupulos duos, syrapi papaveris rhæados, vel syrapi croci, ex lacchari dissoluti uncia & extracti croci granis octo parandi, drachmas duas. De qua duæ vel tria cochlearia, biliariorum quovis, alternatim danda cum pulvere hoc: recipe antimonii diaphoretici, sive cerussæ antimonii, lapidum cancerorum, mandibularum lucii pisces, dentis hippopotami, solutionis oculorum cancri ana drachmam, nitri puri drachmas duas, cinnabaris scrupulum. M. f. pulvis ad drachmæ dimidiæ pondus pro dosi exhibendus. Quando etiam natura paullo segnior & pleuritis epidemia mali moris, pulveri huic adjicienda camphora, quæ potenter resistit inflammationibus, &, ne latius serpant, impedit. Tenendum tamen, dimidium granum pro dosi sufficere, & desuper bibendam esse emulsionem ex semenibus quatuor frigidis majoribus, cardui Mariae & nucleis pinearum, cum decocto hordei & cornu cervi paratam.

§. IV.

Spasmuri laxandria & spiritus secundarii. Dolores acutos mulcet & rigidas fibras optime remittit, vesica calida dani.

dolenti parti tantum non perpetuo admota, plena decocto emollientium specierum, uti florum sambuci, meliloti, verbasci, chamomillæ, malvæ, liliorum alborum, seminum quatuor carminativorum, croci, ex lacte. Reete enim jam *Aretæus lib. 1.* in curatione pleuritidis præcipit, ut lateri dolenti applicetur vesica calente oleo repleta, modo fatus levis sit, ne pondere dolorem efficiat. Et certe hoc topico mirifice levantur dolores, respiratio facilitatur, simulque materia ad expectorationem preparatur. Ipsam tandem expectorationem egregie promovet linctus ex oleo amygdalarum dulcium uncia dimidia, spermatis ceti drachmis duabus, croci granis decem, syrapi violarum, facchari canthi ana uncia una cum dimidia. De quo crebrius quicquam deglutiendum, vel cum decocto avenæ excorticatae, aut fero laeti dulci assumendum.

*Cautelæ & Observationes
Clinicæ.*

§. I.

Cautela situm est in sanguinis missione, de qua circa ve- perite *Aretæus lib. 2. pag. 180.* monet : ne sectio- nullæ moræ atque dilationis in pleuriti- mem. *cum protinus valenti remedio succurramus*, datur occasio, quo primo præcipue die vena secunda est cubiti, & quum mediocriter effluxerit, recreandus homo, interjecko temporis spa- cio, iterum detrahi potest, si bene ha- beat, sin minus, postridie. Hæc quippe non tantum in juvenili ætate uti- lissima, sed & senili, quia hæc plus sanguine abundat, quam alia, magis que crassum ac tenacem in venis alit, qui inflammations facit profundiores ægre discutiendas, eaque propter hac in ætate etiam, si vires patiuntur, venæ sectio potest repeti. Inprimis curandum, ut pro viribus & quantitate sanguinis, nec nimium, nec parcus extrahatur. Quod si enim justo plus emititur, non modo expe-

ctoratio inhibetur, sed & stasis san- guinis dissolvenda obfirmatur magis, vel plane in sphacelum transit. Si au- tem minus, quam par est, evocatur, parum juvat, sanguis nacto spatio, impetuosis affluit, & stagnatio cum inflammatione increscit.

§. II.

Deinceps curandum quam maxime *alvi va- cuationē*. in his pneumonicis febribus, ut alvus aperta & intestina a spasmis libera maneant. Suadet id jam *Trallianus lib. 1. nec non Hippocrates lib. 3. de morb. §. 17. alvum*, inquiens, *in primis qua- tuor aut quinque diebus subducere oportet*, & hoc paullo amplius, quo febres obtusiores sint & dolores leviores. Nos quidem commendamus hunc in finem clysteres emollientes & paregoricos, domesticos cum oleo amygdalarum dulcium, quibus & alvus re-seratur, & strictura intestinalis spa- stica laxatur. Reete etiam *Aretæus lib. c. præcipit*: *medelam inferioribus partibus adhibendam negligere non oportet*, viris quidem in anum, oleum ru-taceum, mulieribus in uterum, infun-dendum est. Quod experimentum et iam locum habere potest, si intesti-na crassa spasmis constricta, vel spasmatica uterina passio mulieres de-tinet.

§. III.

Trallianus lib. 4. pag. 269. maiores in modum in ejusmodi inflam-matoriis affectibus commendat, & quidem merito, potus aquoso-mul-sos. Commendat quoque & laudat tremorem ptisanæ, bene decoctum, largiter sumptum, cum amygdalis incoctum: neque desinas, ait, tepidam adhibere, dum cibus & aliæ potionis exhibentur, & addit, nul-lum aliud auxilium pleuriticis ita accommodatum invenient, etiam si febris adsuerit vehemens. Ptisanam suam semper etiam laudat *Hippocrates*. Et certe humida tepide sumpta, omnibus præferenda esse, ex-pertus scribo. Ad humores vero diuendos, nil utilius decocto ave-naceo,

naceo, vel hordeaceo, addita decenti quantitate, mellis Prussici, nec non iero laetis dulci. Et quo plus humidi, præsertim si corpus valde sudat, assumentur, eo salubrius est.

§. IV.

Regim⁹ & vali- Ut in omni febre inflammatoria, sic maxime pneumonica, abstinen-
da eva- dum a regimine nimis calido, quoad
quantia. lectum & conclave, potu etiam nimis calido. Cavendum vero etiam vicissim a refrigeratione & potu frigido. In medicatione exulent omnia fortiter urinam, sudorem, necnon alvum moventia, ne lymphatici tenues humores, quorum beneficio stasis dissolvens, aliorum trahantur. Nam de alvina excretione perite jam monet *Hippocrates lib. 3. de morb. mulius hu-*
mori si infra secedit a quinta die mor-
tem inducit. Etenim superna partes
resecantur & spuri purgatio sursum
non prodit. Oportet igitur, & infernā
alvum neque valde suppressam esse, ut
ne febres sint acutæ, neque valde ege-
rere, quo saliva sursum educi queat, &
ager viribus valeat. Quando tamen
alvus bis, vel etiam quater sua sponte
fertur, minime id est prohibendum.

§. V.

Anody- Ad dolores acutos sopiaendos com-
na. mendantur plerumque anodynæ & opia-
tæ. Sed cavendum ab ii sest, præser-
tim in senili ætate, ubi humorum spis-
titudo & inflammatio profundior. Fu-
gito, serio monet *Trallianus l. c. dia-*
codium & philonium. Nam maxima
pericula inducunt, cum humores edu-
cioni contumaces reddunt, & vives pro-
sternunt redditumque emortuas. Ubi ve-
ro impensior dolorum atrocia in æta-
*te juvenili, ultra papaveracea, emulsi-
nem nempe cum semine papaveris e-
jusdemque syrupo, vel diascordium*
Fracastorii, non facile ascendendum;
ita tamen, ut semper ipsi admisceantur
nitroſa & diaphoretica. Externe
autem ad mulcendos dolores ipsam-
que discussionem secundandam, præ-
ter superius commendata, utilis est

fotus cum pinguedine caponis calefa-
cta, in cujus uncia, dimidia campho-
rae drachma soluta.

§. VI.

Expectorantia & dulcia non nimis *Expe-*
cito propinari debent, primis scilicet *Goran-*
diebus, sed tunc demum, quando ma-
teria cocta, viscida, mobilis est & ad
excretionem apta; aliæ major ad pul-
mones proritatur affluxus. Nonnulli
etiam sperma ceti in copia assumptum
ad sanguinem dissolvendum commen-
dant. Ego vero ob nauseam, quam
parit, plus illud nocuisse, quam pro-
fuisse, observavi. Neque etiam hoc
tanta dissolutoria facultate pollet,
quam acetum cum cancrorum lapidi-
bus.

§. VII.

Quando die critico, uti sèpius, nisi *Morbo*
turbas faciat medicus, incidit, inflam-*decli-*
matio per copiosum sudorem solvitur, *nante*
quem liberior respiratio corporis qui-*temenda*
es & virium incrementum subsequitur,
diaphoreticis & diluentibus aliquamdiu adhuc insistendum, sed non
tam crebro. Exacta quoque vietus ha-
benda ratio, ne plus, quam par est, &
ventriculus debilis subiger potest, as-
sumatur. Quo morbi reliquæ penitus
consumantur, & recidiva arceatur.

ENARRATIONES
MORBORUM.

OBSERVATIO I.

Juvenis accedens ad annum vigesi-
mum sextum, sanguineo-cholericus, *Perip-*
habitùs corporis strictoris, ante duos *neumo-*
annos singulis fere mensibus sibi ap-*nia o-*
plicari curavit cucurb. tulas cum scari-*missa*
ficatione, postea simul & semel per an-*V.S. le-*
num id intermisit. Aliquandiu nullo *thalis.*
notabili incommodo circa pectus fuit
affactus, sed Februario mense, hyeme
tepidæ, corripitur primum horrore
& rigore, corporisque lassitudine,
quibus mox accessit dolor in pectore,
spirandi angustia, cum prostratione
appetitus, virium, calore præternatu-
rali,

rali, pulsu celeri, duro & inéquali, somnoque inquieto. Adhibita remedia variæ internæ pneumonica, omissa tamen vera sectione, in casum. Ad ducta enim in pectori angustia cum metu suffocationis, expectoratio fuit difficultima, febris facta intensior, facies rubicunda, oculi feroce, & astida vigilia circa diem septimum delirii præbuerunt indicium, quod etiam eodem adhuc die accidit, cum ipsa morte. Aperto post mortem thoracis cavo, in conspectum venerunt pulmones mirum inflati, distenti & tactu duri. Replerunt hi omnem fere cavitatem, & firmissime præterea erant adnati diaphragmati, costis & dorsi vertebribus, in utroque latere, ut difficultime cultri acie potuerint separari. Exemti apparuerunt admodum duri instar carnis, vesiculae quasi carnea crassa rubicunda substantia erant infarctæ, & quem discindenterunt, pauca quantitas ichoris putridi sanguinei effluxit, præsente pure nullo. Lanci impositi gravitatem quinque ponderum exhibuerunt & aquæ injecti semper ad ima descenderunt. Ipsa in aspera arteria spumosa & tenax materia reperta. Arteria & vena polyposis concretionibus, quæ ex corde & auriculis, quarum columnis, & fibris firmiter erant connexæ, exemptæ, plus quam duarum unciarum pondus habuerunt. Cordis ventriculi crasso, & nigricante cruento penitus erant conferti, & in pericardio sex minimum cochlearia aquæ, instar carnis loturæ, fluctuarunt.

Epicrisis :

Patet hac ex sectione, in peripneumonia non semper adesse pus & materiam, sed potius crassam sanguinis substantiam firmissime poris & tubulis pulmonum impingi, & ita tumorem durum, qui omnium symptomatum succedentium causa est, effici. Innotescit deinceps hoc casu, omissam consuetam sanguinis subtractionem, in corpore plethorico sanguineo-cholerico-

co, gravisimæ tali sanguineæ inflammationi ansam præbere posse & occasionem. Porro admodum probabile, polyposam substantiam ex crassiori sanguinis parte concretam, & in pulmonarybus vasis hærentem, multum ad generationem hujus affectus contulisse. Testatur enim *Malpighius de polyp.* peripneumoniam sè numero induci a polyposis concretionibus in pulmonum vasis hærentibus. Non immerito quidem mirandum, cur, posito hoc sanguinis progressui obice, non perpetua ante peripneumonia invasionem difficultis fuerit respiratio. Sed vasa, quibus polypi inhærent, ordinario magis ampliantur, ut sanguis nihilominus præterlabi queat. Quamdiu igitur sanguis placide circumagit, nec quantitate nimis redundat, liber manet ejusdem per hos etiam tubos transitus, nullumque subsequitur incommodum, ut viderim, polypos ad ulnae usque longitudinem per arteriæ aorta, item venæ cavae truncum superiorem & inferiorem fuisse elongatos, sine ullo sanitatis detimento atque periculo. Verum si sanguinis copia accrescit nimium, tumultarius violentus in ipso motus exsurgit, præsertim si ab externis constrictis impetuose ad interna urgetur, congestus circa cor & pulmones crux, maximeque in tubis, quibus inhæret polyposa massa, stagnans & accumulatus, inflammatorios tumores, præsertim in viscere sanguineo, facillime excitare potest. Tum vero quam maxime necessaria sanguinis missio tempestiva, quo sanguini iterum paretur circuitus, quæ nostro in agro pessimo consilio omissa.

OBSERVATIO II.

Quum synochæ & catarrhales febres sub finem elapsi anni milites nostris praefidarios epidemicæ prorsus via *Pleuviis.* *Spatiis.* *Sanatoris.* ratione infestarent, Januario mense etiam plures, præsertim ex iis, qui contagium vitaturi in circumspectas civitates, sub frigido valde & humido aere-

aere hinc discesserunt, corripuit spuria pleuritis. Ex his triginta commissi sunt curæ medici, amici & auditoris olim mei, qui febre laborarunt valde gravi, cum acuto dolore lateris alterius in thorace, tussi sicca, sed intollerandum dolorem concitante & somni defectu. Omnibus est statim sanguinem mittere jussit in brachio, qui in pluribus cuticula glutinosa obductus comparuit. Potui liberaliter dare præcepit decoctum avenaceum tenuem, cui inculta salvia. Temperatum in omnibus injunxit regiaen, & præterea nil nisi pulveres, ex nitro, antimonio diaphoretico, lapidibusque cancrorum, admixto nonnunquam aceto vini & aliquot uncii aquæ cardui benedicti, dedit. Et exterius lateri dolenti calida tantum lincta admota. Sic morbus solutus fuit largo sudore, septimo, vel etiam undecimo, aut decimo quarto die. Juvenibus nonnullis, & quibus non sufficiens sanguinis quantitas subtracta, septimo, vel nono die, nares sanguinem stillarunt cum euphoria, & pulsus per totum morbi decursum magis fuit depresso, quam velox. Quos autem febris longius ad decimum usque quartum diem detinuit, his accidit purpura rubra, quæ vesiculis aquosis albis quasi erat obsita in omni corporis ambitu. Nihil tamen aliud usurpatum, quam pulvis bezoardicus cum nitro, liquor noster anodynus mineralis, & decoctum hordei, nec non avenæ excorticatae, tepide largiter potum. His convaluere omnes, mortuus nullus, excepto unico, qui pleuritide cum petechiali febre fuerat affectus.

Epicrisis.

Facile in pleuritidem spuriam incidit, qui vestibus non satis munitus, in aere frigido & humido, autumno, vel hyeme, diu versatur. Nam ego nullum morbum & inflammatoriam febrem, tam promte ab aeris intemperie, inæqualitate & mutatione generari, observavi, quam quæ in thorace consi-

lit. Notavi quoque, æstate valde secca & calida si admodum frigidus & septentrionalis ventus subito excipit, non tantum distillationes catarrho-sas, sed & rheumatismos & pleuritides cum sputo cruento vehementesque lateris dolores fuisse frequentes. Nam aer quam maxime & proxime, propter continuam inspirationem, afficit pulmonum viscus intus, & exterius quoque thoraci & costis, quæ tenuioribus musculis, membranis nerveis & vasculis septæ sunt, allabitur, eaque propter quam facile spasticas crispaturas inferre & liberum humorum circuitum sistere potest. Recte autem medicus spuria hac pleuritide laborantibus omnibus secari jussit venam, ob crassum & copiosum, qui hyeme gignitur, sanguinen, quum alias non semper in spuria, si corpus magis serofum, sanguinis missio sit necessaria. Neque etiam in pleuritide notha externe ita accommoda sunt unguenta & linimenta oleosa, vel etiam humida, eo quod perspirationem, qua stagnans humor discutiendus & diffundandus, impediunt. Præstat tantum partem affectam in temperato & æquabil i calore, sub leví calefacto lectulo, servare, in primis quum nec omnis cutis, eodem modo ac in arthritide & erysipelite, ferre possit topica. Demum quoque notandum, purpuram rubram vesicularem non esse confundendam cum alba miliaria. Illa enim longe benignioris est naturæ, & a sero non tam putrescente & vappido, sed potius acri scorbutico ortum dicit, & ob id, si modeste & perite a medico excipitur, non tanti est periculi.

OBSERVATIO III.

Juvenis literarum studiosus, viginti ^{Pleuritidem} annorum, spongiatus habitu & ^{tis vera} sanguine plenus, in prima æstate ob ^{purgantibus} id crebrius narium stillicidium exper-^{tis usq} corruscus, liberatus vix ante aliquot menses ^{pea}, a quartana, qua cum per unum & diuidium annum fuerat confictatus,

Mar.

Martio mense , post multos in vietu errores, potum vini minus boni & corporis refrigerationem, incidit in pleuritidem veram, symptomatibus stipitam consuetis. Datum in principio purgans, quod aliquot ledes movit , non sine subseguente imbecillitate. Secta etiam in cubito vena , e qua exiit sanguis valde spissus, niger, obductus materia tenaci glutinosa . Nihilominus tam impensa fuit spirandi angustia, ut propter suffocationis metum , nec supinus, nec in dextro latere cubare posset , sed erectus semper sedere necessum haberet. Pulsus simul erat admodum durus parvus & celer, vigilia continua , perpetua tussis, & sputum quodammodo cruentum , cum exquisito pungitivo dolore rejiciebat . Quinto morbi die vocor ego, & statim lateri dolenti admoveare jussi vesicam speciebus emollientibus ex lacte coctis plenam. Interius dedi pulverem hunc: recipe lapidum cancrorum , mandibularum lucii pisces preparatarum, antimonii diaphoretici ana drachmam , solutionis oculorum caneri , nitri puri ana drachmam semis , cinnabaris antimonii grana 15. M. f. pulvis , de quo ternis singulis horis dimidia drachma oblata , interposito potu infusi theiformis . Ter etiam vel quater quotidie porrigitur jussi hanc mixturam: recipe aquæ chærefolii, florum sambuci, cardui benedicti ana uncias duas, aceti destillati drachmas sex, lapidum cancrorum drachmam , mandibularum lucii pisces, antimonii diaphoretici, ana drachmam dimidię, syrapi jujubini drachmas tres. M. Cerevisæ & frigidum potum interdixi omnem , sed liberaliter præbere jussi infusum herbæ veronicae , florum sambuci, radicis liquiritiae & seminis foeniculi, ex aqua . Septimo die supervenit hæmorrhagia narium, sequutus quoque per universum corpus sudor , & morbus ex voto solutus. Sanus etiam hinc discessit juvenis, sed audivi, eundem postea fere quotannis eodem malo fuisse affectum , ac trigesimo ætatis

anno phthisi tandem extinctum :

Epicrisis .

Juvenes sanguinei, qui hæmorrhagiis narium, vel hæmorrhoidum prematuro fluxui in juventute obnoxii, a thoracis perfrigeratione facile incidunt in pleuritidem sanguineam . In his vero omne præsidium in sanguinis missione tempestiva . Quæ si negligitur , vel non conveniens quantitas emititur, maxima spirandi ingruit difficultas . Quod ubi accedit, sanguinis & naribus trilicidium sponte obortum egregio est levamini. Quam salutarem erisin etiam in binis pleuriticis gravidis vidi , quæ semel tantum , non vero bis , aut ter , ut in graviditate necessarium, venam sibi pertundi curarant . Deinceps nunquam per totum pleuriticum , & peripneumonicum morbum ruta sunt , quæ alvum ad dejectiones solicitant , sed clystères mox in morbi principio ejusdemque progressu, in fine autem laxantia pectori amica possunt admitti . Quæ autem ego adhibui auxilia , a me incomparabili cum fructu semper fere sunt usurpata , in primis quam medicinam facerem ante quadraginta unnos in Westphalia , ubi endemica pneumonica febres . In primis habeo, quod laudem crebriorem & largiorem potum infusi theiformis superius descripti , sive decocti avenacei cum saccharo & nitro conditi . Neque reticendum , me sapientius circa dies criticos pulveribus diaphoretico-nitrosis unum aut alterum camphoræ granum adjunxisse, eodemque effecisse , ut morbus solveretur sudore, & subsequetur expectoratio . Demum nulla inflammatio tam facile & crebro reddit, quam pleuritica & peripneumonica , nec non ipsa pleuritis spuria , certis præsertim temporibus . Hæc enim rheumatismi est genus, quod ad aeris vitia facile incidit . Et ubi semel vel iterum pars quædam per ipsum morbum debilitata, & pristino robore pri-

privata, structura quoque viarum & canalicularum vitiata, accendentibus aliis causis, æquabilem & naturalem sanguinis motum turbantibus, per quam facile præternaturales humorum stagnationes in minimis vasculis accidere possunt.

OBSERVATIO IV.

Peripneumonia ex colica lethali. Illustrissimus Consiliarius, robustus & habitior, bene appetens & duro vivi. Et si a longo tempore assuetus, interdum cum euphoria hemorrhoidalem fluxum passus, mense Januario, celo algidissimo, ex abdominis refrigeratione & elu leguminosorum, colicam incurrit, per diem & noctem graviter afflignantem. Quum vero medicus alvum clausam clystere non molliret, sed potionem carminativam cum calidioribus essentiis propinaret, tertio die accessit ingens respirationis angustia, cum febre, inquietudine & tensivo ac pungente dolore, a pectori ad dorsum usque excurrente. Secabatur igitur vena in brachio, ac non ita multo post decoctum mannatum cum aliquot tartari emetici granis porrigebatur. Inde quidem & intestina & stomachus depleta largiter, sed anxietas & spirandi difficultas facta major. Exhibitæ postea mixturæ pectorales resolventes, sexto die iterum vena pertusa, & septimo denuo datum infusum mannatum. Omnia autem incalsum, ut potius morbus inde ingravesceret. Exterius jam ad motæ thoraci species carminativa & pectorales cum aqua calcis vivæ in cataplasmatis formam coctæ, pariter frustra. Tandem potandas suavit medicus Tonnae Steinenses acidulas, quas æger avide per biduum frigide ingessit, donec undecimo morbi die, luflocatione, & syncope superveniente, paret.

Epicrisis.

Sapius observavi, ex solo dolore colico præcedente, qui clysteribus & aliis

congruis facile solvi potuisset, ortam fuisse peripneumoniam, in robustis & crastis sanguine plenis, præfertim senibus. Ob distenta enim a flatibus intestina, sanguis ad cordis & pulmonum vasa validius urgetur, ibique collectus & densatus, ægerrimam facit spirationem cum pectoris angustia. Nam quod dolor est in partibus nervosis, id anxietas in corde & pulmonum vasis, a sanguine nimium distentis. Frustranea autem fuit evacuatio per superiora & inferiora, quippe quæ subtraxit humidum sanguinis, genuinam morbi medicinam, coarctatione etiam abdominis sub vomitu magis sursum ad rectus sanguis est coactus & spiratio difficultior reddita. Potus quoque acidularum frigidus in morbi vigore earuit ratione omni, ac propter frigus non potuit non noxiam inferre gravem. Fuit autem hic morbi artifex, qui singulare methodo febres petechiales curandi in Actis Berolinensis inclaruit.

OBSERVATIO V.

Vir sanguineus, facie floridus, corpore obesus & spongiosus, post aliquot Empyædierum epulas, vino & cibis faginatus, pleuro noctu & interdiu, Martio mente, Berolino Mindam Westphalorum iter monia curarū.

Vir sanguineus, facie floridus, corpore obesus & spongiosus, post aliquot dies nanciscitur pleuro-pneumoniæ, febre stipatam intenſa. Ego vocatus vena sectione repetita & pulveribus antipleuriticis, nitroslis & cinnabarinis, nec non potu infusi theiformis, a periculosis liberavi ipsum symptomatis. Remansit autem tussis quædam cum lenta febre, virium languore corporisque marcoris, respiratione tam non adeo difficult. Hinc usurpatæ auxilia varia diaœtica & pharmaceutica, sed nihil per octo hebdomades iisdem profectum, & tussis portus cum dolore pectoris gravativo increvit, parum autem rejecit, & vespere lenta quædam gliscere visa febriæta. Tandem ex improviso simul & se-
mel

mel, intratres, vel quatuor horas, ultra mensuram materiæ purulentæ cum impetu quasi ex ore rejecta, respiratio illico facta liberior, & febrilis calor remisit. Duravit postea hæc puris exspuitio per mensem, minori tamen copia, ac eger interea bene appetit atque dormivit, successive etiam per Dei gratiam sanitati redditus, solo lactis cum saccharo rosaceo cocti potu calido, quotidie ad unam cum dimidia mensuram, interposito usu balsami pectoralis, ex floribus sulphuris, oleo amygdalarum dulcum, spermate ceti, terebinthina Veneta, croco & oleo anisi, nec non pulveris pectoralis, ex lapidibus cancrorum, spermate ceti, faccharo, myrrha, radice liquiritiae in pulverem redacta & bolo Armena.

Epicrisis

Abscessum pleuritidem & peripneumoniam non sufficenter solutam sequi, passim prisci medici tradiderunt. Confirmat id quoque experientia, & ego id præsertim observavi in sanguineis, spongiosis & obesi habitus hominibus. In nostro autem memorabile, quod rupto abscessu, pus effusus simul & semel per os exturbatum, quod si in thoracis cavum delabitur, hæc tam facile inducit lethalem, nisi educatur paracenthesi, de qua notabile exemplum communica vimus, in dissertatione de perpetuo succi nutritii ex thorace stillicidio. Persanari tamen posse taliter in thorace abscessum & amplam in pulmonibus cavitatem, monstrat hæc historia. Non vero prætereundum ærem hunc postea sèpius de dolore quodam acuto in latere affecto fuisse conquestum, post paullo fortiorem corporis motum equitationem, largum vini potum, ac nimium acidorum usum.

OBSERVATIO VI.

Pertpne. Juvenis generosus, viginti annorum, sanguineo-phlegmaticus, narium

hemorrhagiis & largis & crebris ab inente atate obnoxior, & ante bienum gravem acutum pectoris morbum passus, Februario mense, postquam corpus saltando vehementius exagitasset, & mox postea in prandio cerevisiam frigidam bibisset, & legumina cum salita carne avidius ingessisset, obscurum quendam in scrofulo cordis sensit dolorem, sed magnam cephalalgiam, cum pulsu celeri, contracto, sub alvo adstricta. Datus vesperi pulvis temperans, noctem autem duxit insomnem, & mane spiratio fuit laboriosa, cum pectoris angore & dolore in sinistro latere, paullo supra costas spurias. Hinc mane vena in brachio pertusa, sanguis evocatus niger, cuticulam glutinosam in superficie gerens, data quoque mixtura discutens atque resolvens passim descripta. Subtracto sanguine, melius primum habere vias & dolor capitis discessit, postero tamen die & dolor lateris & pectoris angor rediit, quin magis adhuc increvit, cum virium debilitate, somno inquieto, appetitus prostratione, ut æger spē vita abjeceret ipse. Ad dolorem igitur mulcendum imposita vesica decocto ex speciebus emollientibus cum lacte plena, alvus quoque stricta clystere emolliente doméstico mollita, flatus multos multaque crassa stercora dimisit, ægro inde aliquod levamen percipiente, in primis quum subinde ex infuso theiformi sorbillaret, & sputum rejiceret crassum fusci coloris. Septimo autem die iterum pejus habuit, corpus jetigavit, spiritus fatigatus angustior & respiratio accisa, invalecente simul febrili calore & accidente mentis turbatione, in primis quando oculos claudebat. Interpositi hinc mixturæ pulveres nitrosi cum camphora, quibus pectoris quandam sensit liberationem, & tantisper appetente nono die sudavit, sputo semper succedente fusco, jam etiam quadran-
tenus flavo. Post nonum diem accedit levior quidam alvi fluxus, ut quotidie ter vel quater dejiceret, primunt
crassa.

crassa fœtida, postea mucosa & uti dicebant purulenta. Parum tamen levaminis inde sensit, sed debilior potius factus; donec undecimo morbi die ex improviso subito largissimus per universum corpus prodiret sudor, & per böhiorum manaret, tam salutari eventu, ut æger post illum somno obrueretur alto, expegefactus virium incrementum & respirationem libriorem perciperet, ac postea, sputo & alvi fluxu cum leni madore per aliquot adhuc dies persistente, sensim cum sanitate in gratiam rediret.

Epicrisis.

Sic juvenem hunc generosum in ædibus meis commorantem ante annum curavi. Id autem ex casu hoc in practicum usum convertere licet: quod origo peripneumonici mali etiam esse possit ex primis viis, si stomachus flatibus & spasmis detinetur, qui sanguinem nimia copia, ad partes superiores, in primis thoracem, urgent. Tum quidem, si candide æger delictum confiteretur, occasio datur cito præscindendi gravem futurum morbum, si commodis evacuantibus, lenioribus emeticis, laxantibus, aut clysteribus, primæ via a fôrdibus depleantur. Et hoc in casu ratione non destituuntur practici nonnulli, uti Rulandus atque Hartmannus, qui in principio inflammationis pulmonum dare præcipiunt vomitorium, quod, si hæc causa non subest, alijs nocentissimum. Porro hac etiam ex historia apparet, non fidendum esse istis excretionibus, quæ in acutis pulmonum morbis fiunt per alvum. Sed genuinæ & saluberrimæ crises succedunt per sudorem largum.

C A P U T VII.

De Febre Hepatica, sive
Hepatide.

Theses Pathologicæ.

S. I.

Quo frequentior quam modo ex- Hepatidæ
posuimus pulmonum inflam-
matio; eo rario hepatis inflam-
matio vera. Quod & cur hoc fiat, pri-
mus ego ante aliquot annos multis &
validis rationibus adstruxi peculiari
dissertatione, de hepatis inflammatione
vera rarissima, spuria frequentissima.
Potiora huic redeunt. Inflammatoriae febres accident quæ maxime nervosis & sensu a cuto præditis partibus, in quibus ille in incongruis tubulis subsistens sanguis, dolorem movet ac spasmus, qui postea universum nervosum partium systema in consensu pertrahit, exagitat, sique febrem accedit. Sanguinea autem minus exquisiti sensus viscera, non tam ęgre ferunt sanguinis stagnationem, sedcedunt impetuosi affluent, nec dolor supervenit, nec spasmus, atque adeo neque etiam febris. Quia igitur hæc inter eminet in primis hepar, quod ex paucis arteriis, sed maximam partem venis, portæ & hepaticæ propaginibus coagmentatur, & propter tunicarum nervosarum absentiam, in magnam molem potest expandi sine acuto dolore, hinc in ipsius substantiam minus cadit inflammatio.

S. II.

Illa autem hepatis inflammatio, Sed fre-
quam veteres fuse describunt, merito
externa tantum, superficialis, quasi e-
rysipelacea & spuria hepatitis, non se-
cus ac pleuritis spuria, censenda, ejus-
demque sedes non in ipsa interna he-
patis substantia, sed potius circa con-
l vexam partem, in membranis & liga-
men.

mentis viscus hoc cingentibus & quibus costis spuriis ac diaphragmatis portioni adhaeret, constituenta videatur. Sic enim Hippocrates de intern. affect. §. II. hepaticum describit morbum: dolor acutus in hepar incidit, & sub ultimas costas, & in claviculam, & sub mammam & suffocatio fortis tenet, & aliquando lividam bilem revomit, & rigor ac febris primis diebus debilior habet, & dum attingitur hepar, dolet, & color ipsius sublividus est, & cibi, quos prius comedebat æger, suffocant ipsum, & ingesti urunt ac torquent ventrem. Huic conductunt, ubi dolorem habuerit, tum alia tum tepefactoria eadem apposita que etiam pleuritidi profundunt. Celsus lib. 14. cap. 7. haec acutis jecinoris morbi signa esse perhibet: dextraparte sub praecordiis dolor vehementis est, idemque ad latus dextrum & ad jugulum humerumque partis ejusdem pervenit; nonnunquam manus quoque dextra torpet, horror validus est, bilis evomitur, interdum singultus prope strangulat. Jam quiconque haec pathemata curatius expendet, facile perspiciet, illum, ab Hippocrate delineatum morbum, non tam in ipso hepate consistere, sed potius ad magnam & paullo profundiorem erysipelasem inflammationem partium exteriarum, thoracem & hepar inventientium, esse referendum, eo quod non modo ultimas costas prehendit, sed & ad humerum, mammam & claviculam se extendeat, ac dolor tamen augetur. Cum rigore quoque, febre & vomitu invadit, que symptomata inflammationi partium nervosarum solennia. Dolor porro externis mollientibus & fibras laxantibus remittit. Ac respiratio ad suffocationem usque difficilis, a spasmo pleurae & peritonai, que membranæ diaphragma superne & inferne investiunt, idque in consernum trahunt, haud immixtum derivanda. Qui autem a Celsῳ describitur morbus, non etiam in ipsis hepatitis viscere, sed in externis ipsiā hærentibus membranoso-nervosis par-

tibus consistere videtur, que dolore & spasmo affecte, nervos diaphragmatis intercostales, & qui ad ventriculum excurrunt, per consensum simili afficiunt. Hinc recte monet Trallianus lib. 8. cap. 1. considerari oportet, num inflammatio ipsi jecori proprie acciderit, an tunicis ipsius & musculis extrinsecus ambientibus. Quin Avenzoar lib. I. theiz. tr. 13. cap. 4. disertis verbis scribit: aliquando in panniculo hepatis fit extensio, unde sequitur dolor fortissimus, quasi intolerabilis, & appareat patienti, quod hepar sit, quod doleat.

§. III.

In corruptionem quidem sphacelam, ingrato frætore & nigrore cognoscendam, nec non in purulentam & apostematicam interdum abire hepar, testatum faciunt observata in dissektione cadaverum, notata passim a Foresto lib. 19. de hep. affect. obs. 10. Coitero in obs. anatomico-chirurg. M.N.C. Dec. 2. obs. 2 Capivaccio lib. 3. c. 23. Bartholino Cent. 4. hist. 18. M.N.C. Cent. 3. & 4. obs. 144. Dec. 2. Ann. 9. Sed tenendum omnino, non omnem sphacelationem supponere inflammationem; nam illa etiam commode fieri potest a quiete & stali sanguinis in ramis majoribus, & nullas omnino partes in corpore citius & frequentius sphacelationem suportare, quam pulmones, hepar, lienem, uterum & omentum, oblevavi. Eadem quoque corruptio ex facilis in haec viscera transire potest, si contigua pars primum eadem fuit infecta, haud fecus ac videmus in extensis artuum exiguo loco ortam sphacelationem, subito latius serpere, & vicinam carnem, quin integrum amplum membrum, manum & pedem, corripere atque corrumpere.

§. IV.

Est igitur inflammatorius ille affectus, qui partes externas hepatis contigas & confines frequentius invadit, & ut plurimum cum horrore, frigore, interdum etiam vomitu & febre incipit,

Lices
hepar
qua-
doque
corru-
ptione
afficia-
tur.

Hepati-
tis
con-
sidis.
sympo-
mata
causa.

pit,

pit, ac dein dolore, insomnia, spirandi difficultate, inquietudine & alvi adstrictione stipatur, ac vulgo pro hepatis inflammatione haberri solet, nihil aliud, quam species febris rheumaticæ, sive rectius erysipelaceæ, quæ fit non tam a decubitu & stasi sanguinis, quam potius seri viscidi acrioris, membranas & fibrillas nerveas lacinantis. Propterea eidem quam maxime obnoxii sunt, qui arthriticis & rheumaticis passionibus alijs patent, qui potibus spirituosis ac iræ indulgent, quibus suetae sanguinis evacuationes suppressæ, qui in aere frigido diu versantur, aut plane corpus astuans eidem incautius committunt, nec non qui diarrhoeam potu largiori spiritus vini cohiebuerunt. Quod vero dextrum thoracis latus rheumaticis doloribus longe frequentius afficiatur ac sinistrum, hanc in primis ob causam fieri arbitror, quia hepatis magnum & ponderosum viscus ibi diaphragmati costisque spuriis connexum, quod sub vehementiori corporis motu & respiratione citatori, has partes jugi tensione debiliores reddit, eoque facit, ut humores ibi diffurrentes facilius subsstant, & etiam in tubulos incongruos urgeantur. Atque hæc etiam subest ratio, quod per lapsum, iustum, aut emplastrum calidius admotum, necnon cucurbitulas, longe facilius dolores & inflammatio-nes inducantur in dextro latere, quam in sinistro & alibi.

§. V.

*Pleuritis
diffusa
compli-
natur.* Perquam autem notatu digna est observatio practica, quod interdum causas occurrant, ubi partes membranaceæ, supra & infra costas spurias, gravi dolore tensivo, cum febre, tussi fissa & angustia spirandi afficiuntur, ob irritatam graviter ab acri rheumatico confluxu, non tantum pleuram supra dia-phragma, verum etiam peritonæi membranam infra hoc, ut adeo morbus partim pro spuria pleuritide, partim hepatitide haberri posit. Multum enim affinitatis bini hi morbi alunt,

Tom. IV.

dum in utroque dolor sœpe ad jugulum & humerum se extendit, diffi-cultas quoque spirandi adest & tussis fissa, propter consensum non modo diaphragmatis, cui hepar firmiter annexum est cum pleura & peritonæo, sed & nervorum intercostalium, ex excurrentium. Sunt tamen notæ non nullæ, quibus ambo hi affectus pos-sunt distingui. In pleuritide quippe no-tha infra veras costas dolor pungitus & tensivus, cum tussi fissa, febre & doloris sub inspiratione exacerbatione percipitur, in hepatitide autem dolor magis sentitur circa spurias costas, qui ad cordis usque scrobiculum, cum febre, præcordiorum anxietate & quandoque vomitu atque singultu se le ex-plicat. In hepatitide quoq; secus quam in pleuritide, decubitus in sinistro late-re semper est difficilis, quia, ut rete no-tat Cælius Aurelianu s lib. 3. c. 4. pondere suspensi hepatis adducuntur dextræ partes, membranosa scilicet, & propte-re ruit punctiones, ob tractam & ten-sam membranam, cui jecur annexū est, & quæ cum diaphragmate colligatur.

§. VI.

Neque minus hepatitis merito di-stinguenda a dolore ardenti & fixo circa scrobiculum cordis versus latus dextrum, cum singultu & vomitu sœpe complicato, qui fit a calculo in ductu cystico, aut cholocho hærente, & propterea aliam causam obtinet, & aliam sedem, prognosin etiam aliam re-quirit & medicationem. Facile etiam hepatitis permutatur cum dolore ten-sivo hypochondriorum, nec non qui est in musculis abdominis, de quo jam monuit Forelus lib. 19. Sœpe imponit tumor dextri hypochondri Medico, tan-quam fit in jecore affectus, quum tamen fit in musculis abdominis. Sed dolor ille dextri lateris, in hypochondriacis & hæorrhoidariis admodum frequens, consistit in flexura coli, sine febre est, discedit citius, sœpe repetit, nec sym-promatibus febri inflammatoriæ, sed malo hypochondriaco solennibus, sti-patur, aliam habet causam, medica-tio-

Q

tio-

tionem aliam. Et inflammatio musculorum abdominis, præsertim transversorum, qui arctissime alligati sunt peritonæo circa hepatis confinia, sensibus magis est obvia, & tumor tactui ac visui sese offert, cutis circumjecta tensa comparet, ut digitis attracta minime sequatur, febris sociata mitior, nec tussis, nec vomitus adest, plerumque etiam fit a violentia externa & contusione, ac nisi mature congruis præsidiis succurratur, confines partes afficit, inflamat, in abscessum, febrem lentam & hebetac transit.

§. VII.

Eventus bonus, Interim hæc frequens hepatitis non adeo terrere debet medicum, nec ægrotum, eo quod si medicatio recte instituitur, non multum alit periculi & raro jugulat, nisi viscera interna labent affecta. Ut plurimum enim morbus intra septem, vel undecim dies, finitur largo sudore. Natura quippe ipso febrili-motu utitur pro medicina, cuius beneficio intra certum tempus materia peccans & subsistens attenuatur, resolvitur ac sensim sensimque discedit. Hinc qui ex inflammationibus convalescunt, hos per febrilem motum rite succendentem evadere, censendum est. Quo sensu merito accipiendus *Hippocratis aphor. 52. sect. 7.* quibus cunque hepar circum circa dolet, iis febris accedens solvit dolorem. Quando autem spuria hæc hepatitis inflammatio, medici, aut ægroti culpa, non tempestive discutitur, sed diutius persistit, dolor permanet, febris accedit lenta, corpus tabescit, vires cum appetitu prosternuntur, os siccum est, urina tenuis alba, abscessus facti præbent indicium, qui tamen non tam in ipsa interiori hepatis compage, quam potius in externis tunicis, ligamentis, peritonæo & subjacentibus musculis consistit, gibbam hepatis partem simul afficit & plerumque funestum facit eventum, testimonio observationum & sectionum anatomico-practicarum.

MEDENDI METHODUS.

Cum Cautelis & Observationibus Clinicis.

§. I.

Quum pleuritis & hepatitis multum convenientiæ quoad causam, originem, symptomata & prognosin adulant, ac non nisi loco differant; hinc modus sanandi hanc parum discrepat ab illo, quem capite antecedenti exposuimus. Quemadmodum vero medicus in quovis morbo sanando prudentissime semper procedit, si ductum naturæ, quo morbus sponte solvi solet, comite ratione sana sequitur; ita idem hoc in medicatione hujus passionisquam maxime servandum. Jam quia hepatitis eodem modo ac pleuritis per sudorem, congruo critico tempore, diuidio nempe septimi & septimo ipso die, sponte solvi solet; eidem viæ merito insistendum, & usurpanda primo omnium ea, quæ ad liberiorem perspirationem conferunt, vitanda vicissim, quæ cuticularis excretionis successum, diætica sint, sive pharmaceutica, ullo modo remorari & impeditre possunt. Quia autem secundum principem illum practicum Hippocratis canonem, non cruda, sed concocta movere oportet; hinc principio id agendum, ut serum acre salsum, nervoso-musculosis partibus valisque minimis impactum, temperetur, diluatetur ac resolvatur, simul atque viæ ad criticam excretionem sunt præparanda, iis maxime, quæ fibras rigidas, tensas, spalmo constrictas remittunt ac molliunt.

§. II.

Igitur omnibus modis commen-
dandus potus diluens, decoctum hordei cum passulis, vel etiam cirratum, serum lactis dulce, cum pauxillo nitri & saccharo, nec non emulsiones ex decocto hordei, vel cornu cervi, cum amygd.

amygdalis, quæ liberaliter sumta & temperant & diluunt. Ejusdem dein & adhuc diaphoreticæ virtutis sunt infusa theiformia ex herba vronicæ, cardui benedicti, floribus bellidis atque sambuci, crebrius sorbillata. Diaphoresis movent simulque temperant pulveres, ex antimonio diaphoretico, præsertim ex regulo parato, lapidibus cancerorum, cornu cervi philosophice præparato, nitro & cinnabari, cum aqua cardui benedicti, cerasorum nigrorum, cinnamomi & florum acaciae crebrius assumendi. Quibus subinde ad auctiorem perspirationem interponendus usus liquoris bezoardici, vel nostri, vel Bussiae, cum dupla parte liquoris nostri anodynii mineralis, vel spiritus nitri dulcis. Neque negligenda alvina vacuatio, sed si segnior, clystere emolliente, aut clementi solutio promovenda. Exterius quoque temperato calido fotuevaporatio & discussio subsistentis humoris secundanda. Quem in finem conducunt decocta ex herbis & floribus emollientibus, cum croco & lacte, vesicae bubulae indita & parti dolenti admota, nec non facouli ex speciebus resolventibus & discutientibus, herba absynthii, cardui benedicti, floribus sambuci, chamomillæ vulgaris & Romanæ, baccis juniperi, semine anisi & carvi confectioni, & in vino, aut aceto vini cocti, ac prævia expressione impositi.

§. III.

*Fugientia
dæc.* Abstinendum vero interius ab omnibus opiatis, narcoticis & sopientibus, nec non a sudoriferis calidioribus, quæ febrem accendere, vigilias intendere, & delirium suscitare valent. Ex eius fugientium regimen nimis calidum. Neque oleosa & pingua illinenda, quæ poros cutis obstruunt, neque emplastrum saturnina, vel epithemata ex aceto & lithargyrio admovenda, quæ nimis efrigerant & constringunt, neque etiam spirituola applicanda, quæ sibras rigidiiores efficiunt ac dolores intendunt. Ipse adeo decantatus cam-

phoratus & crocatus vini spiritus, cautissime adhibendus, ob exsiccationem nimiam, quam partibus æstu ac incendio jam detentis, infert. Si tamen usuppare placet, fiat id statim in principio, ante intensem febrilem æstum, vel eo valde remittente, & maxime quidem in naturis segnioribus.

§. IV.

Præterea ad præscindendum inflammatio incrementum admodum utilis & necessaria est sanguinis missio inter initia, præsertim in manu vel peda, de lateris affecti instituta. Quantitas autem sanguinis mittendi, necnon repetenda quandoque vene sectio, pro ratione plenitudinis vasorum, consuetudinis, virium, & tatis corporisque habitus, dirigenda & judicio medici merito relinquenda, ne in excessu, vel defectu peccetur. Interim si quis haemorrhoidarius, præstat venam seligere in pede, & si plethora urget, postea cubiti venam pertundere.

§. V.

Si spasasmus in loco affecto tantæ est vehementiae, ut etiam ventriculum, singulodenum, ipsaque biliaria vasa in latum consensum trahat, & præcordiorum medicamentum anxietas, vomitio, singollus & alvi adstrictio id prodat, & externis, & internis, operi ferre expedit. Tum ego sèpius non sine fructu alvo infondere jussi enema pure oleosum, parti dolenti & præcordiis admoveare vesicam decocto emolliente plenam, & interius crebrius dare mixturas diapnoicas & resolventes, quæ aquam cardui benedicti, florum tiliæ, acaciae, chamomillae vulgaris, diacordium Fracastorii, nitrum & liquorem anodynem mineralem habueront. Quod si autem infarctus & obstructio hepatis, ac oriunda inde icteritia, complicantur; ego quidem singularis virtutis deprehendi epithema ex herbis cardui benedicti, scordii, absynthii, floribus sambuci, chamomillae Romanæ & vulgaris, semine levisticæ ac cymimi, in vino coctis crebro admotum. Idem hoc epithema egregium quoque in declinatione:

Q. 2. morbi

morbi ad intercipiendum abscessum cum suppuratione. Sed ubi in inflammatione, a causa potissimum violenta & externa, suppurationis, vel etiam abscessus indicium præbet materia purulenta, per urinam, aut alvum secedens, cum febre lenta; ea utique adhiberi convenit, quæ ad extingendum æstum febrilem & suppurationem debite tractandam proficua, de quibus tamen infra pluribus agemus.

ENARRATIONES MORBORUM.

OBSERVATIO I.

Hepatis. Vir sexagenarius, militum præfensus, sanguineo cholericus, in Bacchiet lapsu in Veneris castris strenue militans, anno abhinc post gravem ex caballo lapsum, per aliquot hebdomades labravit ingenti & acuto dolore in dextro hypochondrio, cum febre, spirandi difficultate & alvo adstricta. Curatus tamen fuit, sed dolor remansit obtusior & conqueitus fere per annum de vi-
riu[m] & appetitus languore, nec tamen vini potum, nec veneris exercitium intermisit. Accidit vero, ut quum equo gradario veheretur, sensum quandam disruptionis internæ perciperet, quo simul & semel pressorius ille dolor cessavit. In urbem delatus me vocare iussit, magna[re]que querekas effudit de miro languore, summa spirandi difficultate & præcordiorum constrictione. Ego proprius accedens, extrema frigida & frigidum in facie sudorem offendit, pullum autem arteriarum vix percepi. Quasi igitur, ut ægrum in letum transferrent calidum, & animæ medicum advocarent, meæ enim medicationi non amplius esse locum. Interim secta vena, sed nil fere effluxit, data analeptica interna & externa, sed frustra, & elapsis decem horis, e vivis discessit. Post mortem venter mirum in modum intumuit, ac in umbilicali regione die post disruptus, effluente sanguine putrida & tam foeda, ut tota do-

mus cadaverosa mephiti inficeretur.

Epicrisis.

Quemadmodum pleuritis vera & levior etiam peripneumonia, si ultra vigesimum diem persistit, facile in empyema, sive abscessum admodum periculosum abit; sic & hepatitis, sive inflammatio musculosarum & membranacearum partium circa hepatis, si non discutitur, abscessum formare solet, qui ipsam hepatis substantiam labe inficit atque corrumpit. Testatum id facit casus, quem ego Mindæ Westphalorum observavi & jam enumeraui. Quia autem hanc observationem egregie illustrat, similis a Foresto notata lib. 19. de hepat. affekt. non abs re erit, si eandem heic inleram. *Vir*, habet, annos triginta sex natus, dolore hypochondrii dextri per integrum fere annū confectus, cui lenta accessit febris, tabe confectus & plane consumptus est, tota facies citrina & universum corpus flaccidum evasit, & dolor atrox eum torquebat in dextro hypochondrio, quod durum & valde subturnidum, muscularis abdominis plane extenuatis erat, urina tenuis & ignea, oris siccitas, alvus modo adstricta, modo liquida, cibi fastidium, fritis inexhausta. Incisione facta, materia purulenta fætida emanavit, cum tanto fætore, ut totam domum impleret, ita ut vix quisquam apud agrum in cubiculo persistere posset. Ager autem paullo post animam efflavit. Cadavere aperto, in tota ventris cavitate reperta est ingens copia puris, peritonaeum quoque disruptum & putridum conspiciebatur, hepatis durum, ingentis magnitudinis, albicans circa stomachum, sed in gibba sui parte prope costas spuriis nigrum, exustum & gangrena infectum. In hepate vero nullum conspiciebatur pus. Precipua autem corruptio hepatis erat in parte dextra, versus costas spurias & circa musculos intercostales, qui etiam cum costis spuriis nigredinem contraxerant, instar carbonis & facilissime frangi poterant.

OBSERVATIO II.

Hepati- Vir sanguineo-melancholicus, tri-
cissudo-ginta circiter annos habens, diu jam
re dif- vitæ sedentariae addictus, neque cibis
cussa, boni succi usus, vinis vero dulcioribus
semper delectatus, omissa per aliquot
annos sueta sanguinis missione, in in-
gentem per universum corpus languo-
rem incidit, & miram quoque expertus
est ad iracundiam proclivitatem, ita
ut a levissima causa commoveretur, &
protinus saporem in lingua perciperet
amarum. Post mensem corruptus est
insigni dolore in crure & hypochondrio dextro, tensivo partim, partim
gravativo, qui attacku fuit exacerbatus. Accessit cibi fastidium, inquietus,
somnus insomniis turbatus, calor pre-
ternaturalis, extrema ab aere frigidius-
culo mox refrigerescabant, faciei color
sepius mutabatur, alvus erat quidem
fluida, & a pulveribus, quos nitrum
parca dosi ingrediebatur, foetida & bi-
liosa multa dimittebat, sed post alvi
secessum semper fere dolor acerbior
reddebat, qui etiam sub risu, & fortiori inspiratione ingravescebat, urina
crassa, rubicunda, cum sedimento secede-
rente. Misso primis statim diebus ex
mediana largiter sanguine, dabantur
diaphoretica, tintura bezoardica bis
quotidie ad triginta guttas cum infuso
veronicæ, item pulvis bezoardicus,
cum nitro & camphora mixtus, arca-
num quoque duplicatum cum nitro &
cinnabari, quo sedes proritatae & an-
xietates adauertæ. Septimo die ac-
cedente, cutis, antea secca & arida, made-
scere primum ceperit, & postea sudor
erupit largissimus, per viginti quatuor
horas manans, quo omnia symptomata,
respiratio difficilis, anxietas, horror,
& extremonum refrigeratio discussa, &
somnus quoque redit, ita ut post de-
cimum quartum diem eger lectum re-
linqueret. Mense autem Augusto i-
dem malum rediit, non quidem cum
tanta symptomatum & doloris atro-
cia, sed diutius ægrum detinuit, & len-

tam febrem reliquit, diæta salubri &
congruis remedii post aliquod tem-
pus etiam abactam, ægro perfectam
sanitatem recuperante, & exspirante
simil illa ad iracundiam promptitu-
dine.

Epicritis :

Origo hujes morbi merito a crasso
& copioso sanguine repetenda, quem
vita sedentaria, vixtus crassus, & cre-
brior potus vinorum dulcium inge-
nuit, eaque propter multum simul ad
infarctum, & obstructionem hepatis
contulit. Accessit postea crebrior ani-
mi commotio, qua sanguis latus in
minima vascula impulsi, stasis ibi
concepit inflammatoriam. Id enim cu-
ratam meretur observationem, quod
qui hepatis vitio laborant, ad iracun-
diā admodum sint faciles, nec prius
prava hædispositio cessat, quam he-
patis labē sublata. Videtur autem hæ
inflammatio levior tantum fuisse ac in
ligamentis, forsan etiam superficie
concavæ hepatis partis, constitisse, id
eoque septimo die sudore discussa est
largissimo, quod tempus ordinarium
criticum inflammationum esse solet,
si discussioni adhuc locus est.

OBSERVATIO III.

Ante aliquot annos vocabar ad ge-
nero funi virum in vicina urbe degen-
tem, sanguineo-cholericum, strictioris
habitus, & quadragenario iam majo-
rem. Is a quinque diebus lecto fuerat
affixus, conquestus de acutissimo late-
ris dextri sub costis spuriis dolore, cum
maxima præcordiorum constringione
& anxietate, spiritus difficultate sum-
ma, febre, vigilia & inquietudine. Me-
dici primum in auxilium vocati, mor-
bum oppido periculosum, quin capita-
lem fore, propinquis & adstantibus di-
xe rant. Putarant enim hepar ipsum la-
borare, & sphacelosa tantum non cor-
ruptionem esse infectum, ideoque, præ-
ter interna putredini resistantia & a-

naleptica, exterius epithema ex accepto cum lithargyrio cocto, adjecta camphora, apposuerant. Ego vero candide ipsi edixi, non adeo perniciosum esse, ut crederent, morbum, sed partes tantum externas hepatis connexas, non hepar ipsum, pati. Removere hinc iusfi primum epithema, & apponere latèri dolenti vesicam cum decocto emolliente. Interius præbui pulverem supra, descriptum, nec non mixtum, pro potu ptisanam, item emulsionem ex semine cardui Mariæ, melonum, cucurbitæ & papaveris albi, cum aqua diaepnoicis & analepticis, nec non infusum theiforme ex herba veronicae, floribus chamomillæ, summitatibus millefolii & semine fœniculi. Usurpati his, lenis maior in universo corpore obortus, cum symptomatum levamine, undecimo die sudor manayit largus, & alyus quoque, sub dolore stricta & vix clystere soluta, sponte aliquoties dejeicit. Atque sic æger ex voto convaluit, adhuc vivens & optime valens. Dedit autem hic calus mihi occasionem scribendi dissertationem academicam, de hepatitis inflammatione vera rarissima, spuria frequentissima, quam epicrileos loco legendam commendo.

C A P. VIII.

De febre Nephritica.

Theses Pathologicae.

§. I.

*Descrip-
tio ne-
phritidis* **O**ritur nephritica febris ex renum inflammatione, juncta cum dolore ardente fixo in lumbis, mictu difficulti, & aliis pathematisbus palpodictis intimi ventris.

§. II.

*Simplex
lejior* Prout autem inflammatio lejior est, vel gravior, sive profundior, differunt etiam symptomata, aliisque morbi est eventus. Scilicet quando extima & propria renum tunica, innumeris

capillaribus vasculis, ex emulgentibus renum, vasis prodeuntibus, perfusa, inflammationem patitur, lejior haec est, superficialis, & erysipelatis speciem habet; stipatur tamen dolore ardente fixo, acuto, cum pulsu celeri, duro, siti, mictu ardente, urina tenua, cruda & convenienti medicina, cum regimine leni diaphoretico, citra suppurationem, brevi tempore discutitur.

§. III.

Quando vero inflammatio profundior, febris etiam vehementior, dolor in lumbis ardens diurnior, mictio transdifficilior, alvus strictior & præcordiorum anxietas atque angustia major, urina cruda alba secedente. Quod si autem hic dolor ad decimum quartum usque diem persistit, suppura scere incipit, tumque haud secus ac in aliis inflammationibus in pus mutatis, dolor mitior fit & conquiescit, urina autem prodire solet admodum saturata cum crasso sedimento, quod partim ex purulenta materia, partim muco tartareo conflatum est. Quin sepe inflammatio tam profunda, & inde oriunda exulceratio tanta est, ut per plures annos duret, & successive totam renum substantiam consumat atque depascat, tandemque macie & febre hectica ægri moriantur, ac post mortem, renis loco, nil quam sacculus reperiatur plenus pure. Quod si perrumpit, & in cavitatem pelvis delabitur, incredibilis, uti notavimus, facit ante mortem dolores, & urinæ retentionem, ob vesicam, seu partem nervosam & exquisiti sensus, ab incubente pure, corrosam & vehementi spasmo affectam.

§. IV.

Deinceps datur febris nephritica brevis, & quandoque tantum diaria, quæ cum horrore dorsi & partium extremarum rigore incipit, postea cum dolore lumborum, & dorsi ardente, cardialgica ventriculi & alvi strictura, decurrunt, & tandem sola diaphoresi & perspiratione aucta, intra 24, horas saepe solvitur per urinam sabulo crassum secedente. Frequens hic affectus

guine plenis, maxime feminis post quinquagesimum annum, & a sola refrigeratione dorsi, præsertim lumborum inducitur. Ibi enim renes anterius minus integumentis, & tantum musculis transversis sunt obrecti, propterea ex facilis frigus penetrat, & subiacentibus hisce partibus spasticati infert strictram. Febris igitur hæc magis est a spasmo, quam inflammatione, & ideo facile etiam converso ab interioribus ad exteriora sanguinis motu, & perspiratione revocata, iterum dissipatur. Quod vero renes spasticis strictris pateant, ex eo facile concludendum, quod plexus nervorum ex pari octavo & intercostali, renalis dictus, ipsam renum substantiam ingreditur, & non modo vasis sanguiferis, sed & ductibus urinariis, tonum, sensum & motum largitur. Et quia idem hic plexus, per ganglion connectitur cum plexu mesenterico & intestinali, cum stomachi quoque nervis; hinc est, quod renibus, magis adhuc uretheribus, dolore & spasmo affectis, strictræ cardialgicæ etiam in ventriculo & intestinis oboriantur, flatus in stomachum cum ructuum elisione urgeantur, & alvus stringatur, quin ob inflatum ventriculum diaphragma prematur, & spirandi angustia cum anxia præcordiorum constrictione inducatur. Nedicam tenues, limpidas & aquosas urinas, quæ sub spasmis minguntur, luculentem testari, quod tubuli illi, qui in renibus liquorem urinosum sequentur, & ad pelvem ducunt, spasmo, seu motu contractili afficiantur.

S. V.

Cakulo. Aliud febris nephritica genus, ve-
spgra- hemens, & ardente tantum non
tes. mentiens, oritur a calculo. hic quidem, quamdiu in rene quietit, nihil incommodi afferit; ubi vero loco moveatur, & transitum per pelvem ac ureteres molitur, spastmos & dolores gravissimos, febrem & supra memorata inducit: symptomata, quæ etiam non

prius quietant, quam in vesicam fuerit delatus. Jungitur autem calculosa hæc nephritis sèpius non modo cum dysuria, sed & nonnunquam periculosa urinæ suppressione. Neque etiam prætereundum, non facile calculosam nephritidem gigñi, nisi præcesserit nephritis simplex inflammatoria, vel etiam purulenta, in vasculosa & canalicularia renum substantia, post quam urina extravasata & stagnans, vel puri commixta, sensim dimittit terreas moleculas, e quarum coalitu tandem succrescent calculi.

S. VI.

Omnis autem nephritica febris & passio, eodem modo ac aliæ febres, incipit cum horrore & frigore, quod maxime ex spina dorsali & primis lumborum vertebris sumit initium, sub quo sanguinis motus ad interiora ipsumque cor convertitur, eoque a copioso sanguine lassito, systole postea sequitur celerior. Atque adeo facile innoteat ratio, quare renibus, & iis, qui ad nephritidem, sive simplicem, sive calculosam, sive spastmodicam, proclives sunt, nihil sit tam infensum, quam frigus hybernum, regnante vento boreali, aspero & rigido, quo improvide admisso, passiones hæc promte vel inducuntur, vel illico recrudescent. Ad in generandas vero nephriticas has passiones & febres multa disponunt, tanto magis quando plura simul concurrunt atque in unum effectum conspirant. Primum inter hæc merito obtinet locum plethora, præsertim in corporibus spongiosis & copiosis exilibus vasis dotatis, item in iis, qui evacuationibus sanguinis spontaneis criticis, vel artificiis assueti, si illæ suppressæ, vel obætatis rationem emanserunt, he autem aliqua radiu intermissæ. In his expedita mali nephritici genesis, quando simel hereditaria dispositio, vita sedentaria, nimia stomachi repletio, cibi flatalenti, potus crassus non dilbens, aut nimis spirituofus, nec non impensior

animi incoeror concurrunt. Tanto magis & citius excluditur, quando plethorica ejusmodi crasso & copioso sanguine sarcita corpora, vehementi & inconsueto motu, succussante equitatione aut vectura in curru agitantur, vel etiam medicamenta calidiora, urinam moventia, terebinthinata, juniperina, succinata, vel etiam purgantia aloetica, liberalius assumuntur, quibus sanguis crassus cum impetu in subtilem & ultimas renum arterolas urgetur, ibique subsistens inflammatione efficit.

§. VII.

Cur finis strum rem nem afficiat. Quod autem sinistrer ten plus tentetur nephriticis passionibus ac dexter, id tribuendum esse videtur, tum quod ipse non tam bene tectus & a frigore munitus est, ac dexter, qui sub hepate delitefecit, tum quod flexura coli e proxime adjacer, quæ, uti sepius, quam alibi sit, a flatibus incarceratis distenta, renem & vascula ipsius sanguisera comprimit, ut difficilior fiat per vasa emulgēntia sanguinis circuitus, & ab hoc dependens urinæ secretio. Atque hinc etiam est, quod, qui calculi renalis doloribus frequentius obnoxii, insultum eorum illlico experiantur, si cibos lentos & crassos, aut alia flatus procreantia assumferint.

C U R A T I O

Chim cautelis & Observationibus clinicis.

§. I.

Veterum mortuorum methodus mendendi. Quam veteres servarint in curanda nephritide medendi methodum, tradit *Hippocrates de intern. effect. p. 217.* si, inquiens, urina prodit velut a carnis bus bubulis a fatis suecus, ex renibus ulceratis, dolore lumborum & vesicæ, mox intensiori, & qui simul descendit ad imum ventrem, hanc insinuat curam: multa calida lavato, & tepidioriam ad dolentem maxime locum adhibeto, & sorbitione utatur e farina cocta, melice assiso, & reliquo vieti utatur quam

maxime per alvum secedente & vinura bibat album Menitesium, mellei coloris, aut aliud album jucundissimum, probe temperatum. Pra temporis opportunitate serum & lac bibat, serum quidem ad purgationem, lactis autem potum faciat in tempore per 45. dies. Hec si ita feceris, morbum in melius dispones. Eudem fere curandi modum proponit *Celsus lib. 4. c. 10 oportet, ait, ubi renes male habent diu, conquiescere, cubare molliter solvere alvum.* si aliter non respondet, etiamducere, sepe desidere in aqua calida, neque cibum, neque potionem frigidam assumere, abstinere ab omnibus salmis, acribus, acidis, pomis, liberaliter bibere. Deinde ad dolorem levandum, immo, si renes exulcerati sunt, semina cucumeris, nucleorum pinnearum, crocum cum lacte decoctum commendat.

§. II.

Hæc veteranum curandi ratio ita est *Congrus comparata, ut nephritico morbo ad praesidia.* eadem desiderari possit, quum omnia eo conspirent, ut vascula & fibrae tensæ, duræ & a spastico constrictæ relaxentur & mollientur, humores stagnantes crassi diluantur, & obstructiones solvantur. Nos etiam hanc methodum deprehendimus probatissimam, in eaque perficienda his potissimum usi sumus auxiliis, sero laetis dulci, vel lacte asinino acidulis Selterianis remixto, item prisana cum lacte confusa & potu data, emulsionibus ex amygdalis amaris, nucleis persicorum, semine eucumeris, cucurbitæ cum aquis florum acaciæ, ulmaria, cerasorum nigrorum; pulveribus, ex oculis cancerorum, cornu cervi philosophice præparato, lapide manati & nitro comppositis, cum supra dictis, vehiculi loco, sumitis. Infusum quoque herbe theæ, propter blandam suam adstringentem in omnibus renum affectibus, præservandi & curandi scopo, egregia est virtus, & ceu specificum olim maximis semper fuit habitum.

§. III.

*Levioris
nephritis
dis medi-
catis;*

§. III.
Interim quum variae sint nephritica hujus febris species & causae, diversi etiam gradus; hinc diversimode etiam adornanda erit cura. Itaque in levillico & diario saepe, ex solo frigore & spasmico, renum dolore, nihil aliud agendum, quam ut sacculis lateribusque calefactis, & dorsi, & abdominis regio, & ipsis quoque pedes, probe soveantur exterius, interius vero infusum thee, aut theiforme ex floribus chamomillæ, summitatibus millefolii, semine fœniculi, successive, sed largiter, corpore simul ad sudorem disposito, bibat, & alvus strieta validius expediatur clyster ex lacte, nitro, melle & oleo. In primis ad dolores mulcendos & diaphoresin eliciendam spectatæ virtutis liquor noster anodynus mineralis, si tres ipsius partes, cum una liquoris bezoardici *Buffii* parte remisceantur, & bihorio quovis viginti guttae cum potu calido porriganter.

§. IV.

*In gra-
viori
usurpan-
do.*
Quando dolor ardens & fixus in lumbis diutius tenet, & indicium est, vasa renalia sanguine crasso facta esse atque obstructa, cito solvenda plethora per venæ sectionem in pede, vel in depositis ad hemorrhoidalem fluxum hirudinum appositionem, ad anum. Postea interius danda, quæ æstum sanguinis temperant, & liberiorem humorum circuitum cum diaphoresi procurant, quo nomine emulsiva, demulcentia, diluentia, antispasmodica, pulveres diaphoretici cum cinabari & nitro, omnibus aliis palmam præcipiunt.

§. V.

*Exulce-
rare pre-
sidia.*
Ubi vero inflammatio in abscessum transit, ex puris mictu & dysuria cognoscendum, medicatio eo dirigenda, ut pus acre temperetur, abstergatur, & etiam fiat consolidatio. Ad hoc perficiendum laudata virtus lactis, vel seri lactis, cum herbis vulnerariis, floribus hyperici, summitatibus millefolii, herba veronicæ, scabiosæ, he-

deræ terrestris, consolidæ Saracenicæ & sanicula decocti. Tum quoque utiles emulsiones ex seminibus quatuor frigidis & amygdalis, quibus adjicienda sufficiens quantitas feminis lycopodii, cuius magna vis est dolorē leniens, exsiccans & consolidans. Sunt etiam qui in renum vitiis multum tribuant gummi cerasorum in aqua, vel sero lactis soluto & crebrius assumto. In illo etiam renum cum exulceratione vitio, quod plerumque in iis, qui diutius calculo laborarunt praetexto est, ab omnibus acribus, calidis, spirituosis, diureticis & lithontripticis est cavendum, quia novam facile inflammationem, vel etiam mictum cruentum, excitare possunt. Præstantissimi vero tum usus mel Prusicum album, præsertim cum pulvere nucisæ remixtum & loco sacchari in decocto veronicæ sumitum, vel etiam syrups de dialthea *Fernelii*, qui certe, seu specificum, in renum labore merito commendari dignus. Præterea malvaticum juniperinum, quod ex vino Malvatico & rob juniperi paratur, in antiquis renum ulceribus, a senibus præsertim, ad aliquot cochlearia, post cibum sumitur cum fructu.

§. VI.

In nephritide tam inflammatoria, *Clysteres proficiunt*, quam calculosa, primum & princeps auxilium in clysteribus demalcentibus ano infusis, qui sine stimulo salino & purgante parandi, ex lacte, sero lactis, vel pura aqua dulci cum floribus sambuci & chamomillæ facta, adjectis binis vel una tantum uncia syrapi de althæa *Fernelii* & draconima una nitri. Diutius enim enemata debent retineri, quo spasmos latent, & flatibus sic exitum parent.

§. VII.

Quum magna sit confusio & communicatio inter renes, colon intestinum, ipsumque ventriculum, adeo ut unius vitium facile transeat & communicetur cum altero, atque etiam inflatio coli, circumflexæ potissimum

*Flatus
discen-
tiendi,*

mum ipsius partis circa sinistrum remem, comprimendo hunc, non modo ad ipsius morbos disponat, sed & eos proritatem atque exacerbet, hinc tam ad praeservandum, quam mitigandum, quod in renibus consistit vitium, operam dare oportet medicum, ut omnia ex iis, quæ flatus carent, & alvum strigente facultate pollent, evitentur, contra quæ eam lubricam servant, uti oleum amygdalarum dulcium, flatibus etiam discutiendis dictata sunt, usurpentur, e quibus instar omnium est semen cymini cum saccharo obductum & frequentius de-glutitum.

§. VIII.

*Externaz
cum di-
stinctio-
ne adbi-
benda.*

Ad externorum usum quod attinet, si ipsa febris cum dolore acuto adest, non facile ego suaserim linimenta pin-gua, neque etiam applicationem spiritus vini camphorati, multo minus balneum, sed fatus temperate calidos, cum vesica semirepleta decocto flor-um emollientium cum croco ex late, longe erit utilior. Si autem febris abest, & labes exulcerationis postea metuenda, vidi emplastrum sper-matis ranarum, sumendo uncias ip-sius duas, addendo sacchari saturni, camphoræ ana drachmam, olei hyo-icyami drachmas duas, dolorem miti-gando, eximie profuisse.

§. IX.

*Minera-
les aquæ
cum di-
scrimine
profundi.*

Utut aquarum mineralium usus in omnibus fere renum vitiis opem spon-deat eximiam, sed tamen quin magna sit in hisce ingredientium diver-sitas, non omnes promiscue in usum trahere convenit, sed utique selectus habendus. Carolinæ thermæ, si in renibus ulcus, propter sal-calcarium purgans & diureticum, quo pollent, minus quadrant, quia nimium abstergendo, cavitatem faciunt maiorrem. Provide quoque & caute agen-dum cum acidulis efficacioribus Pyr-montanis & Egranicis. Emfenses vero thermales aquæ & ex acidulis Selte-ranz, propter sal tenerum alcali & subtilitatem aquarum, magis condu-

cunt. Semper tamen tutior est & ac-cidularum & thermarum usus, si com-dimidia parte lactis mixtæ, usurpen-tur. In primis præstat ad abstergendas exulceratas renum partes, Selteranam primum per 14. dies solam, postea ad-huc per mensem lacti nuptam capri-lo, potare, & traumatica, decoctum, sive essentiam, interponere.

E N A R R A T I O N E S
M O R B O R U M .

O B S E R V A T I O I.

Serenissima princeps, sexagenaria *Nephritis*: ferme, mollieris & sanguineæ textu-ræ, per aliquot annos nil nisi vinum, *rava sa-* ac interdum aquam spirituofam, car-minativam, quam vocant Aquavit, bibens, subinde tamen copiose infu-sum thee potans, ante aliquot annos, post precedentem corporis exstufatio-nem per motum, incidit primum in dolorem dorsi & hypochondrii sinistri, cum horrida refrigeratione, febre, anxietate, inquietudine, strictura alvi, dolore in sinistro rene, fixo, subinde tamen de vehementia remit-tente, sed versus noctem semper exacerbat, sub quo urinæ tenues & al-bæ fecesserunt. Perseverarunt hæc symptomata usque ad undecimum diem, quo tandem mitior dolor red-ditus, & urina postea valde turbida cum crasso multo sedimento & bruni-coloris emissæ. Medicus disciplinæ alumnus non destitit per morbi decursum idoneis remedis succur-rere, & potissimum emulsiones demul-centes & refrigerantes, pulveres tem-perate diaphoreticos & nitrosos, nec non oleum amygdalarum dulcium in-terne, & externe fomenta ex emollientibus & unguenta ex oleo amygdalarum dulcium cum camphora in usum vocavit. Ad impediondum quo-que ulcerationis incrementum & con-solidationem promovendam, fusas postea infusa herbarum vulneraria-rum, ut alchymillæ, veronica, sum-mi-

mitatum millefolii, flororum hyperici, cum lacte per mensem & longius potanda, ac vere demum consilium dedit, ut acidulas Selteranas, per sex hebdomades, sub debito regimine bibet. Quibus per Dei gratiam perferte convaluit Serenissima ægra, & etiamnum in exoptata vivit incolmitate.

Epicrisis.

Hæc inflammatio sine dubio ab obstructione vasorum minimorum in renibus fuit suborta, quæ in plethora-
cis, sicut omnes inflammationes, quam facile fieri potest, quando sanguis per motum, aut calidiora, in extremitates arteriolarum, que lymphæ vel succum nutritum vēhunt, urgetur & accedit lumborum refrigeratio. Non facile autem talis inflammatio, præsertim si pauclo profundior, discutitur, sed in suppurationem abit, id quod certum requirit tempus. Deinde etiam illud in usum practicum hinc descendum, quod cito suppurationi factæ succurrendum sit blandioribus vulneratiis, ne scirrhosum quid, quod longiorem suppurationem sequitur, gignatur, & ulcus postea fiat insinuabile.

OBSERVATIO II.

Nephritis calcarea. Vir sanguineus, forma venustus, venerus vero & vini potator, natus e familia nephritidi obnoxia, vigesimo octavo ætati suæ anno, febre admodum ardente, cum vehementi dolore in regione lumbari lateris sinistri affectus est; adfuerunt simul cruciatus diri in regimine, alvus adstricata, ructus crebri, mingendi difficultas, & urina exiit pauca, album depoens sedimentum. Medicus consultus febrem ardentem & colicam convulsivam esse putavit, ideoque venam se-
care jussit & elypteres applicare. Ego vero in auxilium vocatus, quum æger de dolore instar pali circa renem sinistram infixi & spasmodica cruris sinistri contractione conquereretur, quæ-

sivi, num olim laborarit calculo? re-
spondit: non, sed ex familia eorum
esse, qui calculi cruciatibus obnoxii.
Dixi igitur, nephritidem esse calculo-
sam, cum intestinorum doloribus,
& exhibui emulsionem ex nucleis per-
sorum, cerasorum, cucurbitæ, milii
solis, papaveris albi, cum aqua
graminis, perlarum matre, nitro,
& syrupo papaveris albi adjecto. Ex-
teriori loco dolenti admoveare jussi ve-
sicam oleo liliorum alborum & cha-
momillæ cocto plenam, & ternis singulis
horis injicere clyisma ex sero la-
ctis, oleo amygdalarum dulcium, sy-
rupo dialthæa Fernelii & nitro. His
alvus soluta, ructus molestissimi in-
tercepti, & ventris termina non nihil
sedata, sed calculus gravissimis doloribus
descendit in uretheres, ad quos
tantisper componendos & spasticam
crispaturam in uretheribus remitten-
dam dedi liquorem meum anodynū
mineralem cum aliquot guttis lauda-
ni opiat liquidi, quibus in vesicam
dimissus & inde etiam ad urethram
delatus calculus, ob magnitudinem
ibi obhærescens ac instrumenti ope
eximendus, sub qua operatione mea-
tus urinarius laesus quodammodo, ut
dein, ob cicatricem hunc angustantem
per omnem vitam mihi facta fuerit
difficilior. Ad præservationem igitur
postea suasi primum potum infusi mil-
lefolii, dein acidularum Selteranarum
cum vino, & usum cerebriorem pulve-
ris ex magnesia & nitro. Et his jam
per aliquot annos a calculi doloribus
degit immunis.

Epicrisis.

I. Quoniam doloribus ex calculo
non modo febris valde ardens, sed
& dolores intestinorum, cum firma
alvi obstructione, vomitibus & ructi-
bus junguntur; hinc in nullo morbo
diagnosistam fallax, quam in hoc
præsertim si agri antea nunquam in-
fultum ipsius experti. Novi calculo-
sam passionem pro ardente febre, pro
iliaca passione, pro colica convulsiva,
hemorrhoidalí, vel flatulenta, fuisse

habitam, donec calculi proventus erorem argueret. Interim licet minus exquisite cognoscatur causa, in remedii tamen propinandis ea propter non multum errabit artifex, quum in omnibus his non alia possint usurpari, quam demulcentia, sedativa, fibras rigidas laxantia, & spasmos remittentia. Quo magis patet, eadem methodum, eademque remedia, pluribus morbis sanandis esse posse accommoda.

II. Febris vehemens inflammatoria ex calculo sine subsequente inflammatione esse potest. Sed causa febris tum potius spasmus, quam obstructio vasorum ab incarcerato sanguine; spasmus enim facilis solvitur, quam obstructio discutitur.

III. Ad arcendam calculosam nephritis nihil utilius infuso vulnerario, antispaßmodicæ simul virtutis, cuius generis est ex millefolio. Selviana dein pota aqua abstergit mucum viscidum, & prima calculi rudimenta colliquat sensim ac evehit. Alvus autem laxa, ne ex intestinis ren male afficiatur, prohibet, licet eadem neutquam movenda sit pilulis, præfertim quæ aloen habent, quibus in sanguineis, præter dolorem calculosum, & colicus, & haemorrhoidalis, fuscitari potest.

OBSERVATIO III.

Nephritis Fœmina quadraginta circiter annos malestrorum, sanguine & luccis plena, facie florida, venæ sectioni antea assueta nescia. fuerat, quam a biennio vero omiserat, & tamen sedentariam coluerat vitam, plenæ ac vinosæ diætæ indulserat, neque sufficientem uteri purgationem haberat. Hæc corripiebatur fixo in regione sinistra lumbari dolore, qui per aliquot dies cum virium prostratione, nausea, & alvi adstrictione insistebat. Ad hunc leniendum medicus præbebat pulveres ex antimonio diaphoretico, lapidibus cancrorum & opio sic dicto laudano, ita ut dosis

laudani haberet granum, eoque obtinebat, ut dolor redderetur obtusior, alvus vero magis oblique retur, urina superemeretur, spiritus arctius mearet, vigilia esset assida, & pectora impensius angerentur. Nihilo tamen secus insistebat papaveraceorum usui, & emulsionem non modo cum larga seminis papaveris quantitate, sed & pilulas ex diureticis & opio præbebat. Licet autem his dolorem abigere & somnum inducere niteretur, neutrum tamen obtinebat, sed symptomata potius cum spirandi difficultate ingravescebant, abdomen durum reddebat ac tensum, & accedebat quoque febris. Alius igitur in consilium vocabatur medicus, qui ad alvum expediendam & respirationem facilitandam, exhibebat decoctum ex dulcibus, emollientibus, folii sennæ sine stipitibus atque rhabarbaro, cui ad finem extinguentiam non nihil spiritus nitri int'illatum. Sed omnia frustra. Ægra enim corripiebatur horrore frequenti cum interiorum ardore, sublequebatur syncope cum levi delirio, cumque medicus sub his emeticū ex tribus tartari emeticī granis daret, operatio nulla sequuta, & duabus ab eo assumto horis, ægra exspiravit.

Epicrisis.

Imprudentissime medicacionis hoc est exemplum, qua morbus benignus in capitalem plane conversus. Expendit enim probe circumstantiis, facile judicandum, malum hoc a nimia sanguinis redundantia in fœmina alias vegeta, ejusdemque stagnatione in vasis majoribus circa lumbos, nephritidem faciente, ortum traxisse, omneque damnum tempestiva liberali sanguinis missione, & alvi apertione per clysteres, maturè potuisse præscindi.

OBSERVATIO IV.

Vir quadragenarius, cholericofan. *Nephritis* siccata. guineus, multorum liberorum pater, bris ex ac ob mercaturæ negotia, multum caleculo. in

in itineribus versans, postquam autumnalem sanguinis missionem justo diutius distulisset, & novissime curru noctu & interdiu vetus, corporis & succussionem & refrigerationem fuisse passus, domum delatus vesperi corruptus est horrore, quem excepit aestus & dolor acutissimus in sinistro latere supra ischii os, prope dorsi spinam, cum alvi adstrictione, inquietudine, siti, precordiorum strictria & ructuum elisione, urina non quidem difficulter, sed alba & tenui secedente. Medicus ordinarius usus est clysterum oleosorum usum & potum olei amygdalarum dulcium cum jusculis. Delinita inde tantisper dolorum atrociam, mane ob alvum strictiorem ac sponte nec flatus, nec stercora dimittentem, tortuosa quoque & murmura in abdome, pilulas purgantes cum croco deglutire jussit, quibus non sine praegressis cruciatibus alvus quidem soluta, dolor autem fixus circa renem sinistrum exacerbatus, inquietudo cum calore adaucta, aeger assumta illico revomuit, corpusque ad modum jectigavit, alvo simul denuo arctissime clausa. Ego in auxilium vocatus, ex dolore fixo in renis regione & subinde ad femur usque excurrente cum aliquali hujus rigore, nepriticam febrem esse conjecei, ac prouterea primo omnium sanguinem et venam brachii mittere, dein alvo clysterem paregoricum domesticum cum nitro injicere, & interius liquorem meum anodynun mineralem, alternatim cum pulvere temperante salino-nitroso præbere jussi, dato simul pro potu decocto avenaceo, non nunquam cum oleo amygdalarum dulcium, non nunquam brodium carnis cum citri succo. His aestus restinxerunt, vomitus compositus, dolor quoque conquievit, per intervalla tamen, vesperi præcipue, recruduit. Hinc locum dolentem unguento dialthæa, populeonis, cum oleo juniperi subinde fovere, ac bis quotidie liquorem salino-alcalinum ac nitrosum sumere suasi, quibus etiam efficiunt, ut post septimum diem alvus

sponte solveretur, cutis antea arida madesceret, pulsus mollesceret, urina sub dolore pellucida, crassa nunc secederet ac sedimentum poneret, ipsisque dolor penitus evanesceret. Licet autem tum nec fabulum, nec calculus prodiret, nephriticum tamen morbum fuisse patuit postea luculentius. Quum enim aeger ad vernalem sanguinis missionem sese accingeret, & ob id alvum prius purgandi causa decoctum mannatum cum cremore & terra foliata tartari usurparet, inde non modo efficaciter alvus est subducta, sed & post toleratos vesperi leniores in lumbari regione versus pubem excurrentes dolores, mane cum urinam mittebat ex improviso simul etiam excrevit calculum oblongum, figuræ pyramidalis fere, diametri lentis, basi durum, superius autem friabilem atque porosum.

Epicrisis.

Calculum in renum substantia occultatum, paullo majorem & duriorum, febrem inflammatoriam cum acerbis doloribus & spasticis symptomatis, excitare posse, haec docet historia. Neque tamen id fit, quod irritando vel distendendo partes nervosas spasmos facit, sed quia comprimento canaliculosam renum substantiam, obstaculum ponit liberiori sanguinis per eorum compagem progressui, & quando tum sanguis abundans cum vehementia per motum succussorum vehementer in curru aut equo, impetuose ad renes pellitur, nec tamen per venas omnis que expedite iterum reducit, gignitur dernum inflammatio. Illa enim dorsi sub vectura aut equitatione succussatio, sanguinem omnino impetuosi agit ad renes; unde novi foeminas curru vectas ad crebriorem urinæ urgeri missionem. Novietiam validiori hoc motu calculum in renibus quietem, esse loco trusum & in uretheres cum dolore translatum. In cura autem sic exclusæ nepriticæ febris, optimum & præsentissimum auxilium in sanguinis subtrahitione

etione, cuius tamen quantitas merito medici judicio relinquenda. Neque etiam ego melius novi in plethoriscis renum passionibus obnoxii præservativum, quam venæ sectionem tempestive & cum judicio institutam. Atque hinc petenda est ratio, quod notante dudum *Hippocrate*, ab inflammatoris ejusmodi febris, nephritis, peripneumonicis & phreneticis, liberi maneant, quibus hæmorrhoides recte fluunt.

OBSERVATIO V.

Nephritis & circiter annos habens, optimæ & sanguineæ constitutionis, bis quotannis hæmorrhoidalis hæmorrhoidum, parciore tamen fluo dolor cum numerofa xvi obnoxius, in intensem dorsi & ab calcu- dominis incidit dolorem, ut erectus rum ex stare non posset, sed corpus semper in cretione. curvare necessum haberet: aderat simul creber ad mingendum stimulus, & urina secedebat parciore. Medicus huc usque ordinarius ansam hujus doloris esse voluit sanguinem per anas venas exitum molientem, & in tunicis intestinalibus stagnantem, eaque propter venam in pede aliquoties secari jussit, pulverem antispasmodicum exhibuit, & ad proritandum hæmorrhoidum sillicidium, crebriorem pilularum ad exemplar Becherianum paratarum usum svasit. Sed inde nihil accessit levaminis, dolores non modo remanserunt, sed & periodice saepe cum extremorum frigore & subseguente totius corporis astitu, præsertim in regione lumbari, recurrerunt. Adiit igitur Carolinas thermas, ibique me in consilium accivit. Quumque ex sedimento urinæ mucoso & quodammodo tartareo conjicerem, illustri- mūx grum non esse liberum a calculo, ut temperatas tantum thermales aquas biberet, consilium dedi. Potis his optime habuit, & quod mirandum, post potum plures numero, magnitudinis variæ, lapillös subcinerios leves, cum urina excrevit, ut numerus

eorum intra aliquot hebdomades, vel ad quadringentos accederet. Postea successivæ pauciores secesserunt, ac quatriduo ante finem curæ nullus amplius prodiit. Interim licet sub hoc potu dolores essent mitissimi, in itinere tamen recruderunt acerbiores, nec per annum poitea penitus discesserunt, donec usurpati infusionis herbarum vulneriarum, liquore anodynominerali, & ad roboranda sub doloribus afflita membra, Tœplicensibus thermis, liberaretur tam a dorso, quam renum calculosis passionibus.

Epirifis.

Sanguineæ & forma venusta personæ, si corpus jam omne nocturnum augmentum, ex facili patent internis partium inflammationibus, nec non sanguinis evacuationibus, præsertim per sedis venas. Quæ sanguinis excretionis, si deficit, haud raro renum inflammationis & calculosa dispositio excipit. Hinc perite *Hippocrates* Sect. 2. aph. 11. scribit: *nepriticis si hæmorrhoides fluunt, bonum*. In nostro illustrissimo ægro & hæmorrhoidalis intestinorum, & calculi renum dolor fuit conjunctus, quod haud infrequens est. Thermarum autem Carolinarum ea virtus est atque efficacia, ut renes valide expurgent a fabulosis & tartareis cordibus. Sed cautus sit earum usus, si magna in renibus exulceratio, ne irritando eandem augeant maioremque faciant cavitatem. Optimo consilio nostro ægro post thermalis aquæ potu in usum vocata decocta & infusa vulneraria, cum pulveribus nitrosis & liquore anodynominerali. Renes enim male affecti ad consolidationem optime ferunt lenem adstrictionem. Unde ab auctoribus omnes fere herbae vulneraria, in morbis ex renum vitio, quam maxime celebrantur.

Plures notatu dignæ observations legantur in *Consult. med. tom: 2. 73. 77. item 89.*

C A P U T I X.

De Inflammatione Vesicæ.

Theses Pathologicae.

§. I.

Inflammatione vesicæ pathologica signa. **V**esicæ compages, ex quatuor tunicis, una a peritonæo, altera musculari, tertia nervosa, cui quarta mucosa seu villosa obducta, si spasmus & inflammatione afficitur, haud secus ac si ventriculi ejusdem texturæ carpus, aut alia nervosæ partes eandem patiuntur, & multis & gravibus stipatur symptomatibus, licet auctores medici recentiores paucam & vix ullam hujus passionis injiciant mentionem. Pathognomonica autem & essentialia ipsius signa sunt hæc: dolor acutus, ardens & pressorius in regione pubis, cum febre, perpetuo tenesmo sive desideri stimulo, & continuo ad mingendum conatu.

§. II.

Causa inflammationis. Inflammationis hujus proxima causa sanguinis vel etiam færi impuri in extremitatibus arteriolarum stasis est, qua sanguifera per vesicæ tunicas discurrentia vasa, a sanguine copiosius congesto nimium replentur, distenduntur & nervosa exquisitissimæ sensationis tunica, in vehementem spasmus abripitur, ex quo reliquorum symptomatum origo.

§. III.

Item Symptomatum. Nimurum gravia illa pathemata, quæ inflammationi vesicæ juncta, dolor ardens pressorius, ani constrictio, tenesmus, difficilis & continuo urgens mictus, borborygmi, ventris tormenta, summa præcordiorum anxietas, ægra spiratio, inappetentia, mala digestio, vomitus, extremonrum frigus, pulsus durus, inæqualis, contractus, celer, inquietudo, quandoque etiam convulsio, unice pendent a spasmus in vesica, qui, si vehementior, ob nervorum communionem, non modo rectum, sed & reliqua intesti-

na, ventriculum & diaphragma, immo ipsas cerebri & spinalis medullæ membranas, cum universo nervosarum partium systemate, in similes spasticos & constrictorios motus abripit. Quam intima enim stomacho cum vesica intercedat consensio, notavit jam Celsus lib. 7. cap. 22. ita habens: *non ignoramus, orto vesicæ ulceræ, sèpe affici stomachum, cui cum vesica quoddam confortum est, ex quo fit, ut neque retineatur cibus, neque, si quis contentus est, concoquatur, neque corpus alatur.*

§. IV.

Non tamen semper unius ejusdem *Levior est, vel gravior.* que est vehementia, sed quandoque levior, quandoque gravior. Levior illa superficialis magis est, spuria quasi & rheumaticæ, vel erysipelaceæ species, ac propterea brevi etiam & facilius ipsa febris per diaphoresin tollitur. Oritur etiam non tam a sanguine, sed potius a sero falso, acri, impuro inter vascula & fibrillulas nerveas hærente. Hinc familiaris quam maxime senibus, scorbuticis, arthriticis, rheumaticis, hemicranticis, purpura scorbutica laborantibus, atque cachecticis, tum maxime, quando refrigeratione inferiorum a rigido & boreali aeris statu, perspiratio intercipitur, ac inoffensus sanguinis & humorum per minimos tubulos circuitus sistitur. Quæ autem gravior, profundior est, a crasso & impuro sanguine in vesicæ vasis uberiori collecto provenit, plethoricacochylicos hinc frequentius infestat, atrociora habet symptomata, & perquam facile in suppurationem, exulcerationem vel sphacelum funestum plane transit.

§. V.

Ex his quæ ad ingenerandam vesicæ inflammationem conferunt, sunt maxime criticæ sanguinis evacuationes, per menses, vel hemorrhoides deficiente, vel plane suppressæ. Magna enim consensio vesicæ & intestini reæ, alterutra parte male & spasmus vel

vel inflammatione affecta, propter hemorrhoidalia tam interna, quam potissimum externa vasa, e quibus, notante Vesalio lib. 3. cap. 9. de fabrica C. H. pag. 475. rami, hypogastricæ propagines, ad vesicæ cervicem abundant, unde etiam suppuratio & exulceratio ex ruptis sanguiferis vasculis in cervice ut plurimum observatur magna. In primis in foeminis, si, uti haud infrequens, & mensum & haemorrhoidum fluxum experuntur, ac ille cessat, nec hic recte succedit, sanguis impetuose ruit ad vesicæ vasa, & gravia symptomata, febrem, ulcerationem, purulentam mictionem, quandoque cruentam, dysuriam & alia plura incommoda adducit.

§. VI.

Nec non agor- rhœa ma- le tra- gata.

Deinceps non raro inflammationem vesicæ infert gonorrhœa, præsertim virulenta, male per adstringentia, vel etiam nimis calida & acris pellentia tractata. Attenta enim observatione constat, gonorrhœam sæpius recurrentem, & perversa medicatione exceptam, abire in prostatarum, vesicularum seminalium & ipsius vesicæ ulcus. Prostratae quippe glandulæ, quæ ut plurimum gonorrhœæ sedes, quando tumore, dolore, inflammatione & suppuratione afficiuntur, facile labem communicant vesicæ collo proxime adjacenti, ut vitium latius serpat. Tum vero præter fluxum semenis ex urethra involuntarium, urina mingitur, quæ crassum, copiosum, mucilaginosum purulentum sedimentum ad fundum dimitit, quod ab urina separatum, & exsiccatum flammæ si injicitur, terebrum foetorem, non secus ac sanguis combustus, spargit.

§. VII.

Bonitus morbi. De successu & eventu morbi veritati & experientia omnino congruum Hippocratis effatum de prenot. pag. 464. sic habens: vesicæ dure & dolentes penitus quidem horrendæ sunt & perniciose; perniciofissimæ vero, quæ cum febre conti-

nua fiunt. Etenim dolores ab ipsis vesicis ad occidendum sufficiunt, & alvi non egerunt hoc tempore, nisi durum quoddam, & hoc coacte. Solvit autem urina mixta purulenta, quæ albam ac levem subsidentiam habet. Si vero neque ab urina quicquam remiserit dolor, neque vesica molliatur & febris continua fuerit, in primis circuitibus morbi, ægrum moritum esse timor est. Quando autem inflammatio non tempestive discutitur, lentius aut citius necat. Qui cito, ex sphacelo pereunt, ac uti testantur observationes anatomico-practicæ, vesica sphacelo affecta, vel vasa ipsius sanguifera varicosa, & nigro cruro farta reperiuntur. Tardius autem mors excipit, quando exulceratio succedit, ex mixtu purulento cognoscenda, quæ tandem vel hectico calore necat, vel latius serpens intestinum rectum etiam exedit, ac gangrenam inducit funestam.

§. VIII.

Interim non omnis urina turbida *Urina* & sub mixtu difficiili & ardore excreta, *mucida* inflammatæ, aut exulceratae vesicæ & dysuria non est indicium. Id enim haud raro obvium in senibus, scorbuticis, & qui *via non semper ab inflammati-* dyscrasia humorum laborant, & accidit sine periculo. Quandoque etiam solus vesicæ spasmus, ab urina acri, calculo asperiori, aut collectione seri impuri in vasis vesicalibus, inductus, insignem muci quantitatem ex villosa tunica exprimit, ac urinæ insinuat. Neque minus vesicæ spasmus & dysuria lèpe comitatur febrem, quæ plerunque est scorbutica & exanthematica, cum purpura, vel maculis scorbuticis instar petechiarum, nec periculo vacat. Quin aliquoties in purpura scorbutica affectis observavi, quod impenitita materiæ purpuraceæ per improvidam refrigerationem excretione, vel hac retrupulta, eadem pathemata, spasmus nempe vesicæ ac difficilis mittus, accesserint, nullam aliam ob causam, quam quod constrictis a fri-

gore

gore tubulis subcutaneis , motus san-
guinis & humorum ab exterioribus ad
interiora conversus , simulatque re-
crementia & acri illa materia ner-
vosa vesicæ illapsa .

C U R A T I O .

§. I.

Spasmus vesica ex sanguine. Nulli morbi difficultius curantur , quam qui in vesica constiunt . Et enim nervosa & exquisiti sensus pars , secundum Veterum loquendi morem frigida , & paucō sanguine perfusa , ac urina perpetuo superne affluens consolidationem impedit , præsertim in senibus . Quare vesicæ vitia , uti spasmus , inflammatio , exulceratio , difficultis & dolorosus mictus , facilius arcentur , quam persanantur . Interim , quia spasmus vesicæ primam sere causam omnibus , quæ ipsam infestant , passionibus subministrat , præcipua utique medentis intentio , ut cunctem tempestive præscindat , & modis declinet cunctis . Sed quum hic spasmus vesicalibus tunicis vel a sanguine uberiori ibi congesto , tendente ac premente , vel ab acri impuro sero eo decumbente , inducatur , causæ hæ probe sunt discernenda in medicatione . Quod si igitur post suppressum mensium , vel hemorrhoidum fluxum , tale vitium imminet , optimum consilium , ut excretiones hæ vel revocentur , vel sanguis copiose congestus per venæ , præfertim in pede , sectionem , deriveatur , quod auxiliū genus , iis in primis , quibus ani , aut uteri venæ stillare amplius jam cessarunt , proficuum est . Et hoc in casu verum omnino Hippocratis aph. 68. Sect. 7. dictum : urinæ difficultatem & stillicidium solvere vena sectionem .

§. II.

Ab humectate acrè oris. Quando scorbuticus & iis , qui rheumatismis , arthritide & purpura chro- quibus ascendens. nica laborarunt , ulcera antiqua consolidata sunt , aut materia quedam exanthematica retropulsa , senibus quoque ob dyscrasiam sanguinis , &

Tom. IV.

humorum impuram , vesicæ passiones imminent , cito remediis diluentibus , acrimoniam temperantibus , blandis diaphoreticis sanguinemque depurantibus est succurrendum . Hunc in finem utilia decocta pro potu ordinario temperantia , ex radice scorzonera , china , sisere , foeniculi , item infusa theiformia ex summitatibus millefolii , floribus malvae , baccis alkeneangi & semine dauci parata , cum dimidia parte lactis mixta & syrupo e dialthæ Ferneliæ dulcificata . Neque minus spectata seri lactis dulcis virtus . Quibus si accedit usus emulsionis ex seminibus quatuor frigidis , & pulverum temperantium ex pulvere Marchionis , antimonio diaphoretico , lapidibus cancerorum , matre perlaram , cum nitri tantillo & aliquot guttis olei macis , effectus est exoptatus . Quia tamen puritas humorum multum etiam debita purgamentorum alvi excretione conservatur , videndum utique , ut hæc præstetur libera , optime alimentis , sin vero minus respondebit , mannat , cum vel sine rhabarbaro , addito nitro antimonato , aut clysteribus emollientibus ducenda .

§. III.

Ubi vero inflammatio cum spastmo *In inflam-
matione & spasto profi-* jam præsto est , præter jam dicta , com- mendatissimus est usus liquoris anodyni mineralis , ad drachmam unam , re- mixti cum granis 5. extracti croci & granis duobus camphoræ . Tum etiam pulveres diaphoretici ac temperantes , aucta nitri dosi , cum emulsionibus ex seminibus quatuor frigidis sunt porrigiendi . Et exterius partem affetam antispasmodicis & leniter discutientibus sovare ex pedit . Nobis hunc in finem usitata vesica decocto florum emollientium plena , vel loco hujus emplastrum ex emplastry de meliloto uncia , spermatis ceti drachmis tribus , croci , camphoræ ana drachma , nec non oleum anodynnum camphoræ , ex olei amygdalatum dulcium uncia , hyoscyami drachmis tribus & camphoræ drachma , pubis & perinxie re-

R giani

gioni crebrius illitum. Ubi etiam spasmus solus tenesum molestum, vel difficilem, dolorosam motionem efficit, præter balnea aquæ dulcis, omnia alia auxilia virtute superant vapores ex decocto florum meliloti, sambuci, chamomillæ officinalis, malvae, summitatum millefolii cum lacte, in perforata sella ad laborantes partes admissi.

Cautæ & Observationes Clinice.

§. I.

Minerales aquæ utilissime.

In vesicæ vitiis inveteratis, quæ ca-
cheticis, hypochondriacis, scorbuticis,
senibus & hæmorrhoidariis, nunquam
non sunt frequenta, ad incrementum
eorum præscindendum, per longum u-
sum efficacius deprehendi nihil, quam
peritum aquarum mineralium usum.
Celebres jam pridem hoc nomine Spadaneæ aquæ, de quibus sic disertis ver-
bis scribit *Henricus ab Heer in Spada-*
crep, hoc fontis Spadani, propria ac sin-
gularis facultas, ut vesicæ renunque
dolores sopiat ac leniat, morbos vero
harum partium persanet, ventriculum
debilem roboret, & ciborum languentem
appetentiam excite. Quin idem gravis
auctor suadet, ut, si renum & vesicæ
vitiis affecti liberi ab iis vivere velint,
per totum annum hanc medicatam
aquam bibant. Neque minus *Tulpus*
lib. 2. cap. 53. testis est fide dignus, de-
ploratum vesicæ ulcus, omnibus pa-
rum aut nihil proficientibus, conti-
nuo aquæ Spadaneæ usu, tam feliciter
fuisse debellatum, ut summe obstu-
puerint, quibus id visum certam ha-
bere desperationem. Ego vero habeo,
quod maxime laudem usum Selterana-
rum, quarum saluberrima ingredien-
tia penitus inspxi, quarumque vir-
tutem in omni interna pulmonum, re-
num & vesicæ labi exemplis habeo
confirmatam fere innumeris. Hinc
suadeo, ut vere semper & autumno,
per mensem & longius bibantur, vel
quod melius inter cibum potus ordina-

rii loco, cum quarta vini Mosellani
parte remixtræ, potentur.

§. II.

Lacticina quidem per se renum ac *Lac eum*
vesicæ læsionibus & morbis minus ac-*aqua*
commoda. Sed si lac ipsum, præfer-*prodest.*
tim asinum, cum Selterana aqua bi-
bitur, vel quod melius adhuc, acidulæ
hæ, ad abstergendam eo melius sanio-
sam & mucosam materiam, per ali-
quot hebdomades primum solæ, ac
postea vel solum lac, vel medicatæ
huic aquæ confusum, usurpantur, ma-
gis quam ullum aliud remedium pro-
dewe, expertus scribo.

§. III.

Licet sanguinis missio utilissima sit, *Vene se-*
tam ad arcenda, quam persananda ve-*atio cum*
sicæ ex sanguinis congesione vicia, *distrin-*
multum tamen nocet frequens ipsius *Gions*
administratio, ubi humorum magis *admit-*
impuritas, quam abundantia in vitio *tenda.*
est, ac ubi materia acris purpuracea
altius sanguini est insinuata. Nam sub-
tracto nimium sanguine, motus ipsius
ad corporis ambitum elangescit, per-
spiratio simul immunitur, & morbi
causa magis obfirmatur, licet in prin-
cipio doloris lenimentum inde accede-
re videatur.

§. IV.

Vini potum *Hippocrates l. superius* *Vinum*
c. in urinæ difficultatibus commendat; *dulce nō*
merito tamen tenendum, quod nul-*acidum*
lum aliud ex usu sit, quam dulce, Mal-*bibendū,*
vaticum, Hispanicum, vel etiam Hu-
garicum, quod moderate & medice po-
tum, tam ad roborandum stomachum,
quam ad vires refocillandas, apprime
conducit, nisi febris & calor prohibe-
ant. Illa vero vina, quæ multum aci-
di tartarei in sinu sovent, ut Rhenana,
item nostratia austera, penitus merito
sunt rejicienda.

§. V.

Quum omne frigidum nervis nervo-
sisque partibus sit inimicissimum, cali-
dum vero amicissimum; hinc in nervo-
se vesicæ passionibus summa cum cura
etiam vitanda refrigeratio, maxime
inferiorum, frigidus potus, ac præser-
tim

tim in senili aetate, remedia nimium refrigerantia, acida & nitrofa. Viciſſim quæ corpus, abdomen inprimis & pedes, a frigore defendunt, ac in perspiratione servant, ut motus corporis moderatus, potus infusæ theiformis, potio calida, item pediluvia & balnea aquæ dulcis, optimum doloris procurant lenimentum. Atque etiam hanc ob causam e re est, ut aquæ medicatæ ipsæ, tam solæ, quam lacti nuptæ, tepidæ potius, quam frigidæ bibantur.

ENARRATIONES MORBORUM.

OBSERVATIO I.

Dolor ves-
ſſe ex
sanguine
ſtagnan-
ti-

Vir 40. annorum, vita sedentaria, ob intemperantiam studiorum additæs, intolerabili cruciatu & tormento circa pubis & perinxi regionem cum magna difficultate reddendi urinam diu ſæpe per intervalla afflictus fuit, & propter dolorum atrociam, inquietudinem, anxiетatem, vigiliam, viariumque defectionem, cum extremonrum tremore ac frigore, tam mifere decubuit, ut ad deſperationem quandoque redactus, cultro filum vitæ abrumpere voluerit. Affligebat hæc miseria interdum per aliquot hebdomades, postea ſenſim paulatimque remittebat, ut officio ſuo fungi poſſet; urina plerumq; pauca & turbida profluuebat, crassum ſedimentum deponens. Et quum per ſex ferè annos hoc malo exagitatus eſſet, viribus tandem penitus conſumtis, quadrageſimo etatis anno obiit. Omnes, quoꝝ per totam civitatem in auxilium vocarat, medici, & calculum, & vesicæ exulcerationem, hujus miserae affectionis cauſam judicarunt; ſed aliud longe partis affectæ poſt mortem ſcrutinium docuit, vesica quippe integra, ſine exulceratione, inventa fuit, nec vestigium ſabuli aut calculi in ea repertum, iſum vero vesicæ corpus longe crassius & densus, copiolis & valde diſtentis vasis languiferis, quorum nonnulla calamus ſcriptorium crassitie æquabant, obſitum,

Ut adeo omnium horum cruciatuum nulla alia fuerit cauſa, quam insolita illa stagnatio & incarcerated sanguinis in vasis vesicæ.

Epicrisis.

Hæc historia luculentter docet, ſpas-
mum vesicæ urinarię vehementiorem,
tantum valere, ut universum nervofa-
rum partium ſyſtema in conſortium
trahere & cœconomiam omnium cor-
poris functionum perturbare queat.
Dein patet: difficilem cum ardore
& ſtillicidio mictum, urinam quoque
glutinosam, juxta Hippocratem furfu-
raceam, non ſemper exulcerationem,
vel calculum intus latente prodere,
ſed a ſola ſpasticæ contractione vesicæ
oboriri poſſe, qua tunica interior mu-
coſa fortiter compreſſa mucosum li-
quidum copioſe in cavitatem vesicæ
eructat, quod urinæ immixtum, po-
ſtea cum iſla excernitur, eodem modo
ac notum eſt, dolorificum illum ſpas-
mum, qui ſæpe fit in extremitate inte-
ſtini recti exquisiti ſenſus, ita compri-
mere tunicam cum vasis ſuis villosam,
ut inſignis copia muci albi, instar albu-
minis ovi, cum tenefmo dimittatur,
quod vulgo vocant hæmorrhoides al-
bas. Velicæ autem ſpasmī cauſa non
tam eſt in cavitate vesicæ, quam po-
tius intra ejus ſubstantiam. Nam, ſicuti
a mensium vel hæmorrhoidum fluxu
ſufflaminato, ſanguis regurgitans ad
vasa ventriculi & intestinorum, & intra
eorum tunicas ſentientes stagnans, di-
ſtractione & compressione, vehe-
mentia tormina, anxiētates, dolores, con-
vulfiones & ſpasmus concitat; ita et-
iam, quando vel ex vitio & emaſſione
fluxus hæmorrhoidalis, vel aliis ex-
cauſis, ſanguis ad vesicæ corpus magna
copia delatus ibi stagnat, non mirum
eſt, quod in nervosa iſipius compage
ſpasmus, & qua ab iis proficiuntur
ſymptomata, producat.

OBSERVATIO II.

Ex hac-
mori hæm-
dibus
ſuppref-
ſiſ loſſag-

Vir quadraginta annorum, ſanguineo-cholericus, ex vita genere valde

His ves- inquieto transiens ad quietum & se-
ce inflam- dentarium, experitur brevi post hæ-
matio. morrhoidalem fluxum, quem præpo-
stere remedii ahibitis supprimi cura-
vit. Sequuta hinc mihi cruenta, sin-
gulis sere mensibus rediens, qua cef-
fante anxietates præcordiorum, dolores lumborum, borborygmi ventris, prava digestio & inappetentia oborta. Ad tollenda hæc mala variis usus qui-
dem remedii, thermis, laetis cura, sed non cum debito regimine. Accedit hinc postea funesta vesicæ inflammatio, cognoscenda satis ex magno ardo-
re, dolore, in regione pubis, mihi diffi-
cili & dolorifico, febre, præcordio-
rum anxietate & delirio, ac post mor-
tem vesica inflammata & sphacelata
inventa fuit.

Epicrisis.

Hæmorrhoidalis fluxus interdum transit in mictionem cruentam, criti-
cam quoque, quæ nullo modo cohibenda, nisi rursus provocentur hæmor-
rhoides, alias gravissima subsequuntur spasmodica pathemata non modo, sed & ipsa vesica tandem inflammatione gravi cum febre afficitur, quæ facile abit in sphacelum. Nam qui morbis vesicæ moriuntur, ii plerumq; pereunt sphacelo, qui etiam intestinum rectum sape afficit, ut hæmorrhoidalia yafa sanguine nigro infarcta cum penis li-
vore compareant.

OBSERVATIO III.

Vesica
inflam- Summus hujus urbis Theologus, vi-
matio a
materia
scrib- Ic- tæ sedentariæ perpetuæque mentis per-
scribas. ardua multa negotiæ fatigationi assue-
tus, a purpura intus delitescente scor-
butica in gravem primum per inter-
valla dysuriæ incidit, juncta simul
paralyse sporia dextræ manus, quæ, quamdiu persistit, remissior fuit dysuria,
illa vero evanescente, atrocior vesicæ spasmodus & dolor cum assiduo urinam mittendi stimulo, illico redit. Tandem cum sanitate quidem in gratiam redire videbatur, sed quum forte languidum adhuc corpus auræ frigi-

diori exposuisset, rediere intoleranda mictus termina, quæ vesicæ inflam-
matio, ex parte exulceratio, febrisque acuta exanthematica exceperunt, fu-
nesto proh! eventu.

Epicrisis.

Inflammatio vesicæ, a sero salso im-
puro & corrupto, vesicæ tunicis nerveis firmius inhærente eosque lancinan-
te, quandoque subnascitur. Vidi nos-
ita pridem in sene octogenario, qui per aliquot annos summa difficultate
mittendi cum dolore urinam laborat, ac demum, frustra adhibita omni efficacissima medicina, in pede noctus est erysipelas, quod reliquit ulcus, icho-
rem saniosum sat copiose quotidie fundens, tam salubri effectu, ut ex eo, & dysuria, & dolor in pube, omnis eva-
nuerit. Dravitzius quoque, qui ante seculum jam omnium fere optime germanico idiomate de scorbuto integrum scripsit tractatum, in eo pagina 350. & seqq. plures afferit observatio-
nes & casus ægrorum, qui de doloribus sœvis sub urinæ emissione conquesti, quorum causa non vesicæ labes ulla, aut calculus fuit, sed humor tantum impurus scorbuticus. Memorabilis maxime casus, quem consignavit de lanione, qui, quum nunquam antea ex calculo laborasset, subito atroces in pedibus persensit dolores, qui hinc depulsi, urethram invaserunt, cum intensa ardore & difficultate guttatum vix mingendi applicatis tamen discutientibus cessarunt quidem, sed ad pedes re-
dierunt, consequente eorum tumore.

OBSERVATIO IV.

Fœmina quadraginta circiter anno. Vesice in-
rum, sanguineæ constitutionis, vita flamma-
sæ filii nimium indulgens, venæ sectioni
alias fuerat assueta, sed per biennium ^{ti usq;} fæces, eam omiserat, quo factum, ut obstru-
ctis mensibus, in summos dolores cir-
ca pubis regionem incideret, cum im-
pensis præcordiorum anxietatibus, for-
ti alvi adstrictione, appetitus virium-
que destructione. Sedati quodammo-
do

do ab imperito medico per opia doloribus, mox incidit in syncopen, & maiores ac vehementiores circa praecordia utsurunt anxietates, subsequuntum delirium & mors. Inspecto post mortem corpore & vesicam, & uterum inflammatio ac sphacelus occuparant, ceteris omnibus partibus sanis.

Epicrisis.

Instar axiomatis practici hoc loco notari velim: in inflammationibus nervosarum & membranacearum partium, ut in phrenitide, pleuritide, hepatitide, item inflammatione ventriculi, intestinalorum & vesicæ, nil perniciosius esse, & quod tam facile ad mortem perducere queat, opio remedio interno. Stuporem enim hisce partibus facile inducit, & in minimis vasculis motum & progressum sanguinis penitus sistit, ut sphacelus ac mors inducatur. Quare cautissime cum ejusmodi remedii etiam exterius applicatis, hisce in morbis agendum esse moneo, ac inculco serio, compluribus lethiferis exemplis hanc observationem confirmantibus. Conferunt potius, præter idonea diluentia, discutientia, blanda anodynæ cum diaphoreticis mixta, inter quæ liquorem nostrum anodynum minereum, cum spiritu Bussi mixtum, & reiteratæ vicibus, parca tamen dosi, exhibitum, cum blando regimine diapnoico, non satis laudare possum, si prius plethoraæ, quando adest, tempestiva sanguinis missione rite fuit prospectum.

Præter allatos casus plures adhuc invenies in *Consult. med. tom. 2. sect. 3. LXXXVIII. XC. XCIII.*

C A P U T X.

*De inflammatione & febre
uterina.*

Thesæ Pathologicæ.

S. I.

*Uteri
morboſa
diſpoſi-
tio &
conſen-
ſio.* **P**eculiaris uteri fabrica & structura, mira scilicet fibrarum totius substantie elasticitas, valorum sanguiferorum copia, eorumque tortuosus & serpentinus fluxus, glandulosa & ner-

Tom. IV.

vosa textura, nec non colli & maxime orificii interni exquisitus sensus, faciunt, ut multis & variis morbis, maximeque etiam acutis & periculis in inflammationibus, oriundis inde abscessibus & mali moris ulcerationibus, pateat hoc viscus. Quin, quia non tam ob nervorum communionem & sensibilitatem, quam potius sanguinis progressum in fibroſa & vascuſa uteri compage interceptum, ipsius in omnibus reliquis corporis partibus motus turbatur atque pervertitur; hinc magna etiam uteri cum nobilitatibus corporis partibus, capite, pectori, præcordiis, ventriculo, & omni nervorum systemate est consensio, & ipso gravato, aut inflammato lava in propinquis & remotis partibus accidunt pathemata.

S. II.

Ex his, quæ in uterum cadunt, passio- *Inflammationibus* frequens admodum est ipsius *matio-* *infiammatio, cognoscenda ex ardore nis ute-* & dolore fixo in inguine, cum febre *rine & fi-* acuta, dolore lumborum & imi ventris, abdominis inflatione, stimulo ad urinam & alvum, mixtu ardenti & difficiili, gravibusque aliis in præcordiis, capite, & pectori symptomatis. Parum hujus morbi reminiscuntur Medici recentiores, sed eo crebrius in monumentis suis Veteres. *Aretæus* quidem sic egregie ipsum delineat *cap. 64. inflammatione uteri, inquiens, fit ex pluribus causis, ex plaga, ex mensuram suppressione, & fri-* gidityate, & inflatione, non minus etiam abortu & partu, propter malam partus editionem. Sequitur ad uteri inflammationem febris acuta, dolorque capitis ac ejus tendinum, & basis ocularum junctureque manuum & digitorum, & colli detractio & declinatio, stomachi per consensum affectio, osculi uteri conclusio, pulsus parvi, densi. Si totus est inflamatus, totus vehementius pulsatorio motu dolet: si posteriores ipsius partes solum inflammatæ fuerint, dolor circa lumbos fit, & sternora suppressuntur ex recti in-

R 3 testi-

testini compressione; si partes ejus anteriores, dolor circa pectinem sit & urina stillicidium ac emitendæ difficultas ex vesica compressione; at lateribus inflammatis, & inguina tenduntur, & crura gravantur; si vero fundum ipsius fuerit inflammatum, circa umbilicum maxime dolor consistit cum tumore; at si circa osculum est inflammatio, circa supernum ventrem dolent, & digito immisso durum ac renitens osculum occurrit.

§. III.

Differ-
zia in-
ter lev-
& gra-
vem.

Hæc uteri inflammatio merito diffusa in leviorem superficiam, & graviorem, seu profundiorem. Ilia laxe puerperis accidit, facile dignatur, potissimumque crebrius sequitur febrem lacteam, admittit etiam medicationem, si recte & prudenter instituatur, ac faciliter negotio, intra paucos dies, discutitur. Gravior autem, quæ febre intensa & sèvis symptomatibus de vehementia non remittentibus stipatur, septimo, nono, vel etiam undecimo laxe die necat, superveniente maxime purpura alba, quæ pessimum semper præbet omen, atque ex corrupto, putrido, vappescente sero ac languine, in uteri latibus hærente, ortum ducit, immode corrupto jam & sphacelato utero testatur.

§. IV.

Causa
varia.

Causa inflammati uteri materialis proxima est inæqualis sanguinis per uterina vasa circulus. Ob oppleta scilicet, coarctata a spasio & obstructa minima vascula, sanguis majori cum impetu ac celeritate fertur per vascula vicina, eorumque ramos laterales, qui cruorem alias non capiunt, unde tumor, rubor & ardor sit, cum pressione & irritatione tunicae nervosa. Ad hoc autem vitium concipiendum in genere disponunt lésiones, contusiones & vulnerationes externæ, status plethoricus, cacochymicus, mensium & lochiorum suppressio, copiosior sanguinis ad uterum allapsus atque decubitus, partus laboriosus, a-

nimi affectus, ira maxime & terror, vomitus enormis, vel nitus impensis ad hunc, motus & labor corporis plethorici fortior cum sub sequente refrigeratione imi ventris, balneorum calidorum abusus, abdominis & uteri refrigeratio externa, potus frigidus, fluentibus in primis mensibus, lochiis, aut haemorrhoidibus, colica quoque convulsiva, nec non affectio spastico-hysterica gravior.

§. V.

Nunquam vero magis hæc périculo. In pueris affectio infestat feminas, quam si periorum cursus frigores quens. Partum enim uterus abonere levatus, sit. elastica, qua poller, virtute iterum in arctius spatium coit, & sensim sensim que se se contrahit. Hinc diducta uteri vasa angustantur, contentus in iis sanguis per oscula aperta, secundinis prius continua, exprimitur, ac sub nomine lochiorum foras prodit, eum sanitatis emolumento. Similiter vero etiam hac angustatione motus & cursus sanguinis aliter dirigitur, & quidem ab utero & inferioribus ad superiora ipsasque mammas, quod circa tertium plerumque diem accedit, non sine febrili commotione, & Germanis propterea audit das Milch-Fieber. Quod si igitur lochialis sanguinis exitus per stricturas uteri spasticas impeditur, non modo in ipso utero periculosa inflammati oriam asasin concitat, sed & ordinarius ille sanguinis ab inferioribus ad superiora impetus, tam ratione vehementia, quam molis sanguinis validius increvit. Tum enim spasticæ, & dolorificæ in ab domine urgent stricture, sanguinis vel mucidi humoris ex utero fluxus restitut, alvus clausa est, pedes frigidi, ad urinam stimulus, dolorosa mictio, caput rubet, tumet, oculi fulgent, narres non nunquam guttulas quasdam stillant, animus est inquietus, somnus nullus, vel insomniis terrificis turbatus, ac gravia illa symptomata, respiratio difficillima, hypothyria, convulsiones & delirium phreneticum, doc-

mum

mum subito s^epius puerperis accident
funesta.

§. VI.

quibus solenoides Luculentis verbis h^ec ita evenire testatur Hippocrates lib. I. de morb. mulier. §. 72. ita tradens: si inflammati fuerint puerpere uteri, venter ardet, & magnus fit, & ad præcordia suffocatio habet, & uterus, ubi puerperii purgamenta intus manserunt a frigore, occulte distendit. Nec non lib. 2. de morb. mulier. p. m. 489. si, inquiens, ignis sacer in uterus sit, etiam pectus id percipit, venter intumescit, perfrigeratur, febris habet magna, & rigor supervenit, & spiritus densus, & animi deliquium, & debilitas, & dolor totius corporis; & tristatur, & mente variatur, & affectio ascendit ex inferno ventre ad lumbos, & ad dorsum, & præcordia, & pectora, & tollum, caput & stomachum, & mortua esse videtur. Experientia autem teste, feminæ teneræ, exquisitoris sensus, in vehementes animi commotiones pronæ, pathematis spastmodicis & flatulentis obnoxia, mensium inordinato successu affectæ, alvi adstrictioris, si gravidae sunt, post partum quam facile in lochiorum suppressionem cum febre uteri acuta incident, non sine summo vite discrimine. Interdum etiam inflammatio uteri nascitur, a secundinarum vel totali, vel tantum quoad partem retentione. Hac enim restante, non tantum sanguinis ex utero exclusio prohibetur, verum etiam succedens putredo febrem movet, vel si h^ec jam adeat, deteriorem reddit.

§. VII.

In sphacelum Jam sicuti in omni inflammatio-
ne, ille subsistens humor, si non abit aut scutitur, putreficit & in corruptionem ulcera-
tionem. transit, vel sphacelosam, vel ulcerosam; ita idem etiam accidit in ea, quæ uterum infestat. Quæ in sphacelum abit, brevinecat, & solennis maxime est puerperis, in quibus post sectio-
nem uterus ut plurimum cum vagina datur, color is ex atro bruni depre-

henditur. Quæ autem suppuratur & ulceratur, diutius trahit, & accidit quam maxime extra puerperium. Patent inflammationi huic suppura-
toriæ & femina sanguineæ, mellioris & spongiosioris habitus, præsertim si fluori albo sanguinolento fuerunt affe-
ctæ, isque adstringentibus intempe-
tive cohibitus. Frequentius etiam ean-
dem incurunt, quæ impurum & cras-
sum in venis alunt sanguinem, dietam
insalubrem festantur, fructibus ho-
ræis, duleibus & lacticiiis indulgent,
inferiora subinde refrigerant, corpo-
re præsertim æstuante, quæ tristitia
anguntur, veneris stimulos concubi-
tu obtundere impediuntur, suetam
sanguinis missionem intermitiunt,
aut seniores quietam & ærumnofam
vitam ducunt. Ac in his quidem fre-
quentior est inflammatio in collo &
orificio interno, quod ex multis fibris
nerveis spiraliiter est contextum, quani
in ipso fundo, eaque propter dolor ac-
cerbus & ardens est in pube cum mi-
hi difficult. Signa autem abscessus ute-
ri sic in compendio Hippocrates l. I. de
morb. mulier. exhibet: si, ait, uteri
fuerint ulcerati, sanguis & pus purga-
tur, & factio gravis oboritur, & dolor
acus corripit lumbos ac inguina &
imum ventrem, & dolor sursum pro-
cedit ad laterum mollitudinem, costas
& scapulas, aliquando etiam ad clavicas
pervenit, & caput vehementer
debet deliratque processu vero tempo-
ris intumescit, & debilitas ipsum cor-
ripit, & animi deliquium, & febris
tenuis, & perfrigeratio, intumescent
antem maxime crura. Morbus autem
corripit ex abortu, si qua corrupto hu-
more ac putrefacto intus non fuerit
expurgatur, & calor totum corpus te-
net. Corripit etiam ex fluxibus, si
in ipsis acria fuerint, & biliosa mor-
deant. Sed plerumque ulcus uteri
tandem etiam in gangrenam & sphacelum
abit ac interficit. Interdum tamen accidit, ut apostema in ute-
ro prognatum interne rumpatur, &
copiose effluat sanies alba minime

scetida & ægra evadat, qua de re legi
meretur *Forelius lib. XXVIII. obs.*
XLIV. pag. 693.

§. VIII.

Necnon Quod si autem exterior uteri pars
in can- inflammata, ob frigus externum, qui ul-
crum in- quam facile abit in scirrum, qui ul-
fanabi- ceratus, cancer uteri recte dicitur, ac
lem. est infanabilis. Neque adeo infrequens
est, glandulas copiosiores circa collum
uteri, & maxime orificium ejus inter-
num considentes, mutari in scirrum,
tandemque abire in inflammationem
ulcerosam, quæ, haud secus ac cancer
exulceratus, medicationem admissit
plane nullam. Recentiores quidem pat-
rum hanc uteri affectionem nota-
runt; ego vero aliquoties observavi,
eadem omnino ratione, iisdemque
symptomatibus, ac pridem jam exacte
prodidit *Aretæus lib. 2. cap. 67.* ita per-
hibens: caneri in utero, partim cum,
partim sine ulceratione sunt, tumor re-
peritur circa uteri osculum durus, inæ-
qualis, præminens, colore seculentus,
rubicundus, quandoque etiam sublividus,
& dolent vehementer inguina ad
supernum ventrem & pectinem ac lum-
bos, agreque ferunt contacum & variega-
torem medicationem. Si vero ul-
ceratus est cancer, ad dolores, durities,
& tumorem, erosa etiam & inæqualia
ulcera conspicuntur, plerumque qui-
dem fordia oris tumida albicantia,
turpes crustas inductas habentia. Que-
vero pura videntur, seculenta, livida,
rubicunda & cruenta apparent. Excer-
nitur autem assidue ab ipso sanies te-
nus, aquosa, nigra, aut fulva, graveo-
lens, aliquid etiam sanguis fertur, &
alia signa ad inflatum uterum re-
lata. Affectio igitur ipsa incurabilis est,
veluti alicubi etiam dixit Hippocra-
tes, mitigare tamen oportet, per inseffus
ex fœnu græco, malva & per cataplas-
mata similia.

Curatio.

§. I.

Uteri inflammatio, quum nunquam

frequentius occurrat, quam in puer-
peris, & post abortum, dum vel ab *Curtio*
improvida obstetricum in partu diffi- & pre-
cili tractatione & contrectatione vio- servata
laboribus, sanguinem præsertim im- *rio cau-*
purum ad uterum pellente, vel a lo- *sis ac-*
chiorum per dolores & spasmos hyste- *commo-*
ricos, terorem, aut refrigerationem *danda.*
fluxu impedito, inducitur; necessa-
rium omnino est, ad præservationem
æque ac curationem, ut Medicos o-
mnes has causas probe noscat, atque
discernat. Quia autem facilius longe
est periculosem hunc morbum immi-
nentem arcere, quam præsentem per-
sanare; hinc medens etiam primo
omnium eo eniti debet, ut eundem
tempestive præscindat, ejusque in-
curlum avertat.

§. II.

Jam missis illis lœsionibus, quæ ab
externis & violentis causis inducun- *Post*
tutur, frequentissimum in artis exerci- *partum*
cio est, inflammatoriam hanc febrem, *Spasmi*
post partum, ob excretionem sangu- *rela-*
nis lochialis vel plane deficientem, *xandie*
vel non sufficientem induci. Quare id
in primis agendum artifici, ut confe-
cto partu, primis statim diebus lochia
rite secedant. Quod ut ex voto perficiatur,
ad causas fluxus lochialis in-
tercepti removendas medicatio perite
dirigenda. Notum autem est, sub diuturnis &
gravioribus partus laboribus, tamen
vehementem fieri partium, & solidarum,
& fluidarum, commotionem
& exagitationem, ut quisque ex pul-
su celeritate, totius corporis ar-
dore, siti & inquietudine vix aliter
judicare possit, quam adesse febrem,
sub quo impetu parum etiam vel nihil
recrementorum putridorum &
cruentorum utero effertur. Igitur o-
pera danda, ut impetuofus hic post
partum motus placide componatur.
Fit hoc commodissime, si puerpera
in quiete & temperato regimine dia-
phoretico servantur, iisdemque dilu-
entia ac blande astum sedantia pro-
pinantur. Quia tamen sub partu,
qui

qui nonnisi stricturis spasticis & convulsivis ex spinali medulla absolvitur, per consensum spasmi & dolorificæ stricturæ ad intestina transeunt, quæ superato partu adhuc aliquamdiu persistunt, atque etiam eandem ob confessionem uteri fibras musculosas & nerveas stringendo, liberum sanguinis cursum præcludunt; merito etiam curandum, ut eadem sedentur placide. Hunc in finem utilis pulvis, ex pulveris Marchionis, lapidum canerorum ana drachma, antimonii dia-phoretici drachma dimidia, nitri puri granis 16. cujus quarta pars pro dosi, adjectis nonnunquam, si spasmi hysterici simul impensis urgent, granis sex, vel quatuor pulveris castorei, cum aqua florum chamomillæ vulgaris, destillata cum cerevisia triticea, sumenda. Conducit quoque oleum amygdalarum dulcium, ex recentibus, sine igne paratum, quod vel solum, vel cum quarta parte spermatis ceti remixtum, quotidie ad unam vel dimidiā unciam, cum juscule pulli gallinacei, aut decocto avenaceo, usurpandum. Externe vero totum abdomen inungendum oleo ex anethini, chamomelini & lilio alborum ana uncia, olei carvi drachmis duabus, vel camphoræ drachma, superposita mappula complicata calefacta.

§. III.

Lochia promoto-venda. Composito sic tumultu, ad promovendum lochiorum fluxum, vix præstabilius hoc usque innotuit remedium, quam pilularum massa, quæ ad imitationem Becheri, ex amaris extractis, gummatibus refinosis temperatis, & aloë probe correcta concinnata est. Secundo igitur statim die, ceteris paribus, quindecim grana pilulari forma, mane, vel vespere exhibentur, & pro circumstantiarum ratione, per quinque vel octo dies continuentur. Est enim hoc evacuans clemens maxime & accommodum. Nam roborando, tam intestinorum, quam ipsius uteri, per extensionem nimiam robore exuti, tonum, blan-

de simul stimulando, imum ventrem ac intestina a folidibus, ipsum quoque uterum a stagnante corrupto sanguine repurgat, eoque quam optime & inflammationem, & febrem, aliaque sœva a recrementis retentis oriunda pathemata, arcet. Quin eadem hæc curandi ratio apprime ex usu est, quando secundina, vel ipsius pars, aut aliud quoddam exturbanum concretum in utero restitat.

§. IV.

Quod si tamen medentis seopus hic *In febre sanguis mitte-* expediti nequit, sed febris impedit *dus.* assida, venter flatibus attollitur, & spasti ad superiora vergunt infesti, alia ineunda est medenti via. Scilicet sanguinis copia, sub graviditate justo plus accumulata, minuenda per venæ sectionem, non in superioribus, sed pede institutam. Sæpe enim a nivaria vasorum distensione fiunt spasti, & sanguinis exsuperans moles uteri compaginem nimium distendendo, ejusdem systalticam & expulsivam potentiam minuit ac impedire. Hinc venæ sectionis remedium omnino maximi, ad promovendum fluxum & inflammationem arcendam, est usus. Quod sicuti in Gallia hunc in finem frequentius quam par est adhibetur; ita perperam in nostra Germania rejicitur, ut plures inflammatoria uteri febre correptæ pereant, quæ tempestiva sanguinis missione potuissent servari.

§. V.

Præter venæ sectionem, ubi jam præfens est inflammatoria febris, id quam maxime agendum, ut sanguis stagnans in motum cieatur, humores diffundantur, spissi fluxiles reddantur, & stasis diffruiatur. Quod ut oblineatur, conductit mixtura hæc: recipe aquæ charfolii, cardui benedictii, scordii, florum sambuci, acaciæ, acetii destillati ana unciam unam semis, lapidum cancerorum drachmam unam semis, antimonii dia-phoretici, vel bezoardicis mineralis drachmam semis, spissitus

ritus nitri dulcis sive liquoris anodynī mineralis guttas 20. syrapi cardui bened. drachmas duas, M. de qua binis quibusvis horis, duo vel tria cochlearia porrigenda. Tum etiam pro potu exhibeatū tenue jusculum ex pullo gallinaceo, cum radice scorzonerae, cichorei & rasura cornu cervi confectionē, addito ad gratiam succo pomorum aurantiorum. Præbeatur quoque subinde infusum theiforme ex herba veronicae, scabiosae, sonchi, floribus hormini, chamomilla vulgaris, semine foeniculi. Nec omittantur pulvres temperantes ac resolventes, ex lapidibus cancerorum, solutione oculorum cancri, nitro & sale polichresto compositi. Quales præterea Becherianis, vel ad harum exemplarū paratis pilulis, ad lochalem fluxum promovendum & sanguinis a capite impetum divertendum, commode interponuntur. Sint demum in usu clysteres ex sero lactis dulci, vel decocto florū chamomillæ vulgaris, herbæ artemisiæ, salviæ, hormini, mercuarialis, addito melle, nitro & pinquedine gallinarum.

§. VI.

Extra puerperium utendū exteris. Quando vero extra puerperium in corporibus impuris variis ex causis accedit inflammatione uteri, non tam in fundo, quam potius in collo, cervice, atque vagina, præter jam memorata interna, simul in auxilium voleanda præfidia externa, epithemata scilicet pubis regioni admota, injectiones uterinæ ex accommodis partæ, nec non pessi, item ob loci vicinitatem suppositoria in anum trusa. Epithema egregium est, quod ex aquæ sic dictæ d'arquebousade, (quæ non nisi vinum Rhenanum ab herbis vulnerariis in balneo maris ad siccitatem abstractum,) unciis quatuor, essentia croci, spiritus vini camphoratana unciis duabus, nitri in aqua florū sambuci soluti, drachma, paratur, ac pro circumstantiarum ratione cum aceto rutaceo, aut scordii remixtum, linteis duplicatis sèpius applicatur.

Ad injectionem vero commendo solum lac, vel asinimum, vel muliebre, cum floribus sambuci, myrrha & croco, adjecto nitro decoctum. Molestissimum demum hujus passionis symptomā tenesum, præter infessus emollientes, egregie lenit oleum amygdalarum dulcium, vel mucilago seminis psyllii, aut foenu græci, ad uncias duas, cum duodecim extracti croci granis anno injecta. Et eadem hec remedia semper etiam ex usu sunt, quando inflammatio abiit in suppurationem.

§. VII.

Porro non adeo infrequens est, ex *Quibus* fluore albo diuturno, præsertim si medensim sanguinolentus, male tractato, dum si vel imprudenter cohibito uterum ejusque partes tumore affici cum dolore, & febre inflammatoria, immo in suppurationem abire & exulcerationem. Tum vero cura admodum perplexa est atque difficilis, in primis, quando fluor non e glandulis externis, sed interna uteri substantia venit. Ego, si passio chronica, nil præstabilius novi, quam usum thermarum Emensis, & Carolinarum mitiorum, quippe quæ humores subsistentes effaciter dissolvunt partemque affectam simul roborant. Sed cavendum a balneis adstringentibus, ipsis etiam Carolinis fortioribus, quæ propter terram calcaream & martialem, adstringente & repellente virtute pollent. In sessus vero ex herbis uterinis & aromaticis, cum aqua dulci decoctis profund utique. Sic laxatis ductibus, & humoribus dilutis, cum fructu postea pilulæ dantur Becherianæ, quæ inter specifica uterina locum tinentur præcipuum. Nec rejicienda videtur *Hippocratis* hæc uteri ulcus curandi methodus, quam lib. 1. de morb. mul. §. 88. sic tradit: si hic morbus inciderit, multa calida lavato & tepefactoria adhibeto, qua parte fuerit dolor. Et si quidem superne fuerint dolores, & mulier fortis est, totam fermentato & pharmacum deorsum purgans.

gans bibendum dato, & ubi tempus anni sufficit, serum coctum insuper bibendum præbeto, per dies quinque, si id facere poterit. Si vero non adfuerit serum, lac asinum coquito, & per dies tres, aut quatuor bibendum dato. Post lactis autem potum, cum aqua ipsam reficito & cum cibis commodis, carnis bus ovillis, teneris recentibus, & volucrion, & beta, & cucurbita. Abstineat autem a salsa, & acribus, & marinis omnibus ac caprinis. Et certe lactis serum & asinum lac egregie proficit, non modo ad obtundendam humorum acrimoniam, sed & temperandum calorem hecticum, qui ægros graviter ut plurimum urit.

§. VIII.

*Inflammatio-
nis a
causa
externa
medica-
tio.*

Quæ demum a violentia externa inducit uteri inflammatio, cum febre, dolore inguinum, mejendi difficultate, & spasmis in remotis etiam partibus, nec non alvi adstrictione, poscit quam maxime venæctionem, non modo maturam, sed & repetitam, primo in brachio, ac dein in pede institutam. Opus in hac etiam, ut alvus subducatur clystere, in uterinis morbis nunquam non singularis plane utilitatis. Et exterius imponendum emplastrum ex emplastri de meliloto unciiis duabus, spermatis ceri uncia dimidia, gummi ammoniaci drachmis duabus, croci drachma, camphora drachma dimidia. Non omisis internis blandis diaphoreticis, & discutientibus.

Cautela & Observationes clinice.

§. I.

*Prefe-
ratio.*

Quum puerperæ plurimæ in puerperio ex febre inflammatoria uterina moriantur, præsertim si multum sanguinis crassi & impuri in venis alant; hinc optimum certe ad prescribendas capitales ejusmodi affectiones est consilium, quando gravidæ partim salubri diæta & vita regimine, partim

etiam aptis & congrevis praefidiis, tam solidas, quam fluidas partes, in debita temperie, quantitate, & motus æquilibrio servare student. Nam qualis natura ægrotantium, etiam poterarum, talis etiam est yix medicatrix, pugna adversus morbum, quin ipsa medicatio, in qua omnino plus præstat natura, quam ipsius ministra ars. Igitur ad antervertendum hoc malum quam maxime necessarium est, ut tempore graviditatis sanitati consulatur tam opportunis sanguinis missionibus, quam debitissimas laxationibus, per rhabbarina potissimum, ut etiam gravida modicam & laudabilem diætam sectentur, animi temperantiae studeant, & potus diluentes perspirationem simul sustinentes bibant. Deinceps quum haud raro inflammati in puerperis uteri causam præbeat potus nimius calidorum & spirituorum, vini aromatici, crocati &c. ad partum facilitandum datum, præsertim in sanguineis, & quæ non ultimis mensibus sanguinem misserunt: serio omnino monendæ sunt & obstetrices, & uterum gerentes, ut ab ejusmodi sanguinem exagitantibus remediosis abstineant, ac potius vexatione in pede, item balneis, novissime ante partum duabus vel tribus hebdomadibus, rite usurpati liberiores sanguinis per uterum commeatum, & facilem post partum effluxum procurent.

§. II.

In nullo morbo tam infensa & perniciosa animi commotio, per terrorem potissimum ac iram, quam in uteri inflammatorio. Nonquam etiam nocentior abdominis & inguinum perfrigeratio, quam post abortum & partum. Puerperæ enim, ob continui quæ ipsiis accidit solutionem, fibrarum & vasorum dilacerationem, humorumque extravasationem, haud aliter sunt considerandæ, quam graviter vulneratae. Quam facile autem dictæ causæ lesis & vulneratis partibus, adeoque etiam utero, inflammatio-

*Omit-
tenda
nem*

nem inferre queant, res est nota etiam in vulgus. Quare, ut puerperæ, nec non quæ labem in utero gerunt, sollicito sibi ab his caveant, iterum inculcamus iterumque.

§. III.

Cautela de pellētibus. Ad emovendum lochiorum fluxum subsistentem, nunquam danda pellen-tia fortiora, crocata, myrrata, suc-cinata, aloetica, vel calida aromati-ca, nec non salina stimulantia, tan-to minus, si mox post partum adhuc præsto est motuum impetus. Hæc enim febrem magis accendunt, spa-mum intendunt, sanguinem in lati-bulis uteri hærentem, humido ab-sunto, plus densant & ad effluxum reddunt ineptum, vias quoque & emunctoria magis siccant atque occlu-dunt. Sed quando spasmus laxari, do-lores remittere, viae patescere incipiunt, & sanguis ex utero ferri, tum demum moderate pellentia, & tonica propinare expedit. Inter quæ solu-tio succini, myrræ, rhabarbari, croci, non cum spiritu vini, sed aqueo lixiviolo monstruo parata, nec non aqua melissæ, aut artemisiæ leviter spiritoosa, qualis est, quæ cum cerevi-fia triticea destillatur, omnibus pal-mam præcipiunt fere, si crebris & parcis dosibus offerantur.

§. IV.

Venese-tione. Ex præcipuis etiam lochiorum flu-xum revocantibus auxiliis est venæ-se-tio. Nec deterri se patiatur artifex symptomatum gravitate, neq; etiam ipsa purpura efflorescente, sed confi-denter admittat, si indicationes ad-funt, uti jam pluribus superius *Sect. I. cap. 9. de febre purpurata obs. 6. pag. 118.* monui. Quando autem provida, ut ita loquar, natura, cessantem aut insufficiensem lochiorum evacuatio-nem liberali sudore, aut alvi fluxu compensat, abstinentum ab iis, quæ lochiis proritandis alias serviant.

§. V.

Ulcerationis medica-tio. Quando autem humor ex utero fer-tur viscidus, flavus & sanguinolen-tus, haud obscurum præbet fidicium

læse uterinæ substantiæ & imminen-tis inflammationis atque ulcerationis. Ad hanc igitur arcendam, vel si iam præsens est, persanandam, tuta quam maxime est ac necessaria crebrior pur-gatio ex rhabarbaro, tamarindis & manna, quæ frequenter iteranda est, quo vitiosi ab utero humores diver-tantur. Tanti enim hæc ad curatio-nem est momenti, ut *Foreflus lib. 29. obs. 48.* fidem faciat, quandam Am-stelodamensem nobilem matronam ab ulcere uteri sanitati reddidisse, cui dederat de quarto in quartum diem uncias quinque decocti sennæ, epi-thymi, rofarum rubrarum, myroba-lanorum Indorum, saccharo dulco-rati, & abstergentia decocta in uterum injicere justerat. Si ulcus adhuc curan-dum est, post lenes aliquot dierum purgationes, decoctum ex santalo, lentisco, sarsaparilla, mentha, epi-thymo, radice liquiritiae & ligno Rhodio, per viginti quinque dies cum regimine sudorifero bibitur cum fructu, qua de re pluribus consuli potest *Sylvaticus Cent. IV. obs. 68.*

§. VI.

Ulcus uteri cancri ulcerati naturam auxilia- simulatur, tumque sanies putrida & lacinia corruptæ uterinæ substantiæ cum magno fœtore, summo dolore, gravibusq; symptomatibus prodeunt, & malum fere est incurabile. Quic-quid autem agendum, nonnisi de-mulcentibus & lenientibus perficien-dum. Si spes sanationis adhuc super-est, ego quidem habeo quod laudem potum lactis, potissimum asinini, nec non usum temperatarum mineralium aquarum, Wildungenium maxime, vel Selteranarum, interposito mane & vesperi balneo aquæ dulcis cum fur-furibus triticeis, in quo per horam & longius desidendum. Vicissim absti-nendum ab omnibus acribus internis & stimulantibus calidis. Cauta etiam in uteri abscessu ac ulcere adstringen-tibus & repellentibus utendum, quia iisdem facile scirrus inducitur. Opti-mæ injectiones ex lacte caprillo, cro-

eo & aqua florura sambuci. Hippocrates brassicæ usum commendat, sed præstat betæ rubræ succus, crebrius calide injectus.

§. VII.

Dolores complanandi. Immanis saepe dolor exulcerato uterini cancro jungitur, qui vires penitus pessundat, omnemque somnum adimit. Ad hunc leniendum optimum solatum in anodynis, cujus generis sunt extractum croci & papaveris, massa pilularum de styrace, de cynoglossa, *Wildegansii*, *Matthiae*, *Starckii*. Notabilis enim hanc in rem *Ri. verii Prax. c. 10. pag. 332.* locus: *hoc tamen omnia inquietis, aliquando non sufficiunt ad immanissimum dolorem placandum, qui interdum nullum quieti & somno relinquit locum.* Unde cogimur non raro ad narcotica recurrere, que in hoc affectu propter intensum humorum fervorem minus nocent. Et vidimus nos mulierem, cancro in mamma laborantem, que singulis noctibus, per quatuor menses, audani grana duo, vel tria innoxie, cum magno solatio sumebat.

ENARRATIONES
MORBORUM.

OBSERVATIO I.

Uteri labores ex hemorrhagia sanguinis. Laborarat per aliquot menses largo sanguinis ex utero profluvio foemina sexaginta sex annorum, cholérica, mala cibaria & in iram prona, multos in consilium adsciverat medicos, & variis etiam usa fuerat medicamentis, sed incassum. Tandem accedens junior quidam medicinæ praticus, sua fuit exteriora, partim calida & acria, partim adstringentia & aluminosa. His fluxus quidem cohibitus, sed dolores oborti atrocissimi, ac brevi post loco sanguinis materia faniosa fetidissima effluit, accessit lenta febris, corporis tabes, summaque imbecillitas. Notabile in primis fuit, quod ægra, quando aliquid de pilulis Anglicanis *Matthiae*, quas etiam *Starckianas* vocant, deglutiuit, doloris intolerandi senserit ali-

quod lenimen, hoc autem omisso, illico recruduerint tormenta acerba. Semper etiam aliquid materia fetidæ ex utero fecerit, hac autem retenta, accesserunt protinus borborygmi in abdomen, spasmi statuenti, hysterica pathemata, cardialgia & circa precordia anxietates. Sic ægra per biennium miseram traduxit vitam, ac demum macie & febre confecta fatis cessit.

Epicrisis.

Imprudentis medicationis hæmorrhagiae uteri hoc est exemplum. Nunquam enim sanguinis profluvium, ubicunque fiat, sive internis, sive externis sistendum, sed potius roborantia cum discutientibus mixta exterius, si interna non sufficerint, parti affectæ laboranti sunt admovenda. Si secus sit, & stiptica constringentia in usum vocantur, aliter fieri nequit, quam ut sanguis in coagulum abeat, in vasis subfissat, ipsamque uteri substantiam labet inficiat. Anodynus autem dolores quidem tantisper sopiti, sed non in totum sublati, quia putridæ corruptio[n]i auferendæ non fuerunt idonea. Et quod ab impeditione materia saniosæ effluxu pathemata hysterica oborta, argumento est, non tantum a sanguinis & humorum copia atque stagnatione, verum etiam a materia aceris caustica, fibras uterinæ irritante, pathemata ejusmodi spasmodico-hysterica suscitar possit.

OBSERVATIO II.

Fœmina quadragenaria, sanguinea, *Instans* plethorica, quarto mense gravida, *matio* suauem mariti, ut vegetior esset, & in *suspensu* fantem quoque robustum ac fannum *resta uteri* ederet, summis pulverem *Monckii*, *abortionis* Ramoneur dictum, qui nihil aliud est, quam antimonii regulus cum nitro in calcè uestus. Successit autem effectus oppido infelix, ut plus quam vigesies vomeret, miramque experiretur debilitatem. Ex eo pessime semper habuit & post

& post quatuordecim dies accidit abortus, quem præcessit dolor in inguine atrocissimus, & sub ipso cum lochiis secessit materia graveolens. Posto abortu, perpetuos & fixos in abdomine ac inguine dolores experta est, pulsus semper fuit celer, interdum animi quandam defectionem incurrit, interdum etiam tussi & articulorum dolore divexata. His symptomatibus per aliquot menses graviter detenta, nacta est tumorem in abdomine, cum dolore lancinatorio jugi & alvi fluxu tormentoso. Sequuta est summa corporis imbecillitas, viriumque prostratio, extre- morum refrigeratio, spirandi difficultas & frequentius syncope, donec tandem inter haec vitam poneret. Dissecto post mortem cadavere, ingens puris ex albo viridescentis copia ad aliquot libras ex abdominis cavo profluxit. Intestina utero propinqua erant erosa, eorumque tunicae comparuerunt quasi abrasæ. Uterus fuit spongiosus & ita ampliatus, ut in longitudine ad decem, & in latitudine ad octo transversos digitos accederet. In ipso lacunæ fuerunt multæ, pure replete, ex quibus ingens illa puris quantitas in abdomen fluxerat. In vasis sanguiferis majoribus, nullus repertus sanguis, sed omnis fere in puris abierat materiam.

Epicrisis.

Quam perniciosa gravidis sunt emetica & quidem validiora, ex hoc casu patescit luculenter. Quæ enim uterum gerunt, sunt fere semper plethoricæ, eaque propter fortiori illo nisu & pressione diaphragmatis, & muscularum abdominis sub vomitu, sanguis cum magno imperio in uteri vaia urgetur, ibique impactus, inducit inflammationem in ulcus transeuntem. Huc igitur abortus & reliqua gravia pathemata duxerunt ortum. Non tamen dubitandum, quin partu abacto, gravissimum illud malum, uteri apostema, potuisse presecdi, si mature discutientia, resolventia & roborantia in auxilium

fuissent vocata. Pus autem ex utero effusum in abdominis cavum, tunicas intestinales arrosit ac erosit, unde obortus alvi fluxus, cum intensis abdominis tortminibus.

OBSERVATIO III.

Elapso anno vocabar ad mulierem ^{Cancer, uteri, testiculis...} tertium supra quadragesimum ætatis annum agentem, sanguineo-cholerica- cam, quæ misere decumbebat, conque- sta potissimum de dolore in regione pubis pressorio & elisorio quasi atrocissimo, partus dolores longe superante, stipato cum tenesmo, dorsi tensione, rectibus, vomitibus & alvi strictura, somni appetitusque defectu. Inquirenti in morbi causam & originem, dixit: se ante octodecim annos ultimo labo- rioso admodum partu esse perfunctam, tam male simul ab obstetricie tractata, ut vestigia digitorum impressa adhuc in pube gerat. Tum menses, ante semper largos & ordinatos, post puerperium primum cum dolore aliquo stillasse, servasse tamen periodum, poitea & sufficienter etiam fluxisse. Ante sex autem annos se mensium tempore cecidisse in itinere in torren- tem: inde mox constitisse fluxum, & se- quuta multa & varia pathemata spa- stico-hysterica, quin post aliquot menses corpus intumuisse totum, cum colore plumbeo. Discussum tamen con- gruis remedii esse post aliquod tem- pus tumorem, & mensium fluxum et- iam repetiisse, excreto multo coagu- lato crasso & quasi concreto sanguine, ac postea viscida alba & flava materia. Ex eo, quotiescumque mensium acce- ferit periodus, se per triduum acerbis in abdomine afflictam esse doloribus, tamdiu insistentibus, donec sanguis prodierit grumulos primum & crassus, dein tenuior, tum aqua sanguinolenta, ac demum materia viscida flava. Sic transiisse quatuor fere annos, & adhi- bitis interea variis medicamentis, maxime pilulis Stahlianis, cum pulve- re salino temperante, spem valetudi- nis.

nis melioris fuisse irritam, malum potius increvisse magis. Jam a binis membris & dolorem & fluxum sanguinis emansisse, nunc vero eo esse gravorem, & spasmos quasi convulsivos. Hęc audiens & atrocia pathemata videns, male statim ominari cepit, ac scirrum aut aliud immedicabile uteri vitium subesse sum suspicatus. Interim alvum valide strictam elystere ojeoso emolliente cum aſa foetida subducere, interius pulverem temperantem cum nitro, cinnabari & castoreo, nec non liquorem meum anodynū mineralēm dedi, & exterius parti dolenti admoveare jussi vesicam decocto emolliente plenam. His dolorum atrociam primum frangi est visa, & elapsi nonnulli sanguinis grumi, subsequente liquore sanguinolento. Sed post aliquot dies vehementia recruduerunt eadem, ut ægra lamentabili voce uterum extorsum trahi violenter, & jam vaginae imminere clamaret. Advocata obsterix, quæ orificium uteri apertum esse, ei-que durum quoddam corpus incumbe-re dixit. Data priora remedia, sed fru-stra. Parati inlessus, momentaneum levamen afferentes, imposita exterius, ex muliercularum etiam consilio, varia carminativa, spirituosa & acria, incasum tamen, & accessit capitis dolor. Optimum fuit solatium ex pilulis, que pilulas a leophanginas ac de styrace cum croco & cinnabari habebant. Sub his doloribus iterum aliquot sanguinis grumi & postea sanguis floridus par-cus exiit, stillante postea liquore cruento. Sic decubuit aliquamdiu, doloribus, modo gravius, si fluxus restitabat, modo mitius, si excretis sanguinis grumis quibusdam serum manabat sanguinolentum, afflita, simul quoque tumorem sensit durum in latere sinistro supra inguina. Adhibita interea pro circumstantiarum ratione varia, tandem impositum emplastrum efficacius discutiens atque resolvens, quo admoto, formicationis quendam in regio-ne tumoris percepit sensum, dolores mitiores afflixerunt, & post triduum

primum iterum sanguis grumosus, tum tenuis & serum non cruentum, sed magis flavescentes ichorofum, ac post aliquot dies materia crassa seba-cea flavescentes profluxit. Secessit hęc materia aliquamdiu, ac ægra tolerabilis decubuit, usq; interius, infuso ex herbis vulnerariis cum lacte, balsamo quoque ad imitationem balsami Locatelli parati, axungia canis cum herbis traumaticis confecta & exterius injectionibus modo lenientibus, modo abstergentibus & balsamicis. Nihilo minus tamen latius serpuit labes interna, pus & sanies foetida, quin non nunquam lacinie quasi corruptæ carnis prodierunt, vires morbi diuturnitate sensim collapsæ, corpus contabuit, appetitus periit, calor hecticus increvit, urina per ostium suppressa cathete-re fuit evocanda, somnus intercidit, accessit demum mentis alienatio, quam triduo post exceptit mors, elapsis inter hęc tribus mensibus.

Epicrisis

Plurimi certe sunt morbi, etiam ipsius Hippocratis effato, qui ex utero prodeunt. Hic enim propter plane singularē vasorum fibrarumque struc-turam, dispositionem & situm, ita a sapientissimo opifice est fabrefactus, ut non solum ad generationis negotiū aptus sit, sed etiam, ut superflui & effecti in corpore muliebri humo-rem serosi, nec nō ipse sincerus nimium exundans sanguis salutari plane modo & motu, per ipsum foras ejiciantur. Huic scopo maxime quadrat tanta vasorum sanguiferorum copia & fer-pentinus ac inflexus eorum progressus ac cursus, quo scilicet propter paulo tardiorē & difficiliorem sanguinis & humorū per uterū transitum, eo melius inutilis, & superflui hu-moris fiat se- & excretio. Interim propter eundem hunc difficultem ac segnem humorū commeatum, non fecus ac in hepate, multæ stases & stagnationes, & inde obstructiones, indu-

rationes, extravasationes, scirrhositates, & cunctissimæ morborum matricæ, significantur. Quin imo quia in hoc viscere remora & obitaculum sæpe ponitur universo sanguinis libero & aquabili circulo, fit, ut in aliis partibus, propter maiorem sanguinis motum & impetum, functiones sæpè totius corporis labescant, & vitium contrahant, ut in pathematis sic dictis hysterici claram est ac manifestum. Multum itaque ad sanitatem mulierum referit, ut hæc pars salva, sarta & testa omnibus modis & artificiis conservetur. Parva enim ibi consistens labes magnas perturbationes efficere potest. Clarissime id videmus, quando sub partu laborioso atque difficili, præsertim ab imprudenti obstetricum tractatione, labes in parte quadam uteri contracta fuit, quæ saepius facit, ut ab eo tempore nunquam recte convalescant puerperæ. Atque etiam ea est natura vitiorum, quæ utero longius insident, ut demum post multos annos pernicialem suum effectum prodant, ut quidem etiam ex nostra morbi historia liquet. Morbus autem quo laboravit nostra recte pro cancro uteri, qui ex scirro demum ulcerato productus fuit, haberi debet. Sed ut ego nunquam exulceratum cancrum, eujusunque partis fuerit, medicamentorum ope curatum vidi: ita eo magis uteri cancer incurabilis est, quia minus commode extenorū topicorū applicationem admittit. Neque etiam aliis symptomatibus incedit uteri cancer, neque alio modo interficit, quam febre succedente lenta, eodem modo ac is, qui in mammis consilii. Præter dolores quippe immenses & putridas foecidas varii coloris & consistentia emanantes lordes, cum sanguine sæpe mixtas, totius corporis languor, prostratio virium, hecticus & consumens calor, somni defectus & animi deliquia accendentia, vitales tandem motus extinguunt. Providendum igitur cum cura, aeo annitendum, quo a pro consilio

ejusmodi atrox & funestum malum arceatur. Jam ego certe non aptius ad roboranda uteri vasa & sanguinis cursum liberum & salvum tuendum, adeoque ad omnis generis morbos inde propullulantes præscindendos, maximeque etiam ad hujusmodi scirrhositates valde suspectas amovendas, præstantius & certius novi auxilium, quam post abortum, vel post partum, utum laxantium balsamicorum, uti nostræ sunt & aliorum balsamicæ pilulae, item balnea ex herbis roborantibus & nervinis, vel etiam potum aquarum mineralium cum accuratoriæ dietæ & vita regimine. Quare ut medicus hæc remediorum genera multum, imo plurimum ad averruncandas morbos, quæ ex puerperio oriuntur, affectiones, commendata sibi habeat, serio inculco.

OBSERVATIO V.

Generosæ foeniæ triginta annorum, sanguine & succis plenæ, quum uterina feliciter peperisset, & secundinæ etiam Sudore soluta. febris sanguis lochialis, ac tenuis tantum materia profluxit ex utero. Hinc ad emovenda lochia, & a medicis, & a mulierculis, multa calida & pellentia exhibita fuerant medicamenta. Sed frustra, spasmi enim ac dolores imi ventris, quin tertio die febris acuta & continua acceperunt & egram in magnum discriumen adduxerunt. Petito a me consilio, fuasi, ut primo omnium vena pertunderetur in pede, ac cylster postea molliens injiceretur. Factum utrumque, & dolores mitigati, febris tamen cum pulsu duro & celeri persistit. Quum vero septimo die sudor erumperet & quatriiduum ex universo corpore manaret tam largus, ut lectus & linteamina aliquoties mutanda, vires quidem multum dejectæ, sed febris cum omnibus aliis symptomatibus sublata. Hinc sub sudore juscule tantum pullorum cum succo citri data, post eum vires analepticis, tam

tam pharmaceuticis, quam diaeteticis reflecte, & sic sanitas redit perfecta, ad quam confirmandam, elapsis quatuordecim diebus, uterum infuso laxante rhabarbarino, cum aliis congruis nupto, expurgare consului.

Epicrisis.

Notatu dignus ob id hic est casus, quod fere plane defecerit lochiorum fluxus, puerpera tamen servata. Ego vero notavi, difficiliorem semper esse lochiorum effluxum in foeminae, quae vasa gerunt exilia, & habitum corporis spongiosum. Sunt tamen haec proniores in sudorem. Heic provido naturę instituto factum est, ut febris cesserit in medicinam, cuius beneficio stagnantes in vasculosa uteri compage humores sanguinei, ut in aliis inflammatorii febribus, resoluti atque discussi, simul etiam corpus per liberalem sudorem a superfluis humoribus repurgatum saluberrime. Nam recte scribit Celsus li. 5. cap. 8. medicamentum sacri ignis fortissimum est febris, quae humorem noxiū absunit. Ita saepius natura compensare solet defectum excretionis cuiusdam in certa parte, per eouerbiorem in alio emunctorio succedentem. Igitur cautelae loco servetur, nunquam invita natura, vi quadam urgentias esse & movendas excretiones.

OBSE R V A T I O V.

Febris uterina sine venae sectione sanata. Honesta femina, tenera & macilenta corpore, animo alacris, vigesimo secundo aetatis anno, feliciter enitebatur filiolum, altero statim die, post admissam ultimam venae sectionem. Post partum parcus secesserunt lochia, graves in abdomen, dorso & inguinibus oborti dolores, quinto die accessit vehemens febris, cum inquietudine, præcordiorum anxietate, insomnia, magna impatientia & interveniente subinde delirio. Datum de venae sectione consilium, sed quia haud ita pridem administrata, admittere noluit. Hinc ob alvum adstrictam injectus clyster emolliens, ex decocto a-

Tom. IV.

venaceo, cum floribus chamomille vulgaris, herba & floribus hormini, oleo chamomillæ cocto, addito nitro. Data postea quotidie, bis, vel ter, cum tenui juscule dosis pulveris hujus: recipe solutionis oculorum cancri, salis polychresti, nitri puri, lapidum cancerorum ana drachmam. M. dividatur in XII. partes æquales. Circa noctem de gluttae viginti pilularum harum & recipe pilularum marocostinarum drachmam, extra Eli rhabarbari scrupulum, extracti croci, castorei ana grana sex. M. f. pilulae ex scrupulo uno no. 20. His per quinque dies usurpatis, alvus soluta, & aliquot sedes quotidie motæ, nono quoque die fluxus humoris putridi & sanguinolenti ex utero adactus, & successive ægra sanitati redita.

Epicrisis.

Quando natura ex variis, saepè occultis causis, corruptum sanguinem & humorem ex utero vel plane non, vel insufficienter, post partum emovet, ac inde imminet periculum; medicus, si non per ordinarias vias potest, per alia congrua emunctoria, noxiū expurgare debet humorem. Sed quia febris adest, minus tuta sunt evacuantia, præsertim per alvum. Hinc lenienda tantum haec, quod optime fit per clysteres atque nitrosa. Stagnantes dein humores resolvendi, quem in finem utilissimus fuit pulvis ille ex neutrī salibus, innocentis & tamen præstantissimæ virtutis. Deum tentanda lenior alvi stimulatio, per innoxia etiam & clementia balsamica laxantia. Quod si ex voto succedit & vires decumbentis respondent, aliquamdiu est continuandum. Tuttis enim semper est puerperas purgare per alvum, quam sudorem. Quam in rem peculiarem laudem sibi vindicant pilulae Becherianæ, vel ad eorum exemplar paratæ correctæ, quæ certe in mulierum morbis, præterim qui in puerperio accident, leni evanquante & simul roborante virtute, omnia reliqua antecellunt, si perite &

S cum

cum aliis congruis in usum vocantur.

OBSERVATIO VI.

Febris acutioris sensus, macilenta ac tenera, viginti octo annos nata, patet in thematibus hypochondriaco-hysterobitis rebus abortum partoris sa, pepererat novissime filiolum labores admodum ad tres dies extracto partu, post quem nec secundina eliminata, nec lochia evacuata. Sequuntur hinc dolores abdominis totius, præsertim sinistri lateris, cum febre, vomitu, dyspnœa, inquietudine & cardialgia. Ego in consilium vocatus, tertio post partum die secare jussi venam pedis, ad uncias minimum quinque, & injicere ex sola aqua pluviali tepida, cum una drachma pilularum Becherianarum, mellis cochleari, adjectis duabus olei chamomillæ cocti uncii, & dimidia fali Ebshamenſis. Sic alvus bis subducta, & cardialgici dolores cum vomitu depulsi. Ad æstum autem extingendum pulveres nitrosi dati, & ad mulcendos dolores, sperma ceti cum extracto eruci in juscuso avenaceo. Septimo die quum æstu defervesceret, lochiam fluxum per usum pilularum nostrarum balsamicarum, item sale aperitivo ex lapidibus cancerorum, terra foliata tartari & sale polychresto, nec non infuso theiformi ex melissa, pulegio, floribus cheiri, calendula & chamomillæ promovere studui. Quibus male olens sanguinolentus humor eputrefacta secundina, quin integra humus fructuла excreta, & ægra præter omnium spem, intra tres hebdomades, sensim sanitati reddita. Quinta de-num puerperii hebdomade infusum laxativum roborans uterinum, ex radice vincetoxicæ, pimpinellæ, rhabarbaro, agarico trochiscato, semine levisticæ, herba melissa, floribus salviae, foliis senne sine stipitibus, passulis & tartaro crudo, ad aliquot dies bibendum obtulimus.

Epicrisis.

Fœmina, quæ spasmis hypochondriaco-hystericis & flatulentis passionibus obnoxia, sensibilioris ut plurimum naturæ, difficulter pariunt, & gravius quoque in puerperio egrotant. Spasmi enim, ad quos naturæ jam dispositæ, non modo debitum sanguinis lochialis effluxum, sed & secundinarum exclusionem saepe intercipiunt. Quin, dum per spasmos sanguis motu inverso ad superiora, caput, pectus & stomachum urgetur: accidunt illa symptomata gravia, dolor sinistri lateris in stomacho & coli flexura, cardialgia & vomitus. Tum itaque præstabilius non suppetit auxilium, quam vena selectio in inferioribus instituta, & alvi subductio, quibus sanguinis motus ad inferiora revocatur, simulque materia, quæ oneri naturæ est, ac fovet & sustentat saeva illa symptomata, expurgatur. Quum vero pilula balsamicæ ad secundinarum & lochiorum emotiōnem virtutis sint celebratissimæ, propter dolores tamen & vomiturbationem ore assumi nequierint, optimum, ut saepius expertus sum, fuit consilium, easdem dissolvere, & cum clystere per os inferius injicere. Sedato postea motuum impetu ac æstu, ipsa natura sponte materiæ putridæ ex secundina corrupta egressum est molita. Quem ductum sequi & molimen secundare fuit ex usu. Non tamen prætereundum, post septimum diem, nostram affectam fuisse horripilatione quadam & frigore, intercurrente æstu, ac in situ erectioni lipothymia, quod procul dubio ab incipiente corruptione secundinæ accidit. Necessarium autem, sicuti in omni post puerperium morbo, sic etiam in hoc fuit, uterum cum primis viis, ultimis hebdomadibus, quando vires redeunt, convenientibus laxantibus & roborantibus expurgare, non neglegatis, pro circumstantiarum ratione, balneis ex herbis nervinis ac ute-rinis.

OB.

OBSERVATIO VII.

*Febbris
uterina
repetita
vene se-
tione &
sudorim-
fero cu-
rata-*

Puerpera habitior, plethorica, expofuerat quinto post partum die corpus auræ frigidiori, simulque gravi terrore propter exortum incendium fuerat perculta. Mox inde male habuit, lochiorum fluxus subsitit, dyspnœa accessit, dolor acutus sinistri lateris thoracis, cum tussi sicca, pulsu duro, celeri, & præcordiorum anxietate. Data mixtura diaphoretica, & discutiens & posteria die secta in talo vena est. His respiratione quidem facta liberior, sed fluxus lochialis non revocatus. Hinc exhibitum crebro infusum theiforme ex herba veronicae, cardui benedicti, floribus salviæ & radice liquiritiæ, repetita quoque mixtura modo laudata. Nil tamen profectum, pulsus mansit celer, dolor persistit, mox fuit inquieta, leviter etiam deliravit, & nares aliquot guttas stillarunt. Quare quum sanguine redundaret foemina, iterum in cubito vena pertusa, & postea datus liquor anodynus, cum quarta tintura bezoardicæ parte & grano camphore. Quo sudor per universum corpus vixinti quatuor horas effuse manavit, post quem alvus clystere molliente subducta est. Demum rursus prodierunt uteri purgamenta, & ægra ex ancipiis est laxata.

Epicrisis.

Puerperis nil certe perniciösius, quam frigus & terror. His enim spastica infertur strictura, sanguinis motus ad caput & pectus convertitur, lochiorum fluxus sistitur, pedes frigent, alvus stringitur, caput rubet & tumet, somnus fit turbulentus, delirium leve ingruit, ac nisi cito succurratur, aut phrenitis, aut lipothymia graves, mortis prodromi, accidentur. Hoc si evenit, prestantius non est remedium vene fæctione, etiam reiterata, & clysteribus lenientibus iterato, si necessitas urget, injectis. Post sanguinem autem mis-

sum conductit efficax sudoriferum cum regimine congruo datum. In hoc casu, ubi spasmi & dolores symptomatum causa, liquor meus anodynus, qui tutissimæ virtutis sedative, cum sudorifero, uti spiritu cornu cervi succinato, aut spiritu bezoardico *Bussia* datus, ad sudorem movendum, & motum humorum exterius vertendum, optimum fuit præsidium. Sola enim anodyna non sufficerent, neque etiam sola sudorifera, sed ambo mixta & quasi ad temperamentum reducti. Ratio vero, quare frigus tam pernicialia in puerperis inducat pathemata, est acutus sensus orificii ipsius uteri, quod ex multis fibris nerveis & musculosis contextum, & quo a spastico gravius affecto, universalia œconomia motuum salutarium, tam secretiorum, quam excretiorum potest inverti. Nam vere scribit *Hippocrates lib. 2. epid.* post partum os uteri saepe contorqueri, & dolorem fieri juxta coxam & crus, sed secta tali vena liberari. Quem in locum *Mercurialis prel. Bonon.* commentatur hunc in sensum: contorsionem uteri esse affectum, in quos os uteri discedat a propria regione. Tandem in nostra etiam commemorabile, quod secunda venæ fæctio in cubito plus efficerit, quam prima in talo. Est tamen hoc non perpetuum. Quod si enim lochia subsistunt, præstat semper in inferioribus sanguinem post pediluvium subtrahere. Sed quando sanguis jam cum impletu ad caput delatus, ad arcendam phrenitatem, satius est, in loco propinquiori impetum derivare. Mihi certe aliquot innotuerunt exempla, ubi lochis subsistentibus, purpurata febris oborta, cum gravissimis symptomatis, lipothymia, præcordiorum anxietatibus, mortem ipsam minitantiibus, quæ tamen missa in brachio & derivato a corde & appensis ipsi majoribus tubis sanguine, mox per Dæm gravitatem discussa.

OBSERVATIO VIII.

*Vixi
filliti-
dium
perpe-
tuum
cum
gravi-
bus sym-
ptoma-
tibus.*

Illusterrima persona triginta ali-
quot annorum, habitu corporis laxo &
pleno, sanguinea, antehac optima vale-
tudine vixi, sed ab aliquo anno, ob pre-
maturum conjugis discessum, impenlo
mœrore a liisque crebris animi com-
motionibus affecta, multis quoque ar-
duis negotiis distenta, minusque salu-
brem viatum colens, ante quadriennium
incidit in pectoris oppressionem,
& spastica ventriculi inflationem,
qua tamen interno & externo Caroli-
naruim mitiorum usu abacta, ut postea
belle valeret, & mensium quoque suc-
cessus legitimus esset atque sufficiens.
Anno autem abhinc, post superatam
febrem continuam & perpestos diuturnos
catarrhos, primum turbari coepit
mensium fluxus, modo maturius, mo-
do serius, semper cum exquisi-
tis ventris terminibus ac dorsi tensio-
ne prodire. Recruduerunt quoque pa-
themata spastica hypochondriaco-hy-
sterica, & accessit stillicidium muci ru-
bicundi ex utero perpetuum, cum vi-
rium languore, appetitu prostrato,
somno turbato, & plumbeo corporis aspe-
ctu. Quin, quem nuncio adverso
admodum percelleretur instantem men-
sium periodo, præter superiora pathemata,
dolor acutus in hypogastrio ob-
ortus, ac si omnia ex imo ventre vi-
quadam deorsum urgerentur, se-
cidente simul cum difficultate urina tur-
bida feculenta, intermixta mox cruo-
ris lenti grumis, mox fibris & fila-
mentis cruentis. Potissimum dolor ac-
cerbissimus compunctorius confedit
fixus in hypogastrio, supra os pubis, in
circumscripta regione, magnitudine
dimidii uncialis, ex qua antrorum ad
vesicam, retrosum ad sacrum os, in-
ferius versus femora excurrit, supe-
rior autem venter flatibus fuit cum
molesta obfessus. Interim ad hypochon-
driaco-hysterica pathemata &
stomachi vitium tollenda ad Caroli-
nas iterum tendit, iisdemque sub debi-

to regimine interius usa est atque ex-
terior. Quibus ventriculi & intestino-
rum dispositio morbos a emendata, u-
teri autem vitium nec in deterius in-
tere, nec melius mutatum. Idem potius
persistit, & interjecto aliquo tem-
pore, eo processit morbus, ut post spas-
tum in infernis, semper mox sanguis
sincerus, nunc spissior, nunc crassior,
mox concrementum quoddam coagu-
latum & quasi membranaceum fecer-
deret, difficultates tenesmodes sub-
missione & cacturitione essent per-
petuae, per alvum mucositates globosæ
ac teretes, modo cum, modo sine ex-
crementis, evacuarentur, urina excre-
ta turbida cum sedimento limoso, sub-
roseo & cuticula cærulescente pituitosa,
pulsus maximam partem esset exili-
lis, debilis ac frequens, corporis & fa-
ciei habitus pallidus admodum, exte-
nuatus, appetitus inconstans, tussicula
sicca, agrypnia propter dolores in hy-
pogastrio exquisitos parum cessantes
ferme habitualis, post pastum phlo-
goles affligerent, refrigerationes at-
tuum læpe recurrerent, vires collab-
erentur, & quandoque deficerent plane.

Epicrisis.

Ad oppugnandum gravem hunc
morbum in consilium vocati Medici
multi, & plures forsan quam expe-
diebat, in diversum plane abeunt. A-
liqui enim calculum & nephritidem
esse volebant, alii malum hypochon-
driacum, alii scorbutum, alii affectionem
hypochondriaco-spasticum hysteri-
cum, alii orgasmum furiosum. Ego
vero, cum ordinario & celeberrimis
binis Medicis censui, vesicam, uterum,
& rectum intestinum artius invicem
connexa & in cavitate pelvis compre-
hensa, a sanguine, & succis stagnanti-
bus esse infarcta, eorumque vasa &
glandulas relaxata partim esse ni-
miumque distenta, partim læsa, pla-
ne erosa atque exulcerata, & hinc pro-
dire illum fluxum uteri perpetuum,
& pressorium illum etiam sub al-

vi & urinæ excretione dolorem atro-
cem. Dedi etiam consilium, ut adhibe-
rentur ea, quæ partes affectas a spasmis & inflammatione defendant; que
nimium humorum affluxum ab iisdem avertant, easdemque tam interius, quam exterius mulcent, roborent,
atque consolident, pulveres scilicet temperantes nitrosos, pilulas balsamicas, infusa theiformia, ex melissa & millefolio, potum ordinarium Selterianum cum quarta vini parte, epithemata & emplastrum discutientia & roborantia, injectiones quoque in uterum circumspecte factas demulcentes & balsamicas, & postremo omnium saluberrimum lactis asinini potum aliquandiu continuatum, interposito subinde balneo tepido, ex aqua dulci cum lacte & furfuribus triticeis. Sed ut fieri assolet in principibus personis, ut multi medici perdant ipsas, ita heic etiam, & multa, & varia, quin nonnunquam incongrua plane, usurpata sunt remedia, & quod præcipuum est in longis ejusmodi vitiis rejectum, diu continuatus accommodorum medicamentorum leniorum usus. Hinc sensim, uti comperi, in pejus ruit malum, pathemata magis adaucta, corpus plane contabuit, vires exhaustæ, & vix alius eventus sperandus, quam quem in simili fere casu supra observatione 2. accidisse meminimus.

OBSERVATIO IX.

*Febris
uterina
nimis
venæ se-
Bione
lethalis.*

Illustris foemina, triginta & trium annorum, sana & vegeta, post partum conquerebatur altero statim die de insigni ardore, dolore & tumore in interioribus vaginae, a rudi contrectatione obstetricis colli uteri interni, inducto. Exacerbatis postea symptomatis, accidente febrili astu, & lochiis etiam non rite fluentibus, advocabatur Archiater. Is venam secare jussit in brachio. Quo quum nil levaminis accederet, sed præcordiorum anxietates, cordis palpitaciones & inquietudo intenderentur, alvus quoque cum pedum 1

Tom. IV,

frigore stringeretur, decoctum mannum cum cassia dedit, & spatio septem dierum, sexies misit, modo in brachio, modo pede, sanguinem. Sed quum postremo id fieret, ægræ oculi cœperunt obscurari, ut candelam inferre jubaret, quum tam dies esset quam lucidissima, quin brevi post lethali lipothymia correpta obiit. Die post secundum cadaver, nil autem repertum, præter tumorem vaginæ, cui infidebat macula nigra dimidiis uncialis magnitudine, ad internum uteri orificium, ac in toto vasorum systemate vix aliquot restabant sanguinis cochlearia.

Epicrisis.

De veritate hujus historiæ testis ego sum *Ætius*. Quilibet autem illico jucidabit, temerarie & imprudenter tam crebro administratam esse veneficitionem, a medico, qui in Gallia hoc artificium edocetus, & alias ob peculiarem variolas & petechiales febres curandi modum non est ignotus. Dolor enim & spasmus, ac inflammatio facilis negotio, applicato parti dolenti epithemate discutiente & datis interius blandis diaphoreticis, potuissent abigi. Nimia vero sanguinis subtractione, & lipothymia inducta, & sphacelus contractus, licet unica non nocuissest venæ secio. Nam ipsa inflammatio sufficienti & valido sanguinis appulsa discutienda, eodemque plus justo subtractione, necessario sequitur sphacelus. Ignitus sicuti plures medici delinquunt in eo, quod in inflammatoriis puerperarum affectibus sanguinis missio nem repudient omnem; ita heic in excessu peccatum fuit graviter. Sed medium tenuere beati.

C A P U T X I.

De inflammatione Oculorum cum & sine febre.

Theses Pathologicae.

§. I.

Ophthal-
miae de-
scriptio. **F**requentissima est inflammatio membranarum oculum investientium, tunicæ præsertim adnatae, si- ve albugineæ, græco nomine dicta ophthalmia. Jungitur hæc cum dolore acuto, interdum & pressorio, ardore, rubore, tumore, & seri salsi ex oculis effluxu, nec non visu imminuto, vel plane deperdito. Oritur autem, quando vasa arteriolarum lateralia, quæ secundum naturam pellucidum nonnihilque colore infectum liquorem vehunt, a sanguine valide ad caput congesto implentur, distenduntur, & visui sese offerrunt. Hanc enim causam esse, patet ex perimento, quo injecto per siphonem in carotidis ramum liquore spissiusculo rubicundo, adnata oculi tunica, per omnem sui ambitum rufescens & inflammata comparat.

§. II.

Levior
est, gra-
vior, vel
gravissi-
ma. **E**st autem ophthalmia, levior, vel gravior, vel etiam gravissima. Levior albugineæ tantum tunicæ infidet, nec tam late diffunditur, faciliter discutitur, & oritur potissimum a causa externa leviore, insperso pulvere, appulso asperioris, plaga aut allisu leniori, aura liberius admissa frigida, & sudore subito represso, nec non ab administrata cataractæ depositione. Gravior, præter adnatam, etiam confines palpebras inficit, totumque oculum exquisito ardore & dolore afficit, qui ad levem lucis accessum exacerbatur. Enascitur hæc maxime a causis internis, seri nempe impuritate & salutaribus excretionibus cohibitis, ac uti ego observavi, a suppresso solenni matutino sudore, a scabie, necnon tinea capitis intempestive abacta, a cohibitis mensibus, ul-

ceribus & fistulis consolidatis, item & pulsa rosacea gutta, & propterea ægrus, nec nisi internis & externis adhibitis, discedit. Gravissima demum profundior est, ad ima oculi & interiores tunicas penetrat. Comitatur hanc dolor acerbissimus cum febre, quandoque etiam cum delirio, sequitur suppuratione & humorum effluxus, remanente cœcitate perfecta. Rarius tamen a causis internis, sed plerumque a contusione validiori inducitur. Vidi, ego suppurationem excidere lente crystallica, post ictum fortè inter pugillandum oculo inflictum, vidi vero etiam talem casum a tinea capitis inveterata, subito externis siccata.

§. III.

Deinceps alia ophthalmia est vera, *Vera*, alia notha, sive spuria. Veræ causa maxime interna & symptomata gravio. *Veræ*, a sanguinis in tubulis stasi, ægrius abigenda. Spuria a causa magis externa, ut pulvivculo in oculos illapo, a vapore acri ceparum & allii, symptomata hinc sunt mitiora, & facilius cedit ipsa. Alia secca est, alia humida. Illa fit a *Sicca*, sanguine calido, cum dolore acuto, *vel humida*, ac nil ex oculo effluit. Hæc mitiori quidem stipatur dolore & ardore, sed palpebræ tument & multum seri acris effluit, ut oculi noctu conglutinentur. Illa frequens sanguineo-cholerica, juvenibus, ac æstivo tempore, hæc pueris & infantibus, nec non feminis & phlegmaticis.

§. IV.

Datur quoque ophthalmia epidemica & periodica. Epidemica enascitur certis anni temporibus a diurna humida & frigida aeris constitutio, post quam ophthalmicum morbum plures invadere saepius observavi, ac idem testatur *Amatus Lusitanus* Cent. VII. obs. 80. Quæ autem certo quodam tempore, *vel* quotannis, *vel* circa æquinoctium, *vel* singulis mēsibus infestat, so-

len-

Epi-
demic &
perio-
dicæ.

Iennis est, quādō sueta sanguinis missio intermititur, menses non rite fluunt, aut retinentur, quando hypochondriacus affectus subest, & sanguis in vasis hæmorrhoidalibus stagnans flatus & spasmus concitat in abdome, quibus sanguis cum impetu ad caput & oculos urgetur.

S. V.

Cause o- Præterea vero quæ jam de causis o-
phthal- phthalmiæ passim diximus; ad eandem
mie. maxime disponunt crapula, venus &
vigilia immodica, lucubrations cum
intemperantia studiorum, ventus bo-
realis, crebrior aspectus ignis, solis, &
colorum splendidorum. Idem faciunt
fumi acres & metallici, alvus diu &
taultum adstricta, refrigerationes ex-
tremorum immoderatae, in primis
mensium tempore, item præcedentes
oculorum morbi debilitatem quan-
dam relinquentes, ophthalmia ipsa,
nec non quam maxime variolarum &
morbillorum morbus, qui maximam
ad oculorum affectus inducit disposi-
tionem. Quando autem, uti haud raro
fit, hemicrania, interdum etiam odon-
talgiæ, jungitur ophthalmia, serum
acre scorbuticum subest, idque aliquoties
contigisse novi, a podagra retro
pulsa; ejusdemque materia non modo
ad pericranium, sed & oculorum tuni-
cas & periostium maxillæ superioris
delata.

S. VI.

Eventus. Levem illam ophthalmiam facile
dispelli, gravissimam in oculi suppura-
tionem cum cœcitate transire, etiam
jam monitum. Gravior autem est con-
tumacior, durat sæpius per mensem &
longius, ac haud raro maculas in cor-
nea relinquit, splendorem oculorum
obfuscatur, humores turbidos tunica ma-
que cornea crassiorem, glaucam, mi-
nusque pellucidam reddit. Semper et
jam difficilior curatu in pueris, necnon
in senibus, in illis ob succorum lym-
phaticorum abundantiam, & partium
tenuitudinem; in his vero ob humo-
rum impuritatem.

Curatio.

S. I.

In medicatione ophthalmie tria hec ^{Humo-}
perficienda: I. sanguinis, vel etiam seri
acris motus a capite derivandus; II.
stasis inflammatoria discutienda; III.
symptoma graviora arcenda, & oculi
a recidiva defendendus. Inter ea,
quæ humores a capite divertunt, est
maxime sanguinis missio, quam ex ju-
gulari institutam mire laudat *Hilda-
nus Cent. 4. obs. 13.* Alii sublingualium
commendant lectionem, sed ante
hanc, si sanguis redundat, in brachio
aut pede prius pertundenda vena. Sunt
qui cucurbitulas cum scarificatione in
nucha & pone aures suadent, & veteres
appolitis hirudinibus multum detule-
runt. Dein divertunt efficaciter pedi-
luvia, quibus ter intra viginti quatuor
horas usurpati, poro simul liberaliter
infuso theiformi, feliciter discussam
esse ophthalmiam, aliquoties vidi. Se-
rum porro acre salsum valide ab oculi
revocant vesicatoria, nec non si ma-
lum inveteratum, setacea; prosunt quo-
que sinapismi, ex semine erucæ sa-
culis inclusio, in vino cocto ac in nu-
cha, vel subaxillis admoti. Præterea o-
ptime caput ab humorum affluxu li-
berant laxantia, vel etiam pro circum-
stantiarum ratione purgantia. Sponte
enim purgatione sæpe solvi ophthal-
miam notavit *Hippocrates Sect. 6. aph.*
17. Et Galenus Meth. med. lib. 13. cap. 2.
gravis testis est, nonnullos, quibus oculi
inflammati, sola purgatione per al-
vum una die sanatos.

S. II.

Divertens simulque discussiens egre-
gia virtus inest diaphoreticis, que li-
beram perspirationem procurando,
non modo ab oculis & capite ad cor-
poris ambitum humores agunt, sed &
succos ab acrimonia salsa repurgant.
In ipsa autem parte affecta inflamma-
toria stasis & internis & externis di-
scutienda est. Ex illis omnibus præ-
ceptis

rendum infusum theiforme ex radice valerianæ, liquiritiæ, floribus sambuci & semine foeniculi, quod largius portandum, & ante pōtūm vapor ipsius consulto sub testo capite ad oculum admittendus. Inter externa efficax & securum hoc collyrium: recipe aquæ florum sambuci, sclopetariæ ana unciam unam, camphoræ grana tria, sacchari saturni grana decem. M. quod cum linteo triplicato crebrius tepide oculis applicandum. Quando autem nimis mordens adeat acrimonia, mucilaginem corticis medii florum tiliæ, item semen cydoniorum, cum aqua rosarum, addito pauxillo croci, fine, vel cum opio, admovere expedit. De symptomatum medicacione dicetur in cautelis.

Cautelæ & Observations Clinica.

§. I.

*Curatio-
gravita-
ti mali
acom-
modan-
da.* Quia ophthalmia gravitate differt, diversa etiam ineunda medendi methodus. Quam levem diximus, optime fert frigida & repellentia, ac solum albumen ovi, cum aqua rosarum & pauxillo aluminis conquaßatum, sufficit, omnibusque aliis palmarum præripit. Gravior non solis externis cedit, sed interna efficacia exigit remedia, quo serum recrementium ab oculis divertant, falsos & acres humores diluant atque contemperant, eosdemque successive per congrua emunctoria eliminant. Proficua hunc in finem infusa theiformia, serum lactis dulce, aquæ minerales, tam maritatae, quam alcalinae, temperantes & diaphoretici pulveres, non omisis laxantibus, pediluvii, nec non urgente plethora & suppresolis criticis sanguinis evacuacionibus, venæfectione tempestiva. In gravissima cum febre, & ubi periculum est, ne in suppurationem transeant interiora, e re est, ut repetita venæfæctio instituatur, aut liberaliter sanguis substrahatur, & hoc quidem omnium opti-

me per venam sectam jugularem. Interius pugnandum diaphoreticis, demulcentibus & resolventibus, inter quæ salubritate antecellunt pulveres bezoardici, cinnabarini, leniter nitroſi & camphorati, pota simul loco ordinarii potus ptisana. Exterius vero abstinentum a collyriis refrigerantibus & potius aqua sic dicta sclopetaria, cum aqua rosarum & floribus sambuci, adjecto pauxillo croci & camphoræ, perfecta, cum linteo duplicato admoveenda.

§. II.

Non in omni ophthalmia necessaria De *Vco*
sanguinis missio, sed tantum ubi ple- ne fe-
thora eminens, venæfæctio aut scarifi- Elione
catio omissa, vel etiam critica quædam catoris.
hemorrhagia intercepta. Interim si
mali origo a sanguinis redundantia,
præstat prius venam brachii, pedis, aut
jugularem aperire, ac postea, si opus
est, scarificare pone aures, vel in nucha.
Setacea & vesicatoria non facile ap-
plicanda in plethoricis, nisi soluta pri-
us plethora, & alvo, præfertim in caco-
chymicis subducta. Neque, si vesicatoria
necessaria, ea semel tantum apponere sufficit, sed saepius, in locis sensibili-
oribus, uti nucha, olecrano, carpis
manuum. Hinc præfertur setaceum,
cui tamen, quia & dolorosum, & mole-
stum nimis, nos anteponimus vesica-
torium temperaturam minus, grossi ma-
gnitudine, per mensem & longius in
nucha gestatum.

§. III.

De purgantium usu tenendum, cor-
porum & natura diversitatibus eundem
esse accommodandum. Si res manna-
tis, tamarindinatis & tartareis expedi-
ri potest, non confugiendum ad acrio-
ra. Alias in torpidioribus & phlegma-
ticis, pilulæ efficaciores, uti tartareæ
& de succino Cratonis, vel tutius no-
stræ balsamicæ, aliquoties porrigenda.
Diaphoretica egregii usus, sed diutius adhibenda, quando magis se-
rum acre salsum, quam sanguis im-
vicio.

*Purgat-
ibus &
diapho-
reticis.*

vitio est, tanto magis si ophthalmia symptomatica alii morbo supervenit, aut jungitur hemicrania.

§. IV.

Regimen & vietus. Quemadmodum in omnibus oculorum morbis; ita maxime in eorum inflammatione abstinentia est, ab omnibus spirituosis, spiritu vini, vi- no, fumo tabaci, etiam sternutatoriis. Arcendi fumi, cēparum & allii vapor, cum ignis, radiorum solis, lucis & colorum fulgidorum aspectu. Vitandus corporis exāstans motus & nimius crassusque vīctus. Potus sit aqua pura, vel pīsana, aut decoctum ex feminine fēniculi, rasura cornu cervi & hordeo. Colenda sobrietas, vīctu molli & temperato utendum, ac quiete in loco tenebricoso commo- randum.

§. V.

Topicā mōxīa. In administratione topicorum, si- ve collyriorum, magna opus est cau- tione. Plures enim, notante etiam *Septalio*, imperito horum usū, co- cītate affectos novimus. Scilicet ut plu- rimū aut acria nimis sunt, ex aqua calcis vivæ, sale ammoniaco, cum vitriolo albo, vel Cyprio; aut nimis adstringentia, cum alumine, sanguine draconis, bolo Armena, lapide calaminari, tutia & albumine ovi; aut nimis refrigerantia, que aquam sper- matis ranarum, rosarum, plantaginis, adjecto saturni saccharo habent; aut nimis exsiccantia, ut que cum cor- nu cervi iusto, lapide calaminari & tutia concocta; aut etiam nimis laxan- tia, ex mucilagine feminis psylli, cydoniorum, foenu graci, tragacantha & butyro intulso. Omnia autem hac, licet in aliis oculorum affectibus præstanti non careant usu: in inflam- matione tamen, præfertim sanguinea, tantum abest ut prolinet, ut potius noceant. Inde enim non modo pejor & profundior redditus stasis, sed & ipsi humores uclorum pellucidi- fiunt turbidi, sequitur oculi tabes, cor- rugatio, suffusio, epiphora chronica,

rubens, sicca & aspera, quin & pa- pebrarum exulceratio.

§. VI.

Ego potius auctor sum, ut seponan- *Qua pro-*
tur topica omnia ante tertium diem, *ficua.*
& antequam convenientia interna
jam usurpata, exceptis solis facculis
ex paregoricis & de mulcentibus com-
positis. Postea vero omnium optimis,
que supra commendata. Neque ta-
men etiam in chronicā ophthalmia,
ubi continuum lymphæ falsæ, acris
est stillicidium, inglorium est *Hoch-*
stetteri medicamentum ophthalmi-
cum, ex butyri recentis insulsi dra-
chmis duabus, & vitrioli albi scrupulo,
de quo granum pīsi majoris magni-
tudine in oculi canthum subinde in-
dendum.

§. VII.

Reliquiae ex oph-
thalmia quibus
defendit. Quando, quod sāpius fit, ophthal-
mia tandem discedens relinquit spe-
cīem maculae & visum imminutum,
tunc nihil præstantius est axungia vi-
perarum recenti ex Italia allata, &
crebrius ad aliquot guttas oculo infil-
lata. Egregie etiam visum turbatum
& imminutum restituit sal volatile fa-
lis ammoniaci siccum, oleo majoranæ
imbutum & odore crebrius naribus
suscepit. Ejusdem virtutis vapor
ex decocto radicis valeriana, florū
fambuci, feminis fēniculi, ad ocu-
los, recto prius linteo capite, admis-
sus. Sed opus est, ut hæc auxilia ma-
ture ac tempestive adhibeantur. Si
enim inveteravit & radices egit vi-
tium, difficillime sanescit. Novi ta-
men, visum fere deperditum ex oph-
thalmico morbo, linimento merca-
triali genibus & poplitibus illito, inter-
positisque balneis aquæ dulcis, red-
ditum fuisse. Neque minus potenter
viscidos & coagulatos humores dissol-
vit, ac sudorem movet, sulphur no-
strum antimonii fixatum, eaque pro-
pter in oculorum vitiis egregie con-
ducit.

Enarrationes mörborum.

OBSERVATIO I.

Ophthal- Juvenis sanguineus, in palæstra
mia ex gladiatoria æstuans, acceperat forte
ictu sup- inter pugillandum ictum cum gladio
purata. palestrico, quem vocant *ein Rappier*,
in oculum sinistrum, subsequente mox
rubore ac dolore. Ille tamen pensi
hæc habens, vesperi largiter ingur
gitavit vinum, rixas quoque acres
cum fidalibus movit. Inde die post
magnus tumor oculum ejusque vici
nas partes occupavit, cum dolore pul
satorio, cephalgia, præcordiorum
anxitate ac pulsu celeri. Chirurgus
advocatus, non adeo magni momenti
esse putans, applicuit collyrium fri
gidum, quo symptomata adeo ex
acerbata, ut somnum abigerent om
nem. Hinc medicus in consilium vo
catus, qui sanguinem mittere, & pe
dibus bursam pastoris admovere jussit.
Sed incassum. Inflammatio potius a
bit in suppurationem, & quinto ab
inflicto ictu die, ingens puris quanti
tas ex oculo fluxit, quam ipsi humo
res sequuti, & sic oculus cum omni vi
su perit. Quin postea summa cura en
tendum fuit, ne hæc inflammatio &
exulceratio in sphacelum degeneraret,
quod etiam a medico applicatione spi
ritus vini camphorati cum essentia
eroci, & data interius tinctura bezo
ardica, præstum est.

Epicrisis.

Nunquam periculo vacat oculi in
flammatio profundior, qualis exfur
gere solet a graviori contusione, vel
vulneratione, quia ejusmodi inflam
matio non facile discutitur, sed in sup
purationem, non sine sphaceli ipsius
que vitæ discrimine, abit. Nostro
quidem judicio averti potuissent gra
via hæc symptomata, si æger non lar
giori vini potu sanguinem commovis
set, majoremque ad partem jam affe
ctam proritas set affluxum; si dein sta
vum post contusionem sanguis e bra

chio missus fuisset, & cataplasma, sive
facculus ex discutientibus, ut radice
sigilli Salomonis, ireos Florentinæ,
rosarum rubrarum, anthos, laven
dulae, fimbrii, chamomillæ, cam
phora & croco in vino coctis, fuisset
admotus, nec chirurgus instillatione
frigidi collyri inflamationem red
didisset deteriorem.

OBSERVATIO II.

Fœmina 42. annorum, sanguinea, *Ophthal-*
mia pe
ridicæ. obesa, scorbutica, & glandulas in col
lo tumefactas gerens, post retentum
mensum fluxum, corripiebatur oculi
sinistri dolore ac rubore, cum ejus
dem lateris cephalgia admodum
vehementi. Liberata primum, an
num postea semper, mense Octobri,
hujus mali experta est recursum, sub
quo appetentia erat prostrata, lucem
ferre non poterat, & seri ex oculis co
piosum stibadium semper experie
batur, quod per aliquot menses persi
stebat. Pluribus usq; remediis, sed in
cassum, & notabile erat, quod quo
ties sal volatile oleosum sumeret, to
ties soporem & torporem ingentem
capitis pateretur. Ut itaque hic affe
ctus, qui per triennium ægram mi
rum afflixerat, radicitus extirpare
tur, acidulas Pyrmontanas æstate sub
debito regimine potabat, quibus et
iam alvus & urina optime secessit, &
ipsa postea a contumaci malo est libe
rata.

Epicrisis.

Periodica hæc est ophthalmia, ex
mensibus suppressis in plethora fœ
mina oborta, mense maxime Octobri,
quo alias solennes sunt sanguinis ex
cretiones, commotiones, & molimina
ad excernendum, præsertim per
hemorrhoides. Quare impensis hoc
tempore sanguis regurgitavit ad ca
put, ac non tantum oculum, sed etiam
membranas capitis ejusdem la
teris male affecit, unde dolores. So
por vero & torpor ille, qui ex usu fa
lis volatilis assumti accidit, inde deri
van-

vandus, quod hoc remedio, conge-
stus in capite sanguis magis rarefactus,
sicque recursus ipsius per venas inter-
ceptus. Dein notabile est, quod mor-
bi, qui statas servant periodos, plerum-
que fundamentum habeant in abdo-
minis visceribus, unde optimo consi-
lio ad eradicandos eos, commendari
solet usus aquarum medicatarum,
thermarum & acidularum, ad remo-
venda viscerum vitia efficacissimus.

OBSERVATIO III.

*Dubita
infiam-
matio
festuca
ferrea.*

Vir quadragenarius sanguineo-cho-
lericus, subito affectus est dolore oculi
ac rubore, quem sibi accidisse putavit,
a festuca minima ferri, sub iectu clavi
cum malleo in oculum saliente, licet
nihil omnino de ea in oculo compare-
ret. Ipse igitur ad tollendam passio-
nem oculo subinde instillavit colly-
rium frigidum, ex aquis ophthalmiciis,
quo quidem calor & ardor delini-
tus, sed bulbus turbidus & obscurus
comparuit, ac omnis visus periit. Me-
hinc vocavit in auxilium, qui, ne
cœcitas ingrueret perfecta, obviam
ivi hisce; sal volatile ammoniacum
siccum, oleo majoranæ imbutum,
crebrius naribus admovere, fronti &
temporibus emplastrum ex gummi
elemi, animæ, mastiches, olei nu-
cistæ ana drachmis duabus, campho-
ra & balsami Peruviani ana drachma,
appicare, & frequentius ac copiose bi-
bere jussi infusum feminis foeniculi
cum aqua. Quibus intra aliquot heb-
domades oculus recepit splendorem
& visus aciem.

Epicrisis.

Si inflammatio subito oculum ado-
ritur, non injusta est causæ externæ
suspicio, licet eadem non semper in
conspectum veniat, quia interdum
adeo subtilis, ut visum fugiat, ut sit, si
a fumo acri membranæ oculi male af-
ficiuntur. Discimus vero etiam, quam
nocens sit instillatio frigidi in oculum
ardentem, nec non quo pacto qui-
busque remediis oculorum humoris

bus turbidis reddenda sit perspicuitas?

OBSERVATIO IV.

Juvenis literarum studia intempe- *Ophthalm-*
rantius tractans, indulserat a longo *mia no-*
tempore nimirum lucubrationibus, *tha re-*
inde sibi insignem contraxerat visus *bellis.*
debilitatem. Post annum invasit oculos
dolor gravatus pressorius, non
sine ardore, adeo ut nec lumen aspi-
cere, nec citra molestiam legere pos-
set, sed statim largum oculorum fil-
licidium experiretur. Medici suscep-
runt purgantia, tabaci sumum, oculi
cum balsamo Peruviano inun-
tiōnem externam, nec non fonticulum
in nucha. Frustra tamen. Quin licet
purgantia postea fortiora, decocta
sanguinem purificantia, venæ sectio-
nem in pede, pediluvia cum accurato
in diæta & viæ regimine adhiberent,
nihil tamen aliud omnibus effectum,
quam ut ventriculus debilitaretur in-
signiter. Alii de scarificatione admi-
nistranda, fonticulo brachio inuren-
do & pinguedine viperarum instillan-
da oculo dederunt consilium, sed eo-
dem frustraneo effectu. Addit etiam
æger Pyrmontanas acidulas, quibus
labes & infirmitas oculi adaucta, &
nubeculæ visui oblatæ, ut cataractæ
plane metus esset. Pariter in vanum
laboravit medicus, qui decoctis san-
guinem purificantibus, vesicatoriis,
sternutoriis, variisque collyriis perti-
nax malum abigere molitus est. Tan-
dem vero solo usu pilularum mer-
cialium cum gummatibus & extractis
ballamicis amaris, item infuso thei-
formi, ex semine foeniculi, cum ana-
tical lactis parte, nec non externo ca-
taplasmate, ex mica panis similagi-
nei, cum cremore lactis, croco & flo-
ribus sambuci, allatum misero leva-
men, dolor pressorius discessit, reman-
xit vero quædam visus imbecillitas.

Epicrisis.

Hic oculorum affectus non quidem
ad veram & exquisitam ophthalmiam
referendum, sed magis ad notham,
qua

quæ ex stagnatione lymphaticorum humorum in oculis & sanguinis circuitu libero impedito, ortum traxit. Hæc autem causa, quia chirurgos & medicos latuit, adhibita præpostere medicamenta nihil profecerunt. Erant enim non tanti, ut vasculorum tenuissimorum obstructionem expedire potuissent. Illa vero postremo usurpata efficacia resolventia, pilula mercuriales, nec non exterius cataplasma, accommoda utique fuerunt atque proficia. Igitur multitudo, & varietas medicamentorum, prodit ut plurimum medici ignorantiam, qui, si causam morbi rite intelligit, nec adeo multis, nec variis opus habet remediis, sed paucis, usu probatis, saepe simplicibus, diutius tamen usurpandis,

OBSERVATIO V.

Ophthal- Viro 30. annorum inopinato pa-
mia gra- xillum succi illius acris, quo capillo-
vis cum rum concinnatores, capillos atro co-
ruptura lone inficere solent, in oculum cecide-
cornæ. rat. Hinc sequutus rubor oculi & dolor acerbissimus, ut patiens nec cibum, nec somnum capere posset, ac ferendo cruciatu fere esset impar. Chirurgus in consilium vocatus, collyrium ex aqua rosarum, plantaginis & tutia, frigide instillandum suasit, hocque nihil plane proficiente, sacharum saturni in aqua rosarum solutum crebrius cum linteo dolenti ocu-
lo admovere jussit. Sed nihil his dolorum atrociam mitigata, oculi potius bulbus quasi decrevit & minor factus, humores turbati, & visus plane perierit, in cornea quoque tumor instar pisi du-
rus apparuit. Admota quidem nucha vesicatoria, usurpata quoque purgantia, sed malum plus in deterius, quam melius versum. Hunc chirur-
gus desperabundus deseruit ægrum, omnesque adstantes de visu unquam recuperando dubitare cœperunt, in-
primis quum præterea palpebra ocu-
li affecti elevari non posset, sed

semper clausa & elevata manu sensus expers esset, quin vesiculosus tumor in internis palpebræ compareret, aspectum oculi fere intercipiens.

Epicrisis.

Ophthalmia hæc fuit gravissima, cum ruptura cornæ, oborta a succo acri in oculum illabente, qui arrosione effluxum sanguinis ac humorum tunicarumque distensionem fecit. Multum vero etiam ad grave malum contulit collyrium frigide admotum, eo quod stasin & stagnationem humorum firmorem reddidit & graviorem. Nos sequentibus ivimus obviam: spiritus vini camphoratus cum balsamo Peruviano, exhalato prius spiritu, cum linteo duplicato crebrius oculo fuit admotus. Albus pilulis ex mercurio dulci, gummi ammoniaco, extracto panchymagogo *Crollii*, balsamo Peruviano & sale succini subducta. Adhibita pediluvia. Potum copiose infusum theiforme ex veronica & fo- mine foeniculi. Datum interius dia- scordium *Fracastorii*, cum lapidibus cancrorum & nitro. Et exterius cata- plasma, ex pomo astato, croco, mi- ca panis similaginei cum lacte coctum, oculo impositum. His dolor & rubor cum ardore sublatus, palpebræ quoque tumor discussus, sed visus, ob corneam ruptam & humores incrassatos, redit nunquam. Ut adeo pa- teat, quantum damni ab improvida collyriorum applicatione sit metuen- dum.

OBSERVATIO VI.

Juvenis generosus, viginti aliquot *Febris* annorum, constitutionis teneræ & a *ophthal-* scorbuticis parentibus genitus, capi- *mico-ces* tis dolores & narium hemorrhagias *phalica* crebrius expertus, defluxionibus etiam catarrhalibus & coryzae saepius obnoxius, vitæque sedentariæ, lit- terarum amore ductus, nimium indulgens, incidit in cephalalgiam gra- vem, cum atroci oculorum dolore, alvo

alvo simul adstricta. Dolor hic erat periodicus, ita ut matutino quotidie tempore cum rubore & feri falsi effluxu, præcedente refrigeratione & subsequente pulsu celeri accederet, per sex circiter horas insisteret, ac postea sensim discederet, die post redditurus, ægro interim nec in somno, nec appetitu vitium observante, nisi quod subinde post cibos ruetus experiretur. Detinebat singularis hic affectus per mensem ægrum, & frustra adhibita fuerunt præsidia varia, collyria, errhina, evacuantia, cephalica, ne non eucubitalæ, tandem vero a me abactus est hisce. Ter scilicet alternis diebus dedi pilularum harum 20. recipe extra eti panchymagogi Crollii, gummi ammoniaci, mercurii dulcis, cinnabaris nativæ preparatæ ana drachmam semis, extracti croci, castorei ana grana sex M. f. c. balsamo Peruviano pilula ex scrupulo no. 20. Una ante accessionem hora pedes immittere jussi ad genua usque pediluvio ex aqua fluviali, cineribus clavellatis imbuta, ac dum sic in balneo pedes servabantur, ad mensuram unam bibere infusum theiforme, ex herba melissa, floribus tiliæ, radice valerianæ & semine foeniculi, quo sudor prolectus copiosus. Vesperi exhibui per aliquot dies pulverem ex pulvri Marchionis drachma dimidia, succini, nitri puri, cinnabaris, antimonii rectificati ana granis octo. Oculo exterius applicare præcepit aquam Reginae Hungariæ, cum dupla parte aquæ rosarum & camphoræ momento. Crinibus quoque quotidie inspersus pulvis ex succino præparato, radice ireos Florentinæ, caryophyllis aromaticis & cardamomo. Quibus per octiduum usurpatis, discessit malum, sed restitit nubecula quædam, vilum quodammodo intercipiens, quæ tamen crebriori instillatione pinguedinis viperinæ recentis, etiam sublata.

Epicrisis.

Febris hæc recte dici potest cephalico-ophthalmica, cuius causa fuit non

tantum capitis debilitas a longo tempore contracta, verum etiam alvi ob vitam sedentariam adstrictio, qua spasmæ in primis viis industi, quibus ferosus sanguis ad caput impetuosis aëtus. Hinc primo omnium in medicatione fuit subducenda alvus, ac postea recte ante accessionem pediluvii & potu infusi theiformis roborantis copioso sudor prolectus per universum corpus. Sudor enim & aucta perspiratio egregie serviant spasmis & doloribus periodice certis statisque temporibus redeuntibus discutiendis & abigendis. Deinde quoque in pertinacibus ejusmodi capitis oculorumq; doloribus cinnabarina, & ipse mercurius dulcis, serum lentefcens stagnans fundendo & obstruktiones expediendo, opem ferunt præsentissimam. Errhina vero & sternutatoria, plus nocent, quam profundit, quia humores magis ad oculorum confinia convocant. Varii etiam generis collyria, nisi simul discutiente virtute polleant, in ejusmodi oculorum affectibus plus nocumenti, quam emolumenti afferre, multoties observavi. Tandem ad maculas oculorum & nubeculas delendas, pinguedine viperarum efficacius nihil, quam etiam Ludovici & Wedelius passim miris ornant encomiis. Habet enim acrimoniam subtilem, blande detergenter. Sed præstat in fine illam exhibere, non in principio, si ardor adhuc & dolor impensis urgent. Ceterum plura tum de ophthalmico, tum aliis oculorum affectibus commentatus sum in dissertatione, *de morbis oculorum precipiis recta medendi ratione*, nec non in *Medicinae consultatoriæ Tomo 2. Dec. 4. Cas. 2. pag. 163. seqq.* de dolore & imbecillitate oculorum cum suffusione incipiente.

OBSERVATIO VII.

Generosus vir, sexagenarius, ma. *Ophthal-*
micæ hæ-
silentus, vieti duro & crasto salso af-
suetus, aliquot per annos singulis
fere tribus mensibus, erysipelatis in
pede

pede dextro cum horrore & vehemen-
ti dolore insultum expertus est, quod
tandem in suppurationem & ulcus de-
ficit, ac per annum & ultra ipsum de-
tinuit, postea vero a chirurgo perito
consolidatum fuit. Ex eo tempore sin-
gulis fere mensibus, circa novilunium,
incidit in hemicraniam dextri lateris,
quæ simul gravi dolore, profundius in
orbita hærente, cum seri salsi effluxu
stipata, qui circa noctem exacerbatus
fuit, & paroxysmus semper invasit
cum horripilatione & extremonrum re-
frigeratione, pulsu postea alterato &
auctiori facto. Malum autem solve-
batur post quartum diem facta crisi,
mediante sudore largiore, ægro alias
etiam sueto. Mali pertæsus, nostro
ex consilio usus est Pyrmontanis acidu-
lis, quas olim usurparat, hacque cu-
ra absolute suasi, ut loco potus ordina-
rii decoctum ex radice scorzonerae,
chinæ, sarsaparillæ, liquiritiæ & passi-
lis, biberet, & singulis mensibus infusum
ex manna, rhabararo & cremo-
re tartari, assumeret, victum du-
rum, salfum, aromaticum vitaret, &
fonticulum etiam dextro brachio inu-
ri permit teret. Quibus remediis quum
omni adhibita cura uteretur, liber
non modo ab erysipelate, sed & ab
hemicrania ophthalmica degit; sca-
bie tamen sicca pruriens divexus,
sicque septuagesimum ætatis annum
excessit.

Epicrisis.

Ophthalmica hæc est hemicrania,
in qua notabile, quod cessante erysi-
pelate & ulcere consolidato in pede
dextro, materia scorbutica ad dex-
trum latus capitis & oculum fuerit
converfa & certis statisque periodis
hunc excitaverit morbum. Quum ve-
ro scaturigo tam erysipelatis, quam
hemicrania & ophthalmia, sit quæ-
renda in sanguinis & lymphæ dyscras-
ia scorbutica, utique potius acidularum,
decoctorum & congruorum laxap-
tiuum usu, universam sanguinis & hu-
morum massam per purgare expedit,
& haec ratione corpus potius ab ejus-

modi vitiis defendere, quam eadem,
si adiunt, abigere.

C A P U T XII.

*De Febre Intestinorum, inflammatio-
ria ex Mesenterio.*

Theses Pathologicæ.

§. I.

INTESTINA, tam tenuia, quam crassa, *Intesti-*
norum membranosa fere tota, ex tu-
nica prima a peritonæo, altera muscu-
lari, cum fibris longitudinalibus & *nes* fre-
circularibus, nervosa & villosa con-*quentes*-
texta innumeris nervorum & vaso-
rum surculis perfusa & exquisito sen-
su ac motu instruta, & multis, &
gravibus morbis patent, e quibus haud
postremus inflammatorius, qui ipsis
ex variis causis accidit. Nam atrocia
illa & lethalia quandoque pathemata,
quæ assumta venena, emetica vali-
diora, & draistica purgantia excipiunt,
ab inflammatione in sphacelum trans-
eunte ortum ducunt. Vulnera ac læ-
siones intestinorum, non aliter, quam
inflammatione necant. Febres lync-
has & ardentes, maxime cholericas,
dysentericas, item plurimas mali-
gnas, neque minus exanthematicas,
in primis variolas, lethalem sæpe in-
ducere inflammationem, uberioris te-
statur dissectio his morbis defunctos-
rum. Convulsivam etiam colicam,
maximeque eam, quæ a podagra re-
trocedente, ac subsidente, ex cohi-
bito, aut sufflaminato hæmorrhoidali
fluxu, sanguine inducitur, iliacam,
quoque ex hernia incarcerata, aut in-
testinorum convolutione, passionem,
non alia ratione, quam intestinorum
inflammatione, lethum inferre, in-
comperto est. Nihil quippe vitalibus
motibus adeo est infensum, quam
putredo, quæ excipit inflamma-
tionem, ac in nervosis, exquisito motu
ac sensu pollestitibus partibus, con-
sistit.

§. II.

*Minus
notis que
ex mesen-
terio.*

§. II.
Sed quia de intestinorum inflammationibus symptomaticis, eisdemque complicatis febribus, jam supra actum, & adhuc congruo loco agetur; nunc dumtaxat pauca tradere libet de inflammatoria febre illa intestinali, quæ proficiscitur ex mesenterio. Jam apud medicos in confessu est, plures morbosas affectiones, præsertim hecticas, lentas, errantesque febres, nec non apostemata, in mesenterio sedem habere fixam; sed diarrhoeas, dysenterias, immo inflammatorias febres intestinorum, pullulare ex mesenterio, id non æque omnibus patet. Verum qui ex physiologicis novit, sanguinis progressum, in mesenterio & mesocolo, quibus annexa intestina, esse tardissimum, tum quod tunicis nervosomusculosis, sanguinem urgentibus destruantur, tum quod vena portæ, pulsu carens, recipiat sanguinem ex intestinis, & tardo flumine vehat ad hepar; is ultro fatebitur, promtam ibi esse genesin stagnationum, & stassium, & amplissimum nidum ad excludendas materiales morborum causas. Quin quam intestina arcti mesenterio sint connexa, ut ab ipso etiam fortiantur membranam, fibrarum quoque in intestinis annularium tendo juxta Willistum, sit mesenterium, & vasa ac nervi utriusque sint communia, magnam inter has partes esse communionem, quoad morbosas affectiones, utique certum.

§. III.

*Quæ acu-
te, vel
chronicae.* Ipsæ tamen febres, quæ ex mesenterio veniunt, & nobis cum Baglivo audiunt mesentericæ, in duo merito genera sunt dividenda, acutas scilicet & lentas, sive chronicas. Utrumque materialis causa ejusdemque fides in mesenterio, sed febrium & symptomatum generatio querenda in annexis intestinis membranaceis, ita quidem, ut acutæ & inflammatoriae in tunicis magis consistant, & ibi tyrannidem suam exerceant. Licet enim mesenterium, quod ex duplica-

ta constat membrana, cui interpositi immuri arteriarum & venarum rami, vasa lymphatica & lactea, glandulae quoque copiose magnitudinis variae, nec non nervorum propagines, non omni careat motu ac tensu: hic tamen admodum obtusus ac magis gravatus est, quam acutus, qualis ad concipiendam inflammationem requiritur.

§. IV.

Quare si in infimo ventre ardor, *Signen-
dolor cum præternaturali totius cor-
poris æstu, pulsu celeri, virium pro-
stratione, anxietate & inquietudine
sele prodit, in intestinis hæc consi-
dere, merito judicandum. Sed pro
diversitate locorum, quæ hæc pathe-
mata occupant, varias & certas affe-
ctus esse partes, merito concluden-
dum. Scilicet si dolor acutus est supra
umbilicum & sub ventriculo cum fe-
bre, nausea & vomendi conatu, in-
dicium præbet, laborare eum coli tra-
ctum, qui infra stomachum a dextro
ad sinistrum latus porrigitur. Qui in
dextro hypochondrio sub costis spu-
riis urget doloris sensus, præter na-
turam affectum & inflamatum esse
coli principium, ubi ileo committitur,
arguit, quod etiam Spigelius in
defunctis reperit sphacelatum. Acuti
cum febre cruciatus in sinistro latere
sub lumbis, ubi ploas musculus, in
colo & mesocolo, præsertim ubi pe-
ritonæ adhæret, mali esse sedem
produnt. Quando vero medium ab-
domen circa umbilicum cum febre
gravius dolet, tenuia utique intestina
inflammatione laborare, certum est
indicium.*

§. V.

Febres etiam, quæ cum dolore, ardo-
re, nec non tumore imi ventris junctæ, *Varii
& tandem per alvi fluxus puridos &
copiosos, vel etiam purulentos solvun-
tur, cum magna intestinorum diffi-
cultate, ex mesenterio provenire, nil
dubii est. In cacheoticis & scorbuticis
corporibus, qui proveniunt diuturni
alvi fluxus, cum lenta febre, vires &*
cor-

corpus consumente, & qui non tam facile curationem recipient, ex eodem fonte scaturire, non sine ratione censendum. Febres quoque quæ epidemice & certis temporibus invadunt, cum diarrhoeis, immo cruentis sedibus, non ex ingestorum alimentorum vitio, sed ex præternaturali aeris, præsertim nimis calidi & siccii, constitutione oriuntur, quales biennio abhinc ob insolitum diuturnum, ad medium fere autumni productum calorem, universam propemodum Germaniam sunt pervagatae; simul etiam grislantes tunc intermittentes anomalæ, vix aliam habent originem, quam quod in mesenterio multi acres & corrupti humores accumulati.

§. VI.

Eorum origo & causa. Ad ingignendas autem infestas eismodi primis in viis inflammatorias febres, præcipuum momentum habet plethora, vel simplex, vel cacoxymania, a suppressis aut deficientibus salutaribus excretionibus oborta. Promte etiam inducuntur ab intentata per fortiora pellentia, haemorrhoidum, mensium aut lochiorum provocatio-ne, ab usu copioso validiorum purgantium ad superandam contumacem alvi stricturn, nec non, uti observavi, a purgantium & emeticorum acrorum assumptione ad abortum provocandum. Idem facit intensior animi corporisque commotio, ac vicissim improvida abdominis & corporis, præsertim æstuantis, refrigeratio, potus perfrigeratus, & qui opulentioribus in more est, glaciatus. His enim humorum ad interiora, maximeque primam regionem, cōvocatur partim, partim urgetur affluxus, omniumq; fascillime ad eas fertur partes, quæ imbecilliores, quibusque ob defectum sufficientis potentiaz motricis lystaticæ, vel perpendicularem vasorum tractum, difficilior est humorum progressus, quarum in numero potissimum sunt mesenterium, mesocolon, & omentum. Quando igitur his in sedibus, maximeque intestinorum tu-

niciis cum mesenterio continuis, inclusus hæret sanguis, aut humor acris, febrem ciet inflammatoriam continuam, alvi vero cruētus etiam fluxus, vel ex nimium ampliatis, vel exesis plane & disruptis vasorum osculis, succedit. Hæc enim omnia ita omnino evenire uberiori testatur disiectio ejusmodi febribus interfectorum, in quibus *Spigelius de semitert. cap. 8.* se invenisse prodidit, venas hepatis majores sanguine vacuas, ventriculi tunica interiore leviore erysipelate inflamatam, venas mesaraicas, & quæ ad ventriculum atque omentum tendunt, distentas & crassiori sanguine fartas, omentum consumptum & semi-putrefactum, durum quoque pancreas & ductum cholodochum obstructum. Idem confirmat *Chiffletius* notabili observatione, de mesenterii inflammatione cum dolore umbilici.

§. VII.

Merito tamen consistentes his in sedibus inflammations in leviores & graviores sunt distinguendæ. Leviores exterioribus tantum intestinorum tunicis, quæ maxime membranarum mesenterii productiones incident; graviores vero altius ipsam intestinorum substantiam pervadunt, eorumdemque interiora ipsasque glandulas tangunt, ideoque & profundiores sunt, & ampliores. Quæ superficiem occupant, non tantum periculi alunt, sed adhibito laudabili regimine & congrua medicina, intra quartum, vel septimum diem, discutiuntur. Quæ autem interiora profundius obsident, nisi per diarrhoeam aut sanguinis fluxum solvantur, longius extrahuntur, quin in suppurationem ruunt, & in hereticam desinunt. Ex mesenterio quoque ibique stagnantibus corruptis humoribus prodeunt hemitritæ sic dæ, sive semitertianæ febres, quæ ex continua inflammatoria & intermittente tertiana sunt compositæ, periculi non expertes. Note hejam fuerunt *Hippocrati* & *Galen*, easdem nitide & accurate *Spigelius* pe-

peculiaris libello descriptis. Discrepant tamen a nostris in eo, quod quotidie circa vesperam, & alternis quoque diebus, levi accidente horrore, ingravescant, juncutum habeant abdominis dolorem ventrisque tumorem, & quandoque ad aliquot hebdomades protrahantur, & nonnunquam in febrem lentam & hecticam concedant. Sed quia de harum ortu, decursu & curatione jam supra Sect. I. cap. 5. uberiorius actum, heic plura dicere non attinet.

CURATIO

Cum Cautelis, & Observationibus
Clinicis.

§. I.

*Morbi
prefer-
vatio.* Quum febres ventriculi & intestinorum inflammatoriae, propter horum summam sensibilitatem & conspirationem cum nobilissimis corporis partibus, atrocissimis symptomatibus squalidis, & subinde funestae sint; medentis cogitationem & intentionem quam maxime ad eas avertendas dirigere expedit. Igitur serio & cum cura sibi commissis medicus inculcet, ut vitent omnia, quæ superius §. VI. ad easdem ingignandas facere diximus. Et quia præterea sepius observavi, febribus ardentibus, item biliosis, dysentericis, nec non puerarum acutis cum purpura, a vehementi ira, vel gravi terrore, accessisse mox gravem intestinorum inflammationem, & sphacelationem, ac lethum brevi tempore attulisse; in primis necessarium, ut occasiones saevorum affectuum fideli consilio & monito præscindat artifex peritus.

§. II.

*In cura
sanguinis
affluxus
derivan-
dus.* Si vero jam adest inflammatoria squalidis sanguinis, omnibus modis lenior est discutienda, & gravior avertenda. Primus igitur recte medentis erit scopus, ut vehementiorem sanguinis motum ad partem affectam impedit, & hac ratione graviorem inflammationem avertat. Obtinetur id commodissime in plethoricis sanguinis missis.

Tom. IV.

ne, ex venis in superioribus partibus, amplio satis foramine facto, pertusis, qua in colica convulsiva, in diarrhoea & dysenteria, in acuto dolore venarum sedis, gravior inflammatio utique potest averti. Post sectam venam divertunt sanguinis affluxum a loco affecto pediluvia tēperata, sed diutius usurpata, quæ solvendo & laxando strictas inferiorum partium fibras, affluxum ad pedes divertunt & invitant.

§. III.

Ad discutiendam dein inflammatoriam squalidin, serviant quam maxime, discutienda. quæ dolores & spasmos sicut sunt, antispasmodica, humectantia & blanda sedativa, clysteres ex oleosis, gelatinosis & dulcibus compositis, item exterius regioni abdominalis applicata epithemata, fæculi, vesicæ olei expressi, vel pinguedinibus animantium, aut decoctis emollientibus repletæ, pinguedo cati sylvestris, mixta præsertim cum camphora & pauxillo olei hyoscyami. Interne vero discutiunt & inflammationem arcent quam optime diaphoretica cum anodynis mixta, pauca, sed crebriori dosi per aliquot dies data, quæ inter eminet spiritus carminativus de tribus, aut spiritus tartari, vel bezoardicus *Buffi*, cum liquore anodino minerali, aut spiritu nitri dulci mixtus. Item mixturæ ex aqua cardui benedicti, florum sambuci, aceto sambuci, rob sambuci, antimonio diaphoretico, nitro & syruro papaveris rhœados confectæ, nec non pulveres temperantes nitrosi & diaphoretici, cum momento camphora & pauxillo laudani. Neque minus huc spectat cautus pilularum Wildegansianarum usus. Quæ remedia, cum prudentia, certo tempore & ordine usurpata, etiam in passione iliaca & spastica tunicarum intestinalium corrugatione, quam Græci chordapsum vocarunt, lenimen afferunt exoptatum.

§. IV.

In dolore, spasmo & febre inflam-

T ma-

matoria intestinorum, omnia acra stimulantia, etiam salina majori copia data, calida, & purgantia, ceu perniciosissima vitanda. Et culpandus hic communis & detestabilis practicorum error, qui alvo pertinacius astrigta, unum post alterum purgans ingerrunt, eoque malum non tantum exacerbant, verum etiam reddunt mortiferum. Neque etiam clysteribus admiscenda salia acris stimulantia, ut sal gemmæ, vel purgantia, ut extratum colocynthidis, vel catholiconis, sed ex solis emollientibus sunt parandi. Sic enim balnei aut fatus in star, crassa eluunt intestina, & in colo tenuibus circumvoluto contenta, ceu vesica decocto emolliente plena, eadem mulcent, fovent & laxant. Parari igitur possunt ex solo lacte, mixto cum nitro, vel aqua pluviali, nupta cum syrupo violarum, de althaea Fernelii, rosarum solutivo, aut melle mercuriali. Hæc tamen circa usum clysterum addenda observatio, ut biorio fere quovis, si necessitas urgeat, injicantur, & paulo diutius retineantur, quod maxime necessarium, si flatus per os eructant, & crebræ adsunt vomitiones.

§. V.

In dolore opitata, post cum roborantia pro- fuit, Præmissa, si valorum plenitudo urget, venæ sectione, laxata etiam clysteribus admissis alvo, si atrox dolor cedere nolit, optimo consilio, sine omnitemu, anodynem ex opio proficit, quo tormenta conquiescant, & spasmi ac sudor sequitur. Sed quiescente & sedata dolorum & spastorum cum febre ferocia, si summa debilitas corporis viriumque imbecillitas excipit, non ulterius insistendum superius laudatis diluentibus, laxantibus & humectantibus, sed potius nervina & roborantia in usum vocanda, quorum in numero sunt maxime essentia aut spiritus succini, aut mastiches, extracta cum hoc essentia chaccarilla, elixir nostrum stomachale, pulvis solaris Zellensis, balsamum nostrum vitæ cum liquore anodyno mixtum, quod

balsamum etiam exterius applicatum, levamen insigne affert, tonum reficitando & robur addendo.

§. VI.

Quando vero inflammations & *Alvi fluxus* dolores alvi fluxu simplici, aut cruento, maxime hæmorrhoidalii, aut etiam, uti quandoque accidit, purulentis excretiis, solvuntur, laxantia leniora, ut pastilæ rhubarbarinæ & clysteres, item infusa theiformia, ex speciebus traumaticis & sanguinem purificantibus, scabiosa, veronica, alchymilla, agrimonia, consolida, Saracenica & summitatibus millefolii confecta & cum lacte pota, nec non pulveres roborantes, ex cornu cervi philosophice præparato, usto, cortice cascarillæ & succino, in usum vocantur commodissime.

§. VII.

Quum diarrhœa & dysenteria epidemica sæpe cum vehementi inflammatoria febre invadat juvenilia corpora, non infructuosa est medico-præctica questio: an conducat venæ sectio? Communis quidem medicorum, *Hippocratis & Galeni* auctoritate confirmata est sententia: alvo fluente, non esse subtrahendum sanguinem, ne vires prosterantur. Neque etiam ego aliter sentio, quum per ipsam experientiam constet, multos, tam lienterico, quam dysenterico alvi fluxu laborantes sanari, sine sanguinis missione; sed jam de illatum dysenteria sermo est, quæ cum febre acuta, præsertim synocha inflammatoria, conjuncta. In hac utili & necessariam esse venæ sectionem, affirmo utique. Notum enim est, non facile quempiam alvi fluxu, etiam dysenterico diurno perire, nisi ex inflammatione & sphacelatione intestinorum, quam semper antecedit & comitatur vehemens acuta febris, ex pulsu magno & celeri, ardore & siccitate corporis, lingua ariditate, & ingenti inquietudine cognoscenda. Et licet omni dysenteriæ lenita quædam & levis, quasi erysipela-

*Sanguinis mis-
so in dy-
senteria
cum fe-
bre uit-
lis.*

cea inflammatio, sit juncta; multum tamen haec ipsa differt a synocha inflammatoria febre, in qua proficuum esse sanguinis subtractionem assevero, & consentientes habeo viros amplissima & felicissima praxi celeberrimos. Sane Sydenhamus in opp. cordate affirmat pag. 111. se semper fere curam dysenterie cum venę sectione auspiciari, quin pag. 115. seq. haber exemplum dysenteriae rebellis, quæ nullis plane remediis cedere voluit, sed sola venę sectione tandem curata. Idem hoc auxilium mire dilaudat Riverius, qui Cent. 2. obs. 57. fidem facit, se in dysenteria cum febre acuta, octavo demum die, cum fructu quinque sanguinis tūcias & brachii vena extraxisse; & obser. 64. testatur, se vena sectionem, in muliere dysenteria cum febre graviter decumbente, septimo & octavo die cum emolumento instituisse. Amatus quoque Lusitanus Cent. 2. obs. 48. consignavit exemplum Abbatis, sanguine pleni & multo vini potui dediti, dysenterici & simul acute febricitantibus, qui secta vena longe melius habuit, & paucis subiunctis remediis, plenarie convaluit. Maxime omnium vero multis est in adstruenda hujus remedii singulari utilitate Botallus, qui cap. 4. plus quam decem exempla narrat, ubi nil ex omni remediorū censu, pr̄ter venę sectionē, attulerit levamē.

ENARRATIONES MORBORUM.

OBSERVATIO I.

*Passio-
Spasmo-
dico in-
Somma-
soria,
iliacam
minitan-
curata.*

Fœmina, quadagenaria major, ob vitam sedentariam & tacitum animi profundum cum iracundia moerorem, pathematis colicis & spasmodicis affecta, quum omisisset vere hoc suetam quotannis circa equinoctium veruale & autumnale sanguinis missiōnem, Martio mense vehementi commota fuerat ira ad tremorem usque omnium corporis partium, & sumserat postea yeperi pilulas consuetas

purgantes. Hinc noctem transegit inquietam, & die post nulla post pilulas sequuta purgatio, alvus potius firmissime clausa mansit, & ipsa estuosis anxietibus circa præcordia atque etiam eructationibus continuis ex ore fuit afflita, & vomitu fere omnia assunta tum medicamenta, tum alimenta rejecit. Injectus ad alvum aperiendam clyster domesticus, qui per horam retentus, integer, nec flatibus, nec stercoribus stipatus, rediit, etiam sine symptomatum levamento. Adhibitum decoctum mannatum cum salibus aperitivis & rhabarbaro, sed mox vomitu rejectum. Medicus etiam ordinarius, flatus in causa esse putans, dedit carminativa: irrita tamen fuerunt omnia. Persisterunt potius symptomata, firma nempe alvi adstrictio, eructatio crebra & vomitus, magna debilitas, inappetentia & somni defectus, tantum quod circa vesperam gravius, circa auroram vero mitius affligerent, cum crebriori ad urinam stimulo, quæ tamen parca & turbida emittebatur. Tertio die vocatus ego, mox venam pedis secare jussi, & emissis, sine ulla virium iactura, ob vasa sanguine valde distenta, octo uncii, mox meliusculæ habuit ægra, conquieverunt anxietates æstuosæ & eructationes, ut etiam extra lectum versari potuerit. Nihilominus pertinax ventris adstrictio & dolores tensivi abdominis in hypochondrio dextro persisterunt. Injectus igitur clyster & datæ pilulæ nostræ balsamicæ polychrestæ, sed his nihil emotum; quin quum ad septimum usque diem alvus esset obstipata, & eructationes, & anxietates nocturnæ æstuosa, cum febricula & dorsi doloribus redierunt. Hinc demum consilium dedi, ut singulis tribus horis clyster injiceretur, ex aquæ plurimis uncis 12. syrupo de althæa Fennelii uncia semis, nitri puri drachma, & abdomini vesica emolliente decocto plena admoveretur. Sic cly-

steres, injecti semper per horam retinebantur, & postquam quartus esset infusus, fatus primum elisi, per aliquot dies coerciti, & post sextum fecerunt etiam facies, quibus evacuatim, ructus atque anxietates in abdome discesserunt, mihi etiam melius successit. Interius vero simul data essentia carminativa, cum liquore anodyno ad unciam dimidiad remixa, in stillatis laudani liquidis guttis 15. inductis somnus, sequutus sudor ex cute ante sicca & arida, pulsus antea surus & celer mollior factus, & urina fluxus liber redditus. Hoc facto, ex mixtura remotum laudanum, & sola essentia cum liquore anodyno oblata, donec perfecte convaleceret.

Epicrisis.

Affectio hæc fuit spasmodico-inflammatoria intestinorum, iliacam minitans passionem. A sanguine quippe, ob venæ sectionem consuetam omittam, nimium redundantem, & vehementi ira, quæ insensissima intestinis, nec non purgante assumto, ortum duxit hæc passio, & inde etiam omnia, quæ jungebantur symptomata, derivanda. Ad discutiendam itaque inflammatoriam statim & avertendam hujus pedissequam, passionem miserere mei, ante omnia necessarium duxi, ut sanguinis quantitas subtraheretur, quod etiam quoddam attulit levamen. Sed quum spasmus intestina inferiora fortiter stringens adhuc permaneret, consilium cepi, quod me tali in casu non destituit, de clysteribus pure demulcentibus & humectantibus, paullo frequentius injiciendis, qui quasi instar balnei interni sunt, fibras spasmum constrictas temperato humido relaxantes, cui fini etiam exterius apposui emolliens medium. Interius vero discutiens, sive carminativum, cum blando anodyno permiscui, & ita spasmum soluti, discussa sanguinis & humorum inflammatoria stasis, & excretiones per alvum & cutem adstrictæ, jam liberius & largius sequutæ.

OBSERVATIO II.

Præfetus militum, natione Gallus, quadragesimum ætatis annum jam emensus, vir constitutionis alias robustæ, vita genus laboriosum & agile cum quieto & sedentario permutarat, interea largiter comedens, & liberaliter quoque vinum Gallicum, quod vocant Pontack, bibens, hinc primum alvi factus adstrictioris & somni inquietioris, post aliquod tempus vero, dolorem lancinatorium in abdome toro atque etiam lumbari regione expertus est, cum phlogosi, eructatione, pulsuum celeritate & deficiente somno. Medicus primis diebus colicum dolorem esse judicans, carminativa fortiora & spirituosaelixiria, cum oleis destillatis remixta, una cum clysteribus usurpavit, sed inde potius exasperata symptomata, & febre, & inquiete, & dolorum factibus magis accensis. A me quum petret opem, & conquereretur de dolore tensivo circa os sacrum acuto, quæsivi: an haemorrhoidal ante a fuit obnoxius fluxui? respondit: semel tantum ante aliquot annos, sed parciore, cum prægressis lumborum & ossis sacri doloribus. His quum venæ sectionem penitus respueret, mutavi tantum medendi methodum, & loco calidorum, interne dedi humectantia & refrigerantia, pulveres nempti diaforezico-nitrosos, demulcentes & lenientes clysteres, copiosius applicare jussi, largiter simul & temperate calida sumta prisana. Levata inde quidem fuerunt symptomata, nihilo minus remansit dolor in imo ventre, ab osse sacro ad inguina sese extendens lancinatorius, multum incommodi faciens. Exhibui igitur essentiam carminativam, cum liquore anodyno & pauxillo laudani opiat, ad mulcendos dolores, & postea dedi drachmam magnesiae albæ cum drachma dimidia nitri in decocto mannato, inde alvus aliquoties soluta, & quod mirabile.

le, larga portio sanguinis atri, corrupti, foetidi excreta, ita ut intra sex dies aliquot librae secederent, remittentibus inde mox doloribus & saevis pathematibus. Demum assumpta pilula nostrae balsamicæ, cum pulvere roborante, cuius basis chaccarillæ cortex & succinum. His tum perfecte convaluit, sed vertente anno, adulto jam vere, eundem in morbum cum gravissimis doloribus & intollerandis cruciatibus ad dorsum usque ex currentibus, febre & purpura rubra stipatis, idem hic vir est correptus. Data iterum omnia, que levando huic malo antea cum fructu adhibita, administrata etiam in dorso scarificatio, sed frustra. Sexta enim hebdomade, ob somnum plane deficientem, viribus omnibus exutus, vivere desit.

Epicrisis.

Sine ullo dubio vir hic, animo & corpore fortis, intestinorum inflammatione periret. Causa hujus morbi in statum plethoricum, sine sanguinis missione & omissa simul consueta corporis exercitatione, & in potum copiosum vini rubri, quod adstrictivæ est virtutis, conjicienda, quum alias sanguine & humoribus abundantes, qui corpus nec satis labore exercent, nec sanguinem mittunt, si alvum paulo largius solutam habent, liberi permanere possunt a passionibus ex plethora oriundis. Si vero hæc etiam excretio deficit, grave imminet sanitatis periculum. Prior morbus fluxu sanguinis nigri & coagulati, procul dubio in vena hemorrhoidalí interna congesti, feliciter fuit solutus, id quod etiam in aliis similibus casibus notavi. Contra ea vidi etiam, quod febres intestinales, cum doloribus & spasniis abdominalis, aliquot jam per hebdomades durantibus, subinde post excretum putridum & corruptum nigrum sanguinem, brevi mors sequuta fuerit. Cæterum non possum non hoc loco hanc observationem de vini rubri Gallici, austeri potissimum, noxa adjicere, quod ipsis frequentiori potui causa multo-

Tom. IV.

rum morborum, quibus Galli inter nos degentes occumbunt, merito sit adscribenda.

OBSERVATIO III.

Ruricola habitior & quadratus, pronus cum ventre ceciderat in truncum acuminatum, & ex eo exquisitum in abdomine, paullo supra umbilicum, perfenserat dolorem, cum animi deliquio, accensa simul, præcedente horripilatione & refrigeratione, febre. Post aliquot dies sanguinolentam & saniosam per superius & inferius os ejicit materiam multam, eoque facto, siluit febris, remansit tamen languor & appetentia prostratio. Quum vero elapsis circiter 14. diebus, domesticis laboribus manum admovere inciperet, denuo recruduit abdominalis dolor, animi defectione, horrore & febre stipatus, cum extermorum frigido sudore, ut animam agere videretur. Sequuta tamen diarrœa cruenta & saniosa per aliquot dies, symptomata iterum mitiora facta ac remiserunt. Sed vix septem dierum fuerunt induciæ, quibus circumactis, priora repetierunt symptomata cum febre, obortuque alvi fluxu, conqueverunt rursus. Imploratum igitur meum auxilium, qui cerebriorem decocti avenacei usum, cum humana, vel canis axungia, butyro rubro potabili & balsamo *Locatelli*, suasi, ac demum decocto herbarum vulnerarium, alchymillæ, agrimonæ, saniculæ, pyrolæ, fragariæ, veronicæ, florum bellidis, hyperici aliorumque, ex cerevisia, & grum hunc ad sanitatem, fortunante Deo, traduxi.

Epicrisis.

Celebris ille Italorum Medicus *Benedictus Sylvaticus*, abcessus subinde in mesenterio succrescere notavit, & notatu in primis digna, que habet *Cent. 2. obf. 86.* ubi sic scribit: *mesenterium sape fit sentina multorum excrementorum.* Ac obtusi sensus quum sit, diurnas tolerat affectiones, & in quo non raro sub-

criuntur apostemata suppurantia, quae frequenter ame fuerunt observata, quæ tandem subsidebant per dejectiones purulentas, iterum statim temporibus recurrebant, & oblitoseabant denuo per similes dejectiones, non raro cruentas, ita ut imposuerint quibusdam, illas prodysericis habentibus. In nostro certe ægro, lapsu illo in stipitem acuminatum, quassatus forsitan fuit excurrens infra ventriculum supra umbilicum coli tractus, quo inductus dolor, raptis etiam in consensum reliquis intestinis, febrem ciens, & per spasmmodicam simul strictroram in mesenterii canalibus sanguinem detinens, qui in purulentam postea corruptionem abiit, perrupit & alvo exiit. Latus vero semper serpuit malum, & relicta iterumque commota vicina arrodens materia, mali recursum iterato induxit, donec acrimonia ipsius obtunderetur, abscessus abstergeretur, demumque post semestre spatium, in robusto & agresti corpore consolidationem reciperet.

OBSERVATIO IV.

*Febris
iliaca in-
flammato-
ria.*

Adolescens 15. annorum, constitutione tener, indole alacris, Bacchanalium tempore, quoridie duas, vel tres, siccias & duriusculas spiras ingesserat, sub pilæ lusu cum sodalibus admodum incaluerat, & postea, depositis vestibus, ad fluvii ripam considens, corpus perfrigerarat. Inde paullo post atrocia ventris incurrit: tormina, cum alvi pertinaci ad aliquot dies strictrura. Implorato nostro auxilio, causam a liberali esu spirarum & corporis refrigeratione duximus, in primis quam in sinistro abdominis latere eminentia quedam dura tactui sefe offerret. Suasimus igitur, ut alvus ocyus diceretur clystere emolliente, quo bis alvus stercora dura dimisit; postea dedimus infusum nostrum usitatum manatum, cum oleo amygdalino, quo sex sedes motæ, tumor subcidere & dolorum vehementia remittere visa. Sed sequenti die tormina cum duro in hypogastrio tumore redierunt, licet fla-

tus multi eliderentur; accessit præternaturalis æstus, cum pulsū celeritate, somnus inquietus, oris siccitas & ardor, cum lenta pituita. Hinc fauces gargarismatibus elotæ, & ad æstum inflammatorum restinguendum oblata emulsio ex seminibus quatuor frigidis, cum pulvere nitroso, interposito ad perspirationem secundandam, liquoris anodynī, cum momento bezoardici remixti usu. Æstu autem increcente, anos adeo fuit occlusum, ut clysteris tubulum plane non admitteret, & a cerebriori molimine potius laederetur, circa vesperam tamen calor semper fuit intensior ad medium noctem durans. Adhibuimus pulveres nitrosos cum salibus digestivis, quibus calor mitigatus, & scybalum cum flatibus multa emota. Sic decubuit ad duodecimum usque diem, quo tanta anxietas, inquietudo, æstus & virium jactura accidit, ut morti videretur proximus, conquerens maxime de atroci dolore in abdomen, ibi potissimum, ubi durities illa consistebat. Igitur ad arcendam funestam inflammationem potio discutiens ex aqua cardui benedicti, cum aceto, rhabarbaro, antimonio diaphoretico & cancrorum lapidibus data, qua aliquoties usurpata, dolores complacati & sudor prolectus. Imposita etiam ad emolliendum tumorem vesica decocto emolliente plena & clysteres aliquot injecti atque retenti. Hinc ingens stercorum copia quotidie fecessit cum emolumento & successive ad sanitatem factus est transitus.

Epicrisis.

Febris hæc recte dici potest iliaca inflammatoria. In ileo enim confedit obstructio, ab esu spirarum siccaram contracta, quæ dolorificos spasmos non tantum in abdomen, sed ad ipsam etiam vesicam excurrentes fecit, ut urina per totum morbi decursum parca & rubicunda tantum cum dolore cederet. Non tam promte autem ex tenui hoc intestino materiam tenace obstruentem everrere licet, quia clysteres eo non pertingunt & nec laxantia

tia sufficient, nec potus diluentes. Hinc morbus diutius protractus. Interea ut intestinorum inflammatio arceretur, data mixtura & injuncta diaphoresis continua. Quia tamen intestinorum inflammatio quam facile recrudescit, hinc suasi demum, ut non modo exacta servaret diastam, ab omnibus constringentibus abstineret, animum tranquillum haberet, nec frigidum, sed calidum potum assumeret, verum etiam ad tempus aliquod mane infusum accommodum theiforme potaret in leto, & sudorem blandum exspectaret.

C A P U T XIII.

De Febribus Lentis, & Hecticis.

Theses. Pathologicæ.

§. I.

*Hectice
G. lenta
que di-
cantur.* **H**ecticæ febris apud Hippocratem, *Aretæum*, veteresque Græcos & que ac Latinos, ipsumque *Cornelium Celsum*, mentio nulla. Neque lenta febris nomen in primorum medicinæ parentum monumentis obvium, sed *Celsus* demum lentarum curationem primus tradidit. Quæ autem postea lenta & hecticæ appellatae, priscis, longæ, tabidæ, marasmi audiunt. *Hippocrates*, in primis lenta febres *Scđ. 5. apō. 64.* vocat febres longas, iisque affectos non valde multum febrientes, hecticam vero sub nomine tabis passim describit. Nostro tempore lenta & hecticæ febres dicuntur ex, quæ diurnæ sunt & continuo, licet leniori ac remittente, & ita præternaturali, succos corporis consumendo, tabem inferunt viresque debilitant.

§. II.

*U. ius-
que diffe-
rentia &
sympto-
mata.* **M**agna tamen harum est varietas & differentia, ratione vehementia symptomatum & periculi. Stricte nimis lenta febres appellantur illæ, quæ mitiora habent symptomata, & sum leniorem, sudorem sub somno largum, pulsum post somnum & antemeridiem naturalem, non tantam ap-

petitus & virium prostrationem, coporifq; ariditatem & urinam livescen- tē, neq; etiam tātum periculi. In hectica autem æstus est continuus, pulsus se- per durus, debilis, celer, licet post cibum & vesperi calor, celeritas atq; durties increscant, cutis cum lingua sicca, dura & arida, genæ rubent, totum corpus est imbecillum, flacidū, somnus reficiens nullus, urina rubicunda, inferius cum sedimento, superius cum cuticula cœruleofuscante pinguedinosa, corpus conta- bescit totum, adeo ut ossa ubiq; promineant. Deinceps eminens est lentarum & hecticarum differentia respectu utriusq; causæ. In illis enim vitium magis in fluidis & incipiente mala dispositio- ne solidæ cuiusdam partis; in his vero solidæ potius patiuntur, & ipsa jam labes, aut magna corruptela, adest visceris. Hinc lentæ etiam accommoda me- dicina adhuc possunt abigi, earumque cause vinci, sed hecticæ difficillime, vel plane non sanationem recipiunt. Hecticæ quippe sunt magis symptomatiæ, & gravioribus ulcerationibus, vomicis, abscessibus & viscerum corruptionib; superveniunt. Unde qui phthisi, ab ille, vomica, aut exulceratione pulmonum, meseterii, renum, uteri, & gravioribus suppurationibus in internis, musculis quoq; abdominis latentibus, qui cancro genitalium, mamma- rum, uteri, item qui cachexia & hydro- pe, ex induratione, scirrho, corruptio- ne & putredine hepatis, lienis, omenti, pancreatis & glandularum mesente- rii, moriuntur, hectica febre pereunt.

§. III.

*Causa:
caloris.* **C**ausa caloris continui his in febri- bus, nulla alia, quam humor qui- dam corruptus & putridus. Hic eni- nim temperata & naturali sanguinis & humorum vitalium mixtione peni- tus est adversus, eandemque intestino alieno motu turbat, immutat atq; dis- solvit. Idem hic putris succus intestus plane ac alienus est nervorum fluido, nervosisque partibus, & sensibiliè has atque motrices partes ad intensiorem contractionem, quæ febris essentiama

absolvit, exstimulat. Igitur quo uberior & diuturnior putridorum & corruptorum ejusmodi succorum ex viscerum vitio insanabilis est proventus, eo vehementior febris, eoque graviora symptomata.

§. IV.

Lente ex debilitate corporis. Lente, sive diuturne, mitiores tamen febres, sunt frequentissimæ, neque uli-
xatati, aut temperamento, sexui, regio-
ni, aut loco parciunt. Origo vero illa-
rum & causa varia est; sapissime ex
morbo præcedente, & corpus cum viri-
bus nimium debilitante. Experiencia
scilicet testimonio in comperto est, qui
per contumaces intermitentes, vel
continuas, item variolas & morbillos,
effusiorum sanguinis per uterus, anum
& nares profluvia, per diuturnum alvi
fluxum, simplicem & que ac dysentericum,
nec non nimiam salivationem, gonorrhœam & fluorem album dia-
turnum vires perdidere, qui etiam me-
more, curis, vigiliis, & assiduis lucubra-
tionibus & studiorum intemperantia,
nec non per famem, labores graves &
continuos, veneris etiam crebrius e-
xercitium, corporis robur attriverunt
& exhauserunt, in lentescentes & lon-
gas ejusmodi febres delabi facillime.
Ratio hujus generationis in proclivi:
corpora his perfuncta benignis san-
guinis & alibilis humoris succis, suffi-
cienti etiam purissimi & nobilissimi
nervorum liquidi copia destituuntur,
post morbum autem ciborum impen-
sior succedit appetentia, succi tamen
intimæ ingestorum dissolutioni ser-
vientes spirituosi, fermentescibiles &
salivales, nec non biliosi, a naturali ha-
bitu descidere, nec adeo sunt efficaces,
vigor quoque motus peristaltici in
ventriculo & canali intestinali lan-
guidus est: hinc ciborum liberalius in-
gestorum non exacta perficitur solu-
tio, concoctio atque digestio, sed suc-
cus chylosus crassus, rufus minusque
subactus elaboratur, ad sanguinis
massam truditur, & aliena sua natu-
ra fluidorum crassam temperatam & lo-
lidorum æquabilem naturalem mo-

tum turbat atque pervertit.

§. V.

Deinceps perpetua & uberioris con-
firmata observationis est, tabificas e-
jusmodi febres succedere quam maxi-
me evacuationibus criticis solennibus
deficientibus, aut perperam cohibitis.
Nihil certe frequentius, quam ut ii,
quibus vacuationes acutos morbos &
febres solventes, sudor inprimis & au-
cta perspiratio, intercepta, vel non suf-
ficienter succederunt, quibus sudor con-
suetus nocturnus siccatus, quibus fon-
ticuli & ulceræ antiquæ consolidata,
quibus catarrhi aliæque per uterus
ceteraque organa defluxiones acres re-
pulsa, quibus alvi fluxus cohibitus in-
tempestive, febribus lentiſ postea tabe-
scant. Sic enim vitiosi, impuri, inutilis
ac superflui humores, cum salute foras
excernendi, intus manent, vitales tem-
peratos & nutritios succos inquinant,
ut omnis horum massa reddatur in-
temperata, omnesque in corpore mo-
tus ac functiones vitium capiant.

§. VI.

Porro lentarum & hec̄ticarum fe-
brium nidum frequētissime esse in me-
senterio, & ratione, & experientia ha-
bemus confirmatum. Recte enim jam
pridem notavit Fernel, & ex eo Senner,
in nulla universi corporis parte, tā plu-
rimos, latentes etiam morbos, lētas fe-
bres, errantes, diarrhœas, choleras, scor-
butum, melancholiæ, cachexiam, hy-
dropem, intermitentes quoq; contu-
maces, figere sedem, quam in mesente-
rio. Causa autem magnæ hujus ad mor-
bos concipiendos dispositionis nulla a-
lia, quam quia tardus & impeditus ad.
modum per viscera hoc succorum &
sanguinis progressus, stagnationes &
stases facillime induens. Nam vena
portæ, pulsu desituta, sanguinem ex
mesenterio reducem recipit, ac vice ar-
teriæ fungens, eundem vehit ad hepar,
quod quām lentius fiat, in mesaraicis
etiam valis ponitur obex, gignuntur
stagnationes, infarctus, quin quando-
que plane extravasationes. Dein ha-
morrhoidalis vena, ob perpendicularē

*Hec̄ticarum &
lentarū
cur fre-
quens
nidus
mesen-
terium.*

larem ductum & longius ab exortu remotum situm, tarde admodum reducit sanguinem ad portae venam, ac facit, ut is saepius in mesocolo, crassis intestinis, maximeque recto, stagnet, vasaque cum dolore distendat. Ipso in mesenterio propter nervosarum & musculosarum tunicarum defectum, sanguinis cursus plane non adjuvatur & urgetur, sed vasa potius inter duplicatam cellulosa membranam discurrentia, pinguedine tecta, perpetua relaxatione, toni sunt remissioris, & facile cedunt sanguini in ipsis accumulato. Chylosa etiam lympha dum per lactiferos sic dertos canales innumeros, in capillares tubulos circa glandulas fissos, impeditius fertur, ac in ipsis glandulis ab exiliissimis venulis recipitur, his in angustiis facile hæret, nec ea propter minimum, mesenterii glandulas saepè infarciri, intumescere, indurari, ac in scirrhos plane degenerare.

§. VII.

Propter humorū stagnationem & impuritatem. Licet autem ipse hic tardior succorū per mesenterii compagem meatus, hanc corporis præstet utilitatem, ut humorum, & mole, & intemperie peccantium excretioni serviat, & quidem sanguinis per hæmorrhoides internas, ac serosarum, mucidarum fermentescibilium sordium, per intestinalium glandulas innumerās; eandem tamen ob caussam accidit, ut quævis fere humorum, tam quoad quantitatē & qualitatē, quam etiam motum vitia, in mesenterium redundent, idque male afficiant. Inprimis plethora nullam partem gravius hædit, quam mesenterium, ac nimia distensione, vasorum tonum & elaterem debilitando, ibi stagnat, & cum detimento plus justo coacervatur. Nam quo major in mesenterio sanguinis stagnatio, eo magis increscit ipsius impuritas; quo major vero sanguinis & lymphæ sordities, eo magis functiones in corpore labefactantur, nutritio imminuitur, vires clanguescunt, intestinus in succis motus augetur, ap-

teriae cum corde ad auctiorem & celeiorem motum extimulantur, & sic febris acceditur.

§. VIII.

Quæ quum ita sint, ratio est in proclivi, quare suppresso, aut deficiente pressis mensium in feminis fluxu, notante Hippocrate lib. 2. predict. S. XIII. periculosa tabida, id est, hecica febres emergant, chloroseos, aut febris ictericæ alba nomine, passim obviae; quare porrō in viris subsistente, insufficiente, aut plane præpostere cohibito hæmorrhoidum stillicidio, juxta eundem Hippocratem Sect. 6. aph. 12. tabes, id est hecica, generetur. Cur etiam, ut supra jam meminimus, constipatis salutaribus ali vi profluviis, quibus sape acuti morbi finiuntur, & quæ crebro critice certis anni temporibus naturæ beneficio succidunt, tabidae & periculosæ febres subnascantur. Neque minus causa patescit, cur tam perniciosum, & ad chronicas, lentas etiam & hecicas febres ingignendas nihil sit aptius, quam, si quando, in corporibus præsertim plethoricis, cacochymicis item & hypochondriacis, ubi jam admodum tarda & impedita sanguinis per mesenterium & connexa viscera progressio, intempestive adstringentibus, etiam famigeratissimo chincæ cortice sustentur febres intermittentes, quæ in his salutarem ad superfluorum consumptionem, vasorum obstrunctiones expediendas, & liberum sanguinis progressum reddendum habent facultatem, quibusque oppressis, infarctus in mesenterii tubulis, oppilations, humorum stagnatio & impuritas incrementantur, ac postea liberale chronicis & astidiosis febribus aliisque mortibus passionibus pabulum præbent.

§. IX.

Neque vero tantum ad stagnationes & obstrunctiones dispositum admodum est mesenterium, verum etiam ad suppurations & abscessus concipiendos, quibus perpetuo fere accedit in-

tem-

temperies quædam febtilis. Sunt quidem plures, qui autumant, inflammations, sine quibus nulla ſuppuratio, nullusque abſcessus fieri potest, in meſenterio non habere locum, quia in eo nec dolor acutus, nec ardor, perpetui inflammationum comites, obſervantur. Verum essentialis inflammationis ratio non ardore & dolore continetur, ſed ſtati humoris ſanguinei, in vasis alienis facta, & ſtaſeos potius producetus est dolor cum ardore, ſi illa in parte nervosa, exquifitioris ſenſus conſiſtit. Staſes autem & extravasationes humorum cum oriundiſ inde ſuppurationibus, per quam commode fieri poſſunt in meſenterio, ob decubitum ibi ſolennem, dum vel ex arteriolarum minimis ramulis ſanguis ſæpe cum impetu in laterales tubulos, & quorum numero etiam pinguedinoflui urgetur, vel etiam ipſa hæc lateralia valcula ab impetu humorum rumpuntur, & contentum liquidum effundunt. Ne dicam, nullib[us] facilius & commodius pus gigni, quam in partibus pinguedine uberiori obſeffis, eo quod ipſa pinguedo, motu intestino & putrido humoris extravasati, promiſſime in liquamen ſaniosum convertitur.

S. X.

Eorum Igitur frequentiores, ut vulgo pugnare tatur, in meſenterio ſunt abſcessus, coaguli cendi ex febre continua hecūca, dolore gravativo & fixo in abdomen, & ſaniosæ materiæ per alvum cum intestinorum dolore & ardore excretione: quæ autem ad ingignendos, hos faciunt, notavi multa. Observavi frequentius, in plethoricis, plethorico-caecochymicis, necon hypocondriacis, a vehementi ira, praſertim paulo ante, vel post cibum, tanto magis accedente, ſimul refrigeratione, corpus languore ſuiffe affectum universali, & ſucceffiſſile febres tabificas exiſtias. Idem vidi in iis, quæ validioribus pellettibus abortum procurare intendeant, quando medici mensum ſuppreſ-

fione laborantes calidis & fortioribus emmenagogis, vel purgantibus exceperunt, nec non in viris, quando haemorrhoidalem fluxum, natura repugnante minusque proclivi, aloeticis aliisque calidis pellentibus emovere fuerunt conniſi. Novi etiam, crebrius ſubortas eſſe has ex abſcessu febres, in ſanguine & ſuccis plenis, a vehementiori inſueta corporis ad validum usque ſudorem exercitatione, ſubſequente poſtea improvida refrigeratione corporis rotius, ac in primis pedum, quorum ingens cum abdomen conſenſio.

S. XI.

Nimirum tam valido & vehementi, ſive per animi affectus, ſive phar-
ma-
ratio-
randi
tu-
cato
decur-
fuso.
cula cum impetu urgetur, stagnat ibi, in alienos tubulos vadit, ſubſiſit ibi atque corrumpitur. Hinc prima origo ſuppurationis, quæ deinceps propter motum intestinum latius ſerpit, vicina arrodit, exedit, ut ex abſcessu minori fiat major, ampla cavitas, magnumque apofteſma. Quia materia ſaniosa corrupta, a venis reſorptā, & ſanguitiſi inſinuata, ſæpe etiam ad alia emunctoria, glandulas tracheales, nec non renes, fertur. Unde ample in meſenterio apofteſmati jungitur ſæpe urinæ fluxus purulentus, vel etiam ſputum purulentum, integris renibus ſalvoque pulmone. Quandoque ipsum pus pondere ſuo per meſenterii poros descendit ad intestina connexa, cavum ipsorum ſubit, ſicque alvo expurgatur. Quandoque etiam apofteſma majus dehifcit tandem, & praecedente horrore, interdum etiam rigore, cum ſuperveniente aſtu, perrupto involucro, effunditur. Quod ſi in loco excretioni minus idoneo contingit, atrocia quaſi colica tormenta oboriuntur, ſi in cavum abdomenis, interna quæ tangit, male afficit, rodit & gangrenam iisdem inducit, ſi vero in intestinorum cavitatem, pus copioſum ſimul & ſemel per alvum exit.

exit. De qua puris excretionibus historias consignarunt *Hortilius lib. 14. obseru-*
25. & 26. Bartholinus Cent. 2. epist. 23.
Cent. 6. epist. pag. 490. Cent. 4. hist. pag.
96. necnon Tulpius lib. 2. obs. 36.

glandulas mesenterii sarcit, obstruit,
 magis magisque accumulata mirum
 distendit. Occasione autem ad gli-
 scentes has febres potissimum præbent
 nimia infantum voracitas, cibi, qui
 chylum reddunt crassum, defectus te-
 nuis potus, corporisque refrigeratio.
 Quæ vero corripuerunt, diu detinent
 corpora, nec sicuti omnes, quæ ex ob-
 structione & glandularum nervæ sub-
 stantiae nimia expansione oboviuntur
 febres, periculo carent, sed nisi conve-
 nienti medicina occurratur cum vi-
 vendi ratione, infantes perimunt,
 inventis post mortem plerumque gan-
 dulæ mesenterii ingentis magnitudi-
 nis, intestinis inflatis & tumidis, ac
 pulmonibus corruptis.

Sympto-
mata. Febres autem quæ grandes ejusmo-
 di abscessus in mesenterio & que ac aliis
 visceribus, hepate, pancreate, renibus
 vesica & utero, comitantur & sequun-
 tur, non sunt mites & lenes, sed graves,
 quæ vires & succos corporis consumunt
 omnes, hec tæc lethales. Quæ quomo-
 do incipiunt, decurrant, & quibus sym-
 ptomatibus stipentur, accurate & ex
 vero prodidit *Hippocrates lib. de intern.*
affect. pag. 209. febris, inquiens, debilis
invadere incipit & rigor, dolent pectora
ad dorsum, aliquando etiam tussis pre-
mit acuta, & expuit salivam multam
liquidam & falsam. Et hæc quidem in
principio morbi: in progressu vero cor-
pus attenuatur, cruribus exceptis. Hæc
enim intumescunt, & pedes, & unguis
contrabuntur, ex bumeris autem tenuis
& debilis est, & fauces velut lanugine
implentur, & velut per arundinem fi-
bilat, & fortiter sitis, per totum morbum
& multa impotentia corpus habet. Hic
quum sic habuerit, in anno corruptus
male perit, verum studium quam maxi-
me adhibere oportet ac reficere.

§. XIV.

Mara-
mus se-
nus. Quæ senibus solennis atque fatalis
 est hec tæca, græco nomine dicitur *præ-*
pous. In hoc lente attenuatur cor-
 pus, appetitus perit, vires sensim
 consumuntur, ossa carne privantur,
 ut instar sceleti pelle induit appareant,
 os siccum est, saliva glutinosa, exterior
 cutis cortex friget, riget, arescit, inte-
 riora ardent, pulsus durus & frequens
 est, somnus parcus & non resciens,
 spiritus ægre ducitur, vox rauca fit,
 lingua exsuxa, & salsa lenta pituita
 incrustata sœpe, ac omnia hæc sensim
 que ingravescunt, donec post dimi-
 dium circiter anni vitam ipsam eripi-
 ant. Generatio senilis hujus hec tæca sic
 nobis concipienda videtur: senes ob
 vitam motus expertem & excretiones
 in omnibus emunctoriis, præsertim
 subcutaneo, languescentes, alvumque
 tardiore, omissem etiam ex vano
 metu haud raro suetam sanguinis mis-
 sionem, ingentem subinde sanguinis
 & impurorum humorum sibi colligunt
 copiam; hac præsente, tardissima fit
 succorum per mesenterium, omen-
 tum, per hepatis quoque, liènem &
 intestina progressus, vasa farciuntur,
 obstruuntur, sequuntur indurations,
 & demum corruptiones, februm
 chro-

Lente
infantum. Aliud lentæ remissioris & occultæ
 febris genus est infantibus familiarissi-
 mum. Jungitur cum insigni abdominis
 tumore, superiorum marcore, tussi sic-
 ca, virium prostratione, inappetentia
 & vago æstu, post cibum sumtum &
 circa vesperam ingravescente, alvo in-
 terdum adstricta, interdum etiam flu-
 xa, alba multa & mucida dimittente.
 Nascitur hæc febris quandoque a suc-
 co chyloso nimis viscidio, tenaci, villo-
 sam intestinorum tunicam & minima
 lacteorum oscula obstruente, quo in-
 flatio intestinorum & chylola diarrhœa
 inducitur. Nonnunquam ortum tra-
 hit a lymphæ nimis viscidæ, lenta, quæ

chronicarum pernicialium genetrices
paratissimæ.

§. XV.

*Hectica
Stoma-
tica &
intesti-
nalis.* Demum lenta febris species adhuc superest, parum ab auctoribus notata, quæ nobis stomachica audit & intestinalis. Ortum hæc dicit a tunicarum ventriculi & intestinorum erosione, inducta vel ab acri bilioso mordaci succo, in ipso corpore genito, vel ab assumptis acrioribus, rotiva virtute præditis. Testatur enim experientia, post choleraam, vel vehementem iracundiam, item dysentericum morbum, longas sœpe & extitiales succrescere febres. Venena assumta stomachum cum intestinis corrodere, novit nemo non. De exulcerato stomacho a forti purgaante, cum maximo post cibum dolore, testis est *Bartholinus Cent. 6. hist. 21.* Idem faciunt emetica improviode data, ipsa salia amara purgantia, vel sola liberalius exquisitus fentiëtibus oblata, vel, uti imprudens quorundam consilium, acidulis indita adhuc & sumta. Sed difficulter hæ febres, quoad suas causas & sedem, dignoscuntur, & difficulter etiam sanationem admittunt. Nam læsis arrofisque ex parte intestinorum tunicis, omne quod assumentur, præsertim salledine, aut acore imbutum, vel etiam mole nimium eadem male afficit, spasmus, eructationes rormina facit, alvus interdum laxa, interdum stricta est, corpus simul tabescit, mox horror & rigor, mox æstus, mox frigidus, mox calidus sudor tenet, cum celeri pulsu, ipsaque symptomata certis horis periodice redeunt & ingravescunt, quin nisi congruis remediis tempestive occurratur, morbus fit longus & capitalis.

§. XVI.

*Signa
lethalia
& mor-
tis cau-
sæ:* Cæterum lenta hæ & tabifica febres ex longis sunt morbis, qui ægros diu tenent, & pro constitutione corporis laborantis, modo citius, modo serius finem fortuntur. Lenta quidem, si tempestive occurritur, medicationem admittit, heclica autem raro & perse-

ta plane non. Mortis autem indicium in lethali heclica fuerunt, pulsuum continuo celeres & debiles iætus, summa appetitus & virium quoque maxima prostratio, ita ut laborantes nec corpus movere, nec in situ eretto permanere possint, facies Hippocratica, urina paqua, rubra, vel oleoginosa, sine sibilo emissâ, capillorum defluvium, alvi fluxus, sudor effusus, & pedum tumor, quippe quæ de succorum partim consumtione, partim colliquativa dissolutione testimonium præbent. Qui demum moriuntur, magnam & impervabilem viscerum labem post mortem disseceti exhibent. Quandoque enim adsumtientes cum amplis cavitatibus in visceribus abscessus, in pulmone, mesenterio, hepate & pancreate, quandoque etiam in utero, ventriculo, renibus, nec non membranis peritonæi, abscessus deprehenduntur, vel magni tumores scirrhosi, aut ingentis magnitudinis steatomata; quandoque etiam tumores glandularum in mesenterio, vel tubercula & vomicæ in pulmonibus, hepatis quoque lienis, vel pancreaticis scirrhescientia, omenti & intestinorum sphacelationes & putrium humorum extravasations in interaneis offenduntur.

C U R A T I O.

Cum

*Cautelis & Observationibus
clinicis.*

§. I.

Quam variæ tabidarum febrium curatie sint causæ, variæ sedes, hæ primo *lente* omnium recte investigandæ, & iisdem *ex crux* medicatio accommodanda. Igitur *ditatiæ* quando ex prava digestione & inde enatis crudis ac lenti primarum viarum succis, post morbos febri ejusmodi succrescit, cognoscenda ex languore, interno æstu, continua ad tudandum proclivitate, in volis ma-
num

nuum præſertim ac plantis pedum, eo dirigenda curatio, ut prima regio a ſordibus, febris ſomite, liberetur. Perfici potest hoc pro circumſtantiarum ratione leni emetico, quale præbet radix hypocacuanæ, in pulvere, aut inuſo data, & teſtatur *Lindanus*, ſe uno vomitorio, & hinc cum elixir proprietatis, intra quatuor dies, curaffe heclicam. Si autem præſtat materiam vitiouſam per os inferius edere, ſimulque digeſtioni proſpicere, ex uſu ſunt ſalia ſic dicta neutra, digeſtiva, terra ſelicet foliata tartari, nitrum antimo- niatum, ſal polychreſtum, tartarus vi- triolatus, ſolutio oculorum cancri, ſal Sedliſce, vel ſola, vel cum dimidia parte pulveriſ rhabarbari eleſti mixta, parcius, ſed crebrius, cum ſufficienti veſiculo oblata. Eandem blande la- xantem ſimulque egregie roborantem virtutem habent pilulae balsamicæ, a *Bechero* dicta, quæ ea propter utiliter aliquoties, ſed minori doſi, deglutiendæ. Ex purgato autem alimentari ca- nali, ſubjugenda poſtea analectica & ſtomachica, inter quæ p̄ reliquis com- mendamus effientiam chaccarillæ & gentianæ rubræ, item elixir noſtrum ſtomachale cum ſpiritu ſalis, aut nitri dulci, paullo ante cibum quotidie fu- menda, non negleſto commodo cor- poris motu & ſalubri potu, præcipuo harum febrium præſidio.

§. II.

Poſt morbos & febres ſuppref- jas. Eadem haec medendi methodus ap- prime eſt accommoda in principio il- larum glſcentium febrium, quæ poſt intempeſtive opprefſas intermitten- tes, aut ſoffocatas præpoſtere harum recidivas obrepunt. Si autem hiſ no- liſ diſcedere lenta febris, optimum eſt conſilium, ut ipla prior febris reuſcitur, tanto magis ſi ſuſpicio eſt infarctus viſcerum & meſenterii, ut in cacheclieſ & hypochondriacis. Prifta jam haec fuit *Celsi* methodus, quam lib. 3. cap. 9. deſcribit: in hoc caſu cura *Medici* eſſe debet, ut morbum mutet. Fortaffe enim

curationi opportunior fiet. Sæpe igitur ex aqua frigida, cui oleum ſit adjectum, corpus ejus per traſtandum eſt, quoniam interdum ſic evenit, ut horroſus oriatur, & fiat initium quoddam novi motus. At, pergit, ſi diu frigus eſt, & torpor, & ja- Etatio corporis, non alienum eſt, in ipſa febre dare mulſi tres aut quatuor cyathos, vel cum cibo vinum bene dilutum. Intenditur enim ſæpe ex eo febris, & major ortus calor, ſimul & priora tollit mala, & ſpem remiſſionis, in que ea cu- rationis, ostendit. Sed, concludit, eſt cir- cumſpecti hominis, & novare interdum, & augere morbum, & febres accendere, quia curationem, ubi id, quod eſt non re- cipit, potest recipere id, quod futurum eſt. Nam ſicuti auctior ſanguinis circulus in intermitten- te ſequiſ ſepiuſ optima eſt medicina cauſæ, quæ febrem efficit: ſic etiam lentæ febriſ cauſam, quæ fre- quentiffime latibulis partium ſolidarum, glandulis maxime & vaſis me- ſaraiſis, altius in fixa eſt, expedit ac tol- lit. Hinc ſi intermittenibus, præſertim quotidiane ſuccedit lenta febris, inter- mittens mox revocata, quod aliquoties a vento boreali, alpero, lumbis liberius admiſſo, accidiſſe novi, calor intensior redditus, adhibitis ſimul congruis inci- dentibus & temperantibus remediiſ, morbum cum tempore ex voto ſolvit.

§. III.

Quando in plethorico-cacochymi- *Ex vici- hypo- chon- driacu-*
cis, cacheclieſis ſcorbuticis, a menſium, vel hæmorrhoidum obſtructione, ni- mia voracitate, mala diæta, potuum ſpirituſorum abuſu corporiſque re- frigeratione, lenteſcentes haec febres ob- boruntur, alia medendi via incun- da, & uſurpanda ea, quæ viſcera ſanguinea, hepar, lien, meſenterium, vaſa & glandulas ab obſtru- ctione liberant, & expeditum ſanguiniſ & humorum per abdominis, & maxime meſenterii vaſa, commea- tum procurant. Hunc in finem ſpe- ciatæ virtutis aquarum mineralium, tam acidularum, quam thermalium, uſus.

us. Ipse ego longo usu & experientia edoc^tus scribo, quod ad eradicandos ejusmodi lento^s morbos, non certius deprehenderim auxilium, fontibus medicatis, & idem proprio exemplo confirmat *Thoncrus observ.* pag. 173. Præ reliquis autem hoc nomine salubritatis laudem ferunt, ex thermis Emsenses & Wisbadenses, ex acidulis Schvvalbacenses & Selteranæ. Opus tamen est, ut debito ordine, tempore, ac dosi usurpentur, junctis simul idoneis remediis, que digestionem juvant, spurcis corporis lucis temperatam baileamicam indolem reddunt, & sordium e corpore egressum secundant. Ubi autem salubrium harum aquarum copia non datur, surroganda alia similis virtutis præsidia. Ego quidem loco illarum s^pæ cum fructu usus sum decocto ex juscule carnis vitulinæ tenui, cum radice cichorei, fœniculi, asparagi, graminis, taraxaci & scorzonerae, ita quidem, ut quotidie ejus mensuram, per aliquot hebdomades bibere jusserim, & ante potum assumere medicamentum martiale probe elaboratum, cuius generis suggerit tintura martialis cum succo pomorum Borsdorffianorum, cynodiorum, nec non aurantiorum, item tintura martis *Zwölferi*, ex vitriolo martis & terra foliata tartari cum spiritu vini extracta, nec non tintura florum salis ammoniaci martialium, qui cum hæmatite parantur, si cum spiritu vini purissimo, vel melius corticibus aurantiorum imbuto, in tinturam aurei coloris, saporis gratissimi, virtutis præstantissimæ extrahantur. Sed necessarium est, ut tum sub horum, tum aquarum medicatarum usu, exquisita vivend^ratio & salubris diæta accedat, simulque corporis motus imperet.

§. IV.

*Ab ero-**fione**ventri**culti &**intesti-**nerum.*

Quæ ab intestinorum & ventriculi erosione accidit febris lenta tabescens, omnia acris salsa, acida, stimulantia, ecu^r venenum experitur, ipsum Rhena-

num vinum propter acorem non fert, dulcia etiam & fermentescibilia, nec non omnes difficultoris solutionis cibi eandem exarcebāt. Curatio vero diffilimia est, nec alia poscit, quam demulcentia & roborantia. Ego aliquoties decoctum laetis cum ligno saffras & cascarilla cortice, aut floribus chamomillæ & summitatibus millefolii, quotidie ad mensuram potum profecitie novi. Tum quoque radices althæ & juscula cum oryza & lacte decocta proficiunt, tragacantha etiam cum aqua mentha soluta. Conducunt præterea clysteres ex lacte, cum vitello ovi, terebinthina & melle, aut aliis emollientes cum syrupo de althæ *Fernelii*. Et quando spasmī simul in abdomen urgent, egregie eosdem demulcent pilulæ nobis usitatæ, antispasmodicæ, ex extracto chamomillæ, millefolii, oleo nucistaræ, extracto croci & castorei.

§. V.

Porro gliscens illa & tabifica febris, *A suc:*
quæ oritur in iis, qui diurno animi *corum*
affectu, mœrore, cura, nimio labore, *& vi-*
vigilia, inedia, crebro & intempestivo *rium*
veneris exercitio, a nimia salivatione, *defectu-*
a fluore albo & gonorrhœa diurna,
ab effusori alvi profluvio, lactatione
nimia, ulceribus multum purulenta
materiæ plorantibus, & vires & roscidos
succos perdiderunt, omnia sanguinem
commoventia, & alvum stimulantia,
motum etiam corporis impensiorem,
alimenta quoque gravis
materiæ nimiumque, ut ita dicam,
substantifera, interdicit, & poscit potius
animi corporisque quietem, alimenta & medicamenta temperatoria,
quæ acrimoniam demulcent, calorem
restinguant, blande nutrunt, & vires
labentes refuellant. Horum in numero
sunt emulsiones ex amygdalis
dulcibus, pineis, seminibus quatuor:
frigidis majoribus, cum decocto cornu
cervi, aqua rosarum & cinnamomicy-
doniata confectæ, lac asinum &

muliebre solum, aut caprillum, vel vaccinum decoctum, cum succo canerorum fluviatilium, jus pulli cum ptisana mixtum, ptisana decocta cum canceris fluviatilibus, vel etiam testudinibus nemorosis contusis, ex commendatione potissimum *Amati Lusitanii Cent. 2. cur. 53.* qui curavit heclicum per pullorum gallinaceorum testudinibus nemoralibus saginat orum usum, & lactis asinini potum. Sunt qui ostreas commendant, si stomachus fert, & confirmat hoc notabili exemplo virginis viginti annorum ex pulmonum labo heclica, *Lindanus, supra Hartmannum,* quæ largo & diurno ostrearum esu, tam perfecte convalevit, ut postea diu supervixerit & octo liberos pepererit. Vinum non nisi modice concedatur, & hoc quidem Necarinum, aut Mosellanum, lymphatum. Accedat quoque motio corporis lenis, per gestationes & deambulationem lentam.

§. VI.

*Ab ine-
briani-
si um
spirituo-
forum
abusu.* Quando harum febrium origo est a nimio abusu liquorum inebriantium, vini, spiritus vini, aquarum sic dictarum vita, vini adusti, cerevisia quoque spirituosis, cum corporis contabescientia; tunc pariter vitentur omnia calefacientia, spirituosa, analectica, incidentia pituitam & stomachica, cum cerevisia potu, sed usurpetur loco potus decoctum avenaceum, methodo Lovveriana paratum, ex avena, radice cicchorei, floribus papaveris rhoeados & pauxillo nitri animoniati. Tum quoque utile serum lactis, cum pauxillo nitri, item lac ebutyrum, quibus mulum tribuunt *Piens de febr. part. II. pag. 61.* & *Barbatus de sangu. & sero pag. 110.* His etiam conducunt ptisana cum hordeo & cicchoreo, & affirmat *Borellus Cent. IV. obs. 89.* multos heclicos, tantum non desperatos, solo frequenti hordeorum usu, fuisse restitutos. Neque minus locum habere possunt emulsiones dilutiores, ac gelatinosa, cum succo citri condita.

§. VII.

Si, ut frequentius incidit, harum febrium origo in foeminis est a subita mensium suppressione, per potum frigidum, refrigerationem, aut terrorum, ocyssime vena pedis aperienda, & decoctum quoddam relolvens, ex radice cicchorei, herba sonchi, floribus bellidis minoris & lambuci propinandum, & omittenda omnia sortiora emmenagoga. Quod si autem prognata ab hac causa lenta vel heclica febris diu jam corpus rabe & fervore afflixit, neutiquam suadenda, sed potius interdicenda est sanguinis missio, quia vires nitium debilitat. Ubi etiam a partus tempore menses plane subsisterunt, & vera jam adest heclica, cum atrophia, tussi, diarrhaea, pectoris difficultate, universali corporis languore & calore lento consumente, non de remedis menses pellentibus cogitandum, sed symptomata contrarium potius indicant. Idem tenendum de illa tabifica debilitante febre, quæ a fluxu haemorrhoidali retento, aut obstruто, ortum ducit. Tum quippe, si vires & succi jam consumti, imprudens plane est molimen, ad evomendum fluxum evacuantibus & pellentibus aloeticis, aut sanguinis missione in pede uti. Observavi enim sanguinem valde fluidum & coccinei coloris fuisse evocatum, sed paulo post febrem accensam, vires prostratas, turbatum, & citius quam quidem fieri potuisset, ad lethalem eventum mortuum promotum.

§. VIII.

Quæ senibus solennis heclica, malasmus dicta, melius avertitur, quam curatur. Quæ vero attentâ observatione constet, senes duplice ex causa tabifica febri implicari, scilicet vel ex plethora, sive potius sanguine & crasto, & copioso, abdominis viscera ipsi in que metenterium infarciente & obstruente, vel ex cacochymia, scilicet copia fæti in fæti falsi, ob insufficientem ipsis, maxime percutem, excretiōnem,

nem, ad binas has causas dirigenda utique cura præservatoria. Quod si itaque senex vita quietæ & sedentarij additus, appetitu tamen ciborum adhuc valens, omissa, vel plane neglecta sueta alias sanguinis missione, vel emanente eriam spontanea sanguinis excretione, & metus est, ne incurrat in lendum, continuum, debilitatem & tabefacientem calorem; id quam maxime agendum medico, ut sanguinis plenitudinem, tempestiva venæ sectione minuat, diluentes salubres potus largius bibere suadeat, abstinentiam a cibis nimium nutrientibus ac convenientem corporis motum serio injungat. Si vero senum succi impuris & a blanda naturali indole alienis particulis scatent; nihil aliud agendum, quam ut per clementissima laxantia, rhubarbarina, mannata & passulata, sordes, spurcitem humorum foventes, evocentur, & temperati roscidi succi rursus ingenerentur, per usum gelatinatum & lacticinia, maximeque asinum lac, quod utique senili ætati, obdemulcentem, aperientem & leniter evacuantem facultatem, est saluberrimum.

§. IX.

Tabis infantilium ac puerili ætati infesta est ac funesta lentescens febris, remedica linquitur potissimum post variolas & morbillos, ventre stimul tumefacto, superioribus autem penitus contabescitibus, & in dissecatis eadem defunctis, mesenterium plerumque tumoribus duris, scirrhosis & steatomatibus, præsertim circa venas, quæ ad potram excurrunt, & pulmones tuberculis ac vomicis conspicuntur obseSSI. In hac consultius etiam mali insultum avertire, quam præsens abigere, quod nunquam non irritum esse solet atque frustraneum. Quæ autem tabes in infantibus ortum trahit ex nimia voraciitate, sive addiphagia & refrigeratione corporis, medicationem admittit. Ego quidem non certius in hac novi auxilium, quam externe usum balneorum

aqua dulcis temperatorum, aliquan- diu continuatum, & interne, ad expe- diendas obstructions glandularum, venarum mesaraicarum & lactearum, crebriorem, sed parciorum usum liquo- ris salini aperitivi, ex sale tartari, nitro arcano duplicato, & quali pondere mix- tis, & addita dimidia parte salis ammo- niaci, cerevisiæ potandæ instillati.

§. X.

In omni autem hectica haud postre- *Lac us- tile est.*
ma eo tendit indicatio, ut roscidum il- lud humidum, quod calor continuus non modo ex sanguine, sed etiam ex tubulis solidis, & una cum hoc ipsam tandem carnem atque pinguedinem absomit, resarcitur. Huic scopo quam maxime satisfaciunt, alimenta medicinali simul virtute in- structa, inter quæ palmam fert lac ipsum. Nam priscum est Hippocratis Sect. 5. aph. 64. præceptum: conve- nit lac exhibere tabescientibus, non valde multum febrentibus, & in fe- bribus longis, & debilibus, & præ- ter rationem consumtis. Optimum hu- manum, quod promtius consumtum restituit humidum & calorem extin- guit, idque ex mammillis suetum, ne ab aere vitietur, quo hecticam cura- tam esse, fidem facit Forestus lib. 5. obs. 10. Asinum minus quidem nutrit, sed magis refrigerat, calorem temperat, abstergit, & aperit, ejusque præstabilem facultatem laudat mirifice Ballonius lib. 1. pag. 236. in- tegro consilio pro illustri Principe, qui pronus erat ad tabem. Cardanus fol. 323. dubium non est, ait, quin tota sanitas tabidi consistat in adhibi- tione lactis asinini. Et Aretæus lib. 2. de cur. acut. tabis curam ita instituere suadet: si quis in tabem prolabitur, tunc terendum tempus non ea quiete & vittu tenut, sed æger ad motiones tra- ducebundus, per gestiones, frictiones, & lavacra, quo vitæ residuum a mor- te vindicetur, augeatur & recreetur. Propinandum vero etiam est lac, ma- xime

xime mulieris, quæ proxime peperit puerumque nutrit. Hi namque alimento, ut nuper in lucem editi pueri, regent. Si lactis humani copia non datur, asinæ, quæ non pridem peperit, lac accipito. Tenue est enim & fluxile hujusmodi lac. Efficacius nutrit caprillum & vaccinum, sed gravius est, multumque caseosæ substantiæ habet, ideoque ne ventriculum male afficiat, corrigendum.

§. XI.

*Quæ me
shado sit
tisla te utendi methodus, quam de in-
usurpæ-
dum.* Mihi præ reliquis placuit Hippocra-

tisla te utendi methodus, quam de in-

tern. affect. pag. 209. sic tradidit: dan-

dum est & lac asinum coctum ad sup-

purationem, bibat etiam crudum lac

bubulum, tertia aque mulse parte ad-

mixtum, per 45. dies, admixto etiam ori-

gano. Recte enim gravis hic auctor

passim ad lenem purgationem com-

mendat lac asinum coctum, quia sal

ipsi inest dulce instar sacchari, abster-

gens leniter & laxans, quod coctione

diffato humido, concentratur magis.

Origanum autem adjicere præcepit

procul dubio ad roborandum stoma-

chum & genus nervosum debilitatum.

Ego, si lac asinum haberi nequit, ita

lactis curam adornare soleo, ut præci-

piam primum, per duos, vel tres dies

mane potare lac e vaccis herbis recen-

tibus & appropriatis pastis multum, ad

libram unam, in qua uncia manna, aut

sacchari rosati, vel conservæ rosarum

dissoluta. Dein mensuram solius lactis

quotidie bibere præcipio, addendo sac-

chari unciam dimid iam & nitri drach-

ma dimidiæ. Pro circumstantiarum

ratione, præfertim ubi suspicio labis in

mesenterio, aut exulcerationis in vis-

cere interno, lacti confundo ad dimi-

dias, vel tertias, aquam, aut puram

fontanam, aut longe melius Selterna-

nam mineralem. Hac vero deficiente,

aquam communem infundere suadeo

cum veronica, soncho, pulmonaria, he-

patica, musco pulmonario, tussilagine,

hedera terrestri, scolopendrio, capillis

veneris, floribus hyperici & rosarum.

Tom. IV.

& infusum hoc cum tantundem lactis;

vel caprilli, vel bubuli calide bibere,

adjecto saccharo, & pro meliori absti-

sione, aliquot guttis olei tartari per de-

liquium. Cura hæc minimum per sex

hebdomades continua, ac interea

vitanda omnia, quæ stomachum gra-

vant, debilitant & lac coagulant. Vi-

num quoque ex toto circumcidendu-

m, & non aliud ad stomachum fo-

vendum concedendum, quam parcum

Hungaricum, aut mulsum ex melle

Borufico confectionum.

§. XII.

Antequam tamen cura lactis insti. Et sub-
tuatur, videndum est, an ventriculus quibus
illud ferre possit. Sunt enim nonnulli, caute,
qui lac a natura penitus aversantur.
Notavi etiam, quod qui diætæ vinose
dediti, cerevisiam largius potant, lac
commode ferre nequeant. Neque ac-
commodum est hypochondriacis, ne-
que si febris vehementissima & cepha-
lalgia juncta. Si stomachus languidus
& obstructa mesaraica vasa, corrumpi-
tur, facile in vappam abit, magna que
creat incommoda. Videndum igitur
ne in ventriculo desideat, ad quod a-
vertendum, Galenus lib. 10. simpl. me-
dic. præcipit, ut coquatur, & chalybs i-
gnitus, aut silices candentes, injiciantur.
Tutissimum autem lac asinum,
sero plus redundans, minusque caseosæ
substantiæ habens, quod etiam Galen-
nus in hec tica præfert; cuius saluber-
iam virtutem peculiari dissertatione,
de mirabilis lactis asinini usu in me-
dendo excussum. Quod si tamen asinini
lactis copia non est, substitui potest se-
rum lactis dulce, methodo a nobis de-
scripta in dissertatione de seri lactis
virtute longe saluberrima paratum.
Sunt etiam, qui lactis serum in B. M.
destillant, & prolectam destillatione a-
quam mirifice dilaudant, tam potam,
quam loco vehiculi assumendorum
medicamentorum.

V

§. XIII.

§. XIII.

Adstringentia & tenter robora. sia pro fuit. Porro in hisce suspectis febribus providendum, ut crasis & mixtio ipsius sanguinis, ab intima dissolutione & colliguatione elementorum, quam continuus calor minatur, vindicetur & æquilibrium inter calidum, & humidum conservetur. Hunc in finem salubria, a medicis passim laudata leniora adstringentia & roborantia. Celebres hoc nomine tinturæ, sive potius solutiones coralliorum, aut matris perlarm, cum acido subtili & naturæ amico, uti est succus citri, berberum, aurantiorum, vel pomorum Chinensium. Utilis quoque tintura rosarum, cum aqua rosarum, & phlegmate vitrioli parata. Quæ leniter adstringunt & roborant, sunt species de hyacintho, quæ cum aliquot granis coralliorum, & nitri, colliquatios sudores egregie compescunt. Magnæ etiam virtutis elixir nostrum balsamicum temperatum ex gummatibus resinosis temperatis, & extractis, sine vini spiritu paratum. Nec omittendus chaccarilla, & ipse quoque chinæ cortex, si cum syrupo acetositatis citri, aut nucis Indicæ, adjecto nitro, in electuarii formam redigitur. Proficit etiam bolus rubra fabrica, cum conserva, vel julepo rosarum subacta. Hæc enim omnia ad levandas ejusmodi lentes febres, si prius humorum & viarum vitio prospectum, eximiæ virtutis, eorumque rectus usus merito commendandus. Quin novi plures, & hecticos, & phthisicos, his diu fuisse servatos.

§. XIV.

Non saturnina, metalli- ca. Quæ autem a chymiatris ad hecticum calorem, & adversus sudores passim laudantur saturnina, encomia minus iustinent, sed propter metallicam, adstrictivam, nervis inimicam virtutem, tono ventriculi, & intestinorum sunt contraria, & certius ac plus nocent, quam profund. Hinc rejiciendum saturni saccharum, & quæ præ omnibus celebratur, parata ex hoc antiph-

thistica tintura Grammanni. Antihecticum vero Poterii, si rite ex stanno puro, nitro & antimonio paratur, & cum emulsionibus datur, non tam noxiū est, ut quidam putant, sed ob blandam roborantem diaphoreticam virtutem, utile omnino. Neque enim stannum, propter blandum quod sovet sulphur, nervis est inimicum, nec adstrictivum, uti quidem plumbum. Gravis de salutari facultate antihecticæ hujus testis est Muraltus disertis verbis in M N C. Dec. 2. An. 1. obs. 109. ita scribens: diaphoreticum joviale, sive antihecticum Poterii, ad demulcentiam acriditudinem humorum matricem, & nervos irritantium, mirum quantum valet. Idem uerum corroborat, sive ex emaciatis & debilibus, quadratos & robustos facit.

§. XV.

Balneorum in hecticis & lentiſ frequens, præsertim apud veteres, commendatio. *Balnei. rū usus atque utilitas.* Sennertus ex Galeno methodum iisdem utendi pluribus exhibet. Instar omnium vero de eorum vario usu, locus est Alpini, de Med. meth. lib. 6. dignus, qui totus huc transcribatur. De externis, scribit, medicamentis balnea convenient, ex aqua dulci, aut ex aqua alterata althæa, malva, violis, & aliis similibus. In Ægypto ex lacte asinino & camelino, vel equino, balnea tepida instituunt pro Magnatibus, Epithemata itidem atque inunctiones commendantur. Ex balneis tepida convenient atque frigida. Illa humectant solidas partes, fuligines, sumidaque excrementa digerunt, corpusque recte transpirabile reddunt, & remissa caliditate, etiam calorem hebetant. Hec refrigerant, cutim densant, virtutem, calorem augendo, roborant. Sed non in excarnibus corporibus & valde prælanguidis, tutum erit, uti admodum frigidis balneis, quando nedum hæc calorem augebunt, sed quinimum prælanguidum extinguent. In robustis vero erunt utilissima. Robusti his in die, scilicet mane, & vesperi, ante cibum, hisce balneis uten-

atentur, semel vero debiles . Nonnulli non vehementer frigida balnea, sed lenissimæ frigiditatis, utiliora & magis tuta esse volunt. Ideoque primum ægrotos in balneum temperate calidum ducunt, & mox in leviter frigidum, ita ut tepidum potius sit, sive leviuscule frigidum. Egyptii & Arabes uti solent balneis ex aqua Nili fluminis, ex lacte camelino, vel equino asinino, vel caprino; item thoraci, hepatici, ventriculo, renibus, ex latte, oleo violato rosatoque tepido, aut ex succo lactucæ, juncis, endiviae, portulacæ, polygoni, lenticulae palustris, nenupharis & similium, cum modico laetis & croci, ad penetrationem, admixcent epithemata . Sed tenendum omnino in genere de balneis, eadem comode habere locum in principio morbi, & quando a viribus fractis pendet, neconon in lenta infantum febre, quia emolliunt, demulcent, rigidas fibras laxant, & simul humectant; nihil autem proficiunt in progressu morbi, siue putredo, abscessus, & exulceratio interna jam praesto sunt.

§. XVI.

Motus sommæ. Ex præcipuis veteres & molestas has febres expugnandi præsidii est motus corporisque exercitatio. Veteres jam, Hippocrates, & Aretæus, in tabe curanda mirifice commendarunt varia motuum genera, deambulationem, vecturam, gestationem, peregrinationem & navigationem, quin Hippocrates lib. de intern. affect. §. 34. pag. 238. præcipit: si quis validus fuerit, per triginta dies ad ligna secunda ablegetur, & summis humeris luctetur, & interdu deambulet, & vesperi dormiat. Sed saluberrima & accommodissima motus species equitatio, aut vectura in curru, quibus, perpetua corporis succussatione, sanguinis progressus per mesenterium egregie adjuvatur. Multi in primis sunt in laudanda equitationis utilitate celeberrimi Angli, Sydenham & Morton. Ille quidem opp. pag. 524. & 781. non vere cura affirmare, equitationem esse in he-

ctica & phthisi specificum sine pari, eoque certius, quo neque mercurius in lue venerea, neque cortex Peruvianus in febribus intermittentibus, efficacius aut certius. Et Morton, ex exercit. de phthis. pag. 26. ita graphicè differit: nullum magis convenientis remedium, quam quotidiana ad moderatorusque sudores protracta equitatio est, in febribus lentis, hecticis, ex vito maxime ventriculi, ex perversa forte febrium intermittentium tractatione, nimio intemperivoque fingenium, præcipitantium & adstringentium abusu, frigido potu calenti corpori superfluo &c. quorum præternaturalis æstus corporis laudabiles succos depascit, ex ventriculi, & intestinorum saburra acida, lenta simul, & viscida, meatus obstruente præter naturam; ut poterat, qua viscosus lento, sive effatus chylus, qui vasa, & habitum corporis jam infarcit, & aquabili succussione discontinuit, excernitur, ut appetitus iterum restituatur, novus chylus laudabilis & copiosior elaboretur. Expedit tamen innuere, in lentis auctam, & frequenter apprime utilem esse, in hecticis vero strictè sic dictis moderatorior sit.

§. XVII.

Tandem, quicquid in lentis his & subvetabidis præstandum, id mature facientium omne. Neglecta enim hac opportunitate, accidente medentis, vel laborantis errore, & morbo diutius protracto, irrita prorsus atque frustranea est medicatio, & fere semper in hecticam transitus fit lethalem. Qui autem his febribus jam detinentur, autumno semper pejus habent, ob languidorem naturæ in actibus secretoriis, & deputatoriis virtutem. Quin, quia circa & quinoctia ordinario subitæ insalubres fiunt aeris & cœli mutationes, plerumque tum non modo gravius ægrotant, sed & decadunt hecticæ incurabiles. Igitur necessarium est, ut circa hæc tempora exactam victus servent rationem, animum tranquillum habeant, aeris injurias vitent, & a medico quoque consilium petant.

ENARRATIONES
MORBORUM.

OBSERVATIO I.

Lenta febris in febribus, in bibulo, repetens in phtis, in transitis, tunc talem. Vir quadragenario major, phlegmatico-sanguineus, a multis jam annis curava, etem indulserat, modo cerevisiam, modo vinum, modo vini spiritum bibens, parum vero appetens. A duobus autem mensibus valida affectus erat tussi, somnum omnem arreente, cum intenso astu vesperi ingravescente, agra spiratione, viuum dejectione & corporis consumtione, nec non copioso per tussim muci screatu. Meum per literas exquireret consilium, sed nolui prius manum admoveare, ut non facile soleo in longis ejusmodi & desperatis morbis, & qui jam varia medicorum artificia experti. Quum autem intercederet vir honoratus, mihi amicissimus, suasi, ut biberet cerevisiam medicatam hanc: recipe herba hepaticæ, pulmonaria, hederæ terrestris, scabiosæ, cardui benedicti, veronica, agrimoniae, tussilaginis, musci pulmonarii, florum hyperici ana manipulos duos, rhabarbari uncias duas. M. conc. indantur sacculo, & ad fermentationem suspendantur in quinquaginta mensuris cerevisiæ recentis. Exhibui quoque pulverem ex matre perlarum, antihectico Poterii, lapidibus cancerorum & nitro, cum emulsione dilutiori ex amygdalis & pineis. Dedi porro consilium, ut largiter sorbillaret juscula tenuia, ex carne vitulina, cum radice scorzonerae & eichorei decocta. His per aliquot hecmodates usurpati, nunciatum mihi, egregium accessisse levamen. Hinc suasi, ut usui insisteret adhuc per mensem, quo etiam cum periculo morbo in gratiam rediit. Sed quum suetum vitæ genus bibulum nihilosecius sectaretur, multisque domesticis curis afficeretur, anno cir-

cumacto, post gravem iram incidit in hæmoptysin, quam sequuta phthisis, hectica, tandemque mors.

Epicrisis.

Qui ex nimio potu sibi phthisicum & hecticum morbum contraxerunt, omne lactis genus fastidiunt. Hinc in nostro concessi quidem cerevisiam, sed medicatam, per herbas leniter roborantes, balsamicas, consolidantes & sanguinem purificantes. Hac igitur labes viscerum, maximeque pulmonum atonia sublata. Sæpe enim hecticum hoc malum in principio a sola atonia pendet, sub qua & secretiones, & excretiones rite succedere nequeunt impuritatum, largius ab ejusmodi bibulis heroibus collectarum. Et profecto ego testari possum, quod decocta ejusmodi specierum, ex aqua, vel cerevisia, addito quandoque melle, in chronicis ejusmodi lentis febribus præstiterint mira, si modo aliquamdia continuata, quin longe plus, quam pretiosa, singulari arte & labore confecta. Sed promitus omnino mali recursus, nisi exacta vitæ virtusque ratione arceatur, & viscerum imbecillitas penitus emendetur.

OBSERVATIO II.

Hectica phthisica inueniens curata. Juvenis literarum studiosissimus, ob teneram a nativitate corporis constitutionem, in catarrhosas defluxiones, diarrhoeas, tusses, phthisin etiam pronus, animo quoque admodum sensibilis, tempore vernali affiebatur tussi ferina, tum epidemia, primum sicca, dein humida, cum interno astu, intercurrente horripillatione, & accidente virium, ob somni defectum, prostratione. Dabantur leniora laxantia, mannata, rhabarbarina, linctus pectorales, pulveres item & elixiria pectoralia, sed sine singulari levamine. Exactis sic sex & phribus

ribus hebdomadibus, hec̄tico imminere vīsa; hinc ſuā p̄ſanā, ex rasura cornū cervi, radice ſcorzoneræ, hordeo mundo ac ſemine ſceniculi, cum æquali parte lactis bubuli, potum quotidie ad mensuram, ita ut mane dimidiā, & pomeridie iterum dimidiā biberet. Sed æger, quo plus, eo melius, putans, quotidie vel duas mensuras ingurgitavit, ventriculo tamen adhuc firmo, haud male. Sumuit quoque subinde pulverem ex ſpermate ceti, lapidibus cancrorum, floribus ſulphuris, ſaccharo & pauxillo nitri. His paucis & euporiftis tantum profectum, ut notabile paulo post ſentiret auxilium. Senim poſtea ſymptomata diſceſerunt omnia, tuſſis placata, & ſtus reſtinetus, & appetitus cum ſomno rediit.

Epicrisis.

Non penitus, ſicut in hydropico, ſic etiam in hec̄tico malo, desperandum eſt, ſi vitium fluidorum nondum tranſit in labem & corruptionem iſorum viſcerum, inflammationem ſcilicet, ulcerationem, aut ſcrrhum. Felix igitur eſt medicus, qui hæc bene cognoscit. Sic enim curationem bonis avibus uſcipere potest, que, ſi feliciter cedit, famam & gloriam inde reportat. Magna adverſus diſſiciles & longos morbos facultas in ejusmodi temperatis, euporiftis domesticis, diluentibus & humectantibus remediis, quin longe præſtabilior, quam in pharmaceuticaliſ cunctis. Medici in eo plerumque delinquent, quod ſi tuſſis humida valida ad eſt, phthiſiſ eſſe putant, eaque propter pectoralia multa adhibent, quum tamen ſaepē ſola humorum acrimonia, horumque ad pulmones remiſſos decubitus, cauſa ſi tuſſis veheſtentioris cum ſcreatu copioſo, & dulcia pingua rela xantia ob id plus noceant, quam proſint. Lactis autem cum aqua diu continuato uſu, veteres jam Hippocrates & Aretaeus, tabem perſanarunt. Exſtat quoque in M.N.C. Dec. 2. An. 9. obs. 189. de viro hec̄tico desperato viſo

Tom. IV.

solo potu aquæ frigidæ curato, obſer-
vatio Burgii, qui parentis mei anno
1664. fuit diſcipluſ, ipſiusque eſſi-
giem, clavi pharmaceuticaliſ p̄fixam,
carmine decoravit.

OBSERVATIO III.

Miles quidam, facile lividus, corpore *Mefem-*
macilentus, & languidus, pulſum ta- *terii*
men celerem cum quadam duritie ex- *abſcis-*
hibens, conquerebatur de alvi fluxu *fus di-*
per tres continuos mēſes iſum adeo *arrhes*
detinente, ut quotidie, octies, vel de- *Sanioſa*
cies, deſidere cogeretur, ſecedentibus *ſolutus.*
nonnunquam, ut naturaliter fieri ſolet,
excrementis, nonnunquam vero ſanioſa,
nonnunquam ſanguinolenta mate-
ria, ſine ſeybalis, appetentia ciborum
ſimil imminuta fauſibusque aridis. In-
quirenti in tam chronici mali cauſam,
reſpondit, ſe graviter aliquando in
ſinistro dorſi & thoraci latere verbe-
ribus eſſe percuſſum, ut locus etiam ſu-
gillatus comparuerit, & dolor ſucceſſerit impenſus, præterlapſis autem ali-
quot diebus, doluiſſe hypochondriū
liñiſtrum, ibique ſupra os ilei protube-
rare tumorem, aliquot hebdomades
ſubſiſtentem, donec obortis in ventre
torminibus, alvus ſponte fuerit ſoluta,
multaque ſanioſa, ſoſtida, atro etiam
ſanguine tincta, copioſis ſecefſerint de-
jectionibus. Ex eo quidem tumorem
uſuſiſſe, & dolorem quoque evanuiſſe, ſed diarrhoeam perfitiſſe, & adhuc
iſum mirum exercere ac vires abſu-
mere. Diſiſſus igitur eſt conſilio, ut
ſerum lactis dulce, noſtra methodo pa-
ratum quotidie ad mensuram unam,
nec non infuſum, ex ſcabiōſa, veroni-
ca, ſanicula, mentha, meliſſa, millefo-
lio, floribus hyperici & papaveris erra-
tici frequentius potaret. Quibus etiam
effectum, ut poſt aliquothēbdomadum
decurſum rediens, gratus proſtitetur,
parciores longe eſſe dejectiones, tor-
pus vegetius, meliora omnia, nec de
perfecta impetranda ſanitate dubium.

Epicrisis.

Nullum certe est dubium, quin in hoc abscessus fuerit in mesenterii compage obortus, qui demum ruptus, effudit in intestinorum cavum faniem & cruentem, per ani secessum excretum. Qui vero factum, ut a superiorum percussione, in abdominis penetralibus inductum apostema, disquisitione omnino dignum. Nos quidem ab impedita sanguinis in partibus plagiis gravius contusis circulatione, mali ducimus natales, unde factum, ut in homine plethorico sanguis majori copia fuerit delatus ad mesenterii diverticulum, ibidemque collectus, demum putreficeretur coepit, & in abscessum concesserit. In mesenterio enim saepius oboriri stagnationem, si in remotoribus partibus sanguinis progressus interceptus, non novum. Ipsi novimus, hoc facto, mesenterium cum omento putre & sphacelatum fuisse inventum, vulnera lethali diaphragmati inflito, cruentem vasa mesenterii pertrusisse, & abdomen inundasse, & in asthmate spastico, a polypo in appensis cordi canalibus, mesenterium itidem sanguine multo oppletum, vasa ipsius distenta partim, partim plane disrupta, compa-ruisse.

OBSERVATIO IV.

*Hæctica
phthifis-
ca le-
thalis.*

Vir erat macilentæ & cholericæ constitutionis, qui ex hæreditaria quadam & nativa dispositione pulmonum alebat vitium, ac præterea ob nimias lucubrationes vitamque nimis sedentariam, variasque animi ex ira commotiones, corporis & stomachi sibi contraxerat imbecillitatem. Hic ab aliquot jam annis magnam pituitæ viscidæ copiam screatu ejecerat, hæcque ejectio mirum demum copia increvit, & per duos fere menses, cum lenta febre, spirandi difficultate, viriumque jactura, nec non exquisito sub urinæ emissione ardore, duravit. Tum quidem æger emulsionibus, jusculis medi-

catis & decoctis demulcentibus, interpositis clementer alvum laxantibus, cum sanitate in gratiam redit; exato vero circiter anno, eidem malo denuo implicitus est. Alium igitur in consilium adscivit medicum, qui, licet semper adfuisse anxia respiratio, tussim tamen non phthifical, sed ex stomacho æstuante & hypochondriacum symptoma esse judicavit, putavitque cessatura omnia, si tempestivus prodiret hæmorrhoidum fluxus. Variis demum incassum adhibitis, de vena secunda consilium dedit, floridumque e pede extraxit sanguinem. Sed eodem adhuc die vesperi ægrum horror per universum corpus incessit, subsequente intenso æstu, nocte insomni, virium jactura gravi, & perfecta accessit hæctica, qua etiam e vita mepte Martio di-cessit.

Epicrisis.

Qui ex parentibus phthifical geniti sunt, iis per totam fere vitam semper debilis corporis constitutio, ut languescat ventriculi digestio, & ipsi in catarrhos, ex levieri aeris vizio, lento cum calore, proni sint quin facilissime, nisi regimen circa non naturalium rerum usum exquisite obseruant, in phthifis & hæcticam incident. Hic æger, Collega & amicus noster, valetudinariam diu duxit vitam, & aliquoties circa æquinoctia phthifical tussi cum febre laboravit; Dei tamen auxilio, datorum a nobis remediorum ope, convaluit. Tandem vero se commisit medico, qui perfectam morbi curationem brevi pollicitus est. Et quum a plethora & hæmorrhoidum fluxu impedito omnia pathemata pullulare putaret, a venæ sectione cepit initium, sed male hæc cessit. Inde enim mox pessime habuit, & in phthifical hæcticamque incidit tussim lethalem, frustra omnibus datis remediis. Discant igitur, qui plethoram ubique crepat, in debili & hæctico corpore nunquam urallem esse venæ sectionem & salutarem, quia per continuum calorem sanguis jam consumtus, & succi potius

in-

ingnendi sunt, quam subtrahiendi. Sed plura in similibus casibus notavi delicta. Obversatur adhuc animo exemplum serenissima personæ, vix vigesimum ætatis annum egressæ, quæ a matre phthisica genita & ipsa phthisi periit. Nimirum quum ex puerperio novissime superato admodum debilis, in curru aperto, incitato equorum cursu per aliquot horas vecta, aerem valde frigidum, vento agitatum, ad pectus admisisset, mox de catarrhis, tussi anhelosa, sicca, lassitudine corporis & sudore nocturno conquesita est. Medicus catarrialem febrem esse autumans, pectoralia opposuit dulcia, in dies vero hæc symptomata & calor consumens vires, creverunt. Hinc quia menses nondum iterum prodierant, venam incidere suavit, quo longe debilior facta, & placide haud ita multo post ex hac vita decessit. Errant igitur medici vehementer, qui nullum discriminem faciunt inter mensium obstructionem, quæ a copia sanguinis & infarctu viscerum est, ubi venæ sectio juvat, & inter eam, quæ ex sanguinis defectu venit, ut sit in phthisi & heclica, ubi utique sanguinem detrahere, qui ordinarie deficit in heclicis, nil aliud est, ac mortem promovere.

OBSERVATIO V.

Hæclica. Vir illustris, Regi a consiliis, quæ me fenterii abcessu diarrhoea purulenta soluta: dragenario major, natura longus & macilentus, hypochondriacis patetibus, & parciori hemorrhoidum fluxui obnoxius, postiram vehementiorem, persensit totius corporis lan. guorem, cum dolore pressorio, circa primam lumborum vertebram, abdōni i. istominibus, æstu interno, vesperi invalecente, inapparentia, alvo simul clausa & flatibus ructibusque ad superiora regurgitantibus. Secta fuit vena, & dati pulveres digestivi, absorbentes atque nitrosi: nihil tamen opis allatum. Ventris potius dolores cum æstu interno increverunt, carnes

ac vires consumserunt, interdum abdomen mirum intumuit a flatibus, & præcordia tenuit anxietas summa. Sic duos exegit menses, multisque medicis & medicamentis usus, hecticus visus fuit, tantum non conclamatus. Ipsa tamen natura tandem curationis aperuit viam, secedente per alvum materia saniosa multa, quæ etiam apparuit in urina. Hoc facto, calor quidem & dolor factus mitior, appetitus quoque instauratus. Sed quia purulentus hic aivi fluxus, longius quam per tres menses successit, cum insigni virium debilitate corporisque marcore, indicium præbuit hand fallax grandis in mesenterio abscessus. Interim quum æger exquisitam diætam servaret, jucula gelatinosa, lac asinum, bubulum cum herbis vulnerariis coctum, & caprillum cum Selteranis mixtum, potaret, simulque pulverem ex semine lycopodii, musco pulmonario, urtica mortua, tussilagine, semine cymini, nucista & saccharo, in emulsione ex amygdalis & pineis subinde sumeret, factum est, ut sensim vires redirent, ejactio materie per alvum ac tussim minueretur, & ipse, præter spem omnium, convalesceret, injuncto postmodum vixu exacto & regime congruo.

Epicrisis.

Hypochondriaci & hemorrhoidarii in mesenteriis morbos, inflammations & abscessus delabuntur facile. In his enim jam tum mesaraica vasa sanguine farcta, & humoribus sunt distensa, tardissimusque per eadē commeatus. Nostro sine dubio, a gravi ira, accedit sanguinis extravasatio, inflammatio & inde suppuratio. Parva autem suppuratio brevi potest ampliari & latius progredi in mesenterii compage: largiter obessa pinguedine, quæ in liquamen saniosum facile liqueficit. Quod vero purulenta materia alvo expurgata, tribuendū natura beneficio: & quod in urina comparuit pro-

a venis resorptum , & per renale cri-
brum excretum , eodemque modo et-
iam successit puris siccatus , integris
pulmonibus renibusque . Quin novi , u-
tero ulcerato , per asperam arteriam
rejectum fuisse pus , illæsis plane pul-
monibus . Soli etiam naturæ debetur
sanitas recuperata ; nec minus provi-
dentiæ divinæ , si tam periculose labo-
rans invenit medicum , qui morbum
perite & leniter tractare novit . Sed
quia ejusmodi abscessus per quam faci-
le rerudescunt , exacte ad sanitatis re-
gulas vita instituenda , & vitanda cum
cura cuncta , quæ ad mali recursum fa-
cere possunt .

OBSERVATIO VI.

Lenta febris post tertianam curata. Fœmina triginta annorum , tenera ,
victum tenuem , mollem , per multos
annos suetum , cum crasso & duro per-
mutarat , & carnes infumatas piscesque
salitos liberaliter ingesserat . Incidit
hinc primum in tertianam notham , a
qua post mensem liberata , ad stomachum fulciendum osa est tinctoria ape-
ritiva *Mæbii* , ex spiritu salis , cum tale
tartari , torna solis tincta : hac adeo au-
cta appetentia , ut vix famem sedare
posset . Paulo post persensit virium la-
psum appetitusque prostrationem ,
cum æstu interno ac phlogosi , pulsu
vesperi ac post cibum semper multum
increbescente , successit tandem lan-
guor universi corporis , pedumque tu-
mor ac dolor contusivus . Medicum igi-
tur accivit : qui , quum primam regionem
saburra acidorum humorum ob-
fessam esse recte concluderet , lene de-
dit emeticum , ex tartari emetici uno
& dimidio grano , aquæ menthæ uncia
& julepi rosarum drachma . Assumto
hoc , ingens copia viscidæ amurcæ viri-
dissimæ , instar æruginis æris , vomitu-
rejecta , quæ instillato oleo tartari per
deliquum , flavum induit colorem , lu-
culento indicio , ex bile & acido corro-
sivo eandem esse confitam . Mitior
inde redditus calor , & molestus ossium
dolor complacatus , vires quoque repa-

ratæ . Nihilo minus , ad reliquum ex-
turbandum , tertio die iterato datum
hoc pharmacum , & evocata tam per
superius , quam inferius os , similis indo-
lis recrementa . Postea vero datum eli-
xirium nostrum balsamicum stoma-
chale & pulveres præcipitantes cum
duplicito arcano , tam salutari effectu ,
ut brevi post febris hæc cum omnibus
symptomatibus discederet , & agra-
cum valetudine in gratiam rediret .

Epicrisis .

Ortum duxit lenta hæc febris ex
primæ regionis cruditatibus , quas in-
genuit voracitas , post febres superatas
solemnis , & usu spiritus salis adacta .
Licit enim aperitiva *Mæbii* tinctoria
stomachi vitiis appetitum excitando
& digestionem facilitando egregie o-
pituletur ; ubi tamen ventriculus plus
appetit , quam coquere potest , noxam
potius affert , quam emolumentum .
Recte igitur datum vomitorium , qua
saburra acido-biliofa , morbi causa
exturbata , sicque simile sublata sym-
ptoma cuncta .

OBSERVATIO VII

Novi senem ostuagenarium , robu-
stæ naturæ , & ob nimiam sanguinis mus sa-
redundantiam singulis mensibus hæ-
morrhoidum fluxui obnoxium , cete-
rum bene valentem & bene appeten-
tem , in primis quum quotidie vini li-
beralem haustum biberet cum oble-
ctamento . Hic tandem autumno , con-
fecto itinere , & pota cerevisia minus
descœata , ingestis quoque alii fer-
mentescentibus , digestionis turbas &
flatulentias expertus est ; substitit paulo
post hæmorrhoidum stillicidium ,
appetitus periit , vires successive conci-
derunt , ructus facti continui , cum co-
natu ad vomendum , os siccatum , alvus
oblerata , pulsus celer redditus ac debili-
lis . Hæc durarunt per duos menses , &
graviores indies facta , tandem frustra
adhibitis omnibus , vitæ attulerunt fi-
nem .

Epi-

Epicrisis.

Senes levi ex causa & errore commisso, in graves, immo funestas, ni mature succurratur, incidere possunt affectiones. Quando enim sanguis hemorrhoidalis, evacuari solitus, retinetur, neque per tempelitiam venæ sectionem ad liberum circuitum traducitur, stagnat in visceribus, & ad corruptionem vergens, putridam talem febrem, quæ in febribus marasmi nomine venit, inginit.

OBSERVATIO VIII.

Hectica ex corrupione sphacelosa in intervalethalethalis. Vir quadragenarius, tener constitutione, post longum animi mœropionem & vitam sedentariam, incidit in languorem virium, corporis mœrorem & appetitus prostrationem, calorem præternaturalem, cum pulsus debili & frequenti, somno parco & interrupto, facie plumbea, oris siccitate perpetua & sudore maturino. Quum his per sex septimanas fuisse detenus, ob alvum adstrictam summis purgans, ex diagrydii sulphurati gr. 2. cum tartaro vitriolato, quomultum dejicit & diutius quam per ostidum. Inde vires adeo conciderunt, ut animus facile deficeret in situ erectiori, calor etiam increbuit, & accessit tandem summa præcordiorum anxietas, ad quam levandam vena aperta, & aliquot uncia emissæ sanguinis fluidi & floridi. Licet autem anxietates hoc facto levarentur, æger tamen, ob virium plenarium lapsum, animam haud ita multo post efflavit.

Epicrisis.

Hectica hæc febris est, enata procul dubio a sphacelosa visceris cunctam, ac ut videtur hepatis, corruptione. Non enim novum est, quod in languidioribus & diurno mœrore affectis, viscera ob sanguinem stagnantem abeant in putredinem, ac teste cadaverum sectione compareant nigra, tanto magis, si

vita accessit sedentaria. Signa ejusmodi corruptionis internæ sunt, plenaria appetitus & virium prostratio, somnus nunquam reficiens, facies livida plumbea, carnes flaccidæ, conatus ad vomendum & colliquatus sudor. In nostro notatu in primis dignum, quod ab unica exigua purgantis dosi incomprehensibilis alvi fluxus inductus. Neque tamen effectus hic tam purgantis virtuti, quam potius intestinorum inflammationi & humorum acridini tribuendus. Caveat igitur medicus circumspctus, ne, ubi motu intestino continuo vires consumtae, & massa sanguinis recrementiis humoribus gravis, quipiam drasticis purgantis præbeat & perversa incurrat judicia.

OBSERVATIO IX.

Fœmina sexaginta & trium annorum, tenera admodum, ante quinque menses terrore fuerat perculsa gravi, & confessim molestam trahitionem & tensionem in artubus persenserat. Ante tres menses supra claviculam sub musculo mastoideo in utroque latere exortus tumor, qui rebellis fuit, nec ullis cedere voluit remedii. Interea lenta & vires consumens febricula, ab aliquot jam mensibus ægram incessit, cum ardore, in volis manuum & plantis pedum, præsertim circa medianam noctem affligen. Accesserunt per intervalla capitis pulsantes & tensivi dolores, qui sub cute, modo huc, modo illuc discurrerunt, ad cervicem, quin ad gingivas usque. In artubus sæpe tractiones fibrarum musculosarum, oculis conspicienda, cum dolore lancinante adfuerunt. Nausea quoque cum anxietate, nec non tormina ventris obscura, nonnunquam affligerunt, alvi lecessu ut plurimum soluta. Appetitus fuit prostratus, urina crassa, turbida, rubra cum sedimento & cuticula oleaginosa, præsertim paroxysmo finito secessit.

Om.

Omnia autem hac symptomata, mox secundo, mox tertio die invaluerant, cum pulsu celeriori, qui tamen frequens semper fuit, sed exiguus.

Epicrisis.

Affectus hic merito lenta consumens febris dicendus. Originem dubio procul traxit a vehementi terrore, cuius tanta vis est, ut, præsertim in eacochymico corpore, totam oœconomiam motuum, tam vitalium, quam secretoriorum & excretoriorum, pervertat, nervosarum quoque & fibrosarum partium systema valde debilitet, & ad spasmos, contractions & dolores disponat. Eadem terrori etiam debetur glandularum colli tumor, qui ad lentæ febris generationem multum contulit. *Hippocrates* enim jam eas febres, quæ glandularum tumoribus accedunt, lentas & periculi non expertes judicavit, tum quod sub musculo crasso siti sint intractabiles, tum quod nervos vicinos distendendo, febrilibus spasmis subministrent occasionem. In curando hoc morbo primum fuit, ut primæ viæ a sordibus repurgarentur. Hinc magnesia cum sale Epsonensi ad drachmam dimidiā data, cum lacte amygdalino mannato, & clyster injectus ex decocto avenaceo, manna & chamoillæ floribus. Mane jejunio ventriculo potum caponis brodium, cui incocta radices petroselini, sceniculi, cichorii, herba nasturtii aquatice, addito cancerorum fluvialium succo. Oblatus tum quoque pulvis ex cancerorum lapillis, nitro & solutione oculorum canceri. Potui ordinario servit prisana. Exterius glandulis tumidis & dolentibus impositum emplastrum diachylon simplex, cum spermate ceti, oleo hyoscyami, croco & camphora. Et ad artuum dolores complacandos, linimentum discutiens & antispasmodicum inunctum. His ægra per DEI gratiam, intra mensem, ex ancipiti levata, & febris persanata.

OBSERVATIO X.

Juvenis melancholico-cholericus, *Hecticus*, vigesimum annum egressus, compositionibus & ebrietati intemperantibus, in juventute bibuimus aliquoties hæmoptysinæ, passus fuerat, cum pectoris angustia, & quasi ebullientis sanguinis sensu circa præcordia, semper tamen liberatus tempestiva venæ sectione, pediluviosis & congruis temperantibus atque nitrosis. Accidit vero, ut vehementi ira aliquoties commoveretur, quam sequuta notabilis virium & appetitus prostratio, spirandi difficultas, somnus inquietus, sudor matutinus, tussis vehemens, cum copioso ad libram minimum quotidie screatu, pulsus celer, a meridie potissimum ad medium noctis, cum calore in plantis pedum, & volis manuum, urina turbida rubra, interdum cum sedimento, interdum tenui, corpore simul contabescente. Sic per duos menses, varia Medicorum consilia expertus est & artificia ex pectoralibus, antifebribus & refrigerantibus, sed frustra. Tandem nostrum petiit consilium; vix tamen dubiam, rebus sic comparatis, salutis spem facere potuimus. Interim laetis suasi potum, quod quotidie bis cum decocto fabarum Coffee hausit; loco potus bibit decoctum ex radice scorzonerae, cichorii & rasura cornu cervi, cum passulis minoribus, potavit quoque Selteranas cum lacte ad mensuram quotidie, sumbit subinde gelatinam cornu cervi, usurpavit pulverem ex radice ireos Florentinæ, liquiritæ, lapidibus cancerorum, nitro & saccharo. His per mensem alternatim usurpati, melius habere cœpit, astus mitior factus, & appetitus rediit. Hinc continuavit laetis potum & pulveris usum, subinde quoque juncula ex carne vitalina sumbit, simulque appetentior placentarum ex iis, quæ minus graves & viscidæ, liberaliter quotidie comedit. Sic tandem præter omnium spem symptomata.

mata complacata, & æger tantum non desperatus, binis mensibus exactis, surrexit, sensimque convaluit, ac bienium supervixit sanus & integer. Sed quum postea antiquum obtineret, & liquores spirituosos, terevisam, vinum, maximeque spiritus ardentes, ingurgitaret effusus, nocte intemperata perquam frigida e compotatione ebrius domum tendens, in platea subito concidit, ac domum portatus, morte extensus est subita.

Epicrisis.

Ex rariis hecticæ curationibus est hæc: aderant enim omnia hecticæ febris signa. Sed quia primum acciti medici adversus phthisicum malum pectoralibus & dulcibus tantum pugnarant, nec humidum deficiens resarcire, nec humorum acrimoniam demulcere laborarant, parum potuerunt proficere. Ipse enim eventus per remedia procuratus docuit, causam hujus febris magis in humorum vitio, eorumque viscositate & acrimonia fuisse positam, quam in labe, corruptione, aut exulceratione visceris. Patet igitur, in hectica febre non semper spem esse abjiciendam, si in juvenili ætate, subito, ex prægressa mala diæta incidit, uti quidem heic factum est.

Cæterum de febribus lentis & hecticis plures jam prodidi obser-
vations in Medicinæ consultatoriæ
Tom. II. Sect. IV. cas. CLXXXII.
usque ad CXC. quas evolvendas
commendo.

C A P U T XIV.

De Febribus Symptomaticis.

§. I.

Sympomaticæ febres dicuntur ære, Sympto-
quæ aliis morbis primariis, vel maticæ,
tonticis externis lesionibus, ceu sym- febres
ptomata, ob systema nervorum inde qua dæ-
male affectum & gravius irritatum, cantur.

accidunt, nec typum exquisitum servant. Sicut enim omnis generis febres nervosi maxime generis affectiones sunt, & a variis generis causis, hoc impensius afflignantibus, stimulantibus & commoventibus, originem ducunt, sic etiam eodem ex fonte derivandæ symptomaticæ, quibus inducendis causæ velificantur pariter multæ.

§. II.

Morbis aliis primariis acceditur.
Ex iis, quæ aliis morbis adjunguntur, notabilis maxime illa symptomatica, seu secundaria febris, quæ in variolis observatur. Nimirum quando post quartum diem prima-
ria febris, expulsa ad corporis ha-
bitum exanthematica materia, de-
ferbuit, nono ut plurimum die, quo pulsula suppurari & maturescere ini-
cipiunt, ob impensum qui inde fa-
scitatur ardorem atque dolorem, no-
va accenditur febris, cum pulsum celeritate, æstu interno, siti, vigilia,
inquietudine, quin delirio, quæ undecimo die haud raro laborantes necat, præfertim si adultiores & con-
fluentibus obsessi. Dein dolores ar-
thritici, rheumatici, podagra, chi-
ragra, ischiatis, nec non erysipelas in primis capitum, semper incipiunt cum insultu febrili, frigore & æstu, sub quo ad cutim & articulos agi-
tur ex interaneis acris recrementitia materia, ibique acerbos suscitare do-
lores, qui novam carent febrem, eo graviorem, quo graviores ipsi. In dentium quoque gravi dolore, ma-
ximeque difficiili infantum dentitio-
ne, jungitur, ob cruciatum, frequens
tissi-

tissime febris symptomatica, quæ periculi non expers, quin in teneris saepe epilepticæ convulsiones sequuntur. Hæmorrhoidibus porro coecis impensis dolentibus, saepe febris, cum horripilatione, vigilia & tremore partium complicatur. Neque minus glandulis induratis, tumentibus & dolentibus febrile symptoma accedere solet. Nullum etiam dubium, quin in pestilentia, si anthrax, seu carbunculus, qui tumor est ardens & acutissime dolens in musculosis partibus, febris accendatur, majusque intenter periculum.

§. III.

*Vel exter-
nis le-
sionibus.* In puerperis præterea, tertio ut plurimum a partu die, febris supervenit symptomatica, lactea dicta, cuius origo nulla alia, quam quod obuterum, enixo partu, iterum contrahetum, magnus sanguinis ad mammae fit appulsus, quo corporibus glandulosis & fibris nerveis male affectis, dolor inducitur tensivus, febrilem insultum ciens. Si abscessus & apostemata fiunt in partibus, præsertim nervosis & glandulosis, in inguine bulbones, aut in axillaribus & mammariis tumores apostematodes, complicantur febres, saepe gravissimæ, & cum dolore junctæ. Idem accedit, quando pars exquisitoris sensus ambustionem graviorem & ampliorem patitur. Neque minus ex symptomaticis febris sunt illæ sic dictæ vulnerariae, quæ læsionibus ac vulneribus, manuum præsertim & pedum, nec non aliarum nervosarum partium, pericranii potissimum & meningum, accedunt, quæ etiam fiunt, quando tendines, vel nervi, sub venæ sectione improvide punguntur, vel aliis acutis instrumentis lacerantur, eodem modo ac evenire solet, si pleura, peritonæum, aut intestina sauriantur. Quin si vulnera & læsiones partium acutius sentientium, acribus & causticis medicamentis, injectis aut inspersis, tractantur, intenduntur non modo dolores, sed & haud

raro febres ardentes & continuæ ingnuntur. Tanto certius autem tanquam majori cum periculo hoc accidit, quando nervosis partibus communicatur plane venenum, ut sit in morsu canis rabidi, nec non quando mercurius sublimatus, aut arsenicum, carcinomatibus induntur. Demum non prætereunda illa febris, supra omnia, quæ vermis & calculo accedit. Non enim adeo insolens in verminantibus febris, putrida dicens merito, quæ irregularis admodum, cum nausea, abdominis torcularibus, urina limosa, alvo ut plurimum laxa. Quæ autem calculo jungitur, oritur a doloribus acutis, tum maxime, quando per uretheres nervosas molitur transitum.

§. IV.

Ita autem omnes hæ symptomaticæ & continuæ febres sunt comparatae, ut universam oœconomiam functionum, vitalium in primis & naturalium, pervertant, vires frangant, multaque exitialia symptomata, deliria, convulsiones & epilepsias, inducere possint. Plane omni tamen destituuntur utilitate, nec sicuti aliæ febres, removendæ & vincendæ causæ serviunt, multo minus sufficiunt. Hinc utique peritus Medicus eo dirigere debet in earum curatione medicationem, ut cito anomalous hos febriles motus compescat, eorumque vehementiam oxyssime retundat. Longe facilius enim & melius hoc in symptomaticis hisce perfici potest febris, quam quidem primariis, eo quod illæ tantummodo a tensione & spastica strictura nervosarum partium, tanquam a causa immediata, proficiuntur; hæ vero a causa materiali, non cito transeunte, sed permanente, ortum ducunt.

§. V.

Curatio ipsa sic instituenda, ut causam amoliendis sit opposita. Quod si læsione partium nervosarum & tendinosarum, vos externarum, quam internarum, tanta-

maximeque ipsius capit is , insultus accidit febrilis , nullum præsentius & securius auxilium , sanguinis missione , & quidem in parte propinqua instituta . Vulnerariæ enim hæc sic dictæ febres , oriuntur potissimum a sanguine effuso , in partibus sauciatis decumbente . Expedit vero , ut mature id fiat , præsertim in iis , qui sanguine abundant . Post venam sectam , discutientium , resolventium & diaphoreticorum usus longe efficacior , quam hac neglecta . Nos cominendamus potionem ex aqua scordii , cardui benedicti , chærefolii , scabiosæ , acetato destillato , aqua theriacali , lapidibus cancerorum , antimonio dia-phoretico , mixtura simplici cum syrupo acetosifatis citri , adjecto interdom pulvere lumbricorum terrestrium , interdum sanguine hirci . Melius adhuc vinum bonæ notæ Rhenanum , cum succo cancerorum fluvialium mixtum , addita lapidum cancerorum drachma & theriacæ drachma dimidia . Sic enim conflatum potio , ad inflammationem & sphacelationem arcendam , virtutis præstantissimæ .

§. VI.

Si a doloribus partium sensibiliis. Quando symptomatica febris ab atroci dolore , partium præsertim nervosarum & sensibilium , accidit ; omnia , quæ sine noxa dolorem levant & sedant , ex usu sunt , id est , ea , quæ blanda virtute vaporosa anodynæ pollent . Horum classem ducent flores aquarum fragrantium , uti tiliæ , primulæ veris , acaciæ , liliorum convallium , alborum , fimbrii , rosarum , papaveris rhœados , pœoniæ , nymphæ , nec non blanda papaveracea , emulsiæ scilicet ex seminibus quatuor frigidis majoribus , cum semine & syrupo papaveris albi , & maxime omnium liquor noster anodynus mineralis . Laudatissimi enim hæc in dentitione difficili , calculo & colica cum febre sunt usus . Neque etiam , nisi irritis his , si necessitas urget , confugien-

dum ad opia & narcotica , mas-sam pilularum de cynoglossa , dia-codion montanum , laudanum cy-doniatum *Helmontii* , *Sydenhami* & quæ plures hujus farinæ compo-sitiones . Quando dolori ex inflamma-tione supervenit symptoma febris ; *Et in-*
Hæmato-
interne diaphoretica cum nitrosis
flapan-
mixta , omnia fere reliqua virtute
tibus .
antecellunt , quia nihil magis in-flammationem discutit , quam ni-trum , præsertim cum fixis dia-phoreticis & camphora mixtum , & quæ discussa , & dolor cessat , & febris .

§. VII.

Quæ a causa exteriorum topo-
rum usum admittente , inducitur
symptomatica febris , præter inter-na , exterius etiam poscit demulcen-tia , dolorem mitigantia & fibras
duræ strictas mollientia & relaxan-tia . Sunt hæc maxime necessaria
in tumoribus venarum hæmorrhoi-dalium , in tumoribus & doloribus
artuum , glandularum inguinalium
tumore venereo , in tumentibus
mammis , colli glandulis , nec non
si sub infelici venæ sectione pun-
ctus nervus aut tendo , si animal
rabidum , aut insectum intulit læ-sionem . His in pathematis exi-mie conduceunt cataplasmatæ ex fi-cubis , radice & foliis liliorum al-borum , melle , farina scenu græci ,
cepis tostis , vitello ovi , lacte &
cremore lactis , cum croco ; deinde
nobili pollet virtute emplastrum
diachylon simplex , mixtum cum
sufficienti quantitate croci , vel cum
spermate ceti & oleo hyoscyami ;
porro dolores egregie mulcent &
spasnum laxant vesicæ , decocto
emolliente plenæ , & parti afflita
crebrius calide impositæ ; neque ad
temperandum ardorem & strictu-ram remittendam inutilis est muci-lago semenis psyllii , cydoniorum ,
aut lini , cum aqua rosarum facta
& crebrius illita .

ENARRATIONES
MORBORUM.

OBSERVATIO I.

Febris verminosa. Virgo teneroris constitutionis, quatuordecim annorum mensum fluxum parcissime experta, incidit in febrem, continuo, lento calore per duas hebdomades afflagentem, cum tuis sicca, & alvi fluxu, quo multa foetida cinericei coloris excrenebat, languor occupabat totum corpus, & facies pallido foedabatur colore, accedebant quoque crebrius dolores acuti circa spurias costas, urina erat pauca, & crassum sedimentum deponebat. Indicabatur lenta febris a mensum obstrukione prognata; ideoque ad emovendos hos varia a mulierculis ingerebantur. Vocatus ego, quæsivi: num forsan antea vermis laborari? dixerunt: ipsam dulcibus & placentis admodum oblectari, atque etiam ante aliquot menses lumbricos quosdam per alvum excreuisse. Exhibui igitur potionem ex rhabarbari drachma, seminis santonici drachma dimidia, salis tartari scrupulo, aquæ florum acaciae uncis sex, spiritus vitrioli guttis xx. infusis in calido loco, de qua dimidiad partem pro dosi summis. Expurgatis sic leniter primis viis, ptisanam pro potu ordinario dedi hanc recipere hordei mundi manipulos duos, radicis scorzonerae, rasuræ cornu cervi, radicis cichorii ana unciam, herbe scordii manipulum unum, coque in aquæ fontanæ mensuris quatuor per horam, colaturæ addere syrupi acetositatis citri uncias duas. M. Interpositus quoque interdum fuit usus pulveris, ex pulvere semi-nis santonici, cornu cervi usci, rhabarbari ana drachma una, nitri purificati, salis polychresti ana scrupulis duobus, qui ad serupulum una vice sumtus. His per mensem & ultra usurpati, egregie convaluit,

licet nulla amplius lumbricorum succederet excretio.

Epicrisis.

Febres verminole a lentis & hecticis differunt in eo, quod hæc post cibum sumtum & vesperi ingravescunt, in illis vero hoc non observatum. Deinde quoque febre ex vermis junctum plerumque habent alvi fluxum, quo foetida & cinerea recrementa secedunt, urina turbida cum limoso sedimento mingitur, in lentis autem & hecticis hæc non praestò sunt. Discerni tamen hæ febres inter se debent ex causis antecedentibus, vietu maxime, ex dulcibus, lacticiniis, alijs viscosis & fermentescentibus, optime vero si jam ante secesserunt lumbrici. In medicatione autem, si febris complicatur cum alvi fluxu, abstinendum a anthelminticis, validioribus purgantibus, a mercurialibus, a sagapeno, a safoetida, tanaceto, quæ alias specifica adversus vermes, sed utendum acidulis cum amaris mixtis. Acida enim non modo calori, sed & putredini verminole egregie resistunt. Plerumque tamen vermes non excernuntur, si febris juncta, quia æstu febrii dissolvuntur in putridum magma. Ego etiam tali in casu cum fructu usus sum potu acidularum Selteranarum, correctarum prius spiritu vitrioli, instillatis mensuræ triginta ipsius guttis, quo laxamentum acquirunt virtutem. Quæ pro diversa ratione ætatis & corporis, majori, vel minori dosi quotidie offerri possunt.

OBSERVATIO II.

Juveni 20. circiter annorum, ma- Febris ex cilento & sensus exquisitoris, forte punctura scalpellam librarium e manu excide- tendinosis rat in pedis dorsum, partemque hanc tendinosam cuspidi acuta pupugerat & lauicarat. Postero die, antea perfe- cte sanus, incurrit acutum partis læ- sa dolorem, cum febre, siti, præ- COR-

cordiorum anxietate, vigilia, quin
mentis quadam alienatione. Miss
tum, quia plethoricus erat, illico
sanguis e brachii vena, & data
emulso ex amygdalis dulcibus &
semine papaveris albi, cum aqua
florum sambuci, tiliæ & acaciae pa
rata, quam tam solam, quam cum
pulvere ex matre perlarum, lapidi
bus cancerorum & nitro sunifit.
Oblata etiam mixtura diaphoretica
& discutiens, cum diacordio *Fra
castorii*. Et exterius vulnusculo par
tique dolenti impositum emplastrum
nostrum discutiens & anodynum.
Quibus per aliquot dies usurpatis,
febris cum omnibus symptomatis
descessit.

Epicrisis.

Quotidiana testatur experientia,
quam periculosæ sint nervosarum
partium lœsiones, & quam perni
ciosa invēhant symptomata. Nulla
autem alia horum omnium reddi
potest ratio, quam quod universa
nervorum compages, una tantum
nervosa parte gravius lœsa, conser
nit, & motus inordinati vehemen
tes in hac excitati, per totum ner
vorum systema facile propagentur,
uti fuisus deduxi in tom. 3. *Medi
cation. Systemat.* Sect. 1. pag. 5. Di
scimus vero etiam ex hac observa
tione, morborum causas, non tan
tum in materiæ nocentis quantita
te, aut qualitate, consilere, ve
rum sèpius etiam motu vitioso &
inordinato niti. Atque adeo perpe
ram agunt medici, qui in ejusmo
di morbis ad humorum correctio
nem, aut evacuationem, animum
& medicationem diriguunt. Præci
puum potius tum in curando sibi
 vindicant locum, quæ motibus hi
 see turbulentis complacandis ser
 viunt, quorum in numero cum re
 liquis anodynis sunt potissimum
 opia corpra, quæ alias minus
 quadrant, ubi pernicioса quantitas
 sola, vel qualitati noxiæ nupta, in
 causa est.

OBSERVATIO III.

Juvenis viginti aliquot annorum,
sanguineo-cholericus, in Academia
solertius Veneri & Baccho, qua
Musis litarat, & ante biennium
sub confictu cum sodali vulnus ac
ceperat in thorace, quod consolida
tum, pectoris quandam gravitatem
& difficilem sub ascensiū acclivium,
aut ambulatione incitatiore, spi
rationem reliquerat. Hic vere ini
tiante conqueri cœpit de virium
languore, capitis dolore, inappa
tentia, somni defectu, calore fe
brili, modo vesperi, modo noctu,
post levem horripilationem, ipsum
infestante, sub sequente mane sudore
largo, admodum debilitante,
cum majori respirationis difficulta
te & dolore in loco veteris circa
mammillam vulneris. Medicum ig
tur in consilium vocavit, qui mix
turis discutientibus & diaphoreticis,
emulsionibus demulcentibus & refri
gerantibus, pulveribus quoque tem
perantibus cum succo citri, febrem
oppugnavit, interpositis subinde la
xantibus blandis mannatis & rha
bararinis & data pro potu prisana.
Sed frustra. Licet enim & capitis
dolor evanesceret, sudores matutini
& febris vehementia tantisper
minuerentur, respiratio quoque libe
rior redderetur & appetitus melior,
insultus tamen febrilis perstet sem
per, post medianam noctem accedens
& sudore discedens, relicto miro
corporis languore & debilitate, ut
lecto etiam affligeretur. Hinc Me
dicus, dissolutionis ægri vitæ ratio
nis non ignarus, forsitan occultatam
causam subesse suspicari cœpit, & in
eam serio inquirere. Confessus igit
ur tandem est æger, in inguine
dextro, durum quid protuberare,
sed levem admodum ex eo se sen
tire dolorem, & credere, esse for
san ejusmodi tumorem, quem di
cunt *eine Wachs-Beule*. Erat autem
vene.

*Febris
buboni
accidentis*

venereus bubo , qui impositis emollientibus , maturuit , & apertus magnam fudit puris copiam , quo evacuato , febris sensim magis magisque remisit , omniaque symptomata discesserunt , donec æger , traducto intra tres hebdomades ad consolidationem abscessu , penitus ad sanitatem redibat .

Epicrisis .

Ex hæ historia id tantum occurrit notandum , quod febres ex glandularum tumoribus ortæ , teste ipso Hippocrate , perniciosa sunt , maxi-

me omnium autem , quando causa tumoris materia virulentæ indolis , uti in bubonibus venereis , ubi in curando , non modo ad febris impetum compescendum , sed & ad venenum e corpore eliminandum , respicere decet medicum . Dein meretur & illud notari , quod partes olim a vulnere quodam lœse internæ , a contracto postea morbo , vel febre , rufus præ aliis pejus afficiantur , & pathemata ibi affliger soleant extraordinaria , manifesto indicio , diu latitare posse partis imbecillitatem & labem , facile exacerbandam .

*Partis I. Tomi IV.
F I N I S.*